

გური ოტობაია
სივოსხლეისჯილაბი

|
ფრთოსანი ჭიანჭველა







ერთი
© ბელეტრისტის
ტრიბუნა

გური თობაია

სიცოცხლისეშისჯილები

რომანი-ტრიალა

ფროსანი ჭიანჭველა

წიგნი

I

თბილისი

2005

სონეტი ბუტუტისა

ეთექედინუ ბუტუტია, მუჟამე ფსუაქაჩანუნი,
მუჟამე დიხას ქიდიტენს დოჟინცას გორუნს დოხორესუ,
მუჟამე ცვერეთე მიახიოლგ მურიცხეფიშე ნოცორეფსუ,
მორო მითინს ფსუაშე უმშოთ უღურალა ვაჭარუნი.

ბუტუტია დინაფილგ რე ოდაბადეს ვაჯანუდა,
ულირგ დლაში გოჯოგაფა ვამუხუნანს წოხოლენსუ,
ინას ფსუა მეუცოთანს მონტერე დო მხოლესუ,
მორო სინთე ვადარზინე ფსუათე ვეგლეხვარჩალუდა.

ვემიდინე სოვრეთინი გურცუ მუგდა ვეპალუნი,
ტყია ზეპეს ბაჩაჩიას, მუჟემს ართშა გეცალუნი,
მინშა ჯვარიშე გეჰკადუა ულიებუ ხვამა დლა რე.

ვეგებ გვალო გედორონთი ფსულეფქუ ეფალუნი?!
მაფურინჯე, ბუტუტია, დურა მუში მამარდა რე,
რინაშე ნება ქორდასგნი, ქიანა მუში მაფართა რე.

ფრთოსანი ჭიანჭველა

THESIS*

რინა* პირველი

ბუტუტი

142857

ჭიანჭველა მაშინ იღუბება, როცა ფრთა გამოუვა, მაგრამ უკვდავება ფრთების გარეშე არ არსებობსო, აეკვიათა დილიდანვე ბიძის შეგონება კოჩია ჰალიძონიას. ცხრა საათისათვის მიყოლებით დაკლა ბურვაკი, ინდაური და ქათმები. საღორეს ამოფარებულ და თითებით ყურებდაცობილ ვაჟიშვილს გასძახა, „ბონდო, შვილო, მოაშორე, ესენი აქაურობასო“, თან ხელსაბნისაკენ დაძრულმა გასისხლულდანიანი მარჯვენაც მიაშველა დავალებას.

ზვარაკეულობა სამზადის გაჩაღებულ კერიასთან ურიკათი მიიტანა გასაფუფქავად ბონდომ და ის იყო, სამფეხზე შემოდგმულ ქვაბს თუნგია დაუმიზნა აკვარჩხალეული წყლის გადმოსაღებად, რომ „არიქა, ჯეგე მასწავლებელი გიხმობს, ნანაგეო“, უთხრა ყმაწვილს გადიდა მათამ და თვალებით ალერსად დამდნარმა ჭურჭელი გამოართვა.

— შვილის დღეობა მაინც რომ არ ჩამამწარდეს, დაიქცევა ქვეყანა? — წაიღრინა თავისთვის კოჩიამ, როცა არხისაკენ თავქუდმოგლეჯით გაქცეულ პირმშოს შეასწრო მზერა. „ცოპ! ფრთოსანი ჭიანჭველა! თაფლი აცხია იმ წყულს?! ისე მიუხარია ძმათამკვლელისაკენ, მიწას ფეხსაც არ აკარებს!“

ჯინი ანთარმა და ბონდომ ჭყონკაკუტის უკაცრიელ კუნძულზე ტომრებით გადაზიდეს ქათო და ქვამარილი.

წინ რქანამგალა ლომა გამორბოდა. ქვეყანას მონანგრევდა ჯოგის

მეთაური. ფეხდაფეხ მოსდევდნენ ტანსრული ფურკამეჩები და მოწითლობალნიანი შიშაგები. მოკუნტრუშობდნენ კუდაპრეხილი ღოღოები და ღოტეები. მოზოზინებდნენ მაკეები.

— ხომ დიდებული სანახავია, ბუტუტი?! — ჩაეკითხა მოძღვარი, — შავ სოლს არა ჰგავს ჯოგი, წკვარამიდან სამშეოში გადმოტყორცნილს?!

— ჭეშმარიტად! — დაემოწმა ახალგაზრდა.

დათრთვილულ ჭალაში ლუტა ფურკამეჩილა დარჩა, რომელიც ხშირ ბალახებში თავს მალმად ხრიდა, აქვე პირუტყვის უზაკველი სათნოებით დროდადრო წყვეტი-წყვეტილად მოაყროყრებდა ოსტატსა და შეეგრძნობდა.

— ალბათ, ზაქი მოიგო რქენიამ, — ჩაილაპარაკა მხცოვანმა დაკენ-ტად დარჩენილი კამეჩისაგან წაწეულ ჯეგელს მაჯაში სწვდა.

მკერდზე მოხუტებული, გასლექილი, პრიალადრუნჩიანი კოტი-ათი, მალე მობრუნდა ჟინი ანთარი ტოლით შემოჭედილ სადგომებთან. ბონდო საურველით უტრიალებდა ჯოგს. თითოეულს საგულ-დაგულოდ აცლიდა ბაძგარიას, ბირკასა და მკებნარს. ცოტაც და ცხიმწასმულ-რქაგაპოხილი კამეჩები გიშრისფრად ალაპლაპდნენ.

სისინებდნენ კაცის სიმაღლის ლელიანები და გორახგორახ შექუჩებული ისლები.

როდის-როდის მიუბრუნდნენ ჭურჩის გაშლილ სანახებს.

დღეობაზე ეჩქარებოდა ბონდოს და კისერი აკაციის ტევრისაკენ ეღრიცებოდა, მაგრამ ჟინი ანთარი აინჟმიაც არ აგდებდა თანამგზავრის მოუსვენრობა-წრიალს.

— დუდუდუ-დუდუ, დუდუდუ-დუდუ! — აიჩემა რატომღაც და კვლავინდებურად ლელიანში მოტორიანი ნავით დაათუხთუხებდა მოწაფეს.

მუნჩისა და ოხოხულეს გავლით, ოზორმეხეს სათბურებში მოშენებულ სამკურნალო მცენარეებს წუნწუხი დაუსხეს.

იქიდან ოხეჯასა და ქვიშილის მღვრიე-მღვრიე ნაკადებს დაუყვანენ. მუხურჯინჯის მისადგომებთან თავიდან ბოლომდე დაუარეს წყალსატევს. ყურადღების გასინჯეს წვრილადნაქსოვი უჟანგავი მავთულ-ბადე. წაბლისფერბეწვიან წავებს და მუქნაცრისფერი შეფერილობის ნუტრიებს ორ-ორი კალათი თევზი ჩაუცალეს საკვებურებში.

მოგვიანებით ბუკისა და წკვერემიას მობუყბუყვ ლამებში დაბი-

ნადრებული სარკისებრი კობრი მოინახულეს. გვერდი აუქციეს ფეხ-დაუკარებელ ჩალმებსა და ჩირებს. თორსას და ონწყვეწიას დუმფარებით დაფარულ წყლებზე ნიჩბების თრევამ მკლავები მოსწყვიტა ბონდოს, მაგრამ გულთმისანი მასწავლებლის წინაშე დალღას როგორ შეიმჩნედა?!

— რამდენადაც გადაქათათებულა, იმდენად ვერაგია ონწყვე-შია, — თქვა მოულოდნელად ჟინი ანთარმა, — ასობით კამეჩი და ძროხა ეყოლება ჩათრეული. ცხრაას ოცდაერთში სამი სალდათი დანთქა ოხერმა... ერთხელ გავიხედე და რას ვხედავ?! ჭაჭია ქობალია ხომ გახსოვს, ჰოდა, მის შუათანა ძმას, ნირგას, ცხენდაცხენ არ მოსდევს მათუ-ზერგაში მვლებული კოლი ჭანია?!

მე მომპარე, არა, მე? მით უარესი შენთვის! გაგკოჭავ და სწორედ მაგ კამეჩით მიგათრევე ოდაბადეშიო, მიჰყვიის. დაფეთებული ნირგაკი მრბის და მირბის ონწყვეშიას ლეჭენჭყოში. აი, ზუსტად აქ დაიძრა თვალბგადმოკარკლული. მხოლოდ ჩვენ ოთხმა, მე, შენ, კოლი ჭანიამ და ონწყვეშიამ ვიცით ეს ამბავი ახლა.

უჩაღალთან ხალიანი ყანჩა წამოუფრინდათ. მუხლებამდე წყალში მოყურყუტე მუხებთან და მიგრეხილ-მოგრეხილ თხემლებთან ყვიტყვიტით აიშალნენ გარეული იხვები. შეამოწმეს ტიოზიაზე ჩამწკრივებული საფუტკრეები. როდესაც სატანჯოსკენ მოტრიალდნენ, ფერფლისფერი მზე შუბისტარზე იღვა.

უცებ ჟინი ანთარმა ყურები ცქვითა. მოტორი გამორთო. გაირინდა ნისლში მცურავი თვალსაწიერი. შორს, შორს, ტრაქტორები გუგუნებდნენ.

კოკიასთან, წოწოლა ზვინების რიგთან გადმოსვა მასწავლებელმა მოწაფე.

— მალე დავბრუნდები! — უთხრა და ლერწმოვანებში თვალს მიეფარა.

თექვსმეტი წელიწადი მიიწურა მას აქეთ, რაც კოჩია ჰალიძონია სატანჯოელს შეეკედლა, მაგრამ აქაურ ჩანახშირებულ აკლამებზე უფრო სულ ცხვირპირმოჭმული ბიძისა ეშინოდა. მისი გონების მაგიურმა ძალამ იმთავითვე მონუსხა. დრო გადიოდა და კოჩია თანდათან ხვდებოდა, რომ ეს პერიოდი მამა და შვილი უსუსურ ჭიანჭველასავით საცდელი არსებანი იყვნენ მტკნართვალემა მოხუცისათვის.

ამ ზეგავლენამ განსაკუთრებით ბონდო მოიცვა. კვების მკაცრი რეჟიმი დაუწესა მას ჟინი ანთარმა. თვეობით მხოლოდ თაფლსა და

ხიზილალს აქმევდა. თხემიდან ტერფამდე გულისწამლები ცხიმებით ზელავდა. კიდურებს და თავის ქალას უზომავდა. წონიდა. ფეხის ადგამდე ნაკადულს მიაჩვია. ლათინურად ემუხსაიფებოდა. საწადელს მიღწეული ხელებს იფშენებდა და ის დღე ჯაგებში ბნელიანივით დაშლივინებდა.

მართალია, კოჩია პალოდონია ბიძის ლაბორატორიულ საქმიანობას ყოველთვის შიშით უთვალთვალებდა, მაგრამ თვითონაც და ჟინი ანთარისგან ბუტბუტით მონათლული ბონდოც, ჭაობნარში ცხოვრებას ნელინელ ესისხლხორცებოდნენ.

ამასობაში კოჩიას პირმშომ პირველი ნაბიჯებიც გადადგა და ადამიანის ენაზეც ატიტინდა. თვალსა და ხელს შუა წამოჩიტულ შვილში მსგავსებას ეძებდა მამა, სატანჯოში წივილ-კივილით მოხდომილ ნაცოლარს, ცირა შკვითინიას, თოფის ბათქაბუთქით დაიფრენდა ხოლომე.

ტყეში ჭიანჭველებს აბინავებდნენ. სკებსა და კამეჩებს ამრავლებდნენ. თოხნიდნენ ყანებს.

ბონდო პალიდონია უკვე თევზივით სრიალებდა წყალში. ჩაყინთავდა და მდინარის ფსკერზე იმდენხანს გაწვეებოდა, რომ მოყურადეს სუნთქვა შეუფუბდებოდა. უბელო კვიცებს ფფარში ჩაფრენილი დააგელებდა. კამეჩს კულზე ჩაეჭიდებოდა და დასალიერამდე შეცურავდა ზღვაში. ნაყარ ფუტკარს გეჯაში პეშვით გადაიყვანდა. სანადირო თოფს წაიღებდა, პანტითა და ძუძუმეფყალათი ჩანთაგატენილი კი მობრუნდებოდა.

მამა-შვილი პალიდონიები აქამდე წარმოუდგენელ ცდებს აკვირდებოდნენ, ვარდისა და ჭინჭრის შეზავებას უთვალთვალებდნენ. გამოჰყავდათ რქანამგალა კამეჩები და ოქროსმატყლიანი ვერძები; ჭურრის კუნძულებს შორის საწნახისმაგვარი ნავებით მიმოცურავდნენ, სადაც ზოგან სიმიდს თესავდნენ, ზოგან — სელს, კანაფსა და ხაშხაშს. ერთგან სამკურნალო მცენარეებს ახარებდნენ, სხვაგვან გიურზებსა და ჩხრიალებს აშენებდნენ.

ასე და ამგვარად, ჟინი ანთარის ორანმა*. კოჩია უმტკივნეულოდ დაიმონა. ბიძის ძალაუფლების ჩრდილში შეყუჟულმა მორჩილების უღელი თვინიერად მოირგო. ხსოვნიდან ვერც ძმა არდაშელის გარმაფესვებული უნდობლობა ამოძირკვა. ზვალინდელი დღის იმედად და ნუგეშად მარტოოდენ ბონდოლა დარჩენოდა, მაგრამ ისიც რომ ერთმეოლა ნელინელ?! ცხოვრებას ვერ უშხამავდა შვილს და სიყრ-

მიდანვე გამოგონილი წარსულით ატყუებდა.

— ტყუპებს ელოდა თურმე დედაშენი, — ლურსმანივით აჭედებდა ბავშვის გონებაში, — დიდხანს გვაწამა უშვილობამ, გაგვიჩნდა და... — წამოდულეზულ ცრემლს ხელისგულს უმარჯვებდა, — რანაირი წამებით დალია სული?! მეორეც გადამირჩინე, კოჩია, ძმა არ წაერთვას ძმასაო, მთხოვდა უბედურით, — ამისი ხსენება და ბონდოც მყისვე ჩაეხუტებოდა, — გავთავდი კაცი. ცოცხალია ორივე-მეთქი, ვუმტკიცებდი. მკვდარ შვილსაც სალსალამათად ვაჩვენებდი. ხელილა გაიწოდა თქვენკენ, — არწმუნებდა წარამარა. ის მკლავი მერე ზღაპრულ ცისარტყელასავით აქანავდა მეოცნებე ბიჭის სიზმრების ცაზე.

შემდეგ ნორჩი მსმენელის თვალწინ ჩაირონინებდა აჩხვლებული ჩვილის ზვინში ჩაკვებების სცენა. ძმისა და დედის აკაციის ტევრში დასაფლავების სურათი.

იმ წამიდან გამოგონილ სამარეს ველური ყვავილები არასდროს მოკლებია.

— რატომ არ დამეშრიტება თვალეზი, რატომ არ ამომერთმევა სული! ო, ბონდო, შვილო, როგორ ფართოვდება უბედურება მარტოკაცისათვის, ან რა წყუული ნაპირები ჰქონია დასაქცევს?! — იტყოდა და მოზარდიც აკაციების იქით ჩაცისფერებულ სივრცეს მიაჩრდებოდა. მეჩხერწვერიან ნიკაპზე თითებს მიუცაცუნებდა.

— მზემ მაინც გამომიტყუა აკაციის კორომიდან, მაინც მომბარუნა შინისაკენ. ბილიკიც რომ ჩვეული სიმარტივით იკლაკნებოდა! არავითარი ნუგეში სცემა, ეს ჩვენ ვესადაგებით ბუნებას ხოლმე და ვტყუვდებით: გვემოწყალაო კალთა მისი. არ ვიცი, რისთვის გადავევლე ნაკადულს და ტყუირივით რისთვის გავარღვიე ძეძვების ხლართი?! მზის შუქი დასდგომოდა თივის ზვინს, შუქი და მერე როგორი?! დილის ცვარ-ნამი ბოლავდა და ცისარტყელდებოდა საკვირველად, ხოლო წაბლის ტოტს ახალგანაყარი ფუტკარი დასეოდა. მზეს უღიმოდი, ჩემო თვალისჩინო! ხელები ამოგეცოცვებინა ჩრებებიდან, თითქოს სამყაროს ეფერებოდი, თითქოს მაუკვდავებელ ნექტარს ისრუტავდი და მეც ავჭკითინდი. ასეთი ქვითინი მიეტევება, ალბათ, კაცს! — თვალგაშტერებულ ბონდოს ამგვარად აბრუებდა კოჩია ჰალიძონია, მერე ერთგან დედის აღნაგობის აღწერა ითხოვა შვილმა და კაცმაც არ დააყოვნა. რძისფერს მარწყვისფერი შეურია. იმ საღებავით შეუფერადა ცირა შკვითინიას სახე. თმა აკაციის ყვავილების

თაფლს დაუმგვანა. შუბლი გაუსპეტაკა, მაგრამ მალხაზის ცნობის-
მოყვარეობას საზღვარი არ ჰქონდა — მტკაველ-მტკაველ, ნაწილ-
ნაწილ აძერწვინებდა დედის მხრებსა და ხელებს, ტუჩებსა და ნეს-
ტოებს და კოჩია ჰალიძონიაც ოქროსთმიანი მემკვიდრის სურვილე-
ბის უსასრულო რიგს შეძლებისდაგვარად უშკლავდებოდა.

— ხმა, ჩემო თვალის ჩინო? როგორი და აი, სატანჯოს სამრეკლოს
ზარუკელა რომ გამოსცემს ფოლადის დაკარებისას, იმისთანაა,
უხსნიდა, რის შემდეგ ჩამამბული ბილიკების გავლით უხსოვრობის-
დროინდელი აკლდამებისაკენ წაბობლდებოდა ბონდო. ძელზე მოვა-
ლალე ზარს ჯოხ-რკინას შემოჰკრავდა. ფოლადის მოგუდული კენესა
უმაღლე უსიერ ტყეში შთაინთქმებოდა. ისევ მიურაკუნებდა და გან-
სვენებული დედის ხმას მერამდენედ გამოსტაცებდა უკუნეთს.

ერთხელაც ჩაქცეული აკლდამიდან წიწილები ამოასხა ჩხრია-
ლამ. კაცთა მოდგმისაგან დაწყვეტილი ტაფობელაზე დაიგრაგნა, ირ-
წეოდა. მისმა შთაგონებულმა ცეკვამ ანგელოზი გაახალისა. ბოლოს
გარინდული ასპიტის მიფერებაც გაბედა, რამაც ბეჭობზე ამოღწე-
ულ კოჩიას მუხლები მოჰკვეთა.

— უხსენებელი დასვი! — სასოწარკვეთით გაიღო ხმა. ბონდომ
თხოვნა შეუსრულა და როგორც კი საშიშროება ჩამოშორდა კოჩი-
ას პირმშოს, ხეიბარს ხმაც დაუთბა, ხელებიც, სიფითრებამც მალე
გადაუარა.

იქიდან მოყოლებული ხორცშესხმული დედა და უსახელოდ წა-
სული ტყუპისცალი ძმა ბონდოსთვის მახლობელ გარემოს მოუშინა-
ურდნენ. ნაკვთებს და კულულებს ნაკადული კარნახობდა. წყლის ჩქე-
რალებით ათამაშებულ სახეებს აედევნებოდა.

ზოგჯერ შარვალ-ხალათს იხდიდა და აქაფებულ ტალღებში
იკარგებოდა. ძმისა და დედის სულებთან გაიგავებულ ზვირთებში
ოქროსფრად აენთებოდა მეოცნება ბავშვის ქოჩორი.

ისინი სახლობდნენ ჩირგვებსა და ხავსმოდებულ ლოდებში, მთვა-
რესა და მზეში, ყველგან. მოკლედ, სადაც კი თვალი გაუშტერდ-
ებოდა, გადანისლულ სანახებს მაშინვე უსაყვარლესი არსებანი შეე-
ნაცვლებოდნენ. ხანაც აკაციის ყვავილების სურნელით გაჟღენთილ
ჰაერს ღრმად ჩაისუნთქავდა, მობიბინე მოლზე მიწვებოდა და თვალ-
მოჭუტული შესცინებდა ფოთლებში ასხმარტალებულ მნათობის
სხივებს.

ადრე, როცა კოჩიას ნახელავი მშვილდ-ისრით უმწიფარ ხაპებს

და ყლიან გოგრებს დიდის ამბით ცხრილავდა ბონდო, „ამათ რას ერჩი, ბუტბუტი“, უწყებოდა ჟინი ანთარი. არც უნორჩესი ნერგების მოთელვას უწონებდა, აღარც — ჰინანჰველების საბუდარის ჩხიკინს და მით უფრო — ფრინველების აწიოკებას.

— ესენიც ცოცხლობენ, ბუტბუტი! — უხსნიდა და მენცარი* ოსტატის წყალობით შეგირდიც თანდათან ესისხლხორცებოდა დედაბუნებას. ეფერებოდა გაკვირტულ შიმალებს, ფრთოსანთა ბუდეებს პატრონობდა. მერე და ფერების ჰარმონია! მიუჩვეველი თვალისთვის დაფარულ რამდენ მშვენიერს მალავდა ტყე?! ტოტებს მიმოსწევდა ბონდო, სიგრილე-სინოტივეში შეცურდებოდა. სიცოცხლით დამუხტულ სამყაროში ღვთაებრივი შუქი ეფინა ყველაფერს.

არა, რაღაც მფარველობდა პატარას ნამდვილად.

„რა არის ეს, დედის ნათელი თუ ჭიმაგეს* უღალატო არსება?!“ — ემუსაიფებოდა თავისთავს იგი, — „მერე რა, თუ წამით სუნთქვა შეწყვეტეს. ხელის ერთი შეტოკებაც კი საკმარისი აღმოჩნდა მათ გასაცოცხლებლად“, ასკვნიდა სიამაყით.

მოჭრილად რომ ვთქვათ, თავიდან წარმოსახვით სულშობებრილ ადამიანებთან ტიტინიც ჰყოფნიდა ბიჭს, მაგრამ ჩქარა ჟინი ანთართან მეცადინეობამ მიღვეადი შებინდების დიდებულება დაანახა, სიბრძნის ძალა აგრძნობინა, მშვენიერისა და ამალღებულის რაობაში ჩაახედა, მზე და მთვარე აფიცებინა, ზარატუსტრას ქადაგებით აპურამაზდა* ახილვინა, ბევრჯერ აამაღლა ცათა.

მოედინებოდა უშეღავათო მასწავლებლის წარმოდგენები მატერიაზე, სივრცეზე, დროზე. გადმოსცემდა სახეზე მყოფ ანტიკურ ნატურფილოსოფიურ ინტუიციებს, არაბების სპორადულ აღმოჩენებს, იტალიის არნახულ წარმატებებს ხელოვნებაში.

ასწავლიდა, თუ როგორ უმასპინძლებოდა კოცონებით ინკვიზიცია ჯორდანო ბრუნოს, ჰუსს, „მაგრამ კანტისეული „ცის თეორიის“ უარყოფა არ ხელეწიფებოდა, ვინაიდან მეცნიერმა მთელი მზის სისტემა წარმოგვიდგინა დროის მაჯისცემაში წარმოქმნილ ფენომენად — ქმნადი და ქრობადიო“, განუმარტავდა სულგანაბულ მოწაფეს.

მეტად გასაგები ენით უხსნიდა ფილოსოფიის საბერძნეთიდან გერმანიაში გადმონაცვლების მიზეზებს. იდეალიზმისა და მატერიალიზმის აქამდე გაუგონარი მძვინვარებით ჰიდილს. „ამიტომაც,

როგორც მოსალოდნელი იყო, სამყაროს ბიბლიურ გააზრებას თუ შიშით შექმნილ სიყვარულს ყავლი გაუვიდაო“, შთააგონებდა გამუდმებით.

— საოცრება, ბუტუტი, ღრმად გავლებული ხნულია, — უმტკიცებდა თვალეზგზნებული, — ხმალი რომ დაჟანგდება, ზარბაზნის ლულაში ობობა ქსელს გააბამს და ადამიანთა გასაჟლეტად დამზადებული ატომური ბომბებით სასიცოცხლო ენერჯიას მოვამრავლებთ, ასეთი საოცრების უნდა გვწამდეს! — ეჩიჩინებოდა. ასე რომ, ბონდოს ჯერ კიდევ რიგიანად ვერ დაედგინა ჟინი ანთარის ცოდნის მასაზრდოებელ-მარწყულებელი წყარო. ვერ გაერკვია, მისი სიბრძნე საიდან იღებდა სათავეს, როგორ გამოისახებოდა სიტყვებით, რანაირად შემეკვრივებულყო, წვეთწვეთობით თუ ერთბაშად.

მუჭისტოლა ოთახში ცხოვრობდა მენცარი ოსტატის დაწესებულ რეჟიმში ჩაკეტილი შეგირდი, საიდანაც უკვდავი გმირების მხარდამხარ ეთერში მიცურავდა ის, ჰაეროვანი დედა და ტყუპისცალი ზიმაგე. იქიდან ერთად აყურადებდნენ ფეხმარდი პელაზგის რისხვას, ებრძოდნენ ქარის წისკვილებს, ლაშქრავდნენ ქაჩეთის ცამდე აზიდულ ციხე-სიმაგრეს, ყორღანებიდან წინაპართა თავისქალიანი ამოჰქონდათ და ყოფნა-არყოფნის ზღურბლზე ბარბაცებდნენ, ვალპურგიის კლასიკურ ღამეში ინთქმებოდნენ, უმეტესად კი მანტუის მკვიდრს აედევნებოდნენ ჯოჯოხეთიდან სალხინობლისკენ, ზევით და ზევით, ნაზარეველის თვალშეუდგამი საუფლოსაკენ.

„კი, მაგრამ რისთვის?! ჩემი სიცოცხლე ხომ ერთი კვირტია ამ მარადმოძრავ სამყაროში?! რას შეცვლის, რა სიახლეს შემატებს ბუნების ურყევ კანონებს ეს უცაბედი აციმციმება? — აცხადებდა ხმელეთის ბინადართა ძიძგილს ჩაკვირვებული ბონდო, — ნუთუ უმარტივეს ასეთნაირი წრიალი გარდაქმნის ურთულესად?! განა სიფრიფანაფრთიან ჭიანჭველას თვითშენარჩუნებისათვის სადღეღამისო ღოღიალი ამოძრავებს მხოლოდ?! განა მის ფაციფუცში მცირობს Homo sapiens*-ისისთვის მიუწვდომელი?! განა ერთი და ორი მიკროსამყარო გვეერთობლივებს ადამიანებს?! იქნებ ყოვლისმომცველი, ასეთი, ოღონდ უფრო მასშტაბური ორგანიზაციის შედგენა და აბსოლუტურისკენ ჩვენს ლტოლვას ბნელში ხელების ცეცებალა ეთქმის სავალალოდ?! გრძობს კი თავად მატერია ამ დავას?! ნეტავი ჩემი შემეცნება აირეკლება, ფიქსირდება სადმე, რომელიმე სიბრტყეზე, ჩემს მიღმა?! — აინტერესებდა, მაგრამ პასუხს ვერ პოულობდა —

რანაირი ყვაილის ნაყენს არ დასწაფებია თურმე დედაჩემი, ოღონ-
დაც მე გავჩენოდი. ხომ შეიძლება ის მცენარე ვერასდროს მოეწყვი-
ტა ჟინი ანთარს?! მაშინ? მაშინ ვინ იოცნებებდა ნაკადულის პირას?
ან ქვეყნიერებას ჩემზე წინ ჯიმაგე რომ მოვლენოდა, იაზროვნებდა ამ-
გვარად?!” — სჯიდა ბონდო ჰალიძონია და ბამბუკივით მატულობ-
და სიმაღლეში.

გასაოცრად იმახსოვრებდა ყოველ სიტყვას, ყოველ ფერსა და
ბგერას.

ო, როგორ ნეტარებდა ბონდო, როცა წარსულს მოხედავდა და
ნათელი დღეების ასხმა შემოანთებდა კამკამა სიღრმეებით; როგორ
გადაჰკარავდა მათ ოქროცურვილი ბაღებისა და მინდვრების ფერი!
ო, რა ტკბილი იყო ყრმობის წლებზე ყურის მიღება! მაგრამ ჟინი ან-
თარი უმაღვე გამოარაკვევდა. მის სულს ქანდაკებასავით ძერწავდა.

ნაკადულს გაჰყვებოდა ბიჭის ყირმიზ ლოყაზე გასრიალებული
ცრემლი და ამგვარი შინაგანი თრთოლვის მიუხედავად, მაინც ზეი-
მობდა, მაინც ხარობდა, მოვლენებს უღრმავდებოდა, გარემოს პირ-
ქუში ნიღაბი შორდებოდა. ასე რომ, შეგირდი ძალდაუტანებლად
ერწყმოდა მენცარი ოსტატის საქმიანობას. მისი თეორიული მოსაზ-
რებებისა და ლაბორატორიული მუშაობის შედეგებზე დაყრდნო-
ბით სამყაროს შეურყვეველ კანონზომიერებებს ადგენდა.

სიღარბისლე სჭარბობდა მათ დაუსრულებელ კამათში. მოწი-
წება სუფევდა მათ ხმასა და საუბრებში, სადაც უნდა გამართულიყო
ეს, ჰინანჰველების საბუდართან, კამეჩების ჯოგის ლელქაშში გადარეკ-
ვისას თუ სილიან სანაპიროზე ვარჯიშობისას.

მოკლედ, ბონდო მთელი არსებით ერწმუნებოდა ჟინი ანთა-
რის განჭვრეტილი სამყაროს სწორედ იმნაირ სურათს, სადაც სი-
ცოცხლის ჩასახვა ცნობიერდებოდა, როგორც დროსა და სივრ-
ცეში მოძრავი მატერიის უზენაესი უნარი, როგორც სულისათ-
ვის ხორცის მისჯა.

— ყოველივე განვითარებული ადრე თუ გვიან პირველსაწყისს
მიუბრუნდება, — განუმარტავდა მასწავლებელი ხოლმე, — რაც ახ-
ლა ხასხასებს და ხვანცალებს, რაც ახლა აღმაფრენას და სრულყო-
ფას განიცდის, აბსურდია მომავლის თვალსაზრისით. ოდესმე ერთი-
ანად მოისპობა პრიმიტიული ყვაილიცა და ურთულესი გონებაც,
მაგრამ საგანგაშო არაფერია, ვინაიდან წრებრუნვის კვალობაზე ისევ
აღმოცენდებიან ზეცით მონაბერი ფორმები.

— **Got sei bei uns!*** — ივედრებოდა თუ არა ოსტატი ყმაწვილის გასახელებლად, „გარდაცვლილებზე ან კარგი უნდა თქვა, ან — არაფერი“, მყარი შეგონებით დაუხვდებოდა შეგირდი.

— **Verschonen Sie mich mit ihren Bemerkungen!*** — შეეჯიქურებოდა მასწავლებელი და მაშინვე, „პლატონი ჩემი მეგობარია, მაგრამ ჭეშმარიტება — უფრო დიდი მეგობარიაო“, მოუჭრიდა მოწაფე.

ჟინი ანთარი ყასიდად პოზიციას არ თმობდა. თავს ასაწყლებდა ასე ურცხვად რომ სწირავდა „**Self-made man!**“*-ს

„**Fater alles unglücklich**“-ს ეკედლებოდა.

სიბრძნის ვითომ მცდარად შემთვისებელ ახალგაზრდის სახელს ანტიკურ ელვარებას მიანიჭებდა მეცნიერი და „შენც, ბუტუტო“, გაიოცებდა კეისრის გამომეტყველებით.

ბონდო გადაიხარხარებდა, გადაიზნიქებოდა, ქათქათა კბილებს ააელვარებდა.

— ჭკვიანისთვის საკმარისია! — ჩამომარცვლიდა, ხოლო როცა დაწყნარდებოდა, როგორც ბიბლიური ნაყოფის ძე, ბრძენკაცის წინაშე მუხლებზე დაეცემოდა.

— რაბი, რაბი*! — იტყოდა და გამოწვდილ ხელზე ეამბორებოდა მოძღვარს.

ასე და ამგვარად მსცოვანსა და ყრმას შორის ზღვარი წაშლილიყო. ისინი თანაბრად მსჯელობდნენ საგნებზე, მოვლენებზე. ამდენად, ბონდომ დაბეჯითებით იცოდა, თუ სად იარებოდა მოყმის დედაი; ვისთან, ვისკენ მიიჩქაროდა შვილმკვდარი, ან რამდენი მტკაველი აშორებდა მინდიას ჰამლეტისა და ფაუსტის ხასიათებისაგან.

რასაკვირველია, ჟინი ანთარის გონების ძალამ კოჩია იმთავითვე დაჩრდილა. უფრო მეტიც, აღსაზრდელი ოსტატს სავსებით მიენდო. უხაროდა ბონდოს, რომ მის ემოციებს და სურვილებს ასეთი გულმოდგინებით უკირკიტებდა სატანჯოელი. მოკლედ, ჟინი ანთარის მიკროსკოპის ქვეშ საცდელ ჭიანჭველასავით ცხოვრება ყმაწვილს მოთხოვნილებად ექცა.

წელიწადში ორჯერ, ადრე გაზაფხულზე და გვიან შემოდგომით, როგორც წესი, კამეჩების ჯოგს წარეკავდნენ ზუგდიდის სასაკლაოში, ერგეტის, დარჩელის, კახათისა და ინგირის ნასიმინდრების გავლით.

ფეხათრეულ საქონელს სახრეს უცხუნებდნენ ცხენებზე ამხედ-

რებული კაცები. სულგუნით სავსე კასრებითა და თაფლით გალიბ-ლიპებული ბიდონებით დატვირთული ურმის კოფოზე ბონდო იჯდა. მის თვალწინ ისე უსიხარულოდ მიზოზინობდნენ კამეჩები, რომ გული უკვდებოდა, იცოდა, საწყლებს ყველაფერი ნაგრძობი ჰქონდათ.

იმ ღამეს ანთარიებთან გაათენებდნენ. დილით ბუღალტერიაში გაუნადღებდნენ თუ არა ფულს, ცხენებს და კოჩიას გულლია მასპინძლებს დაუტოვებდნენ. თვითონ ოსტატი და შეგირდი კი ტვირთიანად საკოლმეურნეო ბაზრისკენ გასწევდნენ და რამდენსამე საათში ხელს დაიცლიდნენ.

ერთხანს ქალაქში იხეტიალებდნენ, საჭირო ნივთებსა და სურსათს იყიდდნენ. კაფანდარა თერძსაც შეუვლიდნენ. ფოტოგრაფსაც ეახლებოდნენ. რაიონული ბიბლიოთეკიდან წიგნებს გამოიწერდნენ.

მორჩენილი ფული ბონდოს სახელზე შემნახველ სალაროში შეკქონდა ჟინი ანთარს.

საზოგადოებას მოწყვეტილ ყმაწვილს სწრაფად ბეზრდებოდა განსხვავებული გარემო. ენითუთქმელი სევდა ეძალებოდა. უსიხარულოდ უმზერდა ჰინანჰველებივით დაფაცურებულ ხალხს, ქვაფენილებს, ონკანიდან მოჩქაფუნე წყალს, ჭადრების ხეივანს, ასფალტზე მოსრიალე მანქანებს, ტოლების ჟრიამულს სკოლის სტადიონზე.

სახელოზე ექაჩებოდა მასწავლებელს და თვალი სულ სატანჯოსკენ ეჭირა, სადაც ცხადისა და ირეალურის ნაჯვარი ქვეყანა ელოდა ისლების სისინით, ბაყაყების ყურისწამლები ყიყინით, კამეჩების წარდენისდროინდელი ყროყინით, ჩამამბული სამარხებით, სათანადო აპარატურით აღჭურვილი ლაბორატორიითა და საცდელი მინდვრებით.

ნამდვილი ცხოვრება პატარა ფილოსოფოსის ცნობიერებას ნაკლებად ესადაგებოდა. ამიტომაც არიდებდა თავს „კაბინეტური მუშაობით ქანცგაწყვეტილ“ თანამდებობის პირებსაც, გაქსუებული კამეჩების მაძებარ მესაქონლეებსაც, ხუთიოდე კილომეტრის მოშორებით ბაგი ზანთარიას მეცადინეობით გამართულ ფარეხსაც და მის მკვიდრ მწყემსებს, კოლი ჰანიას თუ ჭაჭია ქობალიას.

წარმოსახულისა და ჭეშმარიტის მიჯნაზე იზრდებოდა მშვენიერის შემცნობელი, მეტრფე.

აჰა, დღეს ჩვიდმეტი წელიწადი შეუსრულდებოდა ბონდოს, მაგრამ დედის არსებობის შესახებ ძველებურად აღარაფერი იცოდა.

მამიდა მათაც, ჟინიც ერთგულად ამოუდგნენ მხარში კოჩია ჰალიძონიას და რაც კი ოდაბადესთან აკავშირებდათ: სისხლი, ჯილაგი, წინაპართა საფლავები, ერთიანად მიუჩუმათეს ბონდოს, თუმცა კოჩიას, ეს გაუთავებელი მიმოსვლები, ათასში ერთხელ „სად ხარ, ბონდო, შვილო“-ს ძახილით ცირა შკვითინიას მოვიშვიშება თუ სხვა წვრილმან-მსხვილმანი, მიაჩნდა, რომ ვაჟიშვილს თანდათან უფორიაქებდა. ამიტომაც ხან აკაციის ტყეში გადასატან სკებს მოიმიზეზებდა, ხანაც ჭყონკაკუტის საძოვრებზე კამეჩების ჯოგის გადარეკვას. მომქანცველ საქმეებს არად დაგიდევდათ, ოღონდ ბონდო დაემართხელებინა, ბონდო ჰყოლოდა გვერდით, ბონდოს სიახლოვეს ეტრიალა.

ზოგჯერ ნაკადულში მობანავე ვაჟთან სადავე წაყრილ ცხენებს მოაყენებდა კოჩია. ამ წყალს სასმელად როდი ხმარობდნენ. წყარო ქვევით ჰქონდათ, ნამეხარ წაბლთან, მაგრამ თავს ვერ იმორჩილებდა. წყალს ყასიდად ეწაფებოდა, სინამდვილეში შვილის ზრახვების ამოკითხვას ლამობდა.

ბონდოს სველ ტანზე პერანგი მიჰკვროდა. ოქროსფერი კულულები ლოყაზე მისწებებოდა.

„ხომ არ გათქვა ძმათამკვლელმა ჩემი საიღუმლო?!“ შიშობდა სულ კოჩია.

ყმაწვილს წაბლისფერი კვიცი და სისვი ფაშატი თავებს რიგრიგობით ახუტებდნენ და „შენც ისწავლი, შემოგველეო“, ჩასჩურჩულებდა. ხელისგულს თავზე გადაუსვამდა.

ლაგამინებებული ცხენები ფრუტუნებდნენ. კვიცი გათარანებულ სილაზე კოტრიალებდა. სინიბს ეფერებოდა ახალგაზრდა და თითქოს მამის ნათქვამი არც გაუგონიაო, მოახტებოდა ხშირფაფარიანს და გაჰქუსლავდა.

„სად მიდიხარ, შეჩერდი, შვილო!“ ეძახდა მოჯირითეს ნაადრევად გაჭალარავებული სული, მაგრამ სისუსტეს სძლევდა. ნაკადულს აედევნებოდა თავჩაქინდრული.

ასე იყო აქამდე, ახლა კი, აგერ, ნავის კიჩოს მისვენებული ჟინი ანთარი დურბინდით უთვალთვალებდა უსიცოცხლო მზით მოვარაყბული ოდაბადის სანახებს. ხსოვნაში ჩაწრეტილი ტანწერწეტადღეები და მათი მკვიდრები, ისე შეუმჩნეველად წასულიყვნენ, ისე წარხოცილიყვნენ მიწის პირისაგან, რომ მათ წინაშე თავს ვერასო-

დეს გაიმართლებდა, ნიჩაბს რანაირადაც მისწოლოდა, გარდასულებს ვერაფრისდიდებით დაეწეოდა. რაც კი თავნაკარა ხატი ჩაეჭედვოდა სულში, ყველა ერთდროულად ამოუტივტივდა ჟინი ანთარს რატომდაც.

„სიჭაბუკეში თუ წავფორხილდი, განა ჩემი ძმები ცოტა ომახიანი შემოძახილით ჩავიწროვდნენ შთამომავლების მესხიერებაში?! — გაუელვა გონებაში სატანჯოელს, — რა დრო გასულა? მას აქეთ, ღმერთმა უწყის, რამდენმა ტიტლიკანა ცინგლიანმა იქორწინა და მათი ნაშიერის ნაშიერი აგერ მამლანყინწაობს კიდეც!“

— წრებრუნვა თუ სპირალი?! — საკუთარმა ხმამ შეაკრთო მოხუცი.

ენგურის სიკამკამემ ჟინი ანთარი სინანულით ჩააღიმა.

„რა პატარა ყოფილა! არადა, ხომ იყო დრო, როცა სიკვდილივით გვეშინოდა მისი?! გარემო ნაპირზე გამორიყული კალმახის ლაყუჩებით სუნთქავს. მდინარის კალაპოტში თვითმცლელები დაბობლავენ. იატაკჩამპალ, გაუქმებულ ბორანზე, არვე კიკინებს. ეგერ, მერხზემოკალათებული ჭოფია. თუთუნს აფუტებს ისევ ჩემი ძმისწული. ბაგირზე არ სხედან აღისფერი ნისკარტით მკერდის მქექავი მერცხლები. მანქანები მისრიალებენ ხიდზე. მრავლისმომსწრე ჭყონდილის ძირას არვინ ზის. ლადი ჭანია ღურუმ* მიიზიდა მაგნიტსავით, მისი მრევლი — ტელევიზორმა.“

ადრეც, როცა აღმოსავლეთი ახალ ალიონს ამოისუნთქავდა, სოფლის ქალები სარეცხს მოიტანდნენ. თეთრეულს ენგურის დინებაში ამოავლებდნენ.

ჟინი ანთარს უშურველი ღიმილი გადაურბენდა ტუჩებზე მაშინაც. დედაკაცები მზინავ მუხლისთავეზე კაბის კალთებს აიკრეფდნენ, ასე რომ, ზოგიერთი ჭოფიას მიმქრალი თვალებისათვის სხვა სითეთრესაც იმეტებდა. მერე სატანჯოელი ნიჩბებს მიაწვებოდა. ბუხრის მახლობლად ტახტაზე გაუხდელად მიიკრუნხებოდა. თვალს მილულავდა, მაგრამ შიგნიდან ჩხვლეთდა რაღაც თუ ვიდაც.

დამცხრალ ცეცხლს შეშას შეუკეთებდა საღამურისამარა მათა ჰალიძონია. ოფლით დაცვარულ შუბლს შეუმშრალებდა, დააწყნარებდა სიზმრებით გვემულს.

არადა, იზრდებოდა ბონდო, იზრდებოდა წამიწამ, ღლითი ღღე, რაც აზეიმებდა და იმავდროულად აშინებდა კიდეც ჟინი ანთარს.

„დაე, მიძახონ ოდაბადელებმა ცხვირპირ მოჭმული, სულწარ-წყმედილი, ძმათამკვლელი! დაე, ჩემი სნეულებითა და ჯადოქრობით დააშინონ ბებიებმა ონავრები! მე შენით, ბუტუტი, მალე, სულ მალე აღვსდგები დაფერფლილი სულიდან. გავწყვეტ სიბერის ჯაჭვებს და ბორკილებს. შემოვიცილებ წლობით შემოქურთმებულ წუნ-წუნ-დარღუბალას და ისევ, ისევ გავერევი საზოგადოებაში, ხალხში, შენი სათნოებითა და საზრიანობით გავერევი, შვილო! ამ ძვირფასი წუთის მოსახელთებლად არაფერი დამიშურებია მე. ყოველგვარი საზღვარი და დაბრკოლება ცუტუს უთქმელად, წარბშეუხრელად გადამილახავს და გასაკვირია განა, მჩატე სხეულით მოარული ძმების პატრონი, სასოწარკვეთით მოგძახოდე: ჩემო სიცოცხლემისჯილო რაინდო, თონთლო ჭორომებიდან ოდაბადელების საზრუნავისკენ და მათი უკეთესი მერმისისკენ, შეუფერხებლად ივლი თუ არა, ივლი თუ არა?!“

ჟინი ანთარის წარმოსახვაში ქვიშის სვეტები აღმართა ქარიშხალმა. საადამიანოსაკენ მოისწრაფოდა მზეც და ამ მექანიკურ მასაში შეუფერხებლად მოაბიჯებდა ბონდო ჰალიძონია, მოაბიჯებდა, როგორც ერთადერთი ნუგეში, როგორც ერთადერთი წყალობა, როგორც მისი ცოდვილი სულის ერთადერთი ხსნა.

კოჩია ჰალიძონია ნავსაბმელთან დაუხვდა ოსტატს და შეგირდს. კინკრიხოზე ასხდა ნაბახუსევი თვალები.

— ხალხი არა ხართ, არა გწამთ ღმერთი?! ლოდინით ძარღვები დაგვაწყდა! — უსაყვედურა დაბრუნებულებს მისებურად. „ზედაც არ შემომხედა!“

სახელოზე გამოდებული ნეკისისხო ეკლის ღერო ცერით მოსინჯა ჟინი ანთარმა, შეატრიალ-შემოატრიალა.

— რას ვერჩით ამას, ბუტუტი! — თქვა შთაგონებულმა, გადაამტვრია მკლავის გაშლაზე, ამოიჩარა ილიაში და განაგრძო, — ოდაბადელი როდია, იმთავითვე გვიმჟღავნებს ხვაშიადს. *Nolli me tangere**-ო, გვაფრთხილებს შორიდან და მისი ბრალია, მხარს თუ წავჭკრავთ? „რატომ არ უნდა მაპატიოს ვითომ?!“

ნაოჭმრავალი შუბლიდან უკიდურესად ბანჯგვლიანი მაჯით ოფლი მოიწმინდა ჟინი ანთარმა. ბრეზენტის კაპიუშონიანი საწვიმრით შემოსილს მძლავრი მკერდი ისე აუღ-ჩაუდიოდა, იფიქრებდით, რაღაც სასწაულად მოუმართავს განგებასო.

ავ სენს ჯერ კიდევ სიჭაბუკეში თითქმის ქლიავის კურკისოდენად წაეკვნიტა მისთვის ზედა ტუჩი. უჩინარ მატლს ცხვირის მარჯვენა ნესტოც გამოეხრა მუხუდოს მარცვლისხელად, მაგრამ ამ ნაკლს ძნელად თუ შენიშნავდა უცხო თვალი, ვინაიდან ერთს სქელი უღვაში უფარავდა, ხოლო მეორე ოსტატურად ამოეგლისა სანთლით. მანათობლის უსიცოცხლო შუქზე წამოზრდილი ყვრიმალეები უბზინავდა. ლომის ფაფარავით ეწებებოდა ჭალარა წვერი და თმა. მის აღნაგობას სიმეტრიულობა შერჩენოდა, მხოლოდ ხელები მიუგავდა ნაჯახით გამოჩორკნილს. იმ სიზვიადისათვის ფრიად შეუფერებელი წვრილი წელი ჰქონდა. ისეთი სიმსუბუქით მიაბიჯებდა, ოთხმოცდაერთი წლისად ვერავინ ჩააგდებდა.

ერთხანს ახოსპირას შეყოვნდა ჟინი ანთარი. ჰინანჰველების ბუდეებს დააკვირდა.

— მალე დიდთოვლობაა მოსალოდნელი, — მოსჭრა ჩვეული დამაჯერებლობით, — ამდენი კამეჩის გამოზამთრება გაგვიძნელებდნამდვილად. ვიდრე დამქლევებოდეს საქონელი, საჩქაროდ სასაკლაოზეა ზუგდიდში გასარეკი.

— აჰ! — შეკრთა კოჩია.

— მაგათ ვუჩვენებ მე გატყუებულს! *Vivere militare est**.

— დაემუქრა სატანჯოელი დიდგვიმარონს. „აწი უკანდახევა გვიანია“.

აოხშივარებულ ორჩოგან ლომს კამეჩის შებოლილი ყველი მრავლად დაურთეს.

ხასხასებდა წმინდა ხაზის ოხრახუში და ხახვი, წიწმატი და წიწაკა. კრიალებდა ჰიბრიდული შუშა კიტრები და კვახისხელა პომიდვრები. ქინძისა და საკმეველის გამაბრუებელ სურნელში წითლად ღუოდა მარწყვი, საზამთრო და ვაშლები. ქარვისფრად კამკამებდა გრეიპფრუტი, ფეიხოა და ლიმონი.

სუფრის შუაგულში, ჩვიდმეტსანთლიანი ტორტის გვერდით, ბურვაკის მოხარშული ხორცი იდო სინით. თიხის ქილებით კამეჩის მაწონი ედგა წინ თითოეულს. სისხლისფერი ზოლები ჩამოსდიოდა ოჯალეშითა და იზაბელათი სავსე ხელადებს. გრაფინში დაჯაჭვული თაფლის არაყი ესხა. ღრმა თეფშებით მორთმეულ საცივს, შემწვარ თევზსა და კუპატებს, ზუთხის ხიზილალას, გაღია მათამ ყველიანი კვერებიც წაუმატა და მოწყვეტით დაეშვა სკამზე ფრაკში გამოწყობილი ქმრის ხელმარჯენიც.

კოჩია ჰალიძონიამ არაყი მალულად ჩამოარაკრაკა გრაფინიდან და წელწვრილი სასმისი მოხერხებულ დროს ერთი ყლუპით გადაჰკრა. ხმელ-ხმელი მამიდის უკმაყოფილო გამოხედვას უცოდველი თვალები შეაგება. კეცზე გამომცხვარი, ფუმფულა პური დაყნოსა. ნიგოზივით დანაოჭებული სახე სწრაფად წამოუგიზგიზდა.

ოჯალეშით აფერადებული ჭიქა მაგიდის მეორე ბოლოში, პირისპირ მჯდომ შეგირდს, თავს ზევით წამოუწია ოსტატმა. ოლიმპიური სიმშვიდით უმზერდა, უმზერდა გამომცდელად, მრავლისმეტყველად.

— ჯანმრთელობა და დღეგრძელობა ბუტუტის! — თქვა ბერძენულად და ნება-ნება, ტუჩების ტკბარუნით გამოწრუპა ღვინო. „გავა დრო და მადლიერიც დამჩება“.

— გაუმარჯოს! — აიტაცა შვილის სადღეგრძელო კოჩიამ, — უხიანის ერთს! — დაამატა და მეორე უკვე შესაშური სითამამით გადახუხა.

— მრავალს დაესწარი, ნანაგე! — თავზე ხელი შემოავლო შორიდან მათა ჰალიძონიამ. „უმისობას ვერ გადავიტან მე!“

იუბილარი ზეზე წამოდგა. ოჯალეშიან სასმისს ხელი შეუშვა და მახლობელი ადამიანებისაკენ გამოეშურა სახეგაბადრული. ტკბილად გადიას გამხმარ მკერდზე მიახუტა ლოყა. უშელავათო მასწავლებელს თვალები ამოუკოცნა. მხარზე ეამბორა მოამაგე მამას, მერე სულის ერთი შებერვით ჩააქრო მოლიცლიცე სანთლები.

— ასე ნუ მიყურებ! — შეუბღვირა კოჩიას ბონდომ, როცა თავი ამართა და მის საწყალობელზე საწყალობელ მზერას წააწყდა.

— აბა, რანაირად შემოგხედოს, ნანაგე?! — გამოესარჩლა მამიდა ძმისწულს.

— დღეს მაინც მოვეშვათ მაგ ბიჭს! — ჩაერია საუბარში ჟინიანთარი, — კოჩიაზე ახლობელი ვინ ჰყავს, მაგრამ მაჭარივით ბუყბუყებს ახლა და იმიტომაა ფიცხობს. მყვირალობის ჟამის დადგომამ იცის ეგრე.

— ვერ ვამჩნევ განა, მყვირალობისაგან არის ეს თუ სხვა რამისაგან?! — კბილებში გამოსცრა კოჩიამ. „არ ედგომება შინ ჩემს ბონდოს. უჩინარი ძაფი ვილაცისკენ ეწევა და ეწევა, დამტირებელ მემკვიდრეს ზეზეურად მართმევს. გადამირია შვილი. მაჯობა ტუჩმოჭმულმა. ნუთუ გათქვა საიდუმლო?! ძმათამკვლელი! ძმათამკვლელი! სატანჯოში ბონდოს ჩაკეტვა ხომ ხრონცის* საბოლოო განადგურებას ნიშნავს?! სხვანაირად ვერ გამოაშკარავებს ხანგრძლივად“.

ლივი გამოკვლევის შედეგებს. აბა, სახელგამტყდარს თავი სად გამოეყოფა?! უყურე შენ, ბაგისაც რისთვის იახლოვებდა, თურმე, სულწარწყმედილი! ჭურიაში მოსაბრუნებელი საბაბი რომ მიეცა, „კაპიტალის“ ეს და ეს გვერდი ყურადღებით წაიკითხო, წაისინებდა და სიტყვას შუასაშუბარში, აი, რისთვის გაუწყვეტდა?! რა მიზნით დაატარებს ნეტავ, დაძინდის, მეფუტკრის ნიღბით?! რა სწადია, რა?!“ არაფერი შეეშალოს ვინმეს, თორემ... „ამ ხელებით დაგახრჩობ, ბებერო, მორიელო!“

— ტყულისა და მეგრულის მეტი ყველაფერი უსწავლია ჩემგან! — თვალები დააკვესა ჟინი ანთარმა და არყისმსმელიც მყისვე დაიჩუტა, — განათლება თავისუფალ კაცს სჭირდება და არა სატანჯოს აკლდამებში ჩაკეტილს. კოსმოსში გასულა ადამიანი, მთვარეზე დაუბიჯებია ფეხი, ჩვენი ბუტუტი კი წყუული ჭორომებიდან ვერ გაღწეულა. ზის ტელევიზორთან, იქეჭება წიგნებში, უკირკიტებს ელექტრომიკროსკოპს და ვარსკვლავების სიშორიდან უთვალთვალებს ყურისძირას მოჩუხჩუხე ცხოვრებას. დამოუკიდებლობა, მეტი დამოუკიდებლობა, აი, რა სჭირდება მას ახლა ჰაერივით. მყირალობის თვე ნასწავლსა და შეძენილზე გაცილებით მეტია, ცოლის ძმისწულა! საკუთარი წაბორძიკების მაგალითებზე გამომიზრდია შენი ძე. გეხსომება, იმთავითვე რეჟიმში ჩავაყენე. თვეობით მხოლოდ თაფლსა და ხიზილალას ვაჭმევდი. გამოხდა ხანი და მალე თავისთავში ნათელწმინდა აჭურა-მაზდა და ბნელთამპყრობელი აპრიმანი* ვახილვინე. თანამიმდევრულად ვაზიარე სამყაროს იმგვარი გააზრება, როგორც აპერიონია, მაგალითად, ანაქსიმანდრესთან, ჰაერი — ანაქსიმენე მილეთელთან, ნივთთა თესლი — ჰომომერიები — პირონთან, ლოგოსი — ჰერაკლიტესთან, ატომები — დემოკრიტესთან, კატალებსისი — ძენონთან, იდეები — პლატონთან, მატერია, ფორმა, მოძრაობის საწყისი და მიზანი — არისტოტელესთან, აბსოლიტური გონი — ჰეგელთან, დიალექტიკური მატერიალიზმი — მარქსთან და ენგელსთან, ამას ზედ დავურთოთ უმწიფარი დღევანდელი — ბერგსონი, კირკეგორი, შპენგლერი, ჰაიდეგერი და მიხედვები შენი ცათაფრენა ბონდოს სულის ყოველი წახნაგი როგორ გამიბასრავს! არც მუშტი-კრივის ეშინია შენს თვალისჩინს ახლა, არც ტყვისა და რაპირის, აღარც — ფილოსოფიური შეხლაშემოხლის, ლიბიდოს გამოცდებს თუ გაუძლო. კაცის ბედის მჭედელი ხომ გარკვეულწილად **Femininum***-იცაა?! მაფასნაირს გადაეყრება და ააშენებს, მაგრამ ზოგიერთისმაგვა-

რი **Menage a trois*** დააქცევს. ესეც ილბალზეა. ტყუილისა და მეგრულის მეტი ყველაფერი უსწავლია ჩემგან. სიცოცხლე და დღეგრძელობა ბუტუტის! გატყუარებულს ვანახებ მე მაგათ! — თქვა და დალია სიამით.

— ციციქნა ბაღლის ამარა დავრჩი, — ხან ბიძას ეღრიჯებოდა კოჩია ჰალიძონია, ხანაც — მამიდას, — ბონდოს ნუგეშითლაა განგება დღემდე რომ მაცოდვილებს. „დროს ჩვენამდე ხელი არ მოუწვდებაო, მიმტკიცებდა აქამდე, ძმათამკვლელო! ჯალათი!“ სიკეთე და სიყვარული არ ჩამომართვა ქვეყანამ. ხელი ამიკრა ბადაგით სავსე ფილაზე. არ მემეტება ცრუ წუთისოფლისათვის, გამირყვნიან და წამიბილწავენ იქ.

— ყველაფერი განდიდების მანიით შეპყრობილის ბრალია! — მოსჭრა სატანჯოელმა. „სამკალი ფრიად არს, ხოლო მუშაკნი მცირედ“.*

— შუაზე ვიხლიჩები კაცი! სიმწრის ოფლში ვიწურები შვილისათვის „მაგრამ, როგორც ვატყობ, მარტო ბაგი ანთარისგან არ უნდა მჭირდეს ვაება. შენ ხარ ამისი მიზეზი, მხოლოდ შენ, გველო!“ ვარდისა და ჭინჭრის შეზავებას ვუთვალთვალვებდი, მე სულელი! ბაყაყისა და უხსენებელის გაწონასწორებას შეგვანკალვებდი, როცა „მა-მა-შვილი“ თვითონ ვყოფილვარ საცდელი არსება! — თქვა და აფეთქების პირას მისულ ყმაწვილი ქვეშ-ქვეშ შეათვალაიერა კოჩია ჰალიძონიამ.

— მორჩი ახლა ლათაიებს! ოდაბადელებს, ჩემო კარგო, სატანჯოს უბადრუკი მითი ერთხელ და სამუდამოდ დაავიწყდათ, ჯერ კიდევ იქიდან, როცა ჭოფიას ბორანთან ჩემს მიზიდულ სანოვავეს ველურებივით დაიტაცებდით ხოლმე. კი, კი, შენთვისაც მომიკრავს იქ თვალი, უთავბოლო ღრიანცელში მონაწილესთვის თუ არა, მოყურადესთვის მაინც! ხალხი რა საუნჯეცაა, დავრწმუნდი. თორსას და ონწყეშისას ჭორომებისაგან ბევრად როდი განსხვავდება, ძვირფასო! მართალია აქა-იქ ბუტუტოსნაირ გონებანათელ ადამიანებს **Tmifolium metilohus***-ვით ამოატივტივებს, ამოსტყორცნის ზოგჯერ, რათა მათი თვალებით მიაჩერდეს მერე სამყაროს ბრმა დაიძონი* და დასტკბეს კიდევ ერთხანს იქიდან შემოღწეული შუქით, მაგრამ მალე საკუთარი სიმყარაღე-სივერაღე შეზარდება, დაგმანავს ჭეშმარიტების სარკმლებს, შთანთქავს შვენიერს და ამაღლებულს. ასეთი იყო აიეტისდ-

როინდელი ოდაბადე, ასეთს გამოვექეცით საუკუნის წინათ მე და მაფა, შენ — ცხრაას ორმოცდა თხუთმეტში; ასეთის მესვეურია ბაგი ანთარია დღეს... ვეღარაფერი გამიგია, ყოვლად მოუფიქრებელ საქმეებს რაღა მაინცდამაინც ჩემი სისხლხორცები უნდა მეთაურობდნენ?! ერთმა, აგერ, მამულის ტყეების ცოდვა დაიდო კისერზე. მეორეს ენგური მიჰყავს სვანეთისაკენ აღმა. მესამე კავკასიონის მთაგრეხილების გასწორებას მოიწადინებს, ალბათ, ზვალ-ზეგ, ან უფრო სახიერო რამეს გამოჰკრავს კბილს, თუმცა რა გასაკვირია, ჩვენ, ანთარიებს, ხომ ჯიშით მოგვდგამს დონკიხოტობა. აქაოდა, ყველაო, საესე მთვარის ანარეკლს იჭერდა პეპერა ენგურში. პაპა გაცეხვილ ბრინჯს და მარილს თესავდა თურმე. მამაჩემი და ბიძები ბერდანაკებით ასწორებდნენ კუზიან ქვეყანას. ძმებმა ხომ უკვდავებაში შეტოპეს მთლად, ადგნენ და არაფრის გულისათვის, გზის მთხოვნელ ხალხს შეეკლეს თავი! **„ანთარიები ვართ ჩვენ, ძაღლისგაგდებულებო! ვაი, ჯეგე ანთარიას! ვაი, ჯეგე ანთარიას!“**

— რა ხდება, რა ამბავია? — იკითხა იდაყვზე ჩამოყრდნობილმა მაფამ.

— გავკათავთ აქაურობას, რძეს და ხორცს მოვამრავლებთო, კი იქაღნებოდა გამუდმებით ის ბედოვლათი, მაგრამ უტოპისტს ხალხი ჭანჭრობში რას წამოჰყვება-მეთქი, ასეთი ფიქრებით ვუჩუმიდებოდი მამითობოლს. მერე გამოხდა ხანი, ბაგი ანთარიამ ჯერ კოლი ჭანიას და ჭაჭია ქობალიას აურია გონება, შემდეგ — მესამეს და მეოთხეს. ჭურჩის კუნძულებიდან ხუთიოდე კილომეტრის მოშორებით ფარეხი გაიჩინეს.

არაფერია, მობეზრდებათ-მეთქი, ვინ უგეშებდი თავს, მაგრამ გაგონილა? რაც ბულდოზერი და ექსკავატორია კოლხეთში, აქ არ შეუყრია, დიდგვიმარონთან?! შესევინა უღრანებს და ჰექტარზე მეტი ტყე გაუჩინაგებიათ უკვე. „ვერ მიხვდა, პირონი ანაქსაგორაში რომ ავურიე“

ვისი ნებით დაგიწყიათ ტყეების განადგურება-მეთქი, მივაძახე ნავიდან.

ვისი და ხალხის ნებითო.

ხალხი რა ნახირიცაა, ვიცი, ბევრად კი არ განსხვავდება ამ ჭაობისაგან-მეთქი, ვუყვილე.

გამოდის, რომ სამოთხის კარები მხოლოდ ცოდვილებისათვის ყოფილა ღიაო. მორჩა, ამიერიდან ვერ გერწმუნებით, ჟინი ბატონო,

რადგანაც ჭიანჭველას, კამეჩს და ადამიანს ათანაბრებთო. სანიმუშოდ თქვენი გმირული წარსული და გატყუებული ბონდო ჰალიდონიაც იკმარებსო.

— ჭოფიას შვილიშვილმა?! — შეიცხადა მაფამ.

— შენს თავს ვფიცავ! **Gott sei bei uns**-მეთქი და ავაპყარი ცისკენ თვალები. „და რომელმან წარიწყვიდოს სული თვისი ჩემთვის, მან პოოს იგი“.*

მაგინებთ, ალბათ მაგრამ უცხო ენების დაზუთხვას მამულისთვის გვერთგულა სჯობდაო. შენისთანა ერულიციის კაცი მეორე არ ღირსება აქაურობას, თუმცა სკივრში გამოკეტილი ცოდნა რისი მაქნისიაო. რამდენი აუხდენელი იმედის გაღვივება, შეგეძლო, რამდენი დამსხვრეული ოცნების — აღორძინება! ტყეებს ებლაუჭები, როცა ექვს ძმას თვალის დახამხამებაში მოუსწრაფე სიცოცხლეო. საკუთარი გრძნობების მართვა რა ბედენაა, ჟინი ბატონო, საზოგადოების გაძლოლა იკითხე შენ თორემო. უწყინარ კამეჩს შეიძლება რაღაც რეფლექსი გამოუმუშავო, მაგრამ ადამიანი სხვაა. აქეთ წამოდიო, ეუბნები და იქით მიდის, იოლ გზას რომაა ჩვეული, იმიტომო. ხალხის ინტერესებისთვის დაგმე, ამოძირკვე, მოსპე უცხო და დრომოჭმულიო, გვასწავლის პარტიის პროგრამა, მაგრამ თქვენისთანების ხელში ერთიანი ფრონტი ვეღარაფრით გაგვიშლიაო, მამაძაღლმა. რა ვქნათ ახლა, ვის ვუცადოთ, რომელ განკარუგლებას?! გულზე ხელები დავიკრიფოთ და არდაშელ ჰალიდონისნაირებს ვაყვლეფინოთ სოფელი თუ ცხვირიდან ძმარი ვადინოთო. არა, არა, რაღაც უნდა შეიცვალოს ქვეყნის მასშტაბით! დროა გაიგივდეს პოლიტიკური და ეკონომიკური სტრატეგია; დროა უარი ეთქვას მონეტარულ სისტემას დამასზე აგებულ მცდარ დაგეგმვებს; დროა წინ წამოვწიოთ ნატურალური მაჩვენებლები და ქვეყნის ეკონომიკა წარვმართოთ ადამიანთათვის სასარგებლო პროდუქციის წარმოებისაკენო.

— გაუფრენია, საწყალს! — თქვა კოჩია ჰალიდონიამ. „ახია შენზე, უარესიც მოგიხდება!“

— ჯერ სად ხართ! „მცირედ-მორწმუნეო, რაღასა შეორგულდი?“*

ნუთუ იმ ორი ნაბიჭვრის ცოდვა მაინც არ დაგფლავს ჯოჯოხეთში. საკუთარი შვილების გაუბედურებას არ კმარობ და ახლა ბონდოც გინდა შეიწიროო?! ვერ მოგართვესო. იმის ნაცვლად, ლახტით ესუსხებოდეს წვივები კოჩიას ბიჭს და მოპარულ ჭყინტ სიმინდს უფიცებდეს შენი სასახელო კემეს კოცონს, გამადიდებელი შუშუბი

ააფარეთ თვალებზე, გამადიდებელი და თანაც ფერად-ფერადიო. ბოლოს და ბოლოს, იტყვი თუ არა ვინა ხარ შენ, რომელი, ჟინი ანთარი თუ ჯეგე ანთარია, უძრავი ღმერთი და მოჩუხჩუხეადამიანიო. ხომ ნახირი ვართ, შენი თქმით, ბალახის ცოხნას გადაჩვეული ნახირი, ჰოდა, კეთილი, დამალეთ, კარგად დამალეთ ის ველური, არაფერი მოაცვდეს! სამედიცინო კომისიაზე გავწერეთ სხვა წვევამღლებთან ერთად. სამხედრო კომისარიატში დილაადრიან მიიყვანეთ თორმეტში, თორემ მოვლენ მილიციიდან და უფრო საიმედო ადგილას გადამალავენო. აბა?! „აეწყო საქმე! თამამად, თამამად, ჟინი!“

— შენ სად იყავი, მამა?! — ჰკითხა ბონდოს ერთიიანად დაძაგრულმა კოჩიამ.

— მე კოკიასთან შევეყვინდი ჩამოშლილი ზვინების მისახედად, — უპასუხა შვილმა.

— ბაგი კი არა, ორფეხა ბუბალუსი* უნდა გერქვას შენ-მეთქი.

შინმოუსვლელთა ობელისკი რას მიქვია, ჩვენ კაკლის ხეების სულის მოსაბრუნებელი ხეივანი გვჭირდებაო, ხომ გაპყიოდი მამლაყინ-წასავით ამ თოთხმეტოდე წლის წინ-მეთქი?

კი, ეგრე იყო.

არდაშელ ჰალიძონიას ხალხს უჯანყებდი, როცა თანხების დაზოგვის საბაბით ყოველი შინმოუსვლელის სახელზე თითო ჰადრის დარგვას მოითხოვდა. ხედავთ, ოდაბადელებო, როგორი ყაირათიანი გახდა უცებ ჩვენი ნოჩოვეიჩი? გადავყარეთ თუ არა ფული გზის შეკეთებაზეო, კითხულობდი და გადავყარეთო, უპასუხებდი იქვე-მეთქი. ვის ჩავურიცხეთ აბანოს ასაშენებელი თანხებით, იჭაჭებოდი და მყისვე არდაშელის ჯიბესო, მოსჭრიდი-მეთქი. რა გამოვიდა ყოველივე ამით? რა და არაფერი-მეთქი. აბანო თქვენ არ გაქვთ და ფესსალაგი. კლუბი თქვენ არ გივარგათ და გზები. შარშან სტავროპოლელ მეცხენეებს ექვსასი ათასი მანეთი მე გადავურიცხე, თუ თქვენ-მეთქი? ჩვენო.

მერე-მეთქი?

მერე არდაშელმა საცხენოსნო სპორტული სკოლის თავლა გახა ჰალიძონიასდროინდელი ჯაგლაგებით გაავსო, ხოლო ის თეთრონი ქერქენჯი, უფროს ქალიშვილს, ხანტურს, უსახსოვრა დაბადების დღეზეო.

არ გადამრიო, კაცო, თავის წონა ფულზე შექენილი ცხენი-

მეთქი?

ჰო, მაგიო.

მე რომ თქვენი რაიკომის მდივანი ვიყო, ხომ დაგიჭერდით ორივეს-მეთქი?

ორივეს რისთვისო.

რისთვის, ბუბალუსებო, და შიმშილით სული გძვრებათ, წმინდა სისხლის მერანს კი ყიდულობთ, რომელი მერანიც თავისი ღირებულებით კლუბის, ბაგა-ბაღის, აბანოს და კიდევ რაღაც-რაღაცის აშენებისათვის საჭირო თანხას აღემატება-მეთქი. სად გქონდათ თვალი, ყური, ენა, თუ დაბრმავდით, დაყრუვდით და და მუნჯდით ყველა?! არ კმარა ვითომ ქამანდისათვის-მეთქი.

კმარა, მაგრამ მართო ველარაფერს გავხდი ამ კაციჭამიებშიო.

ხოხ, კაციჭამიებში მაგზავნიებ მე რე კოჩიას ანგელოზ ბაღანას-მეთქი. რა ჭადარი, რის ჭადარი, მიმატება კი არა, რაც გვატიალია, ისიც ერთიანად ამოსაძირკვია, მხოლოდ და მხოლოდ კაკლის ხე, ხალხოო, მე ვფაფხურობდი თუ შენ-მეთქი.

მეო.

ოდაბადეში ხუთ ჰექტარზე კი გააშენეთ კაკლის ხეივანი, მაგრამ რაღა ფასი აქვს ყოველივეს, თუკი ჭურიაში ათასობით ჰექტარ ტყეს მოსპობთ-მეთქი. განა შეიძლება ხელალებით გადაასხვაფერო ის, რაც საუკუნეების მანძილზე ისტორიულად ჩამოყალიბებულა-მეთქი. უჩაქვერსემიაში* ჩაძირვას უქალით ენგურის ხეობას! აქეთ ათასობით ჰექტარ უსიერს ხელის აუკანკალეზლად გააჩანაგებთ, იქით კი ორი იმდენი ათვისებული მიწა ზღვას მიაქვს. ლამისაა ჩაის ნარგავებს შეაჭამოთ მთელი კოლხეთი. წარმოიდგინეთ, თვით ის სავარგულებიც კი, სადაც ეს კულტურა სრულ მოსავლიანობას ველარაფრით ეღირსა-მეთქი. ამომავალი მზის ქვეყანაში, იაპონიაში, სადაც მიწის ყადრი ნამდვილად ესმით, ვიდრე უცხო კულტურას მასობრივად დანერგავდნენ, სულ ცოტა, რამდენიმე ათეულ წელიწადს მაინც დააყოვნებენ კარანტინში. თქვენ კი, სოციალისტური საქართველოს არსებობის ორმოცდათერთმეტი წლის მანძილზე განუკითხავად გააშენეთ ჩაი, მანდარინი უნშიუ, ფორთოხალი, ლიმონი, ფეიხოია, გრეიპფრუტი, ევკალიპტი, კორდატა * და კიდევ ვინ მოსვთ-ვლის-მეთქი. ახლა შედეგს არ იკითხავთ?! გამეჩხერდა ასობით ჰექტარი ჩაი, ყინვამ მოსრა მამფორიას ციტრუსებში.

ბუნება შურს იძიებსო, გენისომა ბრძანა. შეიგნეთ თვითმკვლელებო, რომ ის, რაც სიკეთეს აკლდება, ბოროტების ბეღელშია; ის ვინც მშვიდობას განუდგა, **Status belli*** — ყურმოჭრილი ყმაა. თავის დროზე აქაური ეკოსისტემა მეცნიერული თვალსაზრისით რომ შეფასებულიყო, კოლხეთი დღეს მეკამეჩობის სასახელო მხარე იქნებოდა, მაგრამ სად მეცნიერული თვალსაზრისი და სად — თქვენ-მეთქი. შეაყარე ცერცვი კედელს! თვითმკვლელებო, ბუბალუსებო-მეთქი და ზურგი შევაქციე ყველას და ყველაფერს.

თორმეტი იანვარი არ დაგავიწყდეს, თორმეტი იანვარიო.

როგორ გგონიათ, ცოტას მოასწრებენ და დაწყნარდებიან ვითომ?! — ჟინი ანთარმა ისევ შეივსო ჭიქა, — იმდენი ხეირი ჩვენს მტერს. ოდობადელებს ხვალ-ზეგ კახათელები აუბამენ მხარს, კახათელებს — ინგირელები, ინგირელებს — დარჩელები, დარჩელებს — რუხელები, რუხელებს — ოდიშელები, ოდიშელებს — ჭაქვინჯელები, ჭაქვინჯელებს — ჭკადუაშელები. კანონი და უჭკუობა მათ მხარესაა და რატომაც არა?! თიბეთ ხაია და ჟალტამი! — ისეთნაირად მიახალა კოჩიას, იფიქრებდით, ამ ფერხულს ბონდოს მამა მეთაურობსო, — არა, უმადურობა შორსაა ჩემგან! თქვენც ხართ მოწმე, ზურგს უკან თუ პირში, როდისმე დამცდენია გადაბრუნებული სიტყვა?! სულ ამოჩემებული მქონდა, ძრავა-გენერატორი, ელექტრომიკროსკოპი და მოტორიანი ნავი რომ გვაშოვნინა; სოფლის სახელით ტელევიზორი და სტერეომანგიტაფონი რომ გვისახსოვრა, სამაგიეროდ ვისი სანაშენე ზაქებით გაიმართნენ წელში? ვისი ბედნიერებისათვის გამომყავდა უხვმოსავლიანი სიმინდი და ლობიო? ვისი ბედნიერებისათვის ვუკირკიტებ ახლაც ლიმონისა და მანდარინის ყინვაგამძლე ჯიშებს? ხატი, რჯული, დავიშურე უნარი, ენერგია, ათასები?! ხშირად ვუმადლობდი საჭირო წიგნებით, მედიკამენტებითა და ბენზინით მომარაგებისათვის, თუმცა ბიდონებით რომ მისდიოდათ თაფლი და ხიზილალა, რატომღაც დაივიწყეს. არა, უმადურობა შორსაა ჩემგან! მესმის, ბაგის თავგამოუღებლად, ამ მიყრუებული ჭორომებიდან გამიჭირდებოდა უსათუოდ კონტაქტების დამყარება ჯორჯ გელიორდ სიმპსონთან*, ერნსტ მაირთან, ჟულიან ჰეკსლისთან და სხვებთან, მაგრამ ჭურიაში ფარეხის გამართვის შემდეგ სათოფეზე რომ არ გავიკარეთ, თანაც ამდენი ხნით ვუმალავთ ბუტუტის, გიჟდებიან.

— აქაც არ გვაყენებენ?! ამოგდებული მათი ფესვი და ძირი! — მიაწყველა ოდობადელებს მაფა ჰალიძონიამ. „რა მეშველება!“

— მერე და ხომ ხედავ, არც უნეს ძმისწულს ეთობა ცრუ წუთი-სოფლისათვის. ვაითუ გაურყვნან და წაუბილწონ იქ. გატყუებულს ვანახებ მაგათ!

ჟინი ანთარმა თვალი თვალში გაუყარა შეგირდს, რაღაც მომ-
წუსხველი ძალა გადასდო.

— ტყუილისა და მეგრულის მეტი ყველაფერი უსწავლია ჩემგან.
შენი სიწმინდისა იყოს, ბუტუტი! — თქვა და წვერი მოიბრჭყალა ერ-
თხელ, მეორედ, მესამედ.

კოჩია ჰალიძონია გაფაციცებით, შიშნულად უმზერდა შვილს.
ხელში არ უჩერდებოდა გრაფინი და არაყი სუფრაზე ეღვრებოდა,
თუმცა ეს ყოველივე ნაკლებად აღარდებდა ბონდოს. ყმაწვილი მას-
წავლებლის იქით ველარაფერს ამჩნევდა, ვერც მათას ფერნაკლულო-
ბას, ვეღარც მამის ფორიაქს. ჟინი ანთარის წამებამოვლილი გამო-
ხედვა იმდენ უთქმელ ერთგულებას იტევდა, რომ სული ძვრებოდა
ბონდოს. ეჩვენებოდა, თითქოს ეს თვალეები პატრუქის უკანასკნელი
ელვარებით ანთებდნენ და შეგირდიც აქამდე ფარულ შინაგან ხმას
აპყვა, ოსტატის წინაშე მუხლებზე დაეშვა.

— *Pater, de te fabula narratur?!** — წაიჩურჩულა და გამოწვე-
დილ მარჯვენას ტუჩებით დაეწავა.

— *Pater, Silentium, Bututi,** — ეუბნებოდა სატანჯოელი და ხეშ-
ხეში ნებით შეღინღლულ სახეზე ეფერებოდა. — *Alea iacta est*.*

— *Caesar citra Rubiconem, sed non supra grammaticos** — შეე-
პასუხა ახალგაზრდა მკვირცხლად.

— ტყუილისა და მეგრულის მეტი ყველაფერი უსწავლია ჩემგან.
მაფა, თუ გიყვარდე, ის ალბომი გამომიტანე!

— რა ღროს ალბომია, თოლიგე! მართლაც რკინის კი არ ვარ!
„დავიღუბე!“

— იქნებ არც ჩემთვისაა იოლი ეს დღეები მოურჩენელ *levis
Culpa**-ებს რომ ვუმხელ, მაგრამ ქვეყნიერებაც რომ დაიქცეს, მარ-
თლმსაჯულება უნდა აღსრულდესო, ძველმა რომაელებმა.

„დაიწყებენ ახლა სამიჯნურო წერილების კითხვას!“ გაიფიქრა კო-
ჩიამ, როცა მაფა ჰალიძონია თავის ადგილს დაუბრუნდა.

ჟინი ანთარს ალბომზე დადებული მარჯვენა აუტოკდა, აუთა-
მაშდა, მერე თითქოს მარგალიტს ბლუჯავსო, მომუჭა. ერთხანს იჯდა
ასე, ასაფრენად გამზადებულ არწივივით შეკუმშული, ბოლოს მოეშ-
ვა, სკამის საზურგეს მიესვენა, ალბომი ცოლისაკენ გააცურა გადა-
უთვალეიერებლად და იმავე ხელით წვერი მოიბრჭყალა ერთხელ, მე-
ორედ, მესამედ.

„სიზმრის წარმოდგენები არ შეიძლება ყოველთვის მივიჩნიოთ

მეხსიერების წარმოდგენებად და საზოგადოდ, სიზმარი — მეხსიერების მოქმედებად. ესე იგი, აქა-იქ შეიძლება. აბა, რად შემომიტიეს კოშმარებმა. საკმარისი აღმოჩნდა გული გადაეხსნათ მოხუცებს, რომ უშფოთველი ძილიც გაქრა. **მე ვხედავ სიზმრებს არა თქვენებურს.** მასსოვს ჯიბებს ვიქეჯავდი. უცებ კბილებჩამტვრეული სავარცხელი ამომყვა. გულგრილად შევათვალეიერე და მოვისროლე ზურგს უკან. მერე? ჰო, ატყდა ხორხოცი, კვნესა და კბილთა ღრჭენა. მივტრიალდი. ტრიფოლიატის ცასაბჯენილი ღობე შემრჩა ხელთ, რომელსაც შესასვლელი ერთი ჰქონდა, სხვაგან ნემსსაც ვერსად გაუძვრენდი. რისი მაუწყებელია ნეტავ ეკლის ტრიუმფალურ თაღს გამობმული მტრედი და ყორანი?!

არ მომეკაროო, წიოდა პირველი და ეკლებს ეხეთქებოდა.

ქიმმეხვარით, * ქიმეხვართია, ყრანტალებდა ყსიდად ფრთაღამებული ლეშიჭამია. მარჯვენა ხელი მტრედისაკენ გამექცა. მარცხენა ყორანს გავუწოდე. ერთმა ლაქვარდისკენ წამწია, მეორემ — ინწყვეშისაკენ.

ჟინი. რამდენადაც გადაქათქათებულია, იმდენად გერაგია თნწყვეშია.

უვიწროესი თვალები სიხარულისაგან შეღვარებდათ ეკლებს. გადახასხასებულ მინდორზე, ბალახის ძირებიდან, დაჩრჩილული ცხვირები ჰაერს შემზარავად შეიყნოსავდნენ.

შენც, ბუტუტო, დუდლუნებდნენ. ჟინისას ჰგავდა ნამდვილად. მინდოდა იქაურობას რამენაირად გავცლოდი, ცაში მოფართხალე მტრედს გავყოლოდი, მაგრამ ყორანიც თავისას ცოდვილობდა. შემდეგ, შემდეგ რა გადამხდა? გალავნის მიღმა ყურისწამლებად ჟრიამულობდნენ ახალგაზრდები. ფეხბურთს თამაშობდნენ.

მეც გადმომიგდეთ-მეთქი, ვეხვეწებოდი მათ და როგორც იქნა, მორიელისბოლოიან ტრიფოლიატებს ვეება სფეროც გადმოევლო. ტრიალებდა, ტრიალებდა სფერო. გადადიოდა, იღვრებოდა ერთმანეთში ლურჯი, ყვითელი, წითელი, მწვანე. თავი დაუხვედრე უკან მისაბრუნებლად, მაგრამ მაცდუნებლად ბრჭყიალა სფერო ლამაზად შეღებილი ქვა აღმოჩნდა. კეფა ჩამელეწა. პირი მოტკბო, თბილი სისხლით ამევსო. არა, იმ განცდას შიში როდი ახლდა, არც რაიმე წყენა, ოღონდ ეს იყო, რომ ლოდს ფარული ფეთქვა შევატყვე თანდათან, განსაკუთრებით მას მერე, რაც ჭიაყელასავით წაკლაკნილი სისხლი მიუჩხუხუხდა და მიუჩხუხუხდა.

ყოჩაღ, შენ, გამონახე სათამაშო დრო-მეთქი, ჩავილაპარაკე ნიშნისმოგებით, ეს იყო და ეს. ამასობაში მტკივნავ კეფაზე თაკარა ხელისგული შევიგრძენი. ვერც კოჩიას მივამსგავსე, ვერც გაღია მათას და მით უფრო — რაბის. ქომავის დანახვა მწადდა, მაგრამ კისერს ვერ ვატრიალებდი. მებრუებდა აყვავებული აკაციის სურნელი და მჭეროდა, დაბეჯითებით მჭეროდა, რომ ვკვდებოდი ვიდაც უხილავის თანდასწრებით, ვკვდებოდი მტრედითა და ყორნით ზესკნელქვესკნელისაკენ დაძრული. სადაც იყო მივსხვაფერდებოდი და ყველაფერს რომ მოვეშვათ, იმ გარდასახვას უკვე ნეტარებისა ეთქმოდა. ეგეც რომ არა, ახლახან ზურმუხტისფერი ლოდი ტალახისფრად ქცეულიყო. შესაძლოა სფინქსის* სხეულის ჩამონასხლეტია-მეთქი, ვფიქრობდი, თან იეროგლიფები* გამირბოდა თვალწინ. ყოველ ასონიშანში ერთიანი მოძრაობდა საკვირველად. ამ აღმოჩენით სუნთქვაშეკრულმა დავასკვენი მაშინ, რომ თითოეული ციფრი ერთისაგან გაქცევას, სხვადაცოფნის სურვილს ეწირებოდა. აღმაცერი მზერით საიდუმლო წარწერებს ვიმასსოვრებდი. უკვდავების ფორმულის გადარჩენას ვლამობდი. უსასრულო ხარისხის ფესვის ნიშნის ქვეშ ელვისებური სისწრაფით ენაცვლებოდნენ ერთმანეთს ნატურალური რიცხვები — 1 2 3 4 5 6 7 8 9. თავიდან და ისევ თავიდან. ტოლობის ნიშნის იქით პასუხი არ ჩანდა. ძნელია ახლა განვსაჯო, იმ დუმილის სიკვდილზე მეტად რისთვის მეშინოდა. სულ იმას ვცდილობდი, რომ მოჭუტული თვალებიდან ტოლობის ხელმარჯენივ, თარაზული რვიანის ნაცვლად კვლავ იგივე ნატურალური რიცხვები არ დამეღანდა.

უნი. პიროვნების აქტივობა აღკვეთილია და ფანტაზიის მოქმედებას თავისუფალი ხასიათი აქვს. სიზმარში წარმოდგენილი სინამდვილე ფანტაზიის თავისუფალი მოქმედების პროდუქტს წარმოადგენს. მასაც განსაზღვრავს პიროვნების მოთხოვნილებები, ინტერესები, მისწრაფებები, მაგრამ ეს უნებურად, განუზრახველად ხდება.

ზღვის პირას ბავშვატატებული ქალი გამორბოდა, ზოგჯერ გამჭვირვალე, ხან კიდევ ჰარმონიული კონტურებით გამოკვეთილი. მარჯვენა ძუძუსკერტის წაკნეტა უკვე მოესწრო პირმშოს და ტუჩებისსხლიანი ყრმა ამჭერად მარცხენას ეარხეინებოდა. ამასობაში მივიწყებული ფორმულა გამახსენდა, მაგრამ იქ არც უსასრულო ხარისხის ფესვი დამიხვდა და აღარც — ნატურალური რიცხვების მიზანშეწონილი მონაცვლეობა. იქ დედამიწა ბრუნავდა საათის ისრის მოძ-

რაობის საწინააღმდეგოდ, ხოლო პასუხის ალაგას მუშა ჰინანჰველები დამსხვრეულ ფრთებს ალაგებდნენ და ალაგებდნენ“.

— ...შორად, შორად ცის დასავალსა, — მისწვდა ბონდოს ჟინი ანთარის ხმა, — იქნებ გვექვებათ, ტყუილისა და მეგრულის მეტი ყველაფერი რომ უსწავლია ჩემგან?!

— როგორ გეკადრებათ! — ზურგისკენ გადაიზნიქა გულშექანებული კოჩია.

— შენი იმედი მაქვს, ბუტუტი! დავუმტკიცოთ ყველას, რომ ეს წლები **Arare litus***-ი არ ყოფილა. აბა, რა ჩამოჰყვა შენს მასწავლებელს ცხრაასთვრამეტში საფრანგეთიდან?!

— რა უნდა ჩამოჰყოლოდ, რაბი? ფრაკი, **Lues***-ი და ფანერის თორმეტი ცილინდრული ყუთი.

— ის ყუთები საჩუქრებით სავსე გვეგონა, ნანაგე, — ამოიოხრა მაფამ.

— მართლა?! — ღიმილით თავი გააქნია ჟინი ანთარმა.

— სინამდვილეში კი **Formica rufa***-თი გამოტენილი აღმოჩნდა.

— ესეც მე ვარ. ცოტაც გვაცალეთ და თვალნათლივ დაინახავთ, თუ რანაირი რეზიუმე გაუკეთეს ჟინი ანთარის ცხოვრებას.

— ქორწილიდან გამოქცევას და მისთანებს გულისხმობთ, არა? კეთილი. თქვენი იმდროინდელი ქმედება, რაბი, ვფიქრობ, ყოველგვარ საფუძველს იყო მოკლებული. მართლაც, აღნიშნულ მოვლენას სიღრმისეულად თუ გააანალიზებთ, თქვენ დამნაშავე აღმოჩნდებით არა მარტო საკუთარი პიროვნების, არამედ — ჰემმარიტების წინაშე საერთოდ. **Ab equis ad asinos*** ითქმის ამაზე.

— ნამდვილად, ბუტუტი! — ხელების ფშვინეტას მოჰყვა ჟინი ანთარი.

— ადამიანი ყოველ წუთს ზამბარასავით დაჭიმული უნდა იყოს მთელის, საზოგადოების ინტერესების გადასარჩენად, მაგრამ სავალალოდ, კაცობრიობის ისტორია ომების სასაფლაო უფროა, ვინემ ჰუმანიზმის ტაძარი. შემთხვევით არაფერი ხდება ცისქვეშეთში. შემთხვევით, კენჭიც რომ კენჭია, ისიც კი არ ჩამოზრიალდება პიტალო კლდის ბუმბერაზი მკერდიდან და როგორც მოსალოდნელი იყო, ერთ წაბორძიკებას უფრო დამანგრეველი მეორე გადაეჭდო. როცა სამშობლოს მტერს ფიანდაზად გაეგები ფეხქვეშ, აქ უკვე სულის ხსნაზე ფიქრიც კი ზედმეტია. ბორნის მოტაცებით თქვენ საბოლოოდ გაირიყეთ ხალხის გულიდან. ძმებმაც სასტიკად დაგსაჯეს. რაინდების საკადრისი თავდადებით სცადეს თქვენი დანაშაულის, დაცემის

გამოსყიდვა-გაბათილება, მაგრამ ერთხელ დამწვარი აინთება ხელ-მეორედ განა?! არაფრისდიდებით! აქაც სამარცხვინო კრახი განიცადეთ ნაწილის პოზიციაზე დგომით. მოკლედ, სიკვდილის შიშმა უდღეურ არარაობაში შეგაქანათ. ან რომელი ზნეობრივი ნორმით გამართლება ის სიმდაბლე, როცა *Scorparia nodosa**-ში

*Datura stramonium**-ი შეუჩრით, *Clahoma hederacea**-ში, *Hyoscyoms negeri**-ში და სრულიად შეუმოწმებლად უკვდავების წამლად მიასაღეთ ხელებში იმედით შემყურე სნეულებს?! წუთისოფელი კი გაიხანგრძლივით, რაბი, მაგრამ — მაკიაველის* მეთოდებით, სხვათა სიცოცხლის ხარჯზე. ეს ხომ კატასტროფა იყო უკვე, სრული კატასტროფა!

— ჩემო ტანჯულო, ჩემო ტანჯულო! — აქსუტუნდა მათა ჰალიძონია.

„რატომ არ ჩაძაღლდა მაშინ?!“ შეეხმანა ფიქრში კოჩია მამიდას.

— რაც შეეხება გადიას, — აგრძელებდა ბონდო, — ვერც იგი გადაურჩა თქვენს *Culpa levis*-ს. აქეთ თქვენ არ ეთმობოდით, იქით — ოდაბადე. სცილას* და ქარიბდას* შორის მოქცეულისათვის ცხოვრება აუტანელი შეიქმნა. ამ ორი შეუთავსებელი ძალით გათანგულს ვერაფერი მოესაზრებინა, ვერაფერი ელონა. ამაო აღმოჩნდა მოვლენების *Status quo**-ში დაბრუნების ყოველგვარი ცდა, ყოველგვარი მეცადინეობა. არავის მონასა ხელეწიფების ორთა უფალთა მონებადო, ლუკამ* და როგორც კი ნათესავებმა გათხოვებაზე სიტყვა ჩამოუგდეს, განათდა თითქოს, გამოჩნდა თითქოს საშველი. თვით-შეწირვა ერქვა ამ მიგნებას. ამისათვისაც გამოიგონა შერცხვენილი კაცის საყვარლობა. თოკით ქვა ამისათვისაც გამოაბმევიანა ძმებს კისერზე, ასე რომ, ჰალიძონიებმა ღვიძლ დაიას უბიძგეს თუ არა ენგურისკენ, აზოგეას მიღწეულ თქვენს *Culpa levis*-ს ლოგიკური წერტილი დაესვა, დასრულდა, სამუდამოდ დასამარდა იგი.

— ეჰ, დასრულდა კი, დასრულდა ვითომ?! — სინანულით გააქნია თავი ჟინი ანთარმა.

ხედავდა ბონდო, თუ როგორ მინებდა მასწავლებლის ტორს ალბომზე დასვენებული მათას ხელები, როგორ ჩაეხლართა თითები თითებს. რაღაცნაირმა შურმა თუ ექვმა გაკენწლა და ვარდებით სავსე ლარნაკზე გადაიტანა მზერა.

— აი, თურმე რისთვის ყმუოდა მამაჩემი სიმთვრალეში, დამჩაგ-

რა ბედმა, დის ცოდვა მსდევნისო, — იბღავლა კოჩია ჰალდიონიამ, — აი, თურმე რისთვის მოგვაწყველიდა მე და არღაშელს დედაჩემი ცარო, შავსისხლიანების შთამომავლებო. თქვი, მამიდა, მართლაც გაგწირეს ბიძებმა?! თქვი!

— რა მნიშვნელობა აქვს ახლა მაგას, კოჩია, ამდენი ხნის შემდეგ?!

— აქვს, მამიდა, აქვს! „სატანას ხელში დაბეჩავებული წმინდანი!“

— გეუბნები, რა მნიშვნელობა აქვს-მეთქი. ხომ ხედავ, ცოცხალი ვარ, პირში სული მიდგას. მეტი რაღა გინდა?! „გაჩუმდი მაინც, უბედურო!“

— აბა, ბორნის ხოფს არ გამოდებულიყავი მაშინ, ან ჭოფიას სძინებოდა თავის კოკროჭინა ჯიხურში?! — თვალეში ჩააცქერდა მე-უღლეს ჟინი ანთარი.

— სიმართლის ღირსადაც არ მთვლით?! არ გებრალეებით სრულებით?!

— მიეცით კეისრისი კეისარსა და ღმერთისაი ღმერთსაო, მათემ. რა გითხრას, შე უღმერთოვ, რა?! ყელზე ქვაგამობმული ენგურში გადამაგდეს ძმებამაო?!

— ამისთანა სულმდაბლობას ჩემი ბიძები არ იზამდნენ, არა.

— ამოგიჩემებია ბიძები, ბიძებიო, თითქოს მამაშენს ფრთები ამოსდიოდა ილიეებიდან.

— რატომ გაჩუმებულხარ, მამიდა, თქვი რამე! „აღბათ ყველაფერი ჩაუკაკლა“.

— დის ცოდვა მსდევნისო, მე ვღმულოდი თუ ნაარყალი მამაშენი?!

— მამაჩემი, მაგრამ ეგ რა შუაშია?!

— გამარჯობა, შენი! კიდევ საბუთებს მთხოვ?! ის, რაც ფხიზელს თავში აქვს, მთვრალს ენის წვერზე აკერიაო, ნუთუ არასდროს გსმენია ლაღი ჭანისაგან მაინც?!

— მსმენია, დიხაც, მსმენია! „სულ იმას შესციცინებს თვალეში!“

— მეყოფა, კმარა! კმა-რა! — გააღმასდა მათა ჰალდიონია.

— კი, მაგრამ მე რას მერჩით? აკვანში ვწოლილვარ მაშინ! — იბღავლა კოჩიამ და კარისაკენ გაქანდა. სიჩქარეში ჯორკოს გამოსდო ფეხი, წონასწორობა დაკარგა და იატაკზე ყუნწმომტვრეულ გოგრასავით გაკოტრიალდა. — შეჰკარით პირი ჩემს წინააღმდეგ ხომ, შეჰკარით ხომ?! — იღორბლებოდა კოჩია, — გამიშვი, შვილო, ხელი,

ხეიბარს! მე თვითონ, მე თვითონ!

ბონდომ წვალეებით წამოაყენა მომჩვარული კაცი, მაგრამ მშობელი ფეხზე დადგა თუ არა, მაშინვე გავარდა ოთახიდან. კარები გააფარჩავა და კიბეებზე ცარიელი კასრივით ჩახრიგინდა.

— მიხედე, ნანაგე, ხიფათს არ გადაეყაროს ვაჟაიჭარე!* — გამოუწვია ყელი მიტკლისფერმა მათამ ყმაწვილს.

— ჯანდაბამდის გზაც ჰქონია! — მიაწყველა ჟინი ანთარმა, — გული აუჩვილდა ვაჟბატონს! ვითომ შენი სიბრალულის გამო ვერ ჩერდება ერთ ადგილას.

— არ გინდა, თუ გიყვარდე! ოღონდ დღეს გაჩუმდი, ჩემი ხათრით გაჩუმდი და ხვალ-ზეგ თვითონვე გამოვასწორებ ყველაფერს! — მისწვდა გადიის მუდარაგარეული ხმა ბონდოს.

— ტყუილად მთხოვ, შემოგველე! Aut Caesar, aut nihil!*

„კიდევ დარჩათ სათქმელი, იმდენი თვითმხილების შემდეგ?! ვერ წამართმევს მას, რაც გულის ბნელ სიღრმეში მოვათავსეო, პოეტმა. იდუმალი ერთარსია მხოლოდ. სამება უბადრუკი სიშიშველვა.“

მაფა: უბედურების შიში ჩემი ჯეგეს დაბრუნებამდე ორი წლით ადრე დამჩემდა, ნანაგე. არ მინდოდა შენი მასწავლებლის ღალატი მერწმუნა, მაგრამ მისი წერილები დღითი დღე ილეოდა და წინათ იმ ფურცლებიდან ბადაგი თუ წვეთავდა, ჯეგეს ხმაში თანდათან გულგრილობამ, განსჯამ დაისადგურა. ასე რომ, კარჩაკეტილ კუნძულზე მცხოვრები, ნანაგე, დროთა მსვლელობაში ბარათიის ხასიათს უნებურად შეგურიგდი. ცხრაას თოთხმეტშეც კი, როცა გერმანია მთელს მსოფლიოს წაეპოტინა დასაპყრობად, როდესაც სასაკლათოდან ცალხელა ჩამომივიდა უფროსი ძმა, ბადუ, სამაზლო ჯღვამამ და ათობით ოდაბადელმა ძვლები ძლივს მთაჟღარუნეს, როცა ნებით თუ უნებლიეთ ბევრი სწავლასმოწყურებული სტუდენტი მოშორდა, დაეხსნა იქაურობას, ჯეგე ანთარია კვლავინდებურად კანტი-კუნტად იწერებოდა, ოღონდ — უკვე საფრანგეთიდან. დიას! თავიდან ათგვერდიანი გაჭედილი წერილები რომ მომდიოდა, ნანაგე, საფიცარმა ადამიანმა საუბარი ნელინელ გამინახევრა. ხელწერასაც რაღაცნაირი ზერელეობა დაეტყო. გაქრა ოდინდელი სისადავე. ჯეგე ანთარია მალე ნაძალადევი ბატიფეხურით შეკოწიწებულ ერთ გვერდს დასჯერდა. ახლა საკუთარ თავზე არაფერს ამბობდა. მის შორეულ ხმას შემაძრწუნებელი სიცივე ჩამოჰყვა...“

ცხოვრება ოდაბადეშიაც აირია, აიწეწა, მამას შვილი ეურჩე-ბოდა, ძმა ძმას მტრობდა და ახლობელი — ახლობელს: ამდენად, რა გასაკვირი იყო, თუ უცხო და შინაური ამბებით ძარღვებაშლილ მაფას აქა-იქ გაუტანელი წუთისოფლის სამდღურავი წამოსცდენოდა ჭყონდიდის ძირას თავმოყრილ ხალხში?! ყაჩაღანა ასულის სითამამე ბევრს აღიზიანებდა, შურიანები ხომ დედასთან დაასმენდნენ ხოლმე, მაგრამ ჭორიკანა თავსაფრიანებს ლისა შკვითინია სათითაოდ ხმას აკმენდინებდა, შვილის სიმჩატეს გამართლებას უეჭველად მოუძებნიდა, თუმცა არც შინმობრუნებულს დააყენებდა კარგ დღეს.

— შარვლიანების საქმესთან შენ რა ხელი გაქვს, თოლიგე?! — უწყრებოდა დამართოხელებულს წარამარა, — ქალის დაწყობილი ქვეყანა სმენილა ჯერეთ?! ეს რკინის დროება ეშმაკის მოგონილია, შემოგველე, აკვნის რწევა და თითისტარის ტრიალი ჩვენი ყისმათი. მერედა, დანიშნული ხარ, ნანა გენაცვალოს, ქალის სახელის სიწმინდეს კი ისეთივე გაფრთხილება სჭირდება, როგორც ცეცხლზე შემოდგმულ რძეს, — არიგებდა დამტირებელ გოგოს, მაგრამ ლალად გაზრდილი ქალწული არას დაგიდევდა.

ანთარეები სარძლოს ყოველკვირა ნახულობდნენ. ჟინის წაბლისფერ კვიცს მოუყვანდნენ, რომელსაც შუკა-შუკა დასეირნობდა მაფა. ხანაც სატრფიალო ტირიფების ძირას ჩაიყვანდა. დაბანდა, ძუაფაფარს დაუვარცხნიდა. ჭკვიანურ თვალებს დაუკოცნიდა.

— თქვენ გადამრიეთ ანგელოზი ბავშვი, თქვენ, — წამდაუწუმ აქვესკნელებდა ვაჟიშვილებს ლისა შკვითინია, — ვაშინერს,* ნანაგე, ვინ გაქცევია საკუთარ ბუნებას, შენ რომ გაექცე?! ერთი განგება დაატარებს ყოველ გრძელთმიანს. ფუძის მოვლა-პატრონობა ჰქვია ამ ბედისწერას. სამამაკაცო საქმეებს დაეხსენ! დაბრუნდება ის ნასწავლი ბიჭი და ტყე-ღრეში ხეტიალს, იცოდე, არ გაპატივებს! — ეტყოდა, რის შემდეგ ხორკლიანი ხელისგულით ცრემლს მოიწურავდა. დედობრივი მოვალეობა აიძულებდა ასულისათვის შეუფერებელი ჩვევები მოეშლევინებინა, მაგრამ მაფა დაუამდებოდა, თავშალს გადახდიდა და ფერებ-ფერებით დაამშვიდებდა.

ჟინი ანთარის ბოლო წერილი თებერვლის მიწურულს მოუვიდა მაფა ჰალიძონიას.

„გიხართდეს, უკვე დოქტორი ვარ და სამ-ოთხ კვირაში ჩამოვალ“, ატყობინებდა საქმრო.

ჰალიძონეები სასიძოც აქამდეც მოელოდნენ, თუმცა ნანატრმა

ცნობამ ისინი უფრო დააფაცურა.

მღულრავენენ ავეჯს. აპრიალეზდნენ კარ-ფანჯრებს. ამზეურებდნენ ქვეშაგებს, საბნებს. შეყვარებულის მოლოდინით დაქანცულ დედოფალს საპატარძლო კაბას უკერავდნენ.

ოდბადელი ყმაწვილები სიმინდის ღეროებს აგროვებდნენ ნაყანარში, ბორნის სიახლოვეს გორებად ახვავებდნენ, რათა უცხოეთში განსწავლულ თანასოფელს ზარ-ზეიმით დახვედროდნენ. რჩეული შვილის მოლოდინში იქ აღამებდნენ და ათენებდნენ. ნაცარგარეულ წყალში დიდრონი ქვებით იქ ხარშავდნენ შემოდგომის სიმინდს. იქ აქედარუნებდნენ კაკლის ხის გულისაგან გამოჩორკნილ ნარდს. იქ აღულუნებდნენ ყელმოღერებულ ჩონგურებს.

პარასკევ საღამოს კოცონების ბრიალმა და მხიარულმა შეძახილებმა მათა ჰალიძონიას მიჯნურის დაბრუნება ამცნო.

— ჯანმრთელობა ჭეგე ანთარიას! — ყვიროდნენ ერთხმად.

— გამრავლება ჭეგე ანთარიას! — დასჭექდნენ ისევ.

— ბედნიერება ჭეგე ანთარიას! — გუგუნებდა გაბრღვილებული ხაბოსთავი.

ჟინი: შევაბიჯე თუ არა ბორანზე, უცხოეთში გადაკარგულ მეპკვიდრეს მუხლები ამიკანკალდა. ჭიაკოკონების შუქზე ნარბენალი ცხენის ზურგივით ღაბღაბებდა ენგური. მგზავრობით მოჟამულის ბარგს ოდაბადელი ონავრები ხორხოცით აწყობდნენ ბორნის მოფამფალებული მთაჯირის სიახლოვეს. როგორც ჩემს არყოფნისას დაკოჭლებული ძმისწული ჭოფია ირწმუნებოდა, სოფელი თურმე რა ხანია მელოდა. მაშხალე-ბითაც ამისათვის მეგებებოდნენ. ბუტუტი, რატომღაც მომეჩვენა, თითქოს კუნძულ სატანჯოს წყეული ჭორომებიდან ვიღაცამ უხორცო მკლავი დამიქნია. ვედრებით, სასოწარკვეთით მიხმთ, მაგრამ მაცდური მოღანდება უმაღლ საერთო მხიარულებამ დაჯახნა და ბორანი, როგორც კი ფიცარნაგს შეეხოს, განსწავლული ძე მყისვე ხელებში ამიტაცეს. ოდაბადელები ზეიმობდნენ. ევროპიდან დაბრუნებულს ფრანკის ყორნისფერ კალთებზე მეფერებოდნენ. დიმილით მიმზერდნენ გულაჩუყებულს, ჩემს მღელვარებას და ცრემლს შვიდ წელიწადს უცხოეთში ყოფნას, გასწავაპურებას მიაწერდნენ, მაგრამ ტაშ-ფანდურით გარემოსილი ვგრძნობდი, რომ სათქმე-

ლადაც კი საშინელ სენს ისე გაგვექცეოდი, როგორც თივის ზვინი — შემოპარებულ მუგუზაღს.

მაფა: ლისა შკვითინიას მომატებული სიფრთხილე რომ არა, მეც სხვებივით სატრფოსთან ვიქნებოდი, ნანაგე, მაგრამ დედაჩემმა, სად გაგონილა საცოლე იქით მიგებებოდესო საქმროს, ბრძანა და თავი დამახრეგინა. შინ როგორ დამედგომებოდა აფორიაქებულს, მით უფრო მაშინ, როცა უჯიათი ჩემი-ანების გარდა ყველა ანთარებისკენ გაიკრიფა, მაგრამ რას გავაწყობდი. მშობლების კუდაბზიკურმა ამპარტავნობამ და ღირსების შეხსენებამ მომთოკა. მესმოდა მხიარულება, რომელიც ბინდისფერი სოფლის სიღრმეში ილეოდა, ინავლებოდა და სარკმელს აწებებული უნუგეშოდ ავქვითინდი.

რიგრიგობით მაკითხავდნენ დაქალები. საბედოს ჩამოსვლას მილოცავდნენ.

დედა, როგორ დამშვენებულაო, ნაბავდნენ თვალებს. ათას სისულელეს მიჩურჩულებოდნენ, ჯეგე ანთარია კი იგვიანებდა. ზეიმობდა დიდ-პატარა, მხოლოდ მე დავვიწყებოდი. თეთრებში გამოკვართული ყოველ ფენის ხმას გულის ფანცქალით ვგლოდი, თუმცა — ამაოდ. ექვსივე სამაზლო ნაშუადღევსლა მეწვია სარძლოს.

ღვინომ აწყინა და უქეიფოდ შეიქმნა შენი ჯეგე, მომიბოდიშეს ნაბოლარა ძმის სანაცვლოდ. ანლა კი ყური ვათხოვე დედის წიწმატობას, მამის დუდღუნს. ზანთარაიებს ავედეგენე. აფორიაქებულმა მორღვეული სხეული ძლივს ავიტანე კიბის საფეხურებზე. სახლეულები გზას მითმობდნენ. სარეცელზე მწოლს გაფითრებული თითები მკერდზე დაეწყო.

აქამდე სად ხარო, მაფა, ესლა წამოიღულღულა ჯეგემ, უკეთ, უკანასკნელი სიტყვა ტუჩების მოძრაობამ უფრო მიმახვედრა, თორემ ხმა „მაფამდე“ ჩაუწყდა ხელსახოციოთ შუბლწაკარულს. ამასობაში, მართალია, ჭირთათმენით, მაგრამ ჯგარდაუწერელ კაცთან აშკარა ალერსის რიდ-მოკრძალებას მაინც ვაჯობე. მომხნევებული ჯეგეც ყველასდა სასინარულოდ მკერდში მიხუტებდა სანატრელს და ცრემლით დანამულ თვალის უბეებს ხელისგულით მიმშრალებდა.

ნურაფრის გეშინიაო ჩემო, ამ სიტყვებით მამშვიდებდა.

მესამე დღეს შენი მასწავლებელი მოკეთდა, ნანაგე, მაგ-

რამ ოდესღაც ხალისიანი, უცხოეთში ყოფნას ძირ-ფესვიანად შეეცვალა. შეკაზმული წაბლა ფრუტუნით მისდევდა ურმის თვლებით დალიანდაგებულ შუკაში. სიმაღლეში ალვის ხესავით წასულს, ევროპულად შემოსილს, გაფერანებული ეზობიდან ეგებებოდნენ ბავშვებატატებული ქალები და ჭრელპერანგიანი კაცები. წელში მოღუნულები ღარიბულ ჭერქვეშ ეპატიჟებოდნენ ბევრ სიხარულის გასაზიარებლად, მაგრამ თაჩნაკიდული ჯგეფ ყველას და ყველაფერს გაეცლებოდა. როდემდე იბრანცალებს ნეტავ?! დარწმუნებულია მივსდევ და რა ენაღვლება? უნიაგს ერთი!

უინი: უსამშობლობით სულშენუთული აქამდისაც ბევრჯერ ვსტუმრებივარ ოცნებაში მამულს. აქამდისაც ბევრჯერ ვსტუმრებივარ ტალახიან შუკებს, ტრიფოლიატის ჩაგრაგნილ ღობეებს და ორმხრივად გათლილი თხმლების ლატანებისაგან შეკრულ ჭიშკრებს. სადმე ყრუ ადგილას თბილ სილაზე წამოწოლილი, მზის დიდებულ წაბრაანებას ვიხეიძებდი ჯერ. მერე უბეებში გაბრწყინებულ მძივებს მუჭით მოვიწურავდი. ციცინათელებს დადევნებული ანცებით გახალისებულ ეზოებს მივაყურადებდი. მალე ქვეყნიერებას ჭრიჭინები დაეუფლებოდნენ. ასე იყო უცხოეთში ყოფნის ჟამს, მაგრამ ჩამოსვლის შემდეგ არც ეს სიდუხჭირე მანაღვლებდა და აღარც ლაფაროსთან დადარაჯებული ჭანჭრობი თუ კოლონოფელესი*. ამრეწით შეგყურებდი მალარიით განკესვისფრებულ სახეებს თუ ოდაბადელების მწირ ყოფას. ბებერ ტირიფებთან განმარტოებულს გრილ სილაზე უცნაური ფიგურები გამომყავდა წკირით. უამურ ფიქრებს დაბრუნების დღეს საბოებზე ერთდროულად აბრიალებული კოცონების გახსენებით უკუვიყრიდი ხოლმე. საწუთრო გასაყარი სკასავით ფუთფუთებდა. ვგრძნობდი ჯიგარგამოცლილი, რომ სამშობლო სულ მალე სასაკლაოდ გადაიქცეოდა, მაგრამ მამალი ორაგულის მსგავსად მაინც მას მოვაშურე. შინაგან ხმას აყოლილმა სიკვდილის უპირატესობა ერთხელ და სამუდამოდ ვირწმუნე. საწუნარი ობობას ქსელივით შემომებანდლა. ბედისწერა მიმონებდა. დავცინოდი საზღვარგარეთის უნივერსიტეტებში შექმნილ ცოდნას თუ ფოლიანტების კითხვაში

გაცრეცილ დამეებს. ისევ თვალდავსებულ სიკვდილს ვეძებ-
დი. ავადმყოფობის მარწუხებით ჩასაფრებულს თუ ზოგადსა-
კაცობრიოს, ერთიც და მეორეც სრულ განადგურებას რომ
მიქადდა.

ხვალ-ზეგ ნათესავს ნათესავი წაეკიდება-მეთქი, ვუმტ-
კიცებდი საკუთარ თავს, შეირყევთან პირქუში ქონმანები და
ჯარგვალეები. მახლობელთა სისხლი გადარეცხავს ხოდა-
ბუნებს და ტყვიის წივილი დააფეთებს ცხენების გალაღე-
ბულ რემას. ლერწამტანა ასულებს შეარცხვენენ. მეტ გან-
თიადს ვერ იხილავს, ვინც დღესვე, ამწუთასვე არ დაიწო-
ქებს-მეთქი. არადა, უკვდავებას წაპოტინებულს ქარბორბა-
ლა მოყვითალო სულს მიფხოჭნიდა. სწეულებამ დამაბრმავა
და დამაყრუა,მ განსაცდელის მოლოდინმა მომითავა.

სიდინჯე არასდროს აკლდა რაბის, მაგრამ ასეთი დაუნ-
ჯობელი და თვითკმარი ჯერ მე არ მახსოვს“.

კი, ქვეყნის, სამართლიანობის მსახურად გააჩინეს მშობლებმა,
გიმი მესხიამ და ხუმუ ანთარიამ, კი, თავდადებისათვის აახმინეს
ლომა კამეჩის ტოლისდამდებმა ძმებმა: კვეკვემ, ჯღვამამ, ბათაყვამ,
ბაბუშმა, ჩოქოლმა და ქვაფუმ, რომლებთანაც სიმინდის ყანის გა-
მარგვლის თუ გამორიღების ჟამს ბევრჯერ დაუგუგუნებია ლაღი
ჭანიას სიმღერა:

„ჰა, მშვილდი და ჰა, ისარი,
ლარი დაწყდეს ლამის არი,
ჰაპის იყო, დღეს ჩემია,
როგორც შვილი მამის არი.
ჰა, მშვილდი და ჰა, ისარი,
ლარი დაწყდეს ლამის არი,
ჩვენ ვინ მოგვცა გასაწირი
საქართველო საფიცარი!
ჰა, მშვილდი და ჰა, ისარი,
ლარი დაწყდეს ლამის არი,
ორგულია? ძმაც რომ იყოს
ქორწილის დღეს მიუსწარი!
ჰა, მშვილდი და ჰა, ისარი,

ლარი დაწყდეს ლამის არი...

ჟინი ანთრი დემონურ განგებას ამაოდ ებრძოდა.

ამ სიფერმკრთალეს ადრე სამშობლოს უნახაობას აბრალებდნენ ოღაბადელები, მაგრამ როცა შუკებში მხრებჩამოყრილი წახტიალდა და ცინგლიანი ბალღები აიდევნა ჭიანჭველებივით სავსე, ფანერის ცილინდრული ყუთებით, თანაც „მეთაყვანეთ, მეთაყვანეთ ჟინი ანთარსო“, წაეპოტინა წარმართული ღვთაების დიდებას, კუნძული რაღაც ავის მოლოდინში გაირინდა.

მაფა ჰალიძონია მეტოქის სახელდება უჭირდა, მაგრამ გრძნობდა, რომ უხილავი ძალა სატრფოს ართმევდა.

„დაე, ეს მოწინააღმდეგე ქერათმიანი ქალი ნუ იქნება და დანარჩენს ყველაფერს ეშველება, წიგნებსაც, მეცნიერების მწვერვალებსაც თუ სხვას, ჩემთვის დაფარულ-მიუწვდომელსო“, ფიქრობდა იგი, ამიტომაც უჩინარი მტრის კლანჭებიდან ძვირფასი ადამიანის გამოსახსნელად შეუძლებელს ეჭიდებოდა. მოსალოდნელ შერცხვენასაც შეურიგდა მაფა და მიჯნურს სატრფიალო ნაკადულის პირას, ძეწნების შრიალში მიაკითხა, მაგრამ ჟინი ანთარი წყაროს ლიკლიკით დანოტიოებული ლოდევით დუმდა.

გავიდა პირველი კვირა, მეორე, მესამე და დუნიაშემოვლილის ჩოხა-ახალუხი როგორც იქნა გასრულდა.

ყვავილებით რთავდნენ სეფას.

— სიყვარულის მალამო გააბრწყინებს, — მსჯელობდნენ, ხოლო ის სევდა-უთქმელობა, რაც საანთარიოს აგრეერიგად აფორიაქებდა, კვლავინდებურად მომეტებულ სხვადყოფნას, გაქსუებას ბრალდებოდა.

— მამულის ჰავა და წყალი წელზე მახვილს შემოარტყმევინებსო, — ირწმუნებოდნენ. ძირფესვიანად გარდაქმნილი ჟინის თავში კი ასი მორევი და ორი იმდენი დანაკუწებული წკვარამი დაქროდა.

ბინდისფერი ენგურის პირას ჩამოვდებოდა. ფრუტუნებდა სადავეწყარილი ცხენი, მაგრამ მისთვის არ ეცალა უილაჯო პატრონს — უღრანებიდან, გაბარჯლულ ხეებს შორის გასიგრძეგანებული ლანდი ეძახდა. იქით ყვავი მიყრანტალებდა, მძორის მძაფრი სუნი სცემდა.

დაიხვიხვინებდა მხედრის მუხლებს მონატრებული წაბლა, მაგ-

რამ ჟინი ანთარი უზანგს ირონით შეავლებდა თვალს, ხან უმისამართოდ უზნიდან უზანში გადადიოდა. ფეხდაფეხ მისდევდა აღვირათრეული თოხარიკი. თანასოფლელების მოსალმება ძარღვსაც არ აუტოკებდა და როცა აყაყანებულ ბრბოს გაუსწორდებოდა, „Pavta pei“* „Qvo vadis“* „Pêle-mele“*-ო, ამბობდა შეჩოჩქოლებული საზოგადოებისათვის გაურკვეველს.

ხშირად საშაროს ჩხრეკდა, ჩხუბის მოწადინე.

— ცოდვილთა მოდგმავ, მკვლელებო! მუხლებზე, მუხლებზე ჟინი ანთარის წინაშე! — იტყოდა მათ გასამწარებელს თვალების ბრიალით, მაგრამ სულგრძელობას იჩენდნენ, წყენას უსიტყვოდ ყლაპავდნენ.

ჟინი ანთარი გამუდმებით უსახსრობაზე წუწუნებდა. თითქოს მის წინსვლას ხელმოკლეობა აფერხებდა. აქილიკებდა მარჩენალი ოდაბადელების უმეცრებას. გასაჭირს მოხერხებულად ჩქმალავდა, მაგრამ ბრძენთა შეგონებისამებრ, საწუხარი თვითონვე გამოაშკარავდა. მართალია, ჯერ მხოლოდ მაფას არსებაში, მაფას თვალწინ, თუმცა ცხრაკლიტული საიდუმლო მაინც დაემხო. ჟინის მეობას უკვე სხვა განაგებდა, ქედს უცხოს უხრიდა, რომელი უცხოც „ლათინური კვარტალის გამოწურულს“ წარბმეუხრელად ეგებებოდა. თუ ჰალიძონხეს წყალობას შეიფერებდა ჟინი, ივლიდა წელგამართულად, შეურცხვენლად, ვიდრე საზიარო ლოგინში ამოლპებოდნენ. არადა, შეყვარებული დაუმსახურებელი ტვირთვისთვისაც არ ემეტებოდა.

ჟინი ანთარი ზოგჯერ გამოიღარებდჟა კიდევ. თვალები უბრწყინდებოდა. შთაგონება ჩამოშორდებოდა.

„არცა მე განგიკითხავ შენო“, — ჩაილაპარაკებდა, მაფას ცხენზე შესვამდა, თვითონაც ამხედრდებოდა და ხელად ჰალიძონიების ბზინვარე ჭიშკართან გაჩნდებოდნენ.

წინმიგებებული ლისა შკვითინია დანიშნულებს თავზე ხელს შემოავლებდა სათითაოდ.

კაცები ნარდს მიუჩოჩდებოდნენ, ქვეყნის მომავალზე მასალათობდნენ, მაგრამ მაფას მათთვის ნამდვილად არ ეთმობოდა საქმრო. მკლავს გამოსდებდა. ოქროცურვილ ალბომებს გამოურბენინებდა, ნეკის სისქე სურათებს გადაუშლიდა, ცრემლით დასველებულ წერილებს უკითხავდა. ნაბოლარა ანთარიას ხიბლავდა საკუთარი ბართებში ჩაქსოვილი თრთოლვა და ენერგია, ქალიშვილის შეხსენებულ სიყრმის დროინდელ ბედნიერ წლებს კი რატომღაც ყოველთვის წაუყრუებდა. სიტყვას ბანზე აუფდებდა. საფრანგეთიდან ჩამოყვანილ

ტყის წითურ ჭიანჭველებზე ესაუბრებოდა.

— ჭიანჭველებით ავალორძინებ კოლხეთის წელში გატეხილ სოფლის მეურნეობას! — უმტკიცებდა აგზნებული.

მაფა ჰალიძონიას აბრუნებდა საქმროს აზროვნების სიღრმე და სირთულე.

— არაფრით ვკობივართ ჭიანჭველებს, — იტყოდა ოხვრით ჟინი, — არც მათ აკლიათ მონები და მუქთახორები. ისე კი, ცნობისათვის, სამი ჯურის ჭიანჭველა ცხოვრობს უმეტეს ოჯახში. ესენია გამრავლების უნარს მოკლებული მუშები, რომლებიც შესაშური არქიტექტურული ნიჭიერებით აშენებენ გიგანტურ სასახლეებს, აგროვებენ საკვებს, ზრდიან ბარტყებს. სულელები! მათ მოსდევს, უფრთო, კვერცხმდებელი დედოფლები. დასასრულ, ჭიანჭველეთის მშვენიება — მრგვალობოლიანი მდებრები და მახვილობოლიანი მამრები. ამათ მუშა ჭიანჭველები განსაკუთრებული მზრუნველობით კვებავენ. რჩეული წყვილი მალე გაუსწრებს პროპორციებში დანარჩენ ყარტაყურტას, ხოლო ბუნების გამოღვიძებისთანავე ხდება დაუჯერებელი რამ — უწყინარ ჭიანველას ფრთები გამოუვა. გამოზუთილდებიან მერე ფრთოსნები, ჰაერში შეერწყმიან ერთმანეთს. სასიცოცხლო ძალები-საგან გამოცლილი მამალი სულს განუტევეს, ხოლო თაფლობის წუთიდან ჩამონარცხებულ დედალს მუშები ფრთებს გადაუღრღნიან, გააჩვეულებრივებენ.

მაფა ჰალიძონიას აოცებდა ჭიანჭველებისა და ადამიანების ცხოვრების მსგავსება. იქაც და აქაც საზოგადოება ამზადებდა წინამძღოლს, ბელადს, მაგრამ მერე ჯვარზე აცვამდა მესიას ორივე. მოკლედ, ვიდაცის გაწირვით გრძელდებოდა სიცოცხლე, ოღონდაც ამ მსხვერპლს ინდივიდიცა და ხალხიც თანაბარი ექსტაზით გაიღებდა.

ჟინი ანთარი საცოლეს მოუთხრობდა მენდელის, *სეტონის, მორგანის, საკვირველ აღმოჩენებზე. ესაუბრებოდა ვილერის, ლუკასის, შლაიპის, რუზსკის * სტატიებსა და მონოგრაფიებზე. უამბობდა სიფრიფანა ფრთიანების სარგებლიანობაზე, თუ ბალახის რამდენი თესლი მიმოჰქონდათ, რამდენ მავნე მწერს ანადგურებდნენ და ლაპარაკისას მერმისზე სანუგეშოს არაფრისიდიდებით გამოიმეტებდა. ბევრჯერ გადაბრუნებულა ქალწულის თავქვეშ ცრემლით დასველებული ბალიში. არათუ მაფა, მთელი სოფელი ცხადლივ ხედავდა ჟინის გადასხვაფერებას, რასაც უმეტესწილად წიგნებს აბრალებდნენ

და წელში გამწყდარ ჭაბუკს თვალს სინანულით გააყოლებდნენ.

რინა გამწარებული ასული ყოველნაირად ცდილობდა გარდაქმნილი საქმროს ფიქრებში შეჭრას, მაგრამ ჭაბუკს საკუთარი თავისა და საქმის გარდა არაფერი ახსოვდა, არც — დედ-მამა და ძმები, აღარც სკასავით დანჯღრეული სამშობლო და შეყვარებული, სამაგიეროდ ღორების გადაჩიჩქნილ ჰინანჰველების ბუდეებზე იმდენს სწუხდა, იფიქრებდით, სამზეო ბიბლიურ წარღვნას წაუღეკიაო.

მაფა ჰალიძონია ჯვრის დაწერასაც ამისთვის ჩქარობდა, ვინაიდან ღრმად სწამდა, რომ მეგობარს სავალალო მდგომარეობიდან რამენაირად გამოიყვანდა, წინააღმდეგ შემთხვევაში, „ვეფხის ტყაოსნით“ აღზრდილი თავს არ იცოცოხლებდა.

ჟინი ანთარი ხან რას იმიზეზებდა და ხან — რას, მაგრამ დანიშნულის დაჟინებამ თავისი გაიტანა და ქორწილამდე ორი კვირით ადრე გასაჭირი გაუმჟღავნა.

— წელიწადნახევარი იწურება, რაც უკურნელი სენი მჭირს, — ეუბნებოდა სიმორცხვისაგან წამონთებული, — სიმართლეს მოითხოვ და ბარემ ყველაფერს დაუფარავად გეტყვი. რამდენიმე თვის სიცოცხლე დამრჩენია, „რას არ გაუძლებს კაცი?!“ არა, არაფერს ვაზვიადებ. ჩემი სნეულება დღესდღეობით ტუპერკულიოზზე საშიშ ავადმყოფად მიიჩნევა. მასთან თვით ერლიხის „სალვარსანიც“* კი უძღურია, ასე რომ, წყეული ჯერ შიგნეულს გამოუხრავს ადამიანს, გამრავლების უნარს წაართმევს, მერე ცხვირ-პირს წააჭამს და დასასრულს, ან გიჟის ხალათს მოასხამს, ან კიდევ უსაძაგლესად ჩააძაღლებს.

ისედაც ძარღვებაშლილ მაფას გამხელილმა ახლა მთლად თავზარიც დასცა, თუმცა არაფერი დაიტყო. ტუჩებზე ღიმილი მოიხშირა. შინაგანად გმირობისთვის განემზადა. დღეიდან მის სიყვარულს მკაცრზე მკაცრი გამოცდა ელოდა.

— აგერ არ გყვარ?! ნურაფრის გეშინია, ჩემო სულისდგამე! უეჭველად მოგარჩენ, მაგრამ თუ მაინცდამაინც საშველი გაწყდა, შენს წუხილს და სატიკივარს წარბშეუხრელად გავიზიარებ! — ანუ გეშებდა, ამხნევებდა რჩეულს.

— ჩემი ფრთოსანი ჰინანჰველა ხარ შენ! — თქვა ნიკაპატროლოვბულმა ჭაბუკმა.

მაფა არც გულგახსნილის ქუთუთოებიდან მომწყდარ ცრემლს შეუშინდა. იმწუთას ყველაფერს გასწირავდა მისთვის, სანათესაოსაც, საადამიანოსაც კი, ოღონდ გულისწორს ადრინდელივით წელ-

გამართულს ევლო.

საქორწილო სიმღერა-თამაში, ჯვარდაწერილების თავზე ხურ-და ფულის კორიანტელი, ქუსლებით თეფშების დამსხვრევა, გაუთავებელი მილოცვები თუ ჰალიძონხეს სიახლოვე, ჟინი ანთარს აშკარად აღიზიანებდა. ანგარიშმიუცემლად მიაბიჯებდა პატარძლის გვერდით. მარმარილოსაგან ნათალი მისი სახე ფრიად საგულისხმო ვარამს დაენაცრა. მართლაც, ნეფეს ეს ბედნიერება აოხშივრებულ ქვებებთან მოსუნსულე ძაღლებზე ნაკლებად უხაროდა. უფრო მეტიც, საქმროდ დაყოლიებულს ტაშ-ფანდურა მთელი არსებით შეზარდა. ამიტომაც დილიდანვე, როგორ და რანაირადაც შეეძლო, სადღესასწაულო სამზადისს გაურბოდა, მაგრამ მაფას მავედრებელ ხმას ქვითინიც დაერთო და ჟინი ანთარიც მოტყუდა.

„მაინც რა ძალა აქვს ქალის ცრემლს?“ გაიფიქრა მან და დედოფლის შუბლი მკერდზე უნებურად მიიხუტა.

პატარძლის კაბის ლამუნს ადევნებული ჟინი ანთარი ბაგეს იკვნიტდა. ქალის საწყალობელი გამოხედვა და წაბლაუჭება აშკარად მიახვედრებდა, რომ მაფას მისი განზრახვა — გაქცევა — ამოეცნო და ისედაც არეული, მოქეიფეთათვის ფარულმა, მაგრამ გულისწორისათვის უცხადესმა თრთოლვამ შეიპყრო, თუმცა თანდათან შერცხვენის შიშს აჯობა, სძლია, მოერია.

ახლა ჟინი ანთარი ავისმქნელკეთროვანთა საზარელი ბუნაგისაკენ — სატანჯოსკენ უმიზნებდა, საითკენ სიტიც უფროთხის ფრენასაო, ვინ იცის, რამდენჯერ სმენია ლადი ჭანიასაგან უცხოეთში გამგზავრებამდეც?!

— იქ სიკვდილის ანაფორით მეფობს ხაბოდან ხაბოზე მხტომელი ბევრი ვაჟკაცის წამხდენი ჰაერი, მაგრამ ვინც ერთხელ მიეკედლებდა და მის დამყაყებულ არეებს სულს მოაწამვლინებს, ბედისწერის ზღვარს გადააბიჯებს, აუხდენელ ნანინანატრს აისრულებსო, — უთქვამს მხცოვან ოდაბადელს.

ჟინი ანთარი სატანჯოს ჭაობნარის ბინადარს არასდროს შეჰყურია, თუმცა ათიმთიმებული სნება კალაპოტს თავისით იგნებდა, შიშისმომგვრელი აკლდამებისაკენ მიუძლოდა. მის ცნობიერებაში საქორწილო სუფრა და მექორწილენი ნელ-ნელა უდაბურ ტყდ გარდაისახა. მოხშირდა მაჯისსისხო ბინულები. ცას ფერები გაუწაზდა და თუ აქამდე შეყვარებული, დედ-მამა, ძმები, სამშობლო, რაღაცით მაინც ბოჭავდა, წყალწაღებულის მსგავსად ხავსს თუ ეპოტივებოდა, საერთო მხიარულებით გარემოსილს თანდათან სისხლი მოაწვა თვა-

ლებში. გონებაარეულმა ნეფემ უდიერად მოიცილა პატარძლის მკლავი. ქათქათასუფრას წაეტანა, მიწაზე ჩამოხვეტა პურ-მარილი და არეული ნაბიჯებით მოშორდა ეზოს, დაფეთებულ ნათესავებს, მეგობრებს.

— საით, საფიცარო?! — მიაჭვითინა გაქცეულს სასოწარკვეთილმა მათამ, — ქორწილის დღეს ძაძებს მაცმევ, თოლიგე? — ზღვაური ახანგრძლივებდა იმ ხმას, — სხვა თუ გიყვარდა, მე რას მერჩოდი, რას?

„ოლონდ ჩირქი არ მოცხებოდა რაბის და არარსებულ მეტოქესაც კი მოიშველებდა. ჩემი გაღია! სწორუპოვარი ფრთოსანი ჭიანჭველა! ფერია პირწავარდნილი!

მაფა: მაგრამ თუ მაინცდამაინც საშველი გაწყდებოდა, ჯეგეს წუხილს და სატკივარს წარბშეუხრელად გაგიზიარებდი, ნანაგე. მაყრონი აიშალა. ძაღლები აყმუგლდნენ. ნისლისფერი კაბა ქარში მიფარფატებდა. მერე ნაბოლარა ანთარიას შეშლა-სიფითრე მეც გადმომედო. უპეებში ცრემლი შემაშრა და იქითკენ გაგქანდი, იქითკენ, სადაც მორევს ერკინებოდა ჟინი ანთარის წარმართულ ძაღმოსილებას წაპოტინებული მოკვდავი, თუმცა აბობოქრებულ მდინარეში გადასაშვებად მომზადებული პატარძალი საბოსთავზე შეკრებილებმა გამაკაგეს.

ვაი, ჯეგე ანთარიას! ვაი ჯეგე ანთარიას! ბლაოდნენ მისი შერცხვენილი ძმები და ფართო-ფართო შუბლზე ხელისგულებს დაუწოგავად იცემდნენ.

ჟინი: მორევიდან ამოსულმა ლტოლვილმა ტყეებს აღმაცერად გახუნდე. ვისაც სოფელი მიფიცებდა, ვინც თაბადემ მშობა და გამაკაცა, გაუტანელმა სენმა დამამსო. შემდეგ დღეს კვირა მიჰყვა და კვირას — თვე, მაგრამ, ბუტუტი, შვილო, სულ ის საბო მიტრიალებდა თვალწინ, სულ ის ცეცხლი მწვავდა, ყურებში გამუდმებით სულ ის ბლავილი ჩაძესმოდა. ქარიც აფრებს მოაქროლებდა ძაღისად. მთვარე წყალზე წერწეტა ჩრდილებს ხატავდა. სულში უჩინარი ვულკანი ამოიფრქვეოდა. წარწართმეულ სამრეკლოს ემსგავსებოდა ზეცა. სადაც შევყოვნებოდი, სადაც შევღონდებოდი, ყოველთვის ის საბო ამესვეტებოდა, ის გოდება-ბლავილი ყურთასმენას მიბასრავდა, სიზმარშიაც ჩამედევნა. ვერაფრით ამოგფესვე, დამიმონა, დამიტყვევა და დროთა მსვლელობაში სამყაროს სრულყოფილება ვიეჭვე. დავსცინე მოაზროვნე ცხო-

ველის მოჩვენებით სიზვიადეს, რამეთუ გაჩენის აქტით ჟამ-
თასვლის კანონებში ჩაგერთე.

გველის ღობეშიც რომ გავძვრე, გალაქტიკათა უნაპირო
ფენებს ველარაფრით გავექცევი-მეთქი, ვასკვნიდი და რადგა-
ნაც წუთისოფელს იქით სხვა სხნაც იგვიანებდა, უსიცოცხ-
ლო თვალებით მივაჩერდებოდი წარმოსახული ოდაბადის
ალიბჭეთა ნირშეუცვლელ საუბარს ცასთან, იქაური ძაღლე-
ბის ღავლაგს თუ კერიასთან მასალათს. არადა, ჩემს დაუკით-
ხავად მიღელავდა ენგური, ცხოვრება, დრო, მიგრიანებდა
თავისი წესითა და კანონზომიერებით, ჩემთვის სრულიად გა-
ურკვეველი მიმართულებით.

მართო ანალიზის უნარი რად ღირს?!

მაფა: ჩემი სიცოცხლე რითი უნდა სჯობდეს ზეზეურად
ჩამომდნარ სანთელს-მეთქი, ვგლოვობდი უარყოფილი პატარ-
ძალი, ნანაგე, და მაინც სასწაულს ველოდი. ზებუნებრივ
ძაღლებს ვუსმობდი, რომელიც შეყვარებულს მოურჩენელი
ავადმყოფობისაგან დამახსნევენებდა. უკვე დედის შეგონები-
საგან საბოლოოდ თავდაღწეულმა ნარძლევემა ნაირ-ნაირი
კაბები გავასახუქრე. მეუღლის წაბლანზე შეგვქე და ხალხი
ზურგს უკან ავალაპარაკე“.

ოდაბადეში უბედურება აქამდეც ტრიალებდა, მაგრამ სიღუბ-
ჭირე მალე უფრო თვალშისაცემი შეიქმნა. ყოველ გათენებას და შე-
ლამებას ახალ-ახალი სიავე მოჰყვა. ვის ჯარგვალი დაეწვა, ვის წყალ-
დილობამ სარჩო-საბადებელი წაართა. მოხშირდა ქურდობა, ძარც-
ვა, მკვლელობა, რასაც წესისამებრ ხუმუ ანთარიას ნაბოლარა ბიჭის
თახსირ დაბრუნებას აბრალებდნენ და მართლაც, გუშინწინ, გუ-
შინ ბალნარი ოდაბადე, სადაც ერთდროულად ყვავილობდა, მწიფ-
და და ჭკნებოდა მცენარე, ღლითი ღლე გავერანდა, გადაშენდა.

მაფა ჰალიძონიას ველარაფრით გაერკვია, თუ „გეგეს რა უფ-
ლებით ადანაშაულებენ ოდაბადელები ძორგო მესხიას ფათერაკ-
ში? ბორანთან შეკრებილ ხალხში ენაგადმოგდებულ ძაღლს რაღა
მაინცდამაინც იმ ცოდიშვილმა წაჰკრა ფეხი? რისთვის სწყველიან,
ლუკმას რისთვის აყვედრიან? ნეტავი რომელ ჰკუთამყოფელს ესაქ-
მება ხუმუს ფულს მეცნიერებას შეაღვედა თუ მეძავებს? სწორედ
არამკითხეებს შეუთანხმებდა ჭველობას რანაირად მოუფრთხილ-
დებოდა, თავს დაისნეულებდა, ძმებსავით კამეჩების ჯოგს უმწყემ-

სავდა თუ კვეკვესავით კერიას გააღვივებდა?“ წუხდა, მწარობდა ოცნებაში მარტოდღარჩენილი.

— ჰინანჰველების შესასწავლად რაღა გერმანიაში და ფრანციაში მიდიოდა, ცოტაა ოდაბადეში?! — ამასაც იტყოდნენ. ის კი არა, მოგვიანებით, როცა ცხოვრება უფრო და უფრო გაჭირდა, როცა ძრომდე დავიდა დერგში წაქი და ხულაში — სიმინდი, მოსახლეობამ ჟინი ანთარის სტუდენტობის დროს შაურის გაწეული ხარჯი მანეთად აქცია და უნამუსოდ ვალის დაბრუნება მოსთხოვა სისხლგამორალ ქმებს. სხვა მათ ადგილას ან ყამაზე გაიკრავდა ხელს, ან კიდევ საგონებელში ჩავარდებოდა, მაგრამ ყველაფერი მშვიდობიანად დამთავრდა. სახრების ზუზუნით ზუგდიდში გაირეკეს ზოზინა კამეჩები და თითოეულს ორმაგად მიაშავეს კუთვნილი თანხა. ასე და ამგვარად, ხერხემალში გადამსხვრეული ანთარიები ყოველნაირად ცდილობდნენ ძმის დანაშაულის გამოსყიდვას, უცოლოდ ბერდებოდნენ, მომეტებული გულკეთილობით სირცხვილის ჩამობანას ლამობდნენ, თუმცა როგორც ამისთანა შემთხვევაში ხდება, ნაბოლარას ერთხელ გატეხილ სახელს სოფელი არაფრით უმრთელებდა.

მოხუცი მამის სიკვდილიც გზასაცდენილ მემკვიდრეს დასწამეს.

„ჟინის ქარაფშუტობა რომ არა, საწყალი ხუმრე ახლაც ცოცხალი იქნებოდაო, — კი, მაფას ზურგს უკან, ანთარიების უჩუმრად ამბობდნენ ამგვარად, მაგრამ ღირსებაშერყეულ საგვარეულოს უწყინარი გადაჩურჩულებაც კი ათას ეჭვს აღუძრავდა და ყოველივე ამის შემდეგ, ცხადია, რაღაცნაირად გაამართლებდით კვეკვეს ოზურგეთელ ცოლს, რომელიც „ოღონდ აქაურობას მომამორე და სიკვდილამდე შენი მონა-მორჩილი ვიქნებო“, ეჩიჩინებოდა ქმარს გამუდმებით.

მხოლოდ ჰალიდონიხეს სწამდა, რომ უცხოეთის ცხოვრებით ჰკუთარეული კაცი იმკურნალებდა, გამოჯანსაღდებოდა და უანგარო საქმეებით წახდენილ სახელს რამენაირად აღიდგენდა.

ვერაფრით გაეგო მაფას, თუ „მამიდა ცურცს მაინც რა დაუშავა ჯეგემ? ოჯახკურთხეული ბიკი ჰანიას ის ხომ არ შესჩენია, გინდა თუ არა ოცფუთიანი ლოდი ასწიეო?! ამოიჩემა ცხონებულმა, ქარი გაუტარა და ხერხემალიც გადაილეწა“. საოცარი ის იყო, რომ ადრე მოკინკლავე რძალ-დედამთილმა პირი შეკრა და ანთარიებს წყველა კრულვა ერთობლივად შეუთვალა.

— ეს რა უბედურება ჩამოჰყვა წარწყმედილს?! — ზეზეურად გლობობდნენ იმედგადაწურულ გოლიათს. მაფასდა ებრალებოდა სოფლის საჯიჯგნად ქცეული რაინდი ძმები.

აუთა აბშილახეს მოლოგინებამ და აღსასრულმა „ორშაბათს დაწყვილილი ნარძლევი“ ძირძირამდე დაარწმუნა, თუ რა მოსაზრებით გასცლოდა სათაყვანებელი ადამიანი და ამ აღმოჩენამ ისედაც „სულზე უტკბესი ჯეგე“ ახლა მთლად ღვთაებრივი შუქითაც შემოსა.

— შერცხვენა არჩია ჩემს სიკვდილს, — გმინავდა ხანდახან.

ნათესავებთან წაკიდებულ ქალიშვილს განსაკუთრებით ის უწიწავდა ძარღვებს, რომ ყოველმა ფლიდმა და ნაძირალამ მის სულისდგმას დაუწყო განქიქება. ესეც არაფერი, ხალხმა საკუთარი უზნეობა-სიფლიდე დაივიწყა და სენით დაძიძგნილის კაცობა ფეხქვეშ გაიგდო. ყოველი ფათერაკი, მარცხი თუ წარუმატებლობა სულ წყველამიდევენებულს დაუკავშირეს. მწარობდა მაფა, მაგრამ ნათქვამია: ძალა აღმართს ხნავსო, და ოდაბადელების შემპარავ ქირქილს თავისი გაჰქონდა.

ჟინი ანთარს აბრალეზდნენ ნირგა ქობალიას გაუჩინარება-დაკარგვას, მისი უფროსი ძმის მიერ ძალღის ხორციტ გამართულ პურმარილს, ასაკმოყრილი მამისა და ბიკი ჭანიას სიკვდილს. ერთი სიტყვით, დღემდე მოხდენილს თუ აწმოსალოდნელს. სულ რაღაც ათიორდე თვის წინ მხრებში ამაყად გაშლილი ანთარიები ლანდებს დაემსგავსნენ. იხტიბარს შერცხვენილი პატარძალი არ იტეხდა მხოლოდ. მისთვის ჯეგე ჯეგედვე დარჩა, ისეთივე სპეტაკი, როგორც ყმაწვილობიდან ახსოვდა — მაფას გულისთვის ენგურის დინების შემჩერებელი და ვარსკვლავების ციდან ჩამომწყვეტელი.

სახელი და პატივისცემა პალიძონიებს აქამდეც არ კლებიათ, მაგრამ საზოგადოებისაგან ბოლოდროინდელმა, მოჭარბებულმა თაყვანისცემამ მაფას მშობლებიც შეაძულა, ღვიძლი ძმებიცა და სოფელიც.

„განა ანთარიები ჩვენზე ნაკლები მუხლჩაუხრელობით წრუპავენ საწუთროს ტკბილ-მწარეს? — განა ნაკლები თავდადებით უმკლავდებიან ყოველდღიურ საზრუნავს და გასაჭირს?!“ ექომაგებოდა ათვალწუნებულებს ფიქრებში.

ლამაზ ფერებში დახატული ბადუ პალიძონიასეული ქვეყნის მერმისი ოდაბადელებს დიახაც ხიბლავდათ, მაგრამ უიღბლობაზეც და-

იჩივლებდნენ უსათუოდ.

— ჩვენ ვინ გვქნა ისეთი ყისმათისანი, — ამოიხვნეშებდნენ, — აგერ, მზე და მთვარე რომ ამოგვდიოდა, ლუკმას რომ ვუყოფდით, იმან გაგვწირა და სხვა რომელი ჩაგვიხუტებს სულში?! — ამოიოხრებდნენ და სიმწრისაგან ბაგეჩაკვენტილ ქადაგს მერე პოლიტიკაზე საუბრის გაგრძელება უჭირდა.

ოდაბადესა და სატანჯოს შორის სიძულვილი ენგურავით მიგრიალებდა ძველებურად. არადა, ქალური სიამაყე ერთის მხრივ, ადათ-წესი ცალკერძ, ბოჭავდა მათა ჰალიძონიას, ჭორომებში გამოდევნებოდა ადამიანს, რომელსაც მხარში ამოდგომა განსაკუთრებულით ახლა ესაჭიროებოდა. ოჯახს ოციოდე ვერსით მოშორებული, დახმარების მოლოდინში ზეზეურად ილეოდა.

სატანჯოსაც კუნძული ეთმოდა ოდაბადესავით, ოღონდ განსხვავებით კაცის სიმალის ლელიანი და დაუსრულებელი ჭაობი ერთ-ყა გარშემო.

აქაურობას აღმოსავლეთით უხსოვარი დროიდან შლამავდა მდინარე ჭურია, რომელსაც თვალუწვდენად აფართოებდა მუნჩიის, ოხოჯეს, ოხოხულეს, ოთახუეს, ქვიშისის შენაკადები.

დასავლეთით ბუკისა და ონწყვეშიას ლამები ბუხბუხებდა: ათფუთიანი ღლავები შლამში გაეხვეოდნენ და როგორც ლაღი ქენია ირწმუნებოდა, ზოგი მათგანი კამეჩსაც კი ძირავდა.

— ნალიანი ჩლიქების ელვარება გამოაფხიზლებს ლოქოს, ჭაობს აატორტმანებს, ვეება პირით ფეხზე ჩამოეკიდება და თანდათან, მომთენთავი ჩაყურყმელავებით ფსკერზე ჩაითრევს. მერე დახაშმული წყლით გატიკნული კამეჩი დატივტივებს, აღმა-დაღმა უპატრონო ბადიასავით, დაღეშდება, ყვავ-ყორნებს შემოისევს. აი, არ შინულვაშიანი მტაცებელიც მაშინ იმარჯვებს. მძორს ნთქავს, ნთქავს და საბუღარს დაქძგილი მიუბრუნდება, — უთქვამს მეჩონგურეს.

სამხრეთით უჩაღალისა და ფართოღალის, შქაღალისა და დიდღალის შეერთებული დინება უვლიდა სატანჯოს. ჩრდილოეთით კი ენგურის გუგუნში ინთქმებოდა ჯუმი, კახათწყარი და ჩხოლუშია. ასე და ამგვარად, სხვადასხვა ხასიათისა და სიდიდის ლელე-მდინარეები ბადესავით ქსელავდა ჭაობიან ზღვისპირეთს, საგულდაგულოდ მიჯნავდა სოფლებისაგან.

ფეხდაუკარებელ ჩირეებსა და ჩაღმებში* კიდევ მოიძებნებოდა

ათიოდე კუნძული: იზორმეხე და თორსა, დიდგვიმარონი და ტუბუხი, მუხურჩინჯი და წკვერემია, ჭყონკაკუტი და ტიოზია, მაგრამ ლტოლვილმა სატანჯოზე დასახლება ამჯობინა, ვინაიდან მხოლოდ აქ ხარობდა ჭაობის მუხა და გაღუნული აკაცია; აქ ოდინდელი სამარხები — დისაგუძუბები,* ბორცვებად აღმართულიყვნენ. ამასთან ერთად, ოდაბადეს ემეზობლებოდა იგი და რაც მთავარია, დაწყვილილ კუნძულზე არც მტერი შეაწუხებდა და აღარც — მოყვარე.

ჟინი ანთარი სადგომიდან გამობობლდებოდა თუ არა, კეთროვნებიც მაშინვე მუხლებში ჩამალავდნენ სახეებს, საკუთარი სიმახინჯე-სიბეჩავესი რცხვენოდათ, მაგრამ მერე და მერე მოშინაურდნენ.

შემოდგომის ზამთარი ცვლიდა, ზამთარს — გაზაფხული და რაც მეტი დრო გადიოდა, ჭაბუკს უფრო და უფრო ენიშნა ლაღი ჭანიას მიერ ჯერ კიდევ როდის ყალიონის პლაკუნით გაცხადებულ:

— სატანჯოს მიწაზე ვინც ფეხს დაადგამს, სულერთია, გლოვის ჟამი დაუდგება ადრე თუ გვიან. კეთრი დაძიძგნის ყმაწვილს თუ ბებერს, ზღვა ფიქრი თავის ქალას აუკვარჩხალებს, სამაგიეროდ მშობლიური ქვეყნის ალერსს ვერასდროს ეღირსება მისი ბინადარი. ეგეც არის, წუთისოფლის არსში ჩაახედებს განმარტობა, ყოველივე ბრძნულს ეზიარება ეული, ცოდნით გაბრწყინდება, მაგრამ საუნჯე რად გინდა, თუ ვერავის გაუზიარებ, თავის თავშივე ჩაიღვინთები?!

სამკურნალო მცენარეების სიკეთე ჟინი ანთარს აქამდეც ზედმიწევნით შეესწავლა, ახლა კი, მთლად მათი შემოწმების საშუალებაც მიეცა — ავზნიანს და კრუნჩხვებიანს კონიოს ნაყენი შეასვა; ციებცხელებით შეპყრობილს ასისთავას ხსნარი უწილადა. იპუტებოდა შემოგარენში რძიანა და მატიტელა, ლემა და კულმუხო, ომოშა და მრავალძარღვა, მოლოქა და ჭინჭარი, რომლებიც კურნავდნენ სიყვითლეს, წყალმანკს, ბრონქიალურ ასთმას, ვენერიულ სნეულებებს და დავრლომილებიც „ჟინი ანთარის უკვდავების წამალს“ ხარბად ეწაფებოდნენ. მეცნიერიც თავის მხრივ „საცდელ ობიექტს“ დღითი დღე დოზას უძლიერებდა. იცოდა, რომ ასეთი დანაშაულისათვის არავინ დასჯიდა. ცხადია, ავადმყოფებიც ფეხდაფეხ დაჰყვებოდნენ.

„როგორც ჩანს, მიზანი ამართლებს საშუალებას. ესეც თავის შეცოდებით, სიბრალულის გრძნობის აღძვრით ცდილობს ახლა ჩემი გულის მონადირებას. ამ შემთხვევაშიც პირველი საშუალებაა და მეორე — მიზანი, თუმცა შედარებით მდარე ხასიათისა.

ჟინი: არაფერი ვაწყენინოთ, თორემ გაგვექცევათ, ში-

შობდნენ და ამდენად, წაუყვედრებლად ითმენდნენ ათასგვარ დამამცირებელ ცდას, უბიწო ჩასახვა იყო ეს, იმ ნაყოფის ხელაღებით გაწირვა თუ სხვა.

ოღონდ ნუ მიგვატოვებ და რაც შენ გინდოდეს, ის გვიქენით, მეღრიჯებოდნენ. იქნებ ჩვენზე დაკვირვებით რამე შენთვის სასარგებლო გამოჩნდებოდა, მეჩინებოდნენ გონებაამღვრეულ მკურნალს და ჟინი ანთარის მოსარჩენი წამლის ძიებაში, ვინ იცის, რამდენი კეთროვანი გაუყენა გრძელი ქვეყნის გზას! ლტოლვილი კაცი გვაძებს ვფატრავდი, ბუტუტი, სიკვდილის მიზეზებს ვარკვევდი. უცხოეთში შექმნილ თეორიულ ცოდნასაც თანდათან პრაქტიკული საქმიანობით ვიმდიდრებდი. ბიოლოგიურ მასალასაც ნელ-ნელა შევეთვისე და უკვე საითკენაც წავიდოდი, მსხნელივით ავიდევნებდი კეთროვნებს.

ჩვენში ჰპოვებ შეებას და მარადისობასო, მეტყოდნენ მზე-რაგაშტერებულს და საკმარისი იყო რომელიმე ჯანმიღებულ მკლაფზე წამტანებოდა, რომ დამფრთხალი დასტაქარიც მაშინვე შეშლილივით გაგშლიდებოდა ჯაგებში. მერე იქ, სადაც ტყეების სარდალი მუხა იდგა, როდის-როდის წავიქცეოდი. დუჟმორეულს და თვალეზამოტრიალებულს მომეჩვენებოდა, თითქოს შიშველ ტანზე უნახების ლაშქარი გადამსდოდა; თითქოს მოფუთფუთე ჭიანჭველების სარეცელზე ვიწექი. ყინვით გათოკილი წყაროებივით ამიტომაც მებოჭებოდა სული. ეკალ-ბარდში ბოდიალით დაღლეტილს კეთროვნები ზეამსწევდნენ და აკლდამებისკენ შემაბრუნებდნენ.

ბნელს და შიშისმგვრელს განარიდე, ღორთონი სქან ოროში გოლგაფროთ,* ივედრებოდნენ ჩემთვის ცისკენ ხელაპყრობილი უძღურები. შეძდეგ ჟამს ჟამი შეეწონებოდა. გაიფანტებოდა სხეულის მომკრუნჩხავი სიზმრები. მთელიღი გვიმრის სარეცელზე მეღვიძებოდა. შრიალა ლელიანების მთაღერსე მთვარეს და მოჩუხჩუხე უძვიკვლო ნაკადულს მიგაჩერებოდა.

ჰომეროსის ბადალი პოეტი იქნებოდა.

კვირას თვე მისდევდა, თვეს – წელიწადი და რაც მეტი დრო და ხანი გადიოდა, სატანჯოს აკლდამები ნაკლებად მაკრთობდა ანაქორეტს.* დღითი დღე ვეკუებოდი კეთროვნებს, მარტოობას, სენს, სიკვდილის საშიშროებასაც. აქა-იქ

ლეყებისფერი ნავით გავსრიალდი. სიყრმისეული სურათები ამოვიტივტივე ოცნებაში. უკიდევანო სივრცეს მივესიყვარულე. ვეფერებოდი სიყვითლეშეპარულ ფოთლებს, ნიაგში ჩაწნულ კვამლის გრაგნილებს. ვისუტებდი საკინძეგაღელილ ტრამალებს და ხატის წინ აქვითინებული ჰალიძონხეს მოლანდებას. ეს უნაწესი ხილვები გონებაში წარუშლეღად ჩამრჩა. იგი მაყვარბდა ნაკადულის მივიადსხმულ კენჭებს, ქართთ გადახრილ აკაციებს და მონატსრის მოჟღურტულე ქონგურებს. სატანჯოში განმარტოება უწინარესად სკუთარ თავს შემამეცნებდა, ბუტუტი. ეს განდგომა სამყაროს აგებულებაშიაც მარკვევდა და დროის მდინარებაში გახირული ადამიანის რაობაშიც.

ვინ იცის, როდემდე ვაგრძელებოდა ასე, ერთხელ ლელიანში, სასიარულო ბილიკების დადგენისას, დევნილ ჯარისკაცებს რომ არ გადაყვროდი. ჭაობს შერკინებულები აღჭურვილობას იმსუბუქებდნენ. მცირეკალიბრიანი ქვემეხები რა მოსატანია, როცა შაშხანებსაც კი ელოდნენ. არც ცხენების ძუა-ფაფარზე ჩაბლაუჭებას თაკილობდნენ, თღონდ ონწყევშიას უღმობელი ჭორმისაგან თავი რამენაირად დაეღწიათ.

ვხედავდი აღრეულ მუნდირს და აღნაგობას, რომელიც წუმპეში თრეგას ერთფერთვნად – ტალახისფრად ექცია. მესმოდა ერთმანეთში ათქვეფილი მშობლიურ-უცხოური და, ცხადია, თვალის დაგუხუჭე, წავუყრუე მათ სამხედრო ზრანვებს. არაფრად ჩავაგდე მთავარ ძალებს მოწყვეტილი ასეულის ლტოლვის მიმართულება, მიზანი, ისიც – საქართველოსათვის ნანატრი თავისუფლება ეწადათ თუ ევროპული ოქროს ხუნდებით დაბეჩავება. მოკლედ, როგორც გლახაკს მიაწოდებენ ხოლმე წყალსა და ხშიადს, იმეგარად შეგვხშიანე ლელქაშიდან ამომტკავლებულებს. თავთავიანთ ენაზე გავვსაუბრე თითოეულს. პური და კერიის სითბო ვუწილადე საითთათოდ. დახმარება აღმოვუჩინე დაჭრილებს... შებინდდა თუ არა, დაწალიკებული მხედრობა ჭორომებში ავიდევნე. თავს შარში ვინვევდი, მაგრამ ძეხორციელს გასაქირში ვერ ვტოვებდი.

მოსახლეობას ხომ არაფერი დაუშავდება-მეთქი, შეგვპ-

კადრე უფროსობას, როცა მოტაცებული ბორანი ნაპირს მოვაყენე.

გეკადრებათ! ჩვენ ბოლშევიკებს ვებრძვით, თორემ ხალხთან რა ხელი გვაქვსოთ, დამამშვიდეს მათ, მაგრამ მალე კუნძულზე ჩოჩოქოლი შეიქმნა.

ჟინი ანთარმა მოიტაცა ბორანი, ჟინი ანთარმაო, მთელი ხმით გაჰკიოდა მუჭისსისხო ჯიხურის გარშემო მოკვანჭალე ჭოფია და მშველელს უხმობდა. ბურანიდან გამორკვეული სოფელი დაფრთხა, მხოლოდ ძმები ანთარიები არ დაბნეულან.

მოვკვდეთ და ძვლის გამტეხველის წამოყვანილ მტერს დედა ვუტიროთო, ამ სიტყვებით იბაგუნეს და იბაგუნეს მუშტები მკერდში, ოდაბადელებმა კი მხარში ამოდგომის ნაცვლად, თავიანთი სასახელო ძმის წახდენილი საქმე თვითონ გამთასწორონო, ბრძანეს; ურდულები გაუყარეს მძიმე კარებს და ლაჩრული ბუნების დასაფარავად ზურგი შეაქციეს იარაღასხმულებს.

ენგურის გამეხებული დინება ნაფოტივით მიათამაშებდა ცხენებითა და ჯარისკაცებით გავსებულ ბორანს. სოფს ჩაფრენილს ავისძომასწავლებლად შეჩვენებოდა ჩაწკვარამებული კუნძულის სამარისებული სინუჟე. ორცეცხლშუა ჩავარდნილს სული მიკანკალებდა და როგორც მოსალოდნელი იყო, სულ მალე ნაბოებიდან ატყდა თოფების ბათქაბუთქი.

ქრისტიანები არ ხართ, რას გვერჩით, სამტროდ კი არ მოვსულვართო, მიაკივლეს ჩასაფრებულებს ბორნიდან, მაგრამ, სავალალოდ, როცა ტყვიების ზუზუნნი მოხშირდა, გამცემსა და მოღალატე მეგზურს მომაზილეს წინლები, მიცხუნეს მათრახები და ცოტა ხანში იქაურობა მედიის ცეცხლშენთებულ სოროს დაემსგავსა.

ვქვითინებდი მკლავგადამსხვრეული. ამოიგმინებდა ლაფშას ამოფარებული თუ ბორნის ნავებში ჩამძვრალი მხედარი. კენესა, ჭინვინი, ტყვიების წუილი და ომახიანი ც-ჰ-ჰ-ჰ, ესეც შენ ძაღლის გაგდებულო, ერთმანეთში აირია. გაღმა ნაპირიდან კიოდნენ ქალები. აქეთ დაჭრილები და საღსალამათნი ცხენებიანად ცვივოდნენ მდინარეში. ჩქარა მომხდურის კუდაპრეხილი მერნები ფრუტუნ-ჭინვინით კუნძულს აშკარად

მიეძალანენ. მთვარემ კუბრისფერი ღრუბლები ჩამოიშორა, ცის-კიდურზე გადაგორდა და ბონის მომტაცებელმაც ცხადლივ შევნიშნე ზედ ჭყონდიდის ძირას გამართული თრომტრიალი. ენგურში გადახტომისა და გაქცევით თავის შველის მაგივრად, დიას! ჩვენ, ანთარიები გესროდით, ძაღლისგაგდებულე-ბოთ, უყიოდნენ იერიშზე გადასულებს, თან ტყვიაგამოლეული თოფის კონდახებს დაუზოგავად უხათქუნებდნენ.

ანთარიები ვართ ჩვენო, მომწვდა როდის-როდის გულშე-მოყრილს და წარწყმედილმა ძმამ თვალნათლივ დავინახე გვერდი-გვერდ მობარბაცე კვებკვე, ჯღვამა, ქვაფუ, ბათაყვა, ბაბუში და ჩოქოლი, გვემულები, მაგრამ თავაწეულები.

ანთარიები ვართ ჩვენოთ, გაიძახოდნენ ისინი, აქვე დამტყვევებლებს მკვდართა სულებს უხსენებდნენ წარამარა და ბრძანებას დამორჩილებულმა ზათქმა წამით ენგურის არსებობა შემახსენა ჩონჩორიკითა და შარდით გაბინძურებულ ბონის იატაკზე მოსროლილს. მერე მდინარის გამოღმიდან მოზღვაგებულმა ურაამ და შაშხანებიდან გამომტყვრალმა ტყვიებმა თავისუფალი საქართველოს გულდამწვარ ჭირისუფლებს ტაიჭისთვის დეწი აკვრევინა.

უბედურების მერომეღე დღეს ლერწმოვანებიდან ვუთვალთვალე ძმების დამარხვას. გასუდრულ ვაჟიშვილებს სისხლ-ხორცისაგან გაწირულ არამხუტუებს* უწოდებდა თმაგაშლილი გიმი მესხია. ძმებზე უსაყვარლეს ქორ-შავარდნებს არქმევდა ოქროსფერი დალალების მწეწავი მაფა. ზარით ეთხოვებოდნენ თავდადებულებს. სასაფლაოსაგან მოშორებით, გმირთა საკადრისად მარხავდა გულფოლადებს გაღლეტილთა ხელისუფლება, სოფელი. ამ გადაწყვეტილებით ძირძირამდე ჩავხვდი, ბუტუტი, ხალხის საწადელს. აკი, მოსახლეობამ მოგვიანებით მარმარილოს მომცრო სვეტი აღუმართა თითოეულს, რომლებზედაც ჯეგეს სახელიც ექვსჯერ ამოიტვიფრა, ოღონდ – როგორც ძმათა მკვლელისა.

ცას შევსთხოვდი შველას, რადგანაც არა თუ სოფელმა, თვით მშობელმა დედამაც კი სამუდამოდ უარმყო. ცხადში ყვავ-ყორნები დამყრანტალებდნენ თავზე. ძილში ძმების სისხლიანი ხელები მპოტნიდა. ენითუთქმელი ქარტეხილები და

ბორანივით დაძრული აკლდამები სულს მიხუთავდა. მერე მკვდრების ზედახორიდან ხან ყელგამოლადრულ ბაბუშს გამოვათრევდი, ხან – თვალებდათხრილ ჯღვიმას. ჭრილობების შეხვევას ვერ ავუდიოდი. რანაირი სისქის სახვევსაც დავაფენდი იარას, სისხლი მაინც გამორუვდებოდა. აქეთ ბუნქი შექანავდებოდა და სამარხებიდან ძილგამკროთალი კეთროვნები აიძაროებოდნენ, რომლებიც გაწყდომამდე მილეულ, გადაფატრულ მაჯებს მიწვდიდნენ და მეორდებოდა, თავიდან იწყებოდა ბნელ ძალებთან ძიკვილი. გულყრებით გაწამებულს იმ დღეებში სატანჯოს შემოკვდლებული ხანხანტი მაკრონია მომასულიერებდა. სიკვდილის მოლოდინში ქვის მერხზე დამხობილი სნეულების დრტვინვა ისევ შემახურვებდა. ვგრძნობდი სამშობლოს ვერასდროს მოვუბრუნდებოდი. ისედაც ავადმყოფობით გათანგული კეთროვნებმა სამისდემშიოდ მიმისაკუთრეს. ერთხანს ამრეწით მიგაჩერდებოდი ცდისპირთა ღრიანცელს, მაგრამ როდესაც მოთმინების ფიალა ამეგსებოდა, ღრიალით გამოვეკიდებოდი მათ და საკმარისი იყო რომელიმეს წავტანებოდი, რომ ძონქებთან ერთად ხრწნამორეული ხორცი შემრჩენოდა ხელთ.

სენს ვერ გაექცევით, ვერა! ბედისწერას ვერსად წაუხვალთ, ვერსად-მეთქი, ვლმუოდი ნადირივით. მერე გადიოდა ხენეში ღამე. არემარეს იაიების ცრემლი თრთვილავდა. სანრჩობელიდან ჩამოხსნილივით ვესვენე ნეშოზე. ხეთა ფოთლებში აღიონი კისკისებდა, მოლს სიო ვარცხნიდა და კოშმარული ზმანებებიც ნელინელ ქრებოდნენ.

ჩვენი ჭერი დაგიფარავს დევნილსო, შთამავთნებდნენ ხეიბრები; ოდაბადელებს მოუფრთხილდი, დაგნაცრავენ, მოგსპობენ ისინი. სიმხადლისათვის მოგვიძულეს ჩვენ! ღალატისათვის დაგვწყველეს ჩვენ! გადასხვაფერების გზებიც მოშლილია. რომ გარბოდი, ნეტავი საითო. იქნებ ძმებთან, მაგრამ მიწადქცეულებს ხელმეორედ შთაებერება სული განათ. მაინცდამაინც თუ შენსას არ იშლი, ჯამებით საწამლავი ჩამოგვირიგე და მიწყდება მაჯისცემა ბარემო, მემუდარებოდნენ. მათი მოჭმული ტუჩები საუბრისას ბგერებს ყლაპავდა და თუკი კვლავინდებურად მაგვდრებელი მხერით, შეგვიყვარეთ, შეგვიბრალოეთ, გვისხენით, შემეხვეწებოდნენ, დავიგმინებდი ერთს და ისეთნაირად წამოვკენებოდი, თით-

ქოს ხმელ ფინხზე ცეცხლის ალი აგარდაო.

არასოდეს-მეთქი, მივაკვილებდი მეურვეებს, ოდაბადეში ჯვარცმა მიჩვენებია სატანჯოს სამარხებში უმაქნისოდ გდებას-მეთქი, მივაკვილებდი და ელდანაცემნიც იმწამსვე მოიშვილდებოდნენ. ხვლეპუსა თავებზე მუშტებს წაიშენდნენ. ზოგი ამასაც არ კმარობდა და ვიწრო შუბლს ქვითკირის ლორწოიან კედელს გაუქანებდა. გულაღმა გაშოტილი შენი მოძვრის თვალწინ კი, ბუტუტი, მდორედ მიცურავდნენ მარადიულ ველს ზემორე ხელიხელგადახვეული ძმების აჩრდილები. იმ ჩვენებას შევჰქვითინებდი ცოდვილი. რამდენჯერ მინატრია სამარის ვიწრო ჭრილში მათთან ერთად ჩახაფრვა, საფლავით გარანდულების გვერდით საუკუნო განსვენება, მაგრამ მარტობით დამწრალ გონებას ვერაფერს ვუსწერებდი. მხოლოდ მთვარე მენუგეშებოდა. ყვითელ ფესვებს მიაღერებდა, უსასრულობასთან მაკავშირებდა და როცა საღამოვდებოდა, უცნაური ცახცახი შემიპყრობდა ხოლმე, რადგანაც თვალნათლივ გამჩნევდი, თუ როგორი თანამიმდევრობით მაქარწყლებდა საწუთრო.

რა არის დროისათვის, სამყაროსათვის, გნებავთ წუთისოფლისათვის, ეს წრიალი? ვკითხულობდი ჩემთვის და არაფერი-მეთქი, ვბასუსობდი თვითონვე. ახლა დანამდვილებით ვხედავდი, ბუტუტი, თუ რა ტყუილუბრალოდ შემოვიმწყრალე სოფელი, რა ბობოქარი წყევლა-კრულვა დავიდევნე უმიზეზოდ.

მაინც ვერასდროს მივწვდებოდი ფერზე უმნატეს ქაოსს-მეთქი, ვასკენიდი ბოროტ გარსებთან შერკინებული, თუშცა სატანჯოს კანონებს დაქვემდებარებულს, შიგდაშიგ ჯადოქრული კარიც მეხსნებოდა. ან როცა ღამე ყორნისფერდებოდა, და მთვარის სპირალები ათას მოჩვენებას თხაზავდნენ, მშფოთვარე სიზმრები უკვდავების წყაროებს აღმომიცენდნენ ხოლმე დასიცხულ ბაგეთათვის. მართალია, ქურდულად, მაგრამ მაინც მშობლიური ოდაბადისკენ ვიმზირებოდი. ერთხელ ისე გავთამამდი, რომ უკაცრიელ შუკებში კიდევ შევებდე. ბობორა ავაწკმუტუნე. აივნის იატაკი ავაჭრიალე. ხელუხლე-ბელი ბარგი და ხელსაწყოები მოვიპარე. თვალცრემლიანი მოვსცილდი სამზადის კერძასთან მხრებში ჩამკვრალ დე-

დას, ძირში მოსხებილ აღვის ხეს, რომელიც ჩემი დაბადების დღეს დარგო მამამ, მაგრამ ყველასაგან მივიწყებული რა ხანია უმოწყალოდ ღებებოდა ჟანგისფერ ღელეში.

ვერ ამომძირკვავთ, ვერა-მეთქი, ვფიქრობდი ცერათითს კბილებით ჩაფრენილი. იქიდან მოყოლებული გაქარულ ტყეებს ციება შეყრილივით შეგკანკალებდი. ზოგჯერ მუხლებზე დაცემული, სულში სოლივით შემოსობილ საომარ ველს ვებრძოდი, რომელიც უჩინარ ხელებს შემომიჭერდა და მონხრიალე ჩონჩხებს წამომირწევდა ცხვირწინ. ვშიშნულობდი აქაიქ, როცა ლიწინ-ლიწინს დაიწყებდა უღრანი; როცა უჟჟური მიკოტის ხმას აყოლილი ქარი შვავს წამომართავდა, რაღაც მკაცრი ხეთქებით, გაცრეცილ სახეთა ფორიქით აკლდამებს მიმამწყვდევდა. ცარგვალს გამოებმეოდა ჩემს მზერაში ძმათა შებურუსებული სასაფლაონი. ირეალური და ცხადი, სატანჯოს პარტახი სამარხები, მყისვე სიყრმისეულ სანახებად ღღვებოდნენ. წყალში ნავს შევაცურებდი ქონორა თხლმების მოღრეცილ კოჭებთან. ალიონს ვიმეგზურებდი. ამ დროს ზღვაც ვნებული ადამიანის მსგავსად ნაპირებს ამოდ ედავებოდა. მალე აღმასა მთების წიბოს განთიადის შუქი გადაეღვრებოდა. გრილი ქვიშნარებიდან ამოზრდილ ჰალიძონიასეს ხატს შორიდან ვეფერებოდი, ბოლოს ქვითინით ჩავესუტებოდი სილას. ასე და ამგვარად, ერთი კენწეროსთვის მოფუსფუსე ფესვებივით კვლავ ხალხთა კეთილდღეობას ვეპოტინებოდი, მაგრამ ანთარების ტუჩებმოკუმული აჩრდილები წამომართებოდნენ და ბურუსთა კედელიც მაფას თვალების ამარა დაშთებოდა ისევე.

ღიღებულა ერთი კენწეროსთვის მოფუსფუსე ფესვები. მგონი აკაცის ტევრისკენ მიემართება, ღელის და ჯიმაგეს საფლავებისაკენ. ჰირისუფალს ნუ იკითხავ!

საკუთარ მეობასთან დამწყვდეული თანდათან თვითგვემას მივეჩვიე, მოვეშვი, იბბალს მივნებდი.

ადამიანთა მთელი მოდგმა, ოდბადელებიც, მეც, სომ მტვერი ვიყავით უკლებლივ ოდესღაც და არაფერია, ადრე თუ გვიან, კვლავ მტვრადვე თუ გადავიქცევით-მეთქი, ვინუგეშებდი თავს. განახლება, აღდგომა და მისთანანი, კაცობრიობის აუნდენელ სურვილად, წარმოსახვის უნიათო ნაყოფად

გამოვაცხადე. ადრინდელივით დავრდომილთა მკურნალობას მივყავი ხელი. თითქოს აღისფერი მათრახები ზუზუნებენო, გაუცნობიერებელ ხმაურს მოვისვყქდი ხანდახან, მაგრამ იმ ორომტრიალში შევავიჯებდი თუ არა, ძმების აჩრდილებიც მაშინვე ტაატით წაასვენებდნენ ძლეულ სსეულებს. იშვიათად სინიბებით გადათქერილი ბილიკებიც მეძახდნენ. უმეტესად კი აკლდამის ყურეს მიყრდნობილს უსასრულო გალაქტიკიდან ეკლის მოხასხასე გვირგვინები მეციმცინებოდნენ.

იმყოფინე გლოვაო, მეტყოდნენ კეთროვნები, მოიშორე ერთხელ და სამუდამოდ წყეული სამქვეყნო ტვირთია თუ საზრუნავიო; რაკი შენი თავი ზეცისთვის მიგიძღვნიო, რაკი ჟინი ანთარად ეკურთხე, აწი მაინც რა გაყოყმანებს, კურდღელივით რატომ თრთიო. სადაც არის დასრულდება შენი ხორცის წამება და უზომო მწუნარებას დაეხსნები, ბედშავლო, მეუბნეოდნენ და ძმათამკვლელებიც თითქოს ეს-ეს არის სსეულიდან ამოფფათქუნდებით, ასაფრენად ვემზადებოდი ფრთოსან ქიანჭველასავით. სისხლიან ტანთსაბურავს გადავუგდებდი ქარებს და უმაღლე შორეული სანახებიდან ბურუსიც აიკრიფებოდა — ლესავდნენ თოხებს, ბარებს, ცულებს და ბირდაბირებს. პირავდნენ სახნისს. შექუჩებულ სიმინდის ღეროებს წვაგდნენ ნაყარში. მერე გამართავდნენ გუთნეულს და ფოლადის ფრთა ყვავილნარებში ისე გახროტინებოდა, ისეთნაირად გაკამკამდებოდა, იფიქრებდით, მინდორს ნაკადული შეპარვია სულშიო. მოკლედ, ბუტუტი, შვილო, როგორც კი უკვდავებას წაბოტინებული ჩემი წარმოსახვა ყოველივეს დათმობა, შეელეოდა, როგორც კი ტრფობის უმწიკვლო წამებსაც ვავწირავდი, ქარიშხალი მარსის მეწამულ მოსასხამებს მომანგევდა მაშინვე. ვიცოდი ეს წვა თუ რარიგ ფასობდა ჩემთვის, ან დაყურსული ჭაობის მორჩილება რას მიქადდა.

შენ, ეი, ხეტიალის მოყვარულო, გაჩენის დღესთან სიკვდილით მიჯაჭვულო, ვისაც ჩაძაღლების შიში ნაფოტივით გათამაშებს, თქვი, რა გაძრწუნებს, მუქთად ბოძებული სიცოცხლე რად არ გეთმობაო, გაიღებდა ხმას რომელიმე ქანცგაწყვეტილთაგანი.

იგია ხელ-ფეხს რომ გიბორკავს ღვთაებრივს, შენი გაორების სათავეც მასთანაა. უკვდავებისთვის ამაო სვანცალმა ლამის არის მონად გაქციოს, უბედურო, გამხსნევედი და ნათელს დაეწაფებით, ჩამოართმევენ სიტყვას მისწინილი სველებით სვანი და დაოსებულნიც მერე ფუჭად მებლაუჭებოდნენ. ვერც პრეისტორიულ თობასავით გალურსული ჭაობი მათკებდა და მით უფრო – ჩირგვებთან გულსაკლავად მკუთავი შაშვი. ახალ შუქდიადს ველტვოდი. ვარსკვლავებით დატენილ ცარგვალს დამბაჩის ლულასავით შუბლზე მოვიყრდნობდი და სნეულებიც კვლავინდებურად მიწიერი ვნებით გათანგული ხორცის დაურგებას თუ მომსოხოდნენ, ამსოფლურ სიაშეებს ხელად გაგეცლებოდი და მერე ვინგეჭდი უნეტარეს სიმსუბუქეს, ცისარტყელებს და მათმიერ ათინათებს.

ვერბალური* კლოდ მანე*.

არა სიცოცხლე, არა სიკვდილი, არამედ – რაღაც სხვა, მესამე-მეთი, ვეძებდი უკვდავების თავისებურ გარანტიას, მაგრამ მცდელობა ერთია და პოვნა – მეორე. ისევ ხმელეთის ფერს ვეთაყვანებოდი და თუ აქამდე უსახელო განზომილებებს შევსოხვოდი შველას, უკვე საკუთარ თავში მივაკვლიე საყრდენს.

მართალია, განსაცდელისას ვილაჩრე, ვერც სოფლის მომავალს გამოვადექი და ძმებსაც უნებლიეთ სიცოცხლე მოვუსწრაფე, მაგრამ ის უბედურება რომ არა, მშობლიურ სულში ასე ღრმად, ალბათ, ვერასდროს შემოვიხედავდი-მეთი, ვფიქრობდი.

ეს წლები ცდისპირთა სახეების რღვევას იქნებ განგების ძალით ვუთვალთვალებდი, რაღაც დიადის აღსრულების მიზნით; იქნებ ყველაფერი წინდაწინგვა ნავარაუდევი-მეთი, ვასკვნიდი. ერთი სიტყვით, ბუტუტი, დღემდე ყოველივე ცვალებადი და წარმაგალი რომ მძულდა, ახლა განვითარების ივივე კანონს ვლოცულობდი. გაღვივებულ თესლსა და გასაშლელ კვირტებს სევდნარევი ღიმილით ვმფარველობდი აქედან გამომდინარე გადაშენების პირას მისულ მგლებსაც და მათგან თავგამოხრულ იობოსაც. სოველ მზერაში მოვიწვევდი კაცობრიობას – ფსკერმონგრეული ხომალდის ფერფლისფერ მგზავრებს. ასე რომ, ნელ-ნელა ძმიების აჩრდილებსაც

ვეტოლებოდი. თითქოს მოშხამული გულ-გვაში გამომცვლოდა, ჯან-ღონით ავივსე. საკუთარ ბუნებაში ჩაკვირვებამ ბევრი რამ შემაძეცნა, განსაკუთრებით ის, თუ ძალა რისი წყალობით ხნავს აღმართს, რატომ გაურბის სულმოკლე კაცი მამულის საკენესელს, ან რა მიზნით შეეკვრება მოძალადეს ქვეყნის ორგული. ყოველი უზნეთ და მანკიერი ღალატის უმდაბლეს გრძობას დაფუკავშირე. მოღალატედ განვსაზღვრე ქურდი და მესუფრია, ნაცარქექია და მლიქვნელი, მოჭრილად რომ ვთქვათ, ისინიც — შაშხანებს რომ ბლუჯავდნენ, მაგრამ სამშობლოსთვის ყოყმანებდნენ, შერცხვენის შიშით-ღა ომობდნენ.

აწ გმირი და გლახა საყოველთაოს მიუსაკუთრებია, უკვდავებაში ცურავენ და რასაკვირველია, ძნელია განსაზღვრო, მოახლოვებული სიკვდილის დაწოლას როგორ გაუშკლავდებოდნენ, ეხალისებოდათ თუ ენანებოდათ მამულისთვის მღუდარე სულთან განშორება-მეთქი. ამას წინათ ბორანთან დატრიალებული უბედურება მათ ნაწილობრივ აღიქვეს მხოლოდ და არავითარ შემთხვევაში — როგორც საზარელი მთლიანობა. იმ დამით სიკვდილის შიში საგრძნობლად გაუფერულდა მათთვის, ვინაიდან ერთი განსაცდელი ექვს კაცში დანაწილდა მეტნაკლებად და ერთი მეექვსედი სიკვდილი რაღა ბედენაა-მეთქი. მე კი იქ, სადაც სატანჯოს შამბმორეული აკლდამების დაღრღნილი ხერხემლებია, ალბათ, საუკუნეა, რაც განუყოფელ სიკვდილს ვეომები-მეთქი, მოვსჭრიდი, მაგრამ გულფოლადი ძმების აზრდილებს ყოველთვის მუსლებმოყრილი შევსთხოვდი პატიებას. მეათასედ ვუხსნიდი, დამყაყებულ არეებს რისთვისაც შევეკედლე, რისთვის ვჭამდი ქვიშას, ან ხელუკულმა მორთმეული ფიალა მკლავებს რანაირად მიგრეხდა. ვუმხელდი, ჩემს სიჭაბუკეს მოსახელთებლად როგორ დასდევდნენ სიკვდილის საბელიანი აკლდამები. ყვაგ-ყორნების ყრანტალს და ბალახებში გაელვებული ასპიტის ცელის-მაგვარ სივილს როგორ მაჩვევდნენ. ქედუხრელი ძმების ზუგრშექცეული აზრდილები კი ომახიანი სიმღერით გადაგრუსუნდებოდნენ ცაზე.

ორგულია? ძმაც რომ იყოს, ქორწილის დღეს მიუსწარი,

მიუსწარიანო, ერთსა და იმავე შეგონებას იმდენჯერ იმეორებდნენ ის ხმები, იფიქრებდით, გაფუჭებულ ფირფიტას დაქოქილი გრამაფონის მეშპრანა ეცოდვილებათ. ასე რომ, დამნაცრავი საგალობლები სამუდამოდ ჩამეწრიტა სულში და ცრემლის ბუყბუყში თანდათან მოიშთო კიდეც... მოლანდებანი ძველებურად უარმყოფდნენ აკლდამებზე მითითხნილ ნაბოლარას. ჩემს ვედრებას ისეთნაირი გულგრილობით ჩაუგლიდნენ, როგორც ოდესღაც ოდაბადელების მოსალმებას თავად მე, მაშინაც კი, როცა სამარხებში წამებულს სიბნელე მღრღნიდა, კეთროვნები მეტმასნებოდნენ და ოცნებაში ხელებს მიფათურებდნენ. მაშინაც კი, როდესაც კუპრისმაგვარი ფერიდან უხილავი თუ რამე იქითური, მშობლიური ტკბილი ენით გამომესაუბრებოდა, საფლავის ქვას მიყრდნობილს თმას ამიჯაგრაგვდა. გამოვასწრებდი უჩინმაჩინს, ეკალ-ბარდში გავინლართებოდი, ნიაჟქართით აჩატებულ მუხის ტოტებს ცრემლიანი თვალებით იქიდან მიგაჩერდებოდი იმედნეული. სორციელი თუ რამე მზაკგრობით შემორჩენილი იდგა წკვარამში გარდატევებული და ჩვენს შორის უსიტყვო თანხმობა ობობას ქსელივით ილამებოდა. დღითი დღე ვრწმუნდებოდი, ბუტუტი, შვილო, რომ გულზვიად ძმებს ვერასდროს შემოვივრიგებდი, მერე ერთგან გავწყყერი კიდეც.

ჩემი დაცემის წყალობით გაუკვდავებულებმა როგორ დამიბრიყვონ-მეთქი. განა მათი ამაღლება ჩემი საბედისწერო დამხობიდან არ გამომდინარეობს? ერთის შერცხვენით ექვსი სული პირთამდე მრისხანებით გავსებულა-მეთქი, ვფიქრობდი ძარღვებაშლილი. აგონია მიტოვებული კოცონივით ჩაცხრა. მოლოქასა და ჭინჭრის ყვავილების ნაყენით გაჯანსაღებული უშიშრად დავაბიჯებდი სათბიბებში უკვე-უკვე ყოველი ასო-სახსარი გამრთელდა ჩემში. ბუნების მაჯისცემას ვაყურადებდი. ჩამწარებულ სიყრმის დღეებსაც დაურიდლად ვესალმებოდი.

თქვენი გამიზნული სიძულვილი რომ არა, ვერც მე ავმაღლდებოდი აქამდე-მეთქი, მივძახოდი ძმების ზურგშექცეულ აჩრდილებს; ერთსა და იმავე მწვერვალზე განსხვავებუ-

ლი გზებით ავსულვართ, თქვენ — თავგანწირვით, მამულიშვილობით, მე — მოლიბულ ციცაბოებით, სიდუნჭირით, თვითგვემით, მაგრამ ახლა ყველანი თანაბარ სივრცეებში ვბინადრობთ-მეთქი.

მასლობელ იღბალს და განცდებს ჩაღრმავებული კავკასიონის მარადთოვლიან მწვერვალებს ვუღიმიოდი მაინც. გალაქტიკის ბრძნულ კეფას ვუშოყვრდებოდი, მერე შრიალა ლელიანებს სიზმრეულ ჩვენებასავით გამოვედევნებოდი გადაფერდილი ქოხმანისაკენ. იქ, ძელურის ხორკლიან კედელს ორკაბივით აყუდებული, შაშვის ჭანჭანს მივაყურადებდი, თუმცა სულ ძალე არა თუ სატანჯოს, თვით დედამიწის საზღვრებიც ვივიწროვე. სიფრთხილე რომ მმართებოდა, მშვენივრად მქონდა შეგნებული, ბუტუტი, შვილო, ვინაიდან თუ ოდაბადისკენ წავაბიჯებდი, ვიცოდი, არ დამინდობდნენ. წყალს არავინ მომაწოდებდა მწყურვალს. ქალები აქსუტუნდებოდნენ, ჯველები კბილებს გაახრჭიალებდნენ, შემომერკალებოდნენ როგორც შამბნარიდან თემშარაზე შემოსეტებულ უხსენებელს და ადრე მლოცველ ბაგეთაგან ფურთხი ცვარივით წამოვიდოდა. მივინებდნენ ჯიშს, ჯილაგს. ცაში მბრწყინავ სახელებს წამიბილწავდნენ. ზურგს უკან დამალულ ქვებს სეტყვასავით მომაყრიდნენ. დარწმუნებული ვიყავი, რომ ყოველივე ასეთნაირად ასრულდებოდა და მაინც ატეხილი ჭალებისაკენ თუ ბავშვობის უმომავლო წლებისაკენ ჯიუტად მივიწეოდი. დაკარგულის აღდგენა მეწადა, თუმცა აქედანვე ვგრძნობდი, რომ ღალატს არაფრით მაპატიებდნენ.

რა გქნა, რა გზას დაგადგე-მეთქი, ვეძებდი გამოსავალს. იქნება სჯობდეს ბედისწერას ბოლომდე მივყვე, ავს ავი დავურთო, ღალატს — ღალატი, უკიდურესობამდე გავაშიშვლო ბოროტის სახე, შხამი და სამსალა მხოლოდ მე, მე, ჟინი ანთარმა, ამოვხაპო მავნებლობის ჭიდან, თანამემამულეთა წარმოდგენებიდან სამუდამოდ ამოვშანთო იგი, რათა შემდგომში მაინც არავინ გადაცდეს ჭეშმარიტების გზიდან-მეთქი. იქნებ სჯობდეს სიკეთე ვთესო ხალხი ს მალულად, ყანებს ჭიანჭველები დავუშევიდრო, ჭორომებიდან მოსახლეობის აბორჯებულნიმ საქონელი გამოვინსნა, დავიურვო სულში ჩა-

სახლებული დემონი და მხსნელად მოგვევლინო უნუგეშო-უსახსროებს-მეთქი.

მერე მალღებოდა მზე. მიმოსწევდა აკლდამებს, ასცილ-დებოდა ქონმანებს, ხეთა კენწეროებს, თქროსფრად შეაფე-რადებდა ირგვლივს. რიყესავით გაიფეხქვეშებოდა ოდაბა-დეს, სატანჯოს. ბაგეგაპობილ წარწყმედილს ფიქრებს მი-ლორიძინებდა. თმანთან სიმღერებს ჩამისახავდა და ჭირთათ-მენა დაძლეულიც მანათობელის განწომილებებს ვეჭვემდე-ბარებოდი ამიერიდან.

დღეს იქნება თუ ხვალ-ხეგ, გველის პერანგივით მოვიცი-ლებ აშშორებულ ნაპირებს-მეთქი, ვიმედოვნებდი გულში. სა-კუთარი მეობის გაწირვით სხვა ადამიანებს მაინც ვუმეგზუ-რებ სათნობის ტრამალებისკენ-მეთქი, წარმოვისახავდი მერ-მისის და ოდაბადე-სატანჯოს შუა რბოდა ბინდისფერი ენგუ-რი. ღმერთის ბადალი სუფრაზე მივატოვე და ლოთის ბანცალს ვმწყემსავ. სანამ გაჩერება არ გთხოვო, გვერდები ნუ გეტკინება.

მაფა: ბორნის მოშორებით გათხრილ მაწლთა საფლა-ვეებს ყირამალა შეტრიალებულ წუთისოფელს ვაბრალებდი, ნანაგე. ჯეგე ანთარიასაც, საკუთარ თავსაც ამ უღმობელი გენია-ცეცხლის მსხვერპლს ვუწოდებდი, მაგრამ ხალხი თა-ვისებურად ჭრიდა და კერავდა.

წამხდარი დროების ბრალია ყოველივე; სწორედ იმან გა-აწირვინა მძას ღვიძლი ძმები-მეთქი, გავივილებდი გულში, თუმცა ხმამაღლა თქმას როგორ გავებდავდი. მძათამკვლე-ლის დაუსჯელობა დიდ-პატარას აღაშფოთებდა.

გასანთლული თოკი გამოვავათო ყელზე, ყაყანებდნენ; აკ-ლდამებიდან გამოვავათროთ და სხეტაკ საფლავეებს შევწვი-როთო ზვარაკად, აგულიანებდნენ თავქარიან ჯეგლებს დრო-ული ოდაბადელები.

ნეტავ, რა დედის მუცელმა შობათ ერთი უხსენებელი და ექვსი ანგელოზი, ასეც ამბობდნენ. მე კი შენი მასწავლებ-ლის საქციელს ადრინდელივით გულით ვზომავდი, ნანაგე.

კარგები თუ იყვნენ, გაჭირვებულთა ხელგამართვა რაღა მაინცდამაინც სატანჯოში ჯეგეს გადახვეწის შემდეგ იწ-

ყეს-მეთქი, გცხარობდი. გასაქცევის გზის მთხოვნელ მტერს მოსახლეობისათვის რა უნდა დაეშავებინა, მაგრამ მათთან შერკინებითა და შეკვდომით, ჩვენი უიღბლო სიყვარულის სამუდამო დაღუბვას ღამობდნენ, აკი, საწადელი აისრულებს-მეთქი, ვწიწმატობდი ფიქრებში ჩემთვის და ვივიწყებდი, თუ როგორ მივციოდი დუშმანს ძმებთან ერთად.

ჩვენი ნაპირები უფრო და უფრო შორდებოდნენ, ნანაგე. სიკვდილს ვეძებდი, მაგრამ ისიც იგვიანებდა. ლოგინზე მიგდებული ტირილსაც ვერიდებოდი. გაუნელებელი ტკივილი ამალღებულთა ხვედრია. მემთვრალეები ვერასდროს ეზიარებიან ამ ღვთაებრივ მდგომარეობას. ლოთი კაცის ცრემლებს რახის სუნი უღის“.

რინა მემორე

მაფა ჰალიძონია

285714

ამასობაში სოფელმა ძველი და ახალი ჭრილობები მეტნაკლებად მოიშუშა, და ახლა, როცა სისხლისღვრიდან რამდენიმე წელიწადი მაინც მიიწურა, როცა გახეხვის ჟამი დაუდგა ქვევრებს და საწნახლებს, როცა მერცხლებმა და წეროებმა თბილი ქვეყნებისკენ აიკრეს გუდა-ნაბადი, ოდაბადელები ნარძლევის გასაბედნიერებადაც დატრიალდნენ. თავი ყველაზე მეტად ცურუ ჰალიძონიამ გამოიღო. სამურზაყანოში* გათხოვილი მულის ახლომახლო ბევრი შეღერილი საქმრო დაუძებნა. ისიც და სხვებიც ჟინი ანთარის გასამწარებლად იღწვოდნენ, თორემ „გახას შინაბერა ასულის იღბალი“ ვის ენაღვლებოდა. ამაზე დაიას ძმებიც გაესაუბრნენ. რა ვქნა? უარის თქმა სატრფოს აშკარა შეწყყნარებას ნიშნავდა, ამიტომაც რჩევადარიგებას ყურს თვინიერად უგდებდა.

— უნდა გიხაროდეს, ძვლისგამტეხველის დანიშნული ვინმემ თუ გითხოვა, — ამცირებდნენ უსულგულოდ.

თავს ღუნავდა მაფა, როცა დამწუნებელ სასიძოვებს ჩამოუთვლიდნენ. ახელებდა შეყვარებულის დამაკნინებელი მეტსახელები, რომლებიც ისედაც გათელილის ცხოვრებას სამუდამოდ დაემგზავ-

რა. ასე და ამგვარად, შეურაცხყოფილ პატარძალს გზები ყოველმხრივ შეეკრა. ძმებისაგან მოძულეებულს, დედისგან ასჯერ ბედლაწყველილს, ყოფნა ჩირადაც არ უღირდა. გონებაში ათასნაირი ფიქრი უქირქიტებდა. წამებული სიცოცხლის დასასრულებლად ათასნაირ გეგმას აწყობდა. მეხვაშიადე ცურუ მამიდის განდგომამ ხომ მთლად მოინელა.

„ვითომ ჩემთვის ძველებურად ამოვა მზე, ან ბაიასფერი მთვარე მესასთუმლება ადრინდელივით განა?!“ — უკვნესოდა გული და იქვე, — „არასდროს, არაფრის დიდებითო, — იტყოდა ხმამაღლა, „უბედურებაში გახლართული წუხილს ვერანაირად დავეხსნებო“, ღონდებოდა, ამიტომაც ერთხელ გაჩაღებული ცეცხლი უფრო და უფრო უმძვინვარდებოდა.

შეჭირვებულ ასულს უბე-უბე ტარების გაცრეცილმა წერილებმა უშველეს ისევ. მათი მიმსგავსების ფიცის, აღსარების ბარათი შეთხზა.

„ჩემო ფრთოსანო ჰიანჰველავ, ხუთი თვის წინ სატრფიალო ტირიფებთან განცდილ წუთებს გავედრებ, იქ ჩასახულ პირმშოს და ჭოფიას ბორანთან ჩახოცილ სამაზლოების სულეებს გავედრებ, რომ გაუტანელ ოდაბადეს ზურგი შეაქციე, ჩემთან წამოდი, გამწარებული რინა მაკმარე!“

სწერდა მათა თავისთავს ჯეგეს სახელით. ბარათი შუალამით ჩაიტანა ბორანზე და ქარს რომ არ წაეფრიალებინა, ზედ მუშტისსისხო ქვა დაადო. შინაც ასეთი უჩუმრობით შემოიპარა და გათენებას მოუთმენლობით დაუცადა.

ჭოფია ანთარიამ სისხამ დილით ნაპოვნი ფარატინა ქალადი ერთხანს წაღმა-უკუღმა ატრიალა, ხან მდინარისაკენ წასწია, ხანაც — უბისკენ გააქანა, ბოლოს შიშმა სძლია — ჭყონდიდის ძირას მომხდარი უბედურების შემდეგ ოდაბადელები წარამარა გესლავენენ „უძლური ბიძის დაბრიყვებულს“.

— რა ვქნა, როგორ მოვიქცე?! — ჩაეკითხა პირველსავე მგზავრებს მებორნე.

— ჟინი ანთარის მეტი რომელი იზამდა ამ სისაძაგლეს?! — ამტკიცებდნენ ერთხმად. ბარათს სულწარწყმედილის ხელს აბრალებდნენ და საბაზროდ გაბაწრულ გოჭინდაურებს ივიწყებდნენ. ბადუ ჰალიძონიას უცდიდნენ. ისიც აგერ იყო. ფერმკრთალს და ერთიანად აცახცახებულს წერილი ზედ ცხვირთან მიეტანა. სთხოვდნენ და მუხლებზე დავარდნილი ნაძირალას ვედრება“ ხალხისთვის როგორ და-

ემალა?! მთავარი, ქალ-ვაჟის შეხვედრები იყო ეს, მაფას ფეხმძიმედ ყოფნა თუ სხვა, თავზე ლაფის დამსხმელი ამბავი, მოხერხებულად გამოტოვა. ბაღუს დის უზნეობა ვერაფრით დაეჭვებინა და ჭიაყელასავით თვალები წინასწარ რისთვის დაეთხარა?! ოდაბადელებისთვის გამხელილიც კმაროდა. სწორედ ამის გამო დაიშალნენ მოლა-ლატის წყველა-კრულვით, კითხვიანი მზერით, რომლითაც მთავრობის კაცისაგან სინდისგარეცხილის ჩამოშორებას მოითხოვდნენ.

მაფა ჰალიძონიას მოლოდინის გამართლება უხაროდა. ამ საბედისწერო გადაწყვეტილებით მან უკუღმართ წუთისოფელს სასტიკი განაჩენი გამოუტანა. იქნებ აქეთკენ უფრო სანატრელი ადამიანის გაწეულმა სიკეთემაც უბიძგა.

ანთარიების დაღუპვამდე და მის მერეც, ოდაბადელები წინკართანვე წააწყდებოდნენ ხოლმე ქინაქინითა და მისთანანით სავსე მდელოსფერ შუშებს, მაგრამ „ჟინი ანთარი საწამლავს გვაჩეჩებსო“, გაიძახოდნენ და მდინარეში მოისროდნენ ხოლმე.

გოგირდს აკმევდნენ, სამგზის იფურთხებოდნენ და მის სახსენებელს აქვესკნელებდნენ. ხედავდა მაფა, თუ როგორ, რანაირი სიშორიდან მოიჩქაროდა მისკენ შერისხული. უფრო მეტ წყვდიადებს მოარღვევდა, ვინემ ქრისტიანულ ჯოჯოხეთშია. ჭაობნარში გადაკარგული კაცი კარგზე კარგს აწვეთებდა მისი ერთგულებისათვის. ოდაბადელები კი სიმინდის ყანებში მოსავლიანობის გასაზრდელად დაბინავებულ ჭიანჭველებს მდულრავდნენ.

— მოვისვენებთ ძმათაშვილებისაგან როდესმე?! — ეკითხებოდნენ ერთმანეთს და ზიზღით გახედავდნენ სატანჯოს.

ატყობდა ქალიშვილი, რომ წაბორძიკებული ნაბოლარა საუკუნოო მარტობისთვის გაეწირა საზოგადოებას.

ჟინი ანთარის ფიქრი სოფლის გასაჭირს დიდხანს, დიდხანს ევლებოდა თავზე, მაგრამ ყველაფერი განსაზღვრულია და როდესაც მოკვეთილს უკვდავების წყარო გამოელია, გაბოროტდა.

მაფა ჰალიძონიას შიში გამართლდა — სანაქებოდ მოვლილ ყანებს ღობე შემოერღვა. აქა-იქ დამბა-ჭებირი მოიშალა და თავაწყვეტილმა ენგურმა კუნძულს თამამად შემოუტია.

ხახანტი მაკრონიას ცხვირ-პირი რომ მოერღვა, იმ სამშაბათს კუდმოჭრილი და ცურდაფატრული ნახირი მობღავლდა საძოვრებიდან.

სასოწარკვეთილი ქალები მარჩენალი ფურების საბრალო თავებს მკერდში იხუტებდნენ და ბასრი დანით გამოსულ კაცებს დასაკლავად არ ანებებდნენ: პირუტყვების ჯიქანიდან ერთდროულად მოთქრიალებდა სისხლი და რძე.

მაღე ლაფაროები ბუდემოშლილი მერცხლების წიაჭითა და ტიტლიკანა, კისერწვრილი ბარტყებით გაივსო. მკვდარი კატებითა და ძაღლებით წაიბილწა ჭები.

შიშობდნენ ოდაბადელები, ბჭობდნენ. ბავშვებს ეზოდან გასვლას უკრძალავდნენ. მთავრობისაგან „მავნებელი და ხალხის მტერი ჟინი ანთარის“ დასჯას მოითხოვდნენ.

ვინ იცის, მათა ჰალიძონია ყოველივე ამას გაურბოდა თუ შეეყვარებულის ხსნა ეწადა. მოკლედ, მსუსხავ წუთებს იმზადებდა, იცოდა, ცეცხლს რომ ეთამაშებოდა, შერცხვენას რომ არ აპატიებდნენ, მაგრამ ჟინის ბარათებიდან ხომ ესწავლა, აიეტის ასულმაც თუ რა მოიმოქმედა სიყვარულისათვის — ქერათმიან გადამთიელს როგორ ანაცვალა სამშობლოს ძლიერება.

ეს ანუგეშებდა, ეს ამხნევებდა. მართალია, მიჯნურისთვის ასე თავგანწირულ ამბოხს არც მეისტორიე უმღერებდა და მით უფრო — ლადი ჭანიას ჩონგური, მაგრამ ერთხელ ამორჩეული გზა, ხვედრი, მიწიერ გრძნობებზე ამალგება ფრთოსანი ჰინანჰველასავით. ამქვეყნიურ სიამეთა ბორკილებისა და მკრთომარე სულის დათრგუნვას უნერგავდა მთელი საქალეთის სახელით.

— შენი გულქვა ძმების ხმას ნუ აჰყვები, ნოჩო. შვილებს გაფიცებ, პირჯვარი გადაიწერე და მოსალოდნელი ცოდვა-ბრალისაგან გვიხსენ! — სლუკუნგარეული ეჩიჩინებოდა ქმარს ცარო მუშუქია, — სადაც არის გავიყრებით და ვიცხოვრებთ ჩვენთვის. ბაღუს და ყიფას კი, პირი ქვისკენ მიქნია, შავსამარეში წოლა! მთავრობის ხალხია ეგენი. დაიხსომე, თუ დასჭირდათ, დიდება-სახელისთვის მათსაც გასწირავენ და ამ ანგელოზებსაც, — თქვა ქალმა, ძუძუსწოვაში მიძინებულ ბავშვიანად ლოგინიდან გადაიწია და ატირებულ მეორე პირმშოს აკვანი დაურწია.

— სისულელეებს თავი დაანებე! — შეუბღვირა ზურგ შექცეულმა მეუღლემ.

— სისულელე უძახე შენ და ამდენი ხნით ომებში თრევას გასაკვირია განა ნათესაური სიყვარულის გრძნობა დაეჩლუნგებინა მათთ-

ვის? შენი თვალებით ხედავდი, თუ როგორ აკრაქუნებდნენ ვახშობისას კბილებს. სანამ ის უხანო დალალების ღიღინ-ღიღინით ვარცხნას არ მორჩა, საჭმლისთვის პირი არ დაუკარებიათ. დედა, დედა, დედა, სულ წამოწეულ მუცელზე უმზერდნენ.

— ხმა, კრინტი! — იფეთქა ნოჩომ და გაძვალტყავებულ ფერდში იდაყვი მიაზილა „რას გამოაპარებ, კუდიანია ეს შობელძალი!“

— ამოწყდეს თქვენი ჭიში და ჭილაგი! — მიაწყველა ცარომ.

ნოჩო ჰალიძონია მთელი არსებით უბედურ დაიას ემხრობოდა, მაგრამ როცა მათას ოთახში საწოლი აჭრიალდა, როდესაც ძველისძველი იატაკი აჭრაქუნდა და ქალიშვილის გაპარვა აშკარაზე აშკარა შეიქნა, ძმებმა წერილში მოთხრობილი საბოლოოდ ირწმუნეს. თვალეში სისხლჩაახსი ტულებმა ნოჩო უბოდიშოდ წამოაგდეს ლოგინიდან. გაცხარებით ბჭობდნენ. შერცხვენის ასაცილებლად გამოსავალს ეძებდნენ და ენამოპარპალე ლამპებით განათებულ ზალაში ბოლთას სცემდნენ.

— თუ ახლავე ვივარგეთ, ოჯახს თავლაფდასხმა აშორდება, — მოსჭრა შეთქმულების მეთაურმა ბაღუმ. **„გათხოვებას მოგვადე მირჩევნია. მოკვდი, მოკვდი!“**

— შენს ბლარტებს მიხედე! — დაუცააცხანა ყიფამ ღრიჭოდ დარჩენილ კარში თავშემორგულ რძალს. „წითური ძალი! ცხვირი უნდა შეჭყოს ყველაფერში!“

— როგორ ფიქრობ, შენზე ნაკლებად გვეყვარება ჩვენი და?! უნდა შეეშვა მაგ ფუტურო თავში, რომ ასე აჯობებს მისთვისაც და ჩვენთვისაც, — კბილებში გამოსცრა ბაღუმ. **„რატომ, თქვენ შვილებს გავზრდი“.**

— კაცი არა ხარ?! ცოლის კაბა ჩაიცვი ბარემ! — ფინიასავით დაიწკაფანა ყიფამ. „დედალი! დედალი! რომ შემოუძახო, ააქოთებს აქაურობას“.

ნოჩომ იცოდა, რომ ერთხელ აკვიატებულს ძმები არაფრით დათმობდნენ, ამიტომაც „თავიდან მომწყდიო“, დაუყვია ცარო მუშუქიას. ხელიც უბიძგა გაჩიუტებულს, თან „ახლა ჩემი აქ დარჩენა იქნებაო“, მიადევნა ჩურჩულით.

— ნურათფრის გეშინია, მათას ცურუ მამიდასთან გავაპარებო, — ამ სიტყვებით დააშოშმინა თანამეცხედრე და კარი ღირწკინ-ღირწკინით* მიხურა.

ძმები ჰალიძონიები ბოსელს ამოეფარნენ. ბაღუ მხართან წაკვე-

თილ მკლავს ნაჭდობს უხახუნებდა.

— რანაირად დაგვასხა თავზე ლაფი?! — სულ ამას იმეორებდა.

— აბა, აბა! — კვერს უკრავდა ყიფა.

ბადუმ ხუთჯერ მანც გააწყო ჩიბუხი, ვიდრე ფიჩხი გატყდა და კუტიკარი აჭრიალდა; ვინემ ალაგეზე* გადმობიჯებისას ელვასავით გადაზნექილი ქალიშვილის მოსირმული თმა მთვარიანში გაიშალა; ვიდრე სამზადის კედელზე ჩამოკიდებული ვედრო-ქვაბები აჩხარუნდა და სატრფიალო ტირიფებიდან ორიოდ სავსე მობრუნებული მათვას ნეტარებაგარეული ღიღინი მოახლოვდა.

„სად მიდიხარ, უბედურო!“ — უნდოდა წამოეყვირა ნოჩოს, „გაიქეცი, გაიქეცი, თავს უშველე!“ უნდოდა ებღვლა, მაგრამ ეშინოდა ხელისშემწყობად არ მოენათლათ და როდესაც ენაგადაყლაპული ნოჩო ჰალიძონია გონს მოეგო, მათა ჩასაფრებულთა ხელებში იკლავებოდა უკვე.

— საიდან მობრძანდება ქალბატონი?! — ხმაპარვით იკითხა ბადუმ.

— ჟინი ანთარისგან მოსუნსულებ, კახავე?! — ეს ყიფამ ჰკადრა მუჯლუგუნის კვრით, მაგრამ განგებმოცხცხე ასული სამარის ლოდით დუმდა. ნაძალადევიო, მხოლოდ ბუნებრივად წამოთქრიალებულ ცრემლებს არ ეთქმოდა. მერე ხმაგაკმენდილს თმაში წვდნენ, წაუჭირეს და წაუჭირეს. წიხლავდნენ, ემუჭრებოდნენ. ყველაფრის დაწვრილებით ამოშაქვრას უბრძანებდნენ.

ამასობაში ყრუდ მგმინავ ქალიშვილს ნოჩოც წაებლაუჭა უფროსი ძმების მოსაჩვენებლად.

ჩამარწუხებულმა ხელებმა მალე დაიურვეს ჰალიძონხე.

— რატომ გაჩნდი სასირცხვილო, რატომ?! — საფეთქელზე მუშტი მიაღეს ბადუმ. **„ვიცოდი ცოცხალი დამიბრუნდებოდი, შენთვის მოვქსოვე“.**

— ჯეგეს ფეხის ნაბან წყალზე არ გაიცვლებით, თქვე საცოდავებო! — თქვა თავაწეულმა მათამ. „გამაყოლეთ ახლა გითოლენდიას“.

— ძუკნა! ძუკნა! — ახიხინდა ყიფა.

— ზეცით შეკავშირებულ ქმარს როცა მომეპრიანება, მაშინ მივუწეები, — მოსჭრა მათამ და ისედაც გადარეულეებს ცეცხლზე ნავ-

თი გადაასხა.

— შემოგვფიცე, რომ მეტჯერ არ გაეკარები, — სცადა დაძაბულობის განმუხტვა ნოჩომ. „თავი მაინც დახარე, უბედურო!“.

— ქვეყნიერების სისხლიც რომ ემართოს, მაინც მისი ვიქნები, მი-სი.

— შე უჯიგრო, იქნებ ბოდიშიც მოგეხადა! — უმცროს ძმას ამრეზით შეხედა ბადუმ. „**არ მივეშველოთ ანთარიებს? ტყუილად გაცვიათ შარვლები?!**“

— არა, უმჯობესია ბარემ დაუჩოქოს თავის სასახელო დაიას! — სველი თავისფერი თვალები მოწკაურა ყიფამ. „მაგრად გამომივიდა!“

— ლაჩრებს და კაციჭამიებს შვილები გადაგიხდიან სამაგიეროს, თუ ეღირსეთ, მაგრამ თქვენ ვინ მოგცათ სიყვარულის ნიჭი, ბერბიჭებს, წყვეტილ-წყვეტილად ფხუკუნებდა ავქარდაცემული.

— როდემდე ველოლიავოთ ამ ყელისგამომჭრელს?! — აენტო ბადუმ, მუშტი აპკრა ნიკაპაზე და კბილებმა ტკაცანი გაიღეს. „შიში და სიყვარული!“

— მცემეთ, მცემეთ, ამას მაინც ვერაფერს დააკლებთ! — წაიღრინა მადამ და ხუთიოდე თვის ორსულის შესაფერისად გუდაში გამოკრული წერილებითა და ფოტოებით დამსხვილებულ მუცელზე ხელი მიითათუნა.

— რასო, რასო, ძელისგამტეხელო?! — ლურსმნის ნახვრეტისხელა გაუხდა თვალები ყიფას ისევ. „თუ ერთმანეთს ხვდებოდით, წაგეყვანა, წყულო!“

— მაშ, თქვენი შერცხვენის შიშით მონაზვნად აღვიკვეცებოდი სწორედ! შემოვევლე, ჯერ ერთი ღამითაც..., არ გიღალატებ, ჯიგე, არა!“

— კიდევ კარგი, წერა-კითხვა არავინ იცოდა, თორემ ხომ მოგვეჭრებოდა თავი? — ბადუმ მობევრებული ნერწყვი ზედ წვივებზე მიაშხედა დას.

— ლაფში ამოგვსრიდა, საფურთხებლად გვაქცევდა თითოეულს, — დაემოწმა ყიფა. „ხომ იტყოდნენ, რას თავაკაცობენ, რა ეთავაკაცებათ, როცა დისთვის ვერ მოუვლიათო?“

— იქნებ ძალად რომ ვათხოვებდით, იმიტომ გვამწარებს? — ჩაილაპარაკა ნოჩომ გაუბედავად. „დასადაღია ის შობელძალი“.

— შენი ხმა არ გამაგონო, ქალაჩუნავ! — უყვირა ცალხელამ.

— აცალე და გაღვანღვალეზულ ლოგინსაც მიართმევს ტირი-

ფების ძირას! — წაიჭირქილა ყიფამ. „ვთქვით და მე მომაჩეჩეს ის მათუ-
ზერი, მერე?!“

ხუთი დაძარღვული მკლავით ენგურისკენ გაქანებული მათას აღ-
მოდებული კეფა ძმების გაბორბლებულ თვალებს გრძნობდა, მაგ-
რამ არაფერს ნანობდა. არც პატიებს ითხოვდა. ან უკანდახევა რა
სიკეთეს მოუტანდა?! არც მოძალადეებს ემდუროდა, რომლებიც
ოჯახის ღირსებისთვის ცოდვილობდნენ ახლა.

ბადუ ჰალიძონია სოფლის გაღვიძებას ერიდებოდა, რადგანაც
ეს ამბავი ლისა შკვითინიას ყურს თუ ჩაეწვეთებოდა, ქვეყანას შეყრი-
და, შვილის გადასარჩენად არაფერს დაერიდებოდა და თავის მოჭრა
გაცხადდებოდა, ამიტომაც სისინებდა მზერაგაფაციცებული, და-
კუნთული მარცხენათი ამისთვის მიათრევდა სამივეს. ნოჩოს კი დის-
მკვლელის შერქმევის შიში თანგავდა. შესაძლოა შურისძიება არა-
ვის შეემჩნია, თავის დახრჩობა მათასვე დაბრალდებოდა, მაგრამ „მე-
რე როგორ ვიცხოვრო ცოლთან, შვილებთან, მეზობლებთანო“, აი,
ეს ფიქრი უწამლავდა სინდისს.

ყოველივე ამან და წვრილად დაკლაკნილი ბილიკით ენგურისკენ
ბადუს გადახვევამ „უმჯობესია მამიდასთან წავიყვანოთ, იქ უკეთე-
სად მოაგვარებენ ამ საქმესო“, ამოათქმევინა ნოჩოს სასოწარკვეთით.
წინადადება რიგიანად არც კი ჩაემთავრებინა, რომ ჯარისკაცური
ჩექმები კოჭებში მოუხათქუნეს. ნაპერწკლებით თვალებავსებული ნო-
ჩო დის ამტანობამ განაცვიფრა.

„ნეტავი ისეთი რა ძალა ბუდობს მათას სხეულში, რომ ამდენი
ძიძგილის, წიხლისა და მუჯღუფუნის შემდეგ ყრუდლა გმინავს. აღ-
ბათ ხალხის გამოღვიძებას ერიდება. ოჯახის სახელის გატეხვას უფრ-
თხის, ჟინი ანთარის ღალატმა თავდადებულ ანთარიებს რომ არგუ-
ნა, იმის მსგავსს“, გაუკრთა გონებაში.

მაინც მთელი გზა სულ ძმების ბილიკიდან გადატყუებას ცდი-
ლობდა. ენგურისკენ მიმავლებს უძალიანდებოდა. ბრეთელა თვალებს
ამიტომაც უბრიალებდნენ მთვარიანში.

ზოგადს და ცალკეულს ბადუ ჰალიძონია აქამდისაც გარკვევით
განარჩევდა.

— ჯერ სახალხო საქმე, მერე — დანარჩენი! — იტყოდა ხოლმე, მაგ-
რამ ეს უკანასკნელი რას მოიცავდა, გაუგებარი იყო, როგორც ნო-
ჩოსთვის, ისე — უმეტესი ოდაბადელისათვის.

— თავისუფლება შეგნებული აუცილებლობაა, ანუ მარტივად
რომ ვთქვათ, ადამიანთათვის სასარგებლო საქმეების კეთება! — გან-

მარტავდა ცალხელა ნასალდათარი.

ნოჩოს არც ეს ესმოდა ძირისძირამდე.

„სად ჩვენი დაია და სად კომუნიზმის მტერი, მომავლის ტვირთი თუ შემგინებელი?! გადაება მისი აზრი ბადუს გზადაგზა ნაბრძნობს, „მართალია, მაფამ დააშავა, მაგრამ ასე თუ ისე, კანონიერ მეუღლესთან. გაღლეტილების არამხუტუ კი, უყურე შენ, ერთბაშად წყალში როგორ უყრის ამაც, წლების მანძილზე ხალხში ტრიალს?! ამას თუ გრძნობს ნეტავი?! ნუთუ ოთხმოცდაცხრამეტმა სიკეთემ ერთი წაფორხილება ვერ უნდა გადაწონოს?!“ ანაზღეულად ეს კითხვები წამოუტივტივდა გონებაში ნოჩოს.

ჭოფია ანთარისას ბორანი ქვემოთკენ რჩებოდა.

ჯაგებში მიშლივიენებდნენ. ეკალ-ბარდი ებლაუჭებოდათ. თითქოს მათი სამარცხვინო საქციელი ბუნების უმრუდეს ნაშიერსაც კი ეგვრნო. ფიქრებში გაჩენის დღის მწყველელი ნოჩო ჰალიძონია ანგარიშიუცემლად მიაბიჯებდა.

„რა იქნებოდა, ფეხი მომტყდომოლდა, ან ციება შემყროდა?! — ივლებდა გულში, თუმცა ამისი გააზრებაც მყისვე აკრთობდა, — მაშინ ხომ ჩემი ბავშვების აკვნისდამრწევს უფრო ადვილად დასჯიან?!“ — ძრწოდა.

იქ, სადაც უმცროსების ფეხდაფეხ მიმავალი ბადუ მათას მჯილს სცემდა, ნოჩო მალულად ეფერებოდა. არაქათგამოცლილი ასულცი, ალბათ, ამ მიზეზით მიესვენებოდა ქომაგის მხრებს წამიერი შეყოვნებისას.

წინ სამასიოდე მეტრის სიგანის და სიგრძით ათჯერ მეტი მინდორი ედოთ, რომლის იქით მთელი ძალმოსილებით მიღელავდა მდინარე.

ნოჩო ჰალიძონიას გალიფე შარვალი ბაძგარიითა და ბირკავათი დაეძენძა. ძმებისაგან განსხვავებით დაუდევრობა მის ჩაცმულობასდა ეტყობოდა მხოლოდ. კაცები სწორედ იქ შეყოვნდნენ, სწორედ იქ, სადაც ჯაგნარი გაილია და ენგურისაკენ სამასიოდე მეტრის სიგანის, მაბუალიათი* გაჩაღებული მინდორი აშორებდათ.

იმ ველის შუაგულში, ოციოდე ნაბდის გაშლა ტლაპოში, ადრე ხუმუ პაპის, ახლა ჭოფია ანთარისას კამეჩები ქმინავდნენ. წინათგრძნობა იყო თუ რა?! პირუტყვი რატომღაც დაფრთხა, ონტყოლაშედან* ტალახის ამაზრზენი სუნი ამოიყოლიეს და რქენა-რქენით ჯაგებისაკენ წაყროყინდნენ.

ბაღუ ჰალიძონიას მუშტი ჯერ მაფას ეძგერა წელზევით, მერე — ნოჩოს და ყიფას. თითქოს უმცროსები ააჩქარაო და ბიჭებმა უკმაყოფილოდ გამოხედეს თუ არა, მაუზერის ბუდეზე ხელი გაასრიალა.

ქალიშვილის ფარულად მოქომავეს სისხლ-ხორციით სავსე დის აშკარა განსაცდელმა ახლა მთლად მუხლებიც მოჰკვეთა.

— ფეხი გამოადგი! — დაიკნავლა ყიფამ და მსხვერპლს წაეჯაჯგურა. ნოჩო ისე იძგვლიმებოდა, თითქოს სასაკლაოზე მაფას ნაცვლად ის მიჰყავდათ. მაინც რაღაცას იმედოვნებდა. მშველელს ეძებდა, რომელიც სავალალოდ იგვიანებდა. ცარგვალს სავსე მთვარე აჩახჩახებდა. საწიერზე თხმლების ფაფარი ჩანდა და პირქუში ენგურის ულმობელი ჩქაფანი იგრძნობოდა.

ჰალიძონიებმა მალე მოიტოვეს მომცრო კორომი, მინდორიცა და ტლაპოც. ფაფალაზე* იდგნენ. მდინარე ყაბის დანასავით ალაპლაპებდა ტალღებს. საკუთარი ძვლების რაკარუკს ძლივს უმკლავდებოდა ნოჩო და მაინც ზურგს უკან გაკავებულ ხელებზე ეფერებოდა დაიას. მაფაც გასამხნეველად ოფლში მცურავ თითებზე მალულად ეალერსებოდა ძმას.

ბაწრისთვის წინასწარ ეზრუნა ბაღუს.

— გამომართვი ეს! — თქვა და ყიფას მიაჩეჩა დაგორგოლილი.

— მოზრდილი ქვა მოიტანე, შე უჯიგრო! — შეუბღვირა ნოჩოს.

უმცროსმა ძმამ შიშით შეათვალეირა აბობოქრებული ენგური, რომელსაც ჭადრებისათვის ფესვები მოეშვივლებინა და ხაბოს ბეჩოებს მობჭენილი დროდადრო ბუყბუყებდა, დაყუნცულ ლოდებს ელამუნებოდა.

ნოჩო ჰალიძონიამ ათამდე ქვა მაინც მოსინჯა, მაგრამ ყველა ემძიმა. თითქოს მათი შემსუბუქებით მაღალი ღმერთის წინაშე სინდისს გაიმრთელებდა.

როგორც იქნა ერთი ამოიჩემა, ასე, ორი თვის საზამთროსხელა, გაპრიალებული, მრგვალი.

„ყოველგვარ ნასკვს ჰაერშივე დაუსხლტება“, მოეცა გული, მაგრამ ამ აღმოჩენამ კვლავ დააშინა, „იქნებ ჯალათმა დაიწუნოს, თვითონ წამოვიდეს და სხვა, უფრო დიდი და მოხერხებული აარჩიოს?!“ დაასკვნა, ამიტომაც ამოიღლიავა სამი თვის ნესვივით წაგრძელებული, ხაოიანი ქვა.

ამასობაში დაშლილ თოკს ათასნაირად ხლართავდა ყიფა. ძნელია ახლა ამტიკიცო, იღბლიან მარყუქს ნასკავდაო, რომელი ყულფიცი მათას წყალში გადაგდებისთანავე თავისით გაიხსნებოდა, ვინაიდან მის გაკვანძულს დანის წვერი ძლივს მიუდგებოდა.

გამოწოდებული ქვის მოყვანილობა ბაღუს აშკარად არ ექაშნიკა. შეატრიალ-შემოატრიალა თავის ქიცივით.

— არა, უშავს, — თქვა მერე მამლების გახშირებული ყვილით დამფრთხალმა, — ამ უჯიშოს ისეთი ქვა უდევს მკერდში გულის ნაცვლად, რომელი ფსკერი დაუდგება წინ?! — მოსჭრა და ნოჩოს ათროლებულ ხელებს მზერა ლურსმანივით დაასო.

ღის თვინიერ კისერზე ჩამოსაცმელად გაბაწრული ქვა ბალახებში ეგდო. ძმების ვაგლახს აგდებული ღიმილით ანადგურებდა მათა ჰალიძონია და ნოჩომაც საესებით ირწმუნა მაშინ მისი წმინდანობა.

„აბა, კაციჭამიების მეტი მსგავს სისაძაგლეს ვინ მოიმოქმედებს?!“ როგორღაც გაჭაჭანდა მის გონებაში. ამას ყოფა ვერს დაასკვნიდა, რადგანაც, ჯერ ერთი, ხელქვეითი იყოდა უფროსის ბრძანებას ასრულებდა, მერე ბოლოს და ბოლოს ყოველივე რომც გამჟღავნებულიყო, წამსვე ბაღუს გადააბრალებდა, ბაღუს და გახეხილ ბუდეში გატარუნულ მაუზერს.

მხოლოდ უფროს ძმას წასკდა ცრემლი, რომელიც საკუთარი საფიქრალით გართულებს არც შეუნიშნავთ. ბაღუ უწინარესად ამ გადაცეხულ კაცებს გადაყროდა წყალში, ერთი ღღის სიცოცხლისთვის მთელს ქვეყნიერებას რომ გასწირავდნენ თვალის დაუხამხამებლად. არც მათი აშენებული სოფლის სწამდა კანონიერების დარაჯს, ვინაიდან, „ვინც ღვიძლ დაიას ვერ დაიცავს, სხვისთვის როგორ გაირჩებოა?!“ ასკვნიდა, აქვე კაცობრიობის, რწმენის, სინდისის წინაშე წმიდათა წმიდა მოვალეობას იხდიდა. ერთადერთ მართებულ, ერთადერთ სწორ გადაწყვეტილებად მათას მოკვდინება მიაჩნდა.

ბაღუ წარსულშიც იხედებოდა, საიდანაც ლაფანისაგან გამოჩორკნილ, სიმინდის ხაშარის ნაწნავებიდან დედოფალას ეთამაშებოდა ოქროს კულულებიანი გოგონა. აი, იმ სიწმინდისკენ უბიძგებდა ჯერჯერობით მხოლოდ მათთვის შერცხვენილ ქალიშვილს. ეს აუცილებელი დასჯა რომ არა, „უმალ ლაფის მორევში ჩაიძირება, საითკენაც ოჯახთან ერთად შთამომავლობასაც გადაითრევს. განა ეს ბიძგი, ეს ხელისკვრა რამეთი აღმატება ხევისბერის შემართულ მახვილს, ან მატეო ფალკონეს გასროლას?!“ უხურდა გონება. ჰაჯი უსუბის სა-

დამბაჩო ხელი ისედაც წარკვეთოდა და საჩოთირო საქციელისათვის უტყუარი საბუთების მპოვნელმაც იგულადა — ჰკრა ქედლადრეკილს, არარსებული მარჯვენა კი, თითქოს დისკენ წაიწვდინაო, ჰარმა შეუფრიალა, მაგრამ არარსებულთ რას უშველიდა, როცა ნამდვილთ სწირავდა?!

ამხნევედა ბადუ, თუ როგორ შეთრთოლდნენ ნოჩოს თითები ბაწართან, ცერმა და სალოლკმა რანაირად დაითრიეს ნასკვი, ოდეს მათა კოჭებთან გადასხეპილ თხმელასავით წაფრინდა მდინარისაკენ თავქვე.

— ახია ჩემზე, დარიშხანი რომ არ შეგაპარეთ ვაშმობისას! — მიაკვნესა ძმების შიგნით გაჩენილ სიცარიელეს მათამ. „ვაი, თქვენს დას, უბედურს! ამის აქეთ თქვენი რინა რაღა იქნება?!“

გაგონილი სიტყვების სიმწრის მიუხედავად ლამის გული შეუღონდა სამივეს. წამხდარი ძმების ზღუქუნს ბადუ ჰალიძონიას ერჩივნა გავეშებული ტალღებისათვის ისიც მიეყოლებინათ, „მაგრამ, ამას ვაჟკაცობა სჭირდებაო“, საზღვრავდა.

არა, ჰალიძონიებს დანუგეშებისათვის ნამდვილად არ ეცალათ. განსაკუთრებით მთვარიან შუკიდან ფეხშიშველა გამოვარდნილი ლისა შკვითინიას შემოფეთების მერე, რომელსაც კაცების დაგვიანებით შეწუხებულმა რძალმა წვრილად გაუმხილა მათას გაპარვა თუ ძმების თათბირი.

— ხომ შეიძლება მართლაც დადასტურდეს ყველაფერი, მათა მართლაც ხვდებოდეს ჟინი ანთარს?! ჰოდა, მაშინ გადარეულნი, ღმერთმა უწყის, რას მოიმოქმედებენ! — შეჰბედა ბოლოს როგორღაც მუშუქიამ დედამთილს.

— მერედა, ახლა მეუბნები კარზე მომდგარ უბედურებას, შავსისხლიანების შთამომავალო?! — იწვილა ჰანიებთან სათათბიროდ წასულმა შკვითინხმაც და ბავშვებატატებულს მიყოლებით გადაუჭირა ცოცხის ტარი.

მოკლედ, გულამოვარდნილი ლისა ხან ერთ შვილს წაებდაუჭებოდა, ხანაც — მეორეს და მესამეს. მათ იღუმალ მოძრაობას სასოწარკვეთით უთვალთვალებდა.

— ჩემი მათა რა იქნა, — სულ ამას გმინავდა, — ჩემს მათას რა უყავით?! — ხმას უწევდა იმის იმედით, რომ სოფლის შეყრის შეეშინდებათ და უიღბლო დედისთვის რაიმე სანუგეშოს გამოიმეტებნო.

— თქვენს საფიცარ ჟინი ანთარს მოკითხეთ! — დაასწრო ყოფამ

სხვებს და მოფიქრებულდმა პასუხმა თუ შეება მოჰგვარა ბადუს, სამაგიეროდ ნოჩოს აუთრთოლა ნიკაპი. დაწყნარდნენ. თითქოს ძმათამკვლელს მათა სატანჯოში გაეტაცა და წელან არ გაეწირათ ხაბოსთავზე წმინდანივით ამართული.

ყოფას თვალთმაქცურმა ენამოსწრებულობამ უწინარესად ლისა შკვითინია დაამშვიდა. ცხადია, სახელგატეხილ კაცთან ასულის გაპარვა შვილის ცოცხლად დამარხვას ნიშნავდა მისთვის, მაგრამ მაინც მოეფონა გულზე. მათას უვნებლობა ირწმუნა. სასიამოვნო ცნობამ ლისა შკვითინიას პირველად აგრძნობინა წვრილი კენჭების სიბასრე. გაჩუმება ამჯობინა. გაივილიდა რამდენიმე კვირა, ვაჟები დაცხრებოდნენ და დროთა მსვლელობაში ყველაფერი მოგვარდებოდა.

გალახულ რძალსაც აკვანი აივანზე გამოეტანა. ცალი ხელით უმცროს კოჩიას არწევდა ტახტაზე მოკალათებული, მეორეთი — ბუთხუზა არდაშელი მიეკრა მკერდზე, რომელიც მთელი არსებით ჩაფრენოდა ძუძუს და ნეტარებისაგან კრუტუნებდა დროდადრო.

ლისა შკვითინიამ ბიჭებს კიბეებზე ასწრო. სარწვევლას სწვდა. ამ მოძრაობით აფორიაქებული და გვარიანად ცრემლნაფრქვევი რძალიც დაანუგეშა. ქმართან და მაზლებთან შეხვედრას მოერიდა მეძუძური და საძინებელში უსიტყვოდ მიჰყვა დედამთილს.

მრგვალ მაგიდას მიუსხდნენ ძმები ჰალიძონიები. ერთმანეთის ხელებს მისჩერებოდნენ. წითური ბალანით დაფარული კოტიტა თითები ჰქონდა სამივეს და ნოჩოს ეს მსგავსება ავისმომასწავებლად ენიშნა.

ლამპის შუქს ნელ-ნელა ამკრთალებდა განთიადის მოახლოება.

— წავედით! — ისე ამოათქმევინა ფანჯარაში გახედვამ ბადუს, თითქოს ცოცხალ დაიას სამეფო ტახტრევანით დაუბრუნებდათ ენგური.

არავის უკითხავს, „სადო“.

შინ არ ედგომებოდათ ჰალიძონიებს. შეთანხმებულებივით შემზარავ დინებას ესწრაფოდნენ. პირველად გასცდა მასპინძელი უხემსოდ ჩაურაზავ ჭიშკარს. დაირღვა წითურწვერა გახას ნაბრძნობი:

— დილით ლუკმა, ყვავსაც რომ მიჰქონდეს, წაართვით და ისაუზმეთ. ნაშუადღევს საჭირო ხალხთან ნოყიერ სადილს არაფერი სჯობია, რაც შეეხება ვახშამს, აიღეთ და ყვავსვე მიაშავეთო!

— ახლა ამ ჭეშმარიტებისათვის არც რძალ-დედამთილს სცხელოდა და მით უფრო — კბილებ აკაწკაწებულ ძმებს. გასაკვირი არ

არის, დისმკვლელებს საუზმე რომ დავიწყებოდათ. ბუნებრივია, ასე იოლად არც ცარო მუშუქიას გადაუვლიდა ცოცხის ტარის ნაკვალევი. ლისა შკვითინიას კი სკივრიდან წმინდა გიორგის ხელისგულისოდენა ხატი ამოესვენებინა და გულმხურვალედ ლოცულობდა.

ბარემ აქვე ვიტყვით, რომ გასაბჭოების შემდეგ ოდაბადეში მხოლოდ ის ერთადერთი ხატი გადარჩენილიყო. დედას ვერ წაართვა, თორემ დანარჩენი სოფლის ცენტრში დაღეწეს და დაწვეს ბადუს ბრძანებით. ჰოდა, ამწუთას მორწმუნე ქალი მათს სამშვიდობოზე ყოფნას თუ ვაჟების დისმკვლელის სამარცხვინო სახელისაგან გადარჩენას სწორედ რომ ყოვლისშემძლე ხატს მიაწერდა.

ძმები ჰალიძონიები ენგურისაკენ იმავე ბილიკებით მიიქჷაროდნენ.

ჭოფია ანთარის კოლექტივის უღელში ჯერაც შეუბმელი კამეჩები ტლაპოში ძველებურად ნებივრობდნენ, ამ სიტყვის საუკეთესო გაგებით, ვინაიდან აქამდე შიშისმგრველი მგზავრების გამოჩენამ, ამჯერად ვერაფერი დააკლო მათ დარდიმანდულ იერს, მხოლოდ ეს იყო, რომ თითქოს აბეზარ ბუზებს იგერიებსო, ზურგზე კუდი აიტყლაშუნა ზოგიერთმა, გააკანტურა ოთხკუთხა თავი, თან უდარდელი ცოხნა წამითაც არ შეუწყვეტია.

ნოჩო ჰალიძონია ხაბოსთავზე ნებოვან ბაწარს აწვალედა. „წუხანდელი გმირობის თავისკულისოდენა ნაშთი, სულ ერთი ბეწო, მაგრამ ცხადზე უცხადესი, რეალური“, უკვე ჩინური კედელივით აცალკეებდა „ჯალათი ძმებისაგან“. რამდენიმე საათის წინ ბოლთას სცემით გათელილი ბალახი წელში გამართულიყო. ბინდისფრად მოღელავდა ენგური. იმდენად მკვრივი და ნოტიო ნისლი მოეგდო ზურგზე, ხელისგაწვდენამდე ამოკლებდა თვალსაწიერს.

თავქვე დაეშენენ. ერთხანს ანთარების საფლავებთან შეყავნდნენ. მარმარილოს ქვეშა სამივეს მათა გაახსენა. მოაგონდათ, ვაჟაკისათვის შესაშური მხნეობით რომ მოითხოვდა სამაზლოებისადმი მიხმარებას, განსაკუთრებით, როცა არამხუტუების შაშხანები დადუმდნენ.

ბორნისკენ ჩაუხვიეს. ნისლში შეცურებული ჭოფია ანთარია თუთუნს ქაჩავდა. მხარდამხარ მომავალ ძმებს კოჭლობით მიეგება, რამაც ნოჩო ჰალიძონიას გული აუფანცქალა.

„იქნებ შენიშნა მათა და დახრჩობას გადაარჩინა?!“ რალაც იმედი ჩაესახა სულში. თუკი აქამდე მებორნის უშნო კვანჭალს თვალს

ზიზით აყვლებდა, ახლა რაღაცნაირად მოსათმენი ეჩვენა. ის კი არა, „რა ლამაზად კოჭლობს შეჩვენებულნი!“ გაიფიქრა ანაზღეულად.

ასეთნაირად აფორიაქების საფუძველი დიახაც ჰქონდა ნოჩოს, ვინაიდან ჭოფიას მგზავრების შემოგებება არა სჩვეოდა. როგორც წესი, ხალხის მოგროვებას გადაყვრულ ფანჯატურში უცდიდა ხოლმე მერსხემჯდომელა. მერე, როცა ლოდინით თავმოებზრებულნი აჯაჯლანდებოდნენ, ხვნეშით წამოიძარებოდა, ხოლმე ორთაყვირამდე მიფარკალდებოდა და ბორანს ადგილიდან დაძრავდა.

ასე იყო გუშინწინ, გუშინ, მაგრამ აგერ, ამწუთს, „უძღური ბიძის დაბრიყვებულის“ დათვის ტორმა ჰალიძონიების ისედაც ოფლშიმცურავ თითებს ბრდღვინი აღინა სათითაოდ.

ისევე ყოფამ დაასწრო ორივეს.

— წუხხელ სასახელო ბიძის ნავისთვის თვალი ხომ არ მოგიკრავს შემთხვევით? — ჰკითხა და უმანკო მზერით შეათვალიერა ბადუ, თითქოს ამოწმებდა, თადარიგანი სიტყვა უფროს ძმას ესიამოვნა თუ არა. — იქნებ მათა გადაიყვანე ამ დილაარდიან და ხმაც ამისთვის გაგიკმენდია?! — თქვა რიხიანად და თვალი თვალში გაუყარა დამხვდურს.

შინაგანი ჭიდილი რამდენიმე წამს გაგრძელდა. სულის უკიდურეს კუნჭულამდე გამსჭვალავმა ჭოფიას მზერამ ყოფა აშკარად დააბნია. სიმხნევის მოსაკრებად ბადუს ტალახით გათხვრილ, დაჩუტულ სახელოს დააცხრა, თითქოს კანონთა მჭედლის ფორმას პაწაწკინტელა ლაქა არაფრით ეკადრებოდა.

ცალხელამ მხარი უხეშად უბიძგა ლიქნიას, მაუზერგამობმული ქამარი შეისწორა, უხმოდ მიტრიალდა. მას მიჰყვა ნოჩო, ვინაიდან მებორნე თასმაგამონასკველ გასაღებს ატრიალებდა ხელში, მუშაობას ეს-ეს არის შევუდექო, აგრძნობინებდა ძმებს.

— შორეულ ნათესავად გვერგები და იმიტომ გიმხელ, — ქვეშქვეშურად იმოყვრებდა უცხოს ყოფა, — ვინცობაა წასვლა მონდომოს, არ გადაატარო, ამას უკვე ხელისუფლების სახელით გიბრძანებ! საქმისათვის აჯობებს ეგრე. წინააღმდეგ შემთხვევაში მოლაღატე ბიძის მფარველობას დაგიმტკიცებ და მერე ყველაფერი შენს თავს დააბრალე! — ეუბნებოდა დაწინაურებული ძმების გასაგონად და მტკივანი ფეხის მიმართულებით ისე ღონივრად დააწვა მხარზე, რომ მთელი მტკაველით დაზნიქა.

„იმდენი ძალის მიგაკვდათ სულში!“ გაცხარდა გუხნებაში ჭოფია ანთარია, მაგრამ ხმამაღლა თქმას მოერიდა, თავი ჩაღუნა და ნის-

ლში გარინდული ბორნისკენ წაკვანჭალდა.

ნოჩო ჰალიძონიამ ერთი მიხედა კოჭლს, ახლა მისი ხვანხვალი ათ-მაგად შეზიზღდა. გეგონებოდათ, მათას უბედურება ჭოფიას ფეხებს გამოკერვოდა. მიბორძიკობდა „უძლური ბიძის დაბრიყვებული“ და აქვე ბორანზე ამოთრეულ მათას წარმოიდგენდა. იხსენებდა დაბუ-წუწოებულ თოკს ყლიდან რანაირი კანკალით ხსნიდა, როგორ ასუ-ლიერებდა გონწართმეულს, ან აძაგძაგებულს რაგად აყლუპებდა არაყს ჯღვიმას ნაჩუქარი მათარიდან.

— მოძულეებულმა რინამ მაქნევინა! — ეცრუებოდა მოღონიერე-ბული ქალიშვილი, — ვინ გთხოვდა შველას?! — ცეცხლს აკვესებდა ჯერაც სველი წამწამებიდან.

კი, ჯიმაღის* სულისდგმა იყო მათა, ჭოფიაზე გვარიანად ასაკო-ვანიც, მაგრამ სიყვარული გაზომილა ოდესმე წლებით?! ეგეც რომ არა, კვეკვე ანთარიას ბიჭს ხუთი ბიძის კამეჩების ჯოგი დაუდიოდა ოდაბადეში.

იცრემლებოდა მებორნე. ცოლობას სთხოვდა. ის კი მაჯაზე შე-მოჭერილ ბაწარს კბილებით იცილებდა. ამის თქმას ჰალიძონიხეს მდგომარეობა აბედინებდა ჭოფიას, დასაღუპავად არ ეთმობოდა. მხნეობამოკრებილიც ამიტომ წაებოტინა მკლავზე, მაგრამ საყრდენ ფეხზე ქუსლი აძგერა ქალიშვილმა და გულადმა გაშოტა. უმზერდა ჭოფია მდინარისკენ შერკალულ სხეულს, რომელიც ფსკერისკენ კი არა, გაღმა ნაპირისკენ, სატანჯოსკენ, შერისხული ბიძისკენ მიილტ-ვოდა. მიხვდა, ვისაც უნდა გაებაწრა მათასთვის ხელები და ბორნის იატაკზე გაწოლილმა ქვითინით მიუალერსა თავგასრესილი გველი-ვით დაკლაკნილ თოკს.

კოჩია ჰალიძონია დასავლეთისაკენ გადახრილ მზეში შემყუდ-როებული აკაციის ტევრისკენ მიბანცალებდა, მაგრამ ცალი თვალი და ფეხი უკან რომ რჩებოდა, ძნელი მისახვედრი არ იყო.

„გამომედევნება თუ არა, გამომედევნება თუ არა?! ყველა მე მებ-რძვის, ყველა ჩემს წინააღმდეგაა ამხედრებული. ამდენი ხანი თევზი-ვით პირში წყალი დამაგუბებინა. კარგი ბიჭი ხარ და გაჩუმდი აწი! მაინც რა უსულგულოდ მიხსენა, ფრთები ამოსდიოდა ილლიდანო. ძმათამკვლელისაგან უკეთესს რას უნდა ელოდე?! მადლობა უფალს, მაგისი არაფერი მაცხია! მერე რა, თუ ხეიბარი გავჩნდი?! სამაგიეროდ

გული მაქვს სუფთა. ბოროტება არ ჭაჭანებს ჩემში! გასკდეს შურით, არ ჭაჭანებს, მორჩა და გათავდა!“

მოჩუხჩუხე ნაკადულს გადაახტა კოჩია. თავზე ხელებშემოჭლო-ბილი მწიფე ნესვისფერ ბალახში კოტრიალებდა ერთხანს, მერე გაფოფხდა ჩქერისკენ.

„უსათუოდ გამომედევნება, უსათუოდ! რომ ვძულდე, წაქცეულს ხელს შემაშველებდა წამოდგომისას?!“

წყალს დაეწაფა კოჩია. როგორც ადრე ვახსენეთ, სატანჯოელებს წყარო ქვევით ჰქონდათ, ნამეხარ წაბლთან, ამას სასმელად როდი ხმარობდნენ, მაგრამ იმწუთას მის გონებას ამდაგვარი წვრილმანებისთვის ნამდვილად არ სცხელოდა.

„მამა გენაცვალოს, მამა გენაცვალოს! მე გამომედევნა, მე! ჩქიმი წყვირთალი ბოში!* აქ დამხობილს რომ მხედავს, ვინ იცის, გული როგორ ეკუმშება?! — კოჩიამ თავი აიღირა. ნუ გეშინია, ცოცხალი ვარო, ანიშნა ამის შვილს, — ეჭვების ბუდე! სად სიძულვილი და სად — ბონდო?!

ხელები გადაიბანა კოჩიამ, შემდეგ პეშვით ანკარა წყალი წამოილო და სახეზე ისხურა. მელოტ თავზე ხელისგული გადაისვა. კისრის ძარღვები მოისრისა.

— მე გამომედევნე ხომ, მე?! — თქვა, როგორც კი მემკვიდრე ათ ნაბიჯზე მიუახლოვდა.

— მიწამ არ დაგცადოს! — დაუყვავა ნაძალადევი მზრუნველობით ბონდომ, და მამამისმაც მყისვე წამოკრიფა ტან-ფეხი. მათას მოქსოვილი სვიტრისა და შარვლის განიერი ტოტების ჩამოფერთხვას მიეძალა.

— მერე რა, თუ ხეიბარი გაეჩნდი?! — საცოდავი გამომეტყველებით შემოხედავდა დროდადრო ვაჟიშვილს, — სამაგიეროდ გული მაქვს საკმეველივით სუფთა, სხვას როდი ვგავარ, ბოლმით და შურით გატენილს! ბოროტება არ ჭაჭანებს ჩემში, არ ჭაჭანებს, მორჩა და გათავდა!

— ამას რა სჯობია, მაგრამ მოხუცებმა რა დააშავეს, მოხუცებს რას ემართლები?! ორ-სამ ჭიქა ღვინოს ყოველდღიურად სვამს ჟინი ანთარი, საუზმეზეც, სადილსა და ვახშამზეც, მაგრამ გინახავს ერთხელ ხმა აეწიოს?! რანაირი ღრიალით გავარდი, გული გადაგვიქანე. არაყში უნდა ჩაიხრჩო მაინცდამაინც?! ან თავი შეიცოდდე, ან — მე, ან კიდევ — მოხუცები! მოიტა ხელი, მოიტა! — მოსჭრა ყმაწვილმა და გადმოაფრინა ნაკადულს.

ზურგს უკან დარჩნენ დედისა და ტყუპისცალი ჯიმაგეს საფ-

ლავები. გაუსწრო მამის მოტვლეპილ თხემს. აკაციის ტანდრეცი-
ლი ხეებიდან ჩამოცვენილ ხმელ ტოტებს ფეხქვეშ ტაკაცა-ტაკუცი
გაუდიოდა.

„რატომ უნდა გაჩუმდეს ჟინი ანთარი?! რატომ ან ყველაფერი, ან
არაფერი?!“ უხურდა გონება ბონდოს.

— ანას აჩრდილი თუ გახსოვს?! — გამოარკვია ფიქრებიდან და-
წინაუბრეული მემკვიდრე აქოშინებულმა მამის ძახილმა.

— შვილი რომ წაართვეს თურქებმა?! — გაეპასუხა უკანმოუხე-
დავად ბონდო.

— ჰო, მოსვენებას რომ გვართმევდა და თოფის ბათქაბუთქით ვა-
შინებდი ხშირად. „მიდი, მისცხე მაგ კახპას!“

— მახსოვს, მერე რა?!

— რა და მთლად აჩრდილი არ ითქმოდა მასზე.

— მაგრამ ხომ გააჰკიოდა გამუდმებით?!

— საქმეც ეგ არის. ცოტათი შეანელე, მამა გენაცვალოს! მაგდე-
ნი მე სად შემიძლია?! შენ ისე ჩქარა მიდიხარ, ჩემისთანა ხეიბარი კი
არა, თვით ბაბუაჩემის დარახტული ქერქენჯიც ვერ ავიწყობდა ფეხს.
მგონი, კარის წირთხლს მივარტყი თავი წელან. მისკდება პირდაპირ.
ათიოდე წუთი გინდ აქეთ იყოს და გინდ — იქით. მოხარშულს ვიც-
ნობ. ჟინი ანთარი განა შემთხვევით წამოიწყებდა ამისთანა საუბარს?!
გველი გარედან ჭრელდება, ადამიანი — შიგნიდანო, უყვარდა თქმა
ცხონებულ ლადი ჭანიას.

— რას ბოდავ, რას?! — იფეთქა ბონდომ, — ბოთლში ჩაძვრებ და
მერე აურ-დაურევ შენებურად. მოგიმრავლდება ოფოფები და პეპ-
ლები! აკი, ბოროტება არ ჭაჭანებს ჩემშიო?! ერთხელ იქნება და თეთ-
რი ცხელება, *Dilerium tremens**-ი, ისე მოგიღებს ბოლოს, რომ მართ-
ლაც გიძნელდებოდეს ბნელისაგან ნათელის გამორჩევა.

— ცოდვა ვარ, შვილო, გადავიკარგოთ აქედან, გადავიკარგოთ.

— სად-მეთქი, სად, ცრუ წუთისოფელში ხომ არა?!

— თუნდაც ჯოჯოხეთში, შვილო, ოღონდ აქაურობას მოვშორ-
დეთ!

— Pro et contra.*

— აჰ?! — დაყვლიპა თვალები კოჩიამ, — ღმერთო ჩემო, ყველას
წმინდანობა სწადია, ყველას! მე კი, გამოუსწორებელ ლოთს, ისლა
დარჩენია, არაყში ჩავიხრჩო თავი.

„ამხელა უბედურება გაგონილა?! დილიდანვე რომ იღრინება, რა

პირკატა ეცა?!

ადიდებული ჩხოველია ხიდის მოაჯირის გისოსებიდან.

ჟინი: შეხედეთ, მერქნს შეხედეთ, რაღაც მოძრაობს ბალახებში.

კოჩია: ვირთხაა ალბათ.

ჟინი: ვირთხას მაგდენი ღონე ვინ მიაშავა.

კოჩია: მაშინ, ძაღლი.

ჟინი: ძაღლი რომ იყოს, ადვილად შევნიშნავდით.

ბონდო: **Felis domesticus*** იქნება, რაბი.

ჟინი: გულთმისანი შვილი გეზრდება. ვის დაემსგავსა ნეტავი, ნოჩოს ხომ არა?!

ჟვერიდან გამოდწეულ კატას კბილებით კნუტი უჭირავს. ერთიანად გაწეწული ფრთხილად მოაბიჯებს რიყეზე. დედასავით ხატულა ცინდალი თათებს სასაცილოდ ამოძრავებს.

ჟინი: ეტყობა, ვიღაც უსულგულომ გადაუყარა კნუტები. ერთის გადარჩენადა შეძლო. გულთმისანია-მეთქი, გულთმისანი! საცოდაობა არ არის ახლა, მაგ კატას ცხოველი ერქვას და ზოგიერთ დედას – ადამიანი?!

შარშანდელი ზაფხული. ზღვის სანაპირო. კონსერვის ქილები. ტალღების გამორიყული ფიჩხი. ნიჟარები და ჯუჯა კაქტუსები. ყინულზე ფენშედგმულთა სიფრთხილით გარემოუვლიან ერთმანეთს ბონდო და ჟინი ანთარი. ხელ-ფეხის სხარტი შემოქნევა. კოჩია შიგდაშიგ იბადრება. შესურდებიან. შეწყობილი ყიჟინი. კვერცხივით შეასკდნენ ერთურთს.

კოჩია: ნურას ერჩი ჩემს თვალისჩინს!

ფინიას წკავწკავი.

ჟინი: **Tertius gaudens***

არამკითხე გამშველებელს ტყუები წიხლი მიეზილება. ხეობარი ამობრუნებული ნავის სიახლოვეს მოშწრიალე ლელიანებში ჩაიჩურთება.

ბინდისფერია სოფელი, უფრო და უფრო ბინდდება, რა არის ჩვენი სიცოცხლე, ჩიტვივით გაგვიფრინდება. ჰამლეტის ჭოჭმანი. გაზაფხულის საღამოა მშვიდი. გილგამეში. ენლილი. როგორ ესადაგება ერთი მეორეს, როგორ განსაზღვრავს მათა ჟინი ანთარს, ჟინი ანთარი — მე. ის ხომ ჩემგან მოელოდა შვებას, ნუგეშს, გნებავთ ცოდვათა შემსუბუქებას. კოჩიას ვუწყრები და სინამდვილეში უარესი დანაშაული

ჩავედინე... **Ajo*** ან კეისარი, ან არაფერი. ეჰ, დასრულდა კი, დასრულდა ვითომ? ღია ჭრილობაზე მარილი მოვაყარე. მესამე დღეა გული გადაუხსნიათ, მიყოლებით შიშვლდებიან ჩემს წინაშე. ავალდებულებთ ვინმე? ვისი, რისი ეშინიათ? სდიე ახლა კუდში გატრეტის, ელოლიავე! მეტი საქმე არა მაქვს, ხმის გამცემი არა ვარ!”

სუფრასთან დარჩენილებს ძრავა-გენერატორი ჩაერთოთ. დუმელში ცეცხლი გიზგიზებდა, ყრუ კედლის გაყოლებით ჩამწკრივებულ წიგნების კარადებზე გაუშლელი ვარდები კეკლუცობდნენ ბროლის ლარნაკებიდან თუ კერამიკის ვაზებიდან. ბუხრის თაროზე ჯადოსნური კელაპტარივით ენთო აფუჩეჩებული ჩიჩილაკი. ლივლივებდა იატაკამდე ჩამოხუჭუჭებული ფარდები. ვეფხვისა და მოყმის ბალადა იმზირებოდა მდელოსფერი ხალიჩებიდან. გვირგვინივით ანათებდა მაგიდას შემომწკრივებული სკამების ცამეტივე სახურგე.

— მიმამწყვდიეთ კუთხეში, რამენაირად მიმამწყვდიეთ! — შემობუზღუნდა დარბაზში კოჩია ჰალიძონია. ორი მესამედით გამოცლილი გრაფინის მიზიდულობის ძალას აკანკალებული ხელი ვერსად დაემალა.

— ჩემი ბრალი იყო განა, ბიძების გადასახლების დღეები, დის ცოდვა მსდევნისო და შუბლზე რომ იტკიცა ხელი ნაარყალმა ნოჩომ?! —

— დინასტია გრძელდება?! — თქვა ირონიულად ბონდომ.

— და მერე როგორ?! — აჰყა შევირდებს ჟინი ანთარი.

— აჰ?! — დაბნევით მიმოიხედა აქეთ-იქით კოჩიამ, — სხვებიც საუბრობდნენ აქ, მგონი, მაგრამ ყელში არავის ჩავჩრივარ! არ ვმალავ, არა! ვიცრუე ვაჟიშვილთან, შენს მაცდურ რჩევას ავეყვი, წყულო და ჩამომახრჩვეთ, ჩამქოლეთ ახლა! მაგრამ რომ გაიძახი, ტყუილისა და მეგრულის მეტი ყველაფერი უსწავლია ჩემგანო, რატომ მიწა არ გაგისკდება!

ცოდვაა ბავშვი, ჯერჯერობით სიმართლეს ნუ გავეუმხელოთ, სიცოცხლე მოეწამლება. კახა დედის ყოლა რა ხეირიაო, ვინ მეჩინებოდა გამუდმებით, ვინ?! წელან რომ გკითხე, ბონდო, შვილო, ანას აჩრდილი თუ გახსოვს-მეთქი, გულის გადახსნას ვაპირებდი, მაგრამ შენ მოხუცები არ გეთმობოდა და სიტყვა პირში შემატოვე. გიხაროდეს, წყულო, ხომ მიაღწიე საწადელს! ხომ შეაჯაგრე შვილს მშობელი მამა?! ვინ წამოიწყო, ვინ თქვა პირველად, დაე, აკაციის ტევრში ემარხოს ცირიბია დროებითო?! იქნებ შვილწარ-

თმეულ ანას აჩრდილიც ჩემი მოგონილია? ვხედავ, უზომო ტკივილს გაყენებ, ჩემო სულისდგმავ, მაგრამ მერწმუნე, მე მხოლოდ ბრმა იარაღი ვიყავი ამ ძმათამკვლელის ხელში.

— ასე, შე კაცო! ძლივს არ ამოიდგი ენა?! — ფხუკუნ-ფხუკუნით ხოტბას ასხამდა ჟინი ანთარი ხეიბარს. შემდეგ ნეკისისხო ეკლის ღერო მორკალა და თავისუფალი წვერო მახათივით გაატარა რგოლში ერთხელ, მეორედ, მესამედ.

ბონდოს ტანმა უკივლა უფრო საშინელი განსაცდელი, ვინემ კოჩიას მოთხრობილმა მოჰკვარა.

„მაშ, შვილის წართმევა არ აკმარე ცოცხლად ადამიანს და სამარეც გაუთხარე, ჯალათო?!“ რამდენჯერაც სცადა ამოეკენესა, იმდენჯერ ჩაუწყდა ხმა, იმდენჯერ აეშალა ბალანი ოსტატის ხელების მოძრაობას მიჩერებულს.

მოულოდნელმა სიმართლემ ჰაეროვანი კოშკები ხუხულასავით ჩამოუნგრია ბონდოს. ლოდების ზეგში მოჰყვნენ არამართო გამოგონილი სახეები, არამედ — კოჩიაც, გაღია მათაცა და თვით სათაყვანებელი მასწავლებელიც კი. ბინდისფერმა სძლია ანკარასა და ლურჯს. აკაციის ტევრში მოჩვენებითად გათხრილ საფლავებს წარმოსახვასა თუ ცხადშიც მწარე ღიმილით მიაჩერდა. თითებში ჩანგალს ატრიალებდა ნერვიულად, თავში კი მახლობელი ადამიანების ნაამბობი უგუგუნებდა.

„ეპ! დასრულდა კი, დასრულდა ვითომ?!“ ამოუტივტივდა უეცრად გონებაში და ამანაც რაღაცნაირად დააშინა. უღმობელი სინამდვილის მორევეში ჩაქანებულს დროდადრო აღმაცერად გამოხედავდნენ ერთიანად წამხდარი კოჩია და მათა. ოსტატის ამეტყველების მოლოდინში გარინდული შეგირდი ახლა ცხადლივ ამჩნევდა სატანჯოელების ურთიერთობაში აქამდე ამოუხსნელ დაძაბულობას.

„აი, თურმე რისთვის ხოხიალებდა მუცელზე რაბის წინაშე კოჩია. აი, თურმე რისთვის გადმოუყრიდა კბილებს ნაძალადევა?!“

— მართლაც, რამდენი სიბრძნეა ლათინებთან?! — ეკლის გვირგვინს ესაუბრებოდა ჟინი ანთარი, — *Nosce te ipsum**, ბუტუტი?! *Nosce! Nosce!* ჰუმმარიტება ყველაფერია, ჩემო თვალისჩინო, ყველაფერი! ის გამუღმებით ჩვენს გვერდითაა, უმეცრება გვართმევს თორემ. სამყაროს თითოეული ატრიბუტი ხომ ადამიანშია ზედმიწევნით დასინთეზებული?! ერთი შეხედვით შემოსაზღვრულ ტვინში

უსასრულობა თავსდება და ამდენად თავიანთი ენტროპიით* იდენტურია რეალური და გონითი სივრცე.

ბუტუტი, ცოცხალი ორგანიზმის არომორფიზმი* დღესავით ნათელია შენთვის. ამის ქვაკუთხედად, თუ გახსოვს, ბუნებრივი შერჩევა და არსებობისათვის ბრძოლა დაასახელა ჩარლზ დარვინმა. მოგვიანებით მარქსისტებმა საზოგადოებრივ მომენტებზე გაამახვილეს მეტი ყურადღება და ადამიანის ფორმირებაში შრომის როლი აღიარეს უმთავრეს დამსახურებად, მაგრამ დავრწმუნდი, რომ მხოლოდ გარემო პირობები ძალზე ცოტაა სრულყოფილი ინდივიდუუმების მისაღწევად. სწორედ აქაა ლამარკიზმის Talus Achillis*. ეს ხომ შებრაუნებული ვარიანტია ზარატუსტრას მონოლოგებით ნაციონალური გონმხდილობისა, სადაც კაცთმოძულეობა წმინდა რასის პრივილეგიური უფლებებით მართლდებოდა, მაშინაც კი, როცა ადამიანის არსებობას ღვთიური სამოსელი ჩამოშორდა, და პითეკის ნაანდერძე სხეულს დასჯერდა, მაშინაც კი, როცა ბიოლოგია პოპულაციებს შორის ანტაგონიზმს დაექვემდებარა და თუ აქამდე კაცს ღმერთის მიერ ტალახიდან გამოცხოვრებულ ფენომენს ეძახდნენ, მოსიყვარულე ცხოველს, საზოგადოებრივ ცხოველს თუ მოაზროვნე ცხოველს უწოდებდნენ, ხაზგასმით გამოცალკევდა მისი ნამდვილი უპირატესობა, როგორცაა: იარაღის კეთების უნარი, დანაწევრებული მეტყველება და მაინც დავძენდი, რომ ყველაფერთან ერთად, სრულყოფილი გენების ილბლიანი შეხვედრის შედეგია ჰომეროსი, არისტოტელე, ქრისტე... შენ!

ყოველი ჩემი მიგნება, ბუტუტი, რამდენიმე წლით მაინც უსწრებდა დღეს უკვე საზოგადოდ აღიარებულს. სოკოებივით მომრავლდნენ ბიოლოგიაშიც ნობელის პრემიის ლაურეატები, ჩემი უნიკალური აღმოჩენები კი სამარეში ჩადის, რომ არა **შენ**. მე ჯილდოებს და აღიარებას რომ გამოვდევნებოდი, გერმანიაშიც შემეძლო დარჩენა და საფრანგეთშიც, მაგრამ ორავ ული მშობლიური მდინარის სათავისაკენ უნდა მოიჩქაროდეს სამარადისო საფლავისათვის... მე ოდნავ მაინც თუ ვინმე მემსგავსება, ბუტუტი, შვილო, ეს, ალბათ, ბალზაკის ანტიკვარია*. ოდნავ მაინც-მეთქი, იმისთვის ვამბობ, რომ საკუთარი თავის პოვნის პროცესში გაცილებით შორს წავედი. აქამდე ხრიოკ სატანჯოს ახალი სული შთავებრე, ოაზისები ავახასხასე, სამართლიანობის რესპუბლიკად გამოვაცხადე. მოვსპე ძალადობის ინსტიტუტი.

აქ შემომსვლელნო, უიმედობა დასტოვით ყველა-მეთქი, მივაწერე კუნძულის წარმოსახვით პორტალს. გამოვრიცხე ძლიერის უპირატესობა სუსტთან, რადგანაც ადამიანს ძალა დასაჩაგრავად კი არა, მისაშველებლად ებოძა. მართალია, აბსტრაქტიზმისას უცხო განედებს როდი გამოვედევნე, აგერ, ჩემს სატანჯოში დავრჩი, ოღონდ ესეც არის, ენგურს ძველებური ძღვევამოსილება დავუბრუნე, გარემოს —ადრინდელი მიმზიდველობა. მოვშალე ღობეები, საზღვრები. ჩემი და სხვისი საერთო მიზანს დავუქვემდებარე. მე ვარ ის წარმართველი ძალა, რომელიც აღმართს ხნავს, რომელიც ცვილივით იურვებს ბუნების მოვლენებს, მათგან უფრო მდგრადსა და უსიკვდილოს ძერწავს, წარმავალ სინამდვილეს უკვდავების პირობას უქმნის, ყოფიერს მარადიულ ფორმებში ჩამოაღნობს, მაგრამ **მე** მხოლოდ ჩემს შიგნით, ჩემს სახელმწიფოში ვარ **მე**, გარეთ კი, მალექრობად რეალურში —ის, რასაც **შენ** გაამზეურებ, სიცოცხლევ ჩემო! ამაოდ ვეჯიბრებოდი მსოფლიოს, ვინაიდან იმავე შედეგებამდე ისიც მივიდა დაუმოკიდებლად. საზოგადოების წინაშე ამაოდ ვამტკიცებდი პიროვნების უპირატესობას. ჩემი მე ამიტომაც არის ფსიქერში ჩაშვებულივით. ჩემი სხეულის ყოველი იმპულსი, ვნება, შენი სრულქმნის პროცესში, ბუტუტი, იმ საწვავს ჰგავდა, რომელიც კოსმოსურ ხომალდს დედამიწის მიზიდულობის დასაძლევად სჭირდებოდა. ეს — შიგნით, ჩემს იმპერიაში, მაგრამ გულსგაღმა სხვათა ცხოვრებით ვიდუბჭირე და ვივარაუდებ. ხანაც არისტოტელეს ტოგამი* შევძვერი, ხალხთა მხსნელი უფლისწულის წრთობას გამოდევნებულნი, ხან იუდას კუპრისფერი მოსასხამით დავქვესკნელდი სიკვდილისა სიკვდილით დამთრგუნველი* მესიის მოსავლენად. ერთი სიტყვით, რაც დღეკრული გავლიე, სულ — სხვის ხარჯზე, სხვათა სიცოცხლით.

მე მხოლოდ ჩემს შიგნით ვარ **მე**, ჩემი ჰალიოხნესთვის და შენთვის, შენთვის, ბუტუტი... შვილო.

ეს ყველაფერი ცხრაასორმოცდაათობხმეტში მოხდა. აქამდე გარდაცვლილად რომ მიგაჩნდა, იმ ცირიბიამ, ამაოდ გავიკრე, ამაოდ დავშერი, კოჩიასთან შვილი არასდროს მეყოლებოდა, გავვიმხილა მე და შენს გადიას, თან დამამტკიცებელ საბუთად თბილისელი ანდროლოგის* სამედიცინო დასკვნა დააძვრინა ჯიბიდან. ქალი ქმრის გასაგონად სიბერწეს თვითონ იბრალეებდა, მაგრამ დავგიმართლებებდა თუ არა, ცალკე მაფას ასაწყლებდა თავს, ცალკე — მე.

თქვენთვის ხომ არაფერია ერთი შვილი მაჩუქოთო, გვეჩიჩინებოდა გამუღმებით. „**იმის გარეშე**“, უკაცოდ მინდა იგი გავაჩინოო,

ისეთნაირად გვევედრებოდა, რომ ბუტუტი, ორივეს ჟრუნტელი გვივილიდა ტანში. ბავშვი შენს გატანჯულ გაღიასაც ენატრებოდა, თუმცა, საწამებლად ის ორი ბედკრულიც მეყოფა-მეთქი, ვეტყვდი და მუცელს მოვუშლიდი ხოლმე, ვიდრე ბოლოს და ბოლოს ჭკუით არ მაჯობა. ყმაწვილქალობისას ჭინჭებით რომ იმსხვილებდა მუცელს ძმების გასაგიჟებლად, ახლა პირიქით — თავშალით ივიწროვებდა თურმე წელს და როცა სინამდვილე გამიმხილა, აბორტი ყოვლად დაუშვებელი იყო.

ვინ იცის, იქნებ ჯანმრთელი მემკვიდრე შეგვეძინოს-მეთქი, წამძლია სულმა. მერედა, არც პროფესიული ცნობისმოყვარეობაა ხელწამოსაკრავი დემონი!

იმ ორის უნუგეშო მდგომარეობა თანდაყოლილი ათაშანგის წყალობაა, მაგრამ ნუთუ ამდენი ხნის წამლობა წყალში ჩამეყარა, ნუთუ ამისთანა მომენტს ხელიდან გავუშვებ-მეთქი, ავუხირდი ჩემს თავს. მოკლედ, **Odine, Odinia-მ*** მშვენივრად ჩაიარა. აგერ, მკერდში ვიხუტებდი ჭიბგაუნასკვავ **Agnus dei-ს**,* ვიხუტებდი როგორც საკუთარი სულისა და ხორცის ნაწილს. წყვეტილ-წყვეტილად ჩამესმოდა მათას ხეწნა-მუღარა, მაგრამ ჯეგე ანთარია ისევ ჟინი ანთარმა დათრგუნა და უსახელო ძე ჩვენთვის კარგად ცნობილი ონწყვეშისაკენ გადაქანე. არ იძირებოდა ის ჩემი ცოდვით სავსე, არა. ცირიბიას საწადელმა როდინდელი წარსული გამომიცოცხლა და კინაღამ თავი ბაწარში გამაყოფინა, მაგრამ მალე წუხილს სიხარული მოჰყვა — ცდისპირთან თანამშრომლობას ერთგვარი ექსტაზითაც შევუდექი. ჩემს რეჟიმში ჩადგა. საგანგებოდ შემუშავებული მენიუთი იკვებებოდა. აქვე ჩემს გენეტიკურ მასალასაც დავუტრიალდი და ზუსტად შვიდ აპრილს დაჰიპნოზებული კიდევ გავანაყოფიერე.

შენს არსებაში აქამდე იმიტომ ვიჩხრიკინებოდი, ბუტუტი, იმიტომაც ჩავკირკიტებდი შენს ქცევებს და ხასიათს, რომ ძმათამკვლელი კაცის ღვიძლი შვილი ხარ. პატარაობიდანვე ვაფაციცებით გითვალთვალე, მაგრამ საბედნიეროდ უზადო გამჩენიხარ. მხსნელად მოვევლინები დედამიწას ჩემი ფესვი. ერთხელ გამონათებულებით ივლი ასე, სულ წინ, ჭეშმარიტებისაკენ და თუ მწარე სიმართლისთვის დაჩაჩანაკებულს მომიძულე, დაე, ჩემი თავი და ბოლო მეწყვრს წაუღია ბეხრეკ ძვლებიანად! დარწმუნებული ვარ, სრულიად ახალი პიროვნება მივანიჭე მსოფლიოს, ფენოტიპურადაც და გენოტიპურადაც * სრულყოფილი პიროვნება. სხვა რა მენდომება სამარის

კართან მისულს?! მართალია, ბევრი შევცოდე, გავაწამე ახლობლები, საკუთარი ხორციცა და სულიც მრავლად ვტანჯე, მაგრამ მომავლის წინაშე თავაწეული შენით ვდგავარ. არ მეშინია ამის ხმამალა გაცხადების. დიახ! საზოგადო საქმეების უკეთ გამგრძელებელი შეგქმენ, ხო, შეგქმენ, როგორც დედალოსმა — იკაროსი*. მამას რომ ჩაუტყდა, იმ კიბის საფეხურებს, მჯერა აერიდება მემკვიდრე; მჯერა საყოველთაო სიკეთისათვის აღმოდებული სანთელივით დაიწვება იგი; მჯერა ხანდახან უბედურ ნახევარძმებსაც შეუმსუბუქებს გაძალღებულ საწუთროს, რადგანაც წინამძღოლისათვის კი არა, თვით ძე შეცდომილისთვისაც არაფერია უფრო ფასეული, ვინემ იცხოვრო აღამიანებისთვის, იბრძოლო აღამიანებისთვის, მოკლედ აღამიანებისთვის!

სამარისებურ სიჩუმეში ზღვის გრუხუნის მისწვდა ბონდოს სმენას.

— რას მიედ-მოედები, ბებერო მორიელო! რაებს ჩმახავ?! — გაიბრძოლა უკანასკნელად კოჩიამ, — მოგნდომებია ანგელოზი ბავშვის მისაკუთრება! ძმათამკვლელო! სულწაწყმედილო! თქვი, რომ იხუმრე, თორემ გაგათავე და ეგაა! — გამოწრუპულ გრაფინს წვდა „შვილწართმეული მამა“.

ჟინი ანთარმა ცოლის ძმისწულს სამოწყალო პასუხიც არ აღირსა. მაფას ქვეთინიც არაფრად იპიტნავა. იყუჩა ერთხანს, ვიდრე ყმაწვილს მორიგე აღმური გადაუვლიდა, მაგრამ როდესაც შეატყო, უფრო დამნაცრაველდას ბონდო თავს ასე იოლად ვერ გაართმევდა, ალბომი დაითრია.

ინერწყავდა სალოკ თითს და ალბომს ფურცლავდა. ჯერ ერთი ფოტოსურათი ამოაცოცა და მოზეიმე იერით მიაწოდა თვალისდახამხამებაში გამოფხიზლებულ კოჩიას, მერე — მერე, მესამე...

ფრჩხილებამდე გაფითრებული ხეიბარი ინსტინქტურად ართმევდა სურათებს, ზოგს სახესთან მიიახლოვებდა, ზოგს წინ წამოსწევდა კისერწაგრძელებული.

ცირა: „სად მიგყავს ჩემი თვალისჩინი?! თუ შენგან მეყოლა გგონია, ძლიერ შემცდარხარ. შენ ვინ მოცცა, გადამწვარს, მაგისი შნო და მარიფათი?!“

შვილის წართმევით შეძრული ძუკნა იქნებ ნამდვილს მომყუღოდა მაშინ, მე კი ჩემს გასამწარებლად ირჯება-მეთქი, ტყუილად ვინუგეშებდი თავს?!“

კოჩია ჰალიძონია გაჩახახებული ჭალის ქვეშ ფოტოებს წაღმა-
უკულმა ატრიალებდა სათითაოდ. ტუჩების ცმაცუნით კითხულობ-
და წარწერებს.

— ჩემს ფრთოსან ჰინანჰველას... ჟინი ანთარისგან. ათას ცხრა-
ას თექვსმეტი წელი. პარიზი... მაფას — ჟინისაგან. ათას ცხრაას
თხუთმეტი წელი. ლონი. სახსოვრად მაფა ჰალიძონხეს ჯეგე ანთა-
რიასგან. ათას ცხრაას ცამეტი წელი. პალე... ჩემს სიცოცხლეს და
სიკვდილს, ჩემს მაფას, ჯეგესაგან. ათას ცხრაას თორმეტი წელი.
იენა. — ვაჟიშვილსაც ჰკიდებდა თვალს შიგადაშიგ, მერე ისევე გა-
მოსახულებებს მიაცივებოდა, კვლავ ბონდოს მისჩერებოდა სა-
სოებით და უცებ, „ვაჟა, ბაბაიაო“, * არაადამიანურად შებღავლა ერთი
და გულიც წაუვიდა.

რამდენიმე ნაბიჯიც და ბონდო ჰალიძონია ნაცნობ მათხოვარს
გაუთანასწორდებოდა, რომელიც მიწისქვეშა გადასასვლელთან,
პირდაპირ ლედმანაკრავ თოვლზე, ისე არხეინად მოკალათებულყო,
რომ კიბის ქვედა საფეხურებზე ჩამომწკრივებული, სახეშეშუპებული
კოლეგები შურით ამოხედავდნენ ხოლმე.

ყარბს კოჭებთან წაკვეთილ მარჯვენა ფეხზე შარვლის ტოტები
ჩველებისამებრ შემოეკეცა და ყურებიანი ქუდის სიახლოვეს ქურ-
იდან გამოღებულ რკინასავით უვარვარებდა.

გათავისუფლების მეშვიდე დღეს, ტკიცინა, ხვლიკისფერი ხუთ-
თუმნიანი რომ აჩუქა ბონდომ, გამოლოენჩდა საწყალი, გულუხვობა
იმდენად იბევრა, მოეჩვენა ყმაწვილს, თითქოს შეშინდა კიდევცო. ხურ-
დით ფსკერმოთეთრებული ქუდი შინლის ჩამოჩანჩურებული ჯიბის-
კენ გააქანა, მხოლოდ მერე წამოიღო ხელი გამოშვერილი ფულის გა-
მოსართმევად.

— ოღონდ იმ პირობით, — ყლგამოწევით შეეხვეწა ახალგაზრ-
და, — რომ ცოტათი თავის სიბრალულს იქონიებ და ფეხს ამისთანა
ყიამეთ ამინდში მაინც არ გამოაჩენ!

— არ მინდა მაშინ, მომაშორე რაცხა ქალაღია! — წაიდუღლუნა
მათხოვარმა და ყურებიანი ქუდი თოვლჭყაპიან ტროტუარს დაუბრუნა.

— გამომართვი, კაცო, შენს სასარგებლოდ ვამბობდი, თორემ მე
რა?! — უთხრა შემკრთალმა ბონდომ. **„ბრმანი ადისილგენ, მკე-
ლობელნი ვლენენ, კეთროვანნი განწმდებიან, და ყურთა ეს-
მის, და მკუდარნი აღდგებიან და გლახაკთა ეხარების.“** ვაი, თუ

გამაწბილოს?!“ შეეკუმშა გული, მაგრამ გაზინთულმა ხელმა ფიფქ-თაცვენაში ნახევარწრე მოხაზა და ახალგაზრდამაც შვებით ამოსუნთქა.

— საკმარისია სამ დღეს დავმალე ეგ ფეხი და ჩხოუშიას ხიდის ქვეშ მომაკითხე ძვლებისთვის, მარიას რომ ვევახირები ხანდახან, იქ, — თქვა აურაცხელი განძის მფლობელის კმაყოფილებით მათხოვარმა, — როგორც ჭიაყლაა ანკესზე თევზის მიმტყუებელი, ვენაცვალე და ისეა ჩემი მუგუზალი ფეხიც, მით უმეტეს — ამისთანა ამინდში! მილიონერი მამა გეყოლება და სანამ დროა, ფანტე, ჭირიმე, ფანტე!

იქიდან მოყოლებული, როცა პატარა მეგობრებთან ერთად ბაზრის წინ ჩამოივლიდა ბონდო, მათხოვარს მხრები აუთამაშდებოდა. ჟინი ანთარივით ხელების ფშვნეტას მოჰყვებოდა, ხან გროშებს მოურევდა აცუნდრუკებულნი, ხანაც ყავარჩენს გადააბრუნ-გადმოაბრუნებდა გასამრჯელოს მოლოდინში.

„განა სხვანაირია დამეშეული კამეჩისა და მაძლარი პატრონის დამოკიდებულება?!“ — ფიქრობდა ტროტუარზე მიმავალი ჯეელი, „ჰმ! მონა და მფლობელი, ბატონი და ყმა, დომინანტური* და რეცესიული,* სრული და შეფარდებითი ექსპლუტაცია. **Hic hereat aqua*** საინტერესოა, ვინ ვის უსწრებს, იმონებენ თუ ემონებიან?! მერედა, სამართლიანია ან ერთი, ან — მეორე?! მკერდში მუშტის საბრაგუნე-ბელი რა აქვთ, თავისუფლება რომ წაართვეს დაბალ ფორმებს, ხშირ შემთხვევაში თანასწორებსაც კონსტიტუციურად და წკნელივით დაიურვეს მათი ნებლობა, ის თუ, სხვისი ძალაუფლებისადმი მორჩილება გადაიქციეს ცხოვრების წესად?! ვინ ვის განსაზღვრავს ჩვენ ორში, მე — ჟინი ანთარს თუ ჟინი ანთარი — მე? კი, ბატონო, შემაერთებელი ხილია ჩემსა და მარადიულ სიცოცხლეს შუა. კი, ბატონო, მისგან მომდინარეობს ჩემი აზროვნების სისტემა, მაგრამ მე ხომ რაოდენობრივადაც და თვისებრივადაც **meta*** ვარ უკვე?! **არა არს მოწაფე უფროდს მოძღურისა თვისისა, არცა მონად უფროდს უფლისა თვისისა.*** მაგრამ უარყოფის უარყოფის კანონი?!“

მოგვიანებით, მართალია საჩუქარმა იკლო, თუმცა დღეგამოშვებით თითო ოცდახუთმანეთიანი თუ თუმნინი რამხელა ნუგეში ყოფილა ხელგაშვერილი კაცისთვის, მხოლოდ ახლა, ამ უსახსრობის ჟამს შეიქმნა ბონდოსთვის ნათელი. სინდისისი ქეჩნით გაწამებული ახალგაზრდა თავს იმგვარად ღუნავდა, თითქოს რაღაც მიუტევებელი დანაშაული მიუძღოდა ატროვებული მათხოვრის გადადღადებული

ფეხის წინაშე და საერთოდ, ძლივს იკავებდა ყელში მობჯენილ ქვითინს, ვინაიდან, როცა უანგაროდ გასცემდა, ეგონა სიკეთეს თესდა, კუზიანს ასწორებდა, სნეულს კურნავდა, სინამდვილეში კი ათასთა სინდის-ნამუსს, მათ უმწეობას ყიდულობდა იმ ფულზე თურმე. მიუხედავად ასეთნაირი განწყობილებისა, გაქუცულ თუმნიანში მარჯვენას დათმობდა ახლა ბონდო ჰალიძონია. მიწისფერ ქუდში ჩაუკუჭავდა გლახაკს და სულიდან უქონლობის, უთვისტომობის დამამცირებელი ტვირთიც მოეხსნებოდა, მაგრამ რასტინიაკის* მოქნილობა შორს იყო მისგან. ან ჯიბეების თვალთმაქცურ მოქექვას რა აზრი ჰქონდა, როცა მათში მეოთხე დღეა გახვრეტილი კაპიკიანიც არ გაქაჭანებულა?

„თუთარჩელას“ წინ, გაუქმებულ შადრევნამდე, მიჰყვა ერთიანად წამხდარი ინვალიდის გასახტებული მხერა.

შიმშილისგან თავბრუ ეხვეოდა ბონდოს და იმავდროულად ერთგვარ ნეტარებასაც გრძნობდა.

„წუთისოფლის ხდომილება თანაბარია თურმე. ჰამლეტის ყოფნა-არყოფნის ინფორმაცია ერთი ბიტის* ბადალია. ჟინი ანთარის მესამე არ არსებობს, აბსურდია, გამორიცხული. ვერავის ხელ-ეწიფების ორთა უფალთა მონებად: ანუ ერთი იგი მოიძულოს და სხუაჲ იგი შეიყუაროს, ანუ ერთსაჲ მის თავს-იდვას და ერთი იგი შეურაცხ-ყოს. ვერ ხელ-ეწიფების ღმრთისა მონებად და მამონაჲსა.* რომელია უფრო ნაღდი, კოჩია თუ რაბი?! ჩემი მსჯელობიდან გამომდინარე, რა თქმა უნდა, ეს უკანასკნელი, რადგანაც ჯერ კიდევ რაბით მივმართავ. მაინც რომელია უფრო წრფელი?! როგორ უცებ შემეღია, როგორ დამთმო დღე-ღამეში. ისეთნაირად მომმართავდა, თითქოს ქვეყნად არც კი ვარსებულყავ. რა შედარებაა?! რა მალე გატყდა, რა მალე დაყარა ფარ-ხმალი?!“

აუზის თოვლგადახვეტილი ფილაქნის კიდეზე ჩამომჯდარი ბონდო, მისი კედლების ყვითელ-წითელ მოზაიკას მიაშტერდა. ანაზღესულად სპორტული ჩანთის ელვასაკრავი გაასხრიალა. შემნახველი სალაროს წიგნაკებში, ფოტოსურათებსა და თაბახის ფურცლებში მერამდენედ უფათურებდა ხელს, მაგრამ ფუნთუშების მადისაღმძვრელი სურნელებით პირზე მომღგარი ნერწყვი როდი განსაზღვრავდა ამ ჩხირკედელაობას. მან ხომ მშვენივრად იცოდა, რა განძის პატრონიც იყო. აჰა, ეკლის გვირგვინმა ცერი გაუპო ყმაწვილს, თუმცა ტკივილის ნაცვლად გული აუჩქროლდა. ანაზღად ტუჩებზე სევდა-

მოფრქვეული ღიმილი გამოესახა. რატომღაც მოუნდა არაფრის მაქნისი საბუთები დაეფლითა, ნაკუწ-ნაკუწ ექცია და სახეში მიეხალა გადარეული ქალაქისათვის, მაგრამ კვლავ საზრიანობამ გადასძლია, უკეთ, ეს განცდა პოეტის აღიარებულ განწყობილებას ედრებოდა რამდენადმე, სადაც ერთხელ ჩაქნეული მკლავი ზევით ველარაფრით აწეულა. გვირგვინი ამოიღო და ერთმანეთში ჩამჯდარ ეკლებს იუველირის ცნობისმოყვარეობით მიაჩერდა.

თავისუფლების მესამე კვირა იყო: მიაბიჯებდა ტროტუარზე და გული ბაგაბუგით უტემდა. ამნაირად ემართებოდა, როცა ნათელი აზრი ესტუმრებოდა ხოლმე.

„ფულს გადავუგზავნი ოდაბადებში ძმებსო“, დასკვნა და ლამის სიხარულისაგან გადარეულიყო.

შემნახველი სალაროს ხალხმრავალი დარბაზი ყურისწამლები ღრიანცვლით დაუხვდა. დიდი და პატარა კედელზე მიწებებულ ცხრილებს უკირკიტებდა. ყელშიშველა ქათმებს მიუგავდათ წაგრძელებული კისრები. მარმარილოს ნაფხვენის იატაკზე კოჭებამდე ეყარა ლატარიის გადახეული ბილეთები.

— დირექტორი არ არის? — ჰკითხა ბონდომ ლურჯხალათიან ქალიშვილს, რომელიც ეს-ეს არის ტიხარიდან გამოვიდა ელექტროჩაიდანით ხელში.

— არა! — უგულოდ უპასუხა მან.

— მოადგილე?! — ჩააცვიდა ყმაწვილი და მკლავზეც წაეტანა საპირფარეოს სამბარებიანი კარისკენ მიმავალს.

— არც ის! — თქვა და მონუსხულივით გაირინდა კითხვადქცეული ცისფერი თვალების წინაშე.

— ფულის გატანა მინდოდა, — სიწითლემ გადაურბინა სახეზე ახალგაზრდას.

— მერედა, გამგე რა შუაშია, ან მოადგილე?! აჰა, შეავსე, — უთხრა და მარდად მიაწოდა წაგრძელებული ყუთიდან ამოცოცებული ბარათი.

— გმადლობთ, მაგრამ...

— მიგიხვდი. საგიჟეთია პირდაპირ. ჩვენთან შემოდი!

— სულ სხვას ვგულისხმობდი.

— მაინც?!

— ვთქვით და აი, ოცდაათი ათასი მანეთის ერთბაშად გატანის უფლება თუ მაქვს?!

— გრცხვენოდეს! — წარბი შეიკრა ქალიშვილმა.

— აგერ წიგნაკი! „ვამასხარავებ ჰგონია“.

— პასპორტიც თან გაქვთ?! — ჰკითხა ოდნავი პაუზის შემდეგ ასულმა გაცემით.

— პასპორტს ამ დღეებში მომცემენ. დაბადების მოწმობა ხომ ივარგებს?!

— რამდენი წლისა ხართ?!

— ჩვიდმეტი, — უპასუხა ბონდომ გვარიანი ყოყმანის მერე.

— ვერ არის კარგად საქმე! — თავი გადააქნია ლურჯხალათიანმა.

— რატომ, რატომ-მეთქი?! — გაბრაზება სცადა მეანარემ, მაგრამ არ გამოუვიდა. „აქაც ერთი წელიწადი!“

— რატომ და ჯერ სრულწლოვანი არ ყოფილხართ.

— ეს რა ბარბაროსობაა?! თექვსმეტი წლის ალექსანდრე ქვეყნებს განაგებდა, მე კი ჩვიდმეტი წლის „უფალს“ მუტრუქს საკუთარი ფული ვერ გამომიტანია.

— განახოთ ინსტრუქცია?! არა? დედ-მამამ თუ იცის?!

— თქვენ... თქვენ... — გაცეცხლებულ ბონდოს ენა დაება. „ქურდი გგონივარ“.

— საწყენად როდი ვთქვი, წესია ასეთი. გიკავებს იმ ფულს ვინ-მე?! ხვალ ორივე მშობელი მომიყვანე და მშვიდობაში მოგახმაროთ ღმერთმა!

— ლილა, სამართებელი, ლამპის შუშა, ლამპის შუშა! — გაჰყვიროდა ჩოქორთული რუსულით ზონზროხა ბოშა ქალი ქუჩის გადაღმიდან.

— საწოვარა, საღეჭი რეზინა, ბორია მარჩიელობს, ბორია მარჩიელობს! — ეხმიანებოდა ბოლოქანქარასავით მოუსვენარი შავტუხა ტანმორჩილი. მარცხენა ხელში წვრილად დახვეული ქაღალდებით სავსე ცილინდრული კოლოფი ეკავა. ყითელ-მწვანე კანარის ჩიტი ნისკარტს ჩაჰკრავდა იმ კოლოფს და მოდერნისტი მჩხიბავიც მაგიურ გრაფილს დიდის ამბით მოგაწოდებდა დაღვრაჭნილი თითებით.

„თქვენ გელით შორეული მოგზაურობა საყვარელ ადამიანთან ერთად. ერთდეთ პიკის ქალს, მაგრამ ბოლო კარგია. ქოსა გატყუებთ, წვერიანი კაცი ხელს გიმართავთ“.

როგორც დღეების წინ, ახლაც ხან ამვლელ ქორვაჭარს წაებდა-უქებოდა სახელოზე ბოშა ქალი, ხანაც — ჩამვლელ ტეტია მყიდველს.

ტაქსების გაჩერებასთან ხომ ნამდვილი ვაი-უშველებელი გაჩაღებულყო. დაამუხრუჭებდა მანქანა და წამსვე ჯგროდ მიაწყდებოდა-

ნენ მგზავრები. გამარჯვებული ყვოელთვის ის გამოდიოდა, ვისაც ღონიერი მკვლავები ჰქონდა და სინდისიც ნაკლებად აწუხებდა.

კამათობდნენ, დავობდნენ, კისრის ძარღვები ებერებოდათ. მართლმსაჯულების კრძალვა და შიში რომ არა, მზად იყვნენ ყელში ბრღვოდნენ ერთმანეთს, თვალეები ამოეკორტნათ.

ჩხოლშიის ხიდის იქით, ბრეზენტის უშველებელი კარვიდან მოტოციკლი ღმუოდა. ნიკაპათრთოლებული უმზერდა ბონდო გული-სამრევ რომტრიალს.

სულსწრაფობაში ერთ მანდილოსანს პარკი გაუტყურდა ხელიდან და მოტყეპნილ თოვლზე გაიფანტა წითელ-წითელი ვაშლები.

„დავუშვათ და რომელიმე მოგორდა ჩემთან, დავუბრუნებდი ვითომ პატრონს, თუ შევიწმენდდი სახელოზე და სულის მოუთქმელად შევესანსლავდი როგორც ბიბლიურ ნაყოფს ცლომილების გზაზე დამდგარი!“ — იაზრა, მაგრამ იქვე, — არაფერიცო, — უსაყვედურა თავისთავს, — „კუჭის წრიალი ვერასოდეს დაგიმონებს შენ, ბონდო ჰალიძონიასა და ბუტუტი ანთარიას შორის გახირულო გიორგი ხანთარიძე! არა პურითა ხოლო ცხოვნდების კაცი, არამედ ყოვლითა სიტყვითა, რომელი გამოვალს პირისგან ღმრთისა“.*

თვალწინ ჩაუქროლა ცხრა იანვრის ღამემ. ხარირმის რქებით ჯახუნით უკან რჩებოდნენ უღრანები. ხელისგაწვედენაზე გამეხებული ზღვა მძვინვარებდა გალიაში დამწყვდეული ნადირივით. ყოველი ტალღა ბონდოსკენ მოიჩქაროდა, ბონდოს ეპოტინებოდა, უფსკრულში ჩათრევას, მოუსავლეთში დანთქმას უქადდა.

ბნელში ჩაკარგული სანახები, აკაციების კორომი და გაყინული ნაკადული სისხლს უმღვრევდა ყმაწვილს. არავითარი სევდა, არანაირი სინანული, მის სულში გაჯავრებული ზღვის ბადალი სტიქიონი ბობოქრობდა სწორედ.

ბონდოს ცნობიერებაში რაღაც შექანდა და ოცნების გაშლილი ნიჟარიდან აქამდე ფარულმა მარგალიტმა გამოაშუქა, მიმზიდველმა, თვალისმიმტაცებელმა მარგალიტმა, მაგრამ მომაკვდინებელი შხამის მფრქვეველმა ამავდროულად. ამიერიდან იშვიათი ღირსების ტკბილ-მწარე განძს პატრონობდა, რომელი საუნჯეც მარტოობისაგან ათავისუფლებდა, ხალხისკენ უბიძგებდა, საკუთარ ბედისწერას კოსმოსური სიმაღლიდან უჩვენებდა, თუმცა უსამართლოდ დაკოდილ გულს ეშველებოდა რამე? — გარეგნულად თითქოს ინარჩუნებდა კიდევ სიმშვიდეს. „გედი დაჭრილი ოცნების ბალით. ვნახოთ, ვინ ვისო!“ გაიფიქრებდა წარბებშეყრილი, მაგრამ ძვალ-

რბილში გამჯდარ თრთოლვასაც ვერაფერს უხერხებდა. ეს სისუსტე გარკვეულწილად გათელილი თავმოყვარეობის გამოც იყო, ვინაიდან საბოლოოდ აეხადა ფარდა წლების მანძილზე კულისებში გამართულ შეთქმულებას.

„სიჭაბუკეში აუხდენელ ოცნებას ახლა მანაც აისრულებს ჩემი მეშვეობით რაააბი! *Cantus cycneus**, ბოლო ყვავილი, ფრთოსანი ჰინანჰველა!“

ასე იყო ერთხანს, ვიდრე ზღვაზე მიმავალი გემის ბარიტონი ჰაერს შეარხევედა და თითქოს ნიშანს უცდიდაო, გამოერკვა ბონდო, ნავის ყელმოღერებულ კიჩოს წიხლი მიარტყა. ნიჩაბმა ტყაპანი მოადინა წყალში და მძიმე ტვირთისაგან განთავისუფლებულივით ამონისუნთქა ლტოლვილმაც.

— არსად დაგეკარგოთ! — მიამახა წყდიადს.

მხოლოდ ერთხელ, ერთხელ მიხედა ბონდომ სატანჯოს ჩაწკვარამებულ არეებს, ზეზეურად ჩამომხმარ, გადაბრეცილ მუხას, ჯერ კიდევ გუშინწინ სულზე უსაყვარლეს ლელქაშებს, შემდეგ ფეხს აუჩქარა და ასისინებულმა ლერწმოვანებმა ნელინელ შეიწოვეს ჭურრის ტალღების ანაბარა მიტოვებული ოჩხომელი.

საკუთარი ნაბიჯების ხრაშინარაში ძლივს ჩაესმოდა ბონდს. ზღვა ურჩხულივით წამოეკლაკნებოდა ზემორე, აქაოდა მგზავრის ჰინანჰველასავით გასრესა მოუწადინებიაო. ერთიანად გავეშებული, ზათქით, გრუხუნით იმსხვრეოდა მერე და ჯეცლის ფეხებთან აღესრულებოდა დუჟმორეული.

ზუზუნებდნენ ტელეგრაფის მავთულები. უკაცრავად, მავთულები კი არა, ეს ბონდოს ძარღვები გაბნეულიყვნენ ქარში და მისი სულის ისტორია ოთხამოღებით მიჰქროდა უნაპირო ცისკენ. ლოყები ესუსხებოდა ყმაწვილს, მაგრამ ბეწვის ქული თავიდან მოეშვლიპა და გაოფლილ, მაღალ მუხლზე მარილით გაჯერებული ქარიშხალი აწვეებოდა. მუხლებზე სცემდა ქურქის კალთები. მხარზე სპორტული ჩანთა მოეგდო, რომელშიაც უწესრიგოდ ეყარა მასწავლებლის სტუდენტობისდროინდელი ფოტოები, შემნახველი სალაროს წიგნაკები, ხუთთუმნიანების დასტები, ეკლის გვირგვინი, სხვანი და სხვანი.

მამლებმა მესამედ იყვილეს, როცა ბონდო ჰალიძონიამ გაქცევა საბოლოოდ გადაწყვიტა, ყველაფერი ფეხებზე დაიკიდა, ყველაფერს ხაზი გადაუსვა — მის აღზრდა-განათლებლაში გახარჯულ ოფლსაც, ენერგიასაც, ჟინი ანთარის სავარძლის მოუსვენრობასაც, კოჩიას ბოდ-

ვებსაც, გადაა მათას ოთახიდან ოთახში თითისწვერებზე სიარულსაც. მეტის დახანება აღარ შეეძლო. აღარ შეეძლო თვალბში ეცქირა ადამიანებისათვის, რომლებიც მთელი ცხოვრება თურმე საცდელ ჭიანჭველასავით უკირაკიტებდნენ.

ღროდადრო კბილებსაც გაუხრჭიალებდა ხოლმე ლექენჭყობებს და მის გულქვა ბინადრებს. გააფთრებული ზღვის გრიგალი გაუტანელი ბედისწერის მოახლოვებას აუწყებდა ბეთჰოვენის მესხეთე სიმფონიასავით. ასენდებოდა სატანჯოელის „დუდუდუ-დუ-დუ, დუდუ-დუ-დუ-დუ“; აგონდებოდა რანაირად გადატყდა თამამი ეკლის ღერო მკლავისგაშლაზე, ან კორძიან ხელებში როგორი რუდუნებით შეიკრა იგი მერე გვირგვინად. ასენდებოდა სიჩუმის სიმბოლო — ვარდების სიხასხასე და სიმრავლე, მაგიდას საგანგებოდ შემომწყრივებული ცამეტი სკამი და ვეფხვისა და მოყმის ორთაბრძოლა მათას მოქსოვილი ხალიჩიდან.

ზურგს უკან რჩებოდა ასისინებული ლელიანები. მიაბიჯებდა „ფიქრთა ქარიშხლით გაბრუებული“* და იანვარს მოძმედ არ ვეძნელებო, ესესხებოდა წარამარა პოეტს.

სამხედრო ნაწილს გვერდი აუქცია ბონდომ და მთელი ზღვისპირეთი უმტკინველად განვლო.

ღარჩელის მისადგომებთან თოვლი წამოეწია ლტოლვილს, წამოეწია როგორც შვება, როგორც ნუგეში, მაგრამ დადაბლებული ცისკენ ერთხელაც არ აუხედავს; ანდა რა სიკეთეს მოიხვეჭდა მიღმეთიდან, როცა აგერ, მახლობელი მიწა, ხელისკვრითა და საწამლაკით გაუმასპინძლდა? გადაწყვეტილი ჰქონდა და კიდევაც ისრულებდა განზრახულს — რაც შეიძლება შორს დაეჭირა თავი სატანჯოელებისგან. ამიტომაც არ ეპიტნავებოდა საკინძეგაღელილი ეს ცარგვალი, ფეხქვეშ მოჭრაჭუნე ყინულ-ჭირხლი, ბუხრების ყელიდან უნიათოდ ამომავალი კვამლი, შუკებში შექუჩებული მობლუნკული ნახირი, ძაღლების ღავდავი, მოკლედ, ყოველივე ის, რითაც სულდგმულებს სოფელი და რაც ადრე აგრერიგად ხიბლავდა.

„როგორ მიმუხთლა ყველამ? იმანაც კი, ვის მზე და მთვარეს ვფიცულობდი, რაბის ვეძახდი, გამუდმებით თვალბში შეეცვიცინებდი. ბედის ირონია თუ გინდა! თორმეტი წელიწადი ველური ყვავილები დამქონდა ღედისა და ჭიმგეს საფლავებთან. *Aut Caesar, aut nihil vivere, militare est!** ჰმ! გრანდიოზულ, ყოვლისმომცველ მისიას მაკისრებს სინჯარაში გამოჩეკილ ძეს. მაინც რა ოსტატურად ამაკრეს თვალბზე ლიბრი? სატანჯოში ჩოქროქითა და გოდება-ცრემლით ჩა-

მოსულ დედაზე, ანას აჩრდილია, ბონდო, შვილო; ანა რკიანსიაო, ნანაგე; ანა კივის, ბუტუტო, მეცურუნენ. თვით უსათნოესმა გადამამაც კი შეგნებულად წამიყრუა შვილივით გაზრდილს და შხამსამსალზე უმიძიესი სინამდვილე ძვირფას საჩუქრად მომართვეს ერთობლივად დაბადების დღეს.

მაფა: ოდაბადელებს, ნანაგე, უფრო და უფრო აღიზიანებდათ, როგორც ცირა-არდაშელის, ისე — ნოჩოსა და ცარო მუშუქიას თავის მართლებანი.

განა ბეცი იყოთ კონია, რომ ცუდისგან კარგი ვერ განესხვაგებინა, დალატისაგან ერთგულება ვერ გაერჩიათ, ბჭობდნენ ისინი შუკა-შუკა, დალუქული მაღაზიის წინ თუ ქორწილ-ქელესში.

განა უსაფუძვლოდ გამობდავლდებოდათ ჭოფია ანთარიას ბორანთან ჭინჭებიდან ხელებათათავებული ბონდოიათი და შემოფეხებულებს უსაფუძვლოდ მოგვაკივლებდათ, არავინ მომეკაროს, თორემ ახლავე გაგაფრთხოებინებო სულს! ზეასწევდათ პატარას და ჩვენც ღობეებს ვაწყდებოდითო, მეათასედ იმეორებდნენ ერთსა და იმავეს.

განა ტყუილ-უბრალოდ აჩქარებდათ ჭოფია ანთარიას გაღმა ნაპირისაკენ, თან ქვესკნელს დანთქმულით თქვენი ოჯახები, ამომწყდარიო თქვენი ფესვი და ბოლო, მოგვაწყველიდათ განურჩევლად ყველას, გარაუდის გასაძლიერებლად კონიას სიტყვებსაც მოიშველიებდნენ, ნანაგე. ესე იგი მწირავადა იქაც და აქაც“.

რისა მისამე

კონია ჰალიძონია
428571

არ ეზარებოდა ცარო მუშუქიას მაზლების ტანსაცმლის რეცხვა, გაუთოება, მათი აუარაცხელი სტუმრისათვის მეფური სადილის მომზადება, მაგრამ სულ გაყრაზე ოცნებობდა, სულ საკუთარ ჭერფუძეს ნატრობდა. არსთა გამრიგეს ხელებდაგრძელებული მამამთილის მსუნაგი მზერისგან შორს ყოფნას, გაკაპასებული დედამთილის უსაფუძვლო საყვედურებისაგან განთავისუფლებას ევედრებოდა გა-

მუდმებით. სატანჯოელების ხსენებასაც ამის გამო უხშირა. ბავშვებს უნახავი მამიდისა და ბიძის სიყვარულს უნერგავდა მახლობლების თუ უცხოთა გასაგონად.

— მაფას წილი ლუკმაა კოჩიას რომ მიჩაგრავს! აი, როგორც კი აბრეშუმის პარკს ჩავაბარებ, ზუგდიდში მივდგებ-მოვდგები და ვნახოთ, მულის გამზითვა თუ ვერ შევძლო, — დაიქანდა, რითაც წარმოუდგენლად აუჩუყა გული დედამთილს.

„რატომ მაშინ არ მომტყდა ეს ხელი, როცა ანგელოზი რძლის დასარტყელად აღემართე?!“ გაიფიქრა ლისა შკვითიანიამ, მერე აგვისტოს კამკამა დღეები მოახლოვდა თუ არა, ცარომ მართლაც დაიჭირა თადარიგი. საჭირო ავეჯსა და ნივთებს თავი ნელ-ნელა მოუყარა. ბოლოს ურემში ხარკამეჩები შეაბმევინა ნოჩოს. დააწყო ზედ მონიკელებული საწოლები, დაგრაგნილი ხალიჩები, ნოხები და ფარდაგები, ხელის საკერავი მანქანა, საბან-ლეიბი, ფუმფულა ბალიშები, ჭურჭლეულობა, კარადა, მაგიდა სკამებითურთ, ჩასაცმელ-დასახურითა და პურ-მარილით გამოტენილი ხურჯინები, დაჯდა მერე კოფოზე ქმარ-შვილის გვერდით და ჭურჩის გზას დაადგა.

იქიდან მოყოლებული წელიწადში ორ-სამჯერ უსათუოდ მიაკითხავდა სატანჯოელებს. მითქმა-მოთქმას წაუყრუებდა ცარო მუშუქია. შერისხულ ადამიანებთან ურთიერთობას აგრძელებდა.

ოდებადელები ახლა ბადუს მზეს ფიცულობდნენ მართლაც, რადგანაც აშკარად ამჩნევდნენ, „საერთო კეთილდღეობისათვის თუ როგორ ჩამოდნა მათი თავმჯდომარე, როგორ ბერდებოდა უძიროდ“, რანაირად კმარობდა ძმის შვილების სიყვარულს და რარიგ ანებიერებდა არდაშელს — „ოდაბადებელის მომავალ თავკაცს“.

გზისპირებზე აკაციის გაქერქილ ბოძებს ამწკრივებდნენ. დენი შემოჰყავდათ. აშენებდნენ ბაგა-ბაღს, კლუბს. ასფალტს აგებდნენ თემ-შარახე. ბევრგან ოდა-სახლი აიწვართა. გედე ჭანის მარჯვენას მლოცველი მოუმრავლდა. ტრიფოლიატის ცოცხალ ღობეს ნელინელ მესერი შეენაცვლა. უკვე სოფელში შემოსრიალეებული მანქანა არავის უკვრდა. ადრე ხოთო ქობალიას ეტლიც კი ასობით ონავარს რომ აიდევნებდა გზადაგზა, დღეს, აგერ, მუხლმაგარ ოდაბადელს ჩეროში ეყენა ავტომობილი და კაბინაში შელაგებული მალხაზები გულის გამაწვრილებლად აპიპინებდნენ, ატრიალებდნენ საქვს, მაგრამ სად თქმულა დღე — ღამის გარეშე, ან ბედნიერება — უსიმწროდ?!

ყველასათვის მოულოდნელად ბადე ჰალიძონიას ხალხის მტრობა და მოღალატე სიძის მფარველობა დასწამეს. უყარათობა, მავნებლობა და კიდევ, ვინ მოსთვლის, რა დააბრალებს. დაიწყო ჩხრეკვა, დაკითხვები, ენის მიტან-მოტანა. მართალი და ტყუილი ერთმანეთში აირია.

ჟინი ანთარსაც გუდა-ნაბადი აუკრეს.

— სამართალმა უწია! — ჩუმათობდნენ ოდაბადელები.

აქამდე მოწმენდილ ცაზე რაღაც ავისმომასწავლებელი ღრუბლები გროვდებოდა.

სასამართლოს განაჩენით უკმაყოფილო ყიფამ, „მეც ნახირ ნახიროო“ და კუსავით ფეხი გამოყო, ცოტნეობა მოიწადინა — პარტიის მანდატი შუაზე გადაფხრიწა და პროტესტის ნიშნად მსაჯულებს ცხვირ-პირში მიიყარა. „უტვინო თავი სულელურად წააგო“.

იმ წელიწადს არღველ ჰალიძონიამაც სკოლა წარჩინებით დაამთავრა, მაგრამ აქეთ სულისშემხუთავი შეტევები მოუხშირდა კოჩიას და მაშინ დის ცოდვა გვსდევნისოო, შუბლზე იტყვიცა ხელი ნარყალმა ნოჩომ.

„მაფას სასიკვდილო გაწირვისათვის საკადრისად სჯით ზეციერი. მას რომ სული უდგას დღემდე, ალბათ, იმ ორიოდე მტკაველი ბაწრის წყალობითაა, ხელში რომ შეატოვა ხაზოდან გაფრენილმა. იმ სამიოდე თვის ნესვისტოლა ქვის წყალობითაა ხალვათად რომ შეაბა ყველზე. ზურა.*

ახია ჩემზე, დარიშხანი რომ არ შეგაპარეთ ვაზშობისას. იმიტომ თქვა ასე, ძმებს ჩადენილი უმსგავსოების გასამართლებლად მეტი საფუძველი ჰქონდათ სინდისის ქეჯნას ნაკლებად შეეწუხებინათ. კვდებოდა და კიდევ იმ თხლებზე ფიქრობდა, მაგრამ მე? ჩემთან რაღა ღმერთი გაუწყრა!“

შვილების ბედ-იღბალი განსაკუთრებით ცარო მუშუქიას აქრუანტელებდა.

ფილტვების დაჩრდილვა პატარაობიდანვე ღრღნიდა კოჩიას და მშობელიც ნებისმიერ განსაცდელს წინასწარ იყო შეგუებული, მაგრამ ღვეტერია* არღაშელის ბურუსით მოცული მომავალი დღითი დღე სულს უწამლავდა, მოსვენებას ართმევდა ჭირნახულ დედას. რასაკვირველია, კოჩიას მოსარჩენად ცარო მუშუქია არაფერს იშურებდა, ღამეებს უთევდა სისხლის ღებინებით მოთავებულს, ფულსაც უზომოდ ანიავებდა, ჯანმრთელობასაც და დედამთილის ნერვებსაც, მაგრამ სნეული პირმშოს ჩაყვითლებულ სახეს არაფერი შველოდა.

დაწკვილილ ადგილებში გავლა, ნესტოგამოხრული კაცის ნავ-

ში ჯდომა თუ დანაყილი მოლესკულების ხსნარის ყლურწვა კოჩია ჰალიძონიას პირველად უხაროდა, ეგონა, არდაშელივით გაჭანსაღლებოდა, მაგრამ თავს უბედურება დაატყდათ და განდევნილებთან მიმოსვლაც შეწყდა.

„კოჩია: მისმენ?! ოჯახის დამაქცევარი ცარო მუშუქია და ყორანივით მოყრანტალე ლისა შკეითიანია ახლა ყველაფერზე ქიშობდენ და რაც მეტი დრო-ხანი გადიოდა, მათ უთავბოლო ძიძგილობანას ჩაკვირვებული ვრწმუნდებოდი, რომ განკურნება არ მეწერა. გამოვიდოდი თუ არა შუკაში, თითქოს წამახული შუბი კეფაში მაძკერესო, მუხლები მომეკვებოდა. ყასიდად კენჭებს დავწვდებოდი, შარვლის ტოტებს ვიფერთხავდი, ფესსაცმლის ზონარს ვიკრავდი, თხრილის კიდეზე ვჯდებოდი, ოღონდ სიარულისათვის გოგონებს თვალი არ შეესწროთ.

ადაშიანში, შვილო, კოჩია, მთავარი აზროვნების სიმაღლეა, დანარჩენი — წარმავალი და უმნიშვნელოო, ხშირად მეტყოდა დადარდიანებულს წარწყმედილი, მაგრამ ეს შეგონება ვერაფრით დამეჯერებინა, ვინაიდან აშკარად ვხედავდი, რომ მანკიერება დღითი დღე მამბეჩავებდა. ხანდახან გულში ვწყევლიდი კიდევ გაჩენისთვის მშობლებს. ეს გრძობა წლების მომატებასთან ერთად მიმპაფრდებოდა და საკმარისი იყო, სადმე ბებია და დედა წაკინკლაგებულებიყვნენ, რომ მაშინვე მოხუცს გამოვესარჩლებოდი, თუნდაც აშკარად მეტყუანს. მხოლოდ წიგნები მანუგეშებდა, ბონდო, შგ... პირზე სასაცილოდ აიფარა ხელი. გასაცოდავებულ კიდურებს კვანძოდოს კუხს ვუდარებდი, ესმერაღდას მოლოდინში სული მერთმეოდა, თუმცა რა მოლოდინი, რის მოლოდინი?! ის, აგერ დაიარებოდა, ოდაბადეს შუკებში, ლადი ჭანიას ეზოსა და ფიცრულში, ოქროსფერთმიანი, თამამი. სიმახნიჯეს ვერაფრით მოვერიე, ვერც ღირსებათა დაცვას ვახერხებდი.

სხვების მოსახვეწებლად მეგლებიან თავზე, თორმე, ეტყობა, აკვნიდანვე მოპულეული ვყავართ-მეთქი, გავიფიქრებდი ზოგჯერ. ყოველ შემთხვევისათვის, ჭკუაში ჩავარდნის მერე ეჭვებმა მოსვენება წამართვა. თითქოს ჩემი ბრალი ყოფილიყო სხეულში მარილების სინაკლულე, მუხლებს ქვემოთ წვიგების მოღუნვა და აცაბაცა სიარული. ან იქნებ ვინმე ჭკუათმ-

ყოფელს ჩემი უხეირობისთვის დაებრალებინა ფილტვებში წაბლაუჭებული ასთმა?! ის, რაც ჩემს მთლიანობას აკლდა, ერთიანად არდაშელს მიეთვისებინა.

ცოტა გვეოფნიადა, შემოგვევლე ავადმყოფს და ტკივილები დასაამებლად ჩემს ვინუკელას კუპუს ძალად ვაწოვებდით, იტყოდა დედაჩემი აქა-იქ და მიხაროდა, გულით მიხაროდა, რომ ძმის მშვენიერებაში ჩემს კუთვნილ ღუკმასაც ედო წილი. აქ უკვე გულახდილია, სიყალბეს ვერ დასწამებ“.

ლისა შეკითხინა დღისით თეთრებს გადაიცვამდა ძაძებზე, ცრემლსაც მალავდა. ვინძლო ხალხის მტრებად გამოცხადებული ბადუსა და ყიფას გლოვით ოჯახისთვის უარესი უბედურება გამოეჩხრიკა. ხოლო მზე, როგორც კი კრუხივით ჩაეშვებოდა დასალიერში, საძინებელ ოთახში ჩაიკეტებოდა. საზეიმო მორთულობას კუთხეში მოისროდა, სკივრიდან წმინდა გიორგის ხელისგულისტოლა ხატს ამოასვენებდა და მუხლებზე დაცემული ცრემლად იღვრებოდა.

აივნის ტახტზე მოკალათებულ გახა ჰალიძონიას ოდესღაც ჭიანჭერაში ამოვლებული წვერი გაუთეთრდა. დაძარღვული ხელებში კრიალოსანს აწვეთებდა. ცბიერი, მოღრეცილი ტუჩებით გასცინოდა ეზოს იქით მოფუსფუსე სოფელს, მის აწყმოს და მომავალს.

ზუგდიდიდან გამოგზავნილმა ახალმა თავმჯდომარემ მათი საგვარეულო რაღაცნაირად ამოიჩემა. „ ძირგამომთხრელებისა და მავნებლების ძმას“, ნოჩოს, ტექნიკის უცოდინარობის საბაბით ტრაქტორი ჩამოართვა და დასაჟანგავად საწყობში დააყენებინა. გრძნობდა ნოჩო ჰალიძონია, რა ნელ-ნელა იღუპებოდა.

„მე ჯანდაბას, — გამოტყდომია საკუთარ თავს არდაშელის ზვალინდელ დღეზე ფიქრით გასენილი, — ხელს ვინ გამიწვდის გადასახლებული ბიძების და ჟინი ანთარს მითხოვებული მამიდის პატრონს? ნუთუ მართლაც ორშაბათს დაწყველილები ვართ?“ — ძრწოლვით გაუვლია გულში.

ჰალიძონიების ჭიშკარს როცა მეჩაიე გოგონები მიუახლოვდებოდნენ, სიცილ-კისკისს უმატებდნენ. მათ ლადი ჭანიას დის შვილიშვილი, ცისფერთვალება, ზღვასავით დაუდგრომელი ცირა შეკითხინა მეთაურობდა. ტკარცალი ხშირდებოდა ჭიშკართან, რომელიც თანამოკონელ* დურგალს სამ თვეს ეჩორკნა ბზისაგან. ცარო ბიცოლას „ჭა ხომ არ ამომშრალაო“, შეეხმინებოდნენ ყასიდად.

ეს საათნახევრიანი სტუმრობა მასპინძლებს დიდად ახარებდათ,

ხილს მიართმევდნენ, ფიჭას ასინჯებდნენ. მოხარულ სიმინდს და გოგრას გამოუტანდნენ. ოდაბადელები მაფშალიები* კი ყელს არდაშელის სამეცადინო ოთახისაკენ იღერებდნენ, მაგრამ კოჩიასაგან განსხვავებით არდაშელს მათი შემოკარკაცება არაფრად ეპიტნაებოდა. მყუდრო საძინებელში ბაღუს წიგნებს და კონსპექტებს ჩაჰკირკიტებდა.

— ოდაში როგორ ეცხელება ახლა?! — ფხუკუნებდა ცირა შკვითინია.

საქანელაზეც, როგორც წესი, „ცურუ ჰალიძონიას რინტუ მოთა“* კონწიალებდა, თან აივნის მოაჯირზე გახუნებული ფარდაგვით გადმოკიდებულ გახა პაპას, „შეიბრაღე შენი გვარის გამგრძელებელი, წიგნებს არ შეაკვდესო“, ექილიკებოდა. ეხუმრებოდა წვერცანცარა მოხუცს, რომელსაც ფარღალალა კაბის შარიშური რატომღაც კრიალოსნის მარცვლას ავიწყებდა.

ის სინათლე თანდათან ორსართულიანი სახლის ფანჯრებსაც მიატანდა, არდაშელის სამყოფელოშიაც შემუქედებოდა. ელამუნებოდა, ეკეკლუცებოდა ბიძის გიმნასტურაში გაღაღებულ ბეჭებზე, ვიდრე მათი ეზო თანატოლების შესვენების საათისგან გადმოპირქვავებული დოქივით დაიცლებოდა.

იმ დღეს ცირა შკვითინიას კარკაცს არდაშელმა ვეღარ გაუძლო. აივანზე გამოსულმა ნებიერად გაიზმორა და გრილნიავიან თელას შეხიზნებულებიც მყისვე გაირინდნენ.

დასამალი რაა, არდაშელი და ცირა პატარაობიდანვე განუყრელად იზრდებოდნენ. საზიარო ვარცლში აბანავებდნენ. ერთ ლოგინში თავფეხშექცევით აძინებდნენ, მაგრამ ერთხელ საეჭვოდ ჩახუტებულებს რომ მიუსწრეს, დააშორიშორეს.

ირწეოდა საქანელა. ვაჟს კაბის კალთა და აღმური სახეზე ეშხეფებოდა.

მეჩაიე გოგონებს თვალები ებინდებოდათ.

ცარო მუშუქია კალთაში ჩაყრილ ლობიოს არჩევდა. მოუსვენარი ხელები საქმისკენ გზას თავისკენ იგნებდნენ, ალერსით დნებოდა თავადერილი.

ლისა შკვითინია მატყლს ჩეჩდა და ახალგაზრდების ღლაბუცს ეშმაკურად უღიმოდა.

არდაშელის გამოჩენამ მონგრეული ფეხები დაავიწყა კოჩიას, ზე-

წამოიჭრა კიბის საფეხურებზე მოკალათებული.

ნოჩო ჰალიძონიას კი თელის ნაპობიდან ჩოგანის გამოთლაში გაწაფებული მარჯვენა გაუშეშდა.

ირწეოდა საქანელა. ნახტომისთვის გამზადებულმა არადაშელმა ერთი ხელი აივნის წახნაგებიან სვეტს შემოჰხვია, მეორეთი სარწვევლას ეპოტინებოდა.

ახლა კი შიშობდა ცირა შკვითინია. შეჩერება უნდოდა, უნებურად შეიცხადებდა. ჯერ კიდევ სუსტად, ოკვანწაიას* იალკიალში ძლივსგასაგონად, მაგრამ, როცა ჯეელი ლაფნის კანისგან დაწკარანილ, მაჯისისხო თოკებს შეაფრინდა და ასწლოვანი თელა ძირფესვიანად შეირყა, ჩრდილში მყოფები ფეხზე აიშალნენ. გაფითრებულნი ხმის ამოღებას ვერ ბედავდნენ. შემკრთალი თვალებით მიმოაცილებდნენ ქალ-ვაჟს.

გულშექანებული ცირას შეცხადებას ცასაბჯენილ წვეროკინას უწვდენდა კაბის ქაფში შებიჯებული არადაშელი, სანაცვლოდ ქალიშვილიც წვივებზე ჩაფრენოდა, თითქოს „ცურუს გაზრდილის“ ფარღალალა სიცოცხლე ახლა საქანელას გამძლეობაზე კი არა, ბოგიშბოგი* ყმაწვილის კოკებზე ეკიდა.

ორთაბრძოლამ დიდხანს გასტანა. მერე ოკვანწაია თანდათან დაცხრა. ჯერ აივნის ტახტაზე მოკალათებული გახას ტუჩმოდრეცილ ღიმილს გაუთანასწორდა, შემდეგ — კიბის სახელურს ჩაფრენილი კოჩიას სიფითრეს. ცოტაც და მოჩვენებითი წყრომით მოლზე ჩამოეშვა საროსტანა არადაშელი. მეჩაიე გოგონებს დაერია. ცხენის გასაჭენებელ ეზოში ყრიამულით მიმორბოდნენ და უკვე არც ცარო მუშუქიას წამოკივლებული, „ხომ არაფერი იტკინე, ნანა“, ესმოდა ვინმეს და აღარც მცქმუტავი ნოჩოს წამოძახებული — „მიდი, მიდი, მამა გენაცვალოს!“

ალიაქოთს მხოლოდ გახა ჰალიძონია და მისი ცოლი გამოთიშოდნენ. ძველებურად ტუჩმოდრეცილი კაცი კრიალოსანს მარცვლავდა. ფიქრიანი ქალი ჯარას ატრიალებდა, მატყლს ართავდა.

— გათავდა თქვენი საქმე! — განგებ ბრაზობდა არადაშელი. ხან ვის ჩაკოცნიდა და ხანაც — ვის. არაქათგამოცლილებს მყისვე დაანებებდა თავს. უფრო ფეხმარდებს შეუჩნდებოდა. ღონეგამოლეულეები ბალახებში ეყარნენ. სახეზე ხელებს იფარებდნენ, მაგრამ არადაშელის მცხუნვარე ტუჩებს ხელების აფარება ისეთნაირად აოკებდა, როგორც ენგურის დინებას ჭოფია ანთარიას ბორანი.

ქურციკის სიმარღე საქანელის ფათერაკებს თავდალწეული ცი-

რას მუხლებსლა შერჩათ. თავ-პირის მტკრევით დარბოდნენ ოდის გარშემო ის და არდაშელი. ბოლოს ერთიანად წამოყირმიზებული ქალიშვილი სიცილგარეული კვნესა-ხვნეშით აედევნა მბრძანებელს ფეხდაფეხ, თან აქა-იქ სხვათა მოსაჩვენებლად ზურგზე მუშტს უბა-გუნებდა დამტყვევებელს.

— ესეც თქვენ! — ეუბნებოდა არდაშელი სულმობრუნებულ მეჩაიე გოგონებს, — კარგი ყოფილა მეცადინეობისაგან მოცდენა?! უარესიც მოგიხდებათ! — ეტყოდა, მაგრამ თითოეული მშვენვირად ჩახვდა მრავლობითში ნათქვამის უადგილობას. იმ სიტყვების მთელი ავლა-დიდება ცირას მიესაკუთრებინა სავსებით. აბა, რა ძნელი ამოსაცნობი ეგ იყო, თუ აქამდე ქარივით ფეხმარდნი ორმოციოდე ნაბიჯის მოფარებულის გარბენას ამდენ ხანს რისთვის მოუხდენენ?!

„რალა მაინცდამაინც იმ ლაფაროში გამოვლიათ ღონე?!“ ბრაზობდნენ გულში, გარეგნულად კი არაფერს იმჩნევდნენ, თავს ისულელელებდნენ, ისეთნაირად იქცეოდნენ, თითქოს ცირა შკვითინიას საკინძის პირველი ორი დილი ყრუ ადგილას გადახდილ ომს კი არა, ეკალ-ბარდში ძრომიალს ემსხვერპლა.

საერთო მხიარულებისაგან ერთადერთი, მილანდარ მუშუქია განაპირებულიყო.

მაშინაც კი, როცა მეჩაიე გოგონები ეზოში წიაჭით დარბოდნენ, ზომაზე მეტად ჩასუქებული სხეულები უთახთახებდათ და მოლში ჩაცვენილებს კოცნისაგან დასიებული ტუჩები უხურდათ, მშვიდად მხოლოდ მილანდარი იჯდა. მის თვინიერ ბუნებას ხაფხაფი ეუცხოებოდა და როცა წყურვილის საბაბით ჰალიძონიებისას მოგროვილმა ქალიშვილებმა ვაი-ვიშით წელი აითრიეს, ის მწყაზარი, ცარო მუშუქიას კოჭებთან დაბნეულ ლობიოს მარცვლებს კალთაში იკრეფდა და მერე, როცა ყველა თელის ჩრდილში მოგროვდა, „ლობიო დაგპნევიათ, ცარო მამიდაო“, თქვა აღანძულმა, აქვე კაბის ბოლო წამოიწია, არა იმიტომ, მეგობრებისათვის თუ მასპინძლისათვის თავისი ლამაზი წვივების არსებობა შეეხსენებინა. ეს მოძრაობა ისე ხალასად, ისე ბუნებრივად გამოუვიდა, როგორც ცისკენ ახედვა ან უმიზეზოდ ამოხვრაა ხოლმე.

მილანდარის წამოფაკალვა ცარო მუშუქიას დიდად ეამა და მიჟღვემილ-მოჟღვემილთა ამჩატების გასაქარწყლებლად მოგვარეს ეამბორა და ეამბორა ჭკვიან შუბლზე.

არდაშელის გულის მოსანადირებლად ყველა თავისებურად იბ-

რძოდა, ვინ — მაღალი მკერდითა და თეძოების დამსხვილებით, ვინ კიდევ გავლენიანი ნათესავებითა და თვალისმიმტაცებელი მზითვით, ოღონდ ეს იყო, როცა მეჩაიე გოგონები თელის ჩრდილში შეიკრიბებოდნენ, დიასახლისი მხოლოდ ერთადერთს, მილანდარს, ეტყოდა, „ჩემო მერცხალო, წაიღე ეს ორკოლი* და ახალი წყალი ამომიცქრი-ალე ჭიდანო“.

იმ წუთს ცარო მუშუქიას ნამდვილად არ სწყუროდა, მაგრამ შეხმატკბილებით, „გეყოფათ კუნტრუში, ჭკუას მოუხმეთ, ტყუილ-უბრალოდ სიცოცხლე არავინ გაიმწართ, მილანდარის მეტი ჩემსას ვერავინ შემოვაო“, აფრთხილებდა ქარაგმულად ბედისმაძიებლებს.

ამ ნაფიქრალის ხმამაღლა გაცხადებას როგორმე მოახერხებდა შვილებს გადაყოლილი დედა, მაგრამ ქალური ალღოიანობით ცხებულმა შეჩეჩებული ოქროს ფასი იცოდა. ამიტომ შუადღის პაპანა-ქებას გამოხჯიზნული ასულებით გარემოცული, „შენს გაზრდას, ოდა-ში ადი, ერთი და წმინდაკბილა სავარცხელი ჩამომიტანეო“, დაუწყა-ვებდა. არდაშელისას ააგზავნიდა. მერე ოცნებაში სარძლოდ ამორ-ჩეულს ჭადარაგარეულ თმას მიუშვერდა და ყლგადაგდებული თვა-ლებს მილულავდა.

ლისა შკვითინია კი ასეთ დროს, მულის გაზრდილის ზეაწეულ, ჩამოქნილ მკლავებზე დახვეულ ძაფს გორგლავდა, გორგლავდა, „ხვეხვერია* ჯემპრი მოვუქსოვოთ არდაშელსო“, უცინოდა ცირას ქალწულისთვის შესაშური კბილებით. „კაცი თბილად თუ გეყოლე-ბა, მთებს დასძრავს ადგილიდანო“, ეჩიჩინებოდა, ბოლოს თანდათან მოახლოვებულ მის ვარდისფერ მაჯებს გამხმარ მკერდში იხუტებდა და თავმოკატუნებული რძლის გასაგიჟებლად თავდავიწყებით კოც-ნიდა.

ცირას სურნელებით გაბრუებულ არდაშელს მილანდარი შე-საძლოა ვერასდროს შეენიშნა, მაგრამ ერთხელ, როცა ბიბლიოთეკი-დან გამოსულმა, „ჩვენს საჩრდილობელ თელას რისთვის შემოწყრი-თო“, ჰკითხა ჩაის პლანტაციიდან უსიხარულოდ დაბრუნებულ გო-გონებს, „მილანდარის მეტს თვალის დასანახავად ინდომებს ცარო?! სად გლეხის და სად აზნაურის სისხლიო“, უპასუხა ყველას მაგივრად ცირა შკვითინიამ და დობილების გუნდს აზნაურიშვილიც თავაწე-ული გამოეყო. არავინ გამოდევნებია, არავის უთქვამს „შეჩერდი, მო-იცადეო“, დუმილით მიაცილებდნენ.

ჩამოვარდნილმა უხერხულმა სიჩუმემ არდაშელს ქალიშვილებ-

ში ამტყდარი შუღლი და მისი მთავარი მიზეზი — მილანდარის იშვიათი სილამაზე, აშკარად აგრძნობინა.

„რა შეეშლება დედაჩემს?!“ გაიფიქრა ჯივანის მოხდენილი სიარულით მოხიბლულმა არდაშელმა, თუმცა ვაჟს ჯერჯერობით მილანდარისათვის ნამდვილად არ ეცალა, ვინაიდან ლაფაროსთან თუ გვიმროვანში უბე-კალთა მოსინჯულ ცირას, როგორც კი, „სიკვდილამდე შენი ერთგული ვიქნებიო“, შეჰფიცა, ამღვრეული ასული მიჯნურს მთელი არსებით მინებდა.

იმის შემდეგ კი გრძელდებოდა მათი ჩუმჩუმელა შეხვედრები, მაგრამ არდაშელი ქორწილზე კრინტსაც არ ძრავდა. ის კი არა, თუ სადმე საჯაროდ შეხვდებოდნენ, ალერსიან შემოხედვასაც არ აღირსებდა.

სამეცადინო ოთახში ჩარაზულის ძილს განგებ ანთებულად დატოვებული ნათურა დაჰკაშკაშებდა, რათა ოჯახის წევრებსაც და მეზობლებსაც გულის ფანცქალით ეთქვათ: „ამდენი მეცადინეობისაგან ეგ ბიჭი ჟინი ანთარივით არ გადაიწვასო“.

არდაშელ ჰალიძონიამ ცერცეტი და სულწასული თანატოლებისაგან განსხვავებით უკანასკნელმა მოაწესრიგა მისაღები გამოცდებისათვის საჭირო საბუთები.

— დაუსწრებელზე ჩავირიცხები და ორ-სამ თვეშიც შენც თან წაგიყვანო, — გაანდო დედაქალაქში გამგზავრების წინაღღეს არდაშელმა ცირას, — აბა, რა ვქნა, ძალად მორიგებენ მილანდარს და იძულებული ვარ, აქაურობას მოვშორდე. კიდევ ვიმუშავებთ, კიდევ ვისწავლით და თავს როგორმე გავიტანთო, — ეუბნებოდა სატრფიალო ტირიფიების ძირას დამარტოხელებულს და მოუსვენარი ხელები ისევ და ისევ ჩვეული რბილი ადგილებისაკენ მიიკვლევდნენ გზას, — ფეხმძიმედ თუ ხარ, არ დამიმალო, მითხარი და მთლად ჩემებთან დაგტოვებ, — შეაპარა, თუმცა იქვე, — რეპრესირებულების ოჯახში ყოფნა რა ბედენაა, — მიაყოლა სულმოუთქმელად.

კარგად მოეხსენებოდა ცირა შკვითინის, უარდაშელოდ ჰალიძონიებთან გაჩერება რა სამოთხეც იყო. ცარო მუშუქიას კლანჭებში ჩავარდნას ჯოჯოხეთში ჩასვლა ერჩივნა. ესეც რომ არა, ტყუილი რისთვის ეთქვა სულზე უსაყვარლესი ადამიანისთვის, რომელიც ორ-სამ თვეში მყუდრო თავშესაფარს ჰპირდებოდა დედაქალაქში, და გამ-

ხელილით გახარებულმა არდაშელმაც უცებ დაასკვნა, რომ ოდაბადეს დაუყოვნებლივ უნდა გასცლოდა. ამით ცურუ ჰალიძონიას რისხვასაც გადაურჩებოდა, ჰანიების მტრობასაც აიშორებდა თავიდან და, რაც მთავარია, მოამაგე დედის გულს არ დაჰკარგავდა სამუდამოდ.

გაივლის კიდევ რამდენიმე წელიწადი, სხვას გაიჩენს, დავავიწყებო, ფიქრობდა გზადაგზა. შინმობრუნებულმა კი, „დილის მატარებელს ცოდნის ეროვნული ტაძარში მივყვები მწვერვალების დასაპყრობადო, განუცხადა მშობლებს, თან დასძინა — ხაბაკები არ იყოს, მაგრამ აი, ცოტამატა ფულს თუ მომცემთ, მაღლიერი გეყოლებითო“, და გახა ჰალიძონიას გარდა რომელი მოხუჭავდა იმ ღამეს თვალს?!

ვინ ყველით გათვითვინებულ ხაჭაპურს აცხობდა, ვინ კიდევ წკირ-ზეწამოგებულ წიწილებს ატრიალებდა აგუგუნებულ ბუხართან. გაიესო ხურჩინი თაფლიანი ქილებით, შებოლილი სულგუნებით, დაგრავნილი ტკბილისკვერითა და ჯანჯუხა* ჩირით. ბაღუს ნაქონ ჩემოდანში ჩალაგდა ახალთახალი ტანსაცმელი და უხმარი თეთრეული. ნალიის კუთხეში ჩამარხული დერგიდან ამოშრიალდა თუთის ფოთლისხელა თუმნიანები.

კოჩია: „ბონდო...გადასახლებული ბიძების ოთახში განმარტოებულები კი მოსვენების მაგივრად საუბარს შეეყვებით. მრავალი წვრილმან-მსხვილმანი გავიხსენეთ შორეული თუ ახლო წარსულიდან. მერე არდაშელმა სასთუმალი ამოიმაღლა, გახას მოღრეცილი ღიმილი მთორგო ტუჩებზე და, ჩვენს შორის დარჩესოთ, მითხრა ხმადაწევით. ფული რომ ამოაცალე ჯიბიდან მთვრალ მამას, ვის მოხვდა მაშინ, დედას თუ შენ, მაგრამ ამოვიდე ხმა, გაგთქვი-მეთქი, მონური ერთგულებით მივაჩერდი სახეში საფიცარ კმას.

ააა, იცოდი და მაინც დამინდეო, შეცბა არდაშელი.

შემთხვევით შეგასწარი თვალი კარის ღრნიჭოდან. მერჩინა მოვშკვდარიყავი, მაგრამ რას გავაწყობდი, თვალებს სომ დავითხრიდი-მეთქი. გატრეტილი კაცი რას მიხვდება-მეთქი. ვინუგეშებდი თავს, მაგრამ შენ ბოლომდე წაგვლო და როცა ქამარი მისცხო უდანაშაულო დედას, მე მოგპარე, მე მცემე-მეთქი, ვიყვირე. უინი ანთარს მივეცი ის ფული წამლის საფასურად-მეთქი, ვზღუქუნებდი. შემობრალო და მშვი-

დობიანად გადაგრჩით ყველა-მეთქი.

მაგრად გიყოჩაღიათ, არდაშელმა. თაროზე წიგნებს შორის მიძალული ბადუს ჩიბუხი გამოაძვრინა, წეკოთი დატენა, გაჰკრა ასანთს და ხარბად გააბოლა. ბოლქვებად წამოსულმა თამბაქოს კვამლმა ხველება დამაწყებინა.

გული რომ მოგიკალი, ხომ მაპატიებ, არადა, ხომ მაპატიებ-მეთქი.

ჩემი უმთავრესი მიზანი, კონია, სწავლის გაგრძელება კი არა, სულ სხვა რამ არისო, მომბოლოა პასუხის ნაცვლად არდაშელმა. აბა, უინი ანთართან გაპარული მაფას პატრონს დახმარებას ვინ აღმომიჩენსო. ხომ ხედავ, როგორ აგვითვალწუნა ზუგდიდიდან ჩამოთესლილმა თავმჯდომარემ. ნოჩოს ძირგამომთხრელების ამას ეძახის, ჩვენ — მავნებლების ძმისშვილებს. მეტი გზა არ არის, ჩემივე ფეხით უნდა ვეახლო იმ სათვალეებიანსო.

სათვალეებიანს-მეთქი და მივაწყდი კედელს.

ჰო, იმ სათვალეებიანს, მაგრამ ჯერ საჭირო სიტყვებს მწყობრად დავალაგებ, აუღელვებლად გავწვდობიო. არაფერს დავმალავ, პირიქით წავუმატებ კიდევო. გახას ბნელსისხლიანობით დავიწყებ. კუნტა ქობალიას ძაღლის ხორცით გამართულ პურმარილსაც კი მას გადავაბრალებო. მიყვები და მიყვებით. არც ჩვენი საგვარეულოს ზნედაცემულობა გამოძრჩებაო. თქმა არ უნდა, იმას ჩემი საწადლის განსაზღვრა გაუჭირდება, მაგრამ გახას ღიმილით გავეუქიცრინებ თავს, ისე მოვიქცევი, თითქოს მე კი არა, აივნის ტახტაზე მოკალათებული მუსაიფობდესო. ჯერ თჯახურ მანკიერებებს ამოვწურავ სავსებით. მერე ცურუსაც, მაფასაც, ლისასაც და ცაროსაც მანდილს შევურცხვენ სათითაოდო. მოგვიანებით ბადუს, ყიფასდა ნოჩოს, სამივეს, სისხლში გავუხსერი ხელებსო. თუ დამჭირდება, რახიტიან ფეხებს გამოვიჩენ შენცო. სულ ბოლოს ცირიბიასთან ერთად რამდენიმე ქალიშვილის სახელსაც ვახსენებ, რომელთაგან ზოგი ახლო ნათესავად მერგება და ზოგიც — შორეულად, მაგრამ წარმოიდგინეთ, წელიწადზე მეტია, რაც ასე და ისე-მეთქი, რომ გავუმხილო, დავიჯერო, ხელმწიფოს ტოლ კაცს შუბლი ოფლით არ დაცვარებაო. პასუხის მოლოდინში გამომცდელად მომაჩერდა

არდაშელი.

აბა, რა ჯანდაბა მოუგა-მეთქი, ძლივს ამოვლერლე პირ-გამშრალმა.

ჰოდა, მთლად უკეთესიო. უფრო და უფრო მივუჩოხდები. ნემსისოდენა ჭუჭრუტანაში ერთი ურეში სიცვიე შემოგა-მეთქი, ამოვიჩემებ განას ღიმილითო. ბიძების ცოდვისაგან გამანთავისუფლე-მეთქი, შეგასაწყლებ თავს აცრემლებიუ-ლიო, სამაგიეროდ, მონა-მორჩილებას აღუთქვამ და მეტი ზე-მოქმედებისათვის მუხლებზედაც დავეცემითო. თუ ამანაც არ გაჭრა, თქვენ განდებით პირველი-მეთქი და შეშლილ მხერას მივაპყრობ თავაწეულიო.

მერე და გამოვიშვებენ ცოცხალს, ჩვენი გულისთვის თავს იღუბავ-მეთქი, დავიკნავლე ერთიანად ათრთოლებულმა, თან, ღმერთმა ნურც მომასწროს იმ დღეს, ბაწარში გავყოფ თავს-მეთქი, გამიელვა გუნებაში.

რას მიზამენ, დიდი-დიდი, გარეთ გამომაბანდურონო, მაგ-რამ საკმარისია საკმარისია იმან შარვლის ჯიბეში ცხვირსა-ხოცი მოიქექოს და სათვალის შუშებს შეუორთქლოს, ჩემი ბედ-იღბალი სასიკეთოდ გადაწყვეტილად ჩათვალეო. აი, მა-შინ, ბიძები-მეთქი, შეგაპარებ, აქვე მარჯვენა ხელისგულს ნელ-ნელა ავწევ, რითაც ბიძების რეაბილიტაცია* მწადია-მეთქი, ვანიშნებ მუნჯურადო. ამნაირ გულახდილობას, ჩემი ღრმა რწმენით, ღმობიერი ღიმილი მოჰყვება უსათოდ და თუ მართლაც ყველაფერი ასეთნაირად მოხდა, ბიძების დამ-ბეზღებელ-დამსჯელები-მეთქი, მოვსჭრიო. დასავლეთს თი-თით შევემუქრები, ცერით ოთხჯერ გადავითვლი, მერე იმ ცერსაც ზედ წავუმატებ და მუშტს მაგიდის კიდიდან ჩავა-ცურებ, ხომ იცი საითკენო.

საითკენ-მეთქი, დავჭყიტე თვალები.

საითკენ და სადაც ჟიჟას უმზადებენ ბაბუაშენ განასო. სანაგვე ყუთისკენ, ტუტუცოო. ვინცობაა, ამახედაც დამყა-ბულდეს, მიმსახურეთ-მეთქი, დავასრულებ საუბარს და ხე-ლით წინმაგალ ბილიკებს მიგკლაკენ-მოგკლაკენიო.

არ ქნა, არ ქნა-მეთქი, ვემუდარებოდი ყელგამოწევით, ის კი იცინოდა და იცინოდა. ბადუს ნაქონ ჩიბუნს აფუტებდა და მერე, ღმერთმა უწყის, ხალხის მტრების წყება გზამართალს გაუყენა თუ, როცა მისი ჯერიც დადგა, მოხერხებულად გა-მოძვრა კანიდან.

დასხდნენ და ატყუონ აწი ერთმანეთი. ილაბაჩანი ფართო-ფართო!*

კვირას თვე ენაცვლებოდა, თვეს — წელიწადი და რაც მეტი დრო გადიოდა, ნოჩო ჰალიძონიას სიკვდილის მოუცილებელი შიში უფრო და უფრო მოაწვა ხარკამეჩის ღონიერი რქებით. ეგ მოურჩენელი საფრთხე რომ არა, წყუული ორმოცდაერთის ოცდაორ ივნისს ფეხს როგორ გადაიმსხვრევდა სამგლე ჟიკანით?! „დამჩაგრა ბედმაო“, მაინც განგებას ემუდარებოდა ძალადდაკოჭლებული ნოჩო, მაგრამ მყისვე მაფას დასაჯის კოშმარული ჩვენება აესვეტებოდა თვალწინ და მაშინ, „ბედს რას ვერჩი, დის ცოდვა მდევნისო“, დაასკვნიდა, თან კრთომით ისე მიმოიხედავდა, თითქოს ვინმე ნაფიქრის წართმევას უპირებდა.

უარესი დღეების მომსწრე ხალხი ახალ გრიგალებს სწირავდა სიცოცხლეს. წლობით ნაყლეუფარი და ნაწუწუწ ურაქალი ფულისგან ხავსიანი ლოდი გადაგორდა.

ძორგო მესხიანაირმა ღონდრეებმა სიმინდის ყანის გათოხვნას მთვარიან ღამეებშიც მიჰყვეს ხელი.

სამშობლოს კალთაში გროვდებოდა მამათა მკლავისმომკრუნჩხავი სიზმრები თუ დედათა ცრემლის კრიალოსნები.

— ოდაბადელები ვართ ჩვენ, ძაღლისგადებულებო! — უყიჟინებდნენ მომხდურს ომში წარგზავნილი ლომგულები, თავს სწევდნენ მალლა და ხან ტანკს უვარდებოდნენ ყუმბარით ხელში და ხანაც ამბრაზურას* აეთარებოდნენ ამაყი მკერდით.

კოჩია: „ცჰ-ცჰ! ფრონტზე წასვლა ავიტეხე, მაგრამ ფენის სისხო დამიწუნეს. ესეც არაფერი, ჭოფია ანთარიას კოჭლობის საპირისპირო მხარეს ნოჩოს სამარცხვინო სვანსვადი ჩემს სინდისს დააწვა. სწავლის გაგრძელებაზე ფიქრისთვისაც კი ვის ეცალა. ბედს შევურიგდი. ხეიბრებითა და ხრონცებით გარემოცული ვთოხნიდი. ვმკიდი. სოფლის ორღობეში ველოსიპედს დავაქროლებდი. ვის კიბეს შევუკეთებდი, ვის — ჩამოწოლილ სახურავს. ყველას საკუთარი გასაჭირი ამწარებდა, მათ შორის მეც, ბონდო... მაგრამ ჭანიებისთვის სამიოდე საათით უსათუოდ მოვიცლდი. სვრელს გავიტანდი და მერე კოლმეურნეობის ფართობებს მივაშურებდი მთღვეთილი. იქ, სადილობის ჟამს, მსხლის ჩეროს შეფარებულ ნადს, კალათით მოგვაკითხავდა ცურუ ჰალიძონია. დარიბულ პურ-

მარილს ბალახებში გაჟლიდით. წყალწყალა ღვინოსაც მოვიძიებდით. რანაირადაც შევმჭიდროებულობყავით, ცირა შკვითინია უსათუოდ ჩემს გვერდით აღმონრდებოდა. გაჭირვების ტალკვესს ყოველთვის ზედმეტად მელოლიაგვებოდა და ფენმონგრეულის წრიალით დამსწრე საზოგადოებას უზომოდ ატკარცალეზდა. მუნლს მუნლზე მიმადებინებდა ეს მხიარულეზბა. შვიდიოდე წლის წინანდელ ამბებს მახსენებდა, როცა ზღვისპირეთისკენ წახორხოცებულ ახალგაზრდებს კუდში მიგჩანჩალეზბდი, როცა გატიტვლების მრცხვენოდა და თავის დასაზღვევად მაშინვე ჟინი ანთარის წამალს დაგაკვრენდი ჯიბიდან. კუნძზე ჩამოვჯდებოდი. ტალლების გამორიყულ ფიხში ვიქექებოდი, აღისკბილს ვეძებდი. ვიპოვიდი მერე მრთელს, დიდელღვისას დამსხვრევას გადარჩენილს, ქვიშით ამოვსებულს. დავიბერტყავდი ხელისგულზე, გულმოდგინებით ამოვასუფთავებდი, ბოლოს ყურს მივადებდი და საამური ხმებით ვტკებებოდი. ქვას ადნობდა აგვისტოს თაკარა მზე, მე კი ისევ ჩესუჩის შარვალ-ხალათით დავფართოხუნებდი.

ბიჭო, მაგ ტანსაცმელს ინსტრუქცია არ მოჰყვებოდაო, მეხუმრებოდნენ ერთნი, ვიდრე არდაშელი და ცირა ზვირთებში ნებივრობდნენ.

არა, მარილზე აქვს ნაყიდი, მარილზეო, ხითხითებდნენ სხვები. ზოგს ვებრალეზბოდი აგადმყოფი, მკლავზე წამეტანებოდნენ და თხემლის ტოტებისაგან გამართულ საჩრდილობელში შემიხიზნავდნენ. ამასობაში ტალლებში ნებივრობით მოშიებული გოგო-ბიჭები ნაპირზე გამოცვივებოდნენ. აჯიკაწასმულ კიტრსა და პურს ილუკებოდნენ. მერე წრეს შეკრავდნენ და ხან ფანტის თამაშით ერთობოდნენ, ხანაც ბურთს დასდევდნენ ჟივილ-ხივილით. ფარლალაღა ფანჩატურში მარტოდმარტო დარჩენილს გული მიქვითინებდა. ინგლისური სნეულეზბით* შეპყრობილ კიდურებს წამოვკრეფდი, აღიაქოთს ზურგს შევაქცევდი, იქაურობას მოვშორდებოდი, მაგრამ მხერას არავინ გამომაცოლებდა. ისლიანებში მივბორძიკობდი. ბასრი დანით ჭილს დავჭრიდი და შეყვარებულს ფართოფარფლიან ქუდს ვუწნავდი. როდის-როდის დავბრუნდებოდი საჩუქრით ხელდამშვენებული, მაგრამ ხალათმოსხმული ცირა და არდაშელი უკვე სილატ-

კეზნილზე მიიწოდნენ სატანჯოს მიმართულებით. ამის საკუთრებად მივიჩნევდი ცირას, არათუ სოფელში არდაშელის ყოფნის პერიოდში, არამედ — მის მერეც, როცა დედაქალაქს გაემგზავრა იგი და სატრფოსაგან ყელგამოჭრილი ასულიც განურჩევლად ამვლელს აღმა აედევნა და ჩამვლელს — დაღმა. საოცნებო ადამიანის შველა, გარყვნილების ჭაობიდან გამოსსნა მეწადა, მაგრამ ცალკე არდაშელის რიდი მბოჭავდა, ცალკე — საზოგადოებისა, ამიტომაც საკუთარი უნიათობის გამო ხშირად თავსაც ვისამართლებდი. ერთ შუადღეს თოხნაში გართულს ცირა ღობე-ღობე წამომპარვოდა. შევითინსე მანამდე არ მოსცილდა სამალავს, ვიდრე თოხი არ აულაპლაპა თვალწინ.

წყალი! ამოვღერდე, როცა მოულოდნელად შერხეული ანწლებიდან ცირა წამოიმართა. თხუთმეტოდე წუთში მორბენინებული დოქი ზედ მიწით გასვრილ ჩემს ფეხებთან გადმოაბირქვავა და მხოლოდ მაშინ მომაწოდა ჭურჭელი, როცა გამომწვარი თიხის წავიწროვებულ ტუჩს ერთადერთი წვეთი შეერჩა.

ამისთანა ხართ ჩემთვისო, მომანალა აგდებულად, თან დოქის წართმევა მომინდომა ყასიდად და მეც დავუთმე ორკოლი. ახლა სიარულში რომ არ ჩამოვრჩენოდი დალაღმშვენიერს, ჭინჭრითა და ანწლით გადაბრუებულ ღობეს წაგებოტინებოდი ხანდახან, აქვე აკაციების ბოჯოჯლი ტოტებიდან შემოდწეულ მზის სხივებს ავხედავდი დროდადრო, თითქოს ახლომანლო უკეთესი თვალშესავლები არაფერი იყო.

თავს მოვიკლავო, თქვა უეცრად ღობეზე გადმოწეულმა ცირამ. ცურუ გამდელს რომც გადავურჩე, სულ ერთია, კოლი ჭანია მაინც არ მაცოცხლებსო. მოსაუბრემ თვალეები ნელინელ იმდენად დახარა, ჩემი ფერისცვალებისთვისაც მოხერხებით ეცქირა.

მუშენი ძღაბი*-მეთქი, გადამიქანდა გული.

ორსულად ვარ და იმიტომო, უფრო ჩაუწია ხმას ცირამ.

კი, მაგრამ მამა ვინ არის-მეთქი, ვიკითხე ერთიანად მორღვეულმა. აქვე ღირსი ვიქნები, კატასავით მიმანრჩოს არდაშელმა-მეთქი, გამიკრთა გუნებაში.

ეგ რომ მაცოდინა, რაღა მიჭირდა უბედურსო, თქვა ცირამ და უკლებლივ ჩამომითვალა ხუთი-ექვსი თვის წინ ფრონ-

ტზე წარგზავნილი წვევამდელები, რომელთაგან ზოგი უკვე გამოვლოვილიც გვყავდა, ზოგიც — ჯერ კიდევ კანტი-კუნტად იწერებოდა.

არდაშელს რა პასუხს აძლევ-მეთქი, ამიკანკალდა ხმა.

რომ ვდომებოდით შენს ძმას და დედაშენს, აქ არ ვყავდითო, ხელი ამიქნია ცირამ, არდაშელს, გენაცვალე, ჩემისთანებისთვის სად სცალია, ცოდნის მწვერვალები აქვს დასაბყრობით. მე კი ქალი ვარ, დღევანდელი დღით ვცხოვრობ.

დედამთილის მოვარეს შინ როგორ შემოვუშვებო, გველივით ატარტარა ენა ვახანებულმა* ცარომ, ვითომ ოჯახის სიწმინდეს იცავდა, საკუთარ ნათესავს კი სარძლოდ ეპოტინებოდა რატომღაც, მაგრამ რა დროს ეგეთებზე ფიქრია, თუ გინდივარ, თქვი, არადა, ახლოსაა ენგურიო.

თავის მოკვლა რომ შეგძლებოდა, არც არდაშელს უღალატებდი და აღარც ჩემთან მოხვიდოდი-მეთქი, გაგბედე და ღობეს ზურგით მიგეყრდენ.

ხელი არ მკრა, მიშველე, კოჩიათ, აქვითინდა ცირა.

კარგი, მე ჯანდაბას, მაგრამ აი, მაგას ვინ ჭამს-მეთქი, წამოწვეულ მუცელზე მივაშვირე თითი მოუბრუნებლად.

ოღონდ შენ დამთანხმდი და დანარჩენი ნუ გადარდებსო, თფლშიმცურავი ხელი დამიჭირა ცირამ, ტყუილად მიწნავდი გვირგვინებს?! ჩემი გაუბედურებისთვის ერთად ვიძიოთ შური, კოჩიათ.

მინდოდა მეკითხა, ვისზე უნდა გვეძია შური, მაგრამ ისეთ გუნებაზე დავდექი, სრულიად აშკარა იყო, რომ ცირას გულისთვის არდაშელის წყენინებას კი არა, თავზე თვით დუყლა ანთარიას წისქვილის დოლაბის ქვის დატრიალებასაც არ დავერიდებოდი.

უკვე შემჩნეული ექნებათ ჩემი გააპარვა.“

გათამამებულმა კოჩია ჰალიძონიამ შექმნილი ვითარება დაურიდლად ამიტომაც გაუმხილა მშობლებს.

— მოკვლავ გათახსირებულს! — იბღავლა ნოჩომ და ჭიქა მიამსხვრია კედელზე. „უკეთესს რა მოელოდი? დის ცოდვა გდევნის!“

— უყურე შენ, ამ შობელძალს! — ტუჩები მოედრიცა გახას.

— თავისუფლებას რატომ ართმევთ ადამიანს?! — გაამხნევა ლისა შკვითინიამ შვილიშვილი წარბების აზიდვით.

— ამოწყდა თქვენი ჯიში და ჯილაგი! — მიაწყველა ცარო მუშუქიამ დედამთილს. „აისრულა საწადელი! როგორ გაუბრწყინდა გვე-

ლის თვალეები?!“

ჰალიძონიებს გლოვის კარავი მოუდიდდათ. ადრე სხვა იყო, სხვა ხიბლი და სიანკარე.

ხან „ვაშინერსიააო“, და ნათესაურ კავშირს წაებლაუჭნენ, ხანაც ქალიშვილის გატეხილი სახელი და წრეგადასული აღვირახსნილობა მოიშველიეს. დააშინეს წმინდა გიორგის ხატიოთ, არდაშელიოთ, მაგრამ არაფერმა გაჭრა.

ასამარებდნენ ჭანიების საჭაჭანებელს, მათ ყანას, რომლის სიღრმეში ცირას ჭიპსქვევით მეჭეჭზე კოჩიას გარდა ყველა ოდაბადელ ყმაწვილს ჰქონდა თურმე ხელი შენავლები. „მანქანას გიყიდიოთ“, ჰპირდებოდნენ „ამაზე და იმაზე დაგაქორწინებოთ“, აღუთქვამდნენ, მაგრამ კედელზე ხორბლის მარცვლის შეყრას მოჰყოლია ჩეჯილი ოდესმე?!

მოკლედ, მახლობელი ადამიანებისაგან განკიცხული, არდაშელის მხარდაჭერი-პატიებაში შეეჭვებული კოჩია ველოსიპედს მოახტა და მერე ჭანიების სამოსახლოს არ მოსცილებია.

— შვილიშვილი შეარიგებო! — ქირქილებდნენ სოფლად, მაგრამ მოუსვენარ დურუს, აჰა, ორი წელიწადი უსრულდებოდა და ნოჩო ჰალიძონია კვლავინდებურად, „ჩემს დატირებას არ ეღირსებიაო“, იქაღნებოდა.

ხელისკვრითა და ამდენი გულცივობით შეურაცხყოფილ კოჩიას ბოლოს და ბოლოს მობეზრდა მშობლებთან დარბაისელი ხალხის რიგრიგობით მიგზავნა.

— არ ვუნდივართ და ჯანდაბამდის გზა ჰქონიაო! — მოწყვეტით ჩაიქნია ხელი და იქიდან მოყოლებული, დედ-მამის ჭიშკარს უცხოსავით ჩაუჭროლებდა. წყნა თანდათან მტრობაში გადაიზარდა და ნოჩომაც ისე დაასაფლავა მოხუცები, რომ ისინი არც ჭანიებს დაატირებინა, აღარც ცურცს და მით უფრო — უღირს შვილსა და რძალს.

კოჩია ჰალიძონია ჭირვეულ დურუს შეძლებისდაგვარად ანებივრებდა. ათასნაირ სათამაშოებს უმზადებდა — წყლის წისქვილები იყო ეს, ჯიბის სატარებელი რადიო თუ სიგნალებით მოძრავი ციდა ნავები.

კისერზე შეისვამდა პატარას და ეზოში დაარბენინებდა გადარეულივით.

— ხომ ზედგამოჭრილი მამაა?! — თავს იწონებდა ნათესავებსა და მეგობრებში, მაგრამ გულის კუნჭულში მაინც საკუთარ პირმშოს

ნატრობდა. სატანჯოელებსაც აკითხავდა. გულთმისან ბიძას შველას სთხოვდა. ორი მეწველი კამეჩი ტყუილად გაყიდეს. ცოლი ვერც ქალაქელმა ექიმებმა მოურჩინეს.

— ამდენი ულაცის ნათრევი დედობას როგორ შევიძლებ? — წუხდა ცირა.

ჩამოდნა, სანთლებს ანათებდა. სასთუმალქვეშ სურნელოვან ყვავილებს ამოიდებდა. კვირაში ერთხელ უსათუოდ ესტუმრებოდნენ განდეგილებს.

ჟინი ანთარი ბავშვიან ცოლ-ქმარს ნავით დაასრიალებდა ჭურის წყლებზე, უდაბურ კუნძულებზე ახეტილებდა.

ახლა ხვდებოდა კოჩია, თუ სულწაწყმედილი სატანჯოელი ტონობით თათლს საიდან აგროვებდა. უკვე ქვრივ-ობლებისთვის და დავრდომილთათვის მოტანილი ხორაგიც ნაკლებად ანცვიფრებდა. ესეც არის, თავიდან ჭოფია ანთარის ბორანზე გადმოტვირთულ იმ სურსათ-სანოვავეს არვინ ეკარებოდა. თვალს ზიზღით შეავლებდნენ, სამგზის მიაფურთხებდნენ, მაგრამ როცა ცხოვრება გაჭირდა, ჯერ ჭიჭეკვეკვე და კემე ანთარიამ, მერე — მეორემ და მესამემ, მოგვიანებით მთელმა სოფელმა გემო გაუსინჯა ძღვენს და ოდაბადელებმაც თანდათან გადაივიწყეს ჟინი ანთარის ქორწილიდან სამარცხვინო გაქცევა, ბორნის მოტაცება და ძმათათვის საკუთარი ხელებით სამარის გათხრა; წაუყრუეს კუდმოკვეცილ და ცურდაფატრულ საქონელს, მერცხლების ტიტლიკანა ბარტყებით გავესებულ ლაფაროებს, მკვდარი კატებითა და ძაღლებით წაბილწულ ჭებს. მიუტევეს აუღია აბშილახესა და ხახანტი მაკრონიას გაუბედურება, კუნტა ქობალიას ქებაში ჩაყრილი ქოფაკის ხორცი, მართალ-მოგონილი თუ სხვანი. საერთო გაჭირვებამ და სიდუხჭირემ მოაქრისტიანა ხალხი. იქიდან მოყოლებული, ყოფილა შემთხვევა, როცა ჟინი ანთარის ოჩხომელს ბორანზე შეკრებილი ოდაბადელები ისეთი მოუთმენლობით დალოდებიან, როგორც მზის ამოსვლას ყიამეთი სიცივით დაშაშრული მგზავრები.

ბარბაროსული ომით გაუბედურებული ოდაბადე იარებს იშუშებდა.

— ასეა, რამდენადაც უნდა გაიწელოს ღამე, მოსასვლელ დილას მაინც ვერ აეფარება, — ისევ ცოცხლობდა სოფელში ლადი ჭანის კურთხეული სიტყვა.

თალხს კვლავ თეთრი შეენაცვლა.

არდაშელ ჰალიძონია დაბრუნებას აგვიანებდა, თუმცა ოდაბადელები ხშირად ასენებდნენ ქორწილებსა თუ ქელებში. მისი უნუგეშო სიყვარულით დამენათევა ქალიშვილებმა, რა ხანია კერიები გაიღვივეს. მხოლოდ დაობლებული მილანდარი დარჩა კენტად.

კოჩიას ძმის თოთხმეტი წლით გაუჩინარებას ვინ ატომური ენერჯის კვლევით ხსნიდა, ვინ კიდევ — კოსმოსური სივრცის ათვისებით. რატომღაც ყველას სჯეროდა არდაშელის განსწავლულობის. ბიძების რეაბილიტაციასაც და ჟაკანით კოჭგადამსხვრეული ნოჩოს ცოცხლად დარჩენასაც, „სიბრძნის მწვერვალებს გამოდევნებულს“ მიაწერდნენ.

ქმრის მალაზიიდან აწაპნილი საჩუქრებით გალაღებული ცირა სატანჯოში გამგზავრებას უკვე მარტოც ახერხებდა. იქიდან მობრუნებული კოჩიას დასანახად ათასნაირი ბალახბულახის ნაყენს სვამდა. მოკეთდა, ხორციით გაივსო, გაჰაეროვნდა.

გასაჭირს ძველებურად უმაღავდა მეუღლეს შკვითინხე და უშვილობას წარსულის ცოდვებს, ახალგაზრდობაში უზომო გახარჯვას მიაწერდა. ჭურთხის ისლიანებში სატანჯოელის ნავითაც იმისათვის დასრიალებდა, რომ მორიგი ხუმტური თავიდან აემორებინა.

შვილის გამჩენელი კაცის შოვნა ცირასთვის დიდ პრობლემას არ წარმოადგენდა, მაგრამ ქალს კოჩიას ერთგულება ეწადა. თავგანწირული სიყვარულისათვის თანამეცხედრეს ამიტომაც უმზადებდა ძვირფას საჩუქარს, ამიტომაც შეუჩნდა ჟინი ანთარს. ესეც რომ არა, შკვითინხე ამ საქციელით რალაცნაირად შურს იძიებდა უარმყოფელი არდაშელის მიმართ.

მართალია, დაბადების მოწმობით დურუს მშობელ მამად კოჩია მიაჩნდათ, მაგრამ კუნძულები თავისთავში ჩხრეკდნენ და კიდევ პოულობდნენ ონავრის ნაკვთებს და ხასიათს.

სადღეისოდ ვითარება სულ სხვანაირი გახლდათ. ცირას ყმაწვილქალობის ცდომილებანი ისტორიას ჩაბარდა. ახლა უბატონოდ ხმას ვერავინ სცემდა. აწი გნებავთ ასული გასჩენოდა, გნებავთ — ძე, უკვე კოჩიას უპირატესობაში ეჭვს ვერავნ შეიტანდა. ამდენად, გასაგები იყო, თუ სატანჯოელის წინაშე შკვითინხე თავს რისთვის ისაწყლებდა, ან ზოგჯერ რა მიზნით მოიშველიებდა ცრემლს.

ცირას სიჯიუტე ყოველგვარ მოლოდინს აჭარბებდა. მისი შემოტევა განსაკუთრებით მძაფრი დედაქალაქიდან მობრუნების შემდეგ შეიქმნა, როცა ანდროლოგს უშვილობა კოჩიასთვის დაებრალებინა.

— სისხლის და ჯილაგის გამგრძელებელი მაჩუქებინე ქმრისთვისო, — ეჩიჩინებოდა წარამარა ჟინი ანთარს. ის კი ცივ უარზე იდგა. მანკიერი გენების განახლებას ერიდებოდა. არ უნდოდა ქვეყანას კიდევ ერთი ცოდვილი მოვლენოდა, რომელსაც ჭიჭე კვეკვესავით დაცქვეტილი ყურები და მოტვლეპილი თხემი დაჰყვებოდა, კემესნაირი გადმოკარკლული თვალები და კოჭებამდე დათრეული ხელები გამოესხმებოდა, ან კიდევ — მენცარ მამასავით მოჭმული ტუჩები და აფორიაქებული სული.

— მკურნალობის საბაბით რა ხანია კოჩიას ახლოსაც არ ვიკარებ. შენთვის ხომ არაფერია ერთი მალხაზი მაჩუქა?! იმის გარეშე, უკაცოდ მიხდა იგი გავაჩინო! — ისეთნაირად ევედრებოდა, თითქოს ჟინი ანთარი სადაც არის უმანკო ჩასახვის სცენას გაითამაშებდა, ცაბათივითომ სულს შეუბერავდა და სუცველს უძრავდა.

ამის გამგონე ჟინის გააჟრჟოლებდა. მაფას ფერწასული სახე აგონგდებოდა, როცა თორმეტ-ცამეტი კვირის ნაყოფს უყოყმანოდ მოაშორებდა ხოლმე. საბრალო ჰალიძონხეს დედობა სწყუროდა და ათასნაირად წელშეკრულს ერთხელ ჟინი ანთარმა ორსულობა გვიან შეატყა. უკვე ჩარევას აზრი არ ჰქონდა. მისი წამლები დაუძღურდნენ, ვინაიდან დოზის გაძლიერებას შესაძლოა მაფაც ემსხვერპლა. ბედს მივებდა.

„ ვინ იცის, იქნებ სასწაული მოხდეს და ჯანმრთელი შვილი გვეყოლოსო“, ფიქრობდა ჟინი ანთარი, მაგრამ თავისიცი იწვნია.

ფუმფულა, ვარდისფერი კუტი, მამლების გახშირებულ ყვილში გაჩნდა იქიფანდურმ მათ ჭერქვეშ. მოლოგინებული მაფა ხელს იწვდიდა ჩვილისკენ. აქეთ ელეთმელეთი მოსდიოდა სატანჯოელსაც, მაგრამ მაინც გაფაციცებით ათვალეერებდა ახალშობილის თავს, კიდურებს, პროპორციას. წარმოიდგენდა ზრდადასრულებულს, ისეთივეებს, როგორი ბიჭებიც ოდაბადეში დაუდიოდა. ცოლის ხვეწნა-მუდარას ყურს უხშობდა, რადგანაც თუკი შვილისათვის ხელს შეავლებიებდა, მერე ვერაფრით წაართმევდა. დიდხანს წონიდა, დიდხანს ზომავდა, ბოლოს „სოფლის საქილიკებლად მოვლენილი“ გააქანა, დუმფარებით მოფენილი ონწყვეშიის ჭაობისაკენ ქვასავით მოისროლა და თითქოს გული ამოგლიჯესო, დაბარბაცდა სიმწრისოფლნაპკურები მამა.

გაბებლილ წვერ-ულვაშს ცრემლი უსველებდა ჟინი ანთარს. სუ-

ლამორთმეული მიაცილებდა მუშტისსისხო ნათელს, შემდეგ ძველებურმა სიშმაგემ წამოუარა, ძმების აჩრდილები აირივნენ, ზოგი გულში წვდა მკერდიდან ამოსართმევად.

ცირას ვედრებანი იმ შემზარავ წუთებს ახსენებდა ჟინის. შემოჩენილ დედაკაცს უდიერად ხელს ჰკრავდა, მაგრამ მერე და მერე შკვითინხეს საწადელი ჰკუთაში დაუჯდა.

„რას ვკარგავ ამით, — ფიქრობდა სატანჯოელი, — სამაგიეროდ ბებრული გენების სიაგვარგესაც გამოვცდი და პრეპარატების ქმედების უნარსაც. ვინცობაა ცირა სიტყვას გადათქვამს და გასაცოდავებულ შვილს დაინარჩუნებს, მისი სიბეჩავე ხალხის თვალში ისევ კოჩიას მიწიერება და არა — მე, ქვეყანას ერთი სულელით მეტი ეყოლებოა“. ასე რომ, უცნაურად აღტიკნებულმა კვლავ იწყო აღრინდელი ძირხვენების შეგროვება, ნაყვა, ხარშვა, მათი ნაყენის წრუპვა, მიკროსკოპთან სინჯართა და კოლბით ტრიალი. მერე დღეს კვირა მიჰყვა, კვირას — თვე და იმ მიმოსვლებიდან ნახევარი წელიწადიც არ გასულა, რომ მოწმენდილ ცაზე მეხი გავარდაო, ტანსრული და დავაჟკაცებული არდაშელი დაუბრუნდა ოდაბადეს.

ჰალიძონიებს ვაჟიშვილის ჩამოსვლას ულოცავდნენ, პურმარილობდნენ, ილხენდნენ. კი, კოჩიას ძმის იერი მეცნიერების მწვერვალების დამლაშქრავს ნაკლებად ესადაგებოდა — თანასოფლელების ბევრი შეკითხვა უპასუხოდ დარჩა, მაგრამ მისი სიღინჯე, საზრიანობა აგრძნობინებდათ, რომ ეს ხანი მთლად ბუზების დევნაში არ უნდა მომცდარიყო. ამიტომაც არდაშელის ბედი საიდუმლო სადაზვერვო სამსახურს და მისთანებს დაუკავშირეს, განსაკუთრებით მას მერე, რაც პაპიდა ცურუს სიკვდილი დამდურებული ნათესავების შესარიგებლად გამოიყენა, ხოლო იქ შემოსული ფული — რაიონის ხელმძღვანელობის მოსაქრთამად.

მაღე არდაშელმა გაუთოელი ოდაბადელები წესრიგს მიაჩვია. მუშაობა ღილაკებზე ააწყო.

იმ დილით კოჩია ჰალიძონიამ არც აცია და აღარც აცხელა, მდივანს სიტყვა პირში შეატოვა. კაბინეტში ქარავით შეიჭრა. სავარძელს შემოუბრინა. ეამბორა და ეამბორა არდაშელს. სიხარულისაგან შემონთებული ცეცხლი ენას უბორკავდა. ნეტარებით მთვრალმა ძლივს ამოილულულა აღმაფრენის მიზეზი — ცირას ორსულობა.

თავმჯდომარემ დაუპატიჟებელ სტუმარს ცივად ამოხედა. თითები ავისმომასწავლებლად აარაკუნა მაგიდაზე.

— დაგვლუპავს ეგ ქალი, — ხმის აუწევლად უთხრა ძმამ, — შენ

გგონია ცირამ ძველი ცოდვები დაივიწყა?! შეიგნე, ერთხელ დაცემულის აღდგომა არ იქნება. მაგ საკენკით ლამის ოცი საუკუნეა „სახარება“ გვაბრძავებს. ცოლი ნამუსის შემნახველი უნდა იყოლიო, მილანდარისმაგვარი თუ ვერა, მაფასნაირი მაინც. ისეთი, როგორიც უმეტესი ოდაბადელი დედაა. აბა, ძველი საყვარლები აახლე ერთი, თავი მოიმთვრალე და შენითვე დარწმუნდები რქების რანაირი კორიანტელი წამოვიდეს! — არდაშელმა შეკრებილებს ქედმაღლურად გადახედა, თითქოს აგრძნობინა თითოეულს, ხომ დაინახეთ ჩემსას რა დღე დავათენე და თქვენ ვინ მიგდუიხართო, —თათბირის დროს უნდა გამოუზომონ მაინცდამაინც! პირის დაღებას არ დაგაცლიან კაცს! საქმეში ხელის შემწველს რომ ვერ ვიტან, აქამდე რითი ვერ შეიგნეს ნეტავი!

კოჩიას ჩამოყრილ მხრებს დამფრთხალი თვალებით მიაცილებდნენ ბრიგადირები. ხეიბარს ახლა რაქიტინი ფეხებიც დავიწყებოდა და ცირას შეტორტმანებული მუცელიც.

ქმრის მაღაზიის დანაკლისს განა ვერ ამჩნევდა დამლაგებლად გაფორმებული შკვითინხე, მაგრამ მის განსაცდელს რატომღაც წაუყრუებდა ხოლმე. ჰალიძონიები რევიზორებს მოყვარულად გაისტუმრებდნენ და ამგვარად, მათი ვალები წლითი წლობით იზრდებოდა.

დათვრებოდა თუ არა კოჩია, ეგრევე მაგიდაზე მიუძინებდა. ძმაკაცების მიტოვებულს ოფიცინტები ეჯაჯგურებოდნენ, ჯიბეებს ამოუცარიელებდნენ, მაგრამ სახსარამორთმეულს, როცა ძვრასაც ვერ უზამდნენ, რომელიმე ოდაბადელის პირით, „შენი გალე შილი ქმარი მოგვაშორეო“, შეუთვლიდნენ ცირას.

ეს უკანასკნელიც მაშინვე დურუს წამოაგდებდა ლოგინიდან. ბიჭი იბუზღუნებდა, მაგრამ სიბნელეს მაინც აჯობებდა. მამის მომჩვარულ სხეულს წამოიკიდებდა და ოღროზოლო გზებზე წამობორძიკდებოდნენ.

კაცს უყვარდა და კიდევ ეიმედებოდა „სხვისი შვილი“, თუმცა ტკბილი ძილის გამუდმებული დაფრთხობისათვის დურუს ბევრჯერ უნატრია კოჩიას ღვინოში ჩახჩრობა. უფრო მაშინ გაიფიქრებდა ამას, როცა გატრეტილი მამა უდანაშაულო ცირას შინიდან აგდებდა. კახპას და ცხენის თავის მაჭიხვინებელს ეძახდა უსინდისოდ.

„წადი და შენს ჯიმაია არდაშელს ექლურტულეო“ — უღრენდა სულ. სამურზაყანოელ ნათესავეს უგინებდა და ჯამ-ჭურჭელს უმსხვრევდა, თუმცა დილით ცხოვრება ჩვეულებრივ კალაპოტში დგე-

ბოდა. დილით, ნამტირალევ დურუს მშობლებს საზიარო ბალიშზე ეძინათ და ბიჭს სიხარულისაგან სული ეგუბებოდა.

კოჩია ჰალიძონიას გაჭირვებული ადამიანის გაწბილება არ შეეძლო. უარაფროებს მილიონერით მფარველობდა. უქმადღებულ ნივთს, რომელსაც მალაზიის ნესტი და მტვერი აფუჭებდა, ხალხისთვის დაკარგულად მიიჩნევდა, ამიტომაც ქვრივ-ობოლს საერთო რვეულში ანგარიშს გაუხსნიდა, რათა ვალის ნაწილ-ნაწილ გადახდა შეძლებოდა.

ასეც მომხდარა — რაიკოპერატივიდან მეურვეებს გაფრთხილება ვედარ მოუსწრიათ და რევიზორები მოულოდნელად დასხმინ თავს. ამისთანა საგანგებო შემთხვევის დროს ინგირის ან კახათის უკვე აღწერილი მალაზიებიდან საქონელს ინათხოვრებდა, სახურავს შიფერს ააძრობდნენ და დალუქულ შენობაში ჩაიტანდნენ.

იცოდნენ ოდაბადელებმა, რომ მათი კეთილდღეობისათვის კოჩია ბედისწერას ეთამაშებოდა და ცხადია, წრფელადაც უყვარდათ. ხანდახან, როცა უკიდურესი წუთი დაუდგებოდა, ჭოფია ანთარის გვიტისგან ფულს ისესხებდა და მერე საგახშო ვალებს ვაჟკაცურად უმკლავდებოდა. რა თქმა უნდა, მაღლიერი თანასოფლელები ხშირად ზედმეტსაც უტოვებდნენ, ასე რომ, კოჩია ჰალიძონია და ოდაბადელები რალაცნაირად ინახავდნენ ერთმანეთს.

ამის თაობაზე არდაშელს მრავალგზის სმენოდა. თავმჯდომარემ ისიც მშვენივრად იცოდა, რომ მისი დაბრუნების დღიდან ცოლს უმოწბალოდ აწამებდა კოჩია. უმცროსი ძმის ეჭვიანობას მილანდართან ჯვრისწერამაც ვერ უშველა.

შეზარხოშდებოდა თუ არა ხეიბარი, „წადი შენს ჯიმაიასთანო“, გადაუკრავდა ცირას სიყმაწვილის წლებზე. ვალში არც შკვითინხე რჩებოდა.

— ჭკვიანად იყავი, კოჩია, თორემ ინანებო! — ემუქრებოდა მრავალისმეტყველად.

იმის ნაცვლად, ქმრისთვის ქარხვეტია მეგობრებში ტრიალი დაეშალა, ყელს მოიღერებდა ცირა და გაშლილ სუფრას მიუჯდებოდა ბროლის კბილების ელვარებით. შეცხადება, ქვეყნიერების შეყრა მართებდა, მას კი დროსტარების მეტი არაფერი ახსოვდა. ხალხმრავალ წვეულებასა და ქელეხს თვალებს უბრმავებდა ბეწვეულტყავეულით.

იმ საღამოს კოჩია ჰალიძონიამ ცოლისათვის მერამდნედ მიცემული სიტყვა გატეხა, გამოიბრუჟა, გამოტყვრა და იქიდან მოყოლევ-

ბული, ამხანაგებს წამოუძღვებოდა. ატყდებოდა სკამების ხრიგინი, ჭიქების ჭახაჭუხი, ძმობასა და სამშობლოს სიყვარულში თავგამოდება. წირვას გამოუყვანდნენ სულუგუნობას ვერ მოსწრებულ ჭყინტ ყველს, წინადლით დამწნილებულ კანამხალს.

ცირას უზნეო საქციელში გამოჭერას ცდილობდა სულ, მაგრამ ფიზიკურად სუსტს არაყი მალე კისერს წააწყვეტდა. ტახტზე გაუხდელად მიგდებულს ეღვიძებოდა. ჭიშკარს ჯიჯლინით მოიხურავდა ნაბახუსევი. ველოსიპედით მალაზიისაკენ წალახლახდებოდა ვითომ, შუაგზაზე გადაუხვევდა, სიმინდის ყანდან შემოიპარებოდა და საათობით უთვალთვალებდა მიმსვლელ-მომსვლელს.

რევიზორების იმ ჯგუფს კოჩია ჰალიძონიამ ვერაფერი მოუხერხა. ანდა, არდაშელის დაგეშლი-მოქრთამულებთან გააწყობდა რამეს? შეშინებული ნოქარი არეულ დავთრებს გულლიად ამხელდა, მაგრამ დანაკლისმა ყოველგვარ მოლოდინს გადააჭარბა და აშკარა განსაცდელის წინაშე აღმოჩენილმა დახლიდარმაც ხელი გამოიღო. ისევ ივალა გვიტ ზანთარისაგან. საჭიროზე მეტი ფული შეაძლია თითოეულს, თუმცა თითქოს წმინდანები ყოფილიყვნენ, ქვა ააგდეს და თავი შეუშვირეს. მალაზია დაულუქეს.

„კგრ-კგრ-კგრ.“

კოჩია: უკიდურესად შეჭირვებული ბოლმას არაყში ვახრობდი. ყოველ წამს დაბატიმრებას ველოდი და თვალთვალს მაინც ვაგრძელებდი. მალე ნანატრი წუთიც დამიდგა.

კოჩია, გამომხედე, კოჩიაო, მეძახნდა არდაშელი ჭიშკრიდან.

რომელი ხარ მანდ, პირი რომ დაგიღია. ბავშვს ვაძინებ, აქეთ მოიწიეთ, გაეპასუხა ოდიდან ცირა.

არდაშელი ვარ, არდაშელიო, დაიროსროხა ჩემმა ძმამ.

არდაშელიო, სუსტად შეჰკვივლა შკვითინსემ და ჩამოფრინდა მორყეულ კიბეებზე.

კოჩია სადღაათ, ჰკითხა მაზღმა რძალს, თან გასადებების ასხმულა მონოტორულად ააჩნარუნა.

ალბათ, სასადილოში ცეცხლაგს არაყსო, ცირამ.

დღეს არ გამოჩენილაო, იქ, თქვა არდაშელმა.

ვინმესთან შეეთრეოდა მაშინ. დურუ, დურუუუ! შე, არგასაზრდელო! კოჩიას იმედით მთლად ხელიდან წამივიდა ბავშვიო. დედა, თავი მომიკვდეს, აქ რას უდგენარ უცნოსავით?

შინ შემოდი. ღომი მაქვს დადგმული. ამასობაში ისიც მოვა, ერთად ვისადილოთ.

სხვა დროს იყოს, ცირა, სხვა დროს. ისე, ჩემს სულელ კმას გადაეცი, რომ გარე-გარე სიარულს მოეშვას. კანტორაში მომაკითხოს. ნურაფრის გეშინიათ, საქმე მოგვარებულია. დავფარავთ დანაკლისს და ხელს ვერვინ ახლებსო.

რაც გამდელი დავასაფლავეთ, მერე სათოფეზედაც არ გვეკარები. ჩვენ, ცოდვილები, ჯანდაბას, მაგრამ კმისშვილმა მაინც რა დაგიშავა, ადამიანთო, თქვა ცირამ. ორივე ხელით მკლავში ჩააფრინდა არდაშელს და ძალად შემოიყვანა მართლით გადახასხასებულ ეზოში. გულაჩუყებულმა კინალამ სამალავი მივატოვე.

კმის ღალატი გულში რამ გამავლებინა-მეთქი, ვიკენეტში ფრჩხილებს აკოკრილ სიმინდებში ჩასაფრებული. ცემენტის ქათქათა სვეტებზე აწეული ოდის მოფამფალებულ კიბებზე წინ სტუმარი მიდიოდა, უკან — მასპინძელი.

ექვების ბუდე ვარ, ექვების ბუდე-მეთქი, ვიტუქსავდი თავს მასიურ საყრდენებს შორის მობრიალე. ადრე კიდევ ჰო, მაგრამ ახლა, მილანდარის პატრონს, შენი ჭუჭყიანი დედაკაცი რაში უნდა აინტერესებდეს-მეთქი, შუბლზე ვირაკუნებდი მუშტს და მაინც კუნძზე დარჭობილი რუსული ნაჯახისაკენ გამირბოდა თვალი.

გაგიჭირდა უჩემოდო, მოსწვდა ჩემს დაბაბულ სმენას ხავერდოვანი ხმა.

უშენოდ სიცოცხლე ვინა სთქვა, გოლვაფიროთ, მიაკვნესა ცირამ.

და მაინც მიღალატე, არაო, წყენა გაერია კაცის ნათქვამს.

სამაგიეროდ შენ ხომ მიერთგულე, გოლვაფიროთ, ამა. ერთგულება ქალის საქმეა. ვისაც ვუყვარდი — შეძლოთ თავის შენახვაო, არდაშელმა.

სად აზნაურის და სად გლეხის სისხლით, შკვითინემ.

მოკვდებოდი, ჭირიანს რომ არ გააჰყოლოდი? კაცი გაგიწყდაო, მაზღმა.

არაფერიც, მაგრამ სხვამ ვერ გამიცოცხლა შენი თავი,

სხვამ ვერ მომანიჭა შენი ალერსი და იმიტომ. თუ მკლავ — სიყვარულით ბარემო, ჩაიქვითინა რძალმა და მაშინ ქათქათა სვეტის დაკბილულ კუთხეს შუბლი გაგუქანე. გამოსაშვებმა სისხლმა იფეთქა. შვება ვიგრძენი, მაგრამ როგორი შვება! თითქოს ხელახლა გავეჩინე დედაჩემს, თითქოს ხელახლა ამედეგა ენა, თითქოს ხელახლა ამხელოდა თვალები!

ჩხარუნობდა ჭურჭელი. დროდადრო აჩხავლებულს აკვანს წამოურწევდნენ. წკარუნებდა და წკარუნებდა ამას წინათ ზუგდიდან ჩამოტანილი ეუვნები. მერე იატაკმა მძიმედ გაიჭრიალა... ზეაპყრობილი მზერა მტვერმა გადამიბინდა... ბრაგვანი მოადგინა სკამმა. ყრუდ ხათქუნებდა რაღაც. ბოლოს ყველაფერი კვნესად და ჩურჩულად იქცა... აქამდე რომ ვფიქრობდი, კბეებს ფენის ერთი დაკარებით ავირბენ-მეთქი, მოჭრაჭუნე საფეხურები დაუსრულებელ სატანჯველად წამომეკლაკნა ხეიბარს. სული კბილებით მეჭირა. ველარაფრით ამეტანა, ჩემს ანგელოზს სინდისგარეცხილი ქალი რომ არწევდა. პერანგის გულისპირზე ერთდროულად ჩამომსდითდა სისხლი და ცრემლი. კედელ-კედელ მივათრევდი უღონოქმნილ სხეულს. კარის სახელურს ჩაფრენილი ღერწამივით ვქანაობდი ერთხანს... ჩემმა გამოჩენამ ფანჯარასთან გულხელდაკრეფით გაჯგვიმულ არდაშელს წარბები მალლა ააზიდვინა. განა ბაბუას ღიმილი აუთამაშდა ტუჩებზე, თითქოს შემოსწრებულს მიმანიშნებდა, ესეც შენი ცირა შეკვითინია! აი, ასე გადგამდა ყველასთან რქებსო. მიკვირდა, დედაკაცს რისთვის ვერ მოეხერხებინა სტუმარივით მოკოსტავება, საწმენდი ჩვარივით რისთვის დატყლაპებულიყო იატაკზე, რისთვის არ ითვალთმაქცა! ხომ ჰქონდა საამისო დრო?! მერე, წლების მერე ჩავწვდი, რომ ჯიმაიასგან მონიჭებულ ნეტარებას დაია ვერაფრით ელეოდა. ქალი ხვდებოდა თუ აკვნისკენ რა მიზნით წავაბიჯე შეშლილმა კაცმა, შვილის წართმევას რომ ვუპირებდი და წამოთრეული ტანით პირმშოს გადაეფოფრა, მაგრამ გამეტებით ვკარი მუხლისთავი ვავაზე და კუთხეში პირაღმა მივაგდე. მერე არტახებიდან ელვისებურად ამოვგლიჯე ასხავლებული ჩვილი და შეკვითინეც მაშინვე კედელს მიაწყდა.

სად მიგყავს ჩემი თვალისჩინიო, იწივლა შეთქმული ძმე-

ბისაგან განწირულმა დედაკაცმა, თუ შენგან მეყოლა გგონია, ძლიერ შემცდარხარ. შენ ვინ მოგცა, გადამწვარს, მაგისი შნო და მარიფათით, წიოდა გარსკვლავების ჩამოსაწყვეტად და კიბეებზე ჩამოფრენილმა მამამ შვილს კინაღამ ცემენტის სვეტზე თავი შევუტაკე, მაგრამ უმანკომ დაიჟღურტულა, შეფრთხიალდა, ატმის რტოსაგით აყვავებული ხელები აათამაშა. მხეს შეჰხართოდა ბონდო ბიჭი, ბონდოია და მეც გულსაკლაგად ავქვითინდი. საინტერესოა, რას ფიქრობდა პაუზების დროს?!”

ესეც არაფერი. იქნებ ამასაც შველებოდა რამე, მაგრამ ბონდო ვერაფრით შერიგებოდა დამამცირებელზე დამამცირებელ შეგნებას, რომ ნებისმიერი ადამიანისაგან განსხვავებით, სიყვარულის შედეგი კი არა, ცდის, სინჯარის, ლაბორატორიის პროდუქტი იყო. დროდადრო მუხანათური სიტყვების გასანელებლად ცერათის კბილებით ჩააფრინდებოდა ხოლმე.

უკვე დანამდვილებით იცოდა ბონდომ, თუ ეს ორი წელიწადი საზოგადოებას რისთვის არიდებდნენ, რისთვის დაატარებდნენ მეფუტკრის პირბადეთი, რატომ ამოიკვეთეს ქალაქში ფეხი, თუმცა ყმაწვილს აქამდე საიდან შეეძლო მისხალ-მისხალ მოფიქრებული სიმდაბლე-აბსურდის თვალნათლივ წარმოდგენა?! ელექტრომიკროსკოპს მიუჩოჩდებოდა, მატერიის სიღრმეში შეცურდებოდა, ნამცეცის რაობაზე თავს იმტვრევდა, როცა საკუთარი პიროვნება ასკეცი ბურუსით ყოფილა წლების მანძილზე დაფარული.

„მაინც რა ეთქმის ამ გაქცევას? თვითგანსაზღვრის ცდა?! რას მივალწევ უთვისტომო და უმეგობრო, ვინც ჯერ კიდევ ხეირიანად ვერ გავრკვეულვარ საკუთარ წარმომავლობაში, რიგიანად ისიც არ ვიცი, ცირიბია-კოჩიას ღლაბუცის ნაყოფი გახლავარ თუ ჟინი ანთარის გენეტიკური მასალის მეიოზის* წყალობა?!”

მოჭრილად რომ ვთქვათ, ბონდოს ჯერ კიდევ კარგად ვერ გაეცნობიერებინა ამ უმისამართო ლტოლვის ჭეშმარიტი არსი, ვერ გაეცნობიერებინა, ვინაიდან წარსული უუმწვავესად უმანთავდა სულს.

თავქუდმოგლეჯით გაუბრბოდა სატანჯოელებს, ისეთი გაფიცხებით, როგორც ცეცხლმოკიდებული სახლიდან გამორბიან ხოლმე, მაგრამ ეს სივრცობრივი გადაადგილება უფრო მექანიკური იყო, რადგანაც გონებამოწამლულ ახალგაზრდას შემზარავი ამბის ეპიცენტრისთვის თავი ველარაფრით დაედწია. არა, სულ სხვა მიზანი ესაძირ-

კვლევბოდა ამ ლტოლვას, სიტყვებით გამოუთქმელი, მაგრამ გულის-გულში ღრმად ჩაჩნეული მიზანი.

უინი: მხსნელივით მოეგლინები დედამიწას ჩემი ფესვი. ერთხელ გამონათებულივით ივლი. ასე, სულ წინ, ჭეშმარიტებისკენ და ჭეშმარიტებისკენ და თუ მწარე სიმართლისთვის დაჩანანაკებულს მომიძულებ, დაე, ჩემი თავი და ბოლო მეწყერს წაუღია ბენრეკ ძვლებიანად. დარწმუნებული ვარ სრულიად ახალი პიროვნება მიგანიჭე მსოფლიოს ფენოტაპიურადაც და გენოტიპიურადაც სრულყოფილი პიროვნება. ჰმ! Homunculus! კაცუნა! კაცუნა!

ბონდო ჰალიძონია შესაძლოა იმწუთას უფრო ინტუიციას, გულისხმას, შეურაცხყოფილი მეობის დულილს მიჰყვებოდა საკუთარი თავის აღმოსაჩენად, ვიდრე — დაუნჯებულ საზრიანობას. მის თვალწინ ისე უჩუმრად ღაფავდა სულს თითოეული ფიფქი, თითოეულის ფანტელი, შემოგებებული ყოველი სახე, სახლი, ხე, რომ თითქოს ეს გარემომცველი სამყარო საპნის ფერად-ფერადი ბუშტების გროვას წარმოადგენდა.

ესაუბრებოდა კიდევ ადამიანებს, მაგრამ მარჯვენამ აღარ უწყოდა, რასაც მარცხენა მოიმოქმედებდა. ტაქსების რიგში იყო ეს, ფოსტასთან თუ სასტუმროს ვესტიბიულში, სიცოცხლე ხელმეორედ რომ გეჩუქებინათ, იმყამინდელ ფრაზებს, დიალოგებს ველარაფრით აღადგენდა. უჩვეულო სიზმრების მორევში ჩაქანებულს გამოეღვიძებოდა თუ არა, ტორშერის შუქი ეცოტავებოდა, სამნათურიან ჭაღსაც ანთებდა და ბალიშზე თავს მისდებდა ისევ, მაგრამ მყისვე წამოახტუნებდა გულ-მკერდში მკვიდრად დაბინადრებული ეჭვი. ტანსაცმლის კარადასთან მიიჭრებოდა, დალაქავებულ სარკეში გაფაციცებით დაუწყებდა საკუთარ თავს თვალთვალს. თითოეტი ქუთუთოებს იფართოებდა, ისინჯავდა კბილებს, ათრთოლებულ ცხვირის ნესტოებს, ევროპოიდულ შუბლზე დამსხდარ ორტოტა ცისფერ ძარღვს, შეგინგლულ დაკუთხულ ნიკაპს; ამოწმებდა ნეკნებს, მყესებს; აყურადებდა გულის ძგერას. სარკის წინ დედაშობილა ატუშული გაფაციცებით იკვლევდა ყოველ ასო-სახსარს, თითქოს უნდოდა გაერკვია, უინი ანთარს ხომ არაფერი შეშლოდა იმ ცხრაას ორმოცდათოთხმეტის შვიდპირილს, ხომ არაფერი დაეკლო ან წაემატებინა მისი სხეულისათვის.

თავზეც შემოიჭდობდა ხელებს, მერე ბნედიანივით წამოვარდებოდა, გასაღებს გადაატრიალებდა, ბნელ დერეფანში შეშფოთებული გახედავდა. ეჩვენებოდა, თითქოს საგანგებოდ უთვალთვალე-

დნენ. გულმოდგინებით იკვლევდა კედლებს, იატაკს, ქერს. ჩხირი-სოდენა ბზარი თუ ნაჩვრეტი გულს გადაუქანებდა. შემდეგ ერთიანად მოქანცული ლოგინზე მიეგდებოდა და უსიცოცხლო თვალე-ბით მიაჩერდებოდა ჭუჭყიანი ფარდებიდან შემოცურებული, ქალაქის ბარდაში გახვეულ სანახებს. კვლავ სიზმარში გადაეშვებოდა ბონდო. გამუდმებით მუხლებამდე ტალახს მიტოპავდა ონწყვეშის მიმართულებით. მაცდუნებელი გუბები ალაგ-ალაგ სარკეებივით ანათებდნენ და შიგ ჩარჩენილი ჯარისკაცები, ნირგა ქობალია, ჩვილი ნახევარძმა თუ ლღავები სულს საცოდავად ლაფავდნენ.

ერთხელაც კამეჩების ჯოგი ამოყროყინდა იქიდან. შმორის ამაზ-რზენი სუნი ამოიყოლეს. ერთად შეყრილიყვნენ *Bubalus arnee*, *Bubalus minforensis*, *Anoa*, *sincerus cafrer*.*

ყვა, ბონდოოო! ყვა, ბუტუტიიი! — მობლაოდნენ სინჯარაში გა-მოჩეკილი თეთრი კამეჩები. რქანაყარი მეწინავე კი ჟანგიან წალდს უღერებდა მთლად. ისეთნაირად გადმოდულდნენ გუბებიდან, როგორც რძე — ცეცხლზე შემოდგმული ქვაბიდან. მათ შემზარავ ქმენას თავდაუზოგავად გამოუბოდა ყმაწვილი.

„არ უნდა შემეერთებინა ადენენისთვის გუანინი, ციტოზინისთვის — თიმინი. უაა-სთან და უაგ-თან თუ არა, უგა*-სთან მაინც უნდა შემეწყვიტა ცილის სინთეზი. სადღა არიან ეს წყული საოფ-ლე ჯირკვლები? *Glandulae*. კამეჩი პარტნიორს ოცი კილომეტ-რიდან გრძობს. მით უმეტეს. არ უნდა ამომეგლო დნმ-ს* ჯაჭვი-დან მესამე ტრიპლეტის* მეორე ნუკლეოტიდი!“ ფიქრობდა ბონ-დო და გარბოდა, გარბოდა. რაღაც მანქანებით წყლების ქვეყანას და თეთრი კამეჩების რქენას კი დაეხსნა, მაგრამ ახლა მოყანყალე ბონდით ნიკაპწვრილ დედაბერს მისდევდა. ნაცნობი იყო ეს მხრე-ბიც, ეს მონგრეული წვივიებიც.

„კოჩიას ფეხები, კოჩიას ფეხები!“

ცარო მუშუქია ვიდრე ჰალიძონიების ახოვან თელას არ მიაღ-გება, ჩუმათობს. საკვირველია, წლების წინ ძირში მოჭრილი ხე, რომ-ლის ფესვები არდაშელის სასახლის საძირკველში გახლავთ მოყო-ლილი, საღათის ძილიდან გამორკვეულივით იზმორება, იზლაზნე-ბა, ტოტები ჭახაჭუხით ლეწვენ კედლებს. არის ზათქი, გრუხუნნი, ცემენტისა და შარდის სუნი. საჩრდილობელი თელის დედატოტზე საქანელას დაწყვეტილი თოკები ირხევა, ზევით კი პილპილით და-ხუნძლულა ალაწოდა ხე.

ქალები ისე იქცევიან, თითქოს ბონდოს ვერც კი ამჩნევენ. მართა-

ლია, თელას ამოფარებოდა ახალგაზრდა, მაგრამ არც ისე მოხერხებით, მახვილ მზერას ვერ შენიშნოს.

— ამ ნაყოფს ჩვიდმეტი წელიწადია არავის ვაკარებ, — ამბობს ცარო მუშუქია.

— ჩემთვის შეინახე, არა?! — ლობიოთი სავე კალთაში ჩაუდებს თავს ცირა დედამთილს, — მისახსოვრე ერთი ასხმა! — ყლგამოწეული ეხვეწება ოქროსფერი პარკებისთვის.

რძალს ცოდვათა მიმტვევბელი ღიმილით უთვალთვალებს ცარო მუშუქია. ჭუჭყიანი ხალათის ჯიბიდან წმინდაკბილა სავარცხელი ამოაქვს. სიხარულისაგან ლამის გული გაუსკდეს ბონდოს. მილანდარის ნაცვლად მის დედას ვარცხნის ბებია. „აბა, როგორ?! განა არ იცის, რომ, აგერ, მისი შვილიშვილი ამოფარებულვარ თელას?! აბა, როგორ? ცოტა ანგარიში ხომ უნდა გაეწიოს ჩემს აქ ყოფნას?!“

დალალები ნელ-ნელა მატულობს, იწეწება, იბურდება, ფერიც უკაშკაშდება. ცირას სახე ეღრიცება ვარცხნისას, მაგრამ ეს იმდენად არ აღარდება ყმაწვილს.

„კეთილი ინებოს და გაუძლოს, მთავარია, რომ დანაშაული ნაპატიებია“.

აჰა, უკვე კოჭებამდე ჩამოშლია კულულები.

„ნეტავ ერთხელ მაინც შემაღლებინა მათთვის ხელი!“

დედის დალალების ხასხასით ტკბობა ბონდოსთვის ხანმოკლე აღმოჩნდება. უნდა მაჯაში სწვდეს ბებიას და ცირას კისერთან მიტანილი სამართებელი წაეგლიჯოს, მაგრამ უკნიდან ტრიფოლიათის ტოტი წაებლაუჭება, ნაბიჯს არ მოაცვლევინებს.

„Tyifolium. სამფოთოლა, სამფოთოლა. სამებითაა ყველაფერი, ღმერთიც, დიალექტიკაც, მეც. ხმაც რომ წამერთვა?!“

ხვავრიელი თმა თანამიმდევრულად ისხიპება, ოქროსფერი ჩანჩქერივით ეშვება დედის კოჭებთან. გამელოტდა, გაქაჩლდება ცირა.

თელას ამოფარებულ შვილს მშობელი შიგდაშიგ სევდიან თვალებს მიაპყრობს. ნიკაპწვრილი დედაბერი კი თავის საქმეს ბეჯითად განაგრძობს. აჰა, ჯვარდინად გადაუსერა მბზინავი კანი და ყვითლად აფითქინდება ქონი. თითქოს ბოსტანში მუშაკობსო, ისე აწყობს ჭრილობაში წიწაკის თესლს. ამჩნევს ბონდო — დედის თავზე თ მის ნაცვლად პილპილის სამტკავლიანი პარკები ლაგდება.

თოვლის მოფუთფუთე ფანტელებს უხალისოდ გახედავდა ბონდო ჰალიძონია. რატომღაც სჯეროდა, რომ ყოველივე

გარდახდილი სიზმრების აცხადება უფრო იყო, ვინემ ობიექტური სინამდვილე. რაღაც არსებითს უგრძნობდა გული. ისეთ გუნება-განწყობაზე დგებოდა, როგორც დედების წინათ, როცა ხან კაცისტოლა ჭიანჭველები ეზმანებოდა, რომლებიც ქაჩალ გორისკენ* მიათრევდნენ, ხან კიდევ უკიდურესად შეკუმშული, ჭიანჭველადქცეული ადამიანები მის გამოხრულ თავისქალაში მიმოდიოდნენ, Homo-ს და Formica-ს გაწონასწორებას ლამობდნენ, ოფლში მცურავს რომ ელვიძებოდა, ტორშერის შუქი ეცოტავებოდა და სამნათურიან ჭაღსაც შემოიშველიებდა ხოლმე.

კარზე მობრახუნებაც არანაკლებ აკრთობდა ბონდოს. ლოგინიდან წამოფუცხუნდებოდა, გასაღებს გადაატრიალებდა და როცა ხელთ დამლაგებელი შერჩებოდა, შვებით ამოისუნთქავდა. ამას წინათ ორივე ონკანი ღიად დაეტოვებინა და როცა ბრაგაბრუგმა გამაღვიძა, მისი ფეხსაცმელები და ჩანთა იხვებივით დაცურავდნენ მუხლებამდე წყალში. კინალამ ქუჩაში ისროლეს, მაგრამ სართულის მორიგემ ცალკე ადმინისტრატორი მოქრთამა, ცალკე — დირექტორი და მიყენებული ზარალისათვის ხუთასი მანეთითი დააჯარიმეს.

ელაპარაკებოდნენ, რაღაცას უხსნიდნენ, რაღაცას უსაბუთებდნენ. ბონდოც თავაზიანად უპასუხებდა სათითაოდ, როდის-როდის გაიკრიფებოდნენ და ყმაწვილიც ისევ განმარტოვდებოდა. ცივი შხაპით გაგრილდებოდა. ახლახან გამოცვლილი პირსახოციც ტანს იმშრალედა, თან მერამდენედ ამოწმებდა ონკანს. ბოლოს ლოგინზე მიეგდებოდა და კვლავ აბობოქრებულ სიზმრებში გადაეშვებოდა.

აგერ, ცალბორბლიანი ეტლით სოფლის შარაზე მირახრახებს ბონდო. ვერაფრით გაუხსენებია, თვლები თეთრი კამეჩების ჯოგის დევნისას მოსძრომია თუ სხვაგან. ეს ერთადერთი ბორბალიც ყანყალებს, ფამფალებს და, სადაც არის მოსხლტება. მოკლედ, ახალგაზრდის სიცოცხლე ბეწვზე ჰკივია.

„მარწყვის მდელი“*. ბერგმანი. არა, რასკოლნიკოვის* სიზმარი. რა აწრიალებს კლუბთან შექუჩებულ ხალხს?! ხელებს ისე სწევვენ მაღლა, თითქოს ცა ექცეოდათ თავზე. პომპეის ტრაგედია. ვეზუვი“.

დანგრეულან ცათამბჯენი კოშკები. საყოველთაო ზარი ბონდოსაც გადმოედება თანდათან. პირუტყვის უცდომელი გუმანით გრძნობს, რომ მიწა იძვრის.

— პოსეიდონი, მიწისმრყველი პოსეიდონი! — ჩურჩულებს, მაგრამ ამას რა მნიშვნელობა აქვს ახლა?! ყველაფერი ნანგრევებად ქცეულა. ისეთი პანიკაა, ტუჩებზე ხელის მიფარებაც ვერ მოუსაზრები-

ათ. სულ უცნობი სახეები, სულ ახალ-ახალი ფორმები. „ოთხეულიანები“*. მაინც მათკენ მოიჩქარის, მაინც მათი საწუხრის გაზიარება სწადია.

— რა ხდება, რა ამბავია?! — ჩაეკითხება უახლოეს საფრთხობელას ბონდო.

— მძმეიროხახანია, ბობობონდო ჰალიძონძონიავ! — იხრჩობა ერთი.

— მძმეიროხხხანია, ბბბუტუტი ანთთთარიავ! — ჩლოფინობს მეორე.

— მე-ი — რო-ხან-ი-ა, გი-ორ-გი ხან-თა-რი-ძე! — წელავს მესამე. თავპირისმტვრევით გაურბიან ყმაწვილს, თითქოს კეთროვანი იყოს, თითქოს მასთან შეხებას უფრო მეტი საფრთხე მოსდევდეს, ვინემ მიწისძვრით დანთქმაა.

— მეიროხანი რაღაა?! **სად გარბიხართ, სად?! ოდაბადელები დაგნაცრავენ, დაგნაცრავენ?!**“

არ იცის რომელ ერთს გამოეკიდოს ბონდო. ზოგი საით მიშლიგინებს, ზოგი — საით. უცებ წინ ღორების კოლტი ჩამოუქროლებს. საცოდავად ჰყვითინებენ რუხზოლიანი გოჭები, ტახებს კი ქაფი გამოსდით მტკავლიან ეშვებზე. ქუბებს, კერატებს, განურჩევლად ყველას, ყურები ეზრდებთ წამიწამ. ხან აქეთა ღოებს მოაწყდებიან, ხანაც — იქითას. მერე ხეებზე არბიან ვერხვის ფოთოლივით მოცახცახენი, მაგრამ ძირს ცვივიან და ბონდოც ასკვნის, რომ მეიროხანი მეტამორფოზისმაგვარი მდგომარეობაა, რაღაც ცხადისა და ირეალურის შუალედური მდგომარეობა.

„აი, სასწაული, თუ გინდა! **გამოდვიდეს ეშმაკნი იგი კაცისა მისგან და შევიდეს ღორთა მათ და მიიმართა ყოველმან მან კოლტმან ღორთა მან კბოდესა და ზდგასასა და მოსწყენეს იგინი წყალთა მათ შინა**“.* მწვანე ფერი!“ დაარტყამს უცებ თავში ბონდოს. მეიროხანი ფენოტიპურია, დაფარულის გამოაშკარავებაა! ჩაესმის საიდანდაც ჟინი ანთარის ხმა და ეს მთლად დააფეთებს.

შარვლის ტოტები აიკეცა. წვივები გამწვანებია უკვე. ახლა პერანგს შემოიფლეთს. გულ-მკერდზეც იგივე ფერი მისძალებია. „დავიღუპე, დავიღუპეო“, ძრწის ბონდო და დედისკენ გარბის, აგერ, ვიღაცა გზას გადაუჭრის რომელიც დინოზავრის კუდივით მოათრევს ხვლიკისფერ ენას. კიდევ რომელიღაცა გადაუსწრებს — მწვა-

ნე აქვს კვანის ფოთლისხელა ყურები.

„ღმერთო ჩემო, ამათ ქე მაინც სხეულის ესა თუ ის ნაწილი გამმწვანებიათ, მე კი, მე კი, მწვანეში ვარ ამოვლებული ჩურჩხელასავით. ელოი, ელოი, ლამა საბაკთან!“.

თხრილის კიდეზე ჯდება, უფრო სწორად, შიგ ჩამალვა განუზრახავს, ჩაიმალება კიდეც და ახლა იმ წუშიდან ზვერაგს დაფორიაქებულ მეზაგრებს. ხედავს ბონდო მუხლებამდე ჩამოცურებულ ძუძუებს, კოჭებამდე ჩამოზიდულ ვასაკასფერ დუნდულებს და ასობეს. ხვდება, რომ მწვანე ფერი მხილებათ, მწვანე ფერი მანკიერების დამადასტურებელი საბუთია და უფრო და უფრო მიძვრება თხრილში, მაგრამ, აი, სიბნელიდან მაგნოლიის ყვავილებივით ქათქათა მტკევენები გამოქანდებიან მისკენ. სახე არა ჩანს, აღარც მხრები და ტანი, მხოლოდ მტკევენები კამკამებენ.

— დახედე ამათ! ნეკა თითზე კინალამ მეც გამომეკვრტა მწვანე! მოდი, ჩემთან, მე გიშველი, მე გიხსნი წარწყმედისაგან! — ეჩურჩულება უჩინარი ქალი და ბონდოც მიენდობა უხილაგს. გრძნობს, როგორ დაუვლის სხეულში ჟრუანტელისმაგვარი სითეთრე, გრძნობს, როგორ გადმოედვრება ფარული უმანკობა. „გადავრჩი, გადავრჩი“, უხურს გონება. მტრედები ირევიან, ირევიან.

ვთქვათ და, რომ გეკითხათ ლტოლვილისთვის, ამ სასტუმროში რანაირად, ვისი დახმარებით მოხვდიო, გელარაფერს გიპასუხებდათ. ბუნდად აღადგენდა ადმინისტრატორის ცხენივით წაგრძელებულ სახეს. აღადგენდა მასაც, თუ როგორ ედავებოდნენ, ცხვირწინ ქალაღდებს როგორ უფრიალებდნენ, მაგრამ ამ დიდებულ ლუქსში ვისი წყალობით აღმოჩნდა, ამოცანა იყო ყმაწვილისათვის. ისევ თავიდან იწყებდა ფიქრს.

აგერ, მოტორიან ნავში ზის მასწავლებლის პირისპირ. აგერ, კამეჩების ჯოგი, ოსტატი — მკერდზე მიხუტებული პრიალადრუნჩიანი ზაქით. აგერ, ონწყვეშიის დუმიფარებით დაფარულ წყლებთან გამართული საუბარი. **Nolli me tangere** და ნეკის სისხო ეკლის მოწყვეტა. საზეიმოდ მორთული სუფრა. სიჩუმის სიმბოლო ვარდები.

„ნუთუ ყველაფერი წინასწარ ჰქონდა მისხალ-მისხა განჭვრეტილი?! მაგრამ კოჩიას რომ არ შეესწრო არღამელ-ცირას ეუპარე-

უნისისთვის, მაშინ, მაშინ ხომ არ მოგხვდებოდი სატანჯოზე და არც უნინ ანთარის სამეურვეო შევიქნებოდი?! აბა, სად არის აქ ლოგიკა?! იქნებ განგებამ თვითონ იზრუნა რააბის უტოპიური მიზნებისათვის?!

მაფა: შენი მასწავლებლის სახელს კვლავინდებურად არავინ ახსენებდა, ნანაგე, ბონდო. შესაძლოა უფრო იმიტომ, რომ აუია აბშილასესა და მერე ხანანტი მაკრონსეს სატანჯოში განკურნებამ ძმათამკვლელად მონათლული ჯიგე უძღურის ბრალდებისაგან სამუდამოდ გაათავისუფლა. წლებსაც თავისი მიჰქონდა, ეგეც რომ არა, თდაბადე-სატანჯოს შუა ხიდივით გაიდო ჩვენი თავგანწირული სიყვარული. ამიტომაც, ბუნებრივია, ქალი თუ კაცი ენას კბილებს აჭერდა, თავს იკავებდა ჯიგე ანთარიას საჯარო გაკიფვისაგან, თორემ შინ, კერიასთან, აქეთ მოდიო, შე უღმერთო, უნინ ანთარი და ეს უთურიმ ბავშვები მოგვაშორეთ, გასძახებდნენ სიბნელეს ყასიდად და რა ცელქებიც უნდა ყოფილიყვნენ აურზაურის მოთავენი, მაშინვე გაისუსებოდნენ.

ამისთანა ერთგულს წიგნებში თუ შესვდები! ჰმ! განკურნება!

კონია: მკერდზე პირმშომისუტებულმა დაწყველილი კუნძული უკან მოვიტოვე თუ არა, თემშარა გადავჭერი, წყლით გაწინებელი დეღე გავტოვე, დობეზე წვალე-წვალეებით გადავითრიე სხეული და მზის მიმართულებით მივჰყევ და მივჰყევ სიმინდის გამორიდებულ ყანებს. უკურნელი სიბენავის კვალთაზე, ქურდულად, უკაცრიელი გზით აქამდეც ბეგრჯერ მივლია და რადგანაც საკუთარ სიდუნჭირეში ისე ვიყავი თავმონასკეული, როგორც აბრეშუმის ჭია ჭუჭკ პარკში, ადამიანებთან შესვდრას გავურბოდი.

ასეთი ხელოვნურობა, ასეთი სიყალბე, ბაბაია, ეკადრება შენისთანა საკმეველივით სუფთა გულის კაცს?

კვლავ განმარტოებით სიარულს გამჯობინებდი. ხომ გავაღწევდი ტრასაზე ადრე თუ გვიან?! ჰოდა, იქ საბოლოოდ გადავწყვეტდი, საითკენ გავსწევდი, რას ვიღონებდი. მინდოდა თავიდან ამომეგდო წელანდელი ნანახი და მოსმენილი, მინდოდა ეს მტანჯველი სინამდვილე შვილის მერმისზე ფიქრით გამექარწყლებინა, თუმცა საკმარისი იყო ორი-სამი წარ-

მოსახული სცენა გადაბმოდა ერთმანეთს, რომ ისევ ამოხეთქავდა საზარელი ცხადი – იატაკზე საწმინდი ჩვარივით დატყლაპებული ცოლისა და არდაშელის ნიშნისმოგებით მოღრეცილი ტუჩების მოლანდებიანი.

ყოველგვარ კაცობრიულ ფასეულობაში შეექვებული ამიერიდან ერთადერთი საზრუნავით ვაპირებდი არსებობას, ერთადერთი სატკივრით ვაპირებდი ჩინდრიკს ამ კუშიან დუნიასზე, მიწას შევჭამდი, დუყლა ანთარიას წისქვილის დოლაბის ქვას თავზე დავიტრიალებდი და შვილს რამენაირად ღირსეულ მოქალაქედ აღვზრდიდი. იმწუთას მე ვზაჯვარედინზე გახევებულ ყარობს ვედრებოდი რამდენადმე. პოეტობს. ოდაბადეში ცხოვრება აქამდეც არ ყოფილა სახარბიელო ჩემთვის. აგერ, გავიდოდი ტრასასზე და იქ გადაწყდებოდა, ზუგდიდს შევეფარებოდი, სატანჯოს თუ ცხრა მთას იქით გადავიკარგებოდი. თქროს ხელების კაცს ლუკმა-პურის შოგნა არსად გამიჭირდებოდა, მაგრამ უკვე მერამდენედ შემომიცურდა ცნობიერებაში ცოლის სახე, მისი გულსმკვლეელი სიტყვები და რატომღაც შევეკრთი, ვინაიდან მომეჩვენა, რომ შკვითინზე არაფრისდიდებით მომეშვებოდა. გნებავთ, მოუსაველეთში გავხნიწულიყავ, ბონდოს არაფრით დამითმობდა, თუ დასჭირდებოდა. თავის ბუღას შემთიშველიებდა საამისოდ. კანონის ამამღვრეველებს მოისყიდინენ, როგორც ეს აქტის გაფორმებისას დამმართეს. ვთქვათ და რამდენიმე წელიწადს დამაღვა კიდევ მომეხერხებინა, მაგრამ ერთ მშვენიერ დღეს რომ ჩამავლებდნენ ხელს სამხრეებიანი კაცები? ცხაურებიან მანქანაში მუჯღუგუნებით მიკრავდნენ თავს და უბოდიშოდ მიმაბრძანებდნენ სადაც ჯერ არს! აბა, ნოჩოს ბიჭს შემარჩენდნენ სწორედ სახელმწიფო ქონებს გაფლანგვას! მოკლედ, ჩემს ბონდოს ქუჩის მაწანწალას ბედი ელოდა, ან, უკეთეს შემთხვევაში, ავხორცი დედა დაიბრუნებდა და დარჩენილ სიცოცხლეს ჯოჯოხეთად გადამიქცევდა. არა, მართლმსაჯულებას როდი გავურბოდი, მაგრამ ჯერ ბავშვს დავაბინავებდი სამშვიდობოს, მერე გნებავთ კედელთან მივეყენებინეთ! და როცა გონებაში ჯეროვნად შევაფასე შექმნილი ვითარება, დავრწმუნდი, რომ ამისთანა უსაფრთო ადგილი სატანჯოდა აღმომაჩნდა. თუ საშველი გაწყდებოდა და ციხეში ჩამსვამდნენ, ხუთ-ექვს წელიწადში სასჯელს მოვიხდიდი.

ამასობაში სანდო ხალხთან მიზარებული ბიჭიც სასკოლო ასაკისა შეიქმნებოდა და შემდგომში თვითონ ცხოვრება გარკვევდა ყოველივეს. მივდიოდი აკოკრილი სიმინდის ყანის გასწვრივ. ისევ მოფამფალეული კიბეები ამესვეტა თვალწინ, ისევ თავიდან დამიტრიალდა განცდილი სინამდვილე — ფანჯარასთან გავჯიმული, გულხელდაკრეფილი არდაშელის იერი, იატაკზე საწმენდი ჩვარივით დატყლაპებული ცოლი, ფითქინა ლაჯებზე კაბის ჩამოფარება რომ ვერ მთესწრო და ის წამი, როცა გავაზე ვაძგერე მუსლი და კუთხეში გულაღმა მივაგდე.

საზიზღარი! თვითონ ხომ დამკარგა და რა ენაღვლება, მაძულებს დედას!

ახლა დანამდვილებით მჯეროდა, რომ ცირას არასდროს ვყვარებივარ მე. თორემტი წელიწადი ისე ვივაგლახეთ ერთად, შკვითინეს არასდროს უღირსებია ჩემთვის შეგებისმომგვრელი სიტყვა — მიყვარხარ. იქ, ლოგინშიც, როდესაც ჩემს უდღეურ ნეკებს ჭახაჭუხი გაუდიოდა ხოლმე, ცირა მთელ არსებით არდაშელს ეკუთვნოდა, არდაშელს და არავის — სხვას.

მზე უკვე გვარიანად მოღონიერებულებოდა წელში.ყანის ბოლოში მავთულხლართში გავძვერი და ისევ დავისველე ისედაც ქვაყინულად ქცეული ფეხები. ალიტერაცია*. აქედან ჩაის პლანტაციები იწყებოდა, რომლის ქარსაცავი ზოლის სიახლოვეს „საქართველო“ ჟანგისფერ ხომალდით აღმა მიუყვებოდა რუდუნებით გასწვრივ მწკრივებს. აკეკლუცებს სიტყვას. დრანაყის გასწვრივ კოლბოხებიან ბილიკს ბორძიკით ავედევნე. ბონდოს ჯერ კიდევ ტკბილად ეძინა. მამამ უფრო მოხერხებულად მივიხუტე მკერზე საყვარელი შვილი, თან ნიკაპი ამითროლოდა რატომღაც. საკუთარ თავში შეეჭვებამ დამრია ხელი. რომც არ დამაბატიმრონ, გალოთებული კაცი შეგძლებ კი ძუძუთა ბავშვის შენახვას? დამიბეჩავდება უბედურ დღეს გაჩენილი-მეთქი, გავიფიქრე შემკრთალმა და კვლავ ტკურტკურით გადმომიცვივდა თვალებიდან ცრემლი. სადაც არის, პატარა გაიღვიძებდა, შოშიას მართვესავით დააღებდა პირს და საკვებს მომთხოვდა. საამისოდ კი საგაღალოდ არაფერი მიზრუნია, თუმცა სიმართლე რომ ითქვას, იმ წნედაცემულობის შემსწრეს,

შემეძლო მსგავს რამეებზე მეფიქრა?!

თუ შენგან მეყოლა გგონია, ძლიერ შემცდარხარ, შენ ვინ მოგცა, გადამწვარს, მაგისი უნო და მარიფათით, მათრახივით აზუზუნდა ჰაერში ცირას სიტყვები.

მამწარებდა, სხვა არაფერი-მეთქი, ჩავილაპარაკე ნირ-წამხდარმა და საკუთარ ვარაუდისთვის მეტი დამაჯერებლობა რომ მიმენიჭებინა, დაჟინებით დაგაშტერდი მდინარეს. ტა-ატით მოთენთილი ცეროდენა ნეტარებით აცმაცუნებდა ტუ-ჩებს.

პირწავარდნილი მამამა-მეთქი, გავიმხნევე თავი. დრო-დადრო გარდასულ დღეებსაც ვისხენებდი. თითქოს ერთგვარად ვაჯამებდი განვლილ ცხოვრებას, თითქოს ვარკვევდი, ვიყავი თუ არა არდაშელის წინაშე დამნაშავე.

თორმეტი წლის წინათ ენგურის სიანლოვის რომ არ დავეშინებინე ცირას, ვიკისრებდი ვითომ ამ საქმეს-მეთქი, ვფიქრობდი ხმამაღლა. იქნებ უღირსად მოვიქეცი, როცა დახმარების ხელი გაგუწოდე არდაშელისგან წუმპეში მოსროლილს?! ღმერთმანი, კარგად დამიფასდა ამაგი, ენით ვერ იტყვი, ისე, შესანიშნავად, დიდებულად-მეთქი, ვკიცხავდი საკუთარ თავს მწარე ღიმილით. ხელისგულზე სანეტარო სითბო ვიგრძენი. ბონდო ბიჭი დაურიდებლად იკმაყოფილებდა ბალღურ მოთხოვნილებებს და ისევე ამითროლოდა ნიკაპი ლტოლვილს. სადაც არის გაგალწევდი ტრასამდე და იქ კოკი გერგედა ყველაფერს მომიხერხებდა. შვილსაც დამაბურებინებდა, ორი-ოდე გროშსაც გამოიმეტებდა შეჭირვებული ამხანაგისათვის, ოღონდ ამ უკაცრიელ ალაგას არ გამოღვიპებოდა პაწიას. ამისთანა ფიქრებით გარემოსილს თავზე თვითფრინავი გადამიგრუნუნდა და ძილით გათანგული ბონდოც დაიკლაკნა, ცისფერი თვალები დაჭყიტა, მიასხავლა იქაურობა. გამანადგურებლის ფუმფულა კუდს რისხვით მივადევნე მჭერა.

ფსიიააა, ფსიიააა-მეთქი, ჩავპახოდი შემკვიდრეს ცოლის მიბაძვით, ხან მარჯვენა მკლავზე გადავაწვენდი, ხანაც — მარცხენაზე, მაგრამ პატარა საცოდავად იჭინთებოდა, სახეზე სისხლმოწოლილი სწარსხალებდა და გულგადაქანებულ მამას ისლა დამრჩენოდა, დედის ძუძუს მაგივრად ნეკა თითი შემეტყუებინა ჭირვეულისათვის, თუმცა როცა იქიდან სახეირო ვერაფერი ნახა ჩვილმა, კვლავ აჭყლობინდა. შემ-

ფოთებულმა ფეხს აგუჩქარე. მერე პუნძულზე გადაგედი. სადღაც გაქრა წვლანდელი დაღლილობა. სამალავიდან მოსმენილი დაილოგებიცა და ოდის შიგნით ხილული ჯოჯოხეთიც ერთბაშად ამომიფრიალდა გონებიდან. სველი ტუფლები ყოველი ნაბიჯის გადადგმაზე ყუტყუტებდნენ. მუხლებზე მეგლასუნებოდა შარვლის ტალახიანი ტოტები.

რეალურია ეს ყველაფერი? უკიდურესად აგზნებულის, სულიერად აშლილის ცნობიერება აღბეჭდავდა ვითომ ასეთ წვრილმანებს?!

მივრბოდი თავქუდმოგლეჯილი. არაფერს ვჩიოდი, ოღონდ შვილი დროულად გამეყვანა სამშვიდობოს. აჰა, გალიფუნებული ცალი ფეხსაცმელი წამძვრა კიდევ, მაგრამ ეს დანაკლისი აინწუშიაც არ ჩავაგდე. დარჩენილი მეორე უკვე აშკარად მაფერხებდა გამეტებულ სწრაფვაში და მხოლოდ წამიერად, წამიერად შევყოვნდი, რათა ხელის შემშლელი ზედმეტი ბარგი თავიდან დროულად მომეშორებინა. ახლა წინდებისამარა ისე უმტკივნეულოდ გადავირბენდი ღიჭით, როკითა და ნარ-ეკლით მოფენილ არეებს, თითქოს ფენქვეშ თურქული ხალიჩები მქონოდა გაფენილი. ასეთნაირი სრბოლის მიზეზი ნაწილობრივ ინგირის ჩაის ფაბრიკის აბოლებული მიღების გამოჩენაც იყო.

ცოტაც მოითმინე, მამა გენაცვალოს! ჩემი თვალებბრიალა ბოში-მეთქი, ვაშოშმინებდი ტირილით მისავათებულს. ჩაბეტონებულ გისოსებს მივსდევდი. ჯერ კიდევ შორიდან შევნიშნე მალაზიის ღია კარები და ანაზდეულად ენით აღუწერელი შვება დამეუფლა. ორსართულიანი ქვითკირის შენობის წინ პარადანურული საბარგო მანქანიდან ღვინიან ყუთებს ცლიდნენ. თვითონ ქონმოძალებული კოკი გერგედა ზურვით იდგა კაცებში და დავთრებს აფრიალებდა. კბილით მივიტანე სული მალაზიის სამსაფერხურიან კიბემდე და ბეტონზე მოწყვეტით დაგეშვი.

ეს რა დაგმართნია, უბედურთო, შესძახა კოკი გერგედამ. ჯერ გახეთქილ შუბლზე მომაჩერდა, მერე ასხავლებული ბავშვი და ქუსლებამდე ჩამოჩაჩული წინდები რომ დამინახა, მთლად აირია.

ბიჭო, დაიღუპე თავით, გამომცდელად ჩამხედა თვალებ-

ში.

თუ ძმა ხარ, ვინმე მეძუძური ქალი მამოგინინე, თორემ ხელებში შემომადნა შვილი-მეთქი.

ბავშვი წყლად არის ქცეულით, თქვა კოკი გერგედამ, როცა არაქათგამოცლილ მამას ჩვილი ჩამოართვა.

მანტი, შენს ძეკერეს ბუბუს წოვა ხომ არ მიუტოვებიათ, ჩაეკითხა თავის მიუბრუნებლად ძარზე მყოფ კაფანდარა მტვირთავს.

დედის მკერდი კი არა, ორი ჩოგანი ღოძი არ ჰყოფნის მამაძაღლსო, იმან.

გალოდიას ცოლმა იმშობიარა ამას წინათო, უბასუნა სპეცტანსაცმლიანმა ახმანმა.

აგაშენა ღმერთმა, მანქანით გაგარდით, მანტი! ღვინობის გადმოტვირთვას ყოველთვის მოვასწრებთ. მისვლა და მოსვლა ერთი იყოსო, კოკი გერგედამ.

მალაზიის ნახევრად ბნელ შენობაში შევლაგდით. ფართლეულისა და ნესტის ნაცნობი სუნი მეცა.

გეყოფათ ლუდის წრუბვაო, დაუცაცხანა მექანიზატორებს კოკი გერგედამ. სეგე, საწყობში შედი და არაყი გამოიტანე, შენ კი, ღუდა, კანფეტი მომაწოდე იმ ყუთიდანო. გაინძერ-გამოინძერით, თორემ ჩემს დღეში ჩაცვივიდებით ყველანი. იპოგეო, გასძახა საწყობში გაუჩინარებულ ახმანს.

კი, კი. ჭიქებიც მოვაცოლოთ, იმან.

გადამრევს პირდაპირ! სულ დაღვევისაკენ უნდა გეჭიროთ თვალი?! აი, იმ თაროდან ხელსახოცი აიღეო, კოკი გერგედამ.

რომელი, ესო, იმან.

ჰო, მაგით. დაასველე ახლა არაყში და რაიმე ვუსაშველოთო. რა მოუხერხებელი ვინმე ხარ. ბიჭო, ქალაღდიანად ხომ არ ჩავუდებ პირში? გაფცქვენი ქე მაინც. იქნებ მარიას მოსვლამდე ცოტათი დაწყნარდესო, გოგი გერგედამ.

არიქა, სასულეში არ გადაცდეს-მეთქი, შევიცხადე ყუთზე დაგდებულმა.

შენ იყავი მანდ. აბა, აღუ-აღუს ძახილი უშველის შიმშილისაგან გაწამებულსო. დროზე რომ შეგეტყობინებინა, ქვეყანას შევეყრიდი და აქტს არაფრით გაგაფორმებინებდით. საოცარია პირდაპირ, იმ სიშორიდან რაღა მაინცდამაინც შენს გასაუბედურებლად ჩამოეთრნენ?! სამარეს გითხრის ვიღაც თქვენებურიო.

ეჰ, მითხრის კი არა, გამითხარეს და ეგ არის-მეთქი. შენ ფიქრობ, მომხმარებლები მიჩივიან ან სამსახურში მეცილებ ვინმე?! მას რომ იყოს, ჩემზე ბედნიერი კაცი დედამიწის ზურგზე იარსებებდა? მაგრამ როცა ღვიძლი ძმა და ცოლი ყელს გამოგჭრიან, მიდი და ჭკუიდან ნუ შეიშლები-მეთქი.

მომკალი და მაგას ვერ დავიჯერებო.

თითქოს მე მიხარია, თავზე ლაფს რომ ვისხამ ჩემივე ხელით-მეთქი. გამთელეს, კოკი, გამთელეს! სხვანაირად ვერ მიუჩინებოდნენ ერთმანეთს და ყველაფერს მივაფურთხე, ყველაფერს-მეთქი.

ნელი ცეცხლი უნდა შეუნთო ერთსაც და მეორესაცო, თქვა წელში სასაცილოდ მოღუნულმა სევემ და დაჭმუჭნილ ხელსახოცში ისე ჩაარაკრაკა არაყი თვალიც არ დაუნამხამებია.

მაღაზიასთან მომუხრუჭებული მანქბანის კაბინიდან ახალგაზრდა ქალი ჩამოხტა. მოლაღურისფერი ხალათი ეცვა. შიმველი ფეხები ჩუსტებში ჩაედგა.

სად არის ბაგანაო, უხერხულობის დასაფარავად ამბობდა იგი, თორემ მშვენიერად ხედავდა, თუ ვის ხელებშიც ღვარკალებდა დოღრიალა ანგელოზი.

დედაკაცს ტაბურეტი მიურბენინეს, მერე შეთანხმებულებივით განზე მიდგნენ. „ყაზბევი“ გააბოლეს. გვესმოდა, ზორბა-ზორბა ყლუბებით როგორ ნთქავდა მაუკვდავებელ ნექტარს ჩვილი და კმაყოფილების შუქი გვეფინებოდა სახეზე. დროდადრო ქალი ეშმაკური ღიმილით მოგვხედავდა გისოსებიან ფანჯარასთან შექუჩებულებს, თან, საცოდავი ბაგანა კინაგამ შიმშილიტ მოგიკლავტო, განურჩევლად გვადანაშაულებდა ბრალიანს და უბრაალულს.

მეორე ძუძუს ჩაფრენილ პატარას უკვე თავდაპირველი სიმშაგე წართმეოდა, თვინიერად კრუტუნებდა, აქა-იქ თვალებიც ელულებოდა, მაგრამ მკერდის არსებობა გაახსენდებოდა თუ არა, მაშინვე პირს გამალებით აამუშავებდა.

დაიდზინა ჩვენმა დევგმირმაო, ხმაპარვით ჩაილაპარაკა სახეჭორფლიანმა მანდილოსანმა და თავისუფალი ხელით საკინძე შეიკრა.

კოკი, ბაგანასტვის ტანსაცმელია ახლა გამოსაცვლელიო, თქვა გადაჭრით.

ბავშვის საცვლებს ჩვენთან რა უნდა, მარიაო, შეწუნდა კოკი გერგედა.

არკის და გვინის მეტი არაპერი გახსოვტ ტკვენ! ბამბა-ზია მაინც არა გაკვსო, იმან.

ბამბაზია? ახლავე, მარია, ახლავეო, დაფაცურდა კოკი, დახლს ხენეშით გადააწვა, ბამბაზიის თოფი დაითრია. გადა-აგორა რამდენჯერმე, მერე მაკრატელი გააწკლაპუნა, გადა-ხია ქსოვილი და მოწიწებით მიართვა მოსაყვედურე დედა-კაცს.

ვაგინარებია კსენიას გულიო, ამბობდა გაცისკროვნებუ-ლი ქალი და ჩვილს ოსტატურად ახვევდა ბუსუსიან ნაჭერ-ში. ბაგანა აკამდეც გაკვდათ ასაკვანი, მაგრამ დეობს გვიან, ვიდრე — არასდროსო. მოსჭრა და დახლიდარს ნეტარებით მთვრალმა დაუბრუნა ბიჭი. ერთხანს დარეტიანებული გუმ-ზერდი შორეთს, თითქოს რაღაც სულისშემძვრელი სცენა თამაშდებოდა იქ, სინამდვილეში ბლანტ ბურუსში მივბიჯებ-დი. უცებ ელდა მეცა, ვაიმე, ბონდო, შვილო-მეთქი, ვიბდავ-ლე ბუნავში მომწყვდეული ნადირივით, ზეწამოვიჭერ. დაფე-თებულ კოკი გერგედას ელვისებურად გამოვსტაცე მემკვიდ-რე.

ყელამდე ვარ თქვენი პატივისცემით, მადლობელი ვარ ყველაფრისთვის-მეთქი, ვყვიროდი და ახლა მთლად ფეხშიშ-ველი ძველებური სიფიცხით მივივრისებოდი მოასფალტე-ბულ ტროტუარზე.

მეფე შიშველია. გათამაშებული გულწრფელობა. მხილებულის აღსარება. მამა! შვილი! ხაზგასმები პრიმიტიული ხაზგასმები!“

ბონდოს უნდოდა თვალნათლივ წარმოედგინა შვიდი აპრილის უმანკო ჩასახვის სცენა. აგერ, დაჰიპნოზებულ დედამისს თავზე დას-ტრიალებენ ჟინი ანთარი და მაფა ჰალიძონახე...

— არა! არა! — დაიკვნესებდა ყმაწვილი მწარედ.

„როგორ გინდა იცხოვრო რობოტმა, ჰომუნკულუსმა?! გამდის, რომ მართლაც გამადიდებელი შუშები ამათარეს თვალეზზე აკვნი-დანვე. გამადიდებელი და თანაც ფერად-ფერადი. რომელი ქრისტე მე ვარ, ხალხთა უკვდავებას გამოვწვთო?! მაქვს კი საამისო უფლება?! ორფერი! ორფერი! ვთქვათ და მართლაც მივყვ მის საწადელს, მი-

ლიონებს ვუმეგზურე. ამით რა სულიერ სიმშვიდეს მოვიპოვებ, ან ინდომებენ ისინი ჩემს მესვეურობას? კინწისკვრით ლაფში მისვრიან. ვის რაში აინტერესებს სინჯარაში გამოჩეკილის მოწამეობა?“

ისევ სარკეს მიაშურებდა. ბუნაგში გამომწყვდეული ტყიურებივით ბოლთას სცემდა. თითებს იკბენდა. საუკუნოვან ფოტოებსაც ათვალეერებდა. მერე ერთგან, „თორმეტი იანვარი არ დაგავიწყდეს, თორმეტი იანვარიო“, ამოუტივტივდა ცნობიერებიდან და უცებ ციებიანივით დაფაცურდა.

სწრაფად შეიმოსა. სპორტული ჩანთა მხარზე მოიგდო, მოხურა კარი და გრძელ დერეფანს უჩუმრად მიჰყვა.

სართულის მორიგე არსად ჩანდა. მაგიდაზე დაყრილმა ნომრიანმა გასაღებებმა გაახსენა, კარის ჩაკეტვა რომ დაავიწყდა, მაგრამ თავჩაქინდრული დაეშვა მარმარილოს კიბეზე.

„ოდიშში“ ბონდოს სულ ცოტა ათჯერ მაინც უცხოვრია მოძღვართან ერთად, ხან — ერთი ღამით, ხანაც — ორით, შარშანწინ კი მთლად სამ კვირას დარჩნენ: როგორც განთესილმა ექსტერნად ჩააბარა რვაწლედის გამოცდები მაშინ პირველ საშუალო სკოლაში.

ადრიაანი დილა იყო. საახალწლო ჩიჩილაკებს ჰგავდნენ ქვექვერია* ნაძვები. ბროლის უშველებელი ლარნაკები დაეპირქვევებინათ უჩინმაჩინ ხელებს და მოიპნეოდა, მობრკიალებდა მირიადი ქრიზანთემა და გვირილა, მოიპნეოდა ცის მძაფრი სურნელებით, პატიოსანი თვლების ჯადოსნური ბრჭყვიანობით. უსიცოცხლო მზე ექსოვებოდა ამ ღვთაებრივ შრიალს და დაზნექილი ტოტების სატკივარი უკვე გაცილებით მახლობელი შეიქმნა ბონდოსთვის. ფანტელებისკენ მისდაუნებურად გაექცა მარჯვენა.

„ნეტავი ვინ ასათნოებს ამ უნიკალურ ფორმებს?! პირწავარდნილი ჯადოქარია ეს უბადლო შემოქმედი მატერია. დაჯდე და მთელი სიცოცხლე წიგნივით უნდა იკითხო!“

ყრუ ხეივნიდან მიაჩერდა ბაგა-ბაღს. მზრუნველ დედებს მოჰყავდათ დათბუნებული შვილები, მოჰყავდათ თითო-თითოდ, ორ-ორად, ხელისელჩაჭიდებით თუ ატატებულად, ვის როგორ და რანაირად უხერხდებოდა ისე. ან დაამუხრუჭებდა მანქანა ჟანგიან მესერთან. ჭრუა-ჭრუაო, დაიჭიმებოდა ჭიშკრის ზამბარა, მერე — დგაფ! ხაფად გაიღებდა ხმას რკინა და დაყურსული თოვლი ალაგ-ალაგ ჩამოწყდებოდა მოაჯირს.

„სულელები! ვერ დაამაგრებენ?!“ გაუელვა გონებაში ბონდოს.

თოვლი იისფერი ხავსივით მისძალეობდა საჭყუმპალაო აუზს, გა-

ხევებულ საქანელას, მუშტის სისხო ჯიხურებს. ცისკენ აელერათ თავი ფანერისაგან გამოჭრილ ჟირაფებს. თოვლის პაპას ყურებიანი ქული ეხურა, ყელზე წითელი შარფი შემოეხვია და ხელის მაგივრად გალუ-ული ცოცხი ისე აეწია, იფიქრებდით, ფიფქთაცვენას ესალმებო.

„ერთი დღით თოვლის ქეგლი დამიდგით. monumentum. ხელთუქმნელი. ჰორაციუს-პუშკინი. სესხება, მიმოქცევა, თანამშრომ-ლობა. ერთი მეორეში გადადის, მეორე მესამეში ითქვიფება. საინტე-რესოა ამ სანტა კლაუსს* რანაირად, როგორ აღმოაჩნდა ჩემი ბეწვის ქული და გადაი მათას მოქსოვილი შარფი?!

მაფა: დაგუშვით და სიმართლე ყოფილიყო ყოველივე, რა, არ მქონდა კანონიერ მეუღლესთან ცხოვრების უფლება?! აუია აბშილახესაც სწორედ იმ დროს შეეყარა სახადი, ნანა-გე. სოფლელებმა ავადმყოფი დროულად მოიშორეს თავიდან. რამდენიმე ოდაბადელმა ბორნამდე მიაცილა. ბოხნით ხშიადი მიაართვეს.

სატანჯოში წადი, იქნებ უინი ანთარმა გიშველოს რამეო, დაარიგეს ფხუკუნ-ფხუკუნით.

ბედის ანაბარა მიტოვებული აუია ივლისის დამდეგს ფერსავსე მობრუნდა, მაგრამ მალე მუცელიც დაუმრგვალ-და და ჭყონდიდამდე ენგურის ნაპირების მკვიდრად გამაგ-რების დღეებში ყურებდაცქვეტილი ბიჭი გააჩინა. საცოდავ ქალს კურთხეული დედობა არ დასცალდა, ვინაიდან გა-ფუფქული წიწვილის მსგავსმა კვეკვეკმ, როგორც კი ფეხი აიდგა, აუიას ჯერ ღრძილები დაუჩირქდა, შემდეგ ზედა ტუ-ჩის მარჯვენა კუთხე მოსცილდა, სულ ბოლოს ცხვირი ხრტი-ლიანად წააჭამა სენმა და დასასრულ, მდინარემ უშველა სასოწარკვეთილს!“

ზოგი პატარა ალაყაფის კარებამდის მიცილებას უკადრისობდა, ფეხებს მიაბაკუნებდა საგულდაგულოდ დახვეტილ ფილაქანზე. ზო-გიც ჭირვეულობდა, ჯერ კიდევ ძილნაკლულ თვალებს პაწია მუშ-ტით ისრესდა. კაბის კალთაზე ან შარვლის ტოტზე ებლაუჭებოდა მშობელს.

„რატომ მაინცდამაინც შვიდ იანვარს და არა ერთი დღით ადრე ან გვიან?! რატომ მაინცდამაინც სუფრაზე და არა ნავში?! იქ ხომ უკეთ გადამიხსნიდა გულს?! დუდუდუ-დუმ, დუდუდუ-დუმ“.

სამი გუნდა მოხვდა ზედიზედ. სხვებმა აქეთ-იქით ჩაუქროლეს. ერთიც რაფიელ ერისთავის ბიუსტს მიესნატა. მიტრიალდა აჩახა-

ხებული ბონდო და უფროსკლასელი გოგო-ბიჭების აქაფებული გუნდი შერჩა ხელთ. თოვლში ამოგანგლულებს ლოყები დასწითლებოდათ, თმა ჩამოშლოდათ, ტკარცალებდნენ, იზნიჭებოდნენ. მერხებზე ეყარა ჩანთები და პალტოები.

მიაბიჭებდა ტანმალალი ჭადრების ხეივანში ბონდო და უკან რჩებოდა გახვევებული ბაფთებიანების გაცემა, ყმაწვილების ირონიული გამოხედვა.

— ბორია მარჩიელობს, ბორია მარჩიელობს! — გამოარკვია ფიქრებიდან ბონდო ბოშა ქალის ქოთქოთმა. ქუჩის საათი კვლავინდებურად ორის ნახევარზე გაშეშებულიყო.

თავისუფლების მეცხრე დღეს ბონდო პალიძონია კანახდილივით გამოვიდა საპარკიმახეროდან. ცეცხლი ეკიდებოდა ნიკაპსა და ყბებზე. თავბრუს ახვევდა სამმაგი ოდეკოლონის სუნი. ჭადრების ხეივანში ისევ გუნდაობდნენ მოსწავლეები. ჩანთებს უზბაგუნებდნენ ერთმანეთს. ყველაფერს ფარავდა მათი ჟივილ-ხივილი.

— ასე არ სჯობია? — უთხრა წვერგაბურძენულმა ფოტოგრაფმა, — ახლა წახდა ქვეყანა, თორემ პირველ მოპარსვაზე ფულს ვინ გადაგახდევინებდა ჩვენს დროს.

ძველისძველ, ჭილის სავარძელში მოხერხებულად მოათავსა კლინტი. დასუსხულ სახეზე ნათურების სითბო ეამა ბონდოს. თვალს სჭრიდა კაშკაშა სინათლე, მაგრამ ქუთუთოებს მაინც არ ახამხამებდა. შტატივზე დამაგრებული ფოტოაპარატისკენ წაკელებავდა მესურათე. ოღნავ მარჯვნივ გადახარე თავიო, ანიშნა ხელით.

— პასპორტისათვის და სამხედრო ბილეთისათვის, არა?! — ჰკითხა ფოტოგრაფმა, როცა ობიექტივიდან „ჩიტი გამოფრინდა“. დალაქავებულ მაგიდასთან სკამიანად მიხრიგინდა და ხუთთუშნიანის დახურდავებას ამოდ დაუწყო ჯახირი.

— ჰოდა, კიდევ აი, ამ ფორმატის. „**ოღონდ დღეს გაჩუმდი, ჩემი ხათრით გაჩუმდი! საბრალოთ გადია. არ გამოთუვიდა ზგავის შეჩერება**“. ხურდა საჭირო არ არის.

ჩანთიდან ჟინი ანთარის სტუდენტობისდროინდელი ფოტოები მიყოლებით ამოალაგა ბონდომ.

— ჩინებული ნამუშევარია. როგორ შენახულა?! სად ისინი და სად — ჩვენ! ხვალ ამ დროს გამომიარე და მთლად ამგვარი თუ ვერა, იქნებ მიმსგავსებული მაინც დაგახვედრო, — თქვა და თვალმოჭუტულმა გააცილა ყმაწვილი კარის ჭრილში ალანძული თოვლეთისკენ.

„ტანმა ყველაფერი უგრძნო.

ჟინი. სად მეცნიერული თვალსაზრისი და სად — ჩვენი-მეთქი. სოხ, კაციჭამიებში მაგწაგინებ მერე კოჩიას ანგე-ლოთ ბაღანას-მეთქი.

ნუთუ მართლაც ღმერთად მოვლის?! მსოფლიო სული! აბსო-ლიტური გონი!

ჭიჭია ქობალია. აფშუშ, რა დღემ მოვეშჭარით?! შენშს მაღაჟიაში იშ დაგოგმანებშ ასლა.

კოჩია. როგორ, ცირიბია დანიშნეს ჩემი მაღაჯიის გამ-გედ?

კოლი ჭანია. ჰმ, ჩემი! გიკვირს, მოსსნა რომ გაკმარეს?! ვინ იფიქრებდა, ასეთი ყოჩალი თუ გამოდგებოდა! შენი ვალი სულ მისსხალ-მისსხალ ამოიღო. კაპიკი არაგვის შეარჩინა!

ჭიჭია ქობალია. აბა, კახო! ასლა უფულოდ აშანთიშ ღე-რო ვერ ჭამოგვიღია იქიდან.

კოლი ჭანია. არც ვაემტყუნება! გულკეთილობა მესმის, მაგრამ მთლად ასეთი?!

ჭიჭია ქობალია. მაჩალოშ, მაჩალოშ, ჩოტა ფულშ მოვა-ქურებ და მერე ვნახოთ ვინ— ვიშო.

კოჩია. ჩჩჩ. კიდევ აქეთ მემუქრება?! მოგკლავ გათახსი-რებულს.

ჟინი. ძინავს, ნურაფრის გეშინია. მაინც რათ შკვითინ-ხემ?!

კოლი ჭანია. დამიბრუნდება შვილთან ერთად და სომ კარგი, არადა, ყველაფერი თავის თავს დააბრალოსო. ისე, კაცმა რომ თქვას, სატანჯოში დასაბეჩავებლად კი არ გაჩე-ნილა ის ბავშვი. სად ვეძებო ასლა სამგლეები?

ჟინი. ესე იგი, თუ არ შეიგდებიან, დაავლებოთ ხელს და წაიყვანო, მაგრამ წალდი რომ არ გაქვო?!

კოლი ჭანია. რომელი წალდი?

ჟინი. რომელი, ჩემო კოლი და ამას წინათ ქუსლი რომ გადამისერა ონწყევშიაში თევზაობის დროს. სომ ჰყავს დუ-რუ, მარტონელა ქალს გასაზრდელად გეგც ეყოფა... კი და-ივიწყოს! გაიგეთ?! ამეებზე ერთხელ და სამუდამოდ მოვრჩით საუბარს. ალბათ, თვალით ანიშნა ჩემკენ“.

დრო გადიოდა, მაგრამ ბონდო ჰალიძონიას გულში სატანჯო-ელების სიბრალული ერთხელაც არ გაფაჩუნებულა.

„ძალი კოჭლობით არ მოკვდება. ნახონ, როგორი ყოფილა ათ-

ვალისწუნება და აგდებაო“, ისეთნაირად ასკვნიდა, რომ სინდისის ქენჯნის ნატამალსაც კი არ განიცდიდა. ახლა, ამ დამოუკიდებლობის ჟამს საბოლოოდ გადაწყვეტდა იგი, ვის აირჩევდა, რომელს — ბონდო პალიძონიას თუ ბუტუტი ანთარიას.

— გვარის გამოცვლაც თქვენთან ხდება ხოლმე?! — ჰკითხა ყმაწვილმა თავისუფლების მეთერთმეტე დღეს სანდომიანი სახის მანდილოსანს. გადია მაფასავით თხელს თვალის უპეებთან ნაოჭები მომრავლებოდა და თმაც ერთობ გასთეთრებოდა. შავადშეღებილი ნაქსოვი კაბა ეცვა, იდაყვებთან სინათლე რომ ატანდა, ისეთი.

მინაჩამსხვრეული კარადების თავზე, თაროებზე, გამობერილი საქალაღების ტევა არ იყო. საყვავილე ლარნაკთან, მტვრიანი გრაფინისა და გაბზარული ფინჯნის გვერდით, თალხი პურის ნახევარი და ჭემით სავეს ქილა იდო პოლიეთილენის პარკში.

— მაშ?! — უპასუხა ქალმა თავაულებლივ და სქელტანიანი ჟურნალის ფურცვლა განაგრძო.

— ბევრი საბუთია ამისათვის საჭირო?! — არ მოეშვა ბონდო.

— საკმაოდ, მაგრამ გამაგებინე, ვინ იცვლის გვარს, შენ ხომ არა?!

— სიტყვაზე მოგახსენებთ. „ხომ ვაგრძობინე ყველაფერი?!“

— ვიპოვე როგორც იქნა. ვითომ რათაო, შკვითინია სჯობია ჰალიძონიას?! „მთვარიდან ჩამოფრენილს ჰგავს“.

— მარტო ჯობნახეა საქმე?! რა ატირებდა პატარა გოგოს? შვილიშვილია?!

— ბებია ენაცვალოს, დამეჩაგრა ბავშვი, მაგრამ თქვენ საიდან?!

— გუშინწინ დილით გადასასვლელთან მოგკარით თვალი. წითელი პალტო ეცვა და თათმანიანი ხელით ფუნთუშას ილუქმებოდა აცრემლებულს.

— როგორი მიზეზიანი გამიხდა, ღმერთო! არ ვიცი რომელ წყალში გადავვარდე! ჩემი სიძე ქირურგია და მესამე წელიწადი სრულდება, რაც ნაირობში* მსახურობს. დალის სიკვდილმა ცხოვრება მოგვიწამლა ყველას.

რა გულით უნდა შევიყვარო ეს გაუხარებლი, რომელმაც ძვირფასი ადამიანი გამომაცალა ხელიდანო, წამოსცდა ერთხელ ნასვამს აკვანში მწოლ ანგელოზზე. მანეთიანი ცხვირსახოცი რაღა იქნება და ისიც არ ემეტება ღვიძლი შვილსათვის. სამედციინო კომისიაზე როდის გადიხარ?! „ოჯახაშენებული. მარწყვს ვუყიდი ამ ფულით ჩემს კუდრაქას“.

— დღეის სწორს მოდიო, კაპიტანმა. ჩამაწერინა, რა და რა ცნობა

მჭირდებოდა. „კენია* . თეთრი მთა. დიდი ამბავი, მოვლენებს თუ ვუსწრებ!“

— მაგვიანდება სამსახურში და ვჩქარობ. ის გაბუტული კი ბალის ეზოში აღმართული თოვლის ბაბუისკენ მიიწევს. ჩაბეჭილ ფუნთუშას დიდის ამბით უწვდის.

გამომართვი, მამიკო, ეხვეწება. ძლივს მოვაშორე იქაურობას. გამგემ მითხრა მერე, მოსულა წუხელ ვილაც შერეკილი, დარაჯი გაულვიძებია, ნიჩაბი და ცოცხი გამოურთმევია, ბილიკები დაუხვეტია და ეს საფრთხობელა დაუყუდებიაო. ვერ უნდა იყოს დალაგებულიო, თქვა და საფეთქელზე თითი დაიტრიალა. წარმოგიდგენია, საკუთარი კაშნე შემოუხვევია თოვლის ბაბუასთვის ყელზე, საკუთარი, ძვირფასი ბეწვის ქუდი დაუხურავს თავზე, წედან რომ მისასვოვრე ისეთი ხუთთუმნიანი უჩუქნია დარაჯისათვის, თან არავინ ააწაპნოს ესენი, თორემ მე ვიცი და ჩემმა კაცობამაო, დამუქრებიაო თვალების ბრიალით. დამლუპაო ქალი. ფანჯრებისკენ მიმახედა. შეჯგუფებულიყვნენ იქ ჩემსავით მოუცლელების პატარები და თოვლის ბაბუასთან მინდაო, ღრიალებდნენ გაბმულად.

ცამეტი დღეა, რაც ჩვიდმეტის გახდარხარ, ასე რომ, გვარის გამოცვლამდე გვარიანი ლოდინი მოგიწევს, — გაიცინა თმასპეტაკმა, — ამ უფლებას თვრამეტი წლის მოქალაქეს ანიჭებს კანონი. თუ განტერესებს, აგვრას სია და გადაათვალიერე ყოველ შემთხვევისათვის.

თაბახის ფურცლებს და ფანქარს უბოდიშოდ დასწვდა ბონდო. ხმამაღლა კითხულობდა და იწერდა.

— განცხადება. ორი ცალი ფოტოსურათი ექვსი ცხრაზე. „გავა, ბაბაია“ ავტობიოგრაფია. ცნობა საცხოვრებელი ადგილიდან. ატესტატის ასლი. პასპორტის ასლი. სამხედრო ბილეთი. ცნობა გადასახადის შესახებ სასოფლო საბჭოდან. ეს რაღაა?! — დარდიმანდულად ჩაეძია ჯეელი.

— მაგ საბუთს გვარის გამოცვლის ერთ-ერთ მოტივში შეაქვს სიცხადე. იქნებ დავალებულია მოქალაქე სახელმწიფო ხაზინისგან და ცუდლუტობს თავის ჭკუით, ათასების მითვისება სწადია.

— ჰოოო?! რაიმეილიციის დასკვნა. დაბადების აქტის ასლი. დაბადების მოწმობის ასლი. რესპუბლიკური მმაჩის არქივიდან მიღებული დაბადების აქტის ასლი. ეს რა ხათაბალა ყოფილა. ასლებსაც თქვენ გასცემთ ხოლმე?!

— არა, ასლებს ნოტარიუსი ამტკიცებს დედნების საფუძველზე. მომიწერე აქ ხელი. ესეც შენი დაბადების მოწმობა.

კვლავ მოთენთილობისმაგვარ ბურუსში მიაბიჭებდა ბონდო, თუმცა ცნობიერებაში ნათელმა სხივმაც იმდენად შემოაუქონა, რომ ნუგეშის, პერსპექტივის განწყობილება გასჩენოდა. სულ ამოჩემებულ საბავშვო ბაღს უტრიალებდა, ან ჭადრების ხეივანში თოვლმოკიდებულ ბილიკს ჭრატყურით მიუყვებოდა. ასწლოვან ხეებს თვალს აადევნებდა კენწეროებისკენ, სადაც დაქუცმაცებულ ცას ველარაფრით აკავებდნენ ვედრებადქცეული ტოტები. მთელი დღე ასე ბოდილობდა. მან ახლა დანამდვილებით იცოდა, რომ ვიდრე სრულუფლებიანი მოქალაქე გახდებოდა, კიდევ თერთმეტი თვე და დღეები უნდა ეცადა. ის მხოლოდ პოტენციაში იყო პიროვნება და ამისი გაფიქრებაც სასტიკად სტანჯავდა. მოედანს გადასერავდა და პირველი საშუალო სკოლის ღობის რიკინის გისოსებს მიეყრდნობოდა ჭიშკრის სიახლოვეს. დაელოდებოდა, სანამ უკანასკნელი ზარი ჩამორეკავდა, თანატოლები ქუჩაში გამოეფინებოდნენ, მაგრამ საუბედუროდ ვერავინ ცნობდა მასში ბონდო ჰალიძონიას. თვით ის პედაგოგებიც კი, შარშანწინ ნიჭსა და უნარს რომ უჭებდნენ.

„ნუთუ მართლაც ამდენად გამოვიცვალეო“ ფიქრობდა ყმაწვილი და იმავდროულად უნდა საქვეყნოდ ეყვირა

„შეჩერდიო! შემომხედეთ! ეს მე ვარ, განთესილი ბონდო ჰალიძონია, სწორედ ის ბონდო ჰალიძონია, რომელიც მთელი სამი კვირა საოცრებებს ახდენდა თქვენსაო“. მაგრამ ბოლო წამს რატომღაც გამბედაობა არ ჰყოფნიდა. საერთო მხიარულებაში ველარაფრით შეეღწია. მერე ტროტუარს გაუყვებოდა ჩაის ფაბრიკის გასწვრივ. გუმანს მისდევდა. ჩაუვლიდა ზანთარიების სამოსახლოს, სადაც არაერთი ღამე უთენებიათ კამეჩების ჩაბარებისას.

უცნაურია, მაგრამ ფაქტია, მისი ხეტიალი ყოველთვის სასაკლავოსთან მთავრდებოდა. ტანმძიმე ხალხის საქმიან საუბარს ყურს მიუგდებდა, თუმცა ის ფრაზები უმაღვე წარეხოცებოდა მესხიერებიდან. ანდა, ბონდოს რაში ანდვლებდა, თუ ვისი გაპატიოსნება ვერ მოხერხდა და ნიშანითმ როგორ დაიტირეს?!

ფუნაში გასვრილი საქონლის აწონვას აკვირდებოდა. ხანდახან ბაკშიც შეიხედავდა ხოლმე და შვებით ამოსუნთქავდა. როცა იქ ღორების კოლტი და ხარ-ძროხა დაუხვდებოდა. სასოწარკვეთილი უმზერდა დარეტიანებულ კურატებს, რომელთაც ფეშტამლიანი ბრგე ყასბები ელვისებურად დაკრავდნენ ქედებზე მოკლეპირიან დანებს და სულს გააფრთხოვნიებდნენ. უთვალთვალებდა, როგორ გამოაბამდნენ ჯაჭვებს, რანაირად ხრჭიალებდა ხრახნები, რარიგად განეშორე-

ბოდა ტყავი ხორცს, რაფერ ლაგდებოდა თავთავის ადგილას სუკი, ბეჭი, ჭიგარი თუ შუშისთვალეებიანი თავები. რალაც შემაზრზენი ხმა ჩასძახოდა ამ დროს ბონდოს. „შეჩერდი! რას სჩადიხართ, ჯალათებო!“ უღუღდა გონება და ისე გაეცლებოდა იქაურობას, რომ მისი ვინაობა არც ყასბებს ახსენდებოდათ და აღარც — სასაკლავოს ბატონ-პატრონ შალიკოს.

„ჟინი. ჩვენ უნდა გვატყუებდეს, ბუტუტი, ეს გაბერილი?! ტონანახევარი ხორცი მაინც აგვწაპნა თვალსა და ხელს შუა, მაგრამ რას ერჩი, ამათია ქვეყანა! არ დავთანხმებუდიყავით, კვრახე მეტ ხანს აქ გვაყურყუტებდა და უარესად ვიზარალებდით.

რა პრიმიტიულია ადამიანს ყოფა! ვიდრე ფული ან ძალაუფლება აქვს, სასურველია ყველასათვის. გონიერებას არაფრად აგდებენ. მათი ნებისმიერი ქმედება ანგარებითაა ნაკარნახევი. აგერ, ეს მობლუკნული ძროხა, განა ძროხაა მხოლოდ?! არაფერიც! ფულით სავეყ ყულაბაა იგი საბოლოო ჯამში. ჭაობისფერი წუთისოფლის გალამაზებას ამოდ ცდილობს ცარგვალი. ფულის სურნელი მცემს ყოველი მოსახვევიდან, ფულის კულტი გამეფებულა ყველა ჭიშკართან და სადარბაზოსთან. გობსეკომანია.*

ჟინი. არა, არა, რალაც უნდა შეიცვალოს ქვეყნის მასშტაბით. დროა გაიგივდეს პოლიტიკური და ეკონომიკური სტრატეგია, დროა უარი ეთქვას მონეტარულ სისტემას და მასზე აგებულ მცდარ დაგეგმვებს, დროა წინ წამოვწით ნატურალური მაჩვენებლები და ქვეყნის ეკონომიკა წარგმართოთ ადამიანთათვის სასარგებლო პროდუქციის წარმოებისკენ.

ადამიანებს ხელს არ აძლევთ ზიარი ჭურჭლის პრინციპი. გათანაბრება. განსაკუთრებულობა უღიტიანებთ სულში.

რად გამაჩინეო, იკითხა გრანელმა და პასუხიც ზუსტი მოუძებნა, მე ხომ სიცოცხლე არ მითხოვიაო. ცაბათიც მოწყენის გამო ურევდა თიხაში თითებს“.

იმავე გზით ბრუნდებოდა სასტუმროში, ოღონდ ამჯერად ქუჩის მოპირდაპირე მხარეს გადადიოდა. ზოგჯერ სასაფლაოზეც შეიტყუებდა ცნობისწადილი. „**მე რომ გაფრენა არ შემიძლია, ეს უკვე ნიშნავს გარდაცვალებას**“. გულხელდაკრეფილი დადგებოდა ჭირისუფლებში და მის მზერაში აილინებოდა თოვლი, მარმარილოებიდან მოღიმარი სახეები. იაფფასიანი ეპიტაფები. აქაც სუ-

ლი ეხუთებოდა. კვლავ თავჩაღუნული მისდევდა მოლიპულ ტრატუარს და ბაგა-ბალის დაბმულ ჭიშკართან ისეთ დროს აღმოჩნდებოდა, როცა პატარები შინ მიჰყავდათ მშობლებს. ფხუკუნით, პრანჰვა-კაპწიობით უთვალთვალებდნენ ბონდოს შინაბერა აღმზრდელ-მასწავლებლები, ლაბასავით მოთიმთიმე გამგე, მას მერეც, რაც ხუთ-ტონიანი ავზი საწვავით გაუპიპინდათ, დარაჯის ჯიხურში არაერთი მოსაკითხი დაუხვდეთა უცნაური ყმაწვილისაგან; მას მერეც, რაც სამკვირიანი თოვა მიწყნარდა, მას ულდგმულებულმა მზემ ისევ გამოიხედა, ნაბარდმა ინტენსიური დნობა იწყო ბარშიც, მთაზეც; როცა მოხშირდა ზვავ-მეწყერი და ყველას მოსალოდნელი წყალდიდობა ეკერა პირზე.

საღამოვდებოდა სწრაფად და ისევ თავიდან იწყებოდა ბონდოს მართონული ტანჯვა-წამება.

ადმინისტრატორს უხამს ანეგდოტს უყვებოდა სასტუმროს სახემოთხუპნული მარგარიტა გოტიე. ლტოლვილი მესამე სართულზე აითრევედა ტანს. მორიგე გასაღებს მიაწოდებდა.

— ნომრის ასე დაუდევრად მიტოვება შეიძლება?! — საყვედურობდა წარბშეყრილი და ყმაწვილსაც სიტყვა ეჩხირებოდა ყელში. მაშინვე სპორტული ჩანთისაკენ გააქანებდა ხელს. ახალი დასტიდან ხუთთუშინიანს ამოაძრობდა და ყველაფერი თავის კალაპოტს უბრუნდებოდა.

ისე, სიმაართლე რომ ითქვას, მომსახურე პერსონალისგან ყურადღება არ აკლდა ბონდოს. იმ დღეებში ახალთახალი ტელევიზორი დაუდგეს. მაცივარი გამოტენილი იყო ხილით, შებოლილი ძეხვით, წვენიებითა და ღვინოებით. კვირაში ორჯერ უცვლიდნენ თეთრეულს. საყვავილეში ცინცხალი მიხაკები ელაგა სულ.

მოგვიანებით, როცა ქალაქში მოძრაობა მიწყნარდებოდა, მის ნომერში შემოლაგდებოდნენ მორიგეები. ბონდო დიდის ამბის მასპინძლობდა სტუმრებს. ინსტინქტურად აკეთებდა ამას, მაგრამ როდესაც კამელიებიანი ის კურტიზანი ფეხს აითრევედა, ყურებამდე წამოჭარხალებული ყმაწვილი ლოგინზე წამოწვებოდა, კედლისაკენ გადაბრუნდებოდა და ქვიშაში თავჩარგულ სირაქლემასავით მანამდე იყო გატრუნული, სანამ კარი ჭრიალით არ მიიხურებოდა.

— როგორი ფიგურა მაქვს?! — ჰკითხა ერთხელ აბაზანაში შესვლის საბაბით ურცხვად გამიშვლებულმა დედაკაცმა.

— ფიგურისა რა მოგახსენოთ, მაგრამ აი, კორსეტი ლა ლიფი დი-

დებულაოდ გეკეთათ! — მიუგო განწირულის სითამამით ბონდომ და ყველაფერი ამით დამთავრდა.

საკუთარ მეობასთან მარტოდმარტო დარჩენილი ყმაწვილი თავს ხან ექიმად წარმოისახავდა, ხანაც — კორესპონდენტად; ზოგჯერ მოლბერტს დასწვდებოდა, ზოგჯერ — ვიოლინოს ბუდეს, აქეთ ნათელმხილველის მანტიაში შეძვრებოდა, იქით მაწანწალას ძონძებში, მაგრამ თითო ნაკლს ამორჩეულ ყოველ პროფესიას აღმოუჩენდა, ასე რომ, მისი ფიქრები ვეღარაფრით დაემგზავრენენ ზღვაურით დაძრულ ღრუბლებს ოდაბადესკენ.

ასხენდებოდა ბონდოს სასტუმროს ვესტიბიულში შეკრებილი ქერთიანები. მეოცნებე ახალგაზრდა მეხსიერებაში აღბეჭდილი ჯგუფიდან სასურველ ქალს და კაცს გამოაცალკევებდა. კბილებში ჩიბუხგაჩრილ წვეროსანს ოდნავ ცხვირაპრეხილ, ჩალისფერთმიან მანედილოსანს შეუამხანაგდებოდა. გუთებისა და არიელების ქორნიკონებსაც გადასწვდებოდა. შვაბეთსა და ბავარი-აში გაქროლდებოდა. ჰერ აქსელად და ფრაუ უტედ მონათლულების გენეალოგიასაც ჩაუღრმავდებოდა. ცნობიერების ბილიკზე ჩამწკრივდებოდნენ მანები, გერშები, ჰომეაისტერები, რენეკურები, ჰეკენები, ჰეკელები, ჰეგელები, ბენცები და ლანგენბეკები. რატომღაც გრისბახზე შეჩერდებოდა. შეწყვილებულ პიროვნებათა განსაზღვრა საარსებო დროს და სივრცეს მოსთხოვდა. წაკითხული თანამიმდევრულად წაეწყობოდა, წაეფინებოდა წარმსახულს. ბერლინს ბონი წაეკინძებოდა, დრეზდენს — ვაიმარი, ლაიფციგს — მაგდენბურგი, მიუნხენს — ფრანკფურტი, დიუსელდროფს — საარბრიუკენი, ჰამბურგს — ჰალე. იენას დასჯერდებოდა.

აჰა, ლოგინზე მისვენებული ბონდო სხეულს გამოეყო. ჭაობისფერი ჩანთიდან თხელძირიანი ტყავის ფეხსაცმელი ამოაქვს. ყელზე აბრეშუმის კოპლებიან ქსოვილს შემოიხვევს. გაჩახჩახებული რესტორანისაკენ მიემართება, სადაც ჭადრების დათოვლილი ხეივნის მხარეს გასაცნობად შემზადებული გრისბახები მოკალათებულან.

ბონდო ჰალიძონია იენელი ცოლ-ქრისკენ მიეშურება. დაჯდომის ნებართვას ითხოვს გამართული გერმანულით. ისინიც ყაბულდებიან და საუბარიც აეწყობა. გრისბახებმა უკვე მოასწრეს გერმანიის სოციალისტურ ერთიან პარტიაში გაწევრიანება. ომიანობის წლებში არალეგალურად ებრძოლეს ფაშისტებს. ცნობილი მეცნიერები დღეს კოლხეთში ჩამობრძანდნენ და რადგანაც

„რკინის ფარდას“* პირველად გამომცდარან, ბონდოზე უკუეთეს მეგზურს სად იშოვიან?! ჰერ აქსელი ორგანული სამყაროს ევოლუციის პრობლემებზე მუშაობს თურმე, ფრაუ ეტე — სიფრიფანა-ფრთიანების მემკვიდრობითობაზე. მათ შეხვედრაში არაფერია შემთხვევითი, პირიქით, ყოველ დეტალს აუცილებლობა ასაზრდოებს. ყმაწვილი იენური აქცენტით თავმომწონეობს სტუმრების წინაშე. დოქტორ მამას ასტრონომებს; დოცენტ დედას აგინეკოლოგებს. ღირსებას არც თავისთავს აკლებს, ოღონდ სამედიცინო ინსტიტუტის მეორე კურსელის მოსასხამს სჯერდება. აჰა, უცხოელი ცოლ-ქმარი გამზადებულია სახეზე შირმასავით ჩამოსაფარებლად. აწი თამამად შეაბიჯებს ოდაბადეში, თამამად მოიკითხავს ცირა შკვითინას, ნახევარძმებს — კემე და კვეკვე ანთარიებს, ცრუბიძა არდაშელს, ისე რომ, ბონდოს პიროვნება ვერავის დააქვეებს. იენელები იხიბლებიან ჭაობნარში მცხოვრები მეტყუვის, ხალხური მედიცინის ქურუმის, ჟინი ანთარის სიტყვიერი პორტრეტით, ვინც ჯერ კიდევ საუკუნის დასაწყისში სწორედ მათ სამშობლოში ეწაფებოდა ძმა გრეგორის მოძღვრებას.

საიდან იცნობს სატანჯოელს?! ესეც შეკითხვა! ამ რესტორანს ხიზილალთ, შებოლილი ყველითა და მისთანებით ამარაგებს.

თავს გადააქნევდა ბონდო. ახსენდებოდა, დაჭმუჭნილ ხუთმანეთიანებს როგორ ესროდა დამკვრელებს, რარიგად ელაქუცებოდა დიდი და პატარა, რაფერ მოედინებოდა შამპანურების ახალ-ახალი ნაკადი, ან რანაირად მისავათდა მესამე ბოთლზე. მერე თორმეტმა წყვილმა ხელმა სკამები ერთმანეთთან მიახრიგინა და რადგანაც სუფრის დასაწყისიდანვე „განმადიდეთ, განმადიდეთო“, ამოეჩემებინა ჰქონდა ლტოლვილს, იწყეს ლიწინ-ლიწინი თეფშებმა, ფუჟერებმა.

თანამეინახეებმა სახეჩატეტკვილ ჩია პოეტს მაგიდის კუთხე მოუსუფთავეს და ნეკროლოგის შეთხზვის ხელსაყრელი პირობები შეუქმნეს. მეორე დღით, აი, რა ამოიკითხა ბონდომ გვარიანად შელახული ხელსახოციდან:

„გარდაიცვალა ლოთმანიჟებისა და ლოთფოთების სწორუპოვარი უფალი გიორგი გიორგის ძე ხანთარიძე. პახუსელდიონისელების უბადლო თავადს ბედმა გაუღიმა, ჯვარცმამ გოლგოთაზე აუსვლელად — გაქანებულ ყანწთაცლაში უწია. ყმაწვილი მაცხოვრის ცხედარს განსპეტაკებისას თავს ევლებოდ-

ნენ მევალე ოფიციატები — მარია და მაგდა. საპატიო ყარაულში ერთმანეთს ცვლიდნენ რესტორანების მძიმე წონის დირექტორ-ვეშაპები, სასადილოების საშუალო წონის გამგედლაგები და სამწვადე-სახაშეებისა თუ კიოსკ-ჯიხურების ქვემსუბუქი წონის წვრილფეხობა.

ეკლის გვრგვინის ნაცვლად ახალგაზრდა ცაბაოთის მაღალი შუბლის შესამკობად მოფხეკილ იქნა ბოსტნეულის ნამუსრევი სხვადასხვა მაგიდიდან.

ღვინოცურვილი მაცხოვრის ცხედარი 05 საათზე გამოსვენებულ იქნა „ოლიშის“ სვეტებიან დარბაზიდან. დაოთხილი მრევლის კორტეჟს ხელმძღვანელობდა სპირტის ოსტატი ლესტა სესქურია, ხოლო ბალდახინს წინ მიუძღოდა დაზმირ ქაძანია ტერეს ბოხოხით ხელში, რომელშიც სევდიანად ჟღარუნებდა სხვადასხვა ეპოქის ჯინჯილები და ორდენ-მედლები. ყრმა უფლის ცხედარი 05 საათსა და 34 წუთზე მისვენებულ იქნა „ობლების“ ეზოსთან, სადაც დიდხეთქვებით ენუთუთქმელ განცხრომა გვაგემა უნეტარესმა ათორმეტ მოწაფეს და აღდგომის საბედისწერო მირაჟი საბოლოოდ რომ გაფანტულიყო, მოხდა გვამის სახელდახელო კრემაცია, რომლის შემდეგ, სულ რაღაც, შამპანური ბოთლი ფერფლი, გადაშვებულ იქნა ულტრატოქსიკურ ჩხოუშიაში.

ლოთმანიჟებისა და ლოთფოთების უფალთუფლის, გიორგი გიორგის ძე ხანთარიძის უკვდავსაყოფად გადაწყდა: ამიერიდან „კუჩხოზონუს“ უზნის მიმდებარე უსახელო ქუჩა და №8 ღვინო შერაცხულ იქნან წმინდანებად.

ებრძანოთ რესტორან-სასადილოების ადმინისტრაციებს ნებისმიერი მარკის სარეალიზაციო ღვინოს 40 დღის განმავლობაში ჩააცვან შავი ძაძები, ხოლო რაც შეეხება საკურთხს, ყოველი თვის 22-ში დიეტური მაგიდა დაეთმოს სულის მოსახსენიებლად.

ზუგდიდის ლოთთა პრეზიდიუმი, სპირტის ოსტატები, ოსტატობის კანდიდატები, პირველთანრიგოსანი და მეორეთანრიგოსანი ლოთები.

სამედციწინო დასკვნა: ლოთმანიჟებისა და ლოთფოთების განუმეორებელი მოძღვრის, გიორგი გიორგის ძე ხანთარიძის სიკვდილი გამოიწვია არა ოთხმა ლუოსმანმა, როგორც ამას ზოგიერთები იუწყებიან, არამედ ტვინში ერთი ყანწი ღვინის ჩაქცევამ —

ღვინინგიტმა. კუჭის განკვეთისას კი აღმოაჩნდა დიდხეთქვის დღე-ებში შექმული „ფუჟერების“ მოუნელებელი ნამსხვრევები. ზუგდიდის ლოთების პრეზიდუმის სახელით დაჩი კეზუა. ამინ!“

დრო გადიოდა და ბონდო თავმისაყრდნობელეს ვერავის პო-ულობდა.

ხეთქავდნენ და ცეცხლავდნენ ლოთები საღამოთი, რათა დი-ლით ნაბახუსევზე წყალწყალა ლუღით გამოსულიყვნენ.

მათხოვარსც კუჭის წრიალი იმდენს აკოწიწებინებდა გაშვე-რილი ხელით, რომ სადილისათვის და ჭიქა არყისთვის ჰყოფნოდა რამდენადმე.

ხარაზი ფეხსაცმლის მორღვეულ ლანჩებს უბაგ უნებდა ჩაქუჩს.

მასწავლებლები ოდესღაც დაზუთხულს ქაქანებდნენ. უფროს-კლასელი ყმაწვილები იხელთებდნენ თუ არა დროს, მოფარებუ-ლისკენ გარბოდნენ, აბოლებდნენ, ყომარბაზობდნენ...

სავარძლის ხალხი აშანშალებდა ბიუროს მასალებს, კინძავდა წყალწყალა საქმეთა ტომეულებს, სველ წერტილებში კეს ხელი-დან გავარდნილი ვირთხებიც უფროთხოდნენ შესვლას.

კანონიერი ქურდის ნაოხრალი უარვინო ბაცაცას ბრალდებ-ბოდა.

გარდაიცვლებოდა და ოქროდ გადაიქცეოდა სიცოცხლეში ქრისტეს ძვლის მკვნეტელი ისკარიოტელი* .

„სამკალი ფრიად არს, ხოლო მუშაკნი მცირედ, * ახსენდებო-და დავიწყებული სიბრძნე ბონდოს და დიდღელვისას გამოორიყულ ნიჟარასავით დაფავდა სულს გულგრილობის თვალუწვდენელ ქვიშრობში.

თორმეტის ნაცვლად ოცდაერთ იანვარს მიაკითხა სამხედრო კომისარიატს, მაგრამ იქ მხრები აიჩეჩეს და ვედარაფრით გაერკ-ვია ყმაწვილს, ვის დასჭირდა სამედიცინო კომისიაზე გასვლის მოჩ-მახვა, ბაგის თუ ჟინი ანთარს?!

ისევსაკუთარ პიროვნებას უკირაკიტებდა, პიროვნებას ზოგად-საკაცობრიოს, რომელსაც წესით ამაღლებული საქმეები უნდა ეთესა ყოველწამ, მაგრამ როგორც ახალგაზრდა რწმუნდებოდა, ადამიანები გარედან ჩარევას უკადრისობდნენ, თუმცა გზადაგზა არც ისე ცოტა ცრემლი შემოფეთებია ბონდოს.

მერედა, რამხელა იყო ცრემლი იგი?! რატომ ასი დაკიდევ ათას-ჯერ ზვიადი დედამიწა არ ატივტივდებოდა მასში თავის ზღვები-ან-მწვერვალებიანად?! მხოლოდ პატარათა კამკამა სახეები ესალ-

ბუნებოდა მის სულს, მის გაურკვეველ მდგომარეობას, შეგნებას იმისას, რომ ერთადერთი იყო.

„მიიმე ქვეყის ქუსლებით დაგვერდნობი პოლიუსს, როცა ქარი მოსკდება და ცას შეემუქრება“. კანში ვერ ეტეოდა. გაქცევა უნდოდა, მაგრამ სად, ვისთან?! ახლა, ამ თავისუფლების ჟამს, რაც მეტად ცდილობდა საკუთარი მეობის დამტკიცებას, მით უფრო ჰკარგავდა, მით უფრო გაუბრუნდა თითებს შორის წყალივით, ასე რომ, დამნაცრავ დეპრესიას, სტრესს, *ვერავითარ ძალას უპირისპირდებოდა.

ქადაგად დამდგარს სეანსის დაწყებამდე აძევებდნენ კინოდარბაზიდან.

ბოლოს და ბოლოს იმდენი მოახერხა ბონდომ, რომ საბავშვო ბაღის აღსაზრდელები ერთსულოვნად გადმოიბირა. ხელიხელჩაკიდებულ პატარებს დადიანების სახლ-მუზეუმისკენ თუ ბოტანიკური ბაღისკენ გაასეირნებდა. გუნდაობდა მათთან, ენას იჩლექდა, ნაყინით უმასპინძლდებოდა, ატრაქციონით ართობდა, საუკუნოვანი ცაცხვის გარშემო ფერხულს უვლიდნენ, ან საკოლმეურნეო ბაზრისაკენ ჩაატარებდა ნორჩებს და სანტა კლაუსივით ყველას უსრულებდა საწადელს.

მერე მოდიოდა პირქუში ღამე. ისევ ცარიელდებოდა ქუჩა, მოედანი. აინთებოდა ღამპიონები. ფანჯრის მინას შუბლით მიეყრდნობოდა ბონდო. საკუთარ შესაძლებლობებს მერამდენედ ამოწმებდა: მართლაც მოსდგამდა რაიმე ღვთიური ნიჭი, თუ ესეც უნინ ანთარის მორიგი თავლთმაქცობა გახლდათ.

„ეს ქალი ჩანთას შეიცვლის ხელშიო“, გაიფიქრებდა და ათამდე თვლას იწყებდა. გულისცემა უხშირდებოდა, როცა შვიდს გადასცილდებოდა და აპა, საოცრებაც — მანდილოსანი ტვირთს მეორე მხარეს გადაიტანდა.

„ეს წრიპა სიგარეტს გადაადებსო“, გაუელვებდა გონებაში და ბალანი აეშლებოდა, როცა ამწუთას მოკიდებულს თოვლზე მოისროდა ჯიბის საათის მალიმალ შემმოწმებელი ახალგაზრდა.

„იმ ტოტიდან სადაც არის თოვლი გადმოცვივაო“, მოსჭრიდა და უკვირდა, ავტობუსის ჩაქროლება ხეს დაბარებულებით რომ შეაფრთხილებდა.

ხანდახან კრიტიკულად უღრმავდებოდა ცხრა იანვრის ღამით

უნებლიეთ წამოღებულ სატანჯოელის მონოგრაფიას, რომლის მიხედვით სამყარო და ადამიანი განიხილებოდა როგორც რაოდენობრივი მატერიის თვისებრივში გადასვლა.

„გამაგებინა, ნეტავ, რის საფუძველზე აიგივებს ადამიანთან სამყარო? ერთი შეხედვით დასრულებულ ტვინში რის საფუძველზე ათავსებს უსასრულობას, ან გამართლებულია ვითომ რეალური და გონითი სივრცის იდენტურობის ჰიპოთეზა?! „ოდაბადე, როგორც ასეთი“ სამყაროს ხუთგანზომილებიანს წარმოგვიდგენს, რომლის სამი სტადია — მექანიკური, ფიზიკური და ქიმიური ფაზა, წარსულია, მეოთხე — ბიოლოგიური, დღევანდელია, ხოლო მეხუთე მომავლის პოზიციებიდან განიჭვრიტება, როგორც მსოფლიო გონის უდასასრულო სინთეზი. გამოდის, რომ საცდელ ობიექტში, ესე იგი, ოდაბადეში, სასინჯ სუბიექტს, ანუ მე — ინკუბირებულ შვილს, იმისთვის მგზავნის, რომ მერმისში ჩვენი შერწყმით რაღაც ახალ, მესამე თვისობრიობას ჩაუყაროს საფუძველი.

ჟინი: O, santa simplicitas!* გენიოსთა კვლავწარმოების საწინდარი გენური ინჟინერიაა, ბუტუტი. მომავალში სწორედ გენეტიკურ მასალაში გონივრული ჩარევის წყალობით გახდება შესაძლებელი სრულფასოვანი პიროვნებებით საზოგადოების მაქსიმალური დაკომპლექტება. მოვა დრო და მნიშვნელობას დაჰკარგავენ ისეთი სულიერი ფასეულობანი, როგორცაა: სამშობლო და ერი, სამკაული და ქონება, უპირატესობა და დამარცხებული. აი, აქედან მოყოლებული, კაცობრიობის ძირითადი ენერჯია გონითი სივრცის ათვისებას მოხმარდება, არსებითად, რომელიც მთლიანობაში ოდაბადეს მენუთე განზომილებას — სიცოცხლემისჯილის ფაზას შეეფარდება.

ტალახში გდება მიესაჯა ამ თოვლასაც ჩემსავით. ჩამომართვი, ჯიმაგე, ხელი!

მაფა: მერე იყო და მოულოდნელმა დიდთოვლობამ ჭერი ჩამოუქცია უმეტეს ოდაბადელს, სოხანემდემ ჩამოიზარდნენ ლოლუები. ერთსულოვნად დაირაზმნენ პირტიტველი ყრმები და ჭარმაგები, ანთარები და ჭანიები, აბშილები და მუშუქიები, მესნიები, ჩვენებიც. დასახვეტი შუადღემდე ჩამოთოვლეს, გადასახურავი შებინდებამდე გადაყავრეს. ხელგამოღებულთა გამასპინძლება ცალთვალა კუნტა ქობალიამ იკისრა, ნანაგე.

ალბათ, გაჭირვებამ თუ მოაჯულაო, იკვირვებდნენ წუწურაქის გულუხვობას, სვამდნენ შემოთაახებულ ორნახად არაყს და იღუნდნენ ასე. მერე ერთგან კოლი ჭანიამ ზურგს უკან ჩაცუცქულ მგლისფერ ძაღლებს გამოხრული ძვალი გადაუგდო, თან დასტკბით წუპარკუნტას ნამარხულევი ქოფაკების ღრიანცელით, გადაუჩურჩულა გვერდით მჯდომ ქვაფუ ანთარიას, მაგრამ ნურას უკაცრაავად; ნაგაზებმა ატალახებულ თოვლს თვალი აარიდეს, ჩამოსხდნენ, თავი აიღირეს უკლებლივ და ბაღნის ამშლელად აყმუვლდნენ. შემდეგ ბაგშვების ჟრიაშული ატყდა, ნანაგე, და ჯანდუ ქობალიამ კბილებდაკრეჭილი ძაღლების თავებით სავსე კალათი გადმოაპირქვაგა ლაფაროში.

ჯოჯონეთიც მაშინ დატრიალდა. მოაჯირზე გადმოყრდნობილ ოდაბადელებს პირისღებინება აუვარდათ. მოლიპულ კიბებზე ცურდებოდნენ. არად აგდებდნენ გაუჩინარებულ ძმაზე კნუტა ქობალიას ფიცღის. ყურს უწმობდნენ მის ქვითინგარეულ მუდარას, რათა უცოდველი კაცის სინდის-ნამუსი შეენახათ.

გონს მოდით, ოდაბადელებოთ, ზღუქუნებდა ძმადაკარგული მასპინძელი; ნუთუ ვერა ცნობთო უინი ანთრის შემოჩეჩებულ სისაძაგლეს? ხელად ჯეგეს მიახტა მეძაღლე, და როგორც მოსალოდნელი იყო, ანთარიებმა მეტს ვეღარ გაუძლეს, იმდენი უბათქუნეს ცილისმწამებელს, რომ კინაღამ საღი თვალიც დაუვსეს.

ჯაღლებს თუ ვამრავლებთო, შახორჩედ კი არა, ტყავიშთვიშ, გამოექომაგა დაზარალებულ ჟმას ჭაჭია.

ესეც მე ვართ, გული მიეცა კუნტა ქობალიას, ერთი ძუკნას ნაშიერივით სულ ნაცრისფერ-ნაცრისფერი რომ შევყარე, ტყუილადო განა. საკმარისია თავი წააცალო და ხაარზი ვინ მიგდია, თვით გამოცდილი მონადირეც ვერ გაარჩევსო მგლისაგან.

ჩემი გაღია, ჩემი სპეტაკი გაღია!“

ხვავრიელი თოვლივით დაზნექილი ნაძვების მიღმა ალანძულ სივრცეს კრთომით უმზერდა ბონდო. მოედნიდან ბჟუტავდნენ ციური ფარვანების კორიანტელში შეცურებული ლამპიონები. მონოგრაფია ბედისწერასავით ექცა, ვინაიდან დარწმუნდა, რომ ეს ყველაფერი მისი სულისა და ხორცის ბიოგრაფიას ასახავდა. ამას მა-

შინაც გრძნობდა გაუცნობიერებლად, როცა ჟინი ანთარი კუჭის წვენის, სისხლის, შარდის თუ გენეტიკური მასალის ქიმიურ შემადგენლობას ლაბორატორიულად უზუსტებდა.

„თურმე სიცოცხლემისჯილი, იგივე ატომებისა და მოლეკულების გროვა, ბიოლოგიური მასა, ჟინი ანთარი კი არა, მე, მე თვითონ ვყოფილვარ, რომელსაც დედალოსის მიერ ფრთამომართულ იკაროსივით მერამდენე წელიწადია მაკოწიწებენ, მხვეწენ, უსიყვარულოდ შექმნილს ღდენიდაგ წაღმა-უკულმა მატრიალებენ, ხან დადებიითი, ხანაც უარყოფითი ემოციით მმუხტავენ, სასურველ ფორმას მანიჭებენ, მაგრამ თუ საჭიროებამ მოითხოვა, სულაც უსხეულო ენერგიად გარდამქმნიან!“.

მონოგრაფიის გაანალიზებამ ბონდოს საშინლად მოანდომა საკუთარი პიროვნების განსაზღვრა, დადგენა, გნებავთ — დამკვიდრება, რასაც ოდაბადელებთან ურთიერთობა ისეთნაირად სჭირდებოდა, როგორც თესლის გაღივებას — ხელსაყრელი ჰუმუსი*.

ველარაფრით მოეფიქრებინა ლტოლვილს, თუ როგორ, რანაირად მოხვედრილიყო დედულეთში, ისე რომ ვინაობაც დაეფარა, სასოფლო საბჭოში საჭირო ცნობებიც აეღო საბუთებისთვის და რაც მთავარია, საკუთარი წარმოშობის, წარმომავლობის ნიუანსებშიც ძირძირამდე გარკვეულიყო. ამ გაწამაწიაში მყოფს უცებ ყურისწამლები ზრიალი მოესმა ზურგს უკან.

„ცირკიდანააო“, გაუკრთა თავში და ზღვიდან ქარით ამობერთილ ღრუბლებს მიყინული მზერა რატომღაც მაინც გასტრონომს მიაპყრო.

ბონდომ ანაზღეულად თვალი შეასწრო ჩამოწოლილ ვიტრინაში პომპეის პერსონაჟივით მოღრეკილ შავოსანს. მინის დიდრონ-დიდრონი ნატეხები ბრჭყვილ-ბრჭყვიალით მოსრიალებდნენ ალმაცერი სხივების ფონზე, გილიოტინისავით ეშვებოდნენ მუხლებზე დავარდნილის თავს ზემოთ და თოვლმოტეხილ ფილაქანს შეეხებოდნენ თუ არა, წვრილ-წვრილი ნამსხვრევები უხეფებივით იფანტებოდნენ ირგვლივ.

შემთხვევის ადგილას სამიოდე წუთში ზღვა ხალხი მოაწყდა.

— სასწრაფოში დარეკეთ! — უყვიროდნენ გასტრონომის თეთრხალათიან გოგონებს.

— ურეკავენ, ურეკავენ! — უპასუხებდნენ ერთიანად მოცახცახენი.

გულშემოყრილი ქალი მორბენინებულ სკამზე ჩამოსვეს. თმა-

ჩამოშლილ დედაკაცს გამობრძმედილი დასტაქარივით საფეთქლებს უსრესდა ბონდო. თავის ქალას და კისრის ძარღვებს თითებით უსინჯავდა. სისხლში გასვრილ მის ხელებამდე მოქროდა წყლით საესე ჭიქა, მიტკლის ნაჭერი, კატაბალახას წვეთები. დედაბრის მოქცეული ფეხსაცმლის ჭვინტებიდან ჭიაყელასავით წაიკლაკნა სისხლი და ლტოლვილს შვიდ იანვრამდელ სიზმარში ტრიფოლიატს გადმოვლებული ფერადი სფერო გაახსენდა მაშინვე.

— ქამარია საჭირო, ქამარი-მეთქი! — გაიძახოდა ბონდო ბრბოს მისამართით.

— ვაიმე, შვილებო! — ამოიკვნესა გონმოსულმა შავოსანმა. შიმნეულად აცეცებდა თვალებს და მიუხედავად ამისა, ძაძებს მუხლებს ქვემოთ ეწეოდა ჯიუტად. „აგხნა წყველა, პელაგია, აგხნა. სად დასაქცევში მძვრება სული!“

— ნუ მიძალიანდები, დედილო! „**Hoemorrhagia arterialis**“* მაცალე-მეთქი! ხუთი თითვივით ვიცი ჩემი საქმე, სამედიცინო ინსტიტუტში ტყუილად ხომ არ დავიარები! შემომაჭერინე ქამარი, თორემ სისხლისაგან დაიცლები! — ეუბნებოდა დაშავებულს და ურჩობა-ჭიდილში სისხლისდენა როგორც იქნა შეუჩერა.

— დრო, დრო მითხარით, ხალხნო! — ჰკითხა სეირისმოყვარულებს ბონდომ.

— თერთმეტის ოცდაშვილი წუთია! „მეგონა რამეს ყიდდნენ“.

— არაფერიც! ოცდაექვსი! შეხედე, სეიკოსია ჩემი! „თათმანში ჰქონია ფული შენახული. ისე უფათურებს, ააწაპნის ნამდვილად!“

— ბედნიერი დედის შვილი! „**თუ რჩენა არ შეგეკლო, რას მაჩენდი!**“

— აბა, სულ ფულით როდი ირიცხებიან იქ! „გავლენიანი ბიძა ეყოლება!“

— კანადური დუბლიონკა კი გაიფუჭა და...

ეს სიტყვები რომ არა, ბონდო სასწრაფო დახმარების მოსვლისთანავე იქაურობას უსათუოდ გაეცლებოდა, მაგრამ ღვარძლით ნათქვამმა დაბოღმა, მორიგი სიკეთისკენ უბიძგა.

— საავადმყოფოში დროზე თუ არ მივალთ, ფეხები მოსათევი გაგხნდება! — მოსჭრა და მხსნელს დედაბერი ისეთნაირად ჩააფრინდა მკლავში, როგორც დაღუპული ხომალდის მგზავრი — მაშველ რგოლს.

— ის „ფიატი“ შვილიშვილისაა, — წითელ „ჟიგულზე“ მიუთით-

თა აქვითინებულმა ქალმა, — ბაზარშია ჩემი სახუ. დავუტადოთ, შე-
მოგველე, ამწუთში მოვა!

— დედillo, ენდეთ ჩემს გამოცდილებას. დაყოვნება ყოვლად გა-
მორიცხულია! აგერ, ეს გოგონები გადასცემენ ყველაფერს. ნურათ-
რის გეშინია, მოგვებნის!

— არა, ნანაგე, ვიცი მე მისი ხასიათი. — ზედგამოჭრილი ბაბუ-
აა, ვაითუ აჩქარდეს და ისედაც გაძაღლებული სიცოცხლე ჯოჯოხე-
თად გადამეჭკეს მთლად! „შენი გასასუდრი! რა მოხდებოდა ახალი
პერანგი ჩაგეცვა?!“

— გეშინიათ, ავარიას მოახდენს?! შეხედეთ, ცარიელია ქუჩები!
„გაღია მათას მაინც რას ვერჩოდი?! როგორ მოვუკალი გული!

**მაფა: თქვენი მხარდაჭერის იმედი მაქვსო, გვეტყოდა ხოლ-
მე კონია, ნანაგე. ვინცობაა ოდაბადელებმა ბონდოს წართმე-
ვა მომინდომონ, ზურგი არ შემაქციოთო, გვემუდარებოდა და
მაშინ შენმა მასწავლებელმა ონწყვეშიდან ამოღებულ შაშ-
ხანებს ხელახლა უწყო გულმოდგინე გაპოხვა-გაკრიალება.**

**არ გინდა, თუ გიყვარდე! ოღონდ დღეს გაჩუმდი, ჩემი
ნათრით გაჩუმდი და ხვალ-ზეგ მე თვითონ გამოვსწორებ ყვე-
ლაფერს!**

რას გულისხმობდა, რა ჰქონდა მხედველობაში?!“

— გამონახა თავპატიჟის დრო! დაუჯერეთ ახალგაზრდას! ეს
ღვთისნიერი რომ არა, შვილიშვილისა და სასწრაფოს იმედით, ახლა
გაღმა იქნებოდიტ გასული, მარილზე! — აყაყანდა შეთხელებული
ბრბო.

ტაქსების რიგში არავინ შესცილებიათ. პირიქით, მანქანაში ჩას-
ხდომისას მიეშველნენ კიდევ. გასტრონომის თეთრხალათიანმა ქა-
ლიშვილებმა შავოსნის გაძეკილი პარკები „ჟიგულის“ კაპოტზე შე-
მოდეს და ქალის დასამშვიდებლად ერთმანეთში საუბარი გააბეს.

მიხედა ბონდომ აუზს, მაგრამ მისი სპორტული ჩანთა აორთქ-
ლებულიყო. მხოლოდ ეკლის გვირგვინი ეგდო წარყვნილ თოვლზე.

„ნუთუ ყველაფერი წინასწარო მიგრძნო ტანმა?“ გაიფიქრა
ყმაწვილმა და შეციებულევით გააჟრჟოლა.

დაზიანებული მუხლებქვედა არტერიოლები ბონდოს თანდას-
წრები თ ამოუწმინდეს დასახიჩრებულს საოპერაციოში. ვიდრე
ჭრილობებს გაუკერავდნენ და შეუხვევდნენ, ქალი ჩირვიტ დამჭკ-

ნარ, გაყინულ თითებს მხურვალე მაჯაზე უჭერდა მხსნელს. აქა-იქ პინცეტით ამოაცალეს მინის ლიფსიტა ნამსხვრევებიც. სპირტიანი ბამბით მოუსუფთავეს შემხმარი სისხლი სახეზე, ხელებზე, გაატარეს ჟურნალში და რადგანაც ძუბა ჭანიას ხუჭუჭთმიანი სახუ ანთარას შემომატებით მთლად გული მოეცა, საავადმყოფოში დარჩენა აღარაფრით ისურვა.

— რას ბრძანებთ, როგორ შეიძლება, დანაშაულისაკენ მიბიძგებთ?! — განგებ ბრაზობდა ქირურგი. მოხელთებული ლუკმა ასე იოლად არ ეთმობოდა, მაგრამ როცა ხალათის ჯიბეში ხუთთუმიანი ჩაუსრიალეს, — არ გესწავლება, რამდენიმე დღე მაინც ნუ იმოძრავებს! — თქვე „დოქტორი შვილიშვილის“ მისამართით და დერეფანში დაყუდებულ ჭანიან სანიტრებს აბა, საკაცეო, გასძახა.

ბონდო ჰალიძონია ნაცნობი ქუჩით აპირებდა წახეტილებას. ვერც „ახალგამოჩეკილ ბებიას“ ელოდა, თუმცა, როცა წითელ „ჟიგულს“ მიუახლოვდნენ და იქიდან ერთიანად დაბნეული ქალიშვილი გადმოვიდა, წავედი ახლა შინო, განაცხადა დარდიმანდული ღიმილით, რომელი ღიმილის თავიდათავი, სწორედ რომ უნებლიეთ, მისდაუნებურად წამოცდენილი სიტყვა „შინ“ გახლადთ.

ძუბა ჭანიამ საკაციდან წამოწევა სცადა, მაგრამ ტკივილმა სახე დაუმაწკა და ხმამალლა აკვნესდა.

— ამხელა სიკეთე რომ დამდე, ნანაგე, ბარემ მადლს მარილიც მოაყარე. იქნებ მაწყინოს მგზავრობამ, იქნებ სისხლის დენა ამივარდეს ისევ და სახლამდე ვერც ჩავალწიო. ხომ წყალში ჩაგეყარა ამდენი შრომა? ან ჩემი ძილი ძილი იქნება ამაღამ?! ასე, სისხლში ამოსვრილი, სად გაგიშვა, სად?! მივალთ ჩვენსას. ტანსაცმელსაც გაგიწკრიალე, ვივანშმებთ კიდევ, ჩემს დაწურულ „ადესასაც“ გავუსინჯავთ გემოს და უკანვე ჩამოგიყვანს სახუ. რას გაჩუმებულხარ, ბებია?!

— ნამდვილად! — დაემოწმა შვილიშვილი.

თუთურია: „საით მიგყავარ, სახუ?!“

სანიტრებმა ძუბა ჭანია მოხერხებულად მოათავსეს მანქანის წინა სალონში. გამოჯამრთელდითო, დალოცეს და ფეხათრეულად მიტრიალდნენ საავადმყოფოსაკენ, მაგრამ სახუ დროზე წამოეწია მათ. თუმან-თუმანი უწყალობა ორივეს. ხელის ჩამორთმევიტა და თავის დაკვრით მადლობა გადაუხადა სათითაოდ, მერე გასაღების ტრიალით ფიცხლად მობრუნდა „ჟიგულთან“.

— მივდივართ თუ არა?! — მოსჭრა და საბურავს რამდენჯერმე ფეხი მიარტყა.

— დარდი ნუ გაქვს, ბებია გენაცვალოს! მივდივართ, მივდივართ! აქ ხომ არ დავალამებთ, აბა?! — შეეპასუხა შვილიშვილს „მხსნელი ანგელოზის“ მაგივრად ძუბა ჭანია, — ბელუქრასავით რომ მობუზულხარ, ავად ხომ არა ხარ, თუთურია?! „ტყუილად გაცვია დედის შუბა?!“ ელექინი ძღაბი, ჭიჭე, გემთაშქვი სუმარი, ვარა ამსერი ორწკინალო გენგგართუთ ღო სხაპით უკული!* ჩემს გულში, ნანაგე, ღღესაც წვიმს და თოვს, — განაგრძო საუბარი თავსაფრიანმა, როგორც კი სახუმ მანქანა დაქოქა და ქუჩას დაუყვნენ, — მიაღერსება რომ არ დამცალდა ისე, ოთხი ვაშკაცი წამგლიჯეს ხელიდან. იმათაც დოხტურობა უნდოდათ, ვინ გადროვა თორემ?! ვაი, თქვენს დედას, რომელი მიწა გჭამთ?! — დამნაშავესავით მიაჩერდა ბონდს და მალულად თვალთაგან გადმოცვენილ კუნცხალს ლეჩაქის წვერი მიაშველა. — ეს ქვეყანა თქვენია, ნანაგე, — განაგრძო გვარიანი ღუმულის შემდეგ, — ჩვენი გაჭირვება ღმერთმა გაშოროთ, მაგრამ მთლად ასეც არ ივარგებს, მეტი მონდომებაა საჭირო! იქნებ გამაგებინოთ, ნანაგე, სად მიდის ეს ქვეყანა! გოგონებმა ისე დაიმოკლეს კაბები, ლამის ყველაფერი გამოიჩინონ!

ყურადღებით შეათვალიერა გარინდული შავთმიანი ასული, — ბიჭებმა ქალურად მოუშვით თმა. მოწამლულია ჰაერი, მოწამლული! თქვენი სახელი, ნანაგე?!

— „ბონდო“, გიორგი, გიორგი ხანთარიძე.

— გიორგი, ნანაგე, იცით, ქინძიც რომ ქინძია, ისიც არ ხარობს ძველებურად. ჩვენს უფროსობას დაეხსენ! მათგან ხეირს ნუ ელი! „ძმის მოღალატე! დაუნდობელი! დარიხიანობდა, მაგრამ დაემართა შესაფერისი, არის საკადრის ღღეში!“ რას შვრება მამაშენი, თუთურია?! ადგა თუ წვეს ისევ?!

— წვეს, ბებია, წვეს! „რა იქნებოდა, ის მინა ფეხის ნაცვლად ენაზე დაცემოდა?! დუყლას წისქვილივით არ გამორთავს აწი.

თუთურია: ჰგონია, არდაშელის გამო დარდობს. მოგესწონებით, არ გინდა, სახუ! სხვა დროს, სახუ!

— ათი კაციც რომ გახლდეს, მე მესტუმრე, ნანაგე, მე! „აბა, როგორ, შერჩებოდა ვითომ საცოდავი ბაღანას ამოჩემება?! ურჯუკია დურუ. გამოვა შინიდან და უნახავი ძმის სულს ვფიცავ, ღორივით დავკლავო, დაიბღვირება თურმე“. წმინდა გიორგი, შენს ნათელს შემოვევლე! შენ დაიფარე ჩემი შტერი შვილიშვილები! ჩემს ბაგის თუ დაუჭერეს ოდაბადელებმა, არ წააგებენ, ღმერთმანი! მართალია, ახლები ჭერ კიდევ აღმა-დაღმა დაბოდილებენ,

ბურთს დასდევენ, ნარდს თამაშობენ ჭყონდიდის ჩრდილში მოკალათებულნი, ან ცეცხლავენ არაყს და უხათქუნებენ მერე ერთმანეთს ხან მუშტს, ხანაც — კეტსა და მარგილს, მაგრამ დღევანდელი ფათერაკივით მწამს, ხვალ იქნება თუ ზეგ, ყველა ერთად, დიდი, პატარა, აპყვება. ზოგს აქა-იქ გამოცოცხლება დაეტყო. აბა, რისთვის დაღვარეს სისხლი ჩემმა ბიჭებმა?! „არდაშელ ჰალიძონიას-ნაირებს რომ დარჩენოდათ ეს ქვეყანა, იმიტომ“. ვერ მიართვეს! — ძუბა ჭანიამ ცერა თითის ფრჩხილი კბილებთან მიიტანა და გააწკაპუნა, — ტოლები მეიმედებიანო, ამბობს ბაგი და ურწმუნობა იქნება?! ვის როგორც უნდა, ისე თქვას, რამდენიც უნდა, იმდენი იჭორაოს ზურგს უკან, თვითმარქვია თავმჯდომარე არისო. მე მაინც ჩემსას ვაკეთებ. აწევა რომ ჭირს, ისეთ მამალ ინდაურებს თავს წავაცლი. ნიგოზს დავნაყავ, ჩავასაცივებ. ფუმფულა პურებს დავაცხობ. დამწნილებულ კანამხალთან და მთვარისოდენა სულგუნებთან ერთად შევკრავ და ახლებს საგზლად გავატან ჭურიაში. შვილი — შვილია. ოთხი თმაქოჩორა დავკარგე, მაგრამ მეტი მყავს ახლა მე წყლისა და მიწის წასაღებს! ძუბა დედას მეძახიან, ოხუნჯობენ და სულიც არ ამომდის. ბაგის შემოვევლე! ნასტავლი შვილიშვილები სხვებიც მყვანან, მაგრამ ის ღვთის დანაბადია. დიდგვიმარონის ტყეები გაკაფეს, მიწა მოასწორეს, მოხნეს, აწი სიმინდს დათესენ, ყანეს გათოხნიან და ვისაც თავში ჭკუა აქვს, ნალია ჭირნახულით აევსება. ჭიჭე კვეკვესნაირი გველენა ხალხი კი მაინც უკმაყოფილოა.

ახლაა ჩვენთვის თავგამოდებული, თორემ როცა „არდაშელის“ სავარძელში გადაბრძანდება, ისიც გაისვრება, ქარვასლებს დახარბდებაო, იგესლებიან.

არული კუდიანებს! ვერავინ გაიგებს, დედის რძით გაზრდილან თუ უხამით?! ნეტავი, საიდან იტევენ სულში ამდენ ობობას და მორიელს?! თუმცა წყევლასაც მოვეშვათ, ისინიც ცოდვანი არიან, არგასაზრდელები და ხეზე თავმისახლელები! ჩემს ფუნჩულა შვილობილებს ვენაცვალე! ჩემი ჭოფიას ბორანთან ერთმანეთს ძმობა შეჰფიცეს და ალიონიდან შებინდებამდე ჭაობს ერკინებიან, — ძუბა ჭანიამ ლეჩაქის ყური თვალისკენ გააპარა ისევ, — წმინდა გიორგი, შენს ნათელს შემოვევლე! ენად რომ გავიკრიფე, რა მჭირს?! ის, რაც სხვებისთვის მისაყვდურებია, აქეთ არ დამემართა?!

— როგორ, დღესაც ბორნით ცოდვილობთ?! — ჰკითხა თვა-

ლებში გაფაციცებით მოჩერებულ ქალს ბონდომ.

— ღმერთმა დაგვიფაროს! — შეიცხადა შავოსანმა, ტილოს შალითაჩამოცმულ საზურგიდან გადმოიწია და შეგინგლულ სახეზე თითები მოუცაცუნა ახალგაზრდას, — ისეთი გარიწკინებული ხიდი გვაქვს ახლა, ოდაბადეს კი არა, ქართს* შეშვენდება, მაგრამ ხალხი ბორანს მაინც ვერ ელევა.

წკირზე გაჩენილს სული წკირზე უნდა ამოხდესო, ტყუილად იტყოდა განა ცხონებული ნათლია?! რაც შეეხება ჭოფიას, დილიდან საღამომდე იქ ეყუდა და აყუდია ახლაც ენგურის ადიდების მოლოდინში.

— ნუთუ მართლა ასე დაკნინდა ენგური?! „ცხადია თუ სიზმარი?! რას არ ვეპოტინებოდი, რეებს არ ვჩმახავდი, ოღონდ ოდაბადეში მოხვედრილიყავი! ბედი.

უნი: ხომ ნახირი ვართ, შენი თქმით, ბალახის ცოხნას გადაჩვეული ნახირი, ჰოდა, კეთილი, დამალეთ, კარგად დამალეთ ის ველური, არაფერი მთაცვდეს! სამედიცინო კომისიაზე გავწერეთ სხვა წვევამდელებთან ერთად. თორმეტში კომისარიატში მიიყვანეთ დილაარდიან, თორემ მოვლენ მილიციიდან და უფრო საიმედო ადგილას გადამალაგენო.

სვე. მაგათ ვუჩვენებ მიე გატყუებულს. დიას! საზოგადო საქმეების უკეთ გამაგრძელებელი შეგქმენ, როგორც დედალოსმა — იკაროსი.

კონია: სად მიგყავს ჩემი თვალისჩინით, იკივლა გათახსირებულმა. თუ შენგან მეყოლა გგონია, ძლიერ შემცდარხარ, შენ ვინ მოგცა... მაგისი შნო და მარიფათით“.

— დღეს რომ ენგურია, მაგდენს სახელდახელო სუფრის შემდეგ მოიიმასქნებენ ხოლმე. ჩემი კი არა, ჭიჭე კვეკვეს სიტყვებია.

თუთურია: „ნახიჭვარი. აი, თურმე რისთვის გამომიტყუე შინიდან?! არ გყვარებივარ მე შენ, სახუ, არა! თავს მოვიკლაგ, იცოდე!“

— აბა, სხვა დაადარდიანებს ჩემს ჭოფიას?! ფუთიან ხოფს ევაჯხგურებოდა, რაც ბავშვობაში ჭყონდიდიდან ჩამოვარდა და ფეხი მოიტეხა, მერე. ამიტომაც ვერ მოუნელებია მისი გაუქმება. ჩამოჯდება „ფანჩატურში“ ძელსკამზე. აფუტებს თუთუნს, აფსუს, ენგურს ღლაპებიც კი მოუშინაურდნენო, ამბობს სიმწრით და წარამარა ხიდის მიმართულებით იპურკყება. შარშანწინაც, შარშა-

ნაც, როცა ხილისმშენებელი ბიჭების სადილობის დრო მოახლოვდებოდა, იქაურობას უხმოდ გაეცლებოდა ჯავრიანი. მერე ვისაც უნდა მიეპატიჟა, რამდენიც შეხვეწნოდნენ, წელან დავნაყრიდო, იცრუებდა, თუნდაც დილიდან არ ჩასვლოდა ლუკმა პირში. ვერაფრით შერიგებია სიყრმიდანვე თანშეზრდილი ბორნის გაუქმებას.

— არც გაემტყუნება! „სულ რალაც ათიოდე წუთით ადრე რომ გავცლოდი მოედანს, ხომ ველარასოდეს გადავეყრებოდი ამ ღვთისნიერ ხალხს?! ამდენი შემთხვევითობა გაგონილა?! ისეთი შეგრძნება მაქვს, თითქოს ვილაც გარედან მართავდეს ჩემს ყოფიერებას. იქნებ სამყაროსავით მე თვითონ ვარ ჩემივე თავის მიზეზი?! ეგონა, აშენდებოდა! მშვიდობით, გვირგვინის სუსხო! Finis*. **ეპ დასრულდა კი, დასრულდა ვითომ?!**“

— მაგ ბორანმა მოწამლა სწორედ ჩემი ცხოვრება! მივთხოვდებოდი ვინმე ჩემნაირს და არც ამდენს ვავიტანჯებოდი. ნათლია რომ არა, ჭოფიას ვინ, რომელი გაიკარებდა ახლოს, მაგრამ ხომ გსმენია, ნანაგე, სადაც არის ბედი შენისო?! ჰოდა, ასე მოხდა ამჯერადაც. საცდელ შეღერილ ბედოვლათს სიმინდი დაეფქვა. ოჩინჯალედან შებოლილი ყველი და კუპატები ჩამოეხსნა. ტაბაკი, საცერი, ქვაბი, ჩოგანი, დახერხილი შეშა და მისთანები ბორანზე გადაეტანა. წარმოგვიდგენია, ორი დღე და სამი ღამე სიტყვა არ აღირსა გაღმა-გამოდმა დარჩენილ მგზავრებს. ვერც ხვეწნა-მუდარამ გასჭრა, ველარც — მუქარა-დაშინებამ. დაიწყო შეპირებანი. წამოვიდა საჩუქრები მარჯვნიდან და მარცხნიდან, მაგრამ ჭოფია ძველებურად ქვაბში ღერლილს ჩაუშვებდა, მორევში ამოავლებდა, სამფეხზე შედგამდა, ცეცხლს შეუჩიჩხინებდა. ირგვლივ კუპატების მადისაღმძვრელი სურნელი ტრიალებდა. წამოწვებოდა მერე „ფანხატურში“ სკამლოგინზე, თოფს მოიჩოჩებდა და იყო ასე უცნაურად გატრუნული, ვიდრე მორიგი სადილის თუ ვახშმის დრო მოახლოვდებოდა. ბოლოს გულში ველარ მომიტინა, მორდიას* შთაგონებამ მაცდუნა, შეკრებილებს გადარეულ-დასაბმელის საწადელი ვაუწყე.

თქვე დაბრმავებულეზო, გეუბნებიან, ისეთი ცოლი შემრთეთ, ჭირნახულს წყალში რომ არ გადამიყრისო, გაიგეთ-მეთქი?! ჭოფია, იკმარე გამოცანები, ის ფქვილი კიდევ დაგჭირდება-მეთქი და მომსწრეების გასაკვირად კვეკვეს ბოშიც მაშინვე დაფაცურდა.

— ნათლიაც ასეთი, უნდა! — უკბინა ბებიას სახუმ და მინასაწმენდი ჩართო, — ლადი ჭანია რომ არა, ხომ დარჩებოდი გაუთხოვა-

რი?! მერე და ჩვენს ყურთასმენას რა ეშველებოდა?! „ხუმრობის ხასიათზე ვარ კიდევ! კი უყვარს ენის წაგდება, მაგრამ გული კეთილი აქვს. ბარემ ახლავე გაგუმხელ ყველაფერს. ჰო, ნაღდად ასე სჯობია.

თუთურია: რომ მძულდე, გამოგყვებოდი ამსიშორეზე, სულელლო! გაუშვი ხელი მოაჯირს, გაუშვი-მეთქი! ყველაფერში სულსწრაფი ხარ შენ, სახუ! ჩემი ერთგული! იქნებ განცხადება შეგგეტანა?! შემომხედე, თორემ მე თვითონ გადაგვარდები აქედან!“

— აბა?! — წაუყრუა ქარმაგას ძუბა ჭანამ, — მდუღარეში არ ჩამაყოფინა ფეხი?! ანთარიების უღელში შებმამ ცხრაპირი ტყავი გამაძრო, ნანაგე! მენაფოტე კაცის მოიმედეს კი ისლა დამრჩენოდა, ხელები დამეკაპიწებინა, თხილნარის ნასხლავი წკნელებით ბოსტანი შემომერაგვა, საადრეო ყანაც მეთოხნა, კოლმეჟურნეობის ფართობებშიც მეტრიალა, დილაუთენია კამეჩიც მომეწველა, ფრინველისათვის საკენკი დამეყარა, ჩაიც მომეკრიფა, საღამოობით სახვალის პური დამეცხო, ჯორკოზე მქინდრავს ჯალაბის ტანსაცმელი მეკემსა და მელამბა, ვიდრე ჭოფია საძინებელი ოთახიდან, გეყოფა აწი, ცოდვა ხარ, დაილაღე შენცო, არ შემომეხმთანებოდა. სწორედ რომ ჩემს ჯანმრთელობას უფრთხილდებოდა ბედჭვილი ბოში!* თქვენ არ გეხებათ, ნანაგე, მაგრამ, აი, დანარჩენს, ცეცხლი უნდა შეუწთო ყველას! იქნებ მერე შინც დაგვიფასდეს ამაგი. რაც უფრო გვიან გათხოვდები, ჩემო თუთურია, მით უფრო მოგებულნი დარჩები! „რა დღეშია ეს გოგო?! ვგონებ არდაშელის ავადმყოფობა აქ არაფერ შუაშია“ აჩხავლებულ პირმშოს ბოსტნიდან ვურწევდი აკვანს სახელურზე გამობმული ბაწრით. ის ბედოვლათი კი ბორნის „ფანჩატურში“ სკამერხზე არხეინად ხვრინავდა. მხარს მხოლოდ ბარჩხალა მზის შემოჩენა შეეცვლევიებდა. აი, მერე, კანგამოცვლილი ყაჭვივით იზოზინებდა, იხენეშებდა, ზმორებ-ზმორებით თავს ასწევდა. შვილების მიტანილ სადილს ისე მადიანად შეირგებდა, იფიქრებდით, ცხრა ფუთი ოფლი დაუღვრიაო. არა, მთლად უსაქმურობას ვერ დასწამებდით ჭოფიას. სახლს გარეთ ბორნის ხოფს ეჯაჯგურებოდა, შინ ჭების თხრაში ილეოდა მისი ჯანი და როცა ჩვენს ერთადმეყრელ იღბალს მივაწყველიდი ხოლმე, შენს ნათლიას, თუ კარგიაო, გაცხარდებოდა. მუხლებზე ხელებს დაირტყამდა, ჟანგისფერწყლიან ჭაში ჩააფურთხებდა. კვლებიდან ამოკრეფილი ქვებით ამოავსებდა, სხვა ალაგს მოინიშნავდა. მიმწუხრზე თეფშებით დაფარავდა. დილით კვერცხს გადააგორებდა. დაჰკრავდა ბარს, მაგრამ ახალი ჭა უარესი სისაძაგლით გაპიპინ-

დებოდა.

დუყლა ანთარიას უშვილობამ ხომ სიცოცხლე გამიმწარა მთლად. ნანაგე, მოახლოვდებოდა ჩემი უკაცრავად ვარ და, მოლო-გინების დრო თუ არა, დაბარებულვივით, არც ახლა გამეყრები, ბერ-წო დედაკაცო და დასცხებოდა ცოლს. იმ წელს ტყუპი გამიჩ-ნდა სავალალოდ. პელაგიას იმედი მისცემოდა და ჭოფია მომიკ-ვანჭალა მაშინვე.

გონს მოდი ქალოო, ჭოფიამ.

მოსული ვარ-მეთქი.

ბიძაშვილები ვის გაუყვია, გვარი გამოეცვლებათ თუ სახელიო.

ზნე, ზნე-მეთქი.

ცოდვანი არიან, ესენიც გაიხარებნო.

გულის ამორთმევას რომ მიპირებთ, მე არ ვარ ცოდვა-მეთქი? კარგ დროს გაგახსენდით დედა და შვილები. ან ტყუპის დაშორიშო-რება სად გაგონილა-მეთქი.

აბა, დაინგრა ოჯახიო.

დაინგრეს-მეთქი. კუჭის მეტი რომ არაფერი ახსოვს და ბზიკების დაკბენილს დაემსგავსა, უკეთესია ცოტა გაინძრ-გამოინძრეს. სად მყავს გასაფუჭებელი შვილი, მაგან რა დედობა უნდა გაუწიოს, ჩაცმას სა-ათნახევარს რომ უნდება, ისეთმა-მეთქი.

სიტყვას თუ გამატეხინებ, იცოდე, ლეკვებიანად გაგაგდებ ში-ნიდანო.

ჩემი აშენებული სახლიდან შენ მიბრძანდი, ბატონო, სადაც გე-ნებოს, ხომ გაქვს ეგერ ბორანი და ღმერთმა მშვიდობაში მოგახმა-როს, მშვიდობაში-მეთქი.

არა ვარ ამდენი პატივისცემის ღირსი, ნანაგე. დიდი ცოდვა-ბრალი აწევს ჩემს სინდისს, დიდი ცოდვა-ბრალი. დამჩაგრა უსულ-გულო რძალმა. როგორც კი გვარიანად გამოვთათხე და შვილის მი-ცემის იმედიც გადავუწურე, ჩვენი ორსართულიანი სახლის აივნი-დან თავით გადაეშვა, — ძუბა ჭანია განაჩენის მოლოდინში გაილურ-სა.

— Cholericus.

— აჰა?! — ქუთუთოები აუხამხამდა შავოსანს.

— ქოლერიკი ყოფილა. ფიცხ ადამიანზე ითქმის ასე ჩვენებურად. „მაგრად გაუტუთიე. არ ვიცი საამისოდ რა მრჯის. ვთქვათ და მაშინ მდგომარეობის გამო, გასამხნევებლად ვიცრუე, მაგრამ ახლა, ახლა

რა ღმერთი მიწყრება?!

კონია. ღმერთო ჩემო, ყველას წმინდანობა სწადია, ყველას.

ჟინი: მხსნელად მოველინები დედამიწას ჩემი ფესვი“.

მომიტევეთ დედო, რომ „მოგატყუეთ“ მერე რაო ჭოფიამ?! ცხადია, კარგი დღე არ გაგიტენდებოდათ.

— ნუ გამახსენებ, ნანაგე! ვიდრე ანთარიები ძალღვივით გამაგდებენ ქუჩაში, მე თვითონ ვუშველე თავს, თვითონ წავედი პელეტი* ოჯახიდან, ჩვილებატატებული, ფეხშიშველა, სალამურისამარა.

ხელი არ შემოგველოს არც ერთისთვისო, ზროტინით მომძახოდა წყული და გაჭირვებით გამოზრდილი ოთხი შვილიც მართლაც უგზოუკვლოდ დამეკარგა. წმინდა გიოგი, შენს ნათელს შემოვევლე! შენ დაიფარე შენი შტერი შვილიშვილები!

— სულ ტყუილად იხარავ თავს, — გაამხსნევა ძუბა ჭანია ბონდომ, როგორც კი ორთქმავლის მანევრების გამო ჩაკეტილ შლაგბაუმს მიაღწენ, — ერთკვერცხიანი ტყუპის დაცილება ყოვლად დაუშვებელია. სპეციალურ ლიტერატურაში საკუთარი ორეულის დაკარგვა ჰქვია ამ მომენტს „მიკვარავ“ ისინი ფონოტიპირულად და გენოტიპურადაც, ესე იგი, როგორც გარეგნულად, ისე შინაგანად, იდენტურები, ტოლფარდები არიან, ამიტომაც მომაკვდინებლად განიცდიან ურეთმანეთობას.

„ბიჭოს!

კონია: ტყუბს ელოდა თურმე დედაშენი. ამა არ წაერთვას ამასო“. შვილის ყოლა თუ უნდოდა უბედურს, ემკუთნალა, ან უდღემამოთა თავშესაფარში ანგელოზების მეტი რა ვიყავით?!

ეს წყალწყალა საუბრები ყველაზე ნაკლებად თუთურის ცნობიერებად აღწევდა. არდაშელ ჰალიძონიას უმცროსი ასული შეუმჩნევლად დაქალბუღიყო. მამის იერიანს ხასიათი — დედისა გამოჰყოლოდა. უთქმელი, ჩუმი, ყველაფრის გულისგულში დამტევი.

წვიმის წვეთებით დაღარულ მინას საფეთქლით მიყრდნობილ თუთურის, ისედაც დაპატარავებული სასკოლო ფორმის შავ წინდებზე ჩამოწევა ავიწყდებოდა. მისი მოკლეყლიანი ფეხსაცმლის უნუგეშო მდგომარეობას ნუტრიის ჯუბაჩა აქარწყლებდა რამდენადმე.

მუხლებზე ზურგით მოყრდნობილ დედას ვარცხნიდა თუთურია, როცა მათ ჭიშკარს მანქანამ მოასიგნალა. იანვრის მზე ჯერ კიდევ კავ-

კასიონის მწვერვალებს ეფარებოდა.

უბედურების მოახლოების ჩვეული გუმანი კბილებს უკაწკაწებდა მილანდარ მუშუქიას. ვარცხნიდა თუთურია მშობელს და თანაც ოცნებაში სახუ ანთარიასთან ხელიხელჩაკიდებული მისდევდა დაშრეტილი ენგურის ნაპირს. იქ წყლის სიკამკამეში აკოცა გუშინწინ რჩეულმა და ყმაწვილის მუდარას — სამუდამოდ წაჰყოლოდა შინ, დედას რა ვუყო, ესლა შეჰქვეითინა. სკოლის მერხიდან შეზრდილი წამით გაუყურდა, მაგრამ ისევ შეუჩნდა.

— ვერ ხედავ, როგორ ჩამოვდნი?! თავგზა ამრევია, მოსვენება დაკარგე. გამოვჩნდები თუ არა ბორანთან, ოდაბადელები მაშინვე აფხუკიანდებიან. წარამარა მაწითლებენ. ამხანაგებს ვერიდები. ვერ ვუძლებ კითხვებით სავსე მათ თვალებს, რომლებშიც ცასავით ნათლად იკითხება ჩემი გაუბედაობით გამოწვეული უმოქმედობა. დიახ, სიტყვით არა, მაგრამ ქარაგმულად მეუბნებიან, შეგირცხვეს ნამუსი სახუ ანთარია, ბერბიჭამ უნდა წაგართვას შეყვარებულო? დღითი დღე შიში მიორკეცდება. ისე, საქმე საქმეზე რომ მიდგეს, როგორ ფიქრობ, ხანტურის კეთილდღეობისათვის გაუჭირდება ვითომ არდაშელს შენი გაწირვა?! შენ სულ ყოყმანობ. ხან რას იმიზეზებ, ხანაც — რას. არ ვიცი, რა გაბრკოლებს, რისი გეშინია? დედაშენს მოვუხერხებთ რამეს. დედა ვის გაუწირავს, ჩვენ რომ გავწიროთ?! ან თან წავეიყვანთ ჩვენსას, ან კიდევ თქვენსას გადმოვბარგდები. ყველაფერს ეშველება, ოღონდაც ტანჯვა მაკმარე! ჭიჭე კვეკვემ ხმა გაავრცელა სოფელში, თითქოს მდგომარეობის გასაუმჯობესებლად არდაშელი შენს თავს ბერბიჭა მინისტრს უთმობდეს! — ბევრი უარა სახუმ თუთურიას გარშემო, მაგრამ საიმედო ვერაფერი დააცდენინა. ბოლოს ვაჟმა სატრფოს ყოყმანის საფუძვლიანი, ხელჩასაჭიდებელი საბუთი მოსთხოვა. „თავი ხომ არ გეეჭვებაო“ ვერ აკადრა მთლად, თუმცა აშკარად აგრძნობინა, რომ ორ-სამ დღეში ცოლად თუ არ წაჰყვებოდა, სიცოცხლეს მოისწრაფებდა.

„როგორ მივატოვო ბედკრული?!“ ფიქრობდა მოძმლავრებულ წვიმას უაზროდ მიშტერებული თუთურია. „რატომ დავუჯერე, რატომ ავმიატი?! ან იქ განცხადება რამ მიგვატანინა!

ჯერ პასპორტები აიღეთ, ხელის მოწერას ყოველთვის მოასწრებთ. ტყუილად მეხვეწები, გენაცვალე! კანონს ხომ ვერ დავარდევვ?! გოგო, ბონდო ჰალიძონია რაა შენი?! ხო, კონიას ძე. კალმით ნახატი ბიძაშვილი გყოლია. სად დაიკარგა ნეტავი?! ჩემი მარიკა სულ მის ხსენებაშია. მოტორიანი

ნავით გაგასეირნებო, შეჰპირებია და შემქამა პირდაპირ. ეს რა ჩავიდინე?! გინდა გავპარულვარ და გინდა დედა ჩემივე ხელე-ბით მომიკლავს. გათხოვებისათვის ეცალაო, არ იტყვის ხალხი?! მერედა სახუ?! კინალამ ცოფორეულ ჩხოუშიაში გადახტა. გიჟი!

სახუ: ისე, საქმე საქმეზე რომ მიდგეს, როგორ ფიქრობ, ხანტურის კეთილდღეობისათვის გაუჭირდება ვითომ არდა-შელს შენი გაწირვა?! რანაირად უარვყო, სულს რომ მიჩვენია, ისეთი?! აშკარა წასვლა იქნება ეს თუ გაპარვა, სულ ერთია, სნეულის აღსასრულს დააჩქარებს. თავზე ლაფს დამასხამენ ოდაბადელები. ათი წლის ამაგი ერთი აჩქარებული ნაბიჯით წყალში ჩამეყრება!“

თუთურისას სავარცხლიანი ხელი ეწამლა მილანდარ მუშუქი-ას. მეთერთმეტე წელიწადია, რაც მომკრუნჩხავი ხილვებისაგან იფარავდა იგი ქალს.

მანქანის საყვირის ხმაზე თუთურისას შეკრთომამ მილანდარიც დააფეთა. მშობელს შვილის უეცარი შეცვლა აცახცახებდა. მუდამ დაუზარელს, მხიარულსა და ხელმარჯვე თუთურისას დედის გასაჭი-რი დავიწყებოდა. ვიღაც უხილავს მიესაკუთრებინა.

დაუდევარი ვარცხნა ქუთუთოებს უდიდროვნებდა ავადმყოფს, მაგრამ ხმის ამოღებას ვერ ბედავდა. დედის ზურგი ცხადლივ გრძნობდა ასულის მუხლების თრთოლვას, ყელს სლოკინისმაგვარი ბგერები მომსკდარ ყრუ ქვითინს. ერთმანეთში ჩახლართული თითე-ბი გამხმარ ლაჯებში ჩაედო მხრებაწურულ მილანდარს.

„ნუთუ თუთურისას ჩემი ყოველდღიური პატრონობა მოებზრ-დაო“, ასკვნიდა.

სარკეში ჩახედვა სიკვდილივით ზარავდა მილანდარს, მაგრამ თუთურისას თვალეში ჩახატული სახე ენითუთქმელ ნეტარებას ჰგვრიდა. მხოლოდ იგი უმჩატებდა მუხანათურ წუთისოფელს. თუთუ-რისამ გადაავიწყა ყველა, ახლობელიცა და შორეულიც, მოღალატე ქმარი არდაშელიც, ობლობაში ხელგამმართველი დედამთილ-მამამთილიცა და თვით — თვალუქუქუნა ხანტურიც კი.

ფხიზლად დარაჯობდა თუთურისა მილანდარს. სიბნელიდან წა-მოღინებულ ავსულებს არ აკარებდა, მაგრამ საკმარისი იყო, წამით მარტო დაეტოვებინა, რომ მაშინვე გარს შემოეხვეოდნენ და სნეუ-ლიც უმწეო მსხვერპლივით ნელინელ აუწევედა ხმას. იმ ჩვენებებს, უმოწყალო ხარხარს, „ფოთლების წრიულ რიალს“ თუ „გადაბას-

რული მაჯებიდან სისხლის ჩქაფანს“ თუთურია მიუსწრებდა. გაცოცხავდა, კულით ქვას ასროლინებდა აჩრდილებს. დაუყვავებდა კედელსაკრულ მშობელს, რომელიც სახეზე აფარებული საბნიდან საწყალობლად იჭვრიტებოდა. ტერფიდან ხერხემლის აყოლებით კეფამდე ნელსაცხებლით დახელდა. ფეხისგულზე ლუფას უხახუნებდა. წოლისგან დაბეგვილ სხეულს, მოდუნებულ სახსრებს, მოშვებულ ძარღვებს ახალი სიცოცხლით აუფსებდა. იცრიცებოდა, იქსაქსებოდა „ხელების აბლაბუდა, საწოლზე ფრჩხილების საზარელი მოფხაჭუნება“ და გამონათება-აციაგებაში წყნარდებოდნენ, უკუიქცეოდნენ მოფუთფუთე საგნებიც.

მილანდარს სხვა სამყაროდან როდი შემოეჭრნენ ისინი. დროთა ვითარებაში ცნობიერებას შემორჩენილი სახეები გადასხვაფერდნენ, ხორცი შემოეძარცვათ, აჩონჩხდნენ, ყურები მოუდიდროვნდათ, თმა აებურძღლათ, ტუჩები დაუსისხლიანდათ და თანდათან, იმდენად გაუცხოვდნენ, რომ ავადმყოფი უკვე ვერავის ცნობდა. შესაზარნი კი მოძვრებოდნენ, მოცოცავდნენ, ეტმასნებოდნენ. „რისთვის დაგვივიწყო, რატომ მოგვიძულეო, ასეთი კითხვებით აბეჩავებდნენ. გასუდრული კედლის გაყოლებით ჩამწკრივდებოდნენ დანის მღესავები, ხერხის მოშარიშურენი, ნაჯახის მოჩახაჩუნენი, მაგრამ თუთურია მოვიდოდა, თიხის ქოთნებს სახუს ნასათუთარი მიხაკებით ააქათქათებდა. ლადი ჭანიასეულ ჩონგურს მოიმარჯვებდა და მოჩვენებანიც ოთახიდან გაიძურწებოდნენ; როგორ ტკბებოდა სიხარულისა და სინათლის მომგვრელი ის ჭანგი?!

არ იცოდა თუთურია, რომელი ცეცხლი წაეკიდებინა, სადაურწყალში ჩავარდნილიყო, ვისთვის დაწინდა თავი, სახუსთვის თუ მილანდარისათვის?! ვერ გადაეწყვიტა, რომელს მიჰყოლოდა, აღმაფრენას თუ შვილის ტვირთს?! შუაზე როგორ გახლეჩილიყო, ან სანახევრო მსხვერპლს იკმარებდნენ ისინი?! ჯერ მის მშვენიერებაში თეთრი მიხაკების საელდო ტალღა ბობოქრობდა, რომელსაც მორევივით თავბრუდამხვევად ატრიალებდა სახუ ანთარისა დაელექტრობული ხელების ამასწინანდელი ორგები.

ასულმა მშობელს დავარცხნილი და დაბეჭდილი თმა მკერდზე გადმოუგდო. ლოგინში ჩააწვინა, საბანი შემოუჟეცვა, ფეხები დაუთბუნა. ყოველი კუთხისკენ დადევნებული დედის მხერა ფარგლავდა თუთურის მიმოსვლას, მის ლტოლვას ჭიშკართან მომლოდინე შეყვარებულისაკენ.

„არა, რომც გადამიყვაროს, უნდა მივბრუნდე შინ. მერე რაღაცას მოვიფიქრებ“, ასკვნიდა თუთარია, თუმცა ამ „მერეს“ გულის მოსაოხებლად უფრო ებლაუჭებოდა, თორემ მომავალში ისეთს რას იღონებდა, ახლა რომ ვერ გადაწყვეტდა?! ასეთნაირად ორჭოფობდა დილითაც. ავადმყოფს ბალიში აუმაღლა, ხელსახოცი ამოუფინა, დააპურა.

ღიას! გაუბედურებული დედის საკვნესელი და საცაცხაბო, მხოლოდ მხრეგანიერმა თუთარიამ ამოხსნა. საშინელ „ხვიარებს და წეწვად ღვედებს“ მისი მოცქრიალებლა თუ გაფანტავდა.

მოწყვნილი მიხაკებით სავსე თიხის ქოთნები სასთუმალთან მიუჩოჩა. დედისეულ შალს დასწვდა, მაგრამ მილანდარის გამიტკლისფერებულმა სახემ და იმ სითეთრეში ორმა უსიცოცხლო ტბამ, მალე მობრუნების ნიშნად იქვე გადააკიდებინა. თუთურია მავთულბადის ღობეს მარეკებით დამფრთხალი შველივით მიაწბდა.

მანქანიდან გადმოსულმა სახუმ მიჯნური საყვედურებით აავსო.

— რატომ არ მოხვედი სკოლაში გუშინ?! ნუთუ ჩემი სიკვდილი გწადია?! დურუს მუქარას ეხუმრები, მაგრამ ხომ ხედავ, მაინც მოვბედე! იოტისოდენას თუ გატყუებდე, ხვალინდელი დღე არ გამითენდებოდეს!

პროფესორებით მოვდივარ, მხნედ იყავიო, დაურეკავს მამაშენისათვის იმ ბერბიჭას. ჩემი არ გეგონოს, ხანტურის სიტყვებია. არ ვიცი, რას უტედი?! გული უიშისაგან მიკანკალებს, ვიდრე აქ მეგულები! შენს მოცემულ პირობაში ბეწვისოდენა სიმართლე თუ ურევია, ყველაფერს უყაყმანოდ მიატოვებ, ამწუთასვე, არადა, ახლოა ენგური!

ხორხომელა თოვლში გარბოდა თუთურია.

აჰა, განემზადა სივრცეები საფრენად.

აჰა, გასრულდა მისი ორწლიანი ორჭოფლობა და ჭოჭმანი. ახლა ქალიშვილის განწყობილებაში გაძნელებოდა ფონის პოვნა. აბობოქრებულ ენგურს ედრებოდა, მილანდარ მუშუქია რომ ებრძოდა ხოლმე, ისეთს.

ემშვიდობებოდა თუთურია ტოტებდაღეწილ ხეებს, ტალავერზე აცოცებულ ვენახებს, (რომლებიც არდაშელმა ხუთიოდე წლის წინ თხემლებიდან ჩამოაზღვევინა, მურყნები ძირში მოასხვეპინა და სკოლის მშენებლობიდან წამოღებული არმატურით თვალის დახამხამებაში აამართვინაი გედე ჭანისას, კემე ანთარისას და კიდევ რამდენიმე ხელმარჯვე ოდაბადელს);

ეთხოვებოდა მიწაზე გართხმულ და მარქენალი ყოჩივით გაჭვი-
მულ დაფნის ბუჩქებს.

სტოვებდა ქართ მოტაცებულ ევკალიპტების ხეივანს, გაურბო-
და პუტას და ძიკვას საცხოვრისს, (სადაც ახალი თოვლის ჩაკობთავე-
ბამდე ყორანა კამეჩები იცოხნებოდნენ). დიახ! კარგად დაამახსოვრ-
და ყველაფერი თუთურიას — მოახლე ქალი ფურკამეჩს ჯერ ზაქს მო-
აგერისინებდა, მერე ცურს მოჰბანდა და როცა მუხლებში მოქცეულ
ვედროში რძეს ჩხაპაჩხუპით ჩამოწველიდა, ცუგრუმელასაც უწი-
ლადებდა სავესე ტოლჩას.

გაურბოდა თუთურია ქარში მოღულუნე ოდის კედლებს, ქონ-
გურებს — ბელურებისა და მოლალურების კონტურებით; ადრე-
ულ გაზაფხულამდე მერცხლების თვალმოუხუჭველად მომლოდი-
ნე ბუდეებს.

გაურბოდა თოვლით დაზურგულ შიფერის სახურავს, (რომელ-
საც აქა-იქ თქეში ატანდა რა ხანია, მაგრამ აღარავინ ცვლიდა);

გაურბოდა ხბოსტოლა ნაგაზებს, გაურკვეველი მიზეზით დამ-
ღურებულ ბებია-ბაბუას, ზურგ შექცეულ დაიასა და მამას, კუბო-
სავით დაყუდებულ სასახლეს (სადაც ძილმკრთალ თუთურიას ერ-
თი ღამეც არ გაუთევია), მათ გაკრიალებულ ბინებს დედაქალაქსა
თუ რაიონულ ცენტრში, ჩასაცემელ-დასახურავით გამოტენილ გარ-
დერობებს, (როცა შარშანდელი სასკოლო ფორმის შემონაკეცის ბო-
ლომდე ჩამოშვებამაც საქმეს ვერ უშველა და მუხლისთავები თანა-
სოფლელების საჩუმჩუმადოდ უბზინავდა).

რატომღაც ერთბაშად მოაგონდა თითოეული გულსატკენი თუ
სასიხარულო წვრილმან-მსხვილმანი. წლების წინ, განა თუთურიას
თანდასწრებით არ მოჰხვია ხელი არღამელმა ხჯანტურს, რასაც აქ
ხედავ, სულ შენია, ჩემო მტრედოო, დაუფვა და უძრავ-მოძრავი ქო-
ნება უფროს ქალიშვილს არ მიაკუთვნა უსირცხვილოდ?!

მაშინაც დედის შეჭირვებულმა მკერდმა, მისმა ჩამქრალმა თვა-
ლებმა უშველეს თუთურიას, რათა დის ბედნიერებას არ დახარბე-
ბოდა.

გაურბოდა მილანდარს, რომლის თმიდან ათი ზამთარი ანათებ-
და უკეთილშობილესი ფერით.

გაურბოდა მოფილაქანებული ბილიკებით დაწყებულ და სემი-
რამიდის ბალით დამთავრებულ ეზო-კარს, თან აფორიაქებული ესალ-
მებოდა კავკასიონის მწვერვალებიდან ამოგვირგვინებულ მანათო-
ბელს, ხელისგაწვედენაზე მობუხუნე შავ ზღვას თუ გაურკვეველ მო-

მავალში მომლოდინე წუთებს და ნაპირებს.

თავსხმას მიყურადლებული თუთურისას ხსოვნიდან აღსდგა ბკე-გადაკრული, ჩრია და პე შვითსახაპელა დღეები — თითქოს განთიადი ლივლივებსონგეზურში, ისე შვენოდა საქორწილო კაბის შუქი მილან-დარს. ის ხატი ვერაფერმა ამონისკარტა. უბედურების წელიწადს იყო: ბავშვები დედის ოხრიალაია* დალალებს ტყუპი სავარცხლით მისხ-დომოდნენ. მერე ქალი დაბზრიალდა. ჯვრისწერას ვერღირსებული საქორწილო კაბის ჩაგვირისტებული კალთები ქოლგასავით გაიშა-ლა. სპილოსძვლის გამორანდული ფეხები სამუდამოდ ჩაებეჭდა მეხ-სიერებაში თუთურისას. თეთრი სამოსელი მალე ხანტურმაც მოიწა-დინა. მილანდარი ჩახუტებულ შვილს ანანავებდა.

მოვესწრებითო, უყვავებდა, ის კი ტირილს უმატებდა და უმატებდა. ასლოკინებული გოგონა გახდილი კაბის მოხელთებამლა დააწყნარა. მილანდარის ჩამომსხვრეული მკლავები აღმაფრენის და-სასრულს ეძებდნენ, ქალწულებრივი აღტკინება გამოცლოდა. ცხად-ში მობრუნებული ქალი პატარებს ეხვეოდა და აკანკალებული ხმით მღეროდა: „ვაგიცორქო მა, ვამორწონქო მა, იშენი ქიგორლუაფუღა სქანი ჭირი მა!“*

„მორჩა.

სახუ: იოტისოდენას თუ გატყუებდე, ხვალინდელი დღე არ გამითენდებოდეს! პროფესორებით მოგდიგარ, მხნედ იყავით, დაურეკავს მამაშენისათვის იმ ბერბიჭაპს. ჩემი არ გე-გონოს, ხანტურის სიტყვებია.

ნუთუ მართლაც ხრონცი მინისტრისთვის ვუნდივარ?!“

მილანდარის კვილს ქურციკისებური ორი ნახტომით მოუსწ-რო თუთურია. კედელს მიკრუნჩხული დედის სიბრალულმაც ვერ გადააფიქრებინა გადაწყვეტილება ქალიშვილს.

— სულ ეს არის, შემოგველე! — ამბობდა და თიხის ქოთნებს ყვა-ვილებს უცვლიდა, — ვერ ხედავ, გადარეულა შენი გოგო! რატომ ტი-რი, თოლიგე?! ორიოდე კვირას რამენაირად გაუძელი უჩემოდ! სად არის შენი მათბობელა ხელები?! — ეუბნებოდა თავჩაქინდრულ დე-დას ასული და ლამის მუხლები მოკეცვოდა.

მილანდარი აჰყვა შვილის ვედრებას. პირისპირ იდგნენ. გაუბე-დურებულ მშობელს ორი მტკაველით სჭარბობდა თუთურია.

— შენს სახუსთან, არა?! პატარა მეგონე და რამხელა მყოლიხარ! ვამჩნევ, გეჩქარება, მაგრამ გასაშვებდაც რომ არ მეთმობი?! წელი-

წადში ერთხელ მაინც მომინახულე, აქ იქნება თუ იქ. ხომ მომინახულებ, ხომ?! — მიხვდა თუთურია მილანდარმა საითკენაც გადიგლო ყელი.

ხვევნა-ალერსით ვერგამძლარი დედა მოულოდნელად ხელიდან დაუსხლტა ასულს. თვალანთებული ტანსაცმლის კარადას ეცა. სიჩქარეში იატაკზე ყრიდა ქალიშვილობისდროინდელ კრეპჟორჟეტის, კრებდემინისა და შიფონის კაბებს, მერე, როგორც იქნა, იპოვა სასურველი. უხმარი ჯუბაჩა მოუბრუნინა და განიერ მხრებზე მოახურა.

— მშვიდობაში გაცვითე, შვილო! მიხვალ?! — მიაკვნესა მილანდარმა მიმავალს. წაებლაუჭა კიდევ, მაგრამ თუთურია მთელი ძალით გაიწია — ცოტა დაყოვნებაც და დედაშვილობის მაგნიტურ არეს თავს ვედარაფრით დააღწევდა.

— სახუ! სახუ! — სასოწარკვეთითი აღმოხდა თუთურიას.

სატრფოს ფერიცვალებას სარკიდან გაფაციცებით მიჩერებულმა ვაჟმა მკვეთრად დაამუხრუჭა და მგზავრებიც ზოგი რას შეასკდა და ზოგიც — რას.

— გვხოცავ, ბებია?! — თქვა ძუბა ჭანიამ და დაწითლებული შუბლი ხელით მოისრისა.

— რატომ არაფერს იტყვი, სახუ?! „ჯანდაბას! მოხდეს რაც მოსახდენია!“

— მაცალეს კი მაგრამ?! წყეული ბორნის ამბავს დაადგა საშველი?

„ჩემი თუთა!

თუთურია: თავზე დამადგა გაშლილი მაკრატლით ხელში. რადაცნაირად უელვარებდა თვალები. წამოგიკივლე, შეკრთა და აქვითინდა.“

— ბორანმა რა დაგიშავათ, შვილებო?!

— არაფერი, ბებია, მაგრამ საუბარს რომ დაიწყებ, დამთავრება გიჭირს ხოლმე. იცი, სად ვიბავით დღეს მე და თუთურია?! მმაჩის ბიურო თუ გაგიგონია?! ჰოდა, იქ. ყველაფერი გადაწყვეტილია უკვე, ასე რომ, შეგიძლია მოგვილოცო!

— რა უნდა მოგილოცო, სახუ?! „ხომ ვამბობდი, რაღაც ამბავია ამ გოგოს თავს-მეთქი?“

— რა და ჩვენ უკვე... „თვითონ წამოიწყო, მე კი არა. ჩემი თუთურია“.

— რა-მეთქი, რა? „როგორც ჩანს, აცდუნა საწყალი ბავშვი!“

— რა ბებია და შენ და ჭოფიამ რომ მოახერხეთ თავის დროზე, ის.

— გააჩერე მანქანა! გააჩერე-მეთქი! „არ ჯობდა ორივე ფეხი მოეკვეთათ ამ ბომბადაცემულ სავადმოფოში?! გაუძლებს აწი რამე წინასას?! როგორ გინდა დაარწმუნოთ, რომ არაფერ შუაში ვარ?! სამაგიერო გადამიხადაო, აიშვებს და ზეზეურად შემეჭამს“.

— აგერ, გავაჩერე! კიდევ რას იტყვი გულის გამახარებელს?!

— სამასხროდ სრულებით არ მცალია, სახუ! აქამდე უმწიკვლოდ მიტარებია მანდილი. ექვსი შვილი გამიზრდია ცხვარბარით* , ერთი ტკბილი სიტყვა რომ არ მღირსებია შენი ღმერთგამწყრალი ბაბუიგან, ისე. მაკმარეთ, რაც მჭირს! გადაიტანს ამ ამბავს გვიტი?! ან მამაშენი არ გებრალეზა, გოგო? თვეზე მეტია, რაც ცალი ფეხი სამარეში უდგას. არა, მე მაინც ჩემსას ვადგავარ. მიმიყვანეთ შინ, დამადგეთ ლოგინზე და თქვენი კვაწაწი არ ვნახო მერე! კახათში წადით, ჩემს დასთან. ჰმ! მღადეს და მაყარს ნუ იკითხავთ! თექვსმეტის არ ხარ ჯერ, თექვსმეტის!

— ცამეტის იყო ჯულიეტა, როცა რომეოს მისთხოვდა! — თქვა ბონდომ.

— გიორგი, ნანაგე, ბებიაჩემიცა და დედაჩემიც თოთხმეტ-თხუთმეტი წლისანი ყოფილან, როცა მოიტაცეს, მაგრამ მამინ სხვა დროს იყო. ქალი ქალს ჰგავდა და კაცი — კაცს. ახლა მობიჭებულა ქვეყანა. ოჯახის ტვირთს ეხუმრები შენ?! ჭკვიანი მეგონე, სახუ და ნამდვილი შტერი ყოფილხარ! საქორწილოდ გვცალია, ძაძებიდან ცხვირი ძლივს გვიჩანს და?! ამ გომბიოს ინფარქტდარტყმული მამა უწევს სახლში, ნანაგე. ესეც არაფერი, უწამლებენ არდაშელ ჰალიძონას და იქნება არ გასწიროს მამაზეციერმა, მაგრამ მილანდარს რას უშვრებებიან, მილანდარს?! ათი წელიწადია თუთურის გარეშე საჭირო ოთახში ვერ გასულა საცოდავი! დღედაღამ თავზე რომ ევლებოდა, იმიტომაც მოაღწია აქამდე. წარმომიდგენია, რა დღეშიც იქნება უბედური! დგას, ალბათ აივანზე საღამურისამარა და კივის ვარსკვლავების ციდან ჩამოსაწყვეტად. მე შენ გეტყვი და, მერე ცარო მუშუქია მოიცლის მისთვის თუ ის ქალბიჭა ხანტური?! „გიჟის ქალიშვილი მაკლდა რძლად“ რამე რომ მოუვიდეს მილანდარს, ვინ გაილანძღება პირველ რიგში, თუ არა ჩვენი პელეტი ოჯახი?! ოდაბადელების ყბაში მტერი ჩავარდნილა, ნანაგე, მტერი! ამისთვის ვიკლავდით თავს?! მიყურე, ხო, მაგრად მიყურე! თუთურის ნახევარიც არ გეკუთვნის შენ, მარა სქვამ-სქვამი სიტყვეფით დუც მურსიოლუნდი ბალანას. ქერმარჩინუდით აბა დო მუ გოხვარუდეს?!*

მანქანაში რომ ვნახე „ელიტალ მოქყუდუნი“* რაღა დასამალია და გული კინალამ გადამიქანდა. დურუ ჰალიძონიას მუქარას ეხუმრებით თქვენ?!

ვინც არდაშელთან მიბედავს, უნახავი ძმის სულს ვფიცავ, ისე გავუხდი საქმეს, საკუთარ ხორცს საკუთარი კბილებით იგლეჯდესო, დაიქანდა და ამის შემდეგ ჩემი უტვინო შვილიშვილის მეტი რომელი ჭკუათმყოფელი მიბედავდა მათსას?! დურუ გადარეულის მოსამდურებელი არაფერი სჭირს ჩემს ოჯახს, არაფერი!

— შენ სხვის ომში ხარ ბრძენი, თორემ შენიანებში ასეთი გულქვა იყავი ყოველთვის და გულქვადვე დარჩი!

— სტუმრის მაინც შერცხვეს! მე ვიყავი, ბიჭო, გულქვა?! შენ მეუბნები ამას, ჩემი ხელებით გამოზრდილი! თავი არ დამაწყველინო! მაინტერესებს ერთი, ვინ იზარალა ჩემი გულქვაობით, ვინ?!

— დაგავიწყდა ხუთ წელიწადს რომელი დადიოდა ნათესავებში გარე-გარე?!

— გვიტი და წისა?!

— რა, არ უნდა მეთქვა?! ქვა ააგდეთ და თავი შეუშვირეთ, ნირგა ქობალიას შვილს რძლად როგორ შემოვუშვებ ჩემს პელეტ ოჯახშიო. კიდევ კარგი, ბოლოს ჭკუაზე მოხვედით, თორემ ჩვენც ქუჩაში დავიბადებოდით, ალბათ, კახასავით.

ევკალიპტებისა და გორილასმკლავებიანი ნაძვების ქარსაცავ ზოლში მიქროდნენ.

ბონდო ჰალიძონია დროდადრო შეათვალეირებდა ხმააწევით მოკამათე ბებია-შვილიშვილს. ყმაწვილის უცნაურობათა სკივრს კიდევ ერთი სიახლე მიემატა. ჯერ იყო და ოდაბადელ დედაკაცთან შეხვედრა. მერე და ვისთან?! ჟინი ანთარის ძმის შვილის თანამეცხადრესთან! ახლა ამას ზედ სახუ და არდაშელის უმცროსი ასულიც დაერთო. თითქოს წრედი უნდა შეკრულიყო, თითქოს რაღაც უფრო მნიშვნელოვანი უნდა გაცხადებულყო ოღროჩოღრო გზაზე ცინცხალი მანქანის ჭანჭყარში. სწორედ ისეთ გუნება-განწყობილებაზე იდგა, როგორც შვიდი იანვრის საშობაო სუფრასთან. ლტოლვილი განუზომელ თრთოლვას შეეპყრო, მაგრამ თავს ძალა დაატანა, ალერსიანდა შეეხო მხარზე სახუს ენაწაგდებით გაკერპებულ დედაბერს. ძუბა ჭანიამ ღმობიერად, სევდანარევი ღიმილით მოხვდა გადამრჩენელს, თუმცა ეს არ ნიშნავდა დათმობას.

— განა მე არ მესმის, ნანაგე, თუ რა ჯოჯოხეთია სიყვარული?! განა მე არ მითენებია ღამეები თეთრად?! განა ამ სამიწე თვალებს

ჰკლებია ცრემლი, მაგრამ სახელისთვის ვსულდგმულობთ ყველანი, წმინდა სახელისთვის და ჩემი პელები ოჯახის ღირსების შელახვას არავის ვაპატიებ, არავის! გინასხაპური მუ რდუ?!* გართმევდა ვინმე შენს ბანტიანს?!

— იცი, რას გეტყვი?! — თვალეზი დააბრიალა სახუმ და მანქანა კინლამ თხრილისკენ გაექცა, — არავისზე ნაკლებად ვუფრთხილდები მე სახელსა და ღირსებას, მაგრამ ავერ, ხვალ-ზეგ ის ბერბიჰა მინისტრი რომ ჩამოვა და თოჯინასავით მიართმევს არდაშელი ჩემს თუთურისა, მაშინ ნახე, როგორ ოხრად დაგრჩეთ ეგ თქვენი პელები ოჯახი!

— ენამყრალი ჰიჰე კვეკვეს ნაყრანტალებს გულთან მიიტანს კაცი?! გეუბნება ვინმე, ადექი და ზურგი შეაქციე შენს ბანტიანოსო?! ხომ გითხარი, დამსვით მე სახლში, თქვენ კი ჯვარი გწერიათ, ჩემს დასთან წადით, კახათში-მეთქი?!

— კარდაკარ საწანწალო არაფერი მჭირს მე!

— გაჭირვება მალაპარაკებს, ბებია, გაჭირვება! ბაბუაშენის მწუხარება ჯანდაბას, მაგრამ ამათაც მკვდრებით რომ ავესოთ ოჯახი?! ორმოცამდე ცხრამეტი დღელა დარჩენილა და ამდენ ხანს წყალში ჩაღებოდა ადამიანი.

— საფლავეში ხომ არ ჩავყვები?! მერედა, რომ ამოგიჩემებია, ორმოცი, ორმოციო, ამაღამ ხომ არ ვიხდით ქორწილს?!

საზურგეს მისვენებულ თუთურისა მოულოდნელად ჰვიტინი წასკდა. მუხლებს ბრჭყალებით ჩაფრენილი თავს მწარედ აქნევდა, თითქოს წინასწარ ეგრძნო, თუ საანთარიაოში როგორ გაიშოტებოდა მდინარესავით სეფა, ძელებზე რაფერ აბრჭყვიალდებოდა ფოლგა, ფერადი ბუშტები, დაფნის შიმალეზი, ბზა და ნეკერჩხალი. გვიტი და წისა რანაირად დაიყოლიებდნენ სათამადოდ ჟურუმია ქობალიას, ანდა შემდგომში დიდი ხნის უნახავ შვილს მიგებებულ მამის ხელებივით რაფერ გაიწელებოდა ლერი მუშუქიას აკორდენი, რარიგად გამოუბერავდა კლარნეტი ლოყებს კოტე ჰანიას, რანაირად გაიტკაცუნებდა ხელისგული ვარადი მესხიას მოსლიპულ თავზე და მედლოსის საგანგებოდ გაქონილი კეფა თუმნიანს როგორ შეირჩენდა.

წარმოსახული ქორწილის მხიარულებიდან და მუქმრავლობიდან გარბოდა აქვიტინებული თუთურია. გვირილების გადაპენტილი კუნტა ქობალიას ნასახლარი გვადიას ღელეს გადაებმებოდა თვალსაწიერზე. იხსნებოდა სანთლისფერი კარები. დაუსრულებლად ენაც-

ვლებოდა დარბაზი დარბაზს. იატაკი ფარდაგდებოდა, კედლები ხალიჩდებოდა და ამ ლივლივში საფიცარ ასულს ღალატის ბრალდებით განირიდებდა მილანდარ მუშუქია.

აქედანვე გრძნობდა თუთურია, რომ მის თავისუფლებას რანაირი უმოწყალობით გათელავდა ანთარიების საზრუნავი, ხანტურის ნაჩუქარი ნივთები, მეუღლის ლოგინი. მეტ მოქნილობას შეიძენდა მისი ნეკნები, სხეული. თავდაჭერილობა და ანგარიშინაობა გადასძლეოდა. აღრინდელივით ვერ იკუნტრუშებდა თავსხმა წვიმაში, როცა ახალდაკრეფილ გვირილებს ცისკენ ასიროდნენ ის და სახუ და მოთქრიალებდა გვირილების თქეში.

წვიმა გადაუღებლად. ჭირვეული ამინდი ნერვებს უწიწკნიდა ისედაც აღრენილ სახუს, ძარღვებს უშლიდა ნაფათერაკალ ძუბა ჭინას; ვინ იცის, ბარის თუ მთის კიდევ რამდენ მობინადრეს აწიწმატებდა, ახელებდა იგი, მხოლოდ ერთადერთს, ჭოფია ანთარიას აზეიმებდა პირმორღვეული ცის თქაშათქეში.

მუხლებმა ნაადრევად უმტყუნეს ჭოფიას, ბორანი იყო მისი მუხელი, მაგრამ ერთიცა და მეორეც ენგურის სიმძლავრეს უკავშირდებოდა, ამიტომაც დაკუტებულებიყვნენ უმისოდ. სადერივაციო გვირავით სხვაგან მიედინებოდა ახლა ენგურის ძირითადი ენერგია და თავდაპირველად კალაპოტში, აჰა, მერამდენე წელიწადია საცოდავად მოიწრიტებოდა ფაბრიკა-ქარხნების დორბლით მოწამლული.

— ეჰეჰეი, ჭოფია, ეჰეჰეი! — არ ეხმინებოდნენ ძველებურად ნავიანები მგზავრები. იჯდა ხოლმე ბორნის მოფამფალებულ ფანჩატურში და სულ ოდინდელი მგლისფერი ენგურის გამოჩენას ნატრობდა. როცა ბინდი წამოეპარებოდა ფიქრებში გართულს, ძუბა ჭინა მოაკითხავდა. ხელკავს გამოსდება, ჭიკავ-ჭიკავითა და მუჯლუგუნებით შინისკენ წააკვანჭალებდა. დილით ჭოფია ისევ ბორანს მიაშურებდა, გაზეთის ნაგლეჯში თუთუნს გაახვევდა. „ბაგის მეცადინეობით ახორხილი რკინა-ბეტონი“ მისი ორმოცწლიანი ამაგის სამარედ ქცეულიყო.

„გავა წლები, ათი, ოცი, ოცდაათი. ჯერ ჭოფია ანთარიას ნაბორნალს იტყვიან, ისევე, როგორც კვეკვე ანთარიას ბორანს ეძახდნენ თავიდან. მეერ ჩემს სახელს და სიცოცხლეს დრო-ჟამი თანდათან წაშლის. აბა, რომელ ერთს წამოცდება, ბაგი ანთარიას ხილით ვიმგზავრეთო?! არავის! ოდაბადეს ხილით გადავედითო, შეეხმინება კაცი კაცს“.

ჭოფია ანთარიას ეს საწუხარი აჭუტვინებდა თვალებს დილი-

დანვე.

გაუქმებულ ბორანზე სოფლის ახალგაზრდობა იყრიდა ხოლმე თავს. ყრუ-მუხეი დებისგან, ელსა და მინაკასაგან არაყს იყიდდნენ, ცხელ ლავაშსა და ყველს გაზეთზე გაშლიდნენ და სასადილოს უქონლები ღრეობას მიეცემოდნენ.

— ბიჭოს, წყალი გამოუშვეს! — ეხუმრებოდნენ ჭიქა არყით აჩუჩუნებულ მებორნეს. ანგლობას უცებ ვერ მიუხვდებოდა ბერიკაცი, წამოიმართებოდა, მოაჯირამდე მიკვანჭალტებოდა, მაგრამ ენგური ძველებურად საბრალოდ მოიღვენებოდა. გუშინწინდელს აქეთ კი მდინარეს რაღაცნაირი გამოცოცხლება დაეტყო. ჯერ ღრუბლები ამოივსო მღვრიე ნაკადით, მერე მეჩჩეები დაიფარა აქა-იქ. მოგვიანებით ნაპირებამდეც მოდიოდა ზოგან, ახლა ხომ მთლად მხრებში გაშლილიყო.

წვიმა საარყე ქვაბებიდან გადმოშვებულევით თქიშინებდა ბრეზენტის საწვიმარმოსხმულ ჭოფიას ბეჭებზე. ყანყალებდა, ფამფალებდა ბორანი. თუმცა შლამში ღრმად ჩამჯდარს სხეული ველარაფრით აეგლიჯა. მოხუცი შექანგულ ბოქლომს ამაოდ ევაჯგურებოდა. გამწარებულმა ბორნის დამკავებელ ჯაჭვს და ბაგირს ზედიზედ მიაფურთხა.

— ეჰეჰეი, ჭოფია, ეჰეჰეი! — შეწყობილად ახვიზინდნენ საპარიკმახეროდან ჯეელები და მათ გამოჯავრებას საერთო ხორხოცი მოჰყვა.

ბუქსირზე აიყვანე, ბუქსირზე! — ამასხარავებდნენ ისედაც ძარღვებაშლილს.

„ბედის დაცინვა თუ გინდა!“ გაიფიქრა ბრაზისაგან ბაგეჩაკენეტილმა მებორნემ. სიმწრის ოფლი ასხამდა ხოფს მიწოლილს. აქეთ კოპებშეკრული თენგიზი და ზურაბი მკლავებზე ებლაუჭებოდნენ, იქით ხიდიდან უპიპინებდა გაცეცხლებული სახუ, უკიჟინებდა გააღმასებული ჭანხე. ჭოფია ანთარიამ საპარიკმახეროდან გამოშლილ ახალუხებს, რა თქმა უნდა, წაუყრუა, მაგრამ შვილიშვილების მოღლუშულმა სახეებმა მობოჭა.

„ხედავ, ესირცხვილებათ ჩემი ამჩატება!“ გაუკრთა გონებაში და თავი ჩაჰკიდა „ძლივს ველირსე ენგურის აღიდებას, ესენი კი ნაპირზე გაფანას მიპირებენ. გარეშეთა დაცინვას რამენაირად გაუძლებს კაცი, მაგრამ ჩემიანებიც რომ ამიჯანყდნენ?!“

— ახლა, ამ სიბერეში, ხელი რომ დამტყუოთ საჯაროდ, მერე როგორი იქნება თქვენი ბიჭობა?! ჰოდა, დამეხსენით, შემოგვევლით! — თქვა ჭოფიამ, თუმცა ფიზიკური შეურაცხყოფის საშიშროება შვილიშ-

ვილებმა აინუნშიაც არ ჩაადგეს.

— არიქა, ტორი არ მოგიქნიოს ბორანმა, ტორი! — ხორხოცებდნენ ახალგაზრდები ძველებურად.

— ჩემი ჭკუის დარიგებას აჯობებს ოჯახს მოეკიდოთ, ცინგლიანებო, ოჯახს — შემოიშველია გვიტის სიტყვები, —სამარის კართან მისულს, ბოლოს და ბოლოს ჯილაგის გამგრძელებელს მალირსებთ თუ არა?! — მოსჭრა, როცა შეგონებით ვედარაფერი გააწყო. მაინც არ მოეშვნენ. მაშინ გაკერპებულმა ბაბუამ ენას სადავეები მიუშვა, — იქნებ გვარის მასახელებელი გჭირთ რამე, ჰო, გვარის მასახელებელი! —კენწლავდა ბიჭებს და საკუთარ უმწეობას აქვესკნელებდა, ვინაიდან მარწუხებივით წაჭერილი თითებისაგან ძვალტყავა მკლავები ვედარაფრით გაეთავისუფლებინა.

ბურჯების მორაყვის მოწადინე ჭოფიამ აღმაცერი მზერა ესროლა ხიდს. შინმოუსვლელთა პარკსაც გახედა, საიდანაც მუშტივით შეკრულმა ანთარიებმა ხელები დაუქნიეს. თავისკენ ეპატიჟებოდნენ ცისფრები და მჩატენი.

ფესვებიანად მოთხრილ ხეებს ნაფოტებივით მოათამაშებდა ენგური. მერეხს წვრილი ღელეები აეფოფრა. გამდნარი თოვლის ნიაღვრები კალაპოტს მოაწყდნენ. კიდევ ათიოდე წუთიც და ზვირთები უკვე ზემოდან გადასდიოდა ბორანს.

„თქვენ ნურაფერს ნადვლობთ“, ეჩურჩულებოდა მამისა და ბიძების აჩრდილებს ფერწაული ჭოფია, „ეს სულწაწყმედილი ჟინი ანთარი ჩანაცრულა სატანჯოში ზეზეურად, თორემ თქვენთვის ზეცა თაფლით სავსე ბარქაშივითაა მორთმეული“.

შემოგარენი გარგარებდა. სტიქია ქვეყნის დანთქმით იმუქრებოდა. ჟამი წამიწამ წარღვნის დღეს ემსგავსებოდა. მერე ახალგაზრდებმა საპარიკმახეროდან ერთხმად იხუველეს, როცა მორიგმა ტალღამ ბორნის ისედაც მოფამფალელებული ფანჩატური გადაამსხვრია და ნაფოტივით გაიგდო წინ. გაცოფებული ენგური ტოლის გახუნებულ სახურავიან იმ საჩრდილობელს ხანაც ერთ ადგილას აბზრიალებდა, ხან უკიდურესად გადაფერდავდა, ჩაითრევედა მორევეში, ისევ ამოსტყორცნიდა საცობივით და თუ აქამდე ჭოფია ანთარის ცალი ფეხი მაინც ედგა მიწაზე საღად, ახლა ფანჩატურის მოტაცებამ ისიც მოჰკვეთა.

მებორნემ ჰაერს ხელი წაუპოტინა, მაგრამ მის ფიქრებს ზემოდან

ზესკნელი აწვებოდა, ქვემოდან ენგური ებლაუჭებოდა და სანამ მოუ-
სავლეთის ჯურღმულეებში დაინთქმებოდა ორიოდ ნაბდისგაშლა
ფანჩატური, მის მზერაში ხიდის ჩონჩხი მტკაველ-მტკაველ ამალლ-
და, წამწვერვალდა, სადღაც ჭოფიას უარყოფელი ცისკენ. მაინც იმ
შედდედებულ სიმრუმეში მოტივტივე საგანს უთვალთვალებდა კისერ-
მოქცეული. თითქოს ყელში დანას უყრიანო, ხავლისმაგვარი ხმა აშ-
კარად ჩაესმოდა მებორნეს. ბოლოს თითქმის გონწართმეულს აქეთ-
იქით იღლიაში ამოუდგნენ შვილიშვილები, სახუს ტალახში ამოსვ-
რილი მანქანისაკენ გააქანეს და ამ სურათის შემხედვარე ჭველები ისევ
ცხენებივით აჭიხინდნენ.

წვიმა გადაუღებლად. ჩამოქუფრულმა ცამ მალე გააზიზინა
მდინარის კალაპოტი. ანთარიების შუკაში ცხვირშეყოფილ „ეი-
გულს“ ენგურის ტოტიდან გადმოვარდნილი ნიაღვარი შემოეფეთა.
გზადაგზა მოტაცებული ფიცრებითა და ქვა-ლორღით მათი სამო-
სახლოსკენ გამოგნებულ ღვარცოფს უკვე მოესწრო მიჯაჭვული ძალ-
ლის თუ საბატეში შეყუჟული ინდაურების დახრჩობა. წელამდე
წყალში დატოპავდნენ კახაბერი და მურმანი. მეორე სართულის აივ-
ნისაკენ მიარბენინებდნენ აჭყიტინებულ გოჭებსა და დედალორებს.
კიბის საფეხურებზე აჰყავდათ აზმუვლებული ხბოები და ძროხები.
ყროყნებდნენ ზაქები და კამეჩები.

ჭიშკრამდე გაჭირვებით მიგორებული მანქანიდან ბონდომ ხე-
ლებში ატატებული გამოიყვანა ძუბა ჭანია. სახუსთვის მკლავები შე-
მოეჭდო კისერზე თუთურიას. თენგიზი და ზურაბი ღრანჭმოქცეულ
ჭოფიას მოაპროწილებდნენ.

— საქმისას დაიკარგები ხოლმე! — უსაყვედურეს ახალმოსულ
ნაბოლარას ჭოროფაში გასარხებულმა ძმებმა.

— დითა, დითა! — აქვესკნელებდა „უკანმოუბრუნებელ ენგურს“
წისა ქობალია. უწესრიგოდ დაყრილ ქვეშაგებს, ფარდაგებს, ნოხებს
და თეთრეულს თავთავიანთ ადგილს მიუჩენდა.

— ჭურჭელს შეეშვი, ძლაბი! — უწყრებოდა ტანმორჩილ ძმის-
წულს.

დედამთილისა და თუთურიას შემომატება დიასახლისმა გვიან
შენიშნა. ველარაფრით მიხვდა წისა, თუ არდაშელის ასული საი-
დან, რისთვის გაჩნდა მათ ჭერქვეშ, ან ანთარიების ტვირთს რა მო-
საზრების შეეჭიდა.

მთელი სამეზობლო მათსას შეყრილიყო. დაცაცხანება ვერაფერს

შველდა ბავშვების ჟრიაშულს. აქ, საიმედო ჭერქვეშ, შეკრებილიყვინენ წყალიდობით შეშინებული ელა და მინაკა, მათი დისწული ჭიქე კვეკვე, ნოკო ანთარია ჯალაბითურთ, ჯურუმია ქობალია თავისი გასათხოვარი ასულებით, მარტოხელა დეჟულა, სოფლის დალაქი პახვალა ჭანია ბერწ ცოლთან ერთად, თუ სხვანი და სხვანი.

თავაწყვეტილი წყალიდობით, მერედა დედის მშვიდობიანად გადახდილი საფრთხით აფორიაქებულ გვიტს მესერთან მიტივტივებული ღვინის ცარიელი ბოთლების სიმრავლემ თავი მწარედ გადააქნევინა — ბოლოდროინდელი გასვლების განუხრედ ზრდას უტყუარი საბუთი დაეძებნა.

გვიტ ანთარია მერთხანს უყურა ბიჭებს, მათი მონდომება ესიამოვნა. შვილებს მხნეობა მოუწონა, შემდეგ ყელში მოაწვა რალაც მშრალი, სიტყვის წამრთმევი წყრომა, მაგრამ ამ მეწყრში ვაჟების დატუქსვა არ ივარგებდა.

„ვამბობდი თუ არა, მოუარეთ მაგ ჯებირს, თორემ დაგვაქცევს ენგური?“ ამ წინადადებას დარბაისლურად ამუხრუჭებდა ცხოვრებისეული მორალით.

— ანთარიები ხართ თქვენ! ჰოდა, ჩვენს ჯილაგს განსაკუთრებით გაჭირვების დროს მოსდგამს სიმამაცე! — დაიმედა გაჯავრების ნაცვლად მემკვიდრეები და სველ თმაზე მიესიყვარულა სახუს.

ძმების ამავის მისაკუთრება მამაილა შვილს წამითაც არ უფიქრია, არც უფროსებს სწყენიათ ნაბოლარისათვის მიკერძოებული დაუმსახურებელი ალერსი.

ისე ვერ წაისადილებდნენ ძმები ანთარიები, რომ მამას უცოლობა არ წამოეყვედრებინა მათთვის.

— ბარემ გულგახსნილად თქვით, გვარის მასახლებელი რამე თუ გჭირთ, კაცობის უღელი თუ დაგიმჩატდათ?! — მეტადრე მთვრალი მწარობდა ხოლმე. არწივის ნისკარტივით მოკაუჭებულ ცხვირთან შავად მობიბინე წარბებს შეყრიდა. თხელი იყო და საუბრისას მსმენელის ამოჩემება უყვარდა. რანაირი მშვიერიც ყოფილიყო, ათიოდელ უკმას იმყოფინებდა. შემდეგ მოციცქნულ კერძს იდაყვით მისწევდა. უშაქრო, მუქჩაის შეუმზადებდა წისა ქობალია, რომელსაც ზურგი და მკერდი ზამთარ-ზაფხულ სქელი თავმლით ჯვარედინად ჰქონდა შეფუთნილი.

ამასობაში ცოლის ძმისწული, დადუ, მოთითბრული ტაშტით თბილ წყალს შემოიტანდა. სამფეხა ჯორკოთი მიუჯდებოდა ბიძის დაძარღვულ წვივებს, დაბანდა, შემუმშრალებდა, თბილ წინდებს ჩააცმევდა. ხანმოკლე გარინდებაში სახვალყო გეგმებს ააკოკოლავენდა

გვიტ ანთარია. ჭირივით ეჯავრებოდა წუკარატა და ჯანჯალი.

— რინაშ დროს — რინა, ნტინაშ დროს — ნტინა!* — ამ სიბრძნეს ხშირად ესესხებოდა ლადი ჭანას.

წარაბაკანათა ლობეძრომიალი ახელებდა უმეტესად. ადრე მე-ვახშე, დღეს — ხილის დამამზადებელი პუნქტის გამგე, გაქველმოქმედდა. ქორწილში იყო თუ ქელეხშ, ჯერ შემწეთა სიას წაიკითხავდა. ფულს იმდენს ჩაწერდა, ათეულში მაინც მოხვედრილიყო. როცა რომელიმე ოდაბადელი ყმაწვილი უმაღლეს სასწავლებელში ჩაირიცხებოდა, ან საბჭოთა არმიის რიგებში გაიწვევდნენ, ცხადია, პურობასაც დაესწრებოდა, შემდეგ „ერთი თვის საუზმე-სადილის გროშებს“ სტუდენტსაც აჩუქებდა მალულად და წვევამდელსაც.

— ახალგაზრდული თავქარიანობით არ მოსცდეთ, ასახელეთ მშობლიური სოფელი! — დაარიგებდა. მისი ნათლულების სიმრავლეს იქნებ ესეც განაპირობებდა ნაწილობრივ.

მოკლედ, შვილებს, მათ მეგობრებს, საერთოდ მოზარდ თაობას, დღენიადაგ სიღინჯეს, დროის წუწურაქულ მომჭირნეობას, ხალხის სასარგებლო საქმეების კეთებას ჩააგონებდა სულ.

გვიტ ანთარიას ხელგაშლილობა, თანადგომა და გატანა პირზე ეკერა ყველას.

მართალია, მისმა ბიჭებმა „ცოდნის მწვერვალებს“ უღალატეს, მაგრამ ორ უფროს ვაჟიშვილს პოლიტექნიკური ინსტიტუტი დაუსწრებლად დაამთავრებინა. ორივეს სამსახურიც სარფიანი გამოუძებნა — კახა ენგურჰესზე ინჟინრად მუშაობდა ბეტონის ქარხანაში. მურმანი ავტოპარკს განაგებდა ოდაბადეში. ზურაბი მამის საქმეებს აგრძელებდა — ხილის დამზადებაში ხელის მოთბობის ურთულეს მეთოდებს ეუფლებოდა. თენგიზი სოფელ-სოფელ დაჩხირკედლაობდა. მოსახლეობას ელექტრომრიცხველის უკულმა დატრიალოებაში წაფავდა. აქვე გაფუჭებულ ტელევიზორებს არემონტებდა. საკუთარი კონსტრუქციის ანტენებს ამონტაჟებდა, რომლითაც ცენტრალურ პროგრამებთან ერთად სომხეთ-აზერბაიჯანისა და თურქეთის გადაცემასაც იხილავდა დაინტერესებული პირი.

სახუსადაც არის საშუალო სკოლას დაამთავრებდა, მაგრამ აქამდისაც ოჯახის ბურჯად მიაჩნდათ. მამულს უვლიდა. თესავდა, ფარცხავდა, მარგლავდა და ამოროდებდა. ჟინი ანთარის გამოყვანილი ლიმონებისთვის, საადრეო კიტრ-პომიდვრისათვის თუ მიხაკებისთვის სათბური მოაწყო. დაგროვილი ფულით „ჟიგული“ შეიძინა, რომლის სახურავიღა მოჩანდა ახლა ჭიშკარიდან.

— წავედი დასაძინებლად, იქნებ მძახლები დამესიზმროს! — წაიქირჩილებდა გვიტი ბაგისა და ბიჭების გასამწარებლად. ხუჭუჭა თავზე მიუფერებდა სახუს. — ხუთივე ამის ფრჩხილადაც არ ღირხართ, — მოსჭრიდა უცებ, — რა გეშველებათ, ეგ რომ არ გყავდეთ?! თქვე ლონდრეებო, თავზე ჭერი დაგექცეოდათ, ჭერი! ცოლს ვინ ოხერტიალი მოგაშავებთ უშრომლებს და იყრით მახათს ერთ ადგილას! — ასე ენამწარობდა, ასე აბიაბრუებდა, „უჯიგროებს“ გამუდმებით. დღენიადაც ქონების ათ ტოლ ნაწილად გაყოფას იქაღნებოდა, მაგრამ ფუძეს, როგორც წესი, სახუს უმტკიცებდა.

— აბა, უდარდელების იმედით გვერდებს ხომ არ დავიოებებ სიბერეში?! — იმუქრებოდა აქა-იქ, ამიტომაც ტელევიზორს მიჩერებულნი ძმები ანთარიები გულიანად გადაიხარხარებდნენ, რაც გვიტს მრავლისმეტყველად გააქნევიებდა თავს.

— იცინეთ, იცინეთ და ნახავთ ყველაფერს! ელამ და მინაკამ წყალი რომ შეგიყნათ, რას ფიქრობთ ნეტავი?! — წამოიწყებდა მეთათასედ, — თქვენი გაკეთებული საქმე მანახა და მერე მომკლა, სამარეში ჯავრი მანაც არ ჩამოყვებოდა. სახუსთვის რომ მეთხოვა. უკვე დიდი ხნის წინ დაკოპწიავებული იქნებოდა აქაურობა, მაგრამ გაცლით უფროს მუტრუკებს, რისი მაქნისებიცა ხართ. შეხედთ, კაცო, რას შერებიან მუშუქები, ჭანიები, მესხიები! მართლები არიან ჭიჭე კვეკვეს დეიდები. ხომ თქვეს, ჯერ არხი გათხარეთ ენგურისკენ და მერე მოვაშორებთ ნაგავს ხიდისთავსო?! ექსკავატორის მოყვანასაც უკადრისობენ თავადიშვილები! თქვენი წყალობითაა სწორედ, კარგი დღე რომ ადგას ჩვენს სახლ-კარს, ვართ საუცხოო პირობებში. თხილნარს ვინ ჩივის, ფეხის დაუსველებლად საპირფარეშომდე ვერ მივსულვართ, რიგიანად ვერ მოგვიმასქნებია! — დააგვირგვინებდა და გორგოზად გადახედავდა „შვილების გაბლაგვების სათავეს“ — ცოლს.

აქ კი ძმები ანთარიები აბუზლუნდებოდნენ, სახუს მომაბეზრებელ განდიდებას კაცი რამენაირად გაუძლებდა, მაგრამ სხვისი შვილების მოჭარბებული შეფასება რომ იცოდა, ეს უწიწკნიდათ სულს.

— ვის ჰყავს უკეთესი შვილები, რომ მოგვდგები და გვოათხავ? — ერთდროულად შეუტევდნენ მამას.

შინაგანად კმაყოფილი გვიტ ანთარია ხელს ჩაიქნევდა და ზედა სართულზე ფლოსტების ტყაპუნით ადიოდა.

ახლაც მამის რჩეული სახუ ოჯახის უფროსის გვერდით იდგა და შთაგონებულები აივნიდან უთვალთვალებდნენ უჩვეულო წყალიდობით გატრუნულ სოფელს.

— ესეც ჩემი რემონტი! — ჩაილაპარაკა ნივთების უწესრიგობით, დაფაცურებული სახლეულების, ხიზნების სიმრავლით თუ საქონლით სავსე აივნის მოყურადე ჭოფიას ძემ და ბეწვზე გადარჩენილი დედის მოსანახულელებლად გაეშურა. მამას ფეხდაფეხ მიჰყვა სახუ. კედელმიკრულმა თუთურია მ რატომღაც დააბნია გვიტი.

„ენგურის მოტაცებულს არ ჰგავს არდაშელის ასული. ფული ზღვასავით შესდის მამამისს, მხოლოდ შესდის, ოდაბადელებსაც ამიტომ შესძულდათ. აქაურს ბევრი უნდა წაართვა და ცოტაც მიუგდო. ეს ცოტა მთასავით დაეყუდება ოდესმე. აქაურს ორჯერ რომ წაუთაქებ, მესამედ მიეფერო უნდა. სხვანაირად ვერ დაწინაურდება. თუ ჭიშკარს სტუმრის ხელი მოაკლდა, თუ თითო-ოროლა თეფშის ზედმეტობით სუფრა არ გაშალე, ვინ გერწმუნება, რომელი?! ამ საქმეში თანამდებობა უძლურია. ცუდად აალაპარაკა ხალხი არდაშელმა. ასეა თუ ისე, კოჩიას და ბონდოს ცოდვა მაინც მის კისერზეა. მერე დურუს ამოჩემებაც წამწარდა, აგერ! კი, დისგან განსხვავებით სულ სხვა თარგზეა გამოჭრილი თუთურია, ჩვენი კერიის კვამლს არ იუცხოვებს, მაგრამ მაინც ჰალიძონიაა, აჩქარება არ ივარგებს!“

— ჭინჭებს გადაჰყვით და სტუმრებიც შემიწუხეთ, არა?! — გაწყრა ცოლისა და დადუ ქობალიას მისამართით, — დამიხოცეთ ხომ შიმშილით სახლში შემთხვევით შემოფრენილი მერცხლები?! რას იფიქრებენ, რა სასახელო ამბავს წაიღებენ ჩვენგან?! — ამ გამოცალკავებით გვიტ ანთარიამ სახუს არჩევანის სანდობა ერთხელაც გადაამოწმა, თუმცა ნაბოლარა შვილის შეპასუხებამ, მჭახედ დაძახებულმა „მამამ“ და პირველსავე მარცვალზე მოჭარბებულმა მახვილმა მშობელს მემკვიდრის სულიერი მდგომარეობა აშკარად დაუსურათხატა. ჩარევის შემთხვევაში შინიდან გადახვეწას და ცხოვრების ჭაბანის დამოუკიდებელ ზიდვას გულისხმობდა ქარაგმული პასუხი. კაცს ბიჭის წარბშეუხრელობა ეამა. ცალი ხელით „მამასულძალი“ ჩაიხუტა, მეორეთი — „ჰალიძონიების მერცხალი“. მეუღლეს საგვარეულო ყანწის მოტანა დაავალა, მის ძმისწულს — „უსაქმურების“ მოხმობა და თადარიგის დაჭერა.

— ჩვენი ახალგაზრდობა გაიხსენე! ახლა ვნახავ შენს ქალობას! — წარბებქვემოდა მიაღვენა დაბნეულ ცოლს.

სახუს და თუთურიას საზიარო გვირილების ამბავი რა ხანია ყურში ჩაეწვეთა წისას. სულ რაღაცას მოელოდა, მაგრამ ამწუთას რატომღაც გული შეუღონდა. იქნებ წვეთი აკლდა ამ სავსებას, იქნებ — მეტიც, თუმცა სხეულში გამჭდარი თრთოლვა ვერაფრით დაეჯაბნა.

რამდენადაც გარჯილიყო წისა ქობალია, „ცხვირმოუხოცავ სარძლოს“ ვერც ტან-ფეხს დაუწუნებდა, ვეღარც — მდგომარეობას თუ ქალწულობის უმანკოებას. ერთადერთი საჩოთირო მძახლები გახლდნენ: მილანდარ მუშუქიას სიბეჩავე, არდაშელის უზნეობა, მათ ოჯახებს შორის დღემდე მფეთქავი ფარული შუღლი, (ბადუმ რომ გადაუსახლა ბიძია კუნტა კონტრრევოლუციონერების მფარველობის საბაბით). მოკლედ, ვინ იცის, თუთუერიას ჩასახუტებლად რამდენი რამ ბოჭავდა. არც დახანება ივარგებდა, მით უფრო, როცა გვიტი ბედს სწრაფად შეურიგდა. ან რომც დაეშალა, ყურს ვინ ათხოვებდა დედაკაცს, რომელსაც მათ ოჯახში ყველაზე ნაკლები მოეკითხებოდა. შვილსაც მოიმდურებდა და რძალსაც. ანჩხლობითა და ჭირვეულობით დედამთილ-მამამთილის გულეებს გაახარებდა მხოლოდ.

წისა ქობალიას დარახტული სინიბებით ჩაუქროლეს თვალწინ ქალ-ვაჟის ბავშვობის წლებმა. თურმე იმ განუყრელობაში თანდათან ცხვებოდა ერთარსად ქცევის სურვილი და ლიტრიანი ყანწით მობრუნებული ხმაპარვით აქვითინდა სახუს მკერდში.

ამასობაში მეწყერში ხელგამოღებული ძმები ანთარიებიც შემოლაგდნენ. აყირმიზებულ ახალგაზრდებს გაბედნიერებას ულოცავდა გამხიარულებული მეზობელ-ნათესავი. რომელიდაცა ორლულიან თოფს აქუხებდა აივნიდან. ნეფე-დედოფლის სადღეგრძელებლად ღვინით გალიბლიპებულ ყანწს უწვდიდნენ ჯურუმია ქობალიას, მაგრამ ეს უკანასკნელი გაჯგიმული ირიდება შემოჩენილებს.

სახელგანთქმული თამადის ჭირვეულობის მიზეზებში ბონდო ჰალიძონიაც დიდებულად ერკვეოდა, თუმცა მის გამოფიტულ მზერას ამწუთას სატანჯოელების გაწამებული სახეები იპყრობდა. ზოგჯერ ანთარიების ფათიფუთსაც მიაყურადებდა, ხან კიდევ ნარდის ოთხკუთხა ჩარჩოში ჩაიკეტებოდა, რომლის შუაგულში ვეფხვისა და მოყმის ორთაბრძოლა ჩაეთითხნა ვიღაც უნიჭო მხატვარს.

მაგიდები მაგიდაზე მიადგეს. ყოველმხრიდან შევიწროვებული მონარდები კუთხეში მიიჭუჭკნენ.

ჭიჭე კვეკვე თვალებს კუსავდა. მუქწაბლისფერ, დაფანჩულ წარბებს ათამაშებდა. დიდრონ წამწამებს განგებ აფახულებდა მალიმალ. ჩაჟანგულ, გამოხრულ კბილებს ხშირ-ხშირად გამოაჩენდა. ეს ფაციფუცი და სურნელი უკვე ნესტოებში ულიტინებდა ჟინი ანთარის უფროს ვაჟს.

როცა ოდაბადელებს კვეკვე ანთარიას ფიზიკური დამცირება სწადდათ, ჭიჭე კვეკვეს ეძახდნენ „ბიძის ყურებით აღჭურვილს“. თუ

ერთსაც და მეორესაც ემასხრებოდა, წიწიკვაკვათი მიმართავდნენ, მაგრამ საკმარისი იყო უკანონოდ გაჩენილის შუბლს ღრუბლების ფთიალა გაჰკარებოდა, რომ მაშინვე ტრონჯიათი მიელაქუცებოდნენ.

დაგვიანებული სადილის სამზადისი ნერწყვს აყლაპვინებდა ჭიჭე კვეკვეს, თუმცა იცოდა, მის კუჭს კიდევ საკმაო ხანს უნდა ეწროილა. სავარძელში მოკალათებული დროდადრო ხელებს რუპორივით მოიშველიებდა და ვახშამს დაუჩქარეთო, გასძახოდა ქალებს.

— რას აპირებენ თქვენები, შიმშილით გვზოცავენ? — ჩააცვიდა თამბაქოს კვამლში გახვეულ, ტახტაზე მობლუნკულ ჭოფიას. მერე „ოხერი და სუნსულა“ თენგიზი ამოიჩემა, — კისრულობ, ქვათი წაგებულ ოც ბოთლ შამპანურს?! ჰე, ცხენო, ამოდერლე! მე არ მოგანათვლინე ის ჭორფლიანი?! ხომ არ გექავება ხანდახან?!

ჭიჭე კვეკვეს მიკიბულ-მოკიბული ჭირივით სძულდა.

ჩემს გარდა ყველა შეფარვით საუბრობს, ბაგიც კიო, ტყუილად როდი ტრაბახობდა გამუდმებით.

— გიორგის პროფესია ორმაგად დანაშაულებრივია, ჩემო რძალო! — თქვა მოულოდნელად ძუბა ჭანისა მისამართით, — პირველი იმიტომ, რომ თახსირი ბუნების გამომზიურება არავის გვწადია და ამდენად, უაზროა; მეორე და მთავარი ის გახლავთ, რომ ამისთანა ბიჭის მედიცინით მოცდენა ბარბაროსობად მიმაჩნია. კინორეჟისორი ვიყო, მე ვიცი და ჩემმა კაცობამ, ეგრევე წმინდა გიორგის როლში შევაცურებდი. ბედაურს ვერ ვუშოვიდით თუ გრძელტარიან შუბს?! მერედა, ძუბას უნდა ეკუთვნოდეს მხოლოდ ქართული სისხლით მოზელილი ეგ სილამაზე?!

მიმოიხედა. მჭევრმეტყველების შედეგს არკვევდა. ზომაზე გრძელი, ყვითელ ფრჩხილებიანი თითებით ქვებს გადაადგილებდა. როცა სე იაქეთი ფანჯის კარს ჩაკეტავდა, ცერს დააბჯენდა ნარდის შუაგულს და სანამ მოწინააღმდეგე კამათელს კარგად არ აურევდა, „თავლაში აბამდა“. ანდა მეტოქეს მარცხენა ფლანგზე ქვა თუ უკენტლებოდა, მიუალერსებდა, მოვარცხნიდა, ახლა სად წამიხვალ, ტუტულიო*, ეუბნებოდა. ან კიდევ რაჟამს კენჭი ამგვარადვე უშიშვლდებოდა თავად, ნეკა თითებს გადააჭდობდა, ატოკებდა, მოპაექრეს თარსავდა და მართლაც, წარმოქმნილ ხიფათს ისე ოსტატურად დაუქვრებოდა, რომ აღტაცებას ვეღარ მალავდნენ. სანახაობის

კულმინაცია თამაშის დასასრული გახლდათ; როცა ქვების გამოყრაზე მიდგებოდა ჯერი, ოთხ კენჭს წინ წასწევდა, აბა, ჩემო, კამათელო, ახლა უნდა გამათენო, დაახანგრძლივებდა შელოცვას და საოცრებას საოცრება ემატებოდა.

მოწინააღმდეგენი სიმწრის ოფლში ცურავდნენ, მაგრამ რას გააწყობდნენ, მით უფრო, როცა ბურძგლა, ხეშეში ჭადარით დაფარულ თავზე იღბლის უჩინარი ხელი ესვენა; როდესაც „ქუმუმუმო“ დააყოლებდა და ქვებს თვალის დახამხამებაში გამოყრიდა.

გამარჯვებული ჭიჭე კვეკვე ყასიდად გამოთაყვანებული სახით მიმოიხედავდა, ყოველივეს გვიტის თავმსხვილ ზურაბს და აბრალებდა და ისედაც წამხდარ მოწინააღმდეგეს ფეხქვეშ იატაკს გამოაცლიდა.

— ჩვენ რომ გვმოძღვრავ, მაგის მეათედით დეიდებისთვის გაისარჯე და საქმეც უკეთ წაგივა, — გამოსძახა საძინებელი ოთახიდან ბალიშებზე მისვენებულმა ძუბა ჭანიამ, — თუ მეზობლების სიკეთე გწადია, უჯიათოებს რაიმე შეასმენინე, ხიდისთავისთვის ნაგავი მოაშორებინე, არადა, შეპირებული მაჭანკლობისაგან ხელები დამიბანია!

— ასეა, როცა სათქმელი გამოგელევათ, მაშინვე დეიდებს მიახტებით ხოლმე. გირჩევნია წყნარად იყო მანდ, თორემ ერთს ჩემებურად შევუჩიხინებ და მერე ყველაფერი შენს თავს დააბრალებ! დამისხი, დადუნა, არაყი, სამსახურისთვის შევემზადო! საწყლები, სწორედ მაგ მილორაციას აბრალებენ მამულის გაოხრებას. ხიდის წყალგამტარი მილიც მიტომ გადაკეტეს. განგრენის შემყრელი ნაგავი თუ ამ წყალდიდობამ არ გაიყოლა, რითი გინდა იქიდან მოაშორებინო! ჩემზე უკეთ იცი, არც კანონი ჭრის მათზე და აღარც — კოდექსი. სიბრძნის კბილზე უგემრიელესო, რძალო, მაგრად გადარჩენილხარ, მაგრამ! კიდევ კარგი, ის მინა ფეხზე დაგეცა და არა — ენისწვერზე.

ძუბა ჭანიას ელა და მანიკა აქეთ-იქიდან ამოსხლდომოდნენ. ხან დისწულს მიაჩერდებოდნენ გაფაციცებით, ხანაც — ავადმყოფს. გაცხარებით უმტკიცებდნენ რალაცას ერთსაც და მეორესაც. ამასობაში აონშივარებული ყველიანი კვერები ბარქაშით შემოარბენინა დადუქობალიამ. სხვებმა დაჯაჭვული არაყი და თხილი გამოაყოლეს ხელს.

რინა გეოტხე

კვეკვე ანთარია

571428

„ალბათ თავისთანაა დედა. სანამ არ შევხვდები, საჭმელს პირსაც არ ღავაკარებ.“

კონია: ხმა, ჩემო თვალისჩინო?! როგორი და აი, სატან-ჯოს სამრეკლოს ზარუკელა რომ გამოსცემს ფოლადის და-კარებისას, იმისთანა. სად მიგყავს ჩემი თვალისჩინო, იკივ-ლა, თუ შენგან მეყოლა გგონია, ძლიერ შემცდარხარ, შენ ვინ მოგცა, გადამწვარს, მაგისი შნო და მარიფათიო, წიოდა ვარსკვლავების ჩამოსაწყვეტად და კიბეებზე ჩამოფრენილმა კინალამ ცემენტის სვეტზე. თითქოს სცენარის მიხედვით თამა-შობდეს ყოველივე.

ჟინი: ყრუ-მუნჯები არიან, ბუტუტი, ელა და მინაკა. ჩი-თის ჭყეტელა კაბები აცვიათ დღემისწრება. უამინდობისას იდაყვგამორღვეულ პალტოებს მოისხამენ მხრებზე. ქუსლებ-დაჭეჭყილ კალოშებში წადგამენ ფეხს. ელა უფრსია, ფაშ-ფაშა, მინაკა – ძვლკანა და ფსორია. ცისფერი თვალები აქვთ და სიყვითლეშეპარული თმა. წვივებზე ჭორფლიანი კანი შე-მოჭკნობიათ. ისინი ცალ-ცალკე ჯერ არავის უნახავს. ყველ-გან ერთად დადიან, ჩემი ბიძაშვილის, დუყლა ანთარიას, წის-ქვილში თუ დედაშენი ცირა შკვითინიას, მალაზიაში. წავლენ ფენაწყობით, წაახრჭიალებენ მოყანყალე ურიკას, რომლი-თაც ხან ფქვილი მოაქვთ, ხანაც – ნავთი. საგანგებოდ გახე-ხილი სპილენძის ქვაბივით უკრიალებთ ეზო-კარი. ხშირად ძვირფასი დისწული, ჭიჭე კვეკვე, მონატრებათ და შუკის თავში ამოვლენ ხოლმე. სოფლის ცენტრში მოფუსფუსე ადა-მიანებს გახედავენ, თან ბუტბუტებენ მათთვის ჩვეული კრუ-სუნით. ტყუილად არიან აუიას დები?! ტრიფოლიატიის გამეჩ-ხერებულ მათ ღობეს მეზობლის ღორი, კამეჩი ან ძროხა თუ გაეხანუნა, ბუჭუჭა-ბუჭუჭას ძახილით გზისპირზე მიხერ-ვილ ქვებს დასწვდებიან და ცოცხალ ღობეს მიგლასუნებულ პირუტყვს დაედევნებიან. როგორც იქნება მათი ნასროლი ყუ-

რისიძირში ან ჩანგალა რქაზე არ მიესათქუნოს ბედდამწვარ საქონელს?! გამოედევნებიან კუნტა ქობალიას ნამოსასლა-რისკენ თუ შენი შუათანა ჯიმაყონერის, კემეს, ღობემორღვეული მამულისკენ, თან გამვლელებს ხელების ქნევით უხსნიან თავიანთ გასაჭირს, რომ გაატიალეს ამათ, გაუვერანეს ცოცხალი ღობე და თუ არ თანაუგრძნობ, თუ ღიმილი შეგეპარა, ვერავითარი სიკეთე გაგამართლებს მერე მათ თვალში. სადაც უნდა გნახონ, სადაც შეგხვდნენ, ჯიქურ შემოგაშტერდებიან, უნებლიე დამნაშავეს თავს დაგანრევიან, ხოლო როცა სულმობრუნებული მგზავრი მუხლების ცახცახით გვერდით ჩაუვლი, მომუშტულ ხელებს ცერებთან შეყრიან, შეატუებენ და ისე დაატრიალებენ, თითქოს თეთრეულს წურავდნენ ან ნავთის კასრს თავს უცობდნენ. ეს მოძრაობა კარგად არის ცნობილი ოდაბადელებისათვის და დების ენაზე კისრის წაწყვეტის ტოლფასია. ზმუილისმაგვარი ბეკრები ამკობენ ამ რიტუალს, მერე მიწაზე დაანარცხებენ წაგლეჯილ, არარსებულ თავს და ზედ შედგებიან, ფეხით გასრესენ. მტვრიან შარაზე აჩქარებულს უკან მოხედვის გემინია, თითქოს სადაც არის ქვა უნდა მოვხვდეს ზურგში. ასე რომ, ვინც ელას და მინაკს ხელმარდიანობის ამბავში გათვითცნობიერებული, ყოველთვის გამოძებნის დროს მათთან სასაუბროდ, გნებავთ ცეცხლი ეკიდოს, მაინც შეუყოვნდება, აჰყვება ხელების უცნაურ ნახაზებს ვასაკასავით მონუსხული. მეორე შესანსლა. სანამ დედას არ ვნახავ, პირში ლუკმის ჩამდები არ ვარ. წელან ცოცხალი ღობე ვახსენე, ბუტუტი. არ გაინტერესებს, როგორია?! ადამისუამინდელი ტრიფოლიატა აქა-იქ ამომხმარა. ჭუჭრუტანა-დრიჭოებში უროთი თავდაჩქევილი აკაცისი სარებია ჩასობილი! ზოგან თუთის წკნელით ამოუწნავთ ის ცოცხალი ღობე, ზოგან ალუმიანის ტაშტი აუფარებიათ და სხვაგან კიდევ – რკინის საწოლის უანგიანი ბადე. ყოველი ხვრელი წკირებით დაუგმანიათ და ფერად-ფერადი ჭინჭებით აუკრავთ ეკლიან ძირებზე, რაც ავი თვალისგან იცავს შემოგარენს. ავი თვალისაგან იცავს იქაურობას აგრეთვე ჯვარზე მოფარფატე ძონძებიც, ყოველ ათ ნაბიჯზე რომ აღმართულა ელასა და მინაკას სამოსასლოში. სექტემბრობით ტრიფოლიატის ყვითელი ნაყოფით ჯიბეებს გამოიტენიან გაკვეთილებიდან დათხოვილი მოსწავლეები და

მიაბურთავებენ გზადგზა. ის კი არა, უფრო თამამები ბაღში-
 აც შეიპარებიან და ხილსაც წაატანენ ხელს. ცოცხალ ღო-
 ბეს, რომლის კენწეროებს ჯერ კიდევ მაკრატელი არ შეხე-
 ბია, ხოლო ქვედა ნაწილს პირობითად ეთქმის ცოცხალი,
 ზამთარ-ზაფხულ წყლით გაზიზინებული დელე ჩაუდის. იქვე
 არის შუკის სიდრემში მოსახლე ანთარიების სამანქანო სი-
 დიც, რომლის კაცის სიმაღლის წყალგამტარი მილი გადაუ-
 კეტიათ ყრუ-მუნჯებს, მოუყრიათ თუ კი რამე ნაგავი მოჰყო-
 ლიათ ხელში, აქათდა, გვტბორავს ზემოდან მოზღვავებული
 წყალით და თავსხმების მერე კვირათბით დურდოში ყურყე-
 ლათბს ხიდსიქითა მიწები. ოდაბადელებმა გაბედეს ერთხელ
 ჯებირის მოშლა, მაგრამ დებმა მუგუზლების ტრიალით კი-
 ნაღამ გადაბუგეს სამეზობლო და ამის შემდეგ რომელი ითა-
 ვებდა იქიდან კენჭის ალებსაც კი?! ჯერ კიდევ მხნედ ჭრი-
 ალებს მათსას ვახა ჰალიძონიასელი ჭიშკარი. ტალახში ნათ-
 რევი კამეჩის ფერი დაჰკრავს ქონგურებიანს და ტრიფოლი-
 ატის კებნია ტოტებით აბურდულს. ის ეკლები დამლამობით
 ქურდბაცაცებისაგან იცავს იქაურობას. თითოეული მომტგ-
 რეული რტო თუ ნაქარი ხილი სულ მეზობლებს ბრალდებთ.
 ამიტომაც ხელმრუდებს სათითაოდ წააწყვეტენ თავებს მათ-
 თვის ჩვეული ღიჯინით და გულმოდგინეთ ჩაფლავენ მიწაში.
 ისე, სიტყვამ მოიტანა და იშვიათად იბოვით ოდაბადეში ადა-
 მინს, ვინც ერთხელ მაინც არ ჩამარხულიყოს იმ ჭიშკარ-
 თან, ძუბა ჭანიბაა ეს, წისა და ჯურუშია ქობალიები, არდა-
 შელ ჰალიძონია, გვიტ ანთარია თუ ცირა შკვითინია. ბო-
 ლოსწინა ორს გაუმაძღრობა ბრალდება.

მტრედი: არ მოეკარო!

ყორანი: ქიმმენჯარით, ქიმმენჯარით!

როდესაც მათზე საუბრობენ, ფართოდ შლიან ხელებს,
 მთელს ქვეყნიერებას პირში იყრიან, ფუმფულა საგნებს ხა-
 ტავენ, ლოყებს გამობუშტავენ, თითქოს მომხვეჭელთა სუ-
 ლიერ მდგომარეობას ნაწილ-ნაწილ თხზავნენ. მერე პლუ-
 პლუს ძახილით მაჯებს ზურგს უკან მარდად ისვრიან. დედა-
 შენს კი ორ მოკაკვეულ თითზე შეყენებული ქმრის გაპეგებაში
 ადანაშაულებენ, შესაძლოა მომხიბვლელობაც შურთ მისი.
 სიარულში გამოთავაჯვრებენ, როგორც ერთს, ისე — მეორეს.
 ცირას ელა განასახიერებს, კოჩიას — მინაკა. ცერებსე წი-

ნარნარდებთან, თეძოებს მიათამაშენებნ, თანაც ჰაერში მოწყვეტილ უცხო სხეულებს ყოველ მოხერხებულ ალაგას დიდის ამბით იტენიან, რითაც ცხადლივ მიანიშნებენ შკვითინსეს საეჭვო მიდრეკილებებს. თავზევით გაჩაჩხულ თითებს შეაპარბაშებენ, ჰუუუუო, ქშინავენ, თითქოს ცირას აბრეშუმის თმის დატყვევებას ლამობენ; ბოლოს თითებს დაძაგრავენ, რაც მათებურად ბევრს ნიშნავს, მომუშტავენ მარცხენას, ზედ გაშლილ მარჯვენა ხელისგულს დაარტამენ და ბეჯითად დაატრიალებენ. მივიდეს და დაეტოლოს რენესანსის ფერწერა. ვისი წაწყვეტილი თავი არ დამარხულა დების ჭიშკართან — მილანდარ მუშუქიასი, ჭოფია, კემე და ბაგი ანთარიების, გადია მაფასი, ჩემი თუ სხვათა და სხვათა. ვის ფიზიკური ნაკლი შეიწირავს, ვის — მომეტებული სილამაზე. ზოგს სიმდიდრე უმუხთილებს, ზოგს — ხელმოკლეობა, ბევრს შინაბერობა და შინაყუდობა დაღუბავს, მაგანს — მრავალშვილიანობა, ათასს უზნეობა ნაცრავს, ორ იმდენს — პატიოსნება, მოჭრილად რომ ვთქვათ, მთელი აბსტრაქტული აკლდამაა ელასა და მინაკას მოყანყალე ჭიშკართან. შებინდდება თუ არა, ეკლიან მავთულით ახლართავენ შემოსასვლელს. ფიცრულში ჩაირაზებთან. შემად შენი შუათანა ჯიმაყონერის ფიჩხს იმყოფენებენ. ორი საწოლი ეტევა მათ ფიცრულში. ციდა სარკმლებს მიკოსებია ისინი. შუაგულში, სონანეზე, ოთხკუთხა მაგიდა დგას, ხოლო ერთკარედთან კიბე აყუდია. იქ, მაღლა, ჯადოსნურ სხვენზე, ინახება ტკბილისკვერი და ჩამინი, ჩირი და ჩურჩხლა, თხილი და კაკალი, თაფლი და ორნახადი არაყი. ფეთხუმ დიასახლისს, როცა დაქცევაზე მისული ოჯახი დაუპატიჟებელი სტუმრებით აევსება, შუაღამეც რომ იყოს, ჭიჭე კვეკვეს მოსიძებნიან უსათუოდ და დეიდებისკენ წაიძლოლიებენ. წვალებით შეაღწევენ მათსს. საალერსო სიტყვებით უხმობენ. სარკმელში ანთებულ ასანთს ატრიალებენ, თითის წვერებზე დგებიან. როდის-როდის რომელიმე შენიშნავს. მუნღზე წაუჯიტკავებს მეორეს. წამოიძართებიან და ათასი კაუჭითა და რაზა-კოჭაკით ჩარაზულ კარს გამოაღებენ. სხვენზე, როგორც წესი, მინაკა აცოცდება. ელაჭრაქს მოუშუქებს კიბიდან. დიდხანს ფოთიალებს იქ უმცროსი და. წანწკარებს არაყი. ჩხრიალებს კაკალი და თხილი. მანდარინს ან ტყლაბს უეჭველად ჩამოუტანენ ჭიჭე კვეკვეს.

მხიარულობენ. რამდენჯერმე რბილში შემოჰკრავენ შენს უფროს ჯიბაყონერს დამგზავრებულ დედაკაცს. ასე ესიყვარულებიან გათხოვილ ქალებს, გეგონებათ, განთქმული ნათესავის ამაღამ მოსალოდნელი სიამოვნების წყაროს ამოწმებენო; მერე ნივრისსუნიან ხელისგულებს თვალებზე ააფარებენ, რომლის დარებში სიმინდის მარცვალი თუ ვერა, ქინძის კაკალი მაინც ჩაეტეგვა. ჰაი, ჰაი, განწყდა თქვენი სინსილა, რას თხოვლდებოდით, არ გერჩივნათ ჩვენსავით ყოფილიყავით?! შვილების გაჩენას რომ გადაჰყოლიხართ, გიჯობთ ცოტათი გაისარჯეთ და ბნელში წანწალიც აგშორდებათო, ეუბნებიან ამით. ვერმიხვედრილი ქალი მყისვე ჭიჭე კვეკვეს მიაჩერდება და ოდაბადელი პრინციცმ ტუჩების ცმაცუნს მოჰყვება. თავს აკანტურებს. მანდილოსანს ათას ცოდვას ამოუქეჰავს. დეიდები მოჭარბებული ხალისით სხმარტალებენ. მუხლებზე ხელებს ირტყამენ, ხორხოცებენ, იგრინებებიან, გადაფიჩინდებიან. როგორ უნდათ კიდეგ რამდენიმე წუთით შეაყოვნონ მათსას ანგელოზებივით შემოფრენილები. დედაკაცს თითებს უტრიალებენ ცხვირწინ, მაგრამ ქალი იბნევა, ფრთხილობს, ეშინია რაიმე უადგილო არ წამოსცდეს, თანაც ვერ გაურკვევია, რითი დააკმაყოფილოს მათი ცნობისწადილი.

რა უნდათ ჩემი ცოდვით სავსეებსო, ჩაეკითხებიან მეგზურს და ჭიჭე კვეკვეც ჩაერთვება. სოფლის ცხელ-ცხელ ამბებს ხელისგულზე გადაუშლის. მაჯებს მიმოისვრის, თვალებს ბრიცავს, ყირაზე გადადის, არაადამიანურად ატკარცალებს დეიდებს. ამასაც არ სჯერდება. ათასნაირი გმირობის სურათს ხლართავს. მოუთხრობს, მგზავრობისას ღობის ძირას მიწვენილ ქალს კაბა რამდენზე აუწია, რამდენი გროში და უხალთუნი აღმოუჩინა. მან გაამდიდრა ელას და მიწაკას ენა. ყოველ ნივთს, მოძრაობას თუ მოვლენას, შესატყვისი ჟესტი დაუძებნა. თითოეულ გრძობას მისეული მადლი წაუცხო: უღვაშზე ხელის მოსმა კაცს გულისხმობს, თმაზე გადაეგლება — ქალს, საჩვენებელი თითების შეერთება — ცოლ-ქმრობას, დაშორება და ძირს დაგდება — სიკვდილს. ნეკზე კებნა კაკალია, ყანყრატოზე შესება — არაყი. საფეთქელზე თითის დატრიალება — თფოფების სიმრავლე, წელის შექანება — ქალური სისუსტე. მემკვიდრეობით გადმოცემულს თვითონაც წაუმატა რაცხარუცხა და ახლა დეიდების უმე-

ტოქო თარჯიმნად ითვლება. ყრუ-მუნჯებს შებინდებულზე მიაკითხავს ჭიჭე კვეკვე. ფიცრულში მოურიდებლად შეალაჯებს, ბუნარს მიეფიცება, დეიდები კი თითქოს ზღვის მეწამულ ტალღებს ეთამაშებიანო, ზეზეურად იგრიხებიან. უსაშველოვდება ღამე. გადის დრო და მიქრის ზემორე მამლების ყივილით შეფუცხუნებული ზეცა. დიას, ერთადერთი, ჭიჭე კვეკვეა ყრუ-მუნჯების მეგობარიცა და ნუგეშისმცემელიც, ღობე-ყორე მძრომელი ჭიჭე კვეკვე. ვის მწუნარებას სახედა-მანჭვით ამძაფრებს, ვის ბედნიერებას ათიშთიმებს ზეაწეული. შუავე პრასს აწკლახუნებს, თან დაუძინებელ მტრებსაც აცნობს სათითაოდ, მაგრამ არავისთან უნდა დასცდეთ ეგ. მთავარია მოფრთხილება, თუ გაამხელენ, ზეციერი შერისხავთ უეჭველად. ღმერთის კი, იცოცხლეთ, შენს ჯიშაყონერზე ნაკლებად როდი ეშინიათ ელას და მინაკას; ამიტომაც, როცა საქონელი ეკარგებათ ხოლმე, სკამებისა და მაგიდების მუხლებზე მაშინვე ფერად-ფერადი ჭინჭები გაინასკვება და იღბალზეც, მეორე თუ მესამე დღეს, როცა იმ პერიოდში გამასპინძლებულ ოჯახს დამწყვდეულ პირუტყვს კარგად გამოაწველინებს, უცილობლად მესოფლია ჭიჭე კვეკვე იბოვის ზღვისპირა ჭალაში თუ სატანჯოს აკლდამების შუაგულში. უცილობლად მგლების ხროვას, დათვის ტორს ან სისხლიან ჩემს კლანჭებს გამოსტაცებს მათ. მოუთხრობს კბილებდაკრეჭილი კეთროვნებით ცოლისდებზე თავდასასხმელად როგორ ვემზადები ცხვირპირმოჭმული სიძე და თუ სადმე ქაღალდის ფული გადანახავთ, აჯობებს მას მიაბარონ. შემნახველ სალაროს მუშაობას უიოლებს. ხანდახან ბურის ფქვილის თუ კალოშების საყიდლად უბრუნებს კიდევ ათიოდე თუმანს და ცხადია, დეიდებიც არაფერს იშურებენ თბოლი დისწულისათვის. ვალში არც ის უბედური რჩება. ამას წინათ, აი, იქიდან, იქიდან, საგანგებოდ მათთვის ელექტრონი ჩამოიყვანა, ბუნებრივია, იმ დაზოგილი ფულით, რომელიც შესაძლოა ხვალ-ზეგ მე წავლლიტო და ადგზნებით ხატავს სხვადასხვა დროს ჩემს მიერ სატანჯოში ყელგამოლოდრულ ადამიანებს, წამოთქრიალებული სისხლის პეშვით შეხვრების სურათს. უთოც უყიდა, სარეცხი მანქანაც. ქალაქელი დასტაქარიც აახლა ერთხელ ლოგინად ჩავარდნილ მინაკას. სასთუმალთან მოჩოჩებული ტაბურეტი წამლებით გაუვსო.

ოდობადეში კი ბაყაყების ყურისწამლებ ყიყინში ატივტივდება თუ არა დეიდების ზეადმტაცი სმიანობა, იქაური დედაკაცები ეშმაკური დიმილით გადახედავენ ერთმანეთს — აშკარად იგრძნობა, რომ ელასა და მინაკას წარმოდგენაში ვიღაცის სინდის-ნამუსის საძირკველს კიდევ ერთი აგური გამოეცალა. თვალებს იმნაირად წკრუშავს, დატბორილი თხილნარის ბედი აწუხებს სწორედ. თუმცა რას ვერჩი, მორიელის გესლს ზრიოკი უდაბნო არ ქმნის განა?! სხვანაირად გამორიცხულია. ყოფიერება განსაზღვრავს ცნობიერებასო, დავუშვათ ერთხელ და აწი ნებისმიერი შედეგისთვის უნდა ვიყოთ მზად. **სანაძლეოს ვდებ, რომ მაგასაც დაჰკარგავთ მალე, თუ ნებას მომცემთ, რომ ჩემი გზით გავიყოლიო და გამუდმებით კუდში ვსდით შინა და გარეთ.** მოესწრება ფრჩხილების გახსნას ყრმა ფაუსტი?! საინტერესოა, როგორია დედაჩემი, რამდენად შეესაბამება წარმოსახული რეალურს?!”

ჭიჭე კვეკვეს ყოვლად გაუმართლებელი სვლა, ნარდის თამაშისთვის თითქმის მიუღებელი სითამამე, ბონდო ჰალიძონიას გამოკლებით თითოეულ მოპაექრეს აღიზიანებდა, მაგრამ რას ემართლებოდი ქუდბელსა და „იღბლის თაიგულს“?! მაშინაც კი, როცა მოქიშპეებს უმცირესი სჭირდებოდათ, როცა დუ იაქე ან იაგანი შველოდათ, უგორდებოდათ და უგორდებოდათ დუ შაში, დუ ბეში. შემდეგ რაღაცნაირად თავდაჭერებული, რაღაცნაირად გამომწვევი და სისხლის უკანასკნელ წვეთამდე გამარჯვების რწმენით გაჟღენთილი, ფრინავდა ქაოსურ ალბათობაში. იყო წამი, როცა თამაში კულმინაციურ წერტილს მიაღწევდა, როდესაც ჭიჭე კვეკვეს ბედი გადაწყვეტილად მიაჩნდათ, მაგრამ მათდა საოცრად, ბანკს გაასამშავებდა, თან ხშიარ წარბებს შეყრიდა წამოწეული ცხვირის ზევით. იმ ერთადერთ სუსტ წერტილს თვალს გაუმტერებდა, ნუსხავდა და ათასი მეზი, ქარტეხილი და წარღვნა სწორედ რომ იმ მოჯადოებულ ბზარს დაატყდებოდა თავზე.

დანავსული ნოკო ანთარია, ჯურუშია ქობალია, პახვალი ჭანია თუ სხვანი, ხელებს გაასავსავებდნენ, ხვნეზოდნენ და ნუგეშდებოდნენ, როგორც მაყურებლებისაგან, ისე — ჭიჭე კვეკვესგანაც. ნარდზე დაგდებულ ხუთმანეთიანს თუ თუმნიანს ისეთნაირად შეეხებოდა, თითქოს ჩვილის გამონაცვალი ჭინჭი ყოფილიყო. კბილებს გააწკიპინებდა, „გზასაცდენილ ფულს“ ქსუტუნით ადგილს მიუჩენდა ჯიბეში და საწყის მდგომარეობას სწრაფად აღადგენდა.

— ოდაბადელების ღხინში მოუნათლაჲი კაცის შემოშვება იქნება, ძუბას შემოვევლე?! — ამბობდა ყველანი კვერით პირგამოტენილი

ჭიჭე კვეკვე, — ისე, სიმართლე რომ ითქვას, რაც ჩვენ სენი და ჯანდაბამამაძაღლობა გვჭირს, იმას აუვა შენი დოხტური ვითომ?! იქნებ სულაც ჩავისიძოთ, ააა?! თუმცა არა, ჯერ მოდით, შეერთებული ძალით გავარკვიოთ, ადამიანების ხოცვა-ჟლეტის გარდა კიდევ რა ემარჯვება, კიდევ რითი გამოადგება ცოლოშურებს?! აბა, ჯანჯალი და ზურაბისნაირი თავმსხვილები საკუთარიც ყელამდე გვატიალია! — ენადგაკრეფილი მონარდე ხან სტუმრისკენ გააპარებდა თვალს, ხანაც — ძუბა ჭანიასკენ, — რძალო, რძალო, ტვირთის აწევა მეხერხებაო, ტვირთის აწევა, მაგრამ რანაირია ეს ტვირთი, რა სისხო-სიმძიმის, როგორი დანიშნულებისა, რატომღაც არ მიმჟღავნებს. აი, მაგალითად, ბარვა მე არ მეხერხება და თოხნა, წარმოგიდგენიათ, ვერც ხელეჩოს ვხმარობ გედე ჭანიასავით და ველარც ზურგს ცოცხისტარის წინააღმდეგ ჭოფია ჯიმაღიშვილივით. ნაჯახს თუ ვიქნევ, იმასაც გარკვეული მოსაზრებით. ასე რომ, ძუბას ვენაცვალე, არავინ გიცდუნოს წმინდა გიორგი, ჭიჭე კვეკვეს ოთხი ფიცრის შეკავშირებისათვის ემადლიერებიანო. გულგახსნილად უთხარით ბარემ, ასეთი უქნარა ესოდენად რა ღირსების გამო ვფასობ. მაშ, მაშ, მკვდრების გაპატიოსნებისათვის მომართმევდით სწორედ ყველით გათვითვინებულ კვერებს!

— ენა რომ არ ჰქონდეს, ყვავი წაიღებდა ამ შობელძაღლს! — ჩაილაპარაკა ჭოფია ანთარიამ. „სადღაც მინახავს ეს ყმაწვილი, მაგრამ სად, სად?!“

— რაც დეიდებს დააკლო, ჭიჭე კვეკვეს ენისთვის მიუკერებია გამჩენს და რატომაც არა?! — გამოექომაგა ცოლი.

— ენით ზურგს იფხანს! — მიაშველა პახვალა ჭანიამ.

— ისეთი ენა აქვს, ათ წყვილ აზიურს ეყოფა ლანჩაღ! — ახითხითდა ნოკო ანთარია.

— ჭიჭე კვეკვეს ენა ენგურში რომ ჩააგდო, შავ ზღვამდე თევზის ნასახიც არ დარჩება! — დაიჯღანა ჯურუმია ქობალია, რომელიც მესამე ხელს აგებდა ზედიზედ.

— ცამდე მართლები ხართ, ძვირფასებო! მწარე ენის გამოა რომ მელაქუცებით. სატირლად გაქვთ საქმე თუ საცინლად, სულერთია, მუცელზე გახოხიალებთ უკლებლივ ყველას. ქვეყნიერების ავანჩავანი ზღვისპირეთის მავთულებივით ზუზუნებენ ამ ხაპისმაგვარ თავში! აი, რანაირ ღირსებაზე ვეკითხები შენს წმინდა გიორგის, ძუბა! გადავირევი პირდაპირ! რძალო, რძალო, მთელი დღე წყალში დგომა შემიძლიაო, მიმტკიცებს თქვენს მალულად. მთელი დღე და ღამე ზურაბის კულზე დავარდნილ კამეჩებსაც მოუწევთ წყალში ნებივრობა,

მაგრამ რაში გვარგია, უცებ მაწონი არ მოგვირბენინოს წუწუ ურაქიშვილმა! ისე, კაცმა რომ თქვას, წყალში ყურუყუტიც საჭიროა ხანდახან, განსაკუთრებით, როცა გენია-ცეცხლი გიკიღია, მაგრამ ეგ ჩემი ცოდვით სავსე გადმოსახტომ ადგილს რომ მოხოვს, მაცოდნინა, ნეტავი რა განუზრახავს?! არ ჯობია ქერეჭიან ურჩხულს ებრძოლოს?! რომელი ტრამპლინის უსტაბაში მე ვარ, რომ თავის ჩამოსაგდები აივნები გავუჩალიჩო?!
 ბონდოს დაბნეულობით ფრთაშესხმული მონარღე შიგადაშიგ მკაცრს ტონს თმობდა, სიცილისაგან ისედაც მისავათებულ, იატაკზე დაყრილ ბავშვებს, ელასა და მინაკას, გასათხოვარ, ცნობისმოყვარე ასულებს თუ მათ ფაშფაშა დედებს, ქუთუთოების გამალებული ხამხამით, წარბების ანაზღეული აზიდვით, შუბლზე თითის მიბჯენითა და თვალების ამაზრზენი გადმოქაჩვით, გულის შემოყრამდე ატკარცალებდა. იცოდა მოლაყბემ, ვარდნის ნებისმიერი მორფოლოგიური ფორმით ხსენება უწინარესად ვისაც შეაწრიალებდა. ძუბა ჭანიასაკენ აღარც იცქირებოდა, მაგრამ ჭოფიას ცოლის ელეთმელეთს აქედანაც მშვენივრად გრძნობდა.

— კმარა, შე კისერწაწყვეტილო! იმ სტუმარს პირი დაცემისაგან გაუსკდა გგონია?! ან ათამაშეთ, ან ლუკმაპურზე მიიპატიჟეთ. სანამ ოსერზე* გახაზირდებოდეს, გულს შეიმაგრებს! — ყრუდ შეეხმინება საძინებელი ოთახის ღია კარიდან ქმრის ბიძაშვილს აივნიდან გადმომავარდნის აკვიატებით განაწყნებული ძუბა ჭანია.

— ჩემი ამბავი მე ვიცი! — უკმეხად გასძახა თამაშის აზარტში შესულმა ჭიჭე კვეკვემ. „უყურე შენ, რამდენს ჩემულობს ჭუჭყიანი დედაკაცი?! განა სხვებივით დავივიწყე, ჟღვინტიანი ბაშვის გული-სათვის თავი რომ მოაკვლევინე საცოდავ პელაგის?! დამაცადე, დამაცადე!“

— რა ხდება, რა დღეში ხართ?! — იკითხა სამუშაო კაბინეტიდან გამოსულმა ბავი ანთარიამ.

— იშოვა საკბილო, მონათვლას უპირებს ბებიაშენის მხსნელს. შიმშილობა მიუსაჯა, სამაგიეროდ ჩასიძებასაც ჰპირდება, — აუხსნა შვილიშვილს ჭოფიამ.

— თუ ისეთი მაგრები ხართ, მოდით აქ შენ და შენი წმინდა გიორგი და ნახეთ, წამში როგორ გაგიხადლოთ საქმე! სტეპენტია-პენსია მარას გინმოტენსია!* — თქვა ჭიჭე კვეკვემ, როცა ჯურუშია ქობალიასაც გამოუტარებდა ჯიბე, — ნარდი მინიატურული ომია, ძუბა. დედამიწის ზურგზე რაც კი აზარტული თამაშობანია, სულ მას შემოვ-

ლებოდეს. მხოლოდ ნარდი ემორჩილება ინტუს, ინტუიციას. ოინით თუ მოგიგეთ, იცოდეთ, ელას მომირჩინთ; მარსით დაგამარცხებთ და მინაკას დააწყებინებთ ლაპარაკს, მაგრამ კოჭსით თუ დაგაფარჩაკეთ, ვასიამოვნოთ რძალს და მილანდარ მუშუქიას მოაშლევინებთ წივილ-კივილს. გამორიცხულია, თუმცა იქნებ მოხდეს სასწაული და დამაფინთიხოთ კიდევ უძლეველი, ამდენი ხალხის წინაშე პატიოსან სიტყვას ვდებ, რომ რაც კი ყვავი ყრანტალებს ოდაბადეში, უკლებლივ თეთრად შეველებო. თქვენით განსაჯეთ, სად ყრუ-მუნჯის ენის ამოდგმევინებაა ეს თუ ჭკუიდან გადაცდენილის მოთვინიერება და სად კიდევ ყვაების ლეგიონის გადაღებვა?! უსიყვარულობა, ძუბას შემოვევლე, შეიძლება ჭიჭე კვეკვესთანას მიეტევოს, მაგრამ გიორგის და ისიც ამდაგვარს?! არაფრისდიდებით, არაფრისდიდებით! ჩვენი ამბავი სულ სხვაა, აი, მაგალითად, პრინციების ფიზიონომიის კვლობაზე არც მე მყავს სატრფო, აღარც ზურაბს და მით უფრო — ბაგის, მაგრამ ქვეყანას როდი ვემძიმებით. იქნებ შენს წმინდა გიორგის სიყვარულის პრობლემა სახუსავით აქვს გადაჭრილი და ამდენს ტყუილუბრალოდ მაქაქანებს?! აი, რატომ გჭირდებით, ძუბას შემოვევლე, ჟინი ანთარის ნაბუშარი ჭიჭე კვეკვე!

— ნეტავ თამაში მაინც აცოდინა! საინტერესოა, როდემდე გაუმართლებს?! მიდი, ნანაგე, ნურაფრის გეშინია. თუ გაგიჭირდება, აქედან გიკარნახებ, ოლონდ ჭიჭით გააგორებინე, არ ჩახახელო ისე და კიდევ, ჰო, იაქე იცის მაგ კამათელმა, იაქე!

„ჩემებო!“ უნდოდა ამოეგმინა ბონდოს, მაგრამ მღელვარებამ მოთოკა. „თურმე თაფლი და ხიზილალა მზრდიდა დედის ძუძუების ნაცვლად“, უნდოდა მთელი ხმით ეყვირა, თუმცა ფორიაქი აოკებდა. „სატანჯოს აკლდამებში ჩაკეტილი ერთი უკიდურესობიდან მეორეში გადავვარდი და ქალაქის ცოფმორეულ ყოფიერებაში გავითქვიფე, თუმცა შინაგანად სულ თქვენსკენ მოვიჩქაროდი, გამუდმებით თქვენკენ მეჭირა თვალი. აჰა, მოვსულვარ. დაიები ხართ ყველანი, ვინაიდან ბუნებამ იძუნწა და არ გამოიმეტა ჩემთვის. ძმები ხართ ყველანი, ვინაიდან ის ერთადერთი ტყუბისცალი ჭიმაგე ჟინი ანთარის მართალსიტყვაობამ წამართვა, რათა სამაგიეროდ ერთბაშად სამი ნახევარძმა შესძენოდა.

„ჟინი. ბუტუტი, შვილო, სამართლიანობის დესპანი ხარ შენ. სინათლის ხარისხის წელიწადია მოხმაურობ, მოისწრაფვი, მოითხოვ საარსებო დროს და სივრცეს. მერე მიტო-

ზი.მ ისევ თხუთმეტი წლით გამყინვარება. ბოლოს მეოზი და აჰა, სრულფასოვან ასაკში ხარ უკვე.

დედები ხართ ყველანი, ვინც დედად შემეფერებით, რადგანაც პატარაობიდანვე მშობლის მკერდს მომწყვეტეს. სისხლხორცები ხართ სათითაოდ, აკნის ჩვილიცა და სამარის კარამდე მისულიც. გავ-ჯერებულვარ თქვენით, თქვენით!“

ამის ამოთქმას ლამობდა, მაგრამ მის წინაშე სატანჯოელის მო-ქუფრული სახე დაეყუდებოდა და ბონდო ჰალიძონისაც ანგარიშ-მიუტყემლად გაექცა ხელი კამათლისაკენ.

ჯურუმია ქობალიამ სტუმარს ადგილი დაუთმო.

— მოდი, ჯურუ, აქ, შენი საქმე თამაღობაა, — ღიმილით მიეხმატ-კბილა ცოლისძმას ცარიელი თეფშებით გაწყობილი მაგიდის თავში მოკალათებული გვიტ ანთარია, რომელსაც ძარღვიანი წვივები ტაშ-ტში ჩაეყარა და დადუს გაღელილი გულისპირისაკენ დროდადრო თვალს მოხერხებულად გააპარებდა ხოლმე.

მრავალი დაჯგუფების მიუხედავად ხიზნების ძირითადი მასა მა-ინც გვიტის სიახლოვეს შეკრებილიყო.

ბავშვების ჟრიაშულს ვერაფერს უხერხებდნენ. სახუ თავზე ადგა მამას. მოხუცები ერთმანეთში მასლაათობდნენ. გოგონები თუთუ-რიას აკოხტავენდნენ. სადამოვდებოდა და გვიტი ერთგვარ კმაყოფი-ლებასაც კი გრძნობდა. ბოლო დროს ამოჩემებული გულის ფრია-ლის ჯინაზე მოზრდილი ფინჯნით მორთმეულ მუქჩაის ხვრეკდა. სწო-რედ რომ ბიბლიურ ნოეს ჰგავდა, პირუტყვებითა და ჯალაბით გარე-მოცულს. მათი სრა-სახლი წარღვნაში შეცუტრებულ ერთგვარ კი-დობანად წარმოედგინა ჭოფიას ძეს, რომელსაც უწინარესად ჯილა-გის გადარჩენა ევალებოდა.

წისა ქობალია სამზარეულოში ტრიალებდა. მეზობლის ქალებ-მა სანთიობოში* კრიალი დააწყებინეს ყველაფერს.

გვიტმა უცნაური ბიძგი იგრძნო შიგნიდან და რაღაც უჩვეულო საქციელის ჩადენა მოუხდა სასტიკად.

— შენ გადამირიე შვილები, — გამჭოლი მზერა მიაპყრო ბაგის, — აუხდენელი ოცნებით უტენი თავებს. უფროს-უმცროსობა ადამი-ანებს კი არა, ხელის თითებსაც ეტყოდა. „ჟინის ნაბიჭვრებთან მა-თანაბრებს ბედოვლათი! ჰაი, ჰაი, არ ააშენოს ერთბაშად სოფელი!“

გვიტ ანთარია ზოგ რამეში ემზრობოდა კიდევ ბაგის. კერძოდ,

გაზარმაცებულ კოლმეურენს რომ მტრობდა. ასეთები, მისი მტკიცებით, სამჭერ ნაკლებ მოსავალს მოიწვევდნენ თურმე, ვინემ მოიხმარდნენ.

სულ მალე, როცა ოდაბადეში სავარგულები ამოიწურება და გლეხი ჰექტრის მეოთხედ ნაკვეთში ჩაიკეტება, ქვეყანას ზედმეტ ტვირთად დააწვებაო, ხშირად უთქვამს იოსების ძეს. ამიტომაც მოსწონდა ძმის შვილის თაოსნობა ჭაობიანი ზღვისპირეთის ათვისებაში.

ბაგი ანთარის ვერც ხიდის მშენებლობაში თავდადებას დაუწუნებდა კაცი.

დაბა ჯვართან სადერივაციო გვირაბით ენგურის კალაპოტის შეცვლამ, სოფლელების სჯა-ბაასისა არ იყოს, ბუნებაც გადაასხვავფერა. მდინარის დაშრობამ მარტოკა ჭოფიას ბორანს როდი ავნო.

ჩვენს ცარიელ-ტარიელზე დაგვსვიო, მსჯელობდა მოსახლეობა. კლიმატის ადრინდელი წონასწორობის დარღვევას ენგურის დაკნინებას მიაწერდნენ, მაგრამ ხსენებულ საქმეს გვიტსა თუ ოდაბადელებზე „ჩახედული ხალხი“ წამართავდა, ასე რომ, ჭოფიას ავდარზე ავდრის გადაბმას რომ წაიწუწუნებდა ზოგჯერ, სამაგიეროდ ჰესისი მშენებლობა ახარებდა, რომლის ცემენტი და რკინა საკმაოდ წაადგა მათ ოჯახს.

— ბავშვს შრომის სიყვარული აკვნიდნავე უნდა ჩავუნერგოთ. ამას ეძახი გადარევეს?! — თქვა ბაგი ანთარიამ, სკამი გამოსწია და დადუს ზურგს უკან დაჯდა.

უბირი ოდაბადელებისაგან განსხვავებით საგანგაშოდ გვიტს არც ეს დიდაქტიკა მიაჩნდა.

ქალებში ზომაზე მეტად თავდაჭერილი ეთქმოდა ბაგის, ვინაიდან ცირა შკვითინიას შემოკისკისებასაც და ბედისმადიებელი ასულების წამოყირმიზებასაც ერთგაირად გაურბოდა. ასე იყო თუ ისე, აჩახმახებულ და სულ სხვათა საქმეებში მოჩხირკედელავე ძმისწულს თანაუგრძნობდა და გმობდა კიდევც.

გვიტ ანთარია არდაშელთან დამოყვრებასაც ორნაირად აღიქვამდა. ჯერ ერთი, ძმასთან თავის მოჭრამ შეაზიზღა, მაგრამ როცა საკმაოდ მივიწყებულ მევახშეობას, ცირა შკვითინიას ოდასთან დაკავშირებულ განცდებს თუ ათას თვალშეუღდამ ცოდვას ზედმიწევნით ანალიზებდა, ასკვნიდა, რომ ზნეობრივ ასპექტში ბევრი რამ აერთებდა მძახალთან.

„ვინ უნდა იყოს, აწი მანც ჩვენიანია. აწეწილი ვითარების წამი-

თაც წაყრუება დამლუპველია. ნაპატიმრალი დურუ ამჯერად მთავრობის კაცს კი არა, თუთურთა მამას მტრობს და ვინცობაა, შურისმაძიებელმა ბიძის ოჯახი მართლაც ააწიოკა, სოფლის თვალში ვინ შერცხვება უწინარესად, თუ არა ჩვენ? მერე და ეს თავქარიანები რითი გინდა დააოკო?!“

მოკლედ, კარზე გვარიანი გასაჭირი მოსდგომოდა, მაგრამ ბუნებისაგან გამოჯეკილს უარესი სიღუბჭირეც ახსოვდა, რომელთან ჭიდილში ყუპუ არასდროს დასცდენია.

— ლობერი კაკლარით, მარგალ — მარგალით!* — თქვა და გასამშრალეზლად კალათაში ჩაუწყო ფეხები დაღუ ქობალიას.

„წყლის მოტანილი წყალმა თუ არ წაგვართვა, დილიდანვე მივაკითხავ არდაშელს. დურუსაც მოვძებნი ზუგდიდში. სად წამივლენ, ორივეს თავიანთი ზომის უღელს დავადგამ!“

დაასკვნა ოჯახის უფროსმა წვიმის თქრიალში, თან შორიდან მიესიყვარულა ფართო აივანზე მოყროყინე ზაქებს და აპეტელეზულ ბოჩოლებს.

„ყოველგვარ მოშვებულობას აქედანვე აღმოვფხვრი. ვაჟიშვილებსაც დავუმოკლებ სადავეს. შემოვიკრებ გედე ჭანიას, ჯანდუ ქობალიას თუ ნაბიჭვარ კემეს. შემოვიშველიებ კახას ბიჭებს და იქაურ ბეტონს. როგორც კი ამ ორმოცს გავისტუმრებ, ავკათავ ისედაც გამხმარი თხილნარის ორ მწყრის, გადაბერებულეზსაც გავაახლებ და ხალხსაც ავალაპარაკებ: გვიტმა რძლის პატივსაცემად პაპისეული თხილნარიც კი გაიმეტაო. სასეფო ადგილზე შურიან მეზობლებს ნახერხს შევატანინებ. თითო ხარს ვაქების ნათლიები მომგვრიან. გაჩუმებისთვის მოსაკითხს გავუგზავნი უბნის ინსპექტორს. შევიპირებ მედოლგარმონეებს, ვარდი მესხიას, ლერი მუშუქიას და კოტე ჭანიას. თავს დავდებ და ჯურუმის რამენაირად ვათამაღებ. არ გავუყვან სიჯიუტეს, არა!“

ფიქრობდა და თუ აქამდე თუთურთა რძლობას რალაცნაირად ყოყმანობდა, ახლა პირიქით, უხაროდა, ვინაიდან ირწმუნა, რომ ანთარიებისა და ჰალიძონიების ხელახალი დამოყვრება მრავალ სიხარულს ჩაავკირისტებდა. ამჩატებული კაცი ელ-ჭექით დაშინებულ, მალიმალ მშარდავ საქონელს ქვეშ-ქვეშ ულიმოდა, თან პატრონს უგინებდა ალერსით.

ბაგისთან სადავო დიახაც ჰქნოდა გვიტ ანთარიას. ძმისწულის „საყოველთაო სამართალისაგან“ არც „ქვეყნისმყველფელ“ ბიძას ადგა კარგი დღე.

გვიტს ვერ შეჰკადრა, მაგრამ ზურაბს ჯერ ხილის დამზადების პრესკურანტი გამოაკრევენა; მერე კაბინეტში გამოიძახა, თვალწინ ანონიმური საჩივრები აუფრიალა; ამას წინათ კი, იმუშავებთ სინდი-სიერად? კეთილი და პატიოსანი! არადა, ყველაფერი თქვენს თავს და-აბრალეთო! დაემუქრა მთლად მაგიდაზე თითის რაკუნით.

— რომ ხტუნაობ, რას ხტუნაობ ნეტავი?! — თქვა გვიტ ანთარიამ ხმადაბლა, ისე რომ, ჭოფიას ყურთასმენას არ მისწვდომოდა, — მტერი და მოყვარე ვერ უნდა გაარჩიოთ, ბიჭო?!

არიქა, ობლობა არავინ წამოაყვედროს-მეთქი, ვშიშობდი და შვილებს ვზაგრაავდი. სულ შენ გაქებდი, სულ შენ გათამამებდი. ანთარიების თავკაცად გსახავდი. კახას და მურმანს ას-ას მანეთს თუ ვუტოვებდი ჯიბის ფულად, შენ — ორჯერ მეტს გაძლევდი. იმდროინდელი ვალები, ჯანდაბას, მაწვეს კისერზე, ოღონდ შენ ამ სეზონში ფეხს ნუ დამაჭერ, სატანჯოში გახარჯული ათასები მაინც ამანაზღაურებინე!

— აჰ, მაშე იმისათვის გულუხვობდი, რომ მომავალში ხალხს ათ-მაგად გაგაყვლეფინებდი, არაა?! შემცდარხარ ბიძაჩემო, ძლიერ შემცდარხარ! სულ ხურთჯერ ჩამოხვედი თბილისში და რა გახდა ეს ათასი მანეთი, თან რომ გადამაყოლე! ამასაც არ მაკმარებ ხოლმე, შეთვრები და ჩარიცხვისას შევაშველე ხელიო, გაიძახი ურცხვად. ვითომ რა, შენი ფულებით გავიმარჯვე კონკურსში, გმირის შვილობით თუ მუშაობის ცხრა წლის სტაჟის გამო?! რაც შეეხება სატანჯოს, მგონი, შენ ამოიჩემე, გადახურვას როგორ ვაკადრებ ოჯახსო. მაგხელა ღრეობა-ქელეხს რომ მართავდი, გაიძულებდა ვინმე? აი, სად მარხია ძაღლის თავი თურმე!

— უარესის ღირსი ვარ! მადლობა ღმერთს, შენი სამათხოვრო არაფერი მჭირს! ნუ გეშინია, დამზადების პუნქტის გარეშეც იოლად გავალ ფონს. ფული ჯოჯოხეთს ანათებს, ჭირიმე. არ დაგავიწყდეს, თვალეებს რომ გადმოგიქაჩავდა ხოლმე, ის ფულიც ხალხის ნაყველეფარი იყო. შენ რა გეშველებ, ასე უშვილძიროდ ამოგდებულს, თორემ მე რაღაცას მოვახერხებ. ან სასაკლაოს უფროსად დავჯდები ზუგდიდში, ან სენაკში წავალ ყველ-კარაქის ქარხნის დირექტორად. დაბერდი კაცი და ნატამალი ჭკუა არ შეგემატა! ახლანდელ ხარჯებსა, არდაშელის ჩათვლით, მე კვისრულობ შენს ჯინაზე! გავიჭირვებთ ცოტას, მაგრამ ხალხს სასაკილოდ არ ავაგდებინებთ თავს ზოგიერთივით! — ხმააწევით დაამთავრა გვიტმა.

— შენს პირს შაქარი, შვილო! — გამოსძახა დედამ, — შენით გვიღვას სული!

— მურმან, ბუხრის თავზე რომ დევს, ის საერთო რვეული მომი-

ტანე! გოგო, მომაშორე ტაშტი! აღარც შეხვევა მინდა! ჩამაცვი წინ-
დები და მორჩა. ხომ ხედავ, არაფერი შველის წყულ ეგ ზემას?!

— ეგ ზემას?! — იკითხა ბონდო ჰალიძონიამ.

— ჰო. შემჭამა პირდაპირ.

— თევი თავიდან ლპება, ადამიანი — პირიქით; იტყოდა ხოლმე
ცხონებული ლადი ჭანია, — ახიხინდა ჭიჭე კვეკვე.

ყმაწვილი სკამიდან გადმოიწია და შორიდან შეათვალიერა წვივე-
ბამდე დაფორაჯებული ფეხები.

— *eczema iatrogenis**. ამალამ ქათმები თუ დაკლეს, უჩემოდ ნუ
შეწვავენ. ისეთ წამალს გაგიზადებთ, ათ დღეში რომ მოგარჩინოთ.

— ზამთრობით კიდეც არა უშავს რა, მაგრამ როგორც კი
გამოზაფხულდება, დიდი და პატარა ჩემს ფეხებს დაესევა. მოკლედ,
ვიტანჯები.

— ჩათვალეთ, რომ ათ დღეში მორჩენილი ხართ. ისეთი უებარი
საშუალებაა, თმაც კი ამოჰყავს მელოტ თავზე.

— შენ ყოფილხარ ჩემი მხსნელი და ეგ არის. მურმან, ბარემ წისა-
საც დამიძახე! რას ჩირთიფირთობს იქ ამდენს? მოფრატუნდეს ჩქა-
რა!

— რა იყო, გვიტაი?! — შემოიხედა ზალში გულშექანებულმა ქალ-
მა.

— ერთი ამ ახალგაზრდას დაუგდე ყური!

— ქათმები ხომ არ დაგიკლავთ შემთხვევით?

— როგორ არა, შვილო, დავკალით, გამოვშიგნეთ, და ბუ-
ბუხართან იბრაწება კიდეც. ცოტაც მომითმინეთ, ჭირიმე!

— მაშინ, აი, მომავალში, კარგად ჩასუქებულ დედალს როცა დაკ-
ლავთ, საკვერცხეებთან ქონი რომ აქვს, ააცალეთ, უმარილოდ შეინა-
ხეთ და დანარჩენი მე ვიცი.

— სად მიდიხარ, ქალო, დაეტიე აქ! ვაზშამს ძმის შვილებმა მიგიხე-
დონ! მაგათი გამზითვების ჯერიც დადგება. ხომ იცი, რასაც ვგუ-
ლისხმობ და მომიტანე ერთიანად!

— ახლავე, გვიტაი!

— გადავწყვიტე, რომ ორმოცი ცხრამეტში გადავიხადო. წესით
ოცში უწევს, მაგრამ ოცი ორ შაბათს ემთხვევა, ამიტომაც ერთი
დღით აქეთ გადმოწევა სჯობია. ხომ სწორი ვარ, მამაჩემო?!

— კი, შვილო, კი! — დაასწრო ჭოფიას ძუბა ჭანია.

— მაშინ თადარიგის დაჭერაც დროულად გვმართებს. საწესჩ-
ვეულებო მომსახურების კანტორიდან ჭურჭელს, ბრეზენტს, ტაბა-

კებსა და მერხებს, აგრეთვე შავ ხიზილალას, ზეთისხილს, ზუთხს, სალათას, მწვანილს, კომბოსტოს დასამწნილებლად, თონის პურს, სამარკო ლიმონათთან, „ბორჯომთან“, მანგოს წვენთან და ჩხურ ლუღთან ერთად, ზურაბ, შენ მოაბამ თავს. აქ ყოველი წვრილმანი გათვალისწინებულია. წისა, მიეცი ბიჭს სამი ათას ექვსასი მანეთი. ფულს ნუ დაიშურებ, ოღონდ ვინმემ უხარისხო არ შემოგასადაოს, — უთხრა ვაჟიშვილს თავის აუღებლად, სიას სისტემის ნიშანი დაუსვა, დავალების შემსრულებლის სახელი წააწერა, სამაგრიტ შეწყვილებული ქაღალდები განაცალკევა. პირველი პირი სახუს მიაწოდა, მეორე — დასაქმებულისაკენ მიაჩოჩა.

— აქ რომ პროდუქტია ჩამოწერილი, ორმოცს კი არა, ხუთ ქელეს გადაიხდის ზედიზედ. იქნებ რალაც-რალაცები შეგვემცირებინა! აი, მაგალითად...

გვიტ ანთარიამ ბაგის გვერდით გაჯგიმულ თენგიზს ელვისებური მზერით ხმა გააკმენდინა, შემდეგ იგივე ინტონაციით განაგრძო:

— მურმან, შენ მომჭირნე ძმას წაიხმარ, ორ „იკარუსს“ დაიჭირავე და ხალხს მოემსახურებით. ყოველ შემთხვევისათვის ცხრამეტ-ოცი თებერვლისათვის დაჯავშნეთ საუკეთესო ნომრები „ოდიშში“, აგრეთვე ზუგდიდ-თბილისის მატარებლის კუპირებული ვაგონის ბილეთები. ეს ყველაფერი ისე ოსტატურად უნდა მოახერხოთ, რომ არც სტუმარი შეწუხდეს და მით უფრო — მისი ჯიბე. სამგლოვიარო მუსიკა წინასწარ ჩაწერილი სჯობია, თუნდაც ფალიაშვილის „დაისიდან“. როდესაც ამ საქმესაც განაღებულად ჩათვლით, მეგობრებთან ერთად სეფის გამართვასა და ეზო-კარის მოწესრიგებაში მიეხმარებით კახას. გამომართვი ეს ფურცელი. ესეც შენ, ჩემო დამტირებელო შვილო! წისა, შენს გაზღუტებულებს ორი ათასი მანეთი ჩაუთვალე. აქეთ წვრილმანებისათვის და გიორგის სამადარიჩოდ, ბარემ ახლავე გადადვი ათასი მანეთი. ბუჟღუ იქნება ეს, დადუნა თუ დანარჩენი, სულ ერთია, ჩემი გასამზიოთვია ყველა, ამიტომაც კეთილი ინებონ და ამ დღეებში ცოტას თუ გაირჩებინ, ქვეყანა არ დაიქცევა. აქედანვე გაფრთხილებთ უფროსს და უმცროსს, რომ საცივს ნიგოზს ნუ დამიკლებთ; დედაჩემს შეეკითხეთ, წყალწყალა არ მანახოთ, მესხიებმა რომ იციან, ისეთი. არც ხაჭაპურს აწყენს ზედმეტი ყველი, და აღარც ბაკლა ლობიოს — კარაქში მოშუშული ხახვი. შენ კი, ჩემო თვალისჩინო, — აღერსიანად ახედა მამამ სახუს, — ეს სეიფის გასაღები ჩაიბარე! ვინ იცის, ხვალ-ზეგ რა მელის, გული არხინად მექნება.

გვიტ ანთარიამ საკმაოდ სოლიდური თანხა გააზრებულად გაანაწილა. ჩანდა, რომ ბაგის გასალიზიანებლად არც ახლა გაანძრევიანებდა ვინმეს თითს. ამით კრიჭაშეკრულ ძმისწულს ნიშანს უგებდა, რძალსაც საკადრისად მამამთილობდა და რაც მთავარია, ახალმეძენილი მძახალი გამოჰყავდა სავალალო მდგომარეობიდან. სინამდვილეში კი სუყველასაგან ფარულად საქმეებს იკვარახჭინებდა — კარზე მომდგარი ქორწილისათვის საზოგადოების აზრსაც შეამზადებდა და მის ჯიბესაც.

— ასეთები რომ ვართ, იმიტომ გადაგვდის ერბო თავზე, — თქვა ვითარების მოულოდნელი შეტრიალებით გაცეცხლებულმა ბაგი ანთარიამ, — მაგრამ ჩემი მიზანი სულ სხვაა. ტყუილად როდი ვაკვდები ჭურის ჭაობნარ მიწებს! ცოტაც გვაცალეთ და ყველას დაგიმტკიცებთ, მათ შორის შენც, ბიძაჩემო, რომ გამდიდრება პატიოსანი შრომითაც შეიძლება.

კაპიტალიზმის მამოძრავებელი ფორმულაა: ფული — საქონელი — ფული, სოციალიზმისა: ადამიანი — შრომა — ადამიანი. ვითომ შენიშნე თვისებრივი სხვაობა?! პირველს მოგების გარდა აბსოლიტურად არაფერი აინტერესებს, მეორისთვის კი, ბიძაჩემო, მთავარია ადამიანი, დიახ, ადამიანი, რომელიც არდაშელისა და შენისთანა საქმოსნების ხელში ლამის წელში გაწყდეს. ის უბედურება რომ არა, ცხადია, მეტის გაკეთებას მოვასწრებდით, მაგრამ რაც შეგძელით, ისიც არ არის მცირე: ჭიშკრიდან მოყოლებული გზა ამოვამალეთ, მოგზარეთ; ჭურის წყლებისკენ კილომეტრნახევრიანი არხი გავთხარეთ. მალე იქ ნამდვილ ნავსადგურს გავმართავთ და მერე ჭორომებიდან პონტონებით გამოვზიდავთ თივას; მოვამრავლებთ კვარაცხელიას ჯიშის ძროხებს, კამეჩებს, ღორებს; მომავალში უფრო დიდი საქმეების დაძვრას ვაპირებთ ადგილიდან.

— მაინც რას მოელი ჭურისაგან, იხვის ტოლმას თუ ბუხს კვერცხებს?!

— უწინარესად იმას, ბიძაჩემო, რომ ხალხს შრომას შევაჩვევ. მერე საკუთარი ოფლით მოწეულის უპირატესობას შევავნებინებ სათითაოდ. თუ დამცალდა, გადაწყვეტილი მაქვს, იქაური მონაგარით ორი საბავშვო ბავშვი ავაშენოთ მაფატუსა და ბუკონას უბნებში. პატარებს უფასო კვებას დაუწესებთ. პირველადი მოხმარების საგნებს, როგორცაა: ნავთი, ასანთი, საპონი, მარილი, შაქარი, ელექტრონი,

უსასყიდლოდ მიეცემთ მოსახლეობას. საშუალო სკოლას გახანგრძლივებულ სწავლებაზე გადავიყვანთ. დაწყებითი კლასებიდანვე ვიზრუნებთ მათი პროფესიული დაოსტატებისათვის. შრომა თითოეულისათვის სასჯელად კი არაა, მოთხოვნილებად უნდა გადავაქციოთ. ახალშეუღლებულებს ცხოვრების ნომალურ პირობებს შევუქმნით. ოჯახის შექმნა საზოგადოებისთვის უდიდესი მოვლენაა, დავსძენდი — პოლიტიკური მომენტიც კი. მე მივდივარ ჟინი ანთარის ბიოლოგიური კანონების წინააღმდეგ და მთელი პასუხისმგებლობით ვაცხადებ, რომ უსიყვარულოდ შექმნილი შთამომავლობა შეუძლებელია სრულყოფილი იყოს, როგორც ფიზიკურად, ისე — მორალურ-ზნეობრივად. სიყვარულისა და სიძულვილის დროს გამორიცხულია ერთნაირი ჰორმონები გამოიყოს. არც სიხარულის ცრემლია, ალბათ, მწუხარების ცრემლის იდენტური. აი, ჩემი ოდაბადელების ამალელებულად ყოფნის, სამართლიანად ყოფნის, თავისუფლად ყოფნის ერთადერთი გარანტია დროსა და სივრცეში. ეს იდეაში, მაგრამ როგორ გინდა ახლა ყოველივე პრაქტიკულად განახორციელო არდაშელ ჰალიძონიასა და შენს ოდაბადეში, ახლების თანადგომის იმედი რომ არა?!

— ბიჭო, რითი ვერ შეიგნე ამდენ ხანს, რომ დღემდე არსებული ნებისმიერი მოძღვრება მშრომელი კაცის მოსატყუებლად იყო მოგონილი, როგორც ეგერ, ნოკოს კაჯილიას პირში გაჩრილი საწოვარაა. იმ შენმა მარქსმა თქვა, თუ არ ვცდები, გონიერებას ყოფიერება განსაზღვრავსო. სოციალიზმი რომ დაამყარო, ჯერ ეკონომიკური პირობებია საჭიროო, თანაც ისიც დასძინა ხაზგასმით, რომ ეს ყველაფერი ერთ ქვეყანაში, თუნდაც მაღალგანვითარებულში, ყოვლად შეუძლებელიაო. მოხვედით მერე თქვენ, დედაგაღლეტილი პროლეტარები, და რევოლუციური იდეებით სცადეთ მკვახე ვაშლის ხელოვნური დამწიფება. ახლაც შეჟავთ და შეჟავთ ამ თურაშაულებს, მაგრამ ხომ ხედავთ, არაფერი გამოგდით?! შეიგნეთ ბოლოს და ბოლოს, რომ ადამიანი საკუთარით იწყება. მას არაფერში არგია შენი უფასო ნავთი და საპონი. მან თვითონ, თვითონ უნდა მოიპოვოს ეს სიკეთე. ვის უხვევთ თვალს, უფასო სწავლა-განათლება და ჯანმრთელობის მომსახურება გვაქვსო?! აქეთ ჯამაგირიდანაც გვექვითება და იქით მაინც უნდა აძლიო საჭიროების შემთხვევაში. თქვენ უმჯობესია სრული ხელფასი მოგვცეთ და მერე ჩვენ თვითონ ვიზრუნებთ, როდის

ვიმკურნალებთ ან როდის ავიმალღებთ ცოდნის დონეს. საინტერესოა, რას იტყოდა ყოველივე ამის თაობაზე ჟინი ანთარი?! მას მგონი, ცოტა უკეთ ესმოდა ეს საკითხები!

— შვიდ იანვარს შევხვდი უკანასკნელად. რაღაცნაირად აღელვებული ჩანდა. სულ ბონდო ჰალიძონია ეკერა ენის წვერზე.

საზოგადოებისაგან მოწყვეტილი ადამიანის ყოფნა ფუჭიაო, მიმტკიცებდა. იმ ბიჭს რვაწლედის პროგრამა ჯერ კიდევ შარშანწინ ჰქონდა ჩაბარებული, როგორც რაიკომშიც მითხრეს, ჩინებულად და ამ მაის-ივნისში მეთათე კლასის გამოცდაზე უპირებდა გაყვანას.

ორი წლის სტაჟის გამიკეთეო, მთხოვა. უმაღლეს სასწავლებელში შესასვლელად უმზადებდა ნიადაგს, მაგრამ, ეჰ, უბედურმა შემთხვევამ ხაზი გადაუსვა საცოდავის ჩანაფიქრს. როგორ გგონია, ჟინი ანთარი არ თანაუგრძობდა ვითომ სოციალიზმს?!
— ვინ ამბობს მაგას?!

— მართალია, მას ცხოვრებამ მეტად რთული გამოცდა მოუწყო, მაგრამ გამუდმებით საზოგადოების კეთილდღეობისათვის ზრუნავდა. გაიხსენე ლომონისა და მანდარინის ყინვაგამძლე ნერგები; გაიხსენე სანაშენე ზაქები, არაფერს ვამბობ იმ მატერიალურ და მორალურ დანხარებაზე, რომელსაც სულმუდამ გვიწევდა ხოლმე. ერთი იყო მისი შეცდომა, დიდზე დიდი, მიუტევებელი: ჰე შმარიტად, შეუძლებელია ხალხისაგან განდგომილი ცხოვრობდეს ადამიანი და რაიმე ფასეულს ეზიაროს. ცალკე, პრაქტიკისაგან მოწყვეტილი თეორიაც ფუჭია და აღარც პრაქტიკას მოშორებული თეორიაა ტატალი. ორივეს სინთეზია საჭირო, ორივეს შედუღაბება, შერწყმა.

— აკი, ჭაჭიამ, ამასხრავებდაო ჩვენს წამოწყებულ საქმეებს?!

— გეკადრება!

დიდი მისია გაკისრია, ჩემო ბაგი, დიდი მისია და რახან ერთხელ წამოიწყე, არ გატყდე აწი, უკან არ დაიხიო, ქვეყნიერებაც რომ აგიჯანყდეს, შენს გულისძახილს მიჰყევი! მთავარია სინდისის წინაშე იყო მართალიო, მეუბნებოდა და მხარზე მითათუნებდა ხელს.

— დღისით, მზისით, იმ ხვავრიელ თოვაში რას უნდა გაეჩინა ცეცხლი ნეტავი?!

— როგორც ჩანს, ოდაში ბენზინს ინახავდნენ, ვინაიდან, როცა ხანძარი შეენიშნეთ და მისაშველებლად გამოვეშურეთ, ას მეტრიც არ გაგვერბინა, რომ იქაურობა აფეთქების ხმამ გააყრუა. ნაცარტუტად ქცეული დაგვიხვდა სატანჯო.

— წერილი ვინ აღმოუჩინა კოჩიას?!

— მე, მე! — შესძახა ჭიჭე კვიკვიმ, — გულისჯიბეში ვუპოვნე ოთხად გაკეცილი.

— მეგონა, ყველაფერი დაწვრილებით იცოდნი. ვიდრე სატანჯომდე მივალწევდით, არაქათი გამოგვეცალა. ფიცარნაგთან მოტორიანი და ნიჩბის ნავები ირწეოდნენ.

შინ ყოფილანო, თქვა კოლი ჭანიამ.

ასე მოქნულად რომ მოვცვივდეთ, ვაითუ ბონდოს წართმევაში ჩამოგვართვან და მარილით დატენილი თოფები სანატრელი გაგვიხედესო, შეყოყმანდა ჭაჭია ქობალია.

რეებს რომავთ, მომყვით-მეთქი.

არ ვიცი, მითქვამს თუ არა. საშინელი სურათი დაგვიხვდა. დანაცრულიყო ოდა. აქა-იქ ბჟუტავდა ბოლომდე ჩაუმწვარი დირე და თავზე. ზღვაური ზორბა-ზორბა ნაკვერჩხლებს აღვივებდა. მეგონა მიწა ერთბაშად იძრებოდა და შიგ ჩამიტანდა. ცხოვრებაში პირველად არ დამემორჩილა ხმა. თავზარდაცემულები აქეთ ვეცით, იქით, მაგრამ სულერი არსად ჭაჭანებდა. დავასკვნით, რომ ერთიანად ცელცხლში ამოიბუგნენ და მაშინ, ბჟოლას მიხედვით, ბჟოლასო, დაიყვირა ჭიჭე კვიკვიმ. სამზადის უკან გამაბრჯღულ თუთაზე დათოვლილი კაცის შიშველი ფეხები ქანაობდა. მოკლედ, ბევრი რომ არ გავაგრძელო, კოჩია კონწიალებდა იქ. ჩამოვხსენით საწყალი, ვანჯღრით, ვუსრისეთ საფეთქლები, მაგრამ ხელფეხგაფშეკილს რას ვუშველიდით?!

— ზეზეურად დაგებრდი და იმისთანა საინტერესო მიცვალებული პირველად ვნახე, — დაიჭყანა ჭიჭე კვიკვი, — დუ იაქეს თამაში არ გამომაპარო, გიორგი! ჩამოხრჩობილი რამდენიც გნებავთ იმდენი გამიპატიოსნებია, ჩვენებურიცა და უცხოც, გაღმელიცა და გამოღმელიც, ყოველნაირი ასაკის, ქალიშვილობაში ფეხშედგმული თუ საწუთრომოლეული, მაგრამ ნოჩოს ბიჭი განუთმეორებელი იყო. ჩამოხრჩობილს, როგორც წესი, ყელზე წითლად აჩნდება თოკის ნაკვალევი. კოჩია იყო გამონაკლისი, სიკვდილის შემდეგ დაკიდებულს ჰგავდა.

— მაინც შენსას გაიძახი, — შეუბღვირა ბაგი ანთარიამ, — სიკვდილის შემდეგ დაკიდებული შინ მოიკითხე! იმ ანდერძის მერე ამისთანა მკრეხელობის ყრანტალი იქნება?! გადავწყვიტეთ, კოჩიას დანაბარების შესაფერისად მოვქცეულიყავით და რადგანაც სატანჯოში დამარხვა ითხოვა, მისი სურვილის წინააღმდეგ ხომ არ წავიდოდით?! დაე, ბუმბულად ქცეოდეს იქაური მიწა! ხოლო რაც შეეხება წერილს,

ცხოვრებისაგან დაბოლოებული კაცის ხელიდან გამოსულს უფრო ჰგავდა, ვინემ საღად ნააზრევს. იმ უბედურს სულ ეჩვენებოდა, რომ შვილს ართმევდა ბიძა. დიდი ეჭვიანი ვინმე იყო. ხომ გახსოვს, ცირას ადევნებულეებს რა დღე დაგვაყარა? არავის ანდობდა ბონდოს. მეც აქა-იქ დამილანდავს, ისიც ორი წლის წინ. ამას მთელი პასუხისმგებლობით ვაცხადებ, ადამიანების ეშინოდა იმ ბიჭს. როგორც ჩანს, იმთავითვე ჩააგონებდნენ გაუტანლობას, წუთისოფლის სიძულვილს. ჟინისთვის ყური რომ გეგდო, საპირისპიროს დაასკვნიდი: თითქოს წმინდანს აცხობდა ბონდო ჰალიძონიას სახით, მაგრამ ვისთვის, რისთვის, აქამდე ვერ ამომიცვნია. მოკლედ, ცირას წამოყვებულნიდან თუ ბიძისა და შვილის ურთიერთობიდან გამომდინარე, კოჩიას ეჭვიანობის საფუძველი ეტყობოდა მართლაც ჰქონდა, თუმცა იმისი განცხადება, რომ მეცნიერ კაცს, ვისთვისაც მაღალი იდეალები ყველაფერს ნიშნავდა, სხვებზე გამოცდით საკუთარი უკვდავების წამალს ეძებდაო, დასწამო, აშკარა უსინდისობაა, უსინდისობა. წარმოუდგენელია ჟინი ანთარს მსგავსი რამ აზრადაც მოსვლოდა. ამიტომაც ვალდებულნი ვიყავი, კოჩიას ვარაუდზე დამყარებული არაკებისთვის ყური დამეხშო. შექმნილი სიტუაცია უბედურ შემთხვევად გამოემცხადებინა. ეტყობა შუადღის ძილქუსით შეპყრობილმა ხალხმა მოულოდნელად გაჩენილ ხანძარს თავი ვედარაფრით დააღწია, ხოლო ჭყონკაკუტიდან მობრუნებულმა კოჩიამ, როგორც კი სულზე უსაყვარლესი შემკვიდრე დაღუპულად ჩათვალა, ცილისწამებით გაჭედილი ბართი დაწერა ჟინი ანთარის მისამართით და სიცოცხლეც მოისწრაფა. დაახლოებით ასეთი გახლდათ სატანჯოზე შექმნილი ვითარების სალი გონებით შეფასებული სურათი და ახლაც, დარწმუნებული ვარ, რომ ყოველივე ამგვარად მოხდა, ამგვარად და მხოლოდ ამგვარად.

— თავმჯდომარე დიდებული გვეყვხარ, ბაგი, მაგრამ ფსიქოლოგიაში ბაბუაშენივით მოიკოჭლებ ცოტას. იმისთანა მღელვარების წუთებში იმსიგრძე უსტარი არაფრისდიდებით გარიწკინდება. ეს ხომ თავდაყირა აყენებს ყოველგვარ თეორიას. ახლა მინათდება გონება. იმხელა წერილის შეთხზვის განწყობილება რომც ჰქონოდა კოჩიას, საიდან მოახერხებდა ყოველივეს, თუ სახლი დანახშირებული დაუხვდა, ჯიბეში კი ფურცელი და კალმისტარი არ ედო?! აგერ, ძუბას დოხტურიც დამემოწმებ, თუ იოტისოდენად ვცდებოდლე. მერედა, რამდენიმე ურთიერთგამომრიცხავი ფაქტიც მაქვს ხელთ. მაშინაც ვახსენე და ახლაც ვიმეორებ, რომ დღისით, მზისით, რისთვის დასჭირდათ სატანჯოელებს კარ-ფანჯარების საგულდაგულოდ ჩარაზვა? რას

შვრები, გიორგი, ხომ ხედავ, გზა ჩაკეტილი აქვს იმ ქვას. პეგასია?! გა-
ცუვრება გინდოდა?! ვერ მოგართვეს!

— კი, მაგრამ რის საფუძველზე დაასკვენით, რომ ანდერძი კოჩი-
ას ხელითაა დაწერილი?! — თქვა ბონდომ და ჭიქაში ჩაყრილი კამათ-
ლები ააჩხრიალა.

— ეგეც თუ საეჭვოა და...

— კრიმინალისტიკამ არ იცის საეჭვო და სანდო. კრიმინალისტი-
კა ფაქტებით აზროვნებს. ფაქტი კი ჭიუტია. რატომ არ მოიძიეთ არ-
ქივში მისი ხელმოწერილი საბუთები. ნებისმიერი ადამიანი აფექტში
სხვანაირად წერს და მშვიდ გუნებაზეც — სხვანაირად. სტილი ქმნის
ადამიანს, ასე რომ, იმ ანდერძით ბევრის გარკვევა მოხერხდებოდა.

— შესაძლოა, მაგრამ ჩვენ მაშინ სამაგისო არც თავი გვქრონდა,
აღარც — დრო და საშუალება. კინაღამ კატარღებით მოვარდნილი
მესასღვრეების ავტომატების წერა გავხდით.

კამათლები, თითქოს სანარდო წუთისოფელს დასცინიანო, კის-
კისებდნენ და კისკისებდნენ გასათხოვარი ქალიშვილებივით.

„არ მაპატიო! რაა აწი ჩემი სიცოცხლე?! ჩიტვივით გაგვიფრინდე-
ბა“

შეძრწუნებულ ბონდოს ოცნება ფეხდაფეხ მიედევნა ზენა ქარს,
კაცის სიმაღლის ლელქაშებს. მერე გაკურცხლა. შიშველ სხეულს
ჟალტამი უბასრავდა. ჩაშამბულ აკლდამებს და აკაციების კორომს
თავდაღწეული გადიის დანაცრული ხელებისკენ მიიჩქაროდა. მიფ-
რინავდა მარტოსული კოჩიასაკენ, რომელმაც დიდხანს ანებივრა მა-
მობრივი მზრუნველობით. ილტვოდა ფრთოსან ჭიანჭველად მომნათ-
ლავი სატანჯოელისაკენ. კიდევ რამდენიმე ბოგირს გადაირბენს, წაქ-
ცეულ მუხას გადაახტება, კიბის საფეხურებს ტერფების დაუკარებ-
ლად გადაუქროლებს და როგორც ფიჭა ივსება თაფლით, ისე აა-
ლიპლიპებს სანატრელების მზერას სიხარულით.

ხმა იღუმალის მიერ მოხელთებული ბონდო ანგარიშმიუცემლად
ეთამაშებოდა ნახევარძმას. ორთაბრძოლა გარდატეხის ფაზას უახ-
ლოვდებოდა, თანაც სადაც არის ქეიფის საათიც დარეკავდა და ცხა-
დია, აქამდე დაუმარცხებელი ჭიჭე კვეკვე მოწინააღმდეგეს თანდა-
თან ავიწროვებდა, კუთხეში იმწყდევდა. მოთახთახე განწყობილე-
ბას შესაფერის ჟესტიკულაციას დაურთავდა, თითქოს დეიდებს რა-
ღაც ღირსშესანიშნავ ამბავს მოუთხრობდა გატაცებით, თუმცა მუნ-
ჯური ენა დამსწრე საზოგადოებისათვისაც და ბონდოსთვისაც მეტ-
ნაკლებად გაუგებარი იყო, ხოლო რაც შეეხება ელას და მინაკას, ისი-

ნიძუბა ჭანის ამოსხდომოდნენ აქეთ-იქით. ასე რომ, ჭიჭე კვეკვეს განსაცვიფრებელი გარდასახვა უქმად იკარგებოდა. მოწინააღმდეგის ეფემერულ გარინდულობას მზერას უხერხულად არიდებდა. თითქოს მეტოქის ფიქრებთან შეხების ეშინოდა, მაგრამ ასეც რომ მომხდარიყო, ცნობიერების აბობოქრებული ნაკადი ბონდოს ფესვებიანად მოგლეჯილ ხეებთან ერთად მიაგრიალებდა ოდაბადეს ხიდქვეშ, მაშინ, მისი ნახევარძმა ამ ორთაჭიდილს საღსალამათი დაჰყურებდა ხაბოდან. რაოდენ გულგრილობითაც თამაშობდა ნარდს ბონდო, იმდენი გაათმაგებული დაძაბვით მიაყურადებდა უკვე განვლილი ცხოვრების სურათებს, სიზმრებს, განცდებს თუ აწმოსალოდნელ ორომტრიალს და სრულიად უწყინარი წყვილი კუბიკი, როგორიც კამათლებია, ცირკის არლეკინოს ასოციაციით მეფე ლირამდე აღწევდა, წარმოსახული ხატი ნათესაურ გრძნობებს აღუძრავდა მეოტს და მაყურებლისაგან მაშინვე გამოცალკევდებოდა ჭიჭე კვეკვეს მოხრილი მხრები, ფერფლისფერი კოსტუმი, რომლის უღვთოდ დამოკლებული სახელოები დაჟირილად ამჟღავნებდნენ ჭუჭყიანი პერანგის გაცრეცილ სამაჯეებს.

— კალიგრაფია ბერძნულია. ჩვენებურად ლამაზად წერას ნიშნავს. „ენამწარობს, მაგრამ იმ სარჩულის ქვეშ უბოროტო, ალალმართალი გული უძგერს“. ხშირად კალიგრაფიის წყალობით ადამიანის განწყობილებასაც განსაზღვრავენ და პიროვნულ ღირსებებსაც. აქ არ არის რაიმე მისტიკური მომენტი, ვთქვათ, როგორც ამას ქირომანტიამ ან ჰოროსკოპი მიმართავს. რიგითმა იურისტმაც ჩინებულად უწყის, რომ ფიცხი ხასიათის ადამიანს თანხმონებით აზროვნება ემარკება. მისთვის ხმონები ჩვეულებრივ ბრძებშია ნაგულისხმევი. სანგვინიკებსაც ქოლერიკივით გაკრული ხელით წერა სჩვევიათ, მაგრამ სამაგიეროდ მელანქოლიკებს და ფლეგმატიკებს წნული ასოები გამოჰყავთ. ისინი ქარგავენ, ამ სიტყვის პირდაპირი მნიშვნელობით, ვინაიდან მოხდენილია მათი ფემინიზაცია*. აი, ანდერძი რომ შეგენახათ ბევრ რამეს მოეფინებოდა ნათელი.

— მერედა, ვინ ამბობს დავუწეთ, გადაყარეთო?! — გაოცება გამოეხატა სახეზე ბაგი ანთარისას, — აგერ არა მაქვს, მაგრამ თქვენი თეორიის სასწორის ცოტა მეეჭვება. სად კალიგრაფია და სად ადამიანის ფსიქიკა. რა ურთიერთკავშირი უნდა ჰქონდეთ?! რთული განსაზღვრულა მარტივით როდესმე?! არიან შარლანტები, რომლებიც ტელეპათიის არსებობასაც ამტკიცებენ, ბერძნულის სამ-

კუთხედის კატასტროფებს მეტაფიზიკურად ხსნიან, მფრინავ თეფშებს ებლაუჭებიან, ჰუმანოიდებთან ეძებენ კონტაქტებს და წარმოიდგინეთ, პოულობენ კიდევ ეგვიპტის პირამიდების თუ სხვათა სახით. აუხირებია ვინმეს, გინდა თუ არა მთელს ოდაბადეში ერთადერთი, დედამიწაზეა სიცოცხლეო?! გალაქტიკათა უსასრულო სისტემებში, სხვადასხვა დონის მრავალზე მრავალი ბიოსამყაროა დასაშვები, მაგრამ მოსაზრება, თითქოს ჩვენი ცივილიზაცია უფრო მაღალგანვითარებულის საცდელი ლაბორატორიაა, ანტიმეცნიერულია და მეტი არაფერი. ნახეთ, აბა, ერთი! იქნებ რაიმე გითხრათ კოჩიას ანდერკმა!

„ხომ არ მცდიან?! არა განსცადო უფალი ღმერთი შენი. ესეც ჟინი ანთარის მორიგი ოინი ხომ არ არის? ხელზე ხელი მომიჭირა მაშინ. თვალებში ჩამხედა. შემადრწუნებელი სიცარიელე ვიგრძენი იმ ჩაჟინებაში. ყველაფერი მე მომიძღვნა, მე შემომწირა თურმე!“ ფიქრობდა ბონდო, როცა ორივე მხარეს აჭრელებულ წერილს ართმევდა ბაგი ანთარიას.

მელნის ავტოკალმით იისფრად დათხაპნილში სატანჯოელის ხელწერა პირველივე სტრიქონვიდანვე ამოიცნო ყმაწვილმა.

„გაძაღლებულიყოს თქვენი ყოფნა, ცარო მუშუქიავ და ნოხო ჰალიძონიავ! ამომწყდარი თქვენი ფესვი და ძირი! უსიყვარულოდ გაჩენილი განა შეიძლება ბედმა გაახაროს?!“

მიყვარდა, ვუთოხნიდი, მისი გულისათვის დუყლა ანთარიას წისქვილის დოლაბი თავზე დავიტრიალე. ორსული შევირთე, ჩასაცმელ-დასახური არ მოგაკელი, მაინც მიღალატა, მაინც გამწირა! ჯერ ვისთან და ვისთან, მერე ცხვირპირმოჭმულ ჟინისგან თურმე თავი დაიფეხმძიმა. ვინემ წავართმევდი შვილს, შენიათ, მატყუა, ესეც არ მაკმარა, ძმასთან დავსლაფი დამასნა, წავართვი მემკვიდრე და „სად მიგყავს ჩემი თვალისჩინიო, — მომაკივლა, — თუ შენგან მეყოლა გგონია, ძლიერ შემცდარხარ, შენ ვინ მოგცა, გადამწვარს, მაგის შნო და მარიფათიო“, მომწამლა. დაუნდობლებო, უსისხლოებო, წარწყმდით! გიხაროდეს, ძმათამკვლელო! რანაირი ტკბილიც იყავი, სიკვდილიც იმნაირი შარბათი გერგო! განა შენმა კინტურმანტურმამ არ იმსხვერპლა ათეულობით ადამიანის სიცოცხლე?! მაშინაც კი, როცა უნარი არ შეგწევდა და ხელოვნურად აორსულებდი ქალებს?! მერე მათ ნაყოფს

ხან ლანცეტით უკირკიტებდი და ხანაც – ელექტრომიკროსკოპით. იმისთანა ბნელეთის მოციქული იყავი, რომ ახალგაზრდობაში ექვსი არამხუტუ ძმა შეიწირე, სიჭარმაგეში ასობით უცოდველი ადამიანი გაუყენე საიქიოს, სისხლის ხვრების მაღა ვერც სიბერემ დაგიცნრო. სხვები ჯანდაბას, თავი რომ შემოგწირა იმისთანა მეულლეც კი არ დაინდე. არ დასჯერდ ზვარაკს, ღვიძლი შვილიც დახანძრე, სწორედ იმნაირად, როგორც ცეცხლის რკალში მომწყვდეული მორიელით ერთობოდი ხოლმე. ხო, დაე, ყველამ იცოდეს, ღვიძლი შვილიც გაიმეტე, სატანავ! ტყუილად იძახდა განა ბრძენკაცი ლადი ჭანია, ჭინჭარისაგან ჭინჭარი აღმოცენდებაო?! კიდევ კარგი, წელიწადზე მეტია სენმა ლოგინს მიაჯაჭვა და შენი ავაზაკური საქმეების გაგრძელება არ დასცალდა! მაინც რას მიაღწიე სულწაწყმედილო, მონავ?! სად არის შენი უკვდავების წამალი, რომელსაც სხვებზე გამოცდით ეძიებდი?! რა სიმაღლე დაიხყარი, რა ნათელს ეზიარე?! ჯოჯოხეთს! ჯოჯოხეთს! ნაშუადღევს თავიდან მომიცილე, კამეჩების დასაპურებლად ჭყონკაკუტში გამგზავნე, რათა ვერაგობაში ხელი არ შეგშლოდა, შენი ავაკაციური ნამოქმედარი მე დამაბრალებოდა;

ვიცი, შებინდებოდა თუ არა, თრიაქით გამოლენნდებოდი, ბუნრის პირას სავარძელში განებივრებული ლოგინებში მუგუზალს შეაპარებდი მაფას და ბონდოს, რათა სხვისი ტანჯვა-წამების ცქერით უწომოდ დამტკებარიყავი. მწვალებელი ბილწი პატიოსნად წარხოცილიყავი გნებავდა?! შენი ბნელი საქმეები კოჩიასთვის დაგებრალებინა გწადდა?! ვერ მოვართვეს!

ვინც ამ წერილს იბოვის, თვითონვე მიხვდება, როგორიც ვყოფილვარ, თავი რა მოსაზრებით ჩამომინრჩვია.

ჩემებო, იმედია, არ დამზარდებით და აქვე, სატანჯოში დამასაფლავებთ და თუ ზოგჯერ მომიგონებთ, ბარემ სახელით მომიხსენიეთ! მე ამ სახელს გაჩენის დღიდან ერთგულად ვემსახურე, გვარი ჰალიძონია კი, დაე, უღირსებმა ატარონ, სატანჯველად ესეც ეყოფათ!“

— ალელვებული კაცის ნაწერს გარეგნულად ჰგავს მხოლოდ. დიახ! ამ ანდერძის უკან დიდად განათლებული პიროვნება დგას უსათუოდ, — თქვა ბონდომ და საკუთარმა სიმშვიდემ განაცვიფრა, — ბუნებრივია, საიდან ასკვნითო, დაგებადებათ კითხვა. სრულიად ელემენტარული ჭეშმარიტების გათვალისწინებით. დავითვალოთ, წერილის ავტორის ჩვიდმეტ ადგილს გადაუტანია წინადადება და ყველგან — უშეცდომოდ. ერთგან წყპარმონიული ჯგუფი არ გაუჟკევთია. არსად გამორჩენია სასვენი ნიშანი, ტირეა ეს, წინწკლები თუ წერტილი და მძიმე. მერე მთავარზე მთავარი: წერილში საუბარია ნაშუადღევზე, ბინდისპირზე და არა ათი იანვრის დილაზე.

— გამოდის, რომ ანდერძი ხანძრის გაჩენამდეა დაწერილი. — ბაგი ანთარია უაზროდ მიაშტერდა დაბრუნებულ წერილს.

— ყოველ შემთხვევისათვის, გამორიცხული არ არის. „თურმე ყველაფერი წინასწარ ჰქონდა განჭვრეტილი. კი, უსათუოდ. რაბი! ეჰ, დასრულდა კი, დასრულდა ვითომ?!“ დარწმუნებული იყო, რომ აღსარების მერე უეჭველად გავიპარებოდი. საუბარი ისე წარმართა, ჩემი გაქცევისათვის რეალური ნიადაგი შეემზადებინა. ალბათ აინტერესებდა, მაინც რა გზას დავადგებოდი, გონების კარნახს გავყვებოდი თუ გულის ძახილს. ვთქვათ და სატანჯოში დავრჩებოდი, შევეგუებოდი ბედისწერას; ეს იმას ნიშნავდა, რომ ჩემში მოვალეობის გრძობა ნაკლებია, სიცოცხლემისჯილის ეკლიანი გვირგვინისგან ბევრი მაშორებს, ფრთოსანი ჭიანჭველის სტადიაში ვიმყოფები და კიდევ დავიხრუკებოდი ცეცხლში. როგორც ჩანს, ერთდროულად ორი კურდღლის დაჭერა სწადდა. ძმათამკვლელი!

ქიქე კვიკვი: ჩამთხრობილს, როგორც წესი.. ყველაზე წითლად აჩნდება თოკის ნაკვალევი. კოჩია იყო გამონაკლისი. სიკვდილის შემდეგ დაკიდებულს ჰგავდა.

ყისმათმა უმუხთლა საწყალს, ან რააბიმ უხიმანდრა რაღაც. მოგვიანებით საკუთარი ვერაგობის მამხილებელი, წინასწარ შეთხზული წერილი გულისჯიბეში ჩაუღო მიცვალებულს, თუთის ხეზე ჩამოჰკიდა, მერე ჩარაზა კარ-ფანჯრები და... რას მეუბნება ყოველივე ამით Self-made man-ი?! რას მიმტკიცებს, რა მიზანი დაუსახავს?! აქ ორი ვარიანტი არსებობს. ან მაფასთან ერთად დიხანძრებოდა და ამდენად, თავისი მისიის ჭეშმარიტებაში დამარწმუნებდა, სადაც ვიქნებოდი, ოდაბადეში, ზუგდიდსა თუ ცხრა მთის იქით, ყალბი გვართით თუ ნამდვილით, ან კიდევ თვალდაუხამხამებლად დანაცრავდა ოლას და გადიის ცხედარს, თვითონ კი ჩემს ნაბიჯებს დაუკვირდებო-

და, როგორც ეს ისტორიული გამოცდილებით დედუქციის ვირებს სჩვევიათ. შესამოწმებელია ლაბორატორია. მოიცა, მოიცა, მივაგენი მგონია: მან ეს ყველაფერი ჩემი წარსულის წასაშლელად, ბონდო ჰალიძონიას გასანადგურებლად გაითამაშა. დახეთ, რას მეუბნება უსიტყვოდ?! საიდუმლოს მოუფრთხილდი, ჩემო თაფლითა და ხიზილალათი გამოზრდილო, ნუგეშო, თორემ იცოდე, იმისთანა ხათაბალაში გაეხვევი, რომ ნაზარეველის ჯვარცმა სათქმელადაც არ ელირებაო. უმტკიცე მერე ხალხს, მართლმსაჯულებას, რომ ყოველივე შენ, საღსალამათს არ ჩაგიდენია და ჩამომხრჩვალმა კოჩიამ მოიმოქმედაო. დიდებულია! ვნახოთ ვინ — ვის!“

შექმნილი ვითარების ანალიზმა ბონდო ჰალიძონიას კბილები გაახრტილებინა, მაგრამ ჟინი ანთარის წინააღმდეგ შემართულ მუშტს მიმართულება შეუცვალა, გახსნა, კამათლებიანი ჭიქისკენ გააცურა.

ბონდოს ორი კენჭი დიდი ხანია ჭიჭე კვევეს თავლაში დაემწყვდია და ახლა პატრონს თივა-ქერისთვის აგულიანებდა, თან ნიშანდობლივი ცანცარით გამოყრიდა ქვებს.

ყმაწვილი ხელსაყრელ მომენტს უცდიდა, მაგრამ ასეთი წუთი რატომღაც იგვიანებდა. ის კი ქირქილებდა და ქირქილებდა. ფონენდოსკობის მომარჯვებას ურჩევდა. დეიდების განსაკუთრნავად ეპატიუებოდა. აჰა, ბეშ დორთით ორი ქვა გაუშიშვლდა მონარდეს, მაგრამ იხტიბარს მაინც არ იტეხდა.

თამაში დაიძაბა. მაყურებლები თითის წვერებზე დგებოდნენ. ძუბაც კი წამოჯდა ლოგინში, თუმცა ბონდოს ისევ იაგანი გაუგორდა და იაქეს კარში გახირულ კენჭებს ადგილიდან ძვრაც ვერ უყო.

— დადუნასთან გაშპით რომელიმე, — ეუბნებოდა ჭიჭე კვეკვე იატაკზე დაყრილ ონავრებს ყსიდად. ხატორა თავებზე მარცხენა ხელისგულს უთათუნებდა, ხოლო მარჯვენათი ოსტატურად აცეკვებდა ჭიქის ფსკერზე კამათლებს, გაგორების შესაფერის დროს დარაჯობდა, — ძუბას და მის წმინდა გიორგის ყელზე რომ არ დაადგეთ ამ წუთას მოსასვლელი დუ შაში, რაიმე მისაყოლებელი მოურბენით. — დაიხიხინა და მზაკვრულად ახედა ფაქიზად მოხატულ ჭერს. მერე შაშის, ფანჯისა და დუს კარებზე შერჩენილი ოთხი ქვა ჭიქიანი მუჭის ცერითა და ნეკათითით წინ მისწია. მაჯით მიუალერსა სათითაოდ. მოწინააღმდეგეს ზედ ცხვირთან მიუტანა მორჯულებული კამათლები, გეგონებოდათ, მოსასვლელ დუშაშს აწოსვინებსო. ბოლოს წამოდგა, ნაბიჯით უკუდგა და ვილაც უნიჭო მხატვრის შეთითხნილ,

ვეფხვისა და მოყმის ორთაბრძოლის გამოსახულებაზე სიკვდილივით შესრიალდა ორი ექვსიანი.

ენგურის ამნაირი აღილება ობადადღელებს ლადი ჭანიას მონათხრობიდანა თუ ახსოვდათ. წლების წინ მდინარეს დამბებითა და ჯებირებით რომ უკუაქცევდნენ, დროთა მსვლელობაში ტალღების დაცხრომა-დაშრეტამ, ჭოფია ანთარიას ბორნის დარიყვისა არ იყოს, კუნძულებების სულიც მოადუნა. დევის საწნახელისმაგვარ კალაპოტს მაშინლა მიაკითხავდნენ, როცა რომელიმე ახალმოსახლეს საბალავრე ლოდები და ქვა-ხრეში დასჭირდებოდა. მიუჩიოდნენ ენგურს.

ჭანიებმა რიყზე ჭალანგარის სამტეხლო გამართეს, ქობალიებმა — ბეტონის მიკროქარხანა, მესხიებმა — ბლოკის საამქრო. სხვებმა ჩქონიდან ქვა-ლორღი გაკრიფეს და ზოგმა სიმინდის ყანა ააღაღანა და ზოგმაც ლუფისა თუ ნესვ-საზამთროს მოყვანას მიჰყო ხელი, მაგრამ აგერ, ღვარღვალა სტიქია თამამად შემობრდღვინდა სოფელში, შემობრდღვინდა, როგორც მომხდური ბჭებდახსნილ გოდოლში.

მოსალოდნელი წყალდიდობის შესახებ პრესაც იუწყებოდა, რადიოცა და ტელევიზიაც. ადგილობრივმა ხელისუფლებამაც იმთავითვე დაიჭირა თადარიგი. ქვითკირის მკვიდრად ნაშენები თითოეული ორსართულიანი სახლი თავშესაფარ პუნქტად გამოცხადდა და წყალმეტობის შემთხვევაში განისაზღვრა, ვინ ვის შეკედლებოდა, ვის ვისთან ეძებნა უსაფრთხო ნავთსაყუდელი. შეიქმნა წყალდიდობასთან მებრძოლი შტაბი ბაგი ანთარიას საერთო ხელმძღვანელობით. წინასწარ მოიმარაგეს მაშველი რგოლები, მემახტის ფარნები, მოტორიანი და ნიჩბის ნავები.

ფრთხილებმა და წინდახედულებმა დროულად უშველეს თავს, თუმცა ასეთები ცოტანი იყვნენ. მართლაც, თხუთმეტი-ოცი ოჯახი რა დიდი ბედენაა სამასკომლიანი სოფლისათვის?! მოკლედ, ასე იყო თუ ისე, ენგურმა ჯერ ოდინდელი ორდინარი აღადგინა, მერე მდინარის ტანწყალმა ჭოფიას ბორანი დაფარა და მორყეული ფანჩატური გაიტაცა. მოგვიანებით ქვის სამტეხლომ და ბლოკის საამქრომ მოგჭამათ ჭირი. აქეთ ტოტის კლაკნი აიფოფრა. ბევრს კერია გაუცივა. საკუჭნაო-სამზარეულოში ხელი მოუფათურა. პირუტყვი აუბღავლა, ბაშვები აუტირა. განსაკუთრებით კუნძულის ჩრდილოეთით მცხოვრებ, ქვიშონისა და მათფატუს უბნელებს, რომელთა ეზო-კარი სამხრეთით დასახლებული ბუკონელებისაგან განსხვავე-

ბით ბუნებრივი საცავის უქონელი გახლდათ და ჟამთასვლაში, ვინაიდან ხელოვნური სიმაგრეებიც მოიშალა, თორმეტი კილომეტრის სიგრძისა და ორი კილომეტრის სიგანის ოდაბადე სტიქიონის მძვინვარებას უბრალოდ ვეღარ მინებდა.

თავშესაფარი თხუთმეტივე პუნქტისკენ ხალხი დედაწულიანად დაიძრა დილიდანვე. დათმეს ჭერი, მუთაქა, ჭინჭი. ნაშუადღევს ჩრდილოეთით ნამდვილი წარღვნა ტრიალებდა, მაგრამ სამხრობისთვის უკვე არც სამხრეთელებს ადგათ კარგი დღე.

ოდა-სახლების იატაკიდან მობუხებუყბდა გაღეჭილი ღვარალაფი. ნიაღვარი ზოგან ღურღურით გადასდიოდა ჭიშკრებს. წვიმამ ისევ იმძლავრა და ენგური ცეცხლზე შემოდგმულ რქესავით აფანტქალდა — როგორც ლადი ჭანიას მონაყოლში მდინარის შტო და მთავარი ნაკადი შეერთდა, შემთლიანდა, თანაც ყველაფერ ამას საღამოს მოახლოება, ელექტრონის გამორთვა, ქარიშხლის ჯირითი თუ წვიმის თქლაშა-თქლუშიც რომ დაერთო, გამაგრებული თხუთმეტივე პუნქტი პანიკამ მოიცვა.

— ხომ არაფერი გიჭირთ?! ნურაფრის გეშინიათ! გამხნევდით! — ეხმიანებოდნენ ერთმანეთს კაცები. სხვებს ანუგე შებდნენ, როცა შეცხადების პირას მისული ქალებისა და ასხავლებული ბავშვების შემყურეთ, სული თავად უკანკალებდათ, მაგრამ როგორც კი ხმა დაიჩხა: „ეს-ესაა რადიოთი გადმოუციათ, მორჩა, წყალდიდობამ კულმინაციურ წერტილს მიაღწიაო, დაწყნარდნენ. სიგარეტი გააბოლეს. უკვე სარჩო-საბადებლის განიავებას თუ უძრავ-მოძრავი ქონების გაპარტახებას არავინ ჩიოდა, რადგანაც ადამიანის სიცოცხლეს საფრთხე ჩამოშორდა, ვინაიდან მოხუციცა და ჩვილიც სამშვიდობოს იყო.

მაღე, როცა საყოველთაო შიშმა საგრძნობლად იკლო, როდესაც ხალხის მუსაიფი უფრო დარდიმანდული შეიქმნა, კემე ანთარიაც მოიკითხეს ცოლითურთ, მაგრამ ვერსად მიაგნეს, ვერც —კოლმეურნეობის კანტორაში, ვერც —ცირა შკვითინისთან, ვერც — ჯანდუ ქობალიასთან და ტატაჩი მესხისთან, ვეღარც — სხვებთან; გვიტ ანთარიასთან ხომ ისედაც არ იყვნენ და იზაბელათი შეზარხოშებული დამხმარე რაზმის წევრებიც ატყდნენ. წისა ქობალიას წიაქს ყური არ ათხოვეს. ჩაიცვეს რეზინის გრძელკლიანი ჩექმები, ბრეზენტის კაპიუშონიანი საწვიმრები. ბალონებით მოიმარაგეს საჭირო რაოდენობის ბენზინი. ააბრიალეს მეშახტის ფარნები და მოტორიანი ნავების თუხთუხით იწყეს გასვლა ჭიშკრის წვეროკანებს მიტანებული ნარწყულიდან.

დიდი და პატარა, ძუბა ჭანისგამოკლებით, აივანზე გამოეფინა. მეწინავე ნავს ბაგი ანთარია მართავდა, რომელსაც კვალში მისდევენ კახა, მურმანი და სპეცტანსაცემელში გამოწყობილი ბონდო. ალვის ხეების ჭერ კიდევ კვირტგამოუყრელ ხეივანს მიუყვებოდნენ მათათუხს მიმართულებით. რამდენიმე წუთიც და ოდაბადეში სრული სიბნელე დაისადგურებდა.

რინა მესუთე

კემე ანთარია
714285

— აჰა, ხუთი თვე იწურება მას შემდეგ, რაც ოდაბადელებს ყველა ეჭვი გავუქარწყლე, — ეხიხინებოდა ბონდოს ჭიჭე კვეკვე, — დამიჯერა გათვალულა ჯიმეაყონერმა და როცა ჯარგვალაში შეტყუებულ კვატალას ნასწავლისამებრ კაბა შემოაფლითა, გაოცებამ მოკლედ შეკრეკილი თმა აუჯაგრა.

„თავისუფლება მომანიჭა სამი ადამიანის სიცოცხლის ფასად. რატომ სამი? განა ბონდო ჰალიძონიაც მათ შორის არ არის?!“

ჟინი. ბუტუტი, შვილო, კუნტა ქობალიას ნამოსახლარი და გავერანებული თხილნარი მიჯნავს ოდაბადელებისაგან კემეს ეზო-კარს. მის ალთა-ბალთას გაქცეული თვალების ბლაგვი კუთხე ერთბაშად ხედავს მსმენელებსაც, ელას და მინაკას ტრიფოლიათის გაძვალტყავებულ ღობესაც და სამხრეთით წახერხემლებულ ჭიჭე კვეკვეს სასაფლაოსაც. თვეში ერთხელ სამადლოდ გაპარსავენ ხოლმე სოფლის დაღაქები, პახვალა ჭანია და დომე ქობალია. ჩამოჯდება კემე გადაპრიადებული მერხის კიდეზე, ზურგით მიეყრდნობა გაზეთით შეწებილ კედელს. როდის-როდის მისი რიგიც მოაწევს, მაგრამ ენაგატლეკილი პარიკმანერები განგებ აყოვნებენ და დილაუთენია მოსულს შებინდებამდე აყოლებენ ტყაშმაფასთან* დამართონელების ამბავს. თვალები უფართოვდება საუბრისას კემეს. ლამის ბუდეებიდან გადმოუცვივდეს, ისეთი სინარბით მიაჩრდება იმ სურათებს, იმ ხილვებს, მისდაუნებურად აქირქილდებიან, თანაც ეთანხმებიან, გამამხნე-

ვებელ სიტყვებსაც შეაშველებენ, თუნდაც ასეთს: უყურე, შენ, იმ ცხენის თავის მაჭიხვინებელს, იმას?! ხო-ხო, ის დედისმკვლელი, ისა! ამას რას ისმენს ჩემი ყურებით. წარბების აზიდვა და ზურგისკენ გადაზნექვა ახლავს ამ შეხშიანება-შეთანხმებას ხოლმე. ამგვარი საქციელი შეკრებილებისაგან განსაკუთრებით მაშინ არის აუცილებელი, როცა მესხიერებიდან ამოკრეფილი, გაცრეცილი სახეები და მათ ფონზე შემოცურებული ტყაშმაფა გარინდავს. ყველაფერი ისე წარიმართა, როგორც მას უნდოდა. მთვარიანში სტუმრობს ტყაშმაფა კემეს, როცა მუშტისისხო ჭინკა ფაფარს უწნავს ნახშირისფერ რაშებს და შამბნარს ჯეგავს უნმოძალებული თხოკონი. მგლების ყმული და ჭოტების შეცხადება მოჟონავს ის საუბრებიდან. ტყაშმაფას სახე ყოველთვის განსხვავებული გამოსდის კემეს. ხან აღისფერი თმა აქვს იმ გრძნეულს. მაჯაზე გველი ახვევია, რომელიც ორკაბა ენას ალაგლაგებს თურმე. უნდა დავრჩენილიყავი. ღმერთი კი არა, მკვლელი ვარ, მკვლელი. ფეხშიშველა მთაკითხავს გაყვითლებული ფოთლებისაგან შეკერილი კაბით და სიარულისას დამაბრმავებლად გამომუქდება ქვედაწელი. სხვა რაღა დამრჩენია, ამათ მაინც გუბატრონებ.

ზოგჯერ მგლის ფაფარს ჩაფრენილი დააცხრება, ლედვის ნაფცქვენივით გაფატრული მკერდითა და ბილბილმოყრილი ტუჩებით. ხან კიდევ აბრეშუმის შრიალით მიუცურდება. ვეება სავარცხელს უმარჯვებს თქროსფერ დალალებს და გვირილები ეხნევა მხრებზე“.

— კი, მაგრამ შენ ხომ კვატალა არა ხარო, — შეჰბედა მოგვიანებით კემემ.

ჰო, კვატალაც და ტყაშმაფაცო, უთხრა ჩემგან დარიგებულმა ქალმა. კემემ უაზროდ მოიქექა კეფა, საჭირო სიტყვებს ეძებდა, დაბნეულობა ამუნჯებდა. ბოლოს, ის ტყაშმაფა სხვანაირი რომ იყოო, ამოღერდა ჭიმაყონერმა გაჭირვებით.

მაინც როგორიაო, კვატალამ.

როგორი და უფრო მსხვილიც და ცეცხლისფერთმიანიცო, ამბობდა კემე. როცა პირველს ხატავდა, ლოყებს გამობუშტავდა. მეორეს ჯერი რომ მოაწევდა, სასაცილოდ იმჭლევებდა.

ეგ გადარდებსო, ნელინელ თამამდებოდა ხოთო ქობალიას და,

შენთან სიარულმა გამახდუნაო.

კი, მაგრამ ის რომ კოჭლი არ იყო, კემემ.

შენთან სიარულისას ვიღრე ფეხიო, კვატალამ. დაუმალა ბავშვობისას ძმამ ეტლით რომ გადაუარა.

ჟინი. ბუტუტი, როცა დალაქები მასხრობით გულს იჯერებენ, როცა კლიენტი შეთხელდება და საპარიკმახეროს დაკეტვის დროც მოახლოვდება, აქეთ-იქით ამოუდგებიან.

მამაშენს გაუსაზნავად უყვარდა გაპარსვაო, ეტყვის პახვალა.

მაგარზე მაგარი რომ იყო, იმიტომაო, კვერს უკრავს დომე. გადმოკარკლული თვალებიდან ცრემლებს აღვარდვალებს კემე, აქვე მალიმალ ტყაშმაფას შეახსენებენ.

ტყაშმაფას გაგონება თმას აუჯაგრაგსო, ამტკიცებენ ის ოხრები. პახვალა ჭანია და დომე ქობალია ხანდახან ნიძლავდებიან კიდევ, აბა, რომელი რომელს დაასწრებს კუთვნილი ნახევარი სახის გაპარსვას. ასეთ დროს კემეს განოკტავების ფული დამარცხებულმა უნდა გადაიხადოს. ღმობიერი კლიენტების ყბებსა და ნიკაპებს. ფსიქასთენიამ. მყისვე ჯოჯოხეთური ცეცხლი შემოენთება, მაგრამ კემე ვაჟკაცურად უმკლავდება წყვილ სამართებელს, ფანქარსაც რომ ვერ წათლიან რიგიანად და მთელ თვე სადალაქოს მოზირდაპირე მხარეს დაიარება მერე. ლაბორატორიაში ჩხირკედლაობს, ალბათ, ახლა. ეს წყალიდობა ნეტავ იქითკენ თუ იქონიებს ზეგავლენას?! ნოკო ანთარიას ჯიხურს ეკედლება, რომელიც თავის წილ ხან კრემწასმული ჯაგრისით უპრიალებს რეზინის ჩექმებს, ხანაც მთვარისხელა ჟანგიან ნალებს დააკრავს.

მოდო, კემე, მოგვიყევი ტყაშმაფას ამბავი, გაკითხავს თუ არა ძველებურადო, ხითხითებდნენ დალაქები.

არა, არ გამოჩენილაო, იცრუებს ოდაბადელების სამასხრო. ჯერაც არ გამოხელებია კვირის წინანდელი წამება. ჭკუას ხმარობს. რომ დათანხმდეს, შეიპატიჟებენ, გაპარსვაზე დაიყოლიებენ და ისევ განუახლდება ჯვარცმა. მერე გამოხდება ხანი. კამეს ადრინდელი ტკივილები უშუშდება, თანაც ნოკო ანთარიას ღურსმნებით ფეხდასისხლული სადალაქოში შეივლის, თუმცა გაპარსვაზე კატეგორიულ უარს აცხადებს. ტყაშმაფას იმიწეწებს.

ასეთი ვურჩევნივართ, ირწმუნება. ჩექმებს ნალებისაგან

უმსუბუქებენ მარწუხით.

ეს რა გიქნია, არაკაცო, მოხვალ ჩვენთანო, ემუქრებიან ხარაზს ყასიდად. მოკლედ, გულაჩუყებულს აცდუნებენ. საბნის ქაფს წაუსვამენ. ერთი ბლაგვი და მეორე აფხიანებული სამართებლით აქეთ-იქით ამოუდგება და წვერსაპარსი დანის პირზე აიკლაკნება კემეს ტკბილ-მწარე სიცოცხლე. თვითონ ქმნის წყლულსაც და მალამოსაც. ბამბაზიის პერანგი აცვია, მუდამ ამოჩაწული. ყამირ მისაწავით დამსკდარი ხელები აქვს მწემოკიდებულს და ჩაჯიკვინებულს.

წავედი ტყაშ მადასთანო, იტყვის და წაჩლახუნდება. მუნლებამდე წვდება ყელგადაკეცილი რეზინის ჩექმები. აგრენილი წარბებისაგან მოკლებ შეკრეჭილ, შევერცხილ თმას თითის დადება შუბლი აშორებს. სახელოები უფართხალებს სიარულისას. კი არ მიდის, მიბუყბუყებს ჩექმებში ფეხშიშველად ჩამძვრალი, ცხადია, ვიდრე ნიკო ანთარიას ნალები აწკარუნდებოდეს, და საიდანაც შეხედავ, წამბარებზე დგასო, იფიქრებ.

ხელად იგუმანეს, ალბათ, ჩემი გაპარვა. იქნებ ხელჩართულ ბრძოლაში შემოაკვდა კოჩია და მათა. გაეუმხილო ყველაფერი ჭიჭე კვეკვეს თუ ვიყო ცოტა ხანს ასე. სიმართლის თქმას ყოველთვის მოვასწრებ, ამ მდგომარეობას კი ვერასოდეს დავიბრუნებ. რა უმტკივნეულოდ გადავიტანე ძვირფასი ადამიანების ტრაგედია. თითქოს ფოთოლი ჩამოცურებულიყოს ხიდან. უეჭველად არის ჩემში ღვთაებრივი სიცივე.

საქმეში ფრიად დაუწარელია კემე. ხუთი კაცის ღონე ბუდობს მის ჩია სხეულში. თავის შენახვას საიდან მოისაზრებს გამორთული ტელევიზორის ეკრანზე მოციმციმე წერტილისხელა მისი ტვინი, ამიტომაც თანხირი ოდაბადელები ხშირ-ხშირად შეპთიშველიებენ თონხასა თუ შეშის დაბობაში. სოფელ-სოფელ წანაყრდება. ნასუფრალს არავინ იშუებს მისთვის.

ზოგჯერ სასმელსაც დააძალებენ, თუ მაინცდამაინც გაჯიუტდება, მაშკო უინი მაინც ადღევრძელეო, შეუჩნდებიან და ჭიქა არყით მამალი ინდაურივით გაფხორილი გზადმიმავალი ტყაშმაფებისკენ გაგარდება. დაფეთებულ ქალებს კაბის კალთებს უწევს, უბეში უძვრება. ისინიც დაუწოგავად ბრჭყალავენ და საერთო სიცილ-ხორხოცში იღევა კემეს გამ-

წარებული რინა. ათასში ერთხელ ძველმანებსაც უსახსოვრებენ.

რა ამბავია ამდენი ნოშნერთი, ლულულულებს პატივისცემით ცრემლმორეული. ნოშრენი მის ენაზე ასწავროს ნიშნავს. მოკლედ, ბევრი რომ არ გავაგრძელო, ბუტუტი, ოდაბადელებისათვის გასაგებია შავ დღეს გაჩენილის მოჩვენებელი მეტყველება. კემეს სამოსახლოს შუაგულში ჯარგვალი დაფუყულა, ერთადერთი ჯარგვალი მთელს ოდაბადეში, რომლის ისლის სახურავის მტკაველი კვამლი აბურია ზამთარ-ზაფხულ. ცეცხლი დიანაც უყვარს დაგვაჯულს, ამდენად, რაღა გასაკვირია თუ კემეს მამულში ფინის გროვები ჩისში მდგომი მატარებლის ვაგონებივით თვლემდნენ დღემოსწრება.

მატარებელი წევს როგორც ღაფა. პოეზიას ანაცვალა სიყვარული. ნუთუ ასეთივე მნიშვნელობას ანიჭებს ჩემს აღზევებას?! განა ერთხელ და ორჯერ ეცადე ადამიანებზე ზემოქმედება?! განა ერთხელ და ორჯერ გავუხსენი გული მათ საზრუნავ-სატკივარს?! შევეწყობოდით თითქოს, რაღაც საერთო ინტერესებიც გავვიჩნდებოდა, მერე, აბა, მომყვით-მეთქი, დავაპირებდი ხმის გაღებას და მაშინვე შეთქმულებივით შემომეცლებოდნენ. იქნებ მე თვითონ ვიყავი დამნაშავე, იქნებ თავს მაღლა ვწევდი უნებლიეთ, უპირატესობას ვაგრძობინებდი და იმიტომ. მაინც რითი ვჯობდი რომელიმეს, ყველაზე უკანასკნელსაც თუნდაც; მშვენიერებით, რომელიც წარმავალია?! ცოდნით, რომელიც უსუსური მოახლოებაა ჭეშმარიტებასთან, თუ გულწრფელობით, შეუთავსებადი რომ აღმოჩნდა ჩემი ფენომენისთვის. მერე რა, თუ შემეცნებიდან მგლური კანონების ამოფესვა ვცადე, განა ბოლომდე ვუერთგულე სიწმინდეს სულისას?! ან სათნოება განა მართლაც მორევივით დატბორდა ჩემში?! კიდევ კარგი, თუნდაც შემთხვევით, არვის წაცდენია, აი, კაციო! არა, ბუნებას მე არ ვჯობდი, ვაგრძელებდი მას, იმის ფესვებს და კენწეროებს. არა, მე ვგრძობდი ზერელობას და გულგრილობას ნათელ მცნებისაგან, ბნელთათვის რომ დაფარულია, შედწევა მსურდა მასში და კვლავ შევეჯიუტე ჩემს ნებისყოფას, წარმოსახვის წრიულ არეებს. რისგანაც ვმობილვარ, იმ ნაერთთა მოსინჯვა ვცადე: რა მასალაა ჩემში ასე შემკვრივებელი-მეთქი, მენდლევის პერიოდული სისტემის საბოლოო იერ-სახე უფაქიზეს პრაქორციულ მიმართებაში ჟანგბადთან და წყალბადთან, თუ სხვა მრავალი, უხრწნადი და უფორმო, მზის ისრებივით საარაკოდ

დაძრულნი ჩემკენ?! არა, ბუნებას მე არ ვჯობდი, ვაგრძელებდი მას, იმის ფესვებს და კენწეროებს. ვერ მოვიგონე სამყაროს ადეკვატური ფორმა, ვერც საზომი და საწყაო, სიმბოლური თუნდაც; ის მცირედებოდა, მცირედებოდა დაუსრულებლად, ქუსმაცდებოდა კვერცხის ფორმით იმ დაყოფაში, მეორე ბოლოც იზრდებოდა და იზრდებოდა, მეორე ბოლოც კვერცხის ფორმით ინასკვებოდა, ასე დაშლილი და მთლიანი, მზარდი, კლებადი, ტრიალებდა და ტრიალებდა გონების მიღმა. თანაბარია ახლა ჩემთვის დრო და მანძილი, თანაბარია ჩემთვის მე და მსოფლიოს სული. არა, ბუნებას მე არ ვჯობივარ, ვაგრძელებ მას, იმის ფესვებს და კენწეროებს“.

— აჰა, მეხუთე თვე იწყება, რაც ღობე შემოესალტა კემეს მამულს, რაც აქეთურების საქონელს მხარი აეჭცა და ჩემი დეიდების ტრიფოლიატას ეხახუნებთან. მეხუთე თვე იწყება, რაც კემეს პეშვისხელა ყურის ნიჟარებში ბალანი შეთხელდა. ბამბაზიის გახუნებული პერანგიც დათმო და ალთა-ბალთას გასლტომილი თვლებიც ბუდეებს დაუბრუნდა. მეხუთე თვე იწყება, რაც უღრანებს გაურბის. მსხლის ხეების ძირას დანათებულმა ცეცხლმა ჯარგვალში გადაინაცვლა, გადატრუსულ, ნაბდისგაშლა მიწას მოლი მოეკიდა, ხოლო უხვმიან ალაგას ბოსტანი გაჩნდა.

ჟინი. გამარტებიდანვე ანწლი, ჭინჭარი და ეკალი შეესევა იმ ჩინჩხვარს, უნასები და ვირთხები დაუმკვიდრდება. მოკვდება, მაგრამ მარაგს ნიჭებს არ მოაკლებს. იქიდან ელა და მინაკა იპარავენ ხოლმე, ან წვიმები და თოვლ-ჭყაპი ალბობს. ის ბედოვლათი კი უმატებს და უმატებს. გამოკრეფს უღრანის ფსკერს. მხოლოდ ზამთარი შეიმწყვდევს ჯარგალში. სხვა დროს იმ თრადორი მსხლის ძირას აჩალებს კოცონს. დანარჩენი ხეხილი რა ხანია პირუტყვმა მოინელა. მერე თვითონ მოჭრა ყველა და ცეცხლს შეუნთო. მსხლებსაც იგივე ბედია ეწეოდათ, ჭიჭე კვეკვე რომ არა.

დედაშენი ხახანტი მარხია იქო, ესუმრა ერთხელ და აკვანშიდაობლებულსაც მეტი რაღა უნდოდა?! იმ დღიდან მოყოლებული ცეცხლით დარაჯობს მაკრონხეს საფლავს. აგსულებიდან იცავს, საქონელს არ აკარებს. ვთქვათ და, თუ მაინცდამაინც რომელიმე პირუტყვი გაჯიუტდა, რქებსე მორიდებით წაეტანება.

ნუ მიწუნებ, დედაჩიასო, ესვეწება. ზურგს უფხანს. თივაც ყოველთვის შემოუნახავს ასეთი შეუსმენარისათვის. და-

უყრის და ნაღვლიანად ესაუბრება.

თუ ხეებს არ გაეკარები, არც შემდეგში გაზარალებ, ხომ უნდა გავუგოთ ბოლოს და ბოლოს ერთმანეთსო, მიჰყვება ფერებ-ფერებით. ხან ბაჩანია ბუკასმ უწოდებს, ზოგჯერ — ჩერჩელა ჩელასმ. ლადი ჭანიას სიმღერიდან ახსოვს ეს სიტყვები, თანაც ოთხფენს გარდასულ დღეებს მთაგონებს სიყვარულით.

განა მაშინ სხვა ხეების მიხაზუნებას გიშლიდი, მაგრამ დედის სამსახსოვრო მწარე ყოფილათ, დაუყვავებს. არაფერ ურჩევნია იმ ხეჭეჭურების წვნიანი ნაყოფის ჭამას. ყველდაფერი მისით აქვს სავსე. თანასოფლელებს, განსაკუთრებით, კუნტა ქობალიას ნამოსახლარზე ფეხბურთის სათამაშოდ მოსულ ბავშვებს უმასპინძლდება იმ მსხლებით, მაგრამ ჯერ გაარკვევს, წახემსებული არიან თუ არა. ვთქვათ და ახალგაზრდას წასაუზმება ვერ მოუსწრია, მსხალს კი მისცემს, თუმცა ჭკუის დარიგებასაც მოჰყვება.

უწინარეს ყოვლისა, საჭმლით მუცელი გაიმადრიანეთ, მსხალი მერე დააყოლეოთ, ეტყვის. უმწიფრის ჩამოგდებას კი არაფერ აპატიებს. ჩამოჯდება თხრილის კიდეზე და ონაგრების თვალთვალთ დნება. უძილობაა კემეს მთავარზე მთავარი მტერი. თეთრად ათევს დამეებს იმ მსხლების ძირას დანთებულ კოცნოთან. ძელსკამზე წამოწოლილს ნახევარი საათით თვალის მილულვაც ჰყოფნის. აღიონზე, გადასწევს თუ არა ბინდის ფარდას ცისკარი, ხუჭუჭა ტყეებისკენ წაყურყუტდება.

რა ეშველება ამ ჩაღაიასო, ებრალებათ ოდაბადელებს. საკუთარ თავთან დარჩენილს კი ვერაფრით გაუგია, თუ მის ვიწრო მხრებს რისთვის მიაღვენებენ დედაქართულში მოსულელოს ბადალ სიტყვას. რითი ვარ დაზღვეული, რომ ერთ მშვენიერ დღეს მეც ამათსავით არ გამწირავს?! ჯერ მანებვიკრებს, ნებაზე მიმიშვებს, მერე მოვა და თავს მომჭრის სახალხოდ. უზრდება დილას ფრთები. კემეს ჯარგვალის გარდა ყველგან შეადწევს იგი, უღრანების ფსკერშიც და გვადიის კუბრისმაგვარ დელეშიც. გაქუცული ქაშრით შეკონავს ფიჩხს. აბა, წაღდს ან ნაჯახს როგორ დაჰკრავს სულიერს?! მწყრალად გახედავს ხეებით დასახლებულ სოფელს კემე. ჟანგისფერი ნა-

ფოტებით ამოივსებს უბეს. კვირის სამყოფს ზიდავს კორძი-ანი ქედით. მსხლების სიახლოვეს დაყრის ფინსს და კვლავ უსიერს მიუბრუნდება. ოცნების სასახლედ გადაიქცევა. მერე გაუოცდება ნაკადულთან შეტოკებულ ოქროლილას. შაშვის წაკენესებასაც წაეშველება მის პეშვისხელა, ბალნით ამოტენილ ყურის ნიჟარებს. საინტერესოა, რომელი რომელს ესესება, ჭიჭე კვეკვე ჟინი ანთარს თუ პირიქით?! გაირინდება თვალებდახუჭული, მუხლებამდე ხელებდათრეული, და როდესაც გამოერკვევა, მზე ტყის თავზე ბრდღვიალებს. კვლავ შეკონავს ფინსს, წამოხუნტურდება და შებინდებაამდე რამდენიმე საათით ადრე გაათამამებს კოცონს. ზომაზე გრძელ ტოტებს წვეტიან მუხლებზე გადაიმსხვრევს. შესცინებს ნაკვერჩხლებზე აცეკვებულ ცეცხლის ენებს. დროდადრო სამხრეთსაც შეავლებს შიშნულ მზერას. მერე იქიდან წამოკისდება ალისფერთმიანი ტყაშმაფა. ვნების მორეჯში ჩაითრევს გონებაარეულს და როდესაც გამოერკვევა, მინავლულ კოცონთან ყრია ფოთლები და შემქნარი გვირილები. ზაფხულს შემოდგომა ცვლის, შემოდგომას — ზამთარი. მალე ყინვები მეფდება ოდაბადეში. იმ დღიდან მოყოლებული, კემეს კოცონი პატრონობს ყველას, ფსიქოპათი სირმა და ხოთო ქობალია იქნებიან ესენი თავიანთი მაწანწალა ძაღლებითურთ, თუ გარეულ იხვებზე მონადირენი. შემოუსხდებიან სოფლის ბიჭები ცეცხლს, დასველებულ წინდებს გაიშრობენ, წანაყრდებიან, არაყს მიაყოლებენ. თითო ჭიქას მასპინძლებსაც უწილადებენ და მის სტუმრებსაც. სასმელი უცნაურად ააბარბანჯებს კემეს. მერე იწყება ნამდვილი სეირი. დაბდური ტყაშფამფას ხან ვედრებით, ხანაც ძაღლური ყმუილით ტყიდან გამოსვლას ეხვეწება. სოფელ სიდაში პატიმრების მიერ კოლექტიურად გაუპატიურებული სირმა, ქაღალდებით სავსე ტომარას მსხვერპლად სწირავს ზებუნებრივ ძალებს, ოღონდაც მათი მფარველი კაცი შეიწყნაროს ალმა. ყმაწვილობისას ორი უმცროსი და-ამის გაქცეული ეტლით გამტან ხითოს სიგიჟე წამოუვლის, მისავათებულ ძაღლებს დაერევა, ყურებით იჭერს, ჰაერში აისვრის შიშით სულგამძვრალთ. არის ერთი ღრენა, წკავწკავი და გნიასი. მონადირეებს ფესებშუა უძვრებიან ყურებჩამოყრილი სეტერები და პოინტერები. მოგვიანებით კემეს მკლავს გამოსდებს რომელიმე, ცეც-

ხლთან მოაბრუნებს და ჩამოჯდება თუ არა კელსკამზე, მისი მეგობრებიც მაშინვე წყნარდებიან. გაფაციცებით უგდებენ ყურს, თავს აკანტურებენ, თვალეები უფართოვდებათ, წარბებს აზიდავენ, უნებლიეთ ბაძავენ მოსაუბრის მიმიკას.

ყოჩაღ, კემე, მაგრად დაუდექი, მაგრადო, აქეწებენ ახალ-გაზრდები, ზურგზე მუშტებს უბრაგუნებენ, ხარხარებენ.

ღმერთმა უწყის, იმ ხელიდან გაგარდნილი ცირას თავი და ბოლო, მოაჯადოებს ამისთანა კუროს, აბა არაო, იტყვიან მონადირეები და მაშინვე:

ეს რა ესმის, ჩემს ყურებს, ეს რა ესმისო, დაიბღავლებს დაგვალული. მსხლის ხეს შუბლს გაუქანებს, თითქოს დედაშენის ზნეობას მსგავსი რამ არ ეკადრებოდეს. როგორი ცინიზმის დამიყენა თვალწინ საწყალი?!

— დასხდებიან ხოლმე კვატალა და კემე სკამლოგინზე. გამობერილ მუცელზე დაკორძებულ ხელებს მიადებინებს ქალი.

შენი შვილია აქო, ეტყვის და კემე ანთარიაც ნეტარებით იღიმის. აღმაცერად გაიხედავს მაინც ცირა შკვითინიას ქვითკირის სახლის მიმართულებით, თითქოს იმ ტყაშმფას ელის, რომელიც მართლაც რომ გასაოცრად განსხვავდება ამ ტყაშმფასაგან. მერე ყრუდ აჯუჯღუნდება თავჩაღუნული.

რატომ არ აჩენ ამდენ ხანსო, საყვედურობს ცოლს. ქმრის სულ-წასულობა კვატალას გადააკისკისებს, თავზე წაუთაქებს, გადაითვისის თითებზე, აკლებს, ამატებს. დასასრულ, თვენახევარში გეყოლებოა, ან უგეშებს, თანაც კვენესა— ხვნეშით წამოიმართება. ყრუმუნჯების წამორვეილ საქონელს სამგლეობს ძახილით ქვებს დაუშენს, და საბრალო პირუტყვიც ჩაგრაგნილ ღობეებს, საცოდავად შებღავის აჰა, მეხუთე თვეა. მაინც რალაც აწუხებს კემეს. ცირასაც ასეთი ამღვრეულობის ჟამს შეუვლის ხოლმე. ხან შემას უჩხეს, ხან სიმინდს უფშენის, ზოგჯერ დუჟღა ანთარიას წისქვილშიც გაეგზავნება. თვითონაც ვერ გაურკვევია, თუ რისთვის აკითხავს შკვითინხეს, ან კვატალზე მოჭორილ სისაძაგლეებს რისთვის წაუყრუებს თავდახრილი. აბა, შენ ხელწამოსაკრავი ხომ არ გეგონა ჩემი ჯიმაყონერი?! — როგორც იქნა დაამთავრა ყბედობა ჭიჭე კვეკვემ.

ჯარგვალში შემოჭრილი წყლით დაშინებული და ისლის სახურავზე ამძვრალი ცოლ-ქმარი ანთარიები ანთებული ფარნების გამოჩენამ სასოწარკვეთით აღმუვლა. წყალშიგაჭირვებულებმა, როდღე-

საც დარწმუნდნენ, შუქი აშკარად მათი სამოსახლოსკენ მოციმციიმებდა, ყვირილს და ხელების ქნევას უმატეს.

ნაკადი აქეთკენ უფრო და უფრო ღრმავდებოდა, მძლავრდებოდა. უკვე შეგეძლო ტელეფონის მავთულებს ხელით თამამად შეხებოდი. ბუჩქები ლიაღვში ყურყუმელობდნენ უკლებივ. ჭოროფა ვარჯებამდე შემოპიპინებოდა ხეებს. ოქროსფერი ბილიკით გასცურავს ამჩატებულ-ატივტივებული და მერე მსხლებში გაკვეხებული ძელურის მიმართულებით. აძაგძაგებულ ანთარებს დაუყვავეს, დააიმედეს, მიეშველნენ ნავში გადმოსხდომისას. გულშეყრამდე მისული კემე და კვატალა უკვე სამშვიდობოს გრძნობდნენ თავს, ამიტომაც მარჯვნივ და მარცხნივ იკოცნებოდნენ სიხარულისაგან აზლუქუნებულები.

— მაღარიჩი შენზეა, ჯიმა! — ხიხინებდა ჭიჭე კვეკვე, — ხომ ხედავ, სულზე მოგისწარი, თორემ ვინ იცის, ამაღამ თავი იქნებ სტამბოლში ამოგეყო?! მთლად ცარიელ-ტარიელი მოგვიხველ?! მსხლები მაინც წამოგელო, ცხენო! — თქვა და მუჯლუგ უნი ჰკრა ნახევარძმას.

— ახლავე! — დაფაცუროდა კემე, რასაც ნავებში მსხდომთა სიცილ-ხარხარი მოჰყვა.

— იყოს, კემე, შეგენახება! ჯემად ან კომპოტად დაგიბრუნებენ თურქები! — ახითხითდა კახა ანთარია.

მოკლედ, ის-ის იყო, ხეებში გახირულ ჯარგვალს წრე შემოავლეს და სამანქანო გზაზე გავიდნენ, რომ, ჩემი ფიჩხიო, მიაკვნესა საწვავის განიავებულ მარაგს კაცმა.

ჩემი ბოსტანიო, მიაქვითინა ნაჯაფარ ბალახბულახს ქალმა.

— ერთსაც ეშველება და მეორესაც, — დააიმედა ცოლ-ქმარი ბაგი ანთარიამ, — ტყეში ფიჩხის მეტი რაა?! ბოსტანსაც ხელახლა გამართავთ, ოღონდ ახლა დამშვიდდით! — ჩააგონებდა ორივეს და რამდენადაც ძლიერდებოდა თქორი, რამდენადაც უახლოვდებოდნენ სოფლის ცენტრს, იმდენი სიმხნევე ემატებოდა გადარჩენილთა ხმებსაც.

ცოლ-ქმარმა ანთარებმა ღამის თვეა, (როგორც ამას სტიქიასთან ბრძოლის გეგმაც ითვალისწინებდა), ცირა შკვითინიას ჭერქვეშ ისურვეს, რის გამოც ეშმაკურად ახითხითდნენ ახალგაზრდები. ჟრი-ამულით უხმეს მასპინძელს, თუმცა რა ხმობა, რის ხმობა — წვიმის მოხშირებით აფორიაქებული ორმოცდაათამდე კაცი აივანზე და-

უხვდათ. ზედ კიბეებამდე მიაცილეს ღმერთის განგებით თუ ჭიჭე კვეკვეს ოინებით შეწყვილებულები.

— სხვებსაც მივხედავ! — განაცხადა ბაგი ანთარამ და კოლმე-ურნეობის კანტორისაკენ მიატრიალა მოტორიანი ნავი. მას მიჰყვა კახა. მურმანი და ბონდო ჩამორჩნენ, ვინაიდან დიასახლისმა ქვა ააგ-დო და თავი შეუშვირა.

— ერთ ნავს მაინც თუ არ დაგვიტოვებთ, უნახავი შვილის სულს ვფიცავ, ორივეს დაბლა ჩამოვყრი! — მოსჭრა და თვალსაჩინოები-სათვის რამდენჯერმე უბიძგა რკინის მოაჯირს ჩაფრენილ კემეს. ჭიჭე კვეკვე კი წაეტანა შესაყოფებლად ბონდოს, მაგრამ დედისკენ წაწეუ-ლი ყმაწვილის შეჩერება უკვე არავის შეეძლო.

ტალახიანი საწვიმრებისა და ჩექმებისაგან თავდაღწეული მაშ-ველი რაზმის წევრები, ვეება ბუხრით გათარანებულ ოთახში შექყა-პუნდნენ, სადაც დასაფშვნიელი სიმინდის ტაროებით სავსე ტომრები მოემარაგებინა ცირა შკვითინიას.

ატყდა ჯორკოებისა და კველების მხრიგინი, ტაბურეტებისა და ვენური სკამების ჭრატუნ-ჭრიალი, ჩოჩქოლი და დანჩალი, მიწვე-მოწვეა, მასხრობა და ანგლობა.

ქვითკირის სახლის ზედა სართულის ექვსივე ოთახი სახელდახე-ლოდ შეკრულ ფუთებსა და ჩემოდან-ჩანთებს გაევსო. ტახტებსა და ზამბარებიან საწოლებზე თევზებივით ეყარნენ ბავშვები. მთლად თო-თონი მკერდზე მიეკრათ დედებს. ყოველ სათავსოში თითო სანთელი მაინც ბჟუტავდა, ხოლო ის წაგრძელებული სასადილო ბუხრის თა-როზე ჩამწკრივებულ ოთხ ლამპას გვარიანად გაეჩირაღდნებინა. დი-ასახლისი თავახლილ კიღობანში იქექებოდა ერთხანს. სტუმრებს ახალ-თახალი პირსახოცები ჩამოუშრიგა. ზოგმა სველი ტანსაცმელი გაიხა-და, გაწურა. გაბულული ცეცხლის პირას გალალდნენ.

ჯარასავით ტრიალებდნენ ქალები. ტილოთი წმენდნენ მოთხე-რილ პარკეტს. აბოლებულ ჭველებს იდაყვებით მიმოსწევდნენ, მალი-მალ გამოუჩნდებოდათ ხოლმე ამორღვეული იღლიები.

კაცები დასაფშვნიელი სიმინდის გარშემო შემჭიდროვებულიყ-ნენ, აბოლებდნენ, მასალათობდნენ თავისთვის.

დაფნის ფოთოლს არჩევდნენ და ჩირითიფირთობქდნენ დე-დაბრები.

— შე, ელას და მინაკას ხელებით კისერმოსაწყვეტო, მართალია, რასაც ჭიჭე კვეკვე ამბობს?! გვირილების ნაცვლად სულ ნაირ-ნაირ

რქებს პოულობს ახლა ფიჩხებშიო? — ჩახლეჩილი ხმის ეუბნებოდა კემეს ცირა შკვითინია, — ტყე-ლრეში ხეტიალი, გეყოფა, ჭირიმე, თორემ გიცდუნებს ვინმეს მაგ შენს კვატალას და უყარე მერე კაკალი!

კემე ანთარიამ გაღუულუნებულ ბუხარს ცალკბად შესცინა, თავი ააქიცინა, კისერი მოიქეჭა, ტაბურეტს ჭრიჭინობელები შეუსია. მღელვარების დაფარვა სცადა, მაგრამ შკვითინხე რისი შკვითინხე იყო, დაბებლილის ნერვის შეტოკება გამოპარვოდა?!

კემემ მოწყალე თვალთ გადახედა ცოლს. გამოცდილება აჩუმებდა. საკმარისი იყო რამე წამოსცდენოდა, რომ იმ ნათქვამს დიასახლისი მაშინვე ჩაეჭიდებოდა. დაშლიდა, დაარღვევდა, მუშტისისხო თავიდან ფიქრს ამოაცლიდა.

„კვატალას პატიოსნების ამბავი ისედაც ნათელია. მაშ, ჭორებს რისთვის გამოვეკიდო?!“ დაასკვნა კემემ და ხელები სიმინდის ტაროების სავსე კალათაში ჩამალა.

ჯუჯის ფერისცვალებამ ცირა შკვითინია ერთობ გაამხიარულა. დალალები უკუიყარა, ოსტატურად დაიგრაგნა, კეფაზე დაიმაგრა ქარვის სარჭით. მერე ტანის რხევით მიუახლოვდა ხმაგაკმენდილს.

— აზნაურიშვილივით რომ მიფიცებულხარ ჩემს ბუხარს, რას მიყურებ გაცებით, შენ გეუბნები, შენ, გაოჩლი, გადბრძანდი იქით! — თქვა და როცა მუქარას ბლიკვიც მოაყოლა, სიმინდის მფშენელმაც იკმარა ღუმელთან ნებივრობა.

შავი მანდილით შუბლწაკრულმა მასპინძელმა სამზარეულოდან სამარკო კონიაკები შემოიტანა. მეორე გზობაზე ფილა შოკოლადები, მარმელადით, რაჰათლუჰუმით სავსე კოლოფები და შებოლილი ძეხვი წამოიმძღვარა. არ შეინანა სხვა რამერუმეც, თევზის კონსერვები იყო ეს, თუ ხილფაფა. მეზობლის ზოგ ქალს ჭყინტი ყველით თავმოდგმული ჯამი დაუდგა წინ, ზოგს — პურის ფქვილით სილაგადასმული გობი მიართვა და ზოგს კიდევ — ქვაბი და ქაფქირი მიაჩეჩა ხელში.

მაშველი რაზმის წევრები ღიმილით უმზერდნენ თავსაფრიანების ფუსფუსს, არა მხოლოდ იმიტომ, რომ მათი ფაციფუცი სტიქიასთან ჭიდილში გამოღვიძებულ შიმშილის გრძობას გაუქარწყლებდათ; ბუხარის მოშორებით გაშლილ სუფრაზე ამდენი სურსათის დახვავებამ კემე ანთარიას ისედაც აჯაგრული წარბები მთლად ნემსებს დაუმგვანა. პირზე მომდგარი ნერწყვი ნიკაპზე ჩამოსდიოდა და, ბუნებრივია, ცირას რონინს არაფრად დაგიდევდათ. ანაზღეულად კემე კალათზე გადმოწვა, ძეხვს წაეტანა, მოაგლიჯა მესამედი, ყბის ხუთი-

ოდე მოქნევით მუცელში გადაუძახა კანიანად და, თითქოს არაფერი მომხდარიყოს, სიმინდის ტაროებს ბღღვირი გააღინა მიყოლებით.

ზღვიდან მონაბერი ქარი ფანჯრის ღრიჭოებში უსტვენდა, მიწებს აყანყალებდა, ლამპებს აპარპალებდა.

ბუხართან მიმყუდროებულ ვაჟებს ცირა შკვითინია დროდადრო თავზე ხელისგულებს გადაუსვამდა ხოლმე.

— ნუ დამძრახავთ ღარიბი სუფრის გამო, — ებოდიშებოდა დიასახლისი ახალგაზრდებს, — მაგრამ ამხედა უბედურების შემდეგ შეხვალთ ჩემს მდგომარეობაში და ამ უმწეობას მპატიებთ, ალბათ, რამფერად.

— რას ამბობთ, როგორ გეკადრებათ?! — შეწუხდნენ სასმელის გამოჩენით თვალეგაბრწყინებული კაცები.

— ამ ოჯახს სტუმრის პატივისცემა არ ესწავლება! — მიელაქუცუნენ დასაქმებული ქალები.

— მთელი ოდაბაღეა დამნაშავე ჩემს დასთან, მთელი ოდაბადე, — თქვა კოლი ჭანიამ და კონიას დასწვდა, — ვერ ვივარგეთ, ვერა! ერთად რომ დავრაზმულიყავით, ერთსულოვნება გამოგაჩინა და კოჩიასთვის იმთავითვე წაგვერთმია ბონდო, ვერცხლისწყალივით ბიჭი დღეს ცოცხალი ეყოლებოდა.

— თვითონაც გაიტანჯა და ფარშავანგი ქალიჩ გაამჭარა! — აჩლოფინდა ჭკვეპერია ტუჩებში ჭაჭია ქობალია.

— სურათი მაინც მომცა მისი და მოკვდე, თუ რამე დავიჩივლო. რამდენჯერ ვცადე თავის მოწამვლა, მაგრამ ეს ოხერი სულიც რომ აღარ მეთმობა?! სამართლიანად ვისჯები მამაზეციერისაგან! სულ მეგონა, ჩემი დაუდგრომლობის სათავე მოჭარბებული ქალურობა იყო. წარმოგიდგენიათ, ვამაყობდი კიდევ ამ ნიჭით. გამომწვევად დავიარებოდი.

ხომ სჯობია შენიღბულს, ჩაის პლანტაციაში, ქმრის ცხვირწინ თუ სოფლის ზურგს უკან მოკობტავებულს-მეთქი, ვინ უგეშებდი თავს. ეჰ! ყური რომ ათხოვო ჭიჭე კვეკვეს, ქვეყნის გადაგვარების მთავარი მიზეზი ურწმუნობაა, თითქოს პირჯვარის გადაწერას ადამიანის გაკეთილშობილება მართლაც შეეძლოს. აბა, ვნახოთ, რას გვთავაზობს ბაგი ანთარია?

თვით სიყვარულიც რომ სიყვარულია, ისიც კი კლასობრივი მომენტიაო, აუჩემებია. ამოვიდა ყელში საკუთარი უმწეობის გასამართლებლად მოშველიებული ლოზუნგები. რა თავში ვიხლი ისეთი

კაცების გამოჭედულ კანონებს, რომლებიც ზეზეურად ჩამობერდნენ და ჯერაც არ იციან, ქალის ალერსი რაა. მითქვამს და ვიმეორებ, რომ ჩვენი გადაგვარების მიზეზი თუ სადმეა საძებნი, ისევ და ისევ საკუთარი თავის გაქურდვაში, მალულად მოპოვებულ სიამოვნებაში.

როგორც ვირტუოზი პიანისტი ინაცრება ხოლმე როიალის კლავიატურაზე, იმგვარად დააქროლებდა ცირა შკვითინია თითებს ყმაწვილების სველ-სველ თავებზე და ბოლო აკორდი წესისამებრ, ყოველთვის ბონდოს მხრებზეჩამოყრილ კულულებთან მთავრდებოდა. ამ ზვავის ქვეშ კი წრიალებდა ერთხანს ყმაწვილი, მაგრამ როცა დედის ვნებიან იერიშებს საშველი არ დაადგა, შუბლზე ისეთნაირად მიაცივდა მშობელს, იფიქრებდით, ეს-ეს არის თავის ქალას გადაუხსნისო. დაუმსახურებელი ზიზღი და ირონია დროულად შენიშნა დედაკაცმა, რამაც საკმაოდ ალაგმა მისი სითამამე — ალადგინა მათ სხეულებს შორის საჭირო დისტანცია, თუმცა შეცბუნებული ქალი საუბარს მაინც აგრძელებდა.

— ეს აბრეშუმისქოჩრიანი ბიჭი, თქვენთან საიდან, მურმან?!

— ჰო, მართლა, ძუბა ბებიამ შუბლით ვიტრინა ჩამოიღო ზუგდიდში თურმე, და გიორგი რომ არა, მოუწევდა ხელების წაკაპიწება ჭეჭე კვეკვეს, — თქვა, სახუს და თუთურიას ამბავი კი რატომღაც დამალა.

— ამხელა იქნებოდა ჩემი ბონდოც... მაინც რისი იმედი მქონდა?! ხომ უნდა მევარაულა, რომ დედის ქარაფშუტობით ოდესმე მოწამლავდნენ?! რატომ ქვეყანა არ შევძარი, ბოლომდე რისთვის არ ვიბრძოლე შვილისათვის, მე სამიწემ?!!

— კარგი, ახლა, დამშვიდდი! — ზურგზე ხელები გადაუსვეს მეზობლის ქალებმა ცირას.

— იტიროს, გულს მოიოხებს, — თქვა კოლი ჭანიამ, — მაგისთანა ლამაზი ბავშვის მნახველი არ ვარ. პირდაპირ ციდან ჩამოფრენილ ანგელოზს ჰგავდა. დედაც ხომ ფარშავანგი ჰყავდა, მაგრამ რაც კი სიკეთე და მადლია ქვეყნად, მის თავზე დაებერტყა გამჩენს. ახლაც თვალწინ მიდგას ჩიჩილაკივით დახუჭუჭებული მისი თმა. მერედა, ხასიათს არ იკითხავ?! გახსოვს, ჭიჭია, ლელვით სავსე ვედრო რომ დაგვიდგა ყინი ანთარის მომლოდინეებს?! არაყიც მოგვირბენინა. რალაც-რალაცებიც გამოაყოლა ხელს, მაგრამ როგორც კი ის წარწყმედილი და კოჩია გამოჩნდნენ, მაშინვე ოდაში გაუჩინარდა. მიწაზე ფეხით მოსიარულე ანგელოზი იყო სწორედ, ანგელოზი.

— საინტერესოა, დედის არსებობის შესახებ თუ იცოდა რამე და თუ იცოდა, რას აპირებდა მომავალში?! — ამბობდა წვერგაბურძენილი გედე ჭანია, — ჩვიდმეტი წლის ბიჭს, ასე თუ ისე, მხრებზე საკუთარი თავი უნდა ებას!

— დამონებული ჰყავდათ, — სიტყვა ჩამოართვა მურმან ანთარიამ, — ბაგიც სულ ამას ამტკიცებს. ვისაც წინააღმდეგობის უნარი არ გააჩნია, განა მართლაც რამეთი განსხვავდება ცხოველისაგან?! არაფრით. ადამიანის სიძლიერე სწორედ ეს წინააღმდეგობის უნარია, რაც, როგორც ჩანს, იმთავითვე ჩაუკლეს ბონდოს.

— მოზობლები თუ გყავთ, შვილო?! — ეკითხებოდა ცირა შკვითინია ყმაწვილს და თანაც დაუინებით ათვალეირებდა მის პროფილს.

— მოზობლები?! „რამდენიც გინდა! რამდენიც გენებოს!

ჭიჭე კვეკვე. არც მერმინდელი ამბავი მაგიწყდება. როდესაც ცირამ ქმარ-შვილის საკუთარ ჭერქვეშ დატირება განიზრახა, სული ყელში მომებჯინა.

ერთხელ და სამუდამოდ მითქვამს, მათი ხელის ხლება არ იქნება-მეთქი, მივახალე. თქვე დალოცვილებო, ცოცხლები არ ინდომეთ, სიყვარულით საგსე გული და სული დაუწურეთ, ზურგი შეაქციეთ, წაუჯიკავეთ ჩასახუტებლებს დედამაც, მამამაც, დამაც, მამამაც, ცოლმაც და შვილმაც, ნათესავ-მოკეთემაც და ახლაა, უმათებოდ რომ ვერ რჩებით-მეთქი. ამის გამგონე შკვითინსემ დაკაწრული დაწვები ხელახლა დაისისხლიანა, უნახავი ანგელოზის ფერფლს დაემხო და როცა იქიდან მისი აღლექვა ვცადეთ, ნაცარი მოფხოჭნა, თითებში მოიმწყვდია, თავზე გადაიყარა“.

არა, დედ-მამა ავტოკატასტროფაში დამედუბა. მე წყნეთის უპატრონო ბავშვთა სახლში გავიზარდე, მაგრამ სახელმწიფო ზრუნავს, უფასოდ მაცემეს. ამას წინათ სამედიცინო ინსტიტუტის სტუდენტიც გავხდი.

— ჰმ! უპატრონოთა ქვეყანა! — ჩაიხიხინა ჭიჭე კვეკვემ.

— სად სწავლობ, შვილო? ალბათ, თბილისში.

— კი, თბილისში. სტუდენტალაქში ვცხოვრობ. „სად ხარ, ბონდო, შვილო?! ეჰ! დასრულდა კი, დასრულდა ვითომ?!“ ძმის ქორწილში ჩამოვყვევი თანაკურსელს ზუგდილში. ამაღამ უკან ვუბრუნდებოდით, დედილო ძუბას ფათერაკი რომ არა. მეგობრები ერთ გაწამაწიაში იქნებიან, მაგრამ მიჩვეულები არიან, იციან, არ დაიკარგები. ცოტა ხანში მილანდარსაც მოვინახულებ. წაგებულს შესრუ-

ლება უნდა. ვუწამლებ რამეს თუთურიას დედას და კიდევ ავიბარგები ოდაბადედან.

— ჰო, მართლაც, მომილოცავთ, გაგვაბედნიერეს სახუმ და თუთურიაში! — ამოღერდა მურმან ანთარიაში.

— გადამრევს ეს ხალხი! არც ბიძა იციან ამათ და აღარც — ბიძაშვილი! კარგი, ვთქვათ ისინი სულელები არიან, მაგრამ თქვენ რას შვრებით, თქვენ ხომ მაინც უნდა დაატანოთ საქმეს ჭკუა?! მთლად გამიგიჟოთ გინდათ ისედაც გადარეული დურა?! — მასპინძელმა კუთხეში მიმწყდებული კემესკენ გაიშვირა მარჯვენა, — შეხედეთ ამ სამიწეს, ამას! გაღვანალალებულ ბუხართან ჯდომას არაფერი ურჩევნია, მაგრამ შიში და მორჩილება ისე გასჯდომია ძვალ-რბილში, რომ სულიად დამსახურებლად ესახურება ახლა ზურგით კედელს. გრძელხელება მაზლი მყავს და უფრო გრძელთმიანი მაზლიშვილი, რომლითაც ჭიჭე კვეკვეს სიტყვებს თუ მოვიშველებ, არდაშელი ზემოურ უფროსობას კიდევ უმასპინძლდება და საქმეებსმაც იკვარახჭინებს თურმე.

— ასეთი ცილისწამება გაგონილა?! — გაცეცხლდა ჭიჭე კვეკვე.

— ხმა, კრინტი! მაღლობა დმერთს, ჩემი ყურით მაქვს მოსმენილი.

არდაშელს რა უჭირს, სანამ ხანტური ეყოლება, ვერც აღმა-დაღმა მობოდილად ბაგი მოერევა და ვეღარც — ეჭვიანობის ტყვე დურაშო, ვინ მიმტკიცებდა თვენახევრის წინ აქ, მე თუ შენ?!

არდაშელი: „მე როგორ?! თითქოს მიწა იძრა და უფსკრულში ჩავქანდი“.

— მკრეხელობაა-მეთქი, მკრე-ხე-ლო-ბა!

— გაქცეულ სიტყვას ქამანდას ვერ გამოსდებ! სხვის ცუდს ჩემთან დაარბენინებდი აქამდისაც, ჩემსას — პირიქით, სადღაც წაიღებდი. ხეირი იყო შენთვის კარდაკარ პროწიალი. ასეთი დაიბადე და ასეთი მოკვდები! — ბონდოსკენ მიტრიალდა ცირა შკვითინია, — ყველაფერი იცის ჭიჭე კვეკვემ. იცის, ვისი მანქანა მოიპარეს გუშინ, ვის საქათმეს გაქურდავენ ამაღამ, ან მიქელ-გაბრიელი რომელ საღსალამათს შეამზადებს გასაპატიოსნებლად ზვალ-ზეგ. დამარხავ მიწაში ფულს და მაინც შიშისგან გიკანკალებს გული.

ჭიჭე კვეკვეს ავთვალისაგან დამიფარე უფალოო, ეხვეწები მამა-ზეციერს. დმერთის აღარ გეშინია, მაგრამ ჭიჭე კვეკვესი?! იქონიერ დაჭერება, ისეთნაირად დააკვესებს და დააკვარკვალებს თვალებს, რომ ჩვენ ვინ ვაგდივართ, თვით გაქსუებულ, დასაჭერ ხარ-კამეჩებსაც კი ეკეცებათ მუხლები ხოლმე.

ცირა შკვითინია შეყოვნებისას მორის მთლელ ჭიჭე კვეკვეს აღ-
მაცერად გახედავდა დროდადრო, თითქოს არკვევდა, შეძლებდა თუ
არა მის საბოლოო დაუტრეხას.

ოდაბადეში იშვიათად იპოვიდით ოჯახს, სადაც ტახტქვეშ ჭიჭე
კვეკვეს გამოჩორკნილი კუნძი არ კოტრიალდებოდა. მათგან გამო-
სალწევად ზოგ ნივთს თავვისკუდისოდენა აკლდა, სხვები სულსწრაფ
დიასახლისებს რა ხანია უმოკლესი გზით ბუხრისკენ გაექანებინათ,
ასე რომ, საჭრეთელმომარჯვებული დურგლის უსაფრთხოობაში
დარწმუნებულნი დიასახლისი საუბარს ჩვეული სითამამით აგრძე-
ლებდა.

— შებინდდება თუ არა, ჭიჭე კვეკვე ხან ერთ შეძლებულ ოდაბა-
დელს შემოგვივლის ხოლმე, ხანაც — მეორეს და მესამეს. არაყს მოგ-
ვთხოვს. როგორც კი შეზარხოშდება, ვითომ კეთილისმყოფელია, სა-
მალავი გამოცვალეო, გვირჩევს და ასე, ოსტატურად გვცინცლავს სი-
ჩუმის ქირას. სულ ზეპირად იცის, იმ ძველ კერიასა თუ ამ ახალ დვა-
რეცში ვის, რომელს გაუთევია ღამე. იცის, მამლის მერამდენე ყვი-
ლამდე დარჩენილან, რანაირი კოცნით დაუუჯილდოვებვართ, რი-
თი დამასაჩუქრეს. რამედ თუ ღირდა ვინმე, ერთიანად დამიფრთხო
იატაკზე მარგლის მოჯახუნებითა და ფანჯრის მინაზე სიმინდის მარ-
ცვლების მოჩხრიალებით. უარესს იზამდა, გატრეტილი რომ არ და-
მემარტოხელებინათვენახევრის წინ. აქეთ ვუტრიალე უბედურს, იქით
ვეხახუნე და ვეაღერე ფარშავანგი ქალი, მაგრამ მკვდრის გაცოცხ-
ლება მე რომ შემძლებოდა, ოდაბადეში გამაჩერებდნენ?! შუა გზაზე
შემომადნა საწყალი. არაფერს ვჩიოდი, ცრემლიც რომ არ ამოეშვა
წამხდარს.

სიგიჟემდე მიყვარხარო, ქვეყნიერებას მირჩევენხარო, ოღონდ
ახლანდელი ცირიბია კი არა, ის ცქრიალა, უმანკო, წკონდამ ცი-
რა შკვითინიაო.

იცით, ჩამაფიქრა ოხერმა.

შენი სინორჩე შენ თვითონ ვერ შეინარჩუნე, წაგერთვა, თითებს
შორის წყლივით გაგექცა, მხოლოდ მე, ერთადერთმა, ჭიჭე კვეკვემ
შევძელი მისი მოხელთებაო. ამ სულში ბუდობს იგი, მარადმშენიე-
რი, უსიკვდილო და აქამდე თუ ვარსებობ, მარტოოდენ შენი ყმაწ-
ვილქალობის უხრწნელი ხატის შეხებითო. მერე საიდუმლოს შენახვა
მთხოვა და როგორც ატყობთ, აღთქმას მეც პირნათლად ვუსრულებ.

— პირშენახული ყოფილხართ. „ჭიჭე კვეკვესი არ იყოს, ამის სიტ-
ყვის ნავალზე ქვაკი კი მოისპობა. რამდენ სიკეთეს დათესდა, თავიდან-
ვე სწორი კალაპოტით რომ წარმართულიყო?! არიან საჭურისნი,

რომელნი მუცელთაგან დედისა თვისისაით საჭურისნი იშვნეს? არიან საჭურისნი, რომელნი კაცთაგან გამოსაჭურისნეს? და არიან საჭურისნი, რომელთა გამოსაჭურისნეს თავნი თვისნი სასუფეველისათვის ცათაღს*“.

ტანწერწერტა ცირებმა ღვედივით დამყოლი ცომები გობიდან ფანერზე გადმოიღეს. ჩვილის მუშტის ტოლად დააგუნდავეს. დაფშვნილ ჭყინტ ყველს გულმოდგინედ ახვევდნენ ბოთლებით გაბრტყელებულ ცომში.

— ქმარ-შვილის გაძევებას მაბრალევენ ოდაბადელები, — განაგრძო ცირა შკვითინიამ, — ბუნების მოვლენები თავისუფლებისაკენ სწრაფვაა არსებითად. რომელი მიწადასაყრელი გოგო დაგიწუნებთ თქვენ, ამისთანა აშოლტილებს?! რაც თავი მახსოვს, სულ უანგარო სიყვარულს ვქადაგებ, მაგრამ შედეგი, შედეგი, სადღაა?! შინაბრებითა და ბერბიჭებით აგვევსო სოფელი! ცოცხალი მყოლოდა ბონდო, მე ვიცი და ჩემმა ქალობამ. წავავლებდი ხელს ვინმე გომბიოს და რძლად დავისვამდი. აბა, მაგას ვკითხავდი სწორედ! შვილიშვილები, აი სად არის ჩვენი ხსნა. თქვენ კი, თუ სადმე ფარშავანგი ქალი შემოგეყარათ, მაშინვე მოფარებულისაკენ მოუსვამთ ჭიჭე კვეკვესავით. შეიგნეთ, შავარდნებო, რომ თქვენი დაუძინებელი მტერი, მოფარებულში სირბილია დიახაც, მოფარებულში სირბილი. ადამიანი საკუთარ სიმახინჯეს იმთავითვე თუ არ დაუპირისპირდა, იმთავითვე წინ თუ არ აღუდგა, ერთხელაც იქნება და ზვაავით ქვეშ მოიყოლიებს. აი, მაგალითად, ჭიჭე კვეკვემ, იმდენჯერ აქილიკა საკუთარი ნაბიჭვრობა, იმდენჯერ ათახსირა საკუთარი მეობა, რომ მიგვიჩვია ყოლომა. განთავისუფლდა სიმახინჯის ტვირთისაგან და რადგანაც გაშიშვლება ერთხელ შეძლო, ახლა დიდ-პატარას დაურიდებლად გვბილწავს. დასამალი რა გაქვთ?! გინდათ?! კეთილი და პატიოსანი. დაღეთ, ჭამეთ, იკოტრიაღეთ, ოღონდ მოფარებულისკენ სირბილს ერთხელ და სამუდამოდ შეეშით. სიყვარული ნაქურდალი ცხენი როდია, რომ მიაფუჩეჩო. ქალებს ბედნიერებას ღირსეული მამაკაცები გვანიჭებენ მხოლოდ, თან ამას ცოტა ფარჩა და ფერ-შმარილიც თუ დაემატა, მთლად უკვდავებაში შეცურებულს ვემსგავსებით.

ცირა შკვითინიას თვალები გადაენისლა წამით, ბონდოს კი წელი მოსწყდა ამ „ვემსგავსებითზე“.

სტუმრები აქა-იქ ილუკმებოდნენ.

აბოლებდნენ და სიმინდს ფშვნიდნენ კაცები.

აჩუქუნებული დედაბრები დაფნის ფოთოლს არჩევდნენ ძველებურად.

ჭიჭე კვეკვე თავის აუღებლად საჩონგურე მორს უკირკიტებდა.

„ადრე ჭკონობადთა ჯიშის“ თითოეული წარმომადგენელი შვეკითინხეს საუბარს დაემორჩილებინა ბონდოს გამოკლებით. ის აღრინდელი სიყვარული, რომლითაც ყმაწვილი გამოგონილ დედას ეხაფაციცებოდა, თანდათან უნელდებოდა. თვალსა და ხელს შუა ელეოდა მოკრძალება, პატივისცემა, ყოველივე კეთილშობილური გრძნობა, რითაც პატარაობიდანვე უკავშირდებოდა სანუკვარ ადამიანს.

„ტყუილად მომიკლავს თავი შიმშილით. ბარემ უცნობობივით ვისარგებლებ და ბოლომდე ჩავუკვირდები მისი სიცოცხლის არსს“, ასკვნიდა ბონდო.

— საფლავში წამება და არმობრუნება ხისკაცი კოჩიას ღვთისნიერი სახელით მომნათლავს. სულ ღალატში უნდოდა გამოვეჭირე, მაგრამ უხეიროს არც არყის სმის ნიჭი მოსდგამდა. ყველაზე წინ გამოიბრუებოდა, დღვარკალიასავითმ დაეგდებოდა ტახტაზე და ასე, სხვათა საჯიჯგნად მიმატოვებდა. არა, არა, ტყუილია. ყმაწვილქალობაში წაბორძიკებულის შველა ძლიერი მამაკაცის მეტს არავის შეუძლია. ქალაჩუნას ამარა დარჩენილს კი, რა დღეც დამათენდა, ხოთო ქობალის ძაღლების გარდა ყველამ იცით. განა ღირსი იყო, პირში სული დგომოდა კაცს, რომელსაც ცოლი საკუთარი ძმისთვისაც ვერ მიუნდვია?!

დედის ხელების მოძრაობას ქვეშ-ქვეშ უთვალთვალებდა ბონდო და აქამდე საბრალო ადამიანი წამიწამ სძაგდებოდა.

— დალიეთ თითო კონიაკი — წააქეზა დიასახლისმა ბიჭები, — ამოჩემებაა, სიცოცხლის დღეებს რომ გვიმოკლებს ბარის სისწრაფით, თორემ ორი-სამი ჭიქა მარგებელია კიდევ... სულ მინდა ვირწმუნო კოჩიას სიყვარული, მაგრამ ამაოდ. ეგრე რომ ყოფილიყო, ცოტას ივაჟაკებდა, დამიცავდა. ვალებს ველარაფერი მოუხერხა და მტრების გულის გასახარად თავდადებული მეუღლე გამწირა. ისედაც სახელგამტყდარს ცილი დამწამა, საშინელი ცილი. ბონდოს სულს ვფიცავ, რას მერჩოდა, ახლაც ვერ გამიგია, განა ფარშევანგმა ქალმა თვითონ არ დავიბრაღე სიბერწე?! რა არ ვიღონე უხეირო კაცისთვის, რა?!

— უმანკო ჩასახვა.

ცირა: იმის გარეშე, უკაცოდ მინდა იგი გავაჩინოთ.

მაფა: მე კი არა, ციხეს და ვალებს გაექცათ ჭირიანი,

მწარობდა, ნანაგე, ბონდო, ცირა შკვითინია. ჩალის ფასად დაყიდა თქრო-ვერცხლი, ბეწვი და აბრეშუმი, ნონი და ფარდაგი. მოქუჩებულ ფულს ზედ ოდაბადელების შეგროვებულ იც დაურთო და მალაზიის საღაროს წონასწორობა, როგორც იქნა, აღადგინა. გალოკილი თითივით დარჩნენ. გვიტ ანთარიას საფახშო ვალები კი ძველებურად უფსკრულივით ამოქნარებდნენ.“

ჭოფიას ძე მიმწუხრზე შეუვლიდა ცირას. ხმას ჩაივიწროვებდა. არდაშელის შერქმეული მეტსახელით, ცირიბიათი, მოუხმობდა. შალმობურული მასპინძელი ჭიშკართან გამოვიდოდა. მევახშე საუბრისას დროდადრო მკლავზე წაეტანებოდა, თითქოს ანუგეშებდა, პროცენტებს უმცირებდა, თუმნიანს ჩუქნიდა დურუს.

ქალს თავზარი ეცემოდა, განა მხოლოდ იმიტომ, რომ ხელის შეხებას უბედავდნენ — ამ სცენას არდაშელის გაჩახჩახებული ფანჯრები დანათოდა; განსაკუთრებით მას მერე, რაც კემე ანთარიას გზისპირზე ჩამომწკრივებული ხშირტოტება წყავები აკაფვიანა, აქაოდა, სულ ერთია, მაინც ამვლელ-ჩამვლელი მიოხრებსო, მაგრამ ჰიმაია შევლას აგვიანებდა.

სოფელში გვიტ ანთარიას მომდურავს ძნელად იპოვიდით. მართალია, მევახშეობით გაიმართა წელში, მაგრამ ზოგჯერ გაჭირვებულს წაუყვედრებლად აპატიებდა პროცენტებს, სათავნოს დასჯერდებოდა, დანამუსებდა, მაჯაზე ღვედივით დაიხვევდა და უნებურად ითაყვანებდა. მისგან სახელგატეხილი მანდილოსანი ჯერ არ ავის ენახა, თუმცა ნებით თუ უნებლიეთ, ბევრი შეეცდინა. ადრე სხვა იყო, მაგრამ ახლა, არდაშელის დაბურნების შემდეგ, ჭიშკართან ბუსწარბება მევალის გამოჩენა ცირას აშკარად აშინებდა.

„არდაშელს აღრინდელი ურთიერთობის აღდგენა თუ სწადია და შვილის წართმევის დღეს მომხდარი კვლავინდებურად შემთხვევითი არაა, განსაცდელში ჩავარდნილს რისთვის გამირბის?!“ ფიქრობდა ჩიხში მომწყდებული. გამოსავლის ამაოდ ეძებდა.

გვიტ ანთარიას განაწყენება როგორ იქნებოდა, მით უფრო — მის მდგომარეობაში ჩავარდნილისგან?! არადა, ერთ შებინდებულზე მევახშემ ილიაში ხელის შეცურებაც გაუბედა. მერე შეწუხებისათვის მოუბოდიშა ჩვეულებისამებრ, ცირა კი მთელი ღამე ხან ვედროს ეჯახებოდა, ხანაც — ჯორკოს. გაცეცხლებულმა ქალმა მაშინ წამოაგდო ლოგინიდან დურუს. ძაღლების მოსაგერიელებლად მუგუზალს

დასწვდა და წისა ქობალიას თანდასწრებით ნამძინარევე კაცს მუხლებში ჩაუვარდა.

— ხუთი ვაჟიშვილის პატრონი ხარ, შენი ჭირიმე. ყველას ცალ-ცალკე დაასახლებ ალბათ. წაილე ჩემი ოდა და მისხენი ვალისაგან! — იცრემლებოდა იგი, — შემარცხვენენ გაუბედურებულს სინდისგარეცხილები, შემარცხვენენ, — ისეთნაირად ამბობდა, თითქოს აქამდე წმიენდანივით ეცხოვროს, — დღემდეც მხარში ედექი ჩემს ოჯახს, ნურც ახლა გაგვწირავ, თორემ ახლოასაა ენგური, — ქვითინებდა და ძველებურად ოდის წაღებას, ვალებისაგან გათავისუფლებას სთხოვდა. გამუდმებით სახელის გატეხვას ახსენებდა. შეწუხებულ ცოლქმარს მდინარის სიახლოვით აშინებდა. დაბოლოს, როგორც კი დაითანხმა მასპინძლები, მკლავები უღონოდ ჩამოუტკვივდა.

გვიტ ანთარისა გულუხვობა, მისი საწადელი, არდაშელისათვის ცასავით ნათელი იყო. ამიტომაც აცლიდა მევახშეს.

ოდა რამდენიმე მეზობლის თანდასწრებით შეაფასეს. თხმელაში წაბლის ხის საფასური გადაუხადა, თელაში — მუხისა, ერთი სიტყვით, იმდენი, ვალიც გაესტუმრებინა და საყველპუროც მორჩენოდა.

ამ ნაბიჯს ცირა შკვითინიას ყველა უშლიდა.

— კიდევ შეგიგროვებთ ფულს, — ჰპირდებოდნენ, — ამას რას გვიშვრები ოდაბადელებს, ცოცხლად გვამარხვინებ პატარას? — კიცხავდნენ, მაგრამ ჭკუის დამრიგებლებს თავაწეული გაეცლებოდა.

„ჩემი სიყვარული რამედ რომ უღირდეს არდაშელს, მომეშველებოდა“, ფიქრობდა დღენიადაგ, მაგრამ ჯიმაიას ზურგი შეექცია და უკიდურესობამდე გაღიზიანებულ დედაკაცს საკუთარი ხორცი ლამის საკუთარი კბილებითვე დაეგლიჯა.

ცირამ რახანია სახლი დაცალა. ბარგი- ბარხანა გაქვარტლულ სამზადში შეზიდა, შვილითურთ იქ შემყუდროვდა, თუმცა გვიტ ანთარია ოდის წაღებას რატომღაც აგვიანებდა.

— მომაშორებდეს მაინც ამ დასაწვავს! — დაიკვნესებდა ქალი თანასოფლელების გასაგონად და წამოთქრიალებულ მდულარე ცრემლს მანდილის ყურს უმარჯვებდა.

მოულოდნელ უბედურებას, ბონდოიას წართმევას გაემწარებინა იგი. ამასთან ერთად, შურისძიებაც ეწადა, თითქოს ნიშნას უგებდა არდაშელს.

„აჰა, დასტკბი! დიას! შენ, შენი გამაოხრე! ვერავითარი სიბრალუ-

ლი გამმართავს წელში აწი, დასტკბი და ილხინეო!“

თავჯდომარე კი შორსმჭვრეტელურად არკვევდა, ჟღერტულა ბედნიერებას მისტიროდა ცირა თუ მასთან ზიარებული წუთების სიცოტავს. მოვლენების განვითარებასაც ამისთვის უთვალთვალებდა გაფაციცებით. „ცურც ჰალიძონიას გაჩეჩეტებულის“ ამბავი არდაშელმა უკვე ზედმიწევნით იცოდა; იცოდა შკვითინხე ავეჯს, ფართელულს, საშვენისს და მისთანებს როგორ დახარბდა. ჩაის საკრეფი კალათი ჩეროში როგორ მიადო და დედოფლობა რარიგად შეიფერა.

— კოჩია ჰირიანის ერთგულება რომ ნდომებოდა, განა მის ლოთფოტობას წაუყრუებდა?! — ეკითხებოდა თავისთავს არდაშელი, — ან რატომ შეარქმევდა ზეზეურად დაბეხრეკებულს, სიამტკბილობას რატომ გამოიცილიდა ფეხქვეშ და მოლიპულზე ზავის სისრაფით რისთვის გაქანდებოდა?! — ჩაილაპარაკებდა დასაშლელ ოდას კაბინეტიდან მიჩერებულის, რომლის უფარდებო ფანჯრებში სიკვდილივით იდუმალ სიჩუმეს დაესადგურებინა.

გვიტ ანთარიამ ცირას „სულისმოთქმა ადროვა“, მერე გადაუდებელი საქმეები მოიმიზეზა, შემდეგ — ჰირვეული დეკემბერი, მარტი. ოდის დაშლას ყოველნაირად აყოვნებდა. ძარღვებაწეწილი შკვითინხე მუგუზხალს დასწვდებოდა, საყლოში ჩააფრინდებოდა ვაჟიშვილს და მასპინძლებს გაცხარებით უხმობდა.

— მაინც არ იშლი შენსას, ცირიბია?! — ხველებ-ხველებით ეტყოდა გვიტი, — ისეთი რა შეეცოდე, მამაგაქვეული ბავშვის ცოდვას რომ მკიდებ ზურგზე სიბერეში?! — თავსაც იმოხუცებდა ყსიდად, — დურუსა და ბონდოს გაფიცებ, წამომიყვდრებია ოდსმე ვალი? იქნებ მოგიტორეს რამე?! თავს მჭირ, ქალო, ოდაბადელებში, ნამუსს და კაცობას მირცხვენ?! რომ მჭირდებოდეს, კიდევ, ჰო, მაგრამ რა დროს ჩემი ბიჭების დასახლებზე ფიქრია, იხვებივით ჰყუმპალაობენ ენგურში და... არ მიჩუქნია ის ფული. როცა იქნება, ნაწილ-ნაწილ დამიბრუნებ. მალე დურუც წამოგისწრებს, მერე ბონდოც ამოგიდგება მხარში. ხომ ასეა, ჯიჯი*?! — ხუტუტ თმაზე მიუალერსებდა ბავშვს. მეუღლეს თვალთ შინ შეაუჩინარებდა. სანამ ცოლი გაზეთში შეხვეული მოსაკითხით გამოფრატუნდებოდა, ისეთი ვნებიანი მზერით დაიგემოვნებდა გვიტ ანთარია სტუმარს, რომ ფეხის ფრჩხილებამდე დაანაკვერჩხლებდა. ქარაგმული სურვილი ცირას უფრო დათუთქავდა. მკერდზე დურუს თავმიკრული დედა სლუკუნ-სლუკუნით ამხელდა:

— უნდა გამიგოთ, სანამ ის სახლი დგას, ცნობაზე ვერ მოვსულ-

ვარ. ხელ-ფეხი შემიკრა. ჩემი სიყმაწვილის წლები და ბონდოიას ჟღერტული მარხია შიგ. მიმძიმს, მაგრამ თავიდან უნდა მოვიშორო. მერედა, თქვენი სიკეთე იქნებ სოფელმა სხვანაირად შეაფასოს?! — საცოდავად იცრემლებოდა სახელის გატეხვას მოფრთხილებული დედაკაცი.

წისა ქობალიამ ირონიულად შეჰღიმა მეზობლის ჩივილს, მაგრამ მაინც გამოესარჩლა, ქმარს ფარ-ხმალი დააყრევინა.

შეთანხმდნენ, რომ შობათ დილით გვიტ ანთარია ხუროებს მოიყვანდა და ვალის გადაუხდებლობას რადგანაც ასე განიცდიდა ცირა, მევახშე კუთვნილ ოდას დაშლიდა.

იმ საღამოს მიტოვებულ დედა-შვილს თბილი ზღვაური შეუძღვა მთვარეს მიყრდნობილ ოდაში.

ცირა შეკითხინამ იატაკზე ლოგინი დააგდო და ძუ ავაზასავით მიუწევა მემკვიდრეს. დურუს მალე ჩაეძინა. ჭრიჭინების კაეშნიანი ქორალით ირწეოდა ოდა, გვედისყლიან ხომალდვით მიქანაობდა, სიყვარულის საგალობელს მღეროდა. თითქოს ყველა კუნჭულს სული გამოებოდა, თავვის გაფხაჭუნება იყო ეს თუ სარტყლს შეკედლებული მერცხლების შეჟღერტულება.

თაფლის სანთელივით ჩამოქნილი სვეტების ჩრდილი კატის თათებით მიიწეოდა დაცვარულ მოლზე.

ყავარს და სამტრედეს თუთის ხის ტოტი გაეხახუნებოდა. ამოიკვნესებდა სახურავი. ნივნივებს და ბატიყლას გადაეცდემოდა ნეტარებაგარეული ჭრიალი.

მალლა საიდუმლოდ ჩურჩულებდნენ დირეები, დგარი და თავზე. მტკივნეულ მომავალზე ბჭობდნენ. გაიტკაცუნებდა შეყვარებულთა თითებივით ჩახლართული ნაჭდობი.

ძიღგამტყდარი ქალის აწყლიანებული მზერა კი აივნის რიკულების ჭრილში მოქოთქოთე ჩიტებს და მთვარიანში დარწეულ საწუთროს აცოცხლებდა. შვებაგარეული ცრემლით ეთხოვებოდა ცირა მზისფერი დღეებითა და მთვარისფერი ღამეებით დატვირთულ ოდას, ეთხოვებოდა ბედნიერების აცერებულ წუთებს. ერთი მტკაველისხელა ღამეც და საუკუნოდ ჩამოშორდებოდა მარტოქალობის ხელ-ფეხის ამხსნელი ტვირთიც. სანამ ახალს ააგებდნენ, დედა-შვილს გამურული, მიმქრალი ცეცხლით მოვარაყებული სამზადიც მშვენივრად დაიტევდა. ის დაიფარავდათ გაჭირებისაგან. მის ბიჭუკელას, აგერ, სახეზე გადასდიოდა ახლაც დედის ნათელი, ესოდენ ბურუსიანი, ჭიუტად მოკუმული ტუჩებითა და ეკალშესეული ძილით.

გვიტ ანთარიამ ჯანდუ ქობალიას საბარგო მანქანა დილაუთენია მიაყენა ჰალიძონიების ჭიშკარს.

ბჟოლის ძირას მრგვალი მაიდა დადგა მასპინძელმა. ქათქათასუფრა გადაათარა, სკამები შემოულაგა. ყოველივეს საზეიმო ელფერს ანიჭებდა, დაფრინავდა თითქოს, მაგრამ იისფერ ფარდებს აკრული არდაშელისათვისაც და თავჩადუნული გვიტისთვისაც დიასახლისის მიმოსვლა ძვირად ფასობდა.

კიბეები ერთმანეთზე მიაჭედეს. აღმართეს ხარაჩოები.

ჯერ კიდევ მკერდზე დაეკრიფა ხელები ცირა შკვითინიას, მაგრამ როცა გაზი ეწვია ლურსმანს, როცა იქაურობა ახვაწაწდა, მუხლები მოიკვეთა; მკლავები იმნაირად ჩამოუცვივდა, თითქოს აბრეშუმის ჭიისათვის თუთის ხის ტოტი ჩამოსხიპესო.

მეზობლის თეთრპერანგიანი, უნიფხო გოგონა ღნავილით კალთაზე შეაბობლდებოდა სისხლგამშრალ დედაკაცს, თუმცა ცირას მობარებული ბავშვისათვის არ ეცალა.

წახრიალდებოდა სატვირთო მანქანა. ცრემლიან მზერას გააყოლებდა ქალი. არდაშელის კაბინეტის ფარდაჩამოშვებულ ფანჯრებს მიაცივდებოდა, თან აღმაცერად შეათვალიერებდა სკამის საზურგეს მისვენებულ გვიტ ანთარიას.

პირმოთხუპნულმა ღლაპმაც ბაზარში წასული დედა მაინც-დამაინც ამწუთას გაიხსენა. წვრილ ხმაზე გაბმულად უხმობდა მშობლებს. შკვითინხემ მეტს ველარ გაუძლო, წაუთაქა რბილში ერთი, მეორე, გაშტერებულ დურუიას მიაჩეჩა და მიცვალებულის წინ გახვევებულ ჭირის უფალივით მიაპყრო ოდას მზერა. თითქოს ოქროსფერი კედლების ელვარებას, ზმორებისნაირ ჭრიალს თუ აღმაცერი მზის შუქზე ისამნისფერი მტვრის ბრკიპაპლს სამუდამო გზაზე მიაცილებსო.

ეთხოვებოდა სიცოცხლის ნახევარს ცირა შკვითინია და ახალ, უფრო წახრილ, უფრო მოეკლიანებულ ნაპირს ართმევდა ხელს.

ცისკენ წაწეულ ოდას ჯადოქრული სისწრაფით აქრობდა გედე ჭანიას ნაცადი მარჯვენა. დიასახლისის ოცნება ნელინელ დაბლდებოდა. თანდათან ჩონჩხდებოდა ბუხრის მრუდე ალიბჭე.

ყავარზე წვიმის გაკრიახებამ და მერცხლების ფორიაქმა დამდულრა ცურუს გაზრდილი. წიაქებდნენ კულმაკრატელა ჩიტები. სახეზე ეხლებოდნენ ხუროებს. ღნაოდა კაბის კალთას ჩაბლაუჭებული ჭაკურია და ამ სურათის შემსწრე ოდას მყიდველმა უწინაფრო ქული

მოიშვლია, მიწაზე დაათხლიშა, თითქოს საჯაროდ წიხლი ამოართეს ან ხანჯალი დაუტრიალეს გულშიო.

— ჰალიძონიების მერცხლებს ვერ წავიყვან მე — ჩაიდუდღუნა გვიტ ანთარიამ და უნებურად არყიან გრაფინს წაეტანა.

ხურობმა სარტყელი ისეთი სიფრთხილით ჩამოუშვეს ძირს, ისეთი სიფრთხილით შეაყენეს ორკაპა სარებზე, თითქოს ბუდეების ნაცვლად უკვდავების წყლით სავესე თასებით ყოფილიყო დახუნძლული. გულმოდგინებით გადაყვარეს მერე. უხმოდ, მუყაითად საქმიანობდნენ, რათა მომძლავრებულ წვიმას სასოწარკვეთილი ფრინველების პეშვისტოლა ბედნიერება არ წაეღეკა და ცისქვეშეთი მორიგი უბედურებისაგან ეხსნა.

სამზადის ისლის სახურავზე ამავალი კვამლი თავსხმამ ფეხქვეშ გაიღო. ჯანდუ ქობალის სატვირთო მანქანა უკანასკნელად ახრიალდა. ყველამ დაცალა თითო სასმისი. არაყს ზოგმა ჭყინტი ყველი მიაყოლა, ზოგმა — თხილი.

ფიცრულის ნაჭდობს სახით მიკრულ, მოქვითინე დურუს, გვიტ ანთარიამ აჭრელებული მუშტები უპეებიდან გამოაცალა, თითები ძალად გაახსნევინა და თუთისფოთლისხელა თუმნიანი მოამუჭვინა.

— ნურაფრისა გეშინია! — ჩასჩურჩულა ყურში, თავზე აკოცა, ცირა შკვითინას კი დაუმშვიდობებლად გაეცალა.

კოკისპირული წვიმა დიასახლისს კვლავინდებურად უყაპუნებდა. მალე ეზო-კარს ნათურქალი სოფლის გრძნობა დაეუფლა. ლაფაროში მივიწყებული ვედრო თქემს სანახევროდ გაევსო და ყოველი ახალი ნაკადი სანთლისფერ ხაპს ახრიგინებდა. სამზადის აკაციის დავარჯღულ სვეტებს შორის დაჭიმულ თოკზე თეთრეული კონწიალებდა. ნაფოტები, შპალერის ნაფლეთები ეყარა ირგვლივ. გადახრილი ბუხრის გარშემო ცხენოსანი კაცის სიმაღლის თორმეტი მასიური სვეტი ქათქათებდა და დარჩნენ გაქურდულ ეზოში შკვითინხე, დურუ, მეზობლის ბავშვები, ბუოლა, სახლწართმეული საყრდენები, მერცხლები, რომელთა ჭერიც საგრძნობლად დადაბლებულიყო, მაგრამ მოთქარუნე წვიმის ჯიბრზე მაინც ჭიკჭიკებდნენ და ქალს მოულოდნელად უჩინარი ყვარჩნები შემოეშველა. არდაშელ ჰალიძონის ფარდააწეული ფანჯრების მიმართულებით თავი ამაყად აიღირა. სახეზე მერეხიანი ცა ეფეთქა ვალმოხდილს. ცრემლის შემმუსვრელმა გრძნობამ შვების ნერწყვი მოუბევრა.

„მერე რა, თუ ქარვის კალთებიანი ოდა დაარღვიეს?! — ფიქრობდა იგი — სამაგიეროდ თავისუფალი ვარ, თავისუფალი! ესეც რომ

არა, ჩემი ოდის სვეტებზე თავგამოდებული წვიმა ბროლის სასახლეს დგამს ახლა, სწორედ ისეთს, როგორსაც ზეასწევნ ეს მოვლილი ხელები მომავალში, — ინუგეშებდა თავს და თითქოს აღმოჩენამ გააოცაო, ცირა შეკითხიანამ პირველად დახედა მათ. ჩვილს რომ სჩვევია, ისე ნელ-ნელა მიიახლოვა სახესთან, რამდენჯერმე შეაბრუნ-შემოაბრუნა. სოხანეზე თუმნიანის გარშემო ბავშვების სიმრავლემ გაბადრა, ააჩქარა, ოციოდე ნაბიჯი ეუსასრულა...

მაფა. შეაფრინდა ღვიძლს თუ გარეშეებს, შილიფი მკლავები ზუსტად იმნიანად შემოჰხვია, როგორც ოქროსფურჩიანი სიმინდის ღეროებს ჩაიხუტებენ შესაკონაჟად ხოლმე და ჩქიმი თოლი გვირაღეფისმ ჩურჩულით გაკავამლულ სამზადისში შეაუჩინარა, ნანაგე.

— ჯვარს ვეცვი. წყალში ჩამიყარა ამაგი. შვილიც კი წამართვა გონწასულს. მერედა, როგორი შვილი?! მუცელში მოთაჩუნეს რომ ვუმღეროდი, კოჩიას გადამწვარი გენების ნაყოფად ვასაღებდი. მკერდი გამიპო და გული ამომაცალა. არც ეს მაკმარა. თოფის ბათქუნით დამიხვდა ანგელოზის ნახვას დანატრებულ დედას. არა, არა, კაცებს სიყვარული სად შეგიძლიათ. სიყვარულს პატრონი სჭირდება. არც მამაა ახლა ჩემთვის, არც — ქმარ-შვილი, დანარჩენს კი როგორც ამას ჩემი აწეწილი ცხოვრება ადასტურებს, წელგამართულის გათელვას არაფერი ურჩევნია. მშურს კოჩიასი. ხისკაცი უძახე შენ! შვილის სიყვარული მაინც ჩაჰყვა სამარეში, ყველასაგან დავიწყებულმა ვიკითხო თორემ. ბონდოს რას ვერჩი! ვიცი აკვნიდანვე მოწამლაგდნენ ავბორცი დედის სიძულვილით, მაგრამ დურუმაც რომ შემიჯავრა?! რა ხანია გარე-გარე დაიარება. კოჩია ჯანდაბას, მაგრამ ალალ ძმას ცრემლი როგორ არ დააწვეთა?! თავს მარიდებს ათი წლის უნახავ მშობელს. უდანაშაულო ბიძას კი შეურაცხყოფა არ აკმარა და სიკვდილთაც ემუქრება. ამისთანას მკვდარი მეშობა არ სჯობდა? ქე მაინც მეცოდინებოდა, მთლად უპატრონო რომ ვარ და სადარდებელიც არაფერი მექნებოდა. კი, ბოლომდე ამოვწურე კუთვნილი ნექტარი, თუმცა რა გამოვიდა ამით?! რა ხეირი ვნახე, რა სარგებელი?! არანაირი! ოდაწართმეულმა ქალმა ცხრა მკლავი გამოვისხი, ქვითკირის სასახლე წამოვჭიმე.

მოვლენ ჩემი ბიჭები, დაოჯახდებიან, შვილიშვილები წიწილე-ბივით შემომეხვევიან-მეთქი, ვოცნებობდი. ეჰ! სულ სხვა კანონი ჰქონია ცხოვრებას: ერთხელაც იქნება და იოლი გზით მოარულს, ფეხს

წაგვამტვრევინებს სადმე, — აქსუტუნებული ცირა შკითინის ცრემლი უმთავრესად ბონდოს ეძღვნებოდა, რათა ბედით გახარულ დედას უარვინო ყმაწვილის თანაგრძნობა მოემკო, მაგრამ ახალგაზრდა ირონიულ ღიმილს არ იცილებდა ტუჩებიდან, — სად კაცები და სად — სიყვარული?! იოტისოდენადაც არ სტირიან ერთმანეთს, ზღვა და მთაა.

— თავის დროზე მატრიარქატმა დედაკაცი გამოფიტა, — ველარ შეიკავა თავი ბონდომ, — ახლა პატრიარქატი აძაბუნებს მამაკაცს, ვინაიდან ვითომ ენერგიაშენახული ქმარი კანონით გაფორმებულ სამეძაოებში დოღს მართავს ცოლის ზურგს უკან და შინ გამოწურულად მობრუნებული ხან რქების დასადგმელად უბიძგებს მეუღლეს, ხან კიდევ — საფიზმისკენ.* თუმცა მალე თვითონ ხდება ცოლის ვნებათათვის გამოჰყვდილი ხუნდების მსხვერპლი: დროთა ვითარებაში თმახუჭუჭა ყმაწვილებს უძმობილდება გამოფიტული, რასაც საბერძნეთსა და რომში სოკოებივით მომრავლებული აბანოებიც ადასტურებენ. „ფილოსოფიურ ჰერეტაში გადავარდა ბიჭი!“ რამდენი საუკუნე გამოხა მას შემდეგ?! ადამიანის გონება რას არ ჩასწვდა?! აჰა, კოსმოსსაც მიაშურა, ფეხი დაადგა პოეტების საგალოებელ მთვარეს. ზნეობრივად კი მაინც იგივე დარჩა, შესაძლოა უარესიც. უფრო და უფრო იწირება ონწყვეთიაში „ნირგა ქობალიას“ ჩაძირულის მსგავსად, — მარმარილოს ქანდაკებასავით გაყინვოდა ბონდოს სახე. სიცოცხლის ნიშანწყალი მუხლებზე დადებულ, ძარღვებადქცეულ ხელის მტევნებსლა შერჩენოდათ, — გეწყინოთ თუნდაც, ქურდს და ავაზაკს რამეს მოუხერხებ კაცი; წაართმევ მითვისებულს, კანონის ძალით ანაზღაურებინებ გაფლანგულს, ფიზიკურად გადაგვარებულსაც დაადგება საშველი: უმკურნალებ, მოარჯულებ დღეს იქნება თუ ხვალ-ზეგ, მაგრამ სულთ მეძავის გამოსწორება?! აბსურდია, აბსურდი! „არცა მე განგიკითხავ შენ.“ პროსტიტუცია, ფარულია ეს თუ აშკარა, ორივე დამღუპველია. აქ მთავარი აქტის ფორმა კი არა, სიძვაა. სიყვარული ადგვამაღლებსო, გვიჩვენებს მიმართულებას ერთხელ და სამუდამოდ. გზა ნაპოვნია. ახლა წუმპიდან სინათლისაკენ გადანაცვლება არსებითი და თუ იმასაც გავითვალისწინებთ, რომ ნაწილი და მთელი განუყოფელია; რომ ერთში იკრიბება, ერთში იყრის თავს ათასი ღირსება-სიდიადე, ვეჰვობ, თქვენს სადარდებელს საფუძველი ჰქონდეს, ქალბატონო... ცირა, თითქოს თქვენისთანა ფარშევანგები რომ არა, მოფარებულში სირბილით, ესე იგი, ხელთცდუ-

ნებზეთ წავხდებით... ვინც ავხორცულ გრძნობათა მორევში ყელამდეა ჩაფლული და ამართლებს კიდევ ამ სისაძაგლეს, სექსუალური მანიაკია. იქიდან, ვნებათა იმ ბინძური ჭაობიდან, იღებენ სათავეს ათასგვარი გაუკუღმართებული სქესობრივი კავშირები, როგორიცაა: პერვერსია და პარაფილია, პედერასტია და ჰომოსექსუალიზმი, პედოფილია, გენოკოფილია და გაოფილია, სადიზმი და მაზოხიზმი, პიგმალიონიზმი და ნარცისიზმი, ზოოფილია და ნეკროფილია* და ვინ მოსთვლის, კიდევ რამდენი *libido sexualis!** ერთში ტრანსვეტიციზმი* იწვევს ერექციას, მეორეში — სკოპოფილიამ და ექსპიზიციონიზმი, *ზოგს აქტიური პარტნიორი თრგუნავს, ზოგს — კინდე,* ბევრი ტრიბადიით* აღწევს *defluvium**-ს ბევრში ორგანიზმის სანქტრონულობა დარღვეულია კოიტუსის* დროს და სქესობრივ სიცივეშია გადავარდნილი, მოკლედ, თავაშვებული განცდა ამიტომაც არის ძნელად სამართავი; ამისთვის გახლავთ აწეწილი და მოუწესრიგებელი რინა, ცხოვრება, წუთისოფელი, თორემ კუჭისმიერ პრობლემებს მოევლება ადრე თუ გვიან. დაბოლოს, თუ იდეალთან მიახლოვება განგვიზრახავს, თუკი საზოგადოების თითოეული წევრის ბედნიერება მიგვიჩნევია უმაღლეს ჯილდოდ და ფასეულობად, საჭიროა, როგორც ფიზიკურად და ფსიქიკურად, ისე ზნეობრივად არასრულფასოვან ინდივიდებს ჩამოერთვათ შვილის ყოლის უფლება. დაე, მათი მოწამლული წარსული და პათოლოგიური გენები ნუ იხეტიალებენ შხამიანი ეკლებივით შთამომავლობიდან შთამომავლობაში. უმჯობესია, მათი ცხოვრება სხვისი ჯანსაღი შვილების ზრუნვა-სიყვარულში დაიფერფლოს. „მაგრად გავუტიე!“ პირწავარდნილი ბეცია ის, ვინც ბედნიერებას სუბიექტურ მომენტად მიიჩნევს, სხვათა ხელის მომართვაა კაცობრიობის საფუძველთა საფუძველი, მიზანი, თორემ საკუთარი ყოფიერების მოწესრიგება ჰინანჰველებსაც დიდებულად ეხერხებათ. ამისთვის ერთი დღის შინაარსიანი სიცოცხლევც კმარა.

„ჟინი: შვილო, ბუტუტი წინამძღოლისთვის კი არა, თვით ძე შეცდომილისთვისაც არაფერია უფრო ფასეული, ვინემ იცხოვრო ადამიანებისთვის, იბრძოლო ადამიანებისთვის, მოკვდე ადამიანებისთვის. რაც მალე გადაადგამ ამ ნაბიჯს, უკეთესია, მაგრამ არასდროსაა გვიან, თუნდაც სიკვდილის წინა დღეს“.

— სასიქადულო მასწავლებლები გყოლია იმ თავშესაფარში, — კბილებში გამოსცრა ცირა შკვითინიამ, — როგორ ფიქრობ, დამცველი თუ არ გამოუჩნდება უმწეო ხანტურს, არ დანებდება ვითომ

მოძალადეს?! მერედა, რა ძალა, რა სიყვარული აღადგენს ერთხელ გასრესილ ყვავილს?! იქნებ ვინმემ სცადოს კიდევ მისი განახლება, ზედ გადაჰყვებს, თავიც შესწიროს, გამოუვა ვითომ რამე?! ან კოჩიას რომ დაემართა იმნაირ უმსგავსოებას ეშველება თუნდაც ბეწვისოდნად?! გათელილმა ფარშავანგმა იქნებ შვილებიც კი გააჩინოს რომელი-ღაცა ნერვის გაუქმების ხარჯზე, მაგრამ განახევრების ფასად შექცენილი ბედნიერება გამოდგება რამეში?! „როგორი თმა აქვს, ღმერთო!“ წუნკალი ცხოვრების ბრალია ყველაფერი, თორემ აკვანში მეც ანგელოზი ვწოლილვარ. ჭირიანი! რასაც იშოვიდა, ძმაცაცებს შეასვა. მოვინათლე. ძალი მიაკვდა სულში! ციხეს და ვალებს გაექცა!

— აქსიომაა, რომ ყოფიერება განსაზღვრავს ცნობიერებას.

„ცირა: წუნკალი ცხოვრების ბრალია ყველაფერი, თორემ აკვანში მეც ანგელოზი ვწოლილვარ. კოჩიას სიტყვები. აკვანში ვწოლილვარ მაშინ. მე თვითონ! სად მიგყავს ჩემი თვალისჩინიო! იკივლა, თუ შენგან მეყოლა გგონია, ძლიერ შემცდარხარ, შენ ვინ მოგცა გადამწვარს, მაგისი შნო და მარიფათით. რთმელი ამბობს სიმართლეს, კოჩია თუ ცირა. რატომ იცავს თავგამოდებით დედაჩემი არდაშელს?!“

— თუკი დურუმაც უარმყო და ცოდვები არ შემიმსუმბუქა, თუკი მაინც ზურგი შემაქცია, დამნაშავე ვიქნები განა, აქაურობას და საერთოდ მთელ სამყაროს, დაე, მტვრად ქცეულხარ-მეთქი, მივაწყველო?! არ, არა, გული მიგრძნობს, სადაც არის ჩამოვა. მეკრღმი ჩამიკრავს ათი წლის უნახავ დედას და გაუტანელი წუთისოფლისგან დამიცავს.

— არხეინად იყავი! — ახიხინდა ჭიჭე კვეკვე.

ჩამოწოლილ სიჩუმეში დიდხანს ისმოდა ბუხრის გუგუნნი, მორიდან გათავისუფლებული ჩონგურის ყელზე გახრჭილებული საჭრეთლის ხმა, სიმინდის მარცვლების ჩხრიალი, დაფნის ფოთლების წკაპაწკაუბი, ალაგ-ალაგ შექუჩებული ქალების ჩუმათობა, ზღვაურის ქშენა თუ ფანჯრის მინაზე წვიმის მოშხეფა.

აკვარჩხალებულ წყალს მუჭით მარილი დაუმატა ცირა შკვითინიამ. ჯირკები ოსტატურად შეყარა.

გრძნობდა ბონდო მშობელი დედის სულის დუდილს; ხედავდა დახოკილ, გაფითრებულ სახეს, ცხვირის სიფრიფანა ნესტოებს. სუსტი სინათლის მიუხედავად ყმაწვილმა მაინც დალანდა დიასახლისისი ქუთუთოებს მომწყდარი კურცხლი, რომელიც მიყოლებით ჩაი-

კარგა სიმინდის ნაქურჩალით, ბურბუმელათი და დაფნის ფოთლებით მოფენილ იატაკზე.

ქარის სტვენასა და გაჯავრებული ბუხრის გუგუნში ერთი მტკავველი მაინც დაიხია ღამემ და სამი იმდენით მოახლოვდა დღე. იმ შუალედში ბონდოს თვალწინ მრავალი ფარდა შეირხა, ზოგი მათგანი ზეაიწია კიდეც და მიმქრალ ნათებაში ხელისგულზე გადაეშალა ცირა შკვითინიას რეალური ბუნება. აქამდე გაურკვეველი გრძობა რომ არა, საუბარში აწყვებოდა დედას. გაუცოცხლებდა ნაკადულის ჩქერალებში ადევნებული მშობლისა და ტყუპისცალი ჯიმაგეს სახეებს. ზღაპრულ სამოსელში გაახვევდა კოჩია ჰალდონიას ათასგზის მონაყოლს. თვალნათლივ დაანახებდა გამოგონილი და ჭეშმარიტი გამჩენის არსში მოცემულ სხვადასხვაობას, მაგრამ როგორც ასკვნიდა, ამ ბედნიერებას, ყოველ შემთხვევისათვის ამაღამ მაინც, არაფრისდიდებით აღირსებდა ახურვებულ ქალს. შემოთავაზებულ სასმელს მიტანებული ამიტომაც საუბრობდა ქარაგმებით.

— სისა, ტურა მურსია, ბონდო ბოშის ლურსია, ბონდო ბოში მუშ ნანას, ქახუტოლუ გურსია!* ამ სიმღერის გაგონებაზე მბურძგლავს ხოლმე.

— ქახუტოლო კი არა, ოხუტოლუ* — შეუსწორა ჭიჭე კვეკვემ.

— მაგას რა მნიშვნელობა აქვს „ჭრელი კატის თავგანწირვა. სად მოვიჩქაროდი, სად?! ორმაგად მაინც არ გარდამეცვლებოდა. რა ხანჯალი დამიტრიალა მკერდში?! აი, ახლა, აი, ახლა გადავყლაპავ ცრემლს და სრული არარაობა გაიზმორება უნუგეშო თვლებში. აი, ახლა, აი, ახლა გავიწლები მხრებში, გადავძღვევ ცახცახს და როგორც მახვილი ქარქაშში, ისე ჩავიკარგები მის მზერაში. აი, ახლა, აი, ახლა საჯაროდ გავამხელ ვინაობას. მუხლებზე დავვარდები, შენი უბედური ბონდო მოვსულვარ-მეთქი, ავჭვითინდები ხელებგაწვდილი, მაგრამ მერე?! მერე ჩემი ყოფნა რაღა იქნება?! უმჯობესია, სიცოცხლე მოვისწრაფო, ანდა უკეთეს შემთხვევაში, ცხრა მთის იქით გადავიკარგო შერცხვენილი, თავლაფდასხმული.

რა თავშესაფარი, რისი თავშესაფარი, თურმე ჩემი ღვიძლი შვილი ყოფილა, ჩემი ბონდო ყოფილაო, დაფეთდება უეცარი სიხარულისაგან, შეიძლება ჭკუიდანაც შეირყოს. წინდაზედულება მმართველს. რაც მთავარია, მე ხომ ვიცი მისი არსებობის შესახებ?! ჯერჯერობით ესეც კმარა. მაშინ ჰრუქა ვინმე მას: აჰა დედა შენი და ძმანი შენნი დგანან გარეშე და უნებს რაიმე სიტყუად შენდა. ხოლო იესუ მიუგო მეტყუელსა მას და ჰპქუა: ვინ არს დედა

**ჩემი, ანუ ვინ არიან კმანნი ჩემნი? და მიჰყო ხელი მისი მო-
წაფეთა მიმართ თვსთა და თქუა: აჰა დედა ჩემი და კმანნი
ჩემნი!*** ასეთნაირი ფიქრებით ბოჭავდა ბონდო ცირა შკვითინიას
ჩასახუტებლად ამჩატებულ მკლავებს. ცრემლს გულისწყრომად გარ-
დაქმნიდა. კონიას ეწაფებოდა და რამდენიმე კვირის წინ საფიცარ
ადამიანს აუტანელი ტკივილის ფასად უკუაგდებდა. დიახ! ასი მორე-
ვი უღუღდა სულში. ასამარებდა განურჩევლად ყველას, მეძავი იყო
ეს, წურბელა თუ ქვეყნის დამამხობელი მოღალატე. აქვე დაწურული
სხეულიდან მოსხლეტილი ოქროსთმიან დედას კისერზე ხელებს შე-
მოჰხვევდა, თავს მკერდში ახუტებდა, დახოკილ ღაწვეებს უკოცნიდა,
მაგრამ სავალალოდ, ყველაფერი ბორგნეულ ოცნებაში ხორციელ-
დებოდა და თრთოდნენ ბონდოს ნერვები, როგორც ფესვები ერთი
კენწეროსათვის.

გაჩაღებული ბუხრის მრევლს ისეთნაირად ათვალეირებდა ჭი-
ქე კვეკვე, გეგონებოდათ, მათი საუბრისა არაფერი ესმისო. თვით მშვე-
ნიერ ყმაწვილსაც კი წამიერად დახარბდა მისი ვითომ გამოფიტუ-
ლი მზერა; მერე ჭირთათმენით მიჰყვა ბურუსების ასაბიათა ჰაეროვან
წიაღებს.

ცეცხლის ალით მოზეიმე საგნები პირვანდელ ფორმას აღიდგენ-
დნენ. მერქნის ოქროცურვილ ზედაპირზე სრიალებდა ხვეწი. განრის-
ხებული ქარიშხალი ლაგამივით ხრავდა ქვითკირის სასახლეს, მაგ-
რამ გრიგალის მძვინვარება ვერც საჭრეთელს აკლებდა რამეს და ვე-
ლარც — მის ბინადრებს.

სიმინდის ნაქურჩალი და აფუჩუჩებული ბურბუშეღა კოჭებამ-
დე წვდებოდა ჭიქე კვეკვეს. ჩონგურის ჯერ კიდევ შეფიქრიანებულ
ყვლს ნელ-ნელა აადევნებდა ხელისგულს. ლაგებში მომწყდებული,
გამოფულრული მუცელი თითქოს აწყვეტას ლამობდა. ფოთლები
თრთიან ამგვარად ნიავის მოახლოვებისას. ალაგ-ალაგ ამოჭმულ,
კვირის მოუპარსავ, ჭადარა წვერზე კურცხალი ჩამოედვინთა ჭი-
ქე კვეკვეს, თუმცა იმ წვეთს შუბლიდან დაგორებული და მერე ყრი-
მალებთან შეერთებული ოფლიც ამკვირვებდა. მარჯვენათი ბურ-
ბუშეღა ჩაბლუჯა, ჯირკვებში შეეტენა, ერთხელ, მეორედ, სული შე-
უბერა უწყვეტად და როცა დაღვრემილი კედელი ცეცხლის ენებმა
მოიარეს, სახეგაბადრულმა ჩონგური მალლა ასწია, აათვალეირ-
ჩათვალეირა. ჭიქე კვეკვეს მზერამ გადაუქროლა საკრავის დასახ-

ვეწ ტანს, გაიფანტა, გაიტოტა, გასივრციანდა მისი აღნაგი და შუქივით გასხლტა სიბნელეში.

იქ, იმ თავთხელებში, ჩვეული სიღინჯით მოიძია გარდასული დროის სურათები. რალაც მოტკბო, მსუყე გრძნობა დაეუფლა.

„რა ეთქმის ჩემს ცხოვრებას, დაცემა თუ თანდათან მოთენთვა?! უცქირე ქარით აქაოსებულ ფერებს, რომელსაც უცაბედი ხილვა წაებლაუჭება ხოლმე და ჩანჩალ-ჩანჩალით გალიე საწუთრო. ხანდახან ამომშრალი ჭის გოდებით შემოიხედე ხრიოკ სულში. იქ დაგინვდება მხოლოდ ხავსი, მხოლოდ ჩალისფერი და უამური; იქ იბოგინებს მხოლოდ წყურვილი და უსასურობა. ცირიბიას მოყენებული ჭრილობა ვერასოდეს შეკრავს პირს. უძილო ღამეები ითქრიალვბენ იქიდან. რა ითქმის ამაზე, მიწის მადლი, ცისიერი სიკეთე თუ სულაც გამოღვიძება?!“

ჭიჭე ვეკვე. ასეა, წინამძღოლისათვის კი არა, თვით ძე შეცდომილისათვისაც არაფერია უფრო ფასეული, ვინემ იცხოვრო ადამიანებისთვის, იბრძოლო ადამიანებისთვის, მოკვდე ადამიანებისთვის. რაც უფრო მალე გადადგამ ამ ნაბიჯს, მით უკეთესია, მაგრამ დაგვიანებული არასდროსაა, თუნდაც სიკვდილის წინა დღეს.

ვინ ასწავლა მამაჩემის სიტყვები ღვთისნიერს?! განა ლამპარი ჩაქრობის წინ არ ნათდება მომეტებით, ან სიკვდილით შეპყრობილი ხეები ნაყოფით შემთხვევით იხუნძლებიან განა?! ჭინჭველას ხომ დღუპვის წინ გამოუვა ფრთები და გედიც თეთრონ ყელს ასეთ დროს წაიგდებს ხოლმე სასიმღეროდ?!“

აქამდე რალაცნაირად ფარულის, უცნობის თუ მიუწვდომელის აღმოჩენამ ჭიჭე კვეკვე ერთიანად შეძრა. მხრები ისეთნაირად შეაქანა, იფიქრებდით, შემოფრენილი ყორანი აიქშიაო. მისი აზრის დინება ჩონჩხზე შემოღეულ ხორცის ჩივილს თრგუნავდა. იმედოვნებდა, რომ ბოლოს და ბოლოს სიბერის ქარებს აჯობებდა, მკერდში დაგუბებულ ხმას მთელს ქვეწიერებას მიუწვდენდა. ასე ოცნებობდა და ჩხირისთავების შესაყრელად კაეშნით მოღერებულ ყელს ჩონგურისას აკოცა და აკოცა.

ჭიჭე კვეკვეს ახლა უფრო მოსწყურდა სიცოცხლე. ყველიან კვერს სწვდა, ჩაკბიჩა, თვალი ჩაუპაჭუნა ცხელი ლუკმით პირდაფუფქულ ბიტებს. შესცინა ნახევარძმა კემეს და ბელურასავით მობუზულ კვატალას, დასაქმებულ თუ მომასაალათე მეზობლებს.

ქვამს ქაფქირს უმარჯვებდა ცირა შკვითინია. მოკვარჩხალე წყლიდან თევზივით მოლაპლაპე ყველიან კვერს ამოაბზრიალებდა, გობზე გადმოიტანდა, სევდიანად შეათვალიერებდა თითოეულს, ისინიც გაიბადრებოდნენ და ეს ბაგეპობა ნიკაპს აუთრთოლებდა ისედაც გაფითრებულ ქალს.

გვიტ ანთარისთან ულუკმაპუროდ დაღეულ ლიტრამდე იზაბელას ჭიქა კონიაკიც რომ დაემატა, ბონდო ჰალიძონიას სახსარი ამოერვა. აბოყინებდა ახლახან დენდი. სატანურად იცინოდა.

„მე აპრორი* ვარო, გაჰყვიროდა დამსწრეთათვის გაუგებრობას და უჩინარ მტერს წახელეებით უსწორდებოდა. ვერც წამოაჯინეს, ვერც წამოაყენეს. მერე ძმაკაცები ილიებში შეუძვრნენ სუფთა ჰაერზე, აივანზე გაიყვანეს „ყუნწმომტვრეულ გოგრას დამსგავსებულ“ და „ქვეყნის დამლაგებელი ძუბას დოხტური“. ძლივძლივობით შეათრიეს საძინებელ ოთახში. ცირას ლოგინში ჩააწვინეს, თავი აუმაღლეს, ღილი შეუხსნეს ყვლთან; ჯერ ქამარი მოუხალავათეს, მაგრამ მერე შარვალი და წინდებიც გააძვრეს შკვითინის მითითებით.

ბონდს სიტყვებმა გული განსაკუთრებით ჭიქე კვეკვეს ატკინა, თუმცა რას იზამდა?! ბუხართან მიმყუდროებული მორს ჩორკნიდა და სატრფოსთან გაიგიავებულ, „ტყვექმნილ ჩონგურს“ მონობისაგან ათავისუფლებდა. საკრავის მინაზებულ ნაკვთებს ისე ესაუბრებოდა, თითქოს უგრძობელი კუნძი კი არა, ზესულიერი არსება ყოფილიყო.

„როგორ, რანაირად გაეწირო ეს ხმა?! რა ძალით, რა ნებისყოფა უკუუვაგლო ჩემი სულისა და ხორცის მამოძრავებელი უმთავრესი ენერგია?!“

ბონდო: ვის, რომელს დაკარგვია თქვენი მეგრული. არსად გაგექცენთ, მაგრად მოუჭირეთ ხელი! მოკვდა შუშერული, მოკვდა ხეთური, კიდევ რამდენი სემიტური და ინდოევროპული. ასიმილაცია განიცადეს წვრილ-წვრილმა ენებმა, გამსხვილდნენ, განვითარდნენ. ბაგის კომუნიზმიც ხომ ენათა შერწყმას, ენათა სინთეზს გულისხმობს საიმჟამისოდ?! ინგლისურად მეტყველებს დღეს ნახევარი მსოფლიო, ესენი კი ძველებურად საყველბურთ მეგრულს ებღაუჭებიან. ბაჭამ ქორთუ!* გარეგნულად თუ არა, შინაგანად მაინც ხომ ყრუ რტო — სამეგრელოს განასახიერებდი წლების მანძილზე?! იქამდე გაიჟღინთე, იქამდე გაჯერდი მისით, რომ ყოფითი საგნები და მოვლენები რა სახსენებელია, თვით ობლობაში გაზრდილი ფარშეავანგიც კი გა-

დაგავიწყდა დედულეთის ერთადერთ ჭირისუფალს; ხოლო როცა გონს მოეგე, ცხოვრებას იგი ეტლის ბორბალში მოყოლილი ბაწარივით დაეთრია. ჩანასახშივე მკვდარი ხმა ვის გინდა ახლა მიუწვდინო?! თუ დაილიდინებდი, იმასაც საკუთარი სიამოვნებისათვის, ან კიდევ მაშინ, როცა დაგროვილ ბოლმას ვედარაფრით იქარვებდი. ვინაა დედამიწის ზურგზე შენი მჭობნი, რომელი, მაგრამ რად გინდა: შენს კილოზე ვეღარ დაგიმღერია! შენს არსებაში ორი ძალა იბრძვის ახლაც — პოეტის მე და საქართველო. პირველი სამშობლოს დაქუცმაცებით, დანაწევრებით თვალშეუდგამ სივრცეებს გაიზრდება; მეორე პირიქით ხელოვნის მეობას განუყოფელ ერთობას სწირავს ზვარკად. ზეზეურად კვდება შენი ზეგარდმო ნიჭი, ძვალ-რბილში იხარშება, სულის გასაოცარ გამობრწყინებას საქვეყნო საქმეებს სწირავ, კრებითს ემსხვერპლები, როგორც შემოქმედი, როგორც გენია. არც დიდება გიძებნია, შენ და აღარც — პატივი და თაყვანისცემა. ხალხს უკეთ რომ შეეტკბო, საკუთარ ლექსებს ლადი ჭანიას გამოთქმულად ასაღებდი. თუ ყველა მცირე ერს ბევრისგან ჩაყლაპვა უწერია მართლაც ბედად, რაღა მაინცდამაინც შენ, ჭიჭე კვეკვემ, უნდა დააჩქარო ეს აღსასრული?“ დაობდა თავისთვის და ჩონგურის მოღერებულ ყელზე საჭრეთელს აფხაჭუნებდა. ხელები უშეშდებოდა დროდადრო, თვალებიც უშტერდებოდა, მაგრამ გამოერკვეოდა თუ არა, მაშინვე მუშაობას აგრძელებდა. საჩონგურე მორიდან სანახევროდ გამოთლილ საკრავს ტანწყობილებას უთვალთვლებდა. განსახორციელებელი ინსტრუმენტი თანდათან უახლოვდებოდა იდეაში არსებულს. „მარტოობის ამ ერგას წელიწადში საკუთარი ხმისა და ქლერადობის ათეულობით ჩონგური გამომითლია. სხვებივით ნაჭერ-ნაჭერ როდი ვაკოწიწებ. მე სკულპტორი ვარ და არა მეწვრილმანე. კეთლგონიერმა ტყემ მასწავლა ეს. იქ ხომ ყოველი ჩირგვი მისეულ საგალოებელს მღერის, ყოველი ხე საკუთარი ბედით ცხოვრობს, იღბალსაც განსაკუთრებულს უმზადებს საწუთრო: ზოგს შეშად შეუკეთებენ ღუმელს, სხვებიმეხით დაილეწება, მრავლისგან საკუბოვე ფიცარს გამორანდავენ და ბევრისგან — აკვნან“, ასკვნიდა ჩონგურის მჩორენელი კაცი და თვალები სიამით ელულებოდა. ასე ემართებოდა, როცა ჩხირისთავებს აწრიბინებდა, ცერს აცეკვებდა, დაუდგრომელი სულის ტრაგედიას ჰანგებს მიანდობდა, რომელთა ფეთქვაში ინთქმებოდნენ დედულეთის ჯუჯა გორაკები. ტანმორჩილი წყავებისა და ნაგალა ვაშლის ხეებს ზევით მდორედ მოცურავდნენ ის სურათები, სადაც მძლავრობდა და ჩრდილებს ამოკლებდა ნარბენალი ცხენივით გახვითქული მზე. აჭკნობდა

აკაციის სარებიდან ყურდაცქვეტილ ჭინჭრებს, ლობეზე გადმოწვენილ ჭიაფერას აკიდობს, უკვდავირიანი ანწლის თეთრ ჯამებს თუ ნიავეთ დარწეულ მახალეებს. შაშვების გაჭახჭახებასა და ჩხიკვების აჩხაბაჩხაში სუსხიანი დღეების მხარდამხარ ჭიჭე კვეკვე, მიაბიჯებდა და ჭინჭყლი ტაროსის ჯინაზე კისკიასებდა, სათნოვდებოდა სივრცეში სამუდამოდ დაბინადრებული მელოდია.

ჭიჭე კვეკვეს ლირიკის მასაზღოვებელი მუზა ცირა შკვითინია გახლდათ, რომელიც ყველგან კულში დასდევს პოეტის მე-ს, მაგრამ სიანკარის წლებშივე ბეატრიჩესავით ცად ამალღებული მიჯნურის სულის შეხება ირეალურს ასიმბოლოებდა მასში და წინდებულ ხატს „სიასამურის ბეწვის მელანქოლიითო თრთვილადა. როცა მარადიული სევდა თანგავდა ჭიჭე კვეკვეს, ერთადერთ ნუგეშისმცემელ მესაიდუმლეს, ცირა შკვითინიას, შეაფარებდა ხოლმე თავს. მალე „კაცის თვალთ უხილავი ჩერობები“ ცოცხლდებოდნენ, იღვიძებდნენ „კაცის ყურთათვის მიუწვდომელი ხმები“ და სამყარო ბედნიერ შეყვარებულთა ჩურჩულს ემსგავსებოდა.

ცირა შკვითინიამ რაც კი ზეძრები და შალითები ჰქონდა, ერთიანად ამოქექა ღვეღე შემოჭერილი ჩემოდნებიდან. ვინ სად მოათავსა, ვინ —სად. წყალში გაჭირვებული სტუმრები სამ-სამად, ოთხ-ოთხად იწვნენ ტახტებზე, ზამბარებიან ლოგინებსა თუ პირდაპირ იატაკზე. ნემს ვერ ჩააგდებდით ზალა — სასტუმროში, მისაღებში, დერეფანში. თვითონ დიასახლისის საძინებელში მოსვენება განეზრახა, რათა სასმელისაგან შექანჭყარებული ბიჭისათვის მოეგლო, საჭიროების შემთხვევაში თავი აემალღებინა, ტაშტი მიეგებებინა და სველი პირსახოცით მოესულეიერებინა გულშეწუხებული.

— გეყოფა, მოისვენე აწი! — უთხრა ჭიჭე კვეკვეს მასპინძელმა, თან მხარებზე აღერსიანად დააყრდნო ხელები, — უძილობა მავნეა ჩვენს ასაკში. „ეჭვიანობს ყიამყალი. მრუშობა. სიძვა. ბონდო ბოში მუშ ნანას ქახუტოლუ გურსია. ცარიელი აკვნის დარწევა ვაშინერს, მით უმეტეს იგი წართმეული შვილის თუა. უფრო და უფრო იწირება ონწყვშიაში ჩაძირულის მსგავსად. უმანკო ჩასახვა“.

— ცოტაც მადროვე! — მოსჭრა თავაუღებლად საჩონგურე მორს ჩაკირკიტებულმა. „თავიდან მიცილებს, რათა მერე მეტი მოხერხებით მიუჩოჩდეს ოქროსბუმბულიან მამლაყინწას. მოგიწევს, ქალაბტონო ამალამ მარხვა!“

ცირა გშეკვითინიამ რამდენიმე ნოწკერიამ ღრმად შეაცურა მაგიდის ქვეშ ფეხით.

ბონდო ჰალიძონია ბორგავდა, შფოთავდა; გაცხარებით ედავებოდა, ეკამათებოდა ვიდაცას. მერე წყნარდებოდა და აქა-იქ ღიმილიც კი გადაუქროლებდა ბაგეზე. თავზე ჩხრილა წყაროები გადასდიოდა მწყურვალს და ჩალასავით გამომშრალ ტუჩებს აცმაცუნებდა. ამით საბაბმიცემული ქალი სასთუმალთან მიუჯდა პირისღებინებით მისავათებულს. თავი აუმაღლა, მარწყვის კომპოტი მოაყლუპვინა. შემდეგ ჩამოუარა ოთახებს და შუქის წყარო უკლებლივ ჩააქრო. ჩონგურისმთელის ბუხრის თაროზე მბჟუტავი ლამპა კი უბოდიშოდ გაიძლონია მკერდზე ალბომიკრულმა.

ჭიჭე კვეკვეს ამ დანაკლისისათვის დიდი ყურადღება არ მიუქცევია. სალეს ქვაზე ძველებური გულმოდგინებით აციბრუტებდა საჭრეთელს. ერთიცა და მეორეც როცა ალერსით დადებოდნენ, აფხინებულ დანას საკრავისაკენ დაძრავდა ნეტარებით მთვრალი. სატრფოს მოლანდებს გადევნებულ ანთარია დაგორებული ლოდის სიმსუბუქით ედავებოდა ბედისწერას. აქა-იქ წაულიღინებდა კიდევ.

„ამიერიდან სულ ამ აღმაფრენით ვივლი. რაც უფრო მალე გადადგამ ამ ნაბიჯს, მის უკეთესია, მაგრამ დაგვიანებული არასდროსაა, თუნდაც სიკვდილის წინა დღესო. ღლაპმა საიღნა მოასწრო ამდენი ნეტავი?! მამაზეციერი ზოგს თავზე დააბერტყავს ყველა სიკეთეს, ზოგისთვის ფრჩხილისოდენასაც არ გამოიმეტებს. ბევრი იწრიალა ტახტაზე, თუმცა კოვზი ნაცარში ჩაუვარდა“.

მიმქრალ ბუხარს შეშის ახალი ნაჭერი შეუკუთა ჭიჭე კვეკვემ, ბურბუშელა, ნაფოტები და ხელის გაწვდენაზე მოჩხრეკილი სიმინდის ნაქურჩალიც მიაშველა. სიბნელე უკუიქცა. ქარიც ნელინელ დაცხრა. მხოლოდ წვიმა არ აპირებდა წუთისოფელთან დაზავებას.

უკანასკნელი მუგუზალი იფერფლებოდა. ბურბუშელას მიაყრიდა. ალი წამოვარდებოდა, ისევ მიინავლებოდა ბუხარი. სამაგიეროდ წელში გამოყვანილი ჩონგურის სინათლეც წამიწამ მატულობდა, ვინაიდან ფანჯრებს მოყრდნობილი ცისკარიც თავისთავს ადასტურებდა.

ასეთ გაწამაწიაში ჩავარდნილი ჭიჭე კვეკვე ტკბილმა მოთენთილობამ გააზმორა, დაიძაბა, დაიჭიმა მთელი სხეულით, მერე მოეშვა ერთბაშად, დაიშუტა, კატას რომ სჩვევია, იმგვარად. ფანჯარას მიხედა, საიდანაც ყოველი ოდაბადელისათვის საამური იმედების აღმძვრელი ალიონი მოსრიალებდა.

ჭიჭე კვეკვე წამოდგა. საძინებლის ღია კარში თავი შერგო. ფშვი-ნავდა ტახტაზე გაუხდელად მიწოლილი ცირა. ბონდომ საბანი შემოუქცვა. ქალს შალი მიახურა. შუშაგაჭვარტლული ლამპა ჩააქრო და ბუხრის თავზე შემოდგა, სადაც ახალშობილივით ჭიპმოჭრილი, მაგრამ ჯერ კიდევ ცხოვრების გზაზე გასაყვანი, საწუთროს კვამლს და ჭირისოფლში გამოსატარებელი ჩონგური კი ანათებდა. ნათელმა განწყობილებამ წარსულის მარილმოყრილ ჭრილობებს აჯობა. ზღურბლს გადააბიჯე ჭიჭე კვეკვემ, ტყვიისფერი ტყორტყოშითმ გაზიზინებულ ეზო-კარს მიაყურადა აივნიდან.

„აგვაფორიაქა, მაგრამ მშვენიერია ოხერი! ბუნება მბრძანებელია, იგივე მონაა თავისა. როგორ ერკვევა ლიტერატურულ პროცესებში? რამდენი რამე იცის?!“

ბუხრების საკვამური ალაგ-ალაგ ხრჩოლავდა. წვრილად წვიმდა. ხშირტოტება წყვიდან მამალმა იყივლა. წყალს დაეფარა საქათმე, საღორე, ღობეები, ჭის გვიმი. ჭოროფაში ყანჩასავით ყურყმელაობდა იწონარი. ქვითკირის სახლის კედელს მიხედა, მაგრამ აქვანთებულ ნაკადს დაკლებისა არაფერი ეტყობოდა. შალითაგადაფარებული მოტორიანი ნაგები მინაჩამსხვრეული ფანჯრის ზედა ჩარჩოს ეხახუნებოდნენ. გადახრილი ბებერი ვაშლის ხის მიმართულეობით სივრცეს მიაცივდა ჭიჭე კვეკვე, საიდანაც ქარის სისწრაფით თხელდებოდა დაფიონი. აღმოსავლეთისაკენ მიცურავდნენ დაჭირჩვებული ღრუბლები. სუროს ფოთლებში გაჭახჭახებული შაშვის ბინდისფერ სხეულს თვალი გააყოლა. მღელვარე, სიცოცხლემოწყურებული მკერდი ძალუშად მოისრისა.

— ოჰოჰოი! — გასძახა სულგანაბულ სოფელს.

— ქორეთო, შური ქოიდგუნანო?!* გამოეპასუხა გვიტ ანთარია.

ტანმადალ თელას შეხიზნული ძერა შეფრთხილდა, მშვიდი იერით წრე მოხაზა ერთხელ, მეორედ, მესამედ და იმავე წვეროსკენ დაბრუნდა უვნებელი.

ჰალიძონიების სრასახლი ზღვით გარემოცულ ციხე-კოშკს მიამსგავსა შორიდან ბონდომ. სამანქანო გზა ტანშხვართი ეკვალბტების ხევიანით უკავშირდებოდა იგი. წვიმის წვეთების რიალი ქარგავდა შუჟის ორივე მხარეს მიჯრით ჩამწკრივებულ სოკოსმაგვარ ლამპიონებს, რომელთა თეთრი ქუდები ლოტოსის ყვავილებივით ტივტივებდნენ წყალში. მოდიდებული ნიაღვარი მოქშუოდა და ფარშა-

ვანგა — ჭიშკრის წამახვილებული წვეტები ნაკადს ბრჭყალავდა, ალიანდაგებდა.

ბონდომ დაფნის ნარგავების გასწვრივ მისდია მოტორიანი ნავით შესასვლელიდან გარაჟამდე აღმართულ ტალავერს.

„ჭეჭე კვეკვე: არდაშელ ჰალიძონიასთან მისვლას ნუ ეხუმრები, ჯიჯი. შენ ეს ცირიბიას ხვეწვერია ლოგინში ნებივრობა ნუ გგონია. მზეთუნახავი ქალიშვილი კი ჰყავს ნორიევიჩს, მაგრამ მის სამოსახლოსთან პოტენციური მკვლელი დაძრწის, იცოდე. ვინც დამპალთან მიბედავს, უნახავი ძმის სულს ვფიცავ, არ დავინდობთ, დაიქადნა ამას წინათ პატიმრობიდან გამოქცეულმა დურუმ; ასე რომ, ტყუილად როდი გკითხე, გულადი ხარ თუ ლაჩარი-მეთქი.

ძუბა ჭანია: ათი კაციც რომ გახლდეს, მე მესტუმრე, ნახავე, მე. კურდღელივით თრთიან დურუს შიშით. კი, მაგრამ ნადირთა მეფე ლომი რითიმე აღემატება წრუწუნას?! ადამიანების თანასწორუფლებიანობას ქადაგებს ჟინი ანთარი თავისი გენური ინჟინერიით და სინამდვილეში ძალმომრეობის ჩარჩოებს ვეღარაფრით სცილდება. ვთქვათ, მოხდა გათანაბრება ეკონომიკურ და იურიდიულ დონეზე. ინტელექტს რას უშვრება, ერუდიციას?! სხვებზე უკეთესად ნუ მოგაქვს თავი. სიცრუითა და თრპირობით მოწელილი! მიგიხვდი ვითომ ქარმაგს დედა?! რას მეუბნებოდნენ მისი შეპრწუნებული თვალეები, რისთვის შემიცურა თმაში თითები, როცა კომპოტს მასმეგდა, ან რატომ მეცვა ყველაფერი უკუღმა?!“

მოტორიანმა ნავმა თუნთუხით ჩაუარა დატბორილ ოდა-სახლს, გარაჟს. გისოსებიან ციხე-კოშკს უტრიალა ერთხანს, მაგრამ როცა იქიდან ჩქამიც არ გაისმა, კიჩოზე მოკალათებულმა ჭიჭე კვეკვემ ხმა გაიღო:

— ხანტურ, ხან-ტურ! არ უნდა ამოგყოლოდი ცირიბიასთან. გვიტის თხოვნის შეუსრულებლობა იქნებოდა?! აფსუს, რამდენი კობრი გაიქცეოდა აუზიდან! ან რა დღეში იქნება ტაოტიანი „ოცდლოთხი?!“

მეორე სართულის გისოსებიან ფანჯარაზე ფარდა შეირხა, გაიწია. თითქოს აქამდე მოფარებულნი იკვლევდნენ მენავეთა ხასიათს, კენჭის თუ მარგალიტის სიმაღლეს ანიჭებდნენ; თითქოს დაახუსტესო მათი ავ-კარგი, ამიტომაც უხმობდნენ ახლა ბანჯგვლიანი ხელის ქნევით სათანადოდ ამოცნობილს. თუმცა ჰალიძონიების სასახლეში

შელწვევართობ გაჭირდებოდა ამჯერად, ვინაიდან მას გარე სამყაროს-თან არც კიბე აკავშირებდა და აღარც — აივანი, ხოლო ის ერთადერთი რკინის კარები ღვართქაფს ამოეხერგა.

არადაშელი დუმდა, თითქოს ეგრძნო სტუმრების საწადელი, თითქოს ეყნოსა, რომ ყოველივეს დურუს გასაღიზიანებლად მოიმოქმედებდნენ.

ძმისწულის განთავისუფლების დღეს სიკვდილივით შეჰკანკალებდა არადაშელ ჰალიძონია, ამიტომაც სამკვდრო-სასიცოცხლოდ გადამტერებულისათვის სასჯელის გასახანგრძლივებლად არაფერს ზოგავდა — ფულს სავარძლიანი ხალხის მხარდაჭერას თუ კანონიერი ქურდების ძალმოსილებას. საათივით ჰქონდა აწყობილი საქმე, მაგრამ ეგერ: „ფრთხილად იყავი, დურუ კოლონიიდან გაიქცაო“, შეეხმიანნენ რაიონული მილიციიდან თვენახევრის წინ და არადაშელმაც მოსვენება დაკარგა.

— გვიტ ანთარიას დავალებით მოვდივარ. თუთურია და სახუმ...

— შუაქაცებს დამიხედეთ! ხალხი გაწყდა ოდაბადეში? წუხელ ბაგიმ დაგვდო პატივი, ახლა თქვენ შეენაცვლეთ! რა ხდება სოფელში?! ალბათ თავზესაყრელად მოგიგროვდა საქმე!

— სამწუხაროდ, ნოჩევით, სამწუხაროდ! ადამიანის მსხვერპლი არ არის. ენგური ღორებს და ძროხებს მოატივტივებს მხოლოდ.

— სად არის ბაგის ძმადნაფიცი სამხედროები?! როდის გიპირებენ ევაკუციას, როცა ერთიანად ამოწყდებიან?!

— ჯერჯერობით ხალხი მტკიცედ დგას. შენი თავმჯდომარეობის დროს უფრო გარბოდნენ სოფლიდან, ვინემ ახლა. მილანდარი გიხარებთ, ალბათ, გულს?!

— აბა! სულ იმ ჭკუათხელს ეძახის წივილით. რას არ ვეცადეთ, ცალკე ძიკვა და პუტა, ცალკე — დედ-მამა, ცალკე — ხანტური და მე, მაგრამ ყოველგვარი მეცადინეობა წყლის ნაყვა გამოდგა. ბოლოს იძულებული შევიქნენით გაგვეთოკა და ახლაც ხელფეხშეკარული ზმუკუნებს ლოგინში.

— როგორ, ავადმყოფი გათოკეთ? ასეთი უსულგულობა გაგონილა?!

— სტუდენტია, მაგრამ ზოგიერთი პროფესორი მიმიქარავს. ამან გადაარჩინა აშკარა სიკვდილს ძუბა ჭანია. მერე, წუხელ გაიგო თუ არა თუთურიას გასაჭირი, ხელის ერთი შევლებით განკურნავ დედამისსო, დაიტრაბახა და ვნახოთ, რა ბიჭიცაა.

— არიქა, ეგ ყოფილა ჩვენი მხსნელი! თუმცა რად გინდა, გამახსენდა, შემოსასვლელი ჩაკეტილია.

— უსაშველო არაფერია, ნოჩოვევიჩი. იმსიგრძე თოკი მოგვაქვს, მთელს ოდაბადეს ეყოფა თავის ჩამოსახრჩობად.

— ოღონდაც მილანდარი დაწყნარდეს და ჩემს ჯანმრთელობას ვჩივი?! საკმარისია ოდნავ ამიწიოს წნევამ და მეორე ინტარქტი გა-რანტირებული მაქვს.

— გეკადრებათ, ნოჩოვევიჩი! ეგერ, ხანტურიც გამოჩნდა. სანამდის სასაფლაოდან მოვბრუნდებოდე, გიორგის თქვენს განკარგულება-ში ვტოვებ!

ქალიშვილმა ხელი შეაგება ქამანდივით წამოზუზუნებულ თოკს და რკინის მოაჯირს საიმედოდ შეანასკვა.

უმზერდა ბონდო ციტრუსების შეფუთილ მწკრივებს, ტელევიზორის ბოჯოჯლო ანტენებს, სამტრედებს; ატყვევებდა ლამპიონებისა და „გემბანზე გადმომდგარი“ ხანტურის თვალების კრიალი.

„მიდი და ნუ ერწმუნები სიზმარს. ჯერ იყო და ძუბა ჭანიას ფეხებიდან ჭიაყლასავით წაკლაკნილი სისხლი. ამას წყალდიდობა დაერთო ზედ, რომელიც არაფრით ჩამოუვარდება მიწისძვრას. შემდეგ სატანჯოელების თავზარდამცემი ამბავი. მიუმატე ყოველივეს ხანტურის დაშრეტილი მკერდი და წრედიც შეიკვრება.“

ჟინი: შვილო, ბუტუტი, შენ უნდა განახლო, უფრო მეტიც — უკვდავებას აზიარო ჩემი და მაფას სიყვარული, მაგრამ საამისოდ ჯერ სულიერად უნდა გადაარჩინო ხანტურ ჰალიძონია და მერე — ხორციელადაც. მაპროგრამებდა“.

ლომონარიუმების დედოფალს მარჯვენა მკერდი მართლაც ფიცარივით გაბრტყლებოდა, მარცხენა — გათქვირებოდა, გავსებოდა და ამ შეუსაბამობამ ბონდო ცოტათი დააბნია, მაგრამ თვალის დახამხამებაში გამოცოცხლდა, განქარდა მისი უბადრუკი ორჭოფობა.

რკინის საფეხურებით დაეშენენ უხმაუროდ. განვლეს საძინებელი ოთახები, ხალიჩები და ფარდაგები. ილუმინატორის მსგავს ფანჯრებიან კაბინეტში (მესამე სართულის მეხუთედი მაინც რომ ეკავა), მოჩუქურთმებული თაროებიდან სქელტანიანი წიგნების ლაშქარმა შემოანათა ბონდოს, მაგრამ ასულმა კისერწაგრძელელებულ ვაჟს მათი დათვალიერება არ დააცალა. ბიბლიოთეკას მსუბუქი ხელკავით გამოარჩიდა.

ყველგან უფლისწული მონტეგისა* და ფერია კაპულეტის* სურათები იყო გამოფენილი. მას შემდეგ, რაც ეს ტრაგედია დედაქალაქში იხილა ხანტურმა, მოსვენება დაკარგა. არდაშელმა მამილა

ქალიშვილს საწადელი დროულად აუსრულა და უიღბლო შეყვარებულების სინაზემ, მათმა ერთგულება-თავგანწირვამ აქაურობა მალე დაიპყრო. ახლაც გოგო-ბიჭს გზადაგზა მიაცილებდა მათი ზოგჯერ აცამზევებული, ზოგჯერ კაეშნიანი მზერა.

„აი ცხოვრება!

ჭიჭე კვიკვი: როცა ჰალიძონიებისას ყველა წერტილი ჩაერთვება ელექტროქსელში, ჩვენს ტელევიზორებში მოჩვენებები იწყებენ სიარულს. ბედმა თუ გაგიღიმა, მოდერნიზებული პირამიდის წიაღში ჩაქანდები, ცხენო! წარსულს ჩაბარდება შენი უდედმამობაც და უსახლკარობაც. უხსოვარი დროის მერიდიანები გაგეკვანძება თვალწინ. ყარაყუმისა და საჰარის უდაბნოთა ქვიშნარები აგიშარიშურდება ფენქქემ. მერე უამთავვლა ბაბილონის გოდოლის ჩამოქცევიდან მოყოლებული დღემდე, მალემსრბოლი კადრებით გაიბნენს ეკრანზე. რა ცირიბია, რისი ცირიბია, ქალის უნახავს გაგხდის! ორჯოყონი!“*

არაშელი არაფერს იშურებდა ხანტურისათვის, არც სპილოს ძვლით გაწყობილ როიალს, აღარც კინოფიკაციას და ფილატელიას.

სისვი, ასუანის ჩამომავალი, წმინდა სისხლის არაბული კვიციანთის ექვსასი ათასი მანეთი გადაურიცხა სტავროპოლელ მეცხენეებს კოლმეურნეობის ბიუჯეტიდან და „სოფლის კეთილდღეობას გადაყოლილმა“ ქალიშვილს უსახსოვრა დაბადების დღეზე.

დერეფანში ჩამწკრივდა სხვადასხვა კალიბრის შაშხანები.

რბილბეწვიანი ავაზები, წვრილთვალემა მელიის თუ კაცივით შემართული ჩრდილოეთის დათვის ფიტულებთან სპორტული მშვილ-ისრები ელაგა კერამიკის დიდრონ ქოთნებში.

სამარყანდში დამზადებული ხალიჩა — ჭადრაკის ვერცხლის თითოეული ფიგურა კილოგრამამდე იწონიდა.

ხანტურის სურვილები გავლენიან მამას საკუთარ შესაძლებლობათა წარმოჩენის არენად გადაექცია.

არაშელისათვის ასულის გათამამების მთავარი მიზეზი მომეტებულ სიყვარულთან ერთად, შვილის აკვნისდროინდელი ტრავმაც გახლდათ, რომელი ნაკლიც ,, მამიკოს მტრედსა და ფარშავანგის ფრთას“ მოწიფულობაში საბედისწერო შეექმნა.

ამორძალი

იმ დასაწევავ ღამეს არდაშელი გაღეშილი მოვიდა. ცარო მუშუქიას დასვენების დრო და ხანი გამოეძებნა. ნიკრისის ქარების მომჩივან ნოჩოსთან ერთად მერამდენე დღე იყო, რაც მენჯში იმყოფებოდა და სავესე ოჯახი ორსული რძლისათვის დაეტოვებინა. ამიტომაც თავმჯდომარემ რაიკომიდან წვეულ სტუმრებს სუფრა სასადილოში გაუშალა. შინ გვიან მობრუნებული არდაშელი აქეთ ცოლს წაეღლა-ბუცა, იქით მძინარე ბავშვს მიესიყვარულა.

მილანდარმა ხელებდაგრძელებულ მეუღლეს ახლადდაძინებულ ხანტური შეაბრალა. ჯიკავ-ჯიკავით ლოგინამდე მიაბანცალა. წამოაწვინა, მაგრამ ადრინდელივით არც ფეხსაცმელი გაუხდია და არც წელზე შემოჭერილი ქამარი მოუხალვათებია. ცოტაც და ფეხმძიმე ქალი აყროყინებული კამეჩების მოსაწველად გავიდა თითისწვერებზე.

სასთუმალმა ნაღვინევ არდაშელს თავბრუ დაასხვა, იდაყვზე წამოიწია, ჩალოშნა თვალედაწირბლული „ჭაკურია“. შემდეგ სარწვევლას და საწოლს შუა სკამი შეაჩოჩა, ზედ ბუხრის თაროდან ჩამოღებული, შუშამოყანყალე ლამპა დადგა.

თვითგაცნობიერების დრო-ჟამის მპოვნელმა არდაშელმა ფარსმან სპარსის შეგონებანი ვინ იცის, მერამდენედ აიფარასახეზე. მწუხრისპირული სიბრძნის ჩათავება არც ამჯერად დასცალდა ხუროთმოძღვარს, ვინაიდან მკითხველმა უღონოდ ჩაჰკითდა თავი. წიგნი კი ლოგინზე გაშოტილს ღონეწართმეული თითებიდან გაუცურდა, ლეიბიდან სკამზე გადასრიალდა, შუქის სუსტ წყაროს უბიძგა. გამოღვიძებული ხანტურის მკერდზე წააწვინა. ჩვილის აკვანი ბაბმის საბანმა იხსნა აალებისაგან, მაგრამ ერთხელ გაღვივებული ნაპერწკალი თანდათან ფართოვდებოდა, ღრმავდებოდა, აქამდე მოქლურტულე ბავშვს აწრიალებდა, თავ-კისერს ატრიალებინებდა, ასხავლებდა.

არდაშელი თვინიერად ზვრინავდა. სიზმარი ფერად ღრუბლებში დაანარნარებდა. ცირა შკვითინიას ატმის რტოსავით აყვავებული დალალები გულში ჩაეხუტებინა. ამ დროს კი მშობლიური ალღო მიწაზე ფეხდაუკარებლად მოარბენინებდა მილანდარს.

აწივლებული შვილი არტახებიდან ამოგლიჯა გამეხებულმა დედამ. ახრჩოლებული ლამპა ფეხით ბუხარში შეაგდო. ქეჩოში ჩაათრინდა არდაშელს. წიხლი მიაზილა ზედიზედ. აფორიაქებულმა ჭო-

ფია ანთარას ბორანი ააშვებინეს. მოკლედ, ხანტური სიკვდილს გადაურჩა, მეორე ხარისხის სილამწვრისაგანაც განიკურნა, მაგრამ გოგონა ბების და, საერთოდ, ოდაბადელების თვალში, მილანდარის მსხვერპლად დარჩა მაინც.

— შური იძია, შური! — ატანტალებდა ენას ცარო მუშუქია გამუდმებით.

წლების მომატებასთან ერთად ხანტურ ჰალიძონიას მკერდის სილამწვრე ნელინელ ახალ თვისებრიობასაც იძენდა. განსაკუთრებით ეს უფრო ცხადი მას მერე შეიქმნა, რაც „დედის დანავალიდებულის“ არსება აქამდე უჩვეულო ბიძგებმა შეარყიეს: მარცხენა, უწყინარი კერტის ქვეშ ცერისისხო ჭირკვალი ჩაუჭდა, რომელიც თანდათან დამაფიქრებლად იზრდებოდა, იზურცებოდა. „სიმსივნე“ უღვთოდ მატულობდა.

დაფეთებული ხანტური ამ საქმეში ფრიად განსწავლულმა ბეზიამ დააწყნარა, მაგრამ თითქოს ბნელს ნათელი გამოეყო, მაცირიამ* მალე აშკარად იგრძნო გაორება. სხეულის უძრავი ნაწილი — ჩამქრალი ძუძუ, განვითარების ზოგად კანონს — დროის უღმობელ დინებას გამოთიშვოდა და იგი უნუგეშობისას მისაყრდნობელ კედელს დაემსგავსა ასულისათვის.

ფორმამ, ცხადია, შესაბამისი შინაარსი განავითარა. ხანტურის არსებაში თანდათან ფრთხილი, თავაწეული, ამასთანავე ყოველ სიტყვას დადარაჯებული პიროვნება ჩამოაყალიბა, რომლისთვისაც წინადადებაში არათუ „ძუძუსა“ და „მკერდის“, არამედ, საერთოდ „მარჯვენის“ ნებისმიერი მორფოლოგიური აღნაგობით გამოჩენა ძარღვების ამშლელი შეიქმნა. მსგავს საკითხებზე საუბარი, როგორც ტოლებთან, ისე უფროსებთან ყურის ბიბილოებს აუპილილებდა ხოლმე. თითქოს მკერდის უფლისეულ მხარეს ბამბით კი არა, ნაკვერჩხლებით სავსე ლიფი მიკვროდა კაბის ქვეშ.

ალბათ, თდიღხანს გასტანდა ამგვარად, ერთხელ სკოლის კიბის საფეხურზე ამომავალს, კისრისტეხით გამოქანებული უმცროსკლასელი კინტირია რომ არ დასჯახებოდა. ბუნებრივია, ნესვისთავა ქობალიას უკვე წელზე მაცქერალმა ხანტურმა ანგლობა არ შეარჩინა. ნირწამხდარ ბავშვს მთელი თხუთმეტი წუთი სდია სკოლის ეზოში, ვიდრე ბებერ ტრიფოლიატებთან არ მიიმწყვდია და თავხედის ისედაც ბარაქიან „ლაყუჩებს“ წელანდელი ზომები სანატრელი არ გაუხადა.

კინტორიამ, როგორც კი თავი სამშვიდობოს დაიგულა, დაგროვილი ბოღმა აფრქვია და აფრქვია ცრემლთან ერთად.

— მემ, მემ, მემ, სი ჯუა, ჯუა!* ო, ო, დიდი რამეა შენი ბამბით გატენილი მეკრდი! მაგას გერჩივნა, იმ ერთ ადგილს მოფრთხილებოდი! (კინტირია ამ შემთხვევაში გაცილებით კონკრეტული იყო), — მოსჭრა თავი სახალხოოდ, რომელი სიტყვების გამო ქობალიებს ოდაბადიდან გადასახლებამ მოუწიათ ლამის: ადრეულ ასაკში უბნელ ბიჭებთან ჩირგვებში ნაძრომიალ-ნათრევა ხანტურმა შუშა იოდი გამოსცალა ვეტამბულატორიაში. მოჭრილად რომ ვთქვათ, ჰალიძონხეს ყოფნაც სრულიად ახალი კალაპოტით წარიმართა. აქამდე სულზე უტკბეს დაქალებსაც ჩამოსცილდა და თითზე დახვეულ ძმაკაცებსაც. დაკენტდა, გაკერბდა; მეცადინეობას და ფიზიკურ ვარჯიშს უმატა. აუტანელი შეიქმნა, როგორც უვიცი ტოლ-მეგობრების, ისე — უნიჭო მასწავლებლების მიმართ. გაკვეთილებს თვითნებურად ტოვებდა, მაგრამ, აბა, კარგი დედის შვილები იყვნენ და ჟურნალში „არები“ ჩაეწერათ! არც კომკავშირის კრებას დაგიდევდათ რამედ, აღარც — საგანგებო ღონისძიებებს. სპორტდარბაზსა თუ მოედანზე კენტად თამაშობდა ჩოგბურთს, კალათბურთს. ეუფლებოდა „ძიუდოს“ და „კარატეს“ იღეთებს. ზურგს უკან ამორძალი შეარქვეს. ასეთი იყო, ჯინსის შარვალ-ხალათით საშუალო სკოლას ისე ამთავრებდა, რომ საარშიყო წერილი არავისგან მოსვლია და, რაც მთავარია, ღამღამობით წაკითხულ რომანებს თუ არ ჩავაგდებთ სათვალავში, ყოვლისმომცველ სიყვარულსაც არ აუთრთოლებია მისი სული.

არდაშელის სახელმწიფო მანქანას ეს წლები ჯანდუ ქობალია მართავდა. ხნოვანებითაც, გამოცდილებითაც და მორჩილებითაც თავმჯდომარის მდგომარეობას ფრიადესადაგებოდა კინტირიას მამა. კვირაში სამჯერ რეპეტიტორებს წამოასხამდა ზუგდიდიდან და მერე ცნობილი სპეციალისტები რიგრიგობით ამეცადინებდნენ ხანტურს სხვადასხვა დისციპლინაში.

მგლით დაშინებულ მეცხვარისავით უფრთხილდებოდა არდაშელი ასულს. უზომოდ ტვირთავდა, რათა შვილში ქალის გამოღვიძების პროცესი ყოველნაირად შეენელებინა! მაგრამ, აგერ, უეჭველი განსაცდელი მოსდგომოდა კარზე!

წყალდიდობამ ერთიანად გაავლო მუსრი ბალტისპირეთიდან ჩამოყვანილ ჯიშიან ძროხებს და ღორებს. მათი კამეჩები, ღმერთმა უწყის, სად დატივიდებდნენ ახლა. კიდევ კარგი, ქერქენჯის გადარჩენა მაინც მოახერხეს. ხბოსტოლა ნაგაზებმა თვითონვე უშველეს თავს — მეორე სართულის დერეფნებში სეირნობდნენ ჯინჯილების ჩხარუნით. ეგეც რომ არა, დურუ ჰალიძონიას მუქარაც დაირღვა; იქით სახუმ

წართვა ბერბიჭა მინისტრს შეპირებული თუთურია, აქეთ ცოცხის ტარივით შეკრული მილანდარი!

ძნელი სათქმელია, ამწუთიერ თავისუფლებას შექმნილი ვითარების გამო ანიჭებდა არდაშელი ხანტურს; თუ ფარ-ხმალს თავად ყმაწვილის უანგარიშო სიწრფელე და სახიერება აყრევინებდა?! როგორც ნოჩოვეიჩი ვარაუდობდა, დღევანდელი ზეიმის ხერხემლად მოსსლეთილ სტუდენტს გადააქცევდა სწორედ. თანაც ჭიჭე კვეკვეს მონათხრობიდან გამომდინარე, განსაკუთრებული ნიჭიც თუ აღმოაჩნდებოდა, შვილივით უპატრონებდა. დაბოლოს, მტრადმოკიდებული დურუ ქადილისამებრ, ხვალ-ზეგ სასწავლებლად წარსაგზავნ ხანტურს ამხანაგებს თუ მიუქსევდა წარსაწყმედად, რაღა იმ ველურის ხალხმა გათელოს ჩემი შროშანიო, გაიფიქრა და გულიც ყურძნის მტევანივით მოეწურა; თუმცა თითზე კბენა უკვე გვიან იყო — ამორძალის სამფლობელოში უცხო მამრმა შედგა ფეხი.

— ავადმყოფი სად არის?! — ჰკითხა ნაძალადევი სითამამით ბონდომ ქალიშვილს.

— დაბლაა, მეორე სართულზე. „ცირასავით აბრეშუმის თმა აქვს“.

— ხელის გადაბანა შეიძლება?! „უბრალომცა ვარ მე...“

ჭიჭე კვეკვე: რაც უფრო მეტად ითავხედებ, მით უკეთესია, სითამამეში ჩამოგერთმევა. მორცხვი დაღუპულია, ჯიჯი. დღემოსწრება მოფარებულისაკენ ირბენს ჩემსავით. მოფარებულში სირბილი კი, მერწმუნე, ცირიბიას ხვეწვერია ლოგინში ნებივრობა ნუ გგონია, მიწასთან გაგასწორებს. პერანგი და მისი ამხანაგი რისთვის გეცვა უკუღმა მხარაქცეულივით?! შა-მეთქი, ამოდერდე, ხომ არ გეკავება?!“

— აქეთ, აქეთ მობრძანდი! შუქი გამორთულია. არაფერს დაეჯახოთ. აგერ, სანთელიც ავანთე. წყალს გაზის კალონკით გაგიცხელებთ. „რატომ მიკანკალებს ხელები, მუხლები, ხმა? რა მჭირს, რა ამბავია ჩემს თავს?! ლამაზი თითები ჰქონია“.

— ჯანმრთელობისათვის ცივი წყალი უფრო მარგებელია. „ბილწი!“ ხედავ, რას მამრალეხს?! დღესვე ენას ყელში ჩაეჭრი ნაძირალას!“

— ბედნიერი ხართ, ბედნიერი! რა სჯობია სტუდენტობას, თავისუფლებას, როცა შენი თავი მხოლოდ შენ გეკუთვნის. ოდაბადე ციხეა. თავისუფლება მხოლოდ დიდ ქალაქებშია შესაძლებელი, სადაც არჩევნია მეტი საშუალება და გასაქანია, სადაც ათას სისულელეს მოიმოქმედებ, გინდა ყირაზე დადგები, გინდა მეცხრე სართულიდან გად-

მოეშვები, მაგრამ არავინ გაგკილავს, ვინაიდან არავის სცალია შენთვის. „სუნთქვა მეკვრის, გულისცემა მიხშირდება. მეტი თავდაპერილობა მმართველს!“

— თავისუფლება შეგნებული აუცილებლობაა, ჭირიმე, და არა — ყირაზე დგომა. თქვენ რასაც გუნდრუკს უკმევთ, იმას თავისუფლება კი არა, გაუცხოება, საკუთარი თავის, საკუთარი მეობის დაკარგვა ჰქვია. იცით, ეს ქალი, — კედელზე სიგრძივ გაატარა სალოკი თითი და მზერა ბონდომ, — სანამ ჯულიეტას როლში შეძვრებოდა, ჯერ რეჟისორის ხელები გამოიარა. „**არა ცილი სწამო**“ სულ შემოქმედის ფანტაზიის ნაყოფია ეგრეთ წოდებული ამბლებული სიყვარულები, ოპოპო და უჰუჰუ: ტარიელი და ნესტანი, ტრისტანი და იზოლდა, ფაუსტი და გრეთჰენი, ჰამლეტი და ოფელია; მათ შესაქმნელად ცხოვრება ძალზე ძუნწი მენატურეა. მითხარით, ერთი, ვინ იყო ელენე, მთელი ტროა რომ შეიწირა?!

— ელენე... ელენე... რომელი ელენე?!

— ყოველ შემთხვევისათვის ჭიჭე კვეკვეს დეიდები არა. ჰომეროსთან რა ხელი აქვს ქართულ სკოლას! იყო ასეთი დედოფალი საბერძნეთში, ელენე მშვენიერად წოდებული, მაგრამ მე რომ მკითხოთ, ჩვეულებრივი კახაა, მჯობნის მჯობნის მდომელი. ან, მაგალითად, ესენი შექსპირის თუნდაც ათ წელიწადს ეცოცხლებინა, დაიხოცებოდნენ მერე ვითომ ერთმანეთისათვის?! იცოდა ჭკვიანმა ინგლისელმა სიყვარულის შესაძლებლობანი. სადაც წუთისოფელი, ყოველდღიურობა, შური და ტალახი იწყებოდა, წერტილიც იქ დაუსვა რომანობიას. სიყვარული სიბერის კარამდე უნდა მიჰყვას ადამიანს, „ჯობდა სიბერით სიკვდილამდე მეთქვა. მარაზმი“, რაც მისჯილი სიცოცხლის პოზიციიდან აბსურდია. „კრთის“.

ცირა: გრძელხელება მაზლი მყავს და უფრო გრძელთმიანი მაზლიშვილი, რომელთაც, ჭიჭე კვეკვეს სიტყვებს თუ მოვიშველიებ, არდაშელი ზემოურ უფროსობასაც უმასპინძლდება და საქმეებსაც იკვარახჭინებს თურმე. დავიჯერო ასე გაიმეტებდა ღვიძლ შვილს?! აღფონსინა.* ხანტურინა.

ჭიჭე კვეკვე: არაფერი შეგეშალოს, ჯიჯი! მასე რომ იყოს, ცოლის დაღატს ქმარი შეიტყობდა პირველ რიგში და ქალიშვილის შერცხვენას — დედ-მამა, მაგრამ საუბედუროდ პირიქით ხდება, პირიქით.“

— ...ვარ, ინვალიდი, არასრულფასოვანი?!

— თუნდაც კლეოპატრა გავიხსენოთ. იყო დრო: ერთგულებას ეფიცებოდა კეისარს, უფრო სწორედ ცეზარს, კეისარი თქვენი ნეტარი მამების წყალობაა, „ცანსა“ და „კანს“ ვერ არჩევდნენ ერთმანეთისაგან. გასწირა სენატმა ტირანი თუ არა, ანტონიუსს გაუმიჯნურდა მსწრაფლ. არ დასცალდა სხვებთან გაჭირითება, რადგანაც ყველგან ერთი და იგივე დაუხვდა. დაიღალა, ჰო, დაიღალა! ესეც თქვენი განუსაზღვრელი თავისუფლების შედეგი! ქალ-ვაჟის სიყვარული იმ ყვავილს ჰგავს, რომელიც მოწყვეტილია და ჯერ კიდევ ლარნაკიდან კეკლუცობს. მარადიულს მხოლოდ დედამეილური სიყვარული შეიძლება მიუახლოვდეს. „დედას ვუყვარვართ შვილები, დედა არ გვახსოვს შვილებსა, მიტომაც წუთისოფელი სულ მუდამ გვაცოდვილებსა. დე-და.

ცირა: სურათი მაინც მომცა მისი და მოვკვდე თუ რამე დავიჩივლო. საახალწლო ჩინილაკივით დახუჭუჭებული თმა ჰქონდათ, კოლი ქანიათ, წუხელ. მოგვიანებით გამიხდა სრიალა, თორემ ბავშვობაში მეც ისეთნაირად ამებურდებოდა, წამება იყო ვარცხნა. განახო სურათები?! კარგი, კარგი, სხვა დროს იყოს. ვისაც ჭიბთან ხალი აქვს, ბედნიერი იქნებათ, იტყვიან ჩვენში. ზუთხის ტანი გქონია. გეშინია ღიტინის?! ბედნიერების საწინდარია ესეც. ამნაირი ბოდვა მაინც საიდან ისწავლე?! რასკოლნიკოვი ვინღაა, ან ჟინი ანთარს რაღას ერჩოდნი?!“ იქნებ რაიმე ნათელი ფერის კაბა ჩაგეცვათ, ხალხს რატომ უნდა ათქმევინოთ, შარვლითაა დაბადებულიო. გლოვა შიგნიდან უნდა მომდინარებდეს, საკუთარი სულის ასამაღლებლად და არა — მოსაჩვენებლად. ეგეც რომ არა, შარვალი უწინარესად ქალს თრგუნავს ქალში!

— ხანტური! სად დაიკარგეთ?! არ გესმის, დედაშენმა ისევ ჩართო!

— მოვდივართ, მამა! ხელებს იბანს სტუმარი. „თითქოს ჩემს გულში იჯდეს. ლოყბზე ცეცხლი მიკიდია. ალბათ, ყველაფერს ჩაუკაკლავენენ იქ. ჰმ, მიფრთხილდება მამა! არიქა, რამე ისეთი არ მოაცვდეს შენს ქალწულს!“

— ჰო, შვილო, ცოტა დაუჩქარეთ!

მარმარილოს კიბეზე დაშვებულებს არდაშელ ჰალიძონიამ შეჰლიმა. უნუგემო მდგომარეობით აფორიაქებული წამით გაირინდა, თითქოს შორს ჩასილულ ყმაწვილკაცობის დღეებს აყურადებდა.

— „ზედგამოჭრილი მილანდარია. მილანდარის მაღალი ყელი,

მილანდარის ნუშის თვალები, მილანდარის სრიალა თმა. მხოლოდ ხასიათით მგავს მე“.

ასულს კულულებს უსწორებდა მამა, თან ხსოვნიდან ცოლის ციმციმს იხვეჭდა.

ციბრუტივით ტრიალებდნენ კისერმოლრეცილი ძიკვა და ჯადუნიამ პუტა. გადაიხოთხოვებდა ქალი, გადაიტკარცალებდა კაცი და თითისწვერებზე გაუჩინარდებოდნენ.

საძინებელ ოთახში შემდეგი სურათი დაუხვდა ბონდოს:

ოფლით დაწინწკლული ცხვირი და შუბლი საბნიდან ძლივს მოუჩინდა მილანდარ მუშუქიას. შეძრწუნებული, ლურსმნის ნახვრეტისხელა თვალები, შველას რომ ითხოვდნენ, რწმენით მიაჩერდნენ ახალ შემოსულს. სნეულს შავოსანი დედაბერი და ხელჯოხიანი ბერიკაცი ეჯდა თავსასთუმალთან აქეთ-იქით.

— ეს რა გიქნიათ, ჯალათებო! — შეუტია დამხვდურებს ყმაწვილმა.

— ისეთი რა შვეცოდეთ, ნანაგე?! — დაიბნა ნიკაპწვერილი ცარო მუშუქია.

— გამოგედოთ ფანჯარა და ბარემ ენგურში გადაგედოთ! მოაშორეთ საბნები ჩქარა! — ბონდომ იმედმოცემული ავადმყოფი წამოაჯინა, — ტაშტი, პირსახოცი და წყალი მომიტანე, შენ! გეყურება?! მაკრატელიც გამოაყოლე ხელს, მაკრატელიც! — დასაქმა გულხელდაკრეფილი ქალიშვილი ბონდომ.

— ახლავე! — გამოცოცხლდა ხანტურ ჰალიძონია.

— მაკრატელი საკერავი მანქანის კოლოფშია, ბებია გენაცვალოს! — მიადევნა შვილიშვილს ცარო მუშუქიამ, რომელიც დაკეცილ საბნებს მეზობელი ოთახისაკენ მიატუსტუსებდა.

— ჩამოსხედით ყველანი! — ბრძანა ახალგაზრდამ, როცა ხანტურმა „გოროზი მკურნალის“ დავალება პირნათლად შეასრულა, — თქვენს დაუხმარებლად გამიძნელდება დროის უმოკლეს მონაკვეთში სასურველი შედეგის მიღწევა, ამიტომაც გთხოვთ, ყურადღებით იყოთ. მიპასუხეთ კონკრეტულად. მიკიბულ-მოკიბული მძულს.

„ჟინი: ბუტუტი, **Psyche** სულია ბერძნულად, **iatreo** — მკურნალობა. ეტოლოგია ის მეცნიერებაა, რომელიც სწავლობს დაავადებათა წარმოქმნის მიზეზებს, პათოგენეზი კი არკვევს დაავადებათა განვითარების მექანიზმებს. მეტად ძნელია ენდოგენურ და ეგზოგენურ მიზეზებს შორის ზღვარის დადება. ავადმყოფობა არ ამოიწურება მხოლოდ და მხოლოდ

მიწეწობრივი პარამეტრებით, სულ ერთია, როგორი ხასიათისაა იგი, შინაგანი თუ გარეგანი. დიდი მნიშვნელობა აქვს აგრეთვე პაციენტის სომატურ-ფსიქიკურ თავისებურებებს. ყოველი სნეულება, მით უმეტეს ფსიქოზიმ, დამოკიდებულია არა მარტო ბიოლოგიურ, არამედ სოციალურ ფაქტორებზეც. ოჯახური მდგომარეობაც ერთგვარი ფასეულობისაა ადამიანის ფსიქიკური წონასწორობისათვის. გადაჭარბებული სქესობრივი ცხოვრება ასუსტებს და ქანცავს პიროვნებას ემოციურად, ასევე ითქმის მომეტებულ შეკავებაზეც. ფსიქოზი მრავალი ფაქტორის ზეგავლენის შედეგია, მაგრამ გამუდმებით უნდა გვახსოვდეს, რომ ერთადერთი ფაქტორი ყოველთვის წამყვანი მნიშვნელობისაა. როგორც გილიაროვსკი ამტკიცებს, ფსიქოზი არ არის რეაქცია გარედან მომავალ გაღიზიანებაზე. დასადგენია ჰქონდა თუ არა მილანდარს მძლავრი ფსიქიკური განცდა; მერე შეეძლო თუ არა ამ განცდას მისი წონასწორობიდან გამოყვანა. დაბოლოს, ზედმიწევნით გასარკვევია ისიც, თუ რამდენად არის დაკავშირებული ფსიქიკური განცდა ფსიქოზთან და მის კლინიკურ სურათთან. ვაკვირდები ახლა მილანდარის თვალებს და ვამჩნევ, თანაზომიერად უვიწროვდება და უფართოვდება გუბა.

უინი: ბუტუტი, თვალის გუბა ადამიანის განცდათა სარკვა. ეს ფენომენი ავადმყოფობის ღრმა დებრესიაზე მიუთითებს“. ათი წელიწადი ძალზე დიდი ღრია. ამ ხნის მანძილზე ექიმი თუ გყავდათ? — როგორ არა, ნანაგე! — თქვა ცარო მუშუქიამ, რომელსაც მარჯვენა სალოკი თითი ტუჩებთან მიეტანა.

— წამლებს თუ ღებულობდი?! — ჰკითხა ახლა უშუალოდ მილანდარს ბონდომ.

თვალსა და ხელს შუა საკვირველად გამორცვლილმა ქალმა უარის ნიშნად თავი გადააქნია.

— როგორ არა, ნანაგე, როგორ არა! იმ არდასაცილებელმა თუთურამ უკეთ იცის ყველაფერი, მაგრამ რად გინდა, დაჰკრა ფეხი და ასეთი მძიმე ავადმყოფი ხელში შეგვატოვა!

— ვითომ რათაო, მისჯილი ჰქონდა მილანდარს მოვლავატრონობა?! არ კმარა, რაც ჯვარს ეცვა ათ წელიწადს?! ახლა თქვენც შეწუხდით ცოტათი. ეგეც რომ არა, სიყვარული ყველაზე დიდი ფსიქოზური მოვლენაა და ვაპატიოთ ახალგაზრდას. არაფერი დაშავდე-

ბა, თუ ბერბიჭა მინისტრი გაწბილდება. თან საქმე! ცნობილია, რომ ცხოველის ქცევა, ზოგ-ზოგისა არ იყოს, ეყრდნობა ჰედონიზმს ან უსიამოვნებას და შიშს, ადამიანის პიროვნული მოქმედება კი — მოვალეობის, სოციალური ჰეროიკისა და შინაგანი სინდისის ნორმებს. ნებისმიერ ადამიანს შეუძლია შიშის დაძლევა პიროვნული რეგისტრებით, — ბონდო წინ გაუჩერდა მილანდარს და ფეხისგულები თითებით მოუქდევლიმა, — გაგყენვია ხელები. ფანჯრებს რას უკეტავთ, ხომ ხედავთ, როგორი მზიანი ამინდია გარეთ?!

ავადმყოფმა მზერა ხელებიდან შეორთქლილ, წვიმის წვეთებით დაღარულ მინაზე გააიტანა და გააჟრჟოლა.

— როდის წავიდა თუთურია, გუშინწინ ხომკი?!

— გუშინ დილით გაჰყვა სახუს. მიხაკები მომიტანა და ორიოდ კვირას რამენაირად გაუძელი უჩემოდო, მთხოვა.

„ფსიქოსენსორული აშლილობანი არა აქვს. ავადმყოფი ასე თუ ისე აღიქვამს საკუთარ სხეულს, დროსაც, სივრცესაც, მაგრამ შიზოფრენიის ნიშნებს ვერსად გავეჭვებით. მაშ, შევუდგეთ ანამნეზს“. — იქნებ გახსოვთ, როგორ მოილოგინა დედამისმა ნადემ. მაშები ხომ არ უხმარიათ?!

— ცხონებულმა ბაბი მურღულხემ მოარჩინა, ნანაგე, როგორც ყველა ჩვენგანი.

— მშობლებს ეკონომიურად ხომ არ უჭირდათ?! კბილები როდის ამოუვიდა?!

— კბილების ამოსვლა არ მახსოვს, ნანაგე, გაჭირვებით კი, ვის არ გვიჭირდა, განსაკუთრებით გასაბჭოებისა და ომიანობის წლებში.

— იქნებ მალლიდან ჩამოვარდა, ან რაიმე მძიმე ავადმყოფობა გადაუტანია?! დამჯერე იყო თუ ჯიუტი ხასიათისა?!

— მერცხალივით ბავშვი იყო, ნანაგე. სათაკილო რძალს შემოვუშვებდი შინ?! რაც შეეხება ხასიათს, მაგისტანა მორიდებულს, მაგისტანა მუყათისა და გამგონეს, ისევ მასთან თუ მიხვიდოდი, თორემ მეორეს ვერ იპოვიდი მთელს ოდაბადეში.

— ჯორზე შეჯდომაც უყვარდა, — შეაშველა ნოჩო ჰალიძონიამ.

— რის გამო უფრო ჰკიოდი, მილანდარ, ფანჯრებთან ავსულები რომ რიალებდნენ თუ ხელფეხშეკრული გაქცევას ვერ ახერხებდი?! გასაგებია, გასაგები! აიღე ახლა მაკრატელი და მტერი მოვსპოთ, გაანადგუროთ!

— რანაირად?! — ჰკითხა ქალმა.

— რანაირდა და აი, ასე. — ბონდომ იატაკზე დაგდებული თოკი ჩამოკრიჭა, — გამომართვი. რაც უფრო წვრილ-წვრილად დაჭრი, მით უკეთ გააცამტვერებ მტერს. აბა, მარდად, მარდად!

ბონდო ჰალიძონიას ცქერით დამდნარ ძიკვას და პუტას არდაშელმა თვალები დაუბრიალა. შებღვერამ და-ძმა ერთმანეთში აბლანდა.

ჯერ კიდევ როდის „ძუენა ქვეყნისაგან ქედდარეკილებს“ უწოდებდა მათ ლაღი ჭანიას ჩონგური. ისეთი ზიზღნარევი წყრომით უმზერდა ნოჩოვეიჩი მოსამსახურეებს, რომ იფიქრებდით, სადაც არის შეაფურთხებსო.

პუტას და ძიკვას გაწყრომალა დააფაცურებდა ხოლმე. თავაზიან მოპყრობას გაიოცებდნენ, გამოლენჩდებოდნენ, ამიტომაც მათი შრომისუნარიანობა გამუდმებულ ბრძანებას საჭიროებდა, როგორც ვაზი — ჭიგოს.

არდაშელის გაჯავრებას კისერმოქცეულმა კაცმა უადგილოდ გარღვეული პირი მიაგება და როცა ოჯახის უფროსმა მზერა ქალვაჟზე გადაიტანა, გააჟრჟოლა. მოსალოდნელმა საფრთხემ შეაკრთო, მაგრამ მალე გაურკვეველ მომავალს თვალი მოარიდა და ოდნავი პაუზის შემდეგ, გვიმსახურეთ, ოღონდ ეს უბედური მომჯობინდეს და ჩვენ ყველაფრისათვის მზად ვართო, მსჭრა.

— მარტო ანთარიებისა და თუთურისა პატივისცემის გამო როდი მოვსულვარ. მეორე კურსზე კი ვსწავლობ, „ყოჩაღ ბუტუტი, აქამდე პირველკურსელი იყავი, დაგეტყო ჭიჭე კვეკვეს ხელი! ასე თუ გააგრძელებ, ერთ კვირაში ასპირანტურასაც დაამთავრებ“, მაგრამ რად გინდა, სიღარიბეს დაეხუჭა თვალები! დედ-მამა არც მახსოვს, ავტოკატასტროფაში მოჰყვნენ, სამი წლის რომ ვყოფილვარ, ისე, ამიტომაც დეკანატს ათი-თხუთმეტი დღით დავეთხოვები ხოლმე და შეძლებულ კლიენტებს ვეძებ, ხან — სად და ხანაც — სად.

— ფულის დარდი ნუ გეჭნება.

— იცოდეთ, ცოტა მეძვირე ვარ. ჩემი ყოველი ასტრონომიული საათი, არც მეტი, არც ნაკლები, ასი მანეთის ღირებულებისაა.

— ხომ გითხარი, ფულის დარდი ნუ გეჭნება-მეთქი?!

— ხდება ისეც, რომ ზოგიერთი პაციენტის პატრონი, დახმარების მაგივრად ხელს მიშლის საქმის ბოლომდე მიყვანაში; ხელს მიშლის იმიტომ, რომ სიმართლეს მალავს და აქედან გამომდინარე მიჭირს მერე ავადმყოფის რეალური სურათის დადგენა. მე ყველაფერი დაწვ-

რილებით გამოვკითხე თუთურისას, სხვებსაც, ზოგი რამ თქვენგანაც შეეიტყვე, მაგრამ, აი, მიზეზები ჯერ კიდევ ჭორის დონეზეა. მართლაც ცირიბიას აბდაუბდას ხომ არ ვათხოვებდი ყურს?! არდაშელი ხანტურით უმასპინძლდება უფროსობას და ასე იკვარახტინებს საქმეებსო, წაისისინა წუხელ და ამით ერთგვარი კომპრომეტირება სცადა თქვენი, მაგრამ არა ცილი სწამო-მეთქი, მივახალე და იქვე მოვაკეტინე.

— როგორ, ცირამ! „სხვა გზა არ ექნებოდა ალაბთ. გაგტანჯე, ჩემო!“

— რატომ გიკვირთ?! ლერწამივით მერყევი ქალია. აკი, ამბობს ხუცესი,* დედათა ბუნება იწრო არსო, ხოლო შექსპირს თუ ვერწმუნებით, მთლად არარაობა უნდა ერქვას მას. მოკლედ, მე საჭიროზე მეტი შემეიტყვია თქვენს შესახებ; ვიცი, რა მიზეზით ჩაუსაფრდა ენგურში მობანავე მილანდარს ღურუ. არც იმის დასკვნა გამიჭირდება ახლა, თუ რა მოტივით არ დაიტირეთ მამიდა და ბიძა, ძმისშვილი, ძმა. ნაინფარქტალს არაფერი მიგიგავთ, ნოჩევიჩი, გამოტყდით, რომ შეშინდით, შინ ჩაიკეტეთ და ამით ღურუს რისხვას დაემალეთ. წვრილა მომიყვნენ ლამპისა და ხანტურის მკერდის ამბავიც, სხვაც... თუ გინდათ თქვენი მტრედი ამორძალობისაგან ვიხსნა, აბაზანასა და სადილს მიმიხედოს! მაშ, ასე, პირველად რომელმა დაინახეთ მილანდარი?!

— მე, ნანაგე, მე! — თქვა ხმის კანკალით ცარო მუშუქიამ.

— კონკრეტულად სად და რანაირ ვითარებაში?!

— მაშინ ეს სახლი ჯერ კიდევ აშენებული არ გვკონდა, ნანაგე, იმ ძველში ცვხოვრობდით. მომეჩვენა, თითქოს ჩემს ფანჯარაში ვილაც იჭვრიტებოდა. დამბურძგლა. ნოჩოს მივუჯიკავე, მაგრამ ეს უარესი მშიშარაა.

შენ მიხედეო, მიჩურჩულა, გავწიე ფარდა და რას ხედავენ ჩემი სამიწე თვალები?! აივანზე არ დასეირნობს დედაშობილა მილანდარი?! ხელად არდაშელისაკენ გავქანდი. მე და ჩემმა შვილმა შეეკვიანეთ შინ. ამქვეყნიურის არაფერი ეტყობოდა. მუხლებამდე ტალახში ამოსვრილს გვირილები დაეკრიფა გზადაგზა. გამოვგლიჯე ყვავილები და ვისროლე ლაფაროში. დივანზე წამოვაწვინეთ.

— ტალახიანი წამოაწვინეთ დივანზე?!

— არა, ჯერ წამოვაჭინეთ, მერე მე სალამურისათვის გავვარდი მეორე ოთახში და როცა მოვბრუნდი, დავინახე, როგორ ანჭლრევედა არდაშელი აძაგძაგებულს. ჩავაცვი ბამბაზიის სალამური. ღუმელს შევუჩიხინე, ნაჭაზე ჩამოკიდებული ვედრო აშიშინდა. მინდოდა ფე-

ხები დამეთხუნიან მისთვის, მაგრამ არ მახსოვს, მოვახერხე თუ არა მბ.

— შეგიძლიან მაჩვენოთ რანაირად იწვა მილანდარი? — ბონდო ცალი თვალთ ავადმყოფის დასაქმებულ ხელებს უმზერდა.

— აი, ასე იყო, ნანაგე! — თქვა ცარო მუშუქიამ და ავადმყოფის გვერდით ლოგინზე გაიშოტა.

— თქვენ რას აკეთებდით, ნოჩევიჩი?!

— მეე? — დაბნევით ამოხედა არდაშელმა.

— ახლა ყოველი წვრილმანი მნიშვნელოვანია. გაივლის დრო და დამიმაღლით, მაგრამ ჩემი თუ არ გჯერათ, თავს ზემოთ ძალა აღარაა. ესე იგი, ყელში უჭერთ ხელს. ალბათ, იმისი გაგება გინდოდათ, თქვენმა ცოლმა ვისთან გაათენა ღამე. ხომ არაფერი მეშლება?!

— არაფერი!

— თქვენ რა თანამდებობა გეკავათ? — ჰკითხა ბონდომ სკამზე ბოლოქანქარასავით მოქანავე ნოჩოს.

— მე... არ ვიცი... ეს ჯოხი მეკავა. „ელექტრონი ხომ არა აქვს თვალებში?“

— მერე და რას უშვრებოდით მაგ ჯოხით ავადმყოფს?! — ბონდომ ისევ გააპარა თვალი მილანდარისაკენ. ქალი გულმოდგინედ ჭრიდა თოკს.

„სულის სიღრმეში გათამაშებულ სცენებს უთვალთვალებს. გონითი სივრცე.

უინი: ბუტუტი, შიზოფრენიის ეტიოლოგიურ ფაქტორთა განხილვისას ოსიპოვი განსაკუთრებულ მნიშვნელობას ანიჭებს ორგანიზმის აუტონტოქსიკაციას,* რაც, თავის მხრივ, შიდა სეკრეციის ჯირკვალთა პათოლოგიის შედეგია. როგორ გამიბუდა ყიამყრალმა. დიაგნოსტიკაში მთავარია არა ცალკეული ნიშანი (სიმპტომი) ან ნიშანთა ჯამი (სინდრომი), არამედ კლინიკური სურათის მთლიანობა, რაშიც ვგულისხმობთ ავადმყოფური პიროვნების მთლიან შეფასებას და ყოველი ცალკეული სიმპტომი დინამიკურ ჭრილში განიხილება. ამ ამბავს უკვე მთელს სოფელს მოსდებდა. შიზოფრენიის დასაწყის სტადიაში აუტიზმი იმის შედეგია რომ ავადმყოფები ხდებიან განსაკუთრებით ფრთხილები და მგრძობიარენი (სენსიტიურნი), ამიტომაც გაურბიან გარემოს, ეძლევიან პირად განცდებს, უკონტაქტონი ხდებიან. შიზოფრენიის გვიან სტადი-

აში აუტიზმს საფუძვლად უდევს აგადმყოფთა ემოციური სინ-
 ლუნგე, ცხოველი ინტერესების თანდათანობით წაშლა და
 პიროვნული ინიციატივის დაკარგვა. როგორ ხიხინებდა სატ-
 ნურად?! კი, მაგრამ ხანდახან რომ ბობოქრობს. რისი შედეგია ეს ემო-
 ციური ძვრები, დიაგნოზი ხომ არ მეშლება?! შიზოფრენიკი ვერ
 იყენებს ახალ მასალას ან უკვე წარსულში მიღებულ ფაქ-
 ტებს, რის მიზეზიცაა არა მენსიერების უშუალო პათოლო-
 გია, არამედ პიროვნული ინიციატივის მოსპობა და ცოდნი-
 სადმი ინტერესის დაკარგვა. იქნებ მართლაც ჩამიწვა ლოგინში
 წუხელ?! შიზოფრენიის დროს აღინიშნება პარამიმია, პარათი-
 მია და აფექტური ამბივალენტობა* – პარამიმია გულისხ-
 მობს ატაქსიას, შეუთანხმებლობას ემოციურ რეაქციასა და
 სახის გამომეტყველებას შორის, ხოლო პარათიმია – საპი-
 რისპირო რეაქციას: სიცილს, მხიარულობას სამწუხარო ამ-
 ბის გამო და პირიქით. ოიდიპოსის კომპლექსი*. ღირსი ვიქნები
 ჯვარზე მაცვან. რას ვამბობ, რას. უმჯობესია სიცოცხლე მოვისწრა-
 ფო. განცდა ალტერნატიული ბუნებისაა: სასიამოვნო ან უსი-
 ამოვნო (სთენიური და ასთენიური), მოტორული დაჭიმულო-
 ბა ძილში სუსტდება ან სრულიად ქრება. შიზოფრენიის დროს
 უფრო ხშირია ინტელექტუალური ან მოტორული სფეროე-
 ბის (ფუნქციები) აგზნება. ასეთ შემთხვევაში გონებრივი აგ-
 ზნება პირითადად მეტყველებითი აგზნების სახისაა, ხოლო
 თვით პროდუქციები შიზოფრენიულია და ასოციატურად გაფ-
 ზვიერებული. მივქარავ, ყურისძირას, ბუხართან კაცი ჩონგურს
 თლის, კარი ღიაა და ამისთანა სიტუაციაში ახლოსაც ვერ გამეკარე-
 ბოდა. ჭიჭე კვეკვეს სიტყვებმა მომწამლეს და ეგაა. ის კი არა, დედაჩე-
 მი, მგონი, მიმხვდაა ყველაფერს. აბა, რატომ დამხედა ჭიპზე, ან რა-
 ტომ გაიოცა უნინ ანთარი რომ წამოვებოდე, ან კიდევ რატომ ეძებს
 ჩემს თმასთან მსგავსებას?! ეპილეპსიის* დროს შესაძლებელია
 განვითარდეს დენისა და ზეგავლენის ბოდვითი აზრები, რომ-
 ლებიც კლინიკურად ძალიან ჰგავს შიზოფრენიულ პარანო-
 იდს*. ამასთან ერთად უნდა გვანსოვდეს, რომ შიზოფრენიის
 კატატონიური ფორმების შემთხვევაში არსებული ეპილეპ-
 სიური გულყრები მხოლოდ ეპიზოდურია, ხოლო ეპილეპსიუ-
 რი ბოდვები არ არის მოკლებული ემოციურ სითბოს. გარდა
 ამისა, პიროვნების შიზოფრენიული დეგრადაციამ მკვეთრად

განსხვავდება ებილეხსიური დევრადაციისაგან. პირველს საფუძვლად უდევს სტრუქტურული ჭკუასუსტობა, მეორეს — ებილეხსიური, ე.ი. აპერცეფციული* ჭკუასუსტობა. რა მოხდებოდა ვინაობა რომ გამემხილა? უმტკიცე ახლა ოდაბადელებს უცოდველი ვარ ცირასთანო. შიზოფრენიის კლინიკური სურათის მიმდინარეობაში არც თუ იშვიათად აღინიშნება აკვიატებული მოქმედებანი და იპოქონდრიული* შეგრძნებები. ამ ბოლო ხანებში ჰიპოქონდრიის მსგავსი რამ მოუსვენრობა და დაძაბულობა შეეპარა. დოსტოვესკის ფრჩხილად არ ღირს მთელი ფსიქიატრია. რასთან გვაქვს საქმე, ფუნქციურ ნევროზთან, თუ ავთვისებიანი პროგნოზის მქონე დაავადებასთან?! ცხადია, ამ საკითხის გადაჭრას დიდი პრაქტიკული მნიშვნელობა აქვს, ვინაიდან მხოლოდ დაზუსტებული დიაგნოზის შედეგადაა შესაძლებელი სწორი თერაპიული ღონისძიების შერჩევა. შიზოფრენიის კლინიკური ფორმის შემთხვევაში აგზნების საწინააღმდეგოდ წარმატებით იყენებენ ამინაზინთერაპიას, ხოლო ონეროიდულ-კატატონური სინდრომის შემთხვევაში ნაჩვენებია მკურნალობა ინსულინით, ტიზერცინით, მაჟებტილით. ხშირად კატატონური სინდრომის დროს ეფექტურია ფრენთილინი, აგრეთვე კრუნჩხვითი თერაპია (ელექტროშოკი,* კარდიაზოლი, ქაფური), მაგრამ მე მაინც რაბის მეთოდს მივმართავ და ქალს ჰიპნოზურ მდგომარეობაში გადავიყვან“.

რინა მემქვსე

მილანდარ მუშუქია
857142

დღეს კვირა მისდევდა, კვირას — თვე, მაგრამ არდაშელისა და მილანდარის ცოლქმრული სარეცელი ძველებურად გათიშულიყო. ყოველ შემთხვევისათვის უცხოს თუ არა, შინაურებს მაინც უხილავთ მრგვალი მაგიდის გარშემო მორბენალი ქალი და კაცი.

— მომეკარები და თავს არ ვიცოცხლებ! — იმუქრებოდა მუშუქიების ასული. როდის-როდის ულაცოვით კუთხეში მიუმწყდევდებოდა მეუღლეს არდაშელი, დასარტყმელად ხელს ამართავდა, მაგრამ მილანდარი უმწიკვლო თვალებით დაუხვდებოდა და განიარაღებული მოძალადე საძინებლისაკენ წალასლასდებოდა.

— რატომ საუკუნოდ არ დამეხუჭება უღირსი რძლის გამომძებნელი თვალები?! — ეფერებოდა ცარტო ტახტზე გაუხდელად გაშხლართულ ვაჟიშვილს. მიტევებას, პატიებას ითხოვდა მემკვიდრისაგან. მერე მილანდარსაც უტკბებოდა. ოჯახის მოამაგე, ცილისწამებით მოწამლული მეუღლის თანადგომას ეჩიჩინებოდა.

— ნურც შენ გაიმწარებ სიცოცხლეს, — არიგებდა რძალს, — ნუთუ ვერ ამჩნევ, ძმისთვის გაწეული სიკეთე ხალხმა როგორ ჩამოართვა?! ჩემი იოტისოდენა ხათრი რომ გქონდეს, ვაჟიშვილს არ დამიღუპავდი. აბა, კარგად გაიხსენე, იმთავითვე რანაირად ამოვიჩიე, გულზე მოგიხუტე. წყალში მიყრი შენზე დამყარებულ იმედებს?! დათმე სიამაჟე, შეურიგდი შენს ღვეტერია ქმარს! — ემუდარებოდა ყლგამოწევით. მილანდარი კი ქვითინებდა, ქვითინებდა.

უსაზღვრო ერთგულების ცრემლი ცარო მუშუქიას შეძრავდა, თუმცა შვილის განსაცდელი გააჩიქებდა.

— თუკი რამე დაემართა არდაშელს, იცოდე, ჩემივე ხელებით მოგიღებ ბოლოს! ამდენ ხანს იმისთვის უცდიდი, რომ მერე ერთბაშად დაგელუბა?! უპოვარი შეგითვისე, უარაფრო შეგივრდომე, გასვი, გაქამე, ჩაგაცვი და დაგახურე, თვალი დაუხუჭე საზოგადოების აზრს და ჩემი მოგვარე ანგელოზ შვილს შეგრთე, კარგად მიხიდი სამაგიეროს, ღმერთმანი, კარგად! — ანამუსებდა, მაგრამ მილანდარი ყოველგვარ დამცირებას მორჩილად ითმენდა. ბოლოს დედამთილი ცირა შკვითინისაც გადასწვდებოდა. სწყველიდა ჭანებისა და ჰალიძონიებს შორის კედელივით აღმართულ „ცურუ გაუხარეს“.

— ხალხი რას იტყვის, ნათესავებად ერგებიან, ერთმანეთსო, ამოიჩემა საფლავში არდასაყენებელმა და ფურიჩემზე შეყვარებული ბიჭისთვის ხელი ამიკრა, დასაკარგავში გადამიხვეწა. კოჩისათვის ნასუფრალი თუ ივარგებდა, ნუთუ არდაშელისათვის თავანკარა ვერა?! — იღვარძლებოდა.

ცირას ხსენებაზე მილანდარი ამაყად წამოიმართებოდა. უმცროს ქალიშვილს, თუთურიას, დაწვდებოდა.

— წადით, წადით, უკეთეს ადგილას მიბრძანდებოდეთ იქნება, — მიაღვენებდა ცარო.

მიმართვის ზრდილობით ფორმას რძლის აზნაურული წარმომავლობის დასამცირებლად მოიშველიებდა.

— სიბერეში მაინც ვისწავლე ჭკუა. არდაშელის შესაფერისს აწი მაინც გამოვძებნი რამენაირად! — ცოფებს ყრიდა ცარო მუშუქია, მაგრამ გაძევებული რძალი სანამ კიბის საფეხურებს ჩაათავებდა,

„სახლს გადამიბუგავს ჟიჟტიგინი შვილიო“, გაიფიქრდა შიშისაგან გულშეკუმშული და ფერებ-ფერებით მოაბრუნებდა მილანდარს.

დღურუ ჰალიძონია ტანს იყრიდა. ხმა უბოხდებოდა, მაჯა უმსხვილდებოდა. გაბანჯგვლიანდა, დაიკუნთა, მორგვივით გაუხდა კისერი. სკოლა მიატოვა. საეჭვო პროფესიის მეგობრები გაიჩინა მეზობელ სოფელსა თუ ზუგდიდში. სატანჯოელებსაც ჩააკითხა ერთხელ. ნაქურდალი ფულით ნაყიდი ტანსაცმელი ჩაუტანა ხუთი წლის უნახავ ძმას, მაგრამ ერთი-ორად ამღვრეული მობრუნდა იქიდან და მას მერე სმასაც მოუხშირა და ჩხუბსაც. გაიღეშებოდა და მოღალატე ბიძას სახალხოდ აგინებდა სოფლის ცენტრში.

— გამოდი გარეთ, შენი! — ბრღვინავდა და სართულიან გინებას მიაყოლებდა.

— ცურუა* და რა ვუყოთ?! — თავს იმართლებდა თანამშრომლებში არღამელი.

ბოლოს დღურუ იქამდე გათამამდა, რომ კაბინეტშიც შეუვარდა. წაძიძგილაგდნენ. თავმჯდომარემ მამლაყინწას შესაშინებლად იარაღი დაუძრო. გააშველეს, მაგრამ შვილის უმსგავსო საქციელს დედამისის არასდროს საყვედურობდა. ერთგულებას უთქმელად უმტკიცებდა. ცირაც მთელი მონდომებით ამიტომ უჩაღიჩებდა იმპორტულ ავეჯს, ჭაღებს, ქათქათა პერანგებსა და მოხდენილ ყელსახვევებს. და, ახლაც, როცა მილანდარისა და არღამელის საზიარო ლოგინი რამდენიმე წლის განცალკევებული გახლდათ, — ამაღლებული ბუნების ქალმა თავლაფდასხმა არ აპატია მეუღლეს და შერცხვენილ სიცოცხლეს ენგურის ტალღებთან ჭიდილში იცხრობდა, — კაცობაში შესული დღურუ რა ხანია ლანდივით დასდევდა უკან. მით უფრო მას შემდეგ, რაც ნაარყალმა კოჩიამ ყველაფერი ჩაუკაკლა, — ისიც კი, თუ რანაირი ქალი დაისვა ცოლად. ესეც რომ არა, ვინ იცის, ჭიჭე კვეკვეს რამდენჯერ წაუქეზებია ენგურში მობანავე ფერია-ბიცოლას გასახდენად?! მოკლედ, ქალმერთის დამაბრმავებელ გაშიშვლებას თანდათან მიუჩოჩდა შურისძიებით ანთებული დღურუ.

მაისის იმ გრილ ღამით ტანსაცმლის დამალვაც გაბედა და ნაპირზე გამოღწეულ მილანდარს, როცა ყურში შეჟონილი წყლის გამოსადენად ცალ ფეხზე ხტუნავდა, ეტაკა, თუმცა გულშექანებული ქალი მკლავებიდან დაუსხლტა და კალმახივით მდინარეში შეასწრო.

გონებაარეული, ენაწართმეული და ერთიანად გასაცოდავებული მილანდარი მხოლოდ გამთენიისას მიუბრუნდა ოჯახს.

თუთურია ყვირილის ხმას აჰყვა. უფროს დას, ხანტურს, გადა-

აბობლდა. საწოლს ხელი მოუფათურა, მაგრამ როცა იქ დედა ვერ იპოვა, მამის საძინებელში საღამურისამარა შეტყაპუნდა წამოტირებული. უდროოდ გამოღვიძებული ბავშვი მუშტით თვალს ისრესდა, მიზეზიანობდა.

მისი მზერა არდაშელის გაბოროტებულ მზერას შეეფეთა პირველად. დაძარღვული ხელები კი ლოგინზე გაშოტილ მილანდარს ყელში უჭერდნენ, ახროტინებდნენ, ენის ამორთმევას ცდილობდნენ.

— ჯობია შენითვე თქვა, ლამე ვისთან გაათენე! — ღრიალებდა გადარეული კაცი.

— თავს იკატუნებს, თვალთმაქცობს! — სისინებდა ცარო მუშუქია და მოსულეირების ნაცვლად თმას უწეწავდა გულშეღონებულ რძალს.

— შემირცხვინე ხომ ხელმწიფის ტოლი შვილი?! ესეც შენ! — კბილებში გამოცრიდა ნოჩო ჰალიძონია და ხელჯონს აძგერებდა შიგდაშიგ,

თუთურია განსაცდელში მყოფი დედისკენ წივილით გაექანა, მაგრამ ბებიამ გზაშივე დაიჭირა.

— ჩემო ანგელოზო, უჯიშოს ხორცი როგორ უნდა მოგეკაროს შენ?! — ეუბნებოდა, გოგონა კი იკლაკნებოდა, ბრჭყალავდა, გაძვალტყავებული ხელებიდან თავის დაღწევას ცდილობდა.

— ჩემი დედა მინდა! ჩემი დედა მინდა! — სხარსხალებდა გააღმასებული ბავშვი, სანამ მოთმინებიდან გამოსულმა დედაბერმა მართლაც არ მიუგდო მშობელს.

არდაშელი გაფაციცებით ათვალეირებდა მკერდზე შვილმიწებებული ქალის სხეულს. ზურგისკენ გადააბრუნებდა, ნაჩქმეტს ან სხვა, უფრო მამხილებელ საბუთს ეძებდა, მაგრამ მილანდარი ისეთივე უმწიკვლო იყო, როგორც — გაუკვალავი თოვლი.

ჰალიძონიები ავადმყოფის მომვლელს რამენაირად იშოვნდნენ, თუმცა თუთურია დედის მიმართ იმდენი სითბო გამოამჟღავნა, უცხო ადამიანის შინ შემოშვება იზედმეტეს.

ცუგრუმელამ სწეული დედა ჭურჭლის მსხვრევას და კივილს მალე გადააჩვია. მისი დამამშვიდებელი თეთრი ფერიც შემთხვევით აღმოაჩინა.

როცა მომდევნო დღეს თუთურია ლაფაროში დაყრილი, ყლგადამსხვრეული გვირილების შექუჩიბას მიეძალა, გაკაპასებულმა ცარომ ხელიდან გამოგლიჯა თაიგული.

— ეს ქამენია ხანტურის აკვანში ჩამნაცრავი დედაშენის ერთი

ლამის საფასური ჯილდოა! — უთხრა და მიწაზე დაათხლიშა ჭკნობაშეპარული ყვავილები. თითქოს უხსენებელიაო, ფეხით გასარისა ისინი და პატარა მართლაც მოერიდა იმ გვირილებს, სანამ კუნტა ქობალიას ნასახლარზე დაკრეფილი არ შემოიძლოდა ხალხმრავალი ოთახისაკენ.

უცებ ყველასათვის მოულოდნელად სადამურისამარა მილანდარი ლოგინზე წამოჭდა, თუთურისა წინ მუხლებზე დაეშვა. ყელაწვართულ გვირილას ღერ-ღერად ართმევდა. მერე მკლავებზე დასვენებული ყვავილებით ცერებზე წანარნარდა, დაბზრიალდა.

ცნობისმოყვარენი კი მოცბიერობდნენ, მოქვეშევეშობდნენ. თითქოს სასუსნავს უფასოდ არიგებდნენ.

ნოჩო ჰალიძონია ყალიონს გამართავდა. რძალს მიმინოსებური ელდით გაზომავდა. უთვალთვალებდა ქალს, რომელსაც ცხოველი შარავანდელი გამოცლოდა, მკერდზე ციდა ბავშვი მიეკრა და ჭერს მიშტერებოდა. ნოჩო არარსებულის ამოკითხვას ცდილობდა, არკვევდა, მილანდარსაც ცირასავით ხომ არ შეერცხვინა მანდილი, ძირი ხომ არ გამოეთხარა არდაშელის კაცობისათვის თუ ყველაფერი შემთხვევის ბრალი იყო.

ოდაბადელი დედაკაცები კუთხეში ყვავებივით მისხდებოდნენ, თუთურისა სმენისათვის მიუწვდომელს ჩურჩულებდნენ, ჩურჩულობდნენ. გოგონა ატყობდა, რომ დღეები და მოყურადენი დედის სილამაზეს შეუბრალებლად ძარცავდნენ.

ცარო მუშუქიას გარშემო იკრიბებოდნენ ისინი: პირმოკუმულეები, თვალჩაცვენილები და ცხვირდაჭეჭყილები. ასე ტურების ხროვა შემოერკალება ხოლმე დაჭრილ ქორბუდას. ფეხაკრეფით, სამძიმრებით მოფუსფუსებდა და მოილუნებოდა ნათესავ-მეზობელი. მოჩვენებითი თანაგრძნობით თავს გააქნევდნენ, ბალიშქვეშ ხელს შეაცურებდნენ, ან იქით, სასტუმრო ოთახში გაშლილ მაგიდაზე ძღვენს ახვავებდნენ. იმ სასთუმალს ცარო მოაკითხავდა მოგვიანებით, მომუჭულ ფულს ხალათის ჯიბეში გააქანებდა და მერე ქსოვავაჩაღებულ შავოსან ქალებს საჩუქარს ერთითად მოაჩვენებდა.

მას შემდეგაც, რაც მილანდარის სისპეტაკეში ყველა დარწმუნდა, როცა უბედურების კვირისთავზე, ჩემერცხი, დურუ, ჩემერცხიო*, წამოაბოდა სნეულს, როცა სასამართლო ექსპერტის მუყაითობისა და დურუს ცილისწამებაში მხილების მერე მილანდარის შებღალულ პატიოსნებას სამარცხვინო ბრალდება ჩამოშორდა, ცარო

მუშუქია წვეტიანი ნიკაპითა და სისხლიანი თვალებით იმაგუთხი-
დან იმზირებოდა კვლავინდებურად.

— რძლის არჩევანში შევცდი, — სულ ერთსა და იმავეს ეჩიჩინე-
ბოდა ლამისმთველებს, — ქორწილის პირველივე თვიდან გაურბოდა
მეუღლის ლოგინს, — ურცხვად აშიშვლებდა ცოლ-ქმრის საიდუმ-
ლოს. ათას მაგალითს იხსენებდა, რაც, მისი მტკიცებით, არდაშელს
დღითი დღე აგიჟებდა.

— ჩემი ბიჭის თავდაჭერილობის ამბავი საქვეყნოდაა ცნობილი,
თორემ ცხვირისისხლიანი მილანდარის პატრონს, ძუკნა-გავარდნილი
ცირიბიასაკენ ხელი წასცდენოდა, გასაკვირია?! — ასარსალებდა ენას
გამუღმებით.

დღურუს მართლმსაჯულებისგან თავის დაძვრენა არც კი უცდია.
პირიქით, იმ ლამეს განზრახული სინამდვილედ გაასალა და ავბორცი
ბიძის მოსაშხამად წმინდა ქალს ჩირქი მოსცხო.

ცოფისმყრელმა არდაშელმა სწორედ მაშინ მოითხოვა ბრალ-
დებულის ჩვენების გულდასმით შემოწმება და როცა სასამართლოს
ექსპერტმა ცნობამიხდილის სხეულზე ძალადობის ვერანაირ კვალს
მიაგნო, ცილისწამება ბათილად სცნეს.

— ეტყობა, შიშისაგან არ მიძალიანდებოდა, — ურცხვად ირწ-
მუნებოდა დღურუ.

— არდაშელმა ცოლის ახდილი ნამუსი ფულით გამოისყიდა! —
ხიხინებდა ჭიჭე კვეკვე.

მოკლედ, ასე იყო თუ ისე, სასამართლომ დღურუ ჰალიძონია ყვე-
ლანაირად გაამტყუნა და მილანდარის გაუპატიურების მცდელობი-
სათვის, თუ უმწიკვლო ქალის გაუბედურებისათვის, ათი წლით თა-
ვისუფლების აღკვეთა მიუსაჯა.

არდაშელიც ამ წუთს უცდიდა. ახლა გაირკვეოდა, ცირას რანა-
ირადაც უძგერდა მისთვის გული.

— სიცოცხლე გაგიმწარე რეგვენი შვილით! — ეცრემლებოდა
მუხლებზე დაცემული ქალი სულის თანაზიარს.

— შექმნილმა ვითარებამ მაიძულა, თორემ შენს სისხლსა და
ხორცს საციხედ გავიმეტებდი?! — ეჩურჩულებოდა ყურისძირას ზე-
ზეწამოყენებულ მიჯნურს არდაშელი, ცრემლით სველ უპეებს უკოც-
ნიდა, თან ხელები ჩვეული რბილი ადგილებისკენ გზას თავისით იგ-
ნებდნენ. — შენ სასჯელად ჩვენი უიღბლო სიყვარულიც გეყოფა! —
ეუბნებოდა და ფერებ-ფერებით მიაცილებდა ანგრეული ლოგინი-
საკენ.

— სანამდე ვიყო, ნანაგე ასე? „ჩემი მრუდე ფეხები სად დაფულა?“

— ჯერ მაინტერესებს, რას უშვრებოდა თქვენი მეუღლე ამ ხელჯოხს.

— რა ვიცი, ბაბუა, მგონი შევუჩიხინე ერთი-ორჯერ.

— კმარა, კმარა! მთლად ფერდი შევუნგრე-მეთქი, კი არ მითქვამს. გადით ყველანი! მარტო დამტოვეთ ავადმყოფთან! სურათი ისედაც ნათელია. გამოდის, რომ თქვენ გაერთიანებული ძალით სჯიდით შოკში ჩავარდნილს, და ამით ხელს უწყობდეს მასში ტაქტილური, შეხებითი სინდრომის ჩამოყალიბებას. მორჩა, არა?! — თვალი თალში გაუსწორა ბონდომ მილანდარს. ქალმაც ლმობიერად შეჰღიმა, — კიდევ ერთიც, ეს უკვე ვთქვენ გეხებათ, ნოჩოვეი! უბედურ შემთხვევამდე რამდენი ხნით ადრე გქონდათ შეწყვეტილი სქესობრივი კავშირი ცოლთან?

— ვერ ვიხსენებ. „ყველაფერი იცის“.

— გაიხსენეთ, ეგ აუცილებელია!

— სიმართლე თუ გინდა, ზუსტად იმ დღიდან. რაც კოჩია გადაიხვეწა სოფლიდან. ხანტურა რვა თვისა იყო მგონი, თუთურია კი მოგვიანებით გაჩნდა.

— გამოდის, რომ მთელი ექვსი წელიწადი... თქვენ, ცხადია, გეყოლებოდათ ვინმე პარტნიორი, მაგრამ — მილანდარი, მილანდარს?!

— ეგ გამორიცხულია!

— პენელოპეს ერთგულება! ყველა აქ არის? — მიუბრუნდა ბონდო ავადმყოფს.

— კი, ყველა, — უპასუხა მილანდარმა.

— მაშინ მოვფხიკოთ და გადავუძახოთ ენგურში.

— მერე და არ გაცოცხლდებიან?!

— გეკადრება?! — ხელეში გაშალა ბონდომ, — გადაყარე, ნამცეცით არ დატოვო! მაკრატელი იყოს. ესე იგი, ყელს ჭრიდი თუთურიას, სახუს რომ არ წაერთმია იმისთვის, მაგრამ გაგასწრო ეშმაკის ფეხმა. დარჩა შენი მტერი სადმე?

— ნწუ!

— ჰოდა, მით უკეთესი. ნახე, რამხელა გისოსები აქვს ფანჯრებს. რომც არ დაგეხოცა ისინი, რომელი ერთი შემოდლწევდა?! აწი წამოწოლაც შეიძლება. ქუთუთოები გიმძიმდება, გიმძიმდება... თუთურიას ფეხის ხმა ისმის კიბეებიდან... წყალი ჩხრიალებს... კიდურები აღარ გემორჩილება... ტკბილზე ტკბილ მოთენთილობას

გრძნობ... გემთქნარება, გეთვლიმება... ესეც შენი სავარცხლები და გვირილები. აჰა, გამომართვი, გამომართვი და ჩაიხუტე მკერდში, — თვალედახუჭულმა მილანდარმა ბონდოსკენ გამოიწოდა ხელე-ბი. ახალგაზრდამ თითებზე თითები შეახო და ისევ განაგრძო, — ყველაფერი ზღაპარია... ყველაფერი ცითაა ნაქარგი...

— ეშველება ვითომ?! — დაიხურჩულა ოთახში თავშემორგულ-მა არდაშელმა.

— ჩუუ! ჰიპნოზურ ძილშია.

„სწორიყოფილა ჭიჭე კვეკვე. ასეთები საუკუნეში ერთხელ იბა-დებიან. რა მალე დააწყნარა! მოგვაყრდნობდეს თავს, მე ვიცი და ჩემმა კაცობამ, ათ წელიწადში აკადემიკოსად ვაქცევ!“

დარბაზის უშველებელ სივრცეში ბროლის ჭალი თვლემდა, რომ-ლის იქით მოჩანდა ბილიარდის მაგიდა, ღრმა, ფუმფულა სავარძლე-ბი. ნაირნაირი სპირტიანი სასმელით გამოტენილი მომცრო ბარი, რომელსაც ლიფტი აკავშირებდა სემირამიდის ბაღთან.

ამ მოვლილი, შეფიცრულ-გალაქული კედლების, მუხის პარკე-ტისა და მარმარილოს კიბეების, თვალისმომჭრელი ავეჯის ზიზზიმ-სა და ციაგში ბონდომ რატომღაც მოიწყინა, თუმცა, სულ მალე, სატანჯოს ბუნებრივ სილამაზესთან შედარებით, აქაური დამაბრმა-ვებელი ბრწყინვალეობა.

არარაობად მოეჩვენა.

ამისთანა ფიქრებში გართულს, მოკრძალებით მიუახლოვდა წი-თელი კანტით გაწყობილი შავი კაბით მორთული ხანტური. დალალ-მშვენიერი კოპლებიანი ბაფთით შეეკრა და მაჯისისხო ნაწნავის ბო-ლო მარჯვენა მხარზე გამოეგდო. წყილი ღიდრონი ფირუზი რალაც-ნაირი იდუმალების უელვარებდა. მოსხლეტილი სხეულის თვალში-საცემ ნაკვეთებს საგანგებოდ ასაიდუმლოებდა ნატიფი შალის სამო-სელი. იდაყვიდან მოყოლებული მაჯებამდე ფუჩიჩედებოდა მაქმანები-ანი სახელოები. ნაოჭმრავალი კალთები ჯავარს იცვლიდა მზეზე გა-მოსულ ავაზასავით, ათინათლებოდა, თრთოდა, ამხელდა მუხლების სისუსტეს.

— სუფრას მიმიხედე, ჩემო მტრედო, — ალერსიანად უბიძგა მა-მამ ასულს ზურგში, — ვაჟიშვილი არ გამოიმეტა ჩემთვის განგებამ, — განაგრძო არდაშელმა, როგორც კი ხანტურის ტანისრხევით გა-ვიდა სასტუმროდან, — ქარხვეტია ერთი ძმიშვილი, მკერდზე თა-

ვის მიყრდნობის ნაცვლად, ტყვიით მემუქრება, მეორე — ეჭვების ტყვე კოჩიამ სოფლიდან გაიტაცა, უკეთურებს შეეკედლნენ და გამიგებდი, ალბათ, სატანჯოში რანაირად ამოიბუგნენ. ბილიარდი ხომ არ გვეთამაშა? იქნებ ნარდი გირჩევნია, ან — ჭადრაკი?!

— სენასი მქანცავს, გამოწურული ლიმონივით ვარ.

— კიდევ რა გითხრეს ანთარიებთან და ჰალიძონიებისას? მაინც რაო, ჭიჭე კვეკვემ?!

ბონდომ პირდაპირი პასუხის ნაცვლად წყვეტილ-წყვეტილი სიცილი აკმარა არდაშელს და ლადი ჭანისაგან ათასჯერ გაგონილი: ნეხვს ნუ გაანძრევ, თორემ ასუნდება, ნოჩოვეიჩის ახლა უფრო ენიშნა. ყმაწვილს მკლავი გამოსდო, უსიამო თემას გამოარიადა. აბაზანისკენ მიმავალიტ ბონდოს სინედლიდან მონდომებით ძერწავდა იგი მახლობელ ადამიანს.

ქათქათებდა მარმარილოს კვადრატული აუზი. აქვე იყო საორთქე, საშხაპე, საკუთრივ აბაზანა, შიშინებდა გაზის ანთებული საქვებე.

ვეება ვარცლში ჩაწოლილ ბონდოს თავზე სურნელოვანი წყალი აუბუმბულდა. აქამდე უჩვეული ხილვებითა და განწყობილებათა თერაკებით დაქანცული. ნებივრად იზმოვრებოდა. ჭადრაკულ კაფელს ხელისგული მიუტყავაუნა.

„არა, შეურეველი ცხადია. როგორ განსხვავდება კოჩისაგან არდაშელი?! გვარს და საზიარო დედ-მამას თუ არ ჩავაგდებთ სათვალავში, რა აქვთ საერთო?! არაფერი!“

თვალეები დახუჭა ბონდომ და მაშინვე გედივით შემართული ხანტურ ჰალიძონია შემოცურდა. ზეასწია ქაფი, ჩაიხუტა სურნელოვანი, დამყოლი.

„გადია მაფას ალიკვალია“, დასკვნა ყმაწვილმა. რატომღაც ჩვეული სიმორცხვისათვის შეუფერებელი სითამამე იგრძნო და წამოჭარხალდა. მაინც აგრძელებდა ფიქრს: აჰა, გააშიშვლა კიდევ წარმოდგენაში ფერია. ახლა განხეებული შეჰყურებდა ყარყარა ყელს, სიფრიფანა, მთრთოლვარე ცხვირის ნესტოებს, ბრეთელა თვალებს, რომლებშიც ოდნაბადეს სამყოფი ნისლი ტორტმანებდა.

გასახდელში მობრუნებულ ბონდოს გორგოლაჭებიანი მაგიდა დაუხვდა, რომლის ზედა თაროზე, დიდრონ ლანგარზე ფაქიზად ეწყო „კენტის“ გაუხსნელი კოლოფი და სანთებელა. მთელი ამორძალეთი ამბოხებულყო იმ ხონჩის არშიაზე, მაგრამ მშვილდოსან მდედრთა მუქარას, არც ოქროს დანაგარჭობილი აგურის ფორმის შავი პურის ნახევარი აგდებდა აინუში, არც ოქროსავე ჩანგლით განგმირუ-

ლი დნობაშეპარული კარაქის კუბიკი და აღარც იმავე ლითონის კოვ-
ზით მორთმეული ზუთხის ხიზილალა. მომდევნო თაროზე ელაგა პო-
ლიეთილენის პარკებში მოთავსებული ჯინსის შარვალ-ხალათი, შა-
ლის თეთრი წინდები, საცვლები, ვარდისფერი ხაოიანი პირსახოცი,
კბილის პასტა, ირისისფერტარიანი ჯაგრისი, ცისფერი სვიტრი, სუ-
ლ ბოლოს მაღალყელიანი ტყავის ფეხსაცმელები.

შემოთავაზებულ გარდერობს ბონდომ ალღო მალე აუღო. ღი-
ლინ-ლილინით შემოსილმა სარკეს თვალი ჩაუპაჭუნა.

— სძინავს, წყალივით სძინავს! — უთხრა აბაზანიდან გამოსულს
არდაშელმა.

— კიმდევ რამდენიმე სეანსი და ყოველგვარი კოშმარი მოეხსნება.

— ჩვიდმეტის შესრულდა დღეს ჩემი მტრედი! — საუბრის თემა
შეცვალა ოჯახის უფროსმა.

— რას ბრძანებთ! chameleon.

**„ჭიჭე კვეკვე: ჯიჯი, როცა სასურველი სტუმარი ჰყავს
არდაშელს, ხანტურის დაბადების დღეს გამოიგონებს ხოლ-
მე. ასე რომ, მამიკოს მტრედი იანგარშიც დაბადებულა ბეგ-
რჯერ, ივნის-ივლისშიც, აგვისტოშიც და შექმნილი ვითარე-
ბის შესაბამისად — დეკემბერში შედიხედ სამჯერ“.**

— ჩვიდმეტის შესრულდა ჩემი მტრედი დღეს! — ორთვენახეც-
რით აახალგაზრდავებდა იუბილარს.

მაგიდასთან მოფუსფუსე ასულს ლოყაზე ეამბორა, მერე დედ-
მამისა და ქალიშვილის თანდასწრებით ჯინსის კურტაკის გულისჯი-
ბეში თუმნიანების გაუხსნელი დასტა ჩაუცურა ბონდოს. ამ ცერემო-
ნიას ირონიული ღიმილი შეაგება ყმაწვილმა.

წამოფაკლული ხანტური პირისპირ მოკალათებული ვაჟისკენ
თვალს მალულად აპარებდა დროდადრო.

„გიორგის აუტანელ ცინიზმს ოდაბადელების მომწამვლელი ჭო-
რები კვებავენ, ეჭვგარეშეა, ჩვენი ოჯახის ამბებით მოშხამულს ახლა-
ვე თუ არ ვუწამლე რამე, დახვეწილი მანერის ბიჭმა, ვინ იცის, ხან-
ტურს იქნებ დამცინავი ღიმილი არც აკმაროს. მერე, მერე რას შვრე-
ბი?! ვთქვათ, გამოსავალი არ ჰქონდა; ვთქვათ, სხვანაირად არ შეეძლო,
მაგრამ ქალიშვილი რისთვის გამილანძღა?!“

**ცირა: ცარო მუშუქიას კლანჭებში ჩავარდნას ჯოჯო-
ხეთში ჩასვლა მირჩევნია, არდა. მეშინია, არდა, მიმატოვებ
შენ. ფეხმძიმედ რომ ვყოფილიყავი, აქამდე არ გეტყოდი, ჩე-**

მო?! აწი სიკვდილიც არაფერია, არდა. საუკუნოდ შენი ვიქნები, შენი. ორ-სამ თვეს როგორმე გაგძლებ უშენოდ. რამე უნდა ვიღონო. ქარაგმებით დამცირებულმა ვაითუ აღრინდელი უბედურება არ მაკმაროს?!”

— გიორგი, ხომ დიდი უსამართლობაა ერთი დაბადების დღე წელიწადში?! განა ყოველ წამს რაღაც არ გვემატება, რაღაცით არ ვმდიდრდებით?! აი, ეს ვერ მოუნდელიაო ოდაბადელებს. შური ჰკლავთ, შური! საზეიმო სადილს თუ ვახშამს ხანტურის დაბადების დღეს იმიტომ ვარქმევ, რომ მეტი ლაზათი ჰქონდეს სუფრას. როგორ, შევინანო ორიოდე ლხინი ანგელოზი ბავშვისათვის?! გეტყოდნენ, ალბათ, ხანტურის დღეობის საბაბით შარშანდელი იანვრის თვეში განათლების განყოფილებას გაუმასპინძლდნენ, თებერვალში — რაი-აღმასკომს და მარტში — რაიკომსო. უარი ვთქვათ, აბა, ოქროს მედალზე?! არ ჩავირიცხოთ სამედიცინოზე?! სუფრას თუ ვშლი, ნაბიჭვარი ჭიჭე კვეკვეს და ბაგი ანთარხეს ფულით ხომ არა?! დიდი ქვესქეშაა ერთიცა და მეორეც.

სუფრას ჩვენისთანებისაგან წაღლეტილი ფულით შლიო, ისეთი დამაჯერებლობით დაახეთქებენ, თითქოს წყალი არ გაუდიოდეს. იღვის მონაა ორივე, ოღონდ იმ განსხვავებით, რომ პირველს „სახარება“ ამოუიღლიავენ და მეორეს — „კაპიტალი“.

შვილს ზედმეტად ელოლიავენო, წარამარა წამომამყვდრიან ხალხში. იქნებ შენ მაინც მითხრა, გიორგი, როგორ მოვიქცე?! ბავშვი რომელ მშობელს გაუწირავს, მე რომ გაგწირო?! შვილებო, ერიდეთ ასეთებს! უფროსი მათ არ იციან და უმცროსი. ქორწილებს ისინი გმობენ და ქელეხებს. მათით სნეულდება დედაენა და სამშობლო. თუ ყველაფერი აქვს ჩემს მტრედს, რიყზე ნაპოვნით და ციდან ჩამოცვენილით კი არა. პაპის პაპიდან მოყოლებული, ბაბუა, მამა, მეც, წვეთწვეთობით ვაკოწიწებდით. აბა, მიდი და გაგზავნე უფულოდ ძიკვიაა წისქვილში, ან დააჩეხინე შეშა პუტაიას. განგებას მათთვის მოხმარების შნო და მარიფათი არ მიუცია, თორემ ფულად ფული ჩემზე მეტი ექნებათ. რატომ გაგეცინა?!

— თქვენმა სიტყვებმა ერთი ადგილი გამახსენა ბულვარული რომანიდან. მესხიერება თუ არ მღალატობს, ასეა: სად მიგყავს ჩემი თვალისჩინი, თუ შენგან მეყოლა გგონია, ძლიერ შემცდარხარ, შენ ვინ მოგცა, გადამწვარს, მაგისი შნო და მარიფათი?! „რა იყო უფალო, არდაშელ, რისთვის ფითრდებით?! ხომ გისწავლიათ ჭირი თავსა არ დამალავსო?! ჰოდა, მოვიდა ნიღბების ჩამოგლეჯის დრო!“

— ფილოლოგიური განათლება მედიკოსსაც და თავმჯდომარესაც თანაბრად გეჭირდება. „სიტყვა-სიტყვით ჩაუჟაკლავს. როდის მოასწრო?! ნუთუ ამ ღლაპში მცვლის?! კი, მიმზიდველიცაა, ჭკვიანიც, მაგრამ საიმისოდ ჯერ კიდევ ნედლია. ბარემ ახლავე ჩამოვიცილებე კოჩის ცოდვას და ცილისწამებისაგან საბოლოოდ განვიწმინდები“. ჩვენი საგვარეულოს მაღალი ზნეობა საქვეყნოდ არის ცნობილი, მაგრამ ხომ გაგიგონია, გიორგი, ციხე შიგნიდან გატყდაო?! ჰოდა, ასე მოხდა ამჯერადაც. მართლაც, რა მენდომებოდა ცირიბიასგან მილანდარის-თანა მეუღლის პატრონს?! რითი უნდა მოვეხიბლე ქუჩის ქალს?! დასამალი რაა, მესირცხვილებოდა სახელგამტყდარი რძალი. აგერ, დედმამაც დამემოწმება. ხეიბარი ძმა მომიჯადოვა, მოჯამაგირედ გაიხადა. იხელთებდა თუ არა დროს, რომელიმე ოდაბადელ ბუღას გვიმროვანში მიუწვებოდა გაათახსირებული. რა არ იღონეს, თურმე, მშობლებმა: კიდევ შევედრებოდნენ, კიდევ დამუქრებოდნენ, მაგრამ ყოველგვარი ცდა ამაო გამომდგარიყო. თავიდან შეეწყნენ თითქოს, თუმცა ეჭვიან კაცს მეძავი კი არა, პატროსანი წაუფვა ხელიდან. სმას და აყალმაყალს მოუხშირა უბედურმა. ამხანაგებს განგებ შემოიპატიჟებდა შინ. ჰმ! ცირიბიას ღლაპში გამოჭერას ცდილობდა. იქნება მამის ქონება კეთილსინდისიერად არ გავუყავი, იმ უჯიგროს, იმას! შვილებიც დაღუპეს. ერთ ნაცხარს მორიგი გმირობისთვის წაუჟაკაწმებია მკლავი. მეორისგან, არ დასცალდათ, თორემ ახალ ქრისტეს აცხოვდნენ კოჩია და ჟინი ანთარი. ხომ ვიცოდი, რაინაირი ეჭვიანის პატრონიც ვიყავი?! დანაკლისის დასაფარავად ფული მაღაზიის ნაცვლად შინ რამ მიმატანინა, ან დასაწვავ ოდაში რისთვის ავეყვი სათაყვანებელ რძალს?! როგორც კი გაშლილ სუფრასთან პირისპირ მსხდომი გვიხილა კოჩიამ, თავში სისხლი აუვარდა. მოღალატე და ბნელსისხლიანი მიწოდა ერთგულს. აკენიდან ამოგლიჯა ბონდო და დიაცური წყველით ჭოფიას ბორნისკენ გაღრიალდა.

გონს მოდი, უბედურო, მე რომ მწირავ, კარგი, მაგრამ ღვიძლი ძმა მაინც შეიბრალე. დანაკლისის დასაფარავად ორომოცდაათი ათასი მოგიტანა, შენ კი რანაირად უხდი სამაგიეროსო, წიოდა ცირა, ან ჩემი ბონდოია სად მიგყავს?! ხომ არ გგონია შენგან მეყოლა?! შენ ვინ მოგცა მაგისი თავიო, უკიჟინებდა სახალხოდ აივანზე გადმომდგარი დედაკაცი. მოკლედ, რძალთან საქმის დაჭერაც დამბრალდა და ღვიძლების გადაკარგვაც. ღმერთი თუ გწამს, მითხარი, სად შემირცხვა თავი, ალალი ძმისთვის სად მიღალატია?!

— დაწყნარდი, შვილო, ნუ ნერვიულობ, მთლად გაუბედურებულს ნუ გამიშვებთ სამარეში! — აქსუტუნდა ცარო მუშუქია.

— ჭიჭე კვეკვემ მოწამლა ჰაერი! — თქვა ნოჩო ჰალიძონიამ. „დის ცოდვა გვდევნის!“

— აბა, სხვა ვინ გადაამატერებდა ღურუს! რახან თვითონ ბილწია, ყველა წარწყმედილი ჰგონია.

აცდუნა არდაშელმა დედაშენი და რა ქნას აწი საბრალომ, საყვარლობსო, ეჩიინებოდა გამუდმებით. საბუთად ჩემს გულკეთილობას მოიშველიებდა.

ეგრე რომ არ იყოს, რატომ აძლევს გრძელვადიან სესხებსო, გესლავდა. ჯენ კანტორის ფანჯრის მინები ჩამილევწა, მერე კამეჩებსა და ძროხებს კუდები დაჭრა, პაპისეული ვენახი ამიჩეხა. ესეც არ მაკმა-რაა, ჭიშკარი მომპარა. რამდენი მოვუთმინე. — მხრებში ჩამძვრალი არდაშელი სუფრას ხელისგულებით დაეყრდნო, — მილანდარის გაუბედურებას შევარჩენდი განა! არ გვედგომებოდა ერთ სოფელში, ასეა დღესაც! ან — მე, ან — ის! ეჰ, ჩვენს ზეიმს ეკადრება წუწუნნი?!

— ჩემი წმინდანი მამა! — დაიხურჩულა ხანტურმა და ნოჩოევიჩის ქუთუთოებსაც მოსწყდა საგულდაგულოდ შეგროვილი ცრემლი.

ამასობაში პატრონის მარჯვენა ყურის წრიალით, გრეხით მიუშიშინადა კისერმოდრეცილი ძიკვა. ამღვრეულ ღელეში მოცოდვილე ღორჯოსავით აპლაკუნებდა პირს, უფროსს „არდა პატენით“ მიმართავდა და მეტს ველარაფერს ამატებდა.

როცა სახელს შეუშოკლავდნენ, არდაშელის რისხვა ცას სწვდებოდა, რის გამოც გულმავიწყი მსახურისათვის ბევრჯერ მოუკვნეტინებია ენა. ამჯერადაც მტკაველზე ლაშებგახეული ძიკვა გაღუნულ კისერს იჭით ცერს იშვერდა. არდაშელმა ცდუნებას ვედარ გაუძლო, მხარზე იობივით შემოფრენილ ნიკაპს აპკრა და ბონდოს საკვირველად დაგრეხილი მოჯამაგირეც მაშინვე გამოცოცხლდა.

— გიორგის ეძახის ჭიჭე კვეკვე. საქმეს თუ მორჩა, წამოვიდესო, შემოუთვალა, — თქვა ეს, როგორც მის მდგომარეობაში მყოფს მოუხერხდებოდა.

— გაჭრი, შე მრუდო, შენა! — ფერთხა და ფერთხა წელშიმოხრილს გამეხებულმა არდაშელმა და ძიკვამაც უკუსვლის იშვიათი ოსტატობით მოცოცხა მარმარილოს ბუხრისკენ.

საუბრის ეშხში შესული არდაშელი არაფერს დაიშურებდა, ოღონდ ბონდო ახლა დარჩენილიყო; გარიყულს მხარში ამოსდგომოდა სოფლის ჭინაზე; ხალხის გასაჭირი და საზრუნავი ფეხებზე დაეკიდებინა, მაგრამ მაგიდის კიდეს მაჯებით დაყრდნობილი ყმაწვი-

ლის განზრახვას ჰალიძონები კი არა, გალახული ძიკვაც მშვენიერად ჩასწვდა. ესეც არაფერი, „ნაინფარქტალი“ კაცი ერთბაშად დატყვევებული ხანტურის იერმა მოინელა.

„სად არის მისი სიამაყე!“ გაუელვა გონებაში არდაშელს და წასასვლელად აჩახმახებული გასაგონად ამისთვის შემოლიშველია ავადმყოფი ცოლი.

შენც რამე ურჩიეო, თვალებით გაესაუბრა ხანტურს, მაგრამ ბონდო წამოიმართა და ნოჩოვეიჩს რატომღაც ძიკვას დაბეჭვა მოუნდა ისევ. რისხვით სავსე მზერა ესროლა მოსამსახურეს და ყრუმუნჯების ხელებით დაწურული ძიკვას კისერიც, თითქოს კუს თავი ბაკანში გაუჩინარდაო, ბუხრის კუთხეს ღვედკეცივით აეკრა, მერე ქედდადრეკილმაც მასპინძლის გამოხედვის შესაბამისად ნელინელ გამოიჭყიტა.

— მაშ, წაუსვლელობა არ იქნება?!

— მელიან. სხვა ავადმყოფებიც მოსანახულებელი მყავს.

— თავადიშვილი ბრძანდები, არვინ გიჭერს. ეს გასაღები ჩემი ბინისაა. რუსთაველის პროსპექტი ხომ იცი, ლენინის ქუჩის გადაკვეთასთან, ხუთსართულიანი კორპუსი რომ დგას, პირველ სადარბაზოშია, მეცამეტე ბინა. მუშუქია აწერია კარს. წყალდიდობა დაცხრება და გამოგივლით. — მოსჭრა და გასაღების ასხმა მიაწოდა.

ბონდომ გამოართვა.

— რამდენიმე დღე წყნარად იქნება ავადმყოფი. ეცადეთ წარსულზე არაფერი ელაპარაკოთ. სანამ თვითონ არ მოითხოვს საჭმელს ნულარ მიაძალებთ. ორ-სამ დღეში ან მე შემოგივლით, ან წამლებს გამოგიგზავნით ვინმე ოდაბადელის ხელით, — თქვა და ხანტურიც ქუსლების აჩქარებული ბაკა-ბუკით გაეშურა კიბეებისაკენ.

არდაშელმა თავი ჩაქინდრა. ცარიელ ჭიქას აწვალებდა. ისედაც უზარმაზარ დარბაზს მალიმალ შემოჭრილი ელვა უსაშველოდ აგანიერებდა. ფანჯრის მინებს, ბროლის ვეება ჭალს აზანზარებდა გრგვინვა-ქუხილი.

მილანდარს ისევ ეძინა. ბონდომ შეახო ხელი. ქალი შეიშმუნა, თვალები გაახილა, გაიღიმა და ამჯერად უკვე ბუნებრივ ძალას მიწებდა. ყმაწვილი მასპინძლებს დაემშვიდობა და მარმარილოს კიბეებს აუყვა სემირამიდას ბალის მიმართულებით.

ისფერი ხავერდით გაწყობილ ბარს „იესო ქრისტე ზევარსკვლავის“ ჰიპ-ოპერა „ოსანას“* ხმებით ავსებდა. სავარძელში მოკალათე-

ბულ, გაბუსხულ ქალიშვილს ბონდომ დარდიმანდულად აუწია მარჯვენა და ზევ-ზევით მისდია საფეხურებს.

„აი, ეს ორი ურთიერთგამომრიცხავი ძალა მოქმედებს თურმე ყველგან, როგორც ოდაბადეში, ისე ბიოლოგიურ დონზეც. რა უნდა პირველს?! რა და მამიკოს მტრედის რძეში ნანავი, ფაფუკი სავარძლები Nates-clunes*-ისთვის. ხელის შევლებსა რომ გეშინია, იმდაგვარი ჭურჭელი. სპილოს ძვლით გაწყობილი როიალი, გარდერობი აბრეშუმის შრიალით. ძიკვას მოღუნული კისრის დამონება. წიგნები განსწავლულობის მოსაჩვენებლად, მარმარილო, Aure*, argentum*.

და კიდევ ჩემთვის დაფარული რამდენი უაზრო ჯანდაბა და დოზანა. კი, მაგრამ საიდან ყოველივე?! ვითომ გახა და ნოჩო ჰალიძონიების შეკოწიწებული ფულით?! აი, თურმე რას ებრძვიან ბაგი ანთარია და „ოდაბადე, როგორც ასეთი?!“

„ უყურე შენ, ერთიანად არ აყრილან ეს დედაგალღეტილები?!“ გაიფიქრა ბონდოს წასვლით ნაწყენმა და მოტორიანი ნავების სიმრავლით გაოცებულმა არდაშელმა. დაუცადა, ვიდრე მათი ატბეგებული ეზო-კარიდან გადათუხთუხდებოდა „ბაგის ფლოტილია“ და წვიმიანი ოდაბადე შეიმყუდროვებდათ.

ხანტურის მოფერება მოუნდა უცებ. ადრინდელივით დააწყნარებდა, დაუყვავებდა, გაამხნეებდა სულზე უსაყვარლეს ქალიშვილს და თავკერძა ყმაწვილის დაუსწრებლადაც მშვენივრად მოულხენდნენ.

ოდაბადე ენუგრის სამდლიანი მძვინვარების ჭრილობებს იშუშებდა.

ნაბორნალთან, რომელსაც სოფლის ცენტრი სამტოტა გზით უერთდებოდა, სატვირთო მანქანას მოაყენებდა ჯანდუ ქობალია. კაბინაში წამოპლაკული ამაყად გადახედავდა მაშველი რაზმის ბიჭებს, თითქოს ამბობდა. ჩემი საქმე წაღებაა, თქვენნი — დატვირთვაო.

შინმოუსვლელთა პარკის მხრიდან, სადაც მომძლავრებული ქარი მტვერს ატრიალებდა, მდინარის მორიყული ხერგისა და შოლარებისგან ასუფთავებდნენ ძმადნაფიცები იქაურობას. ლობეებიდან გამოჰქონდათ დამხრჩვალნი ძროხები, ხბოები და ზაქები, ღორები და ძაღლები, ათობით დეკეული და ათი ამდენი ქათამ-ინდაური.

სიგარეტს ნერვიულად ქაჩავდა ჯანდუ ქობალია. ხალტურაზე აგვიანდებოდა და გზის წვრილ კენჭებს აჩხრიალებდა. ბაგი ანთარიას ახირებას გაელიზიანებინა.

— სანამ ყოველ კუთხე-კუნჭულს წესრიგში არ მივიყვანო, კაბინეტში შემსვლელი არ ვარ! — თქვა, თვითონაც მკლავი წაიკაპიწა და აბა, სხვას რა ხერხს დააყრიდა?!

წახრიალდებოდა ბიძის სამოსახლარისაკენ ჯანდუ, სადაც ბულოზერს უშველებელი ორმოები ამოეთხარა და იქ ცლიდნენ მუცელგამობერილ საქონელს.

საშუალო სკოლაში ჯერაც არ განახლებულიყო მეცადინეობა. სწავლების ვადის გადაწევა სკოლის დირექტორისაგან განსხვავებით ბაგი ანთარის ნაკლებად ანალვლებდა.

— პროგრამა არ ვიცი მე, ბავშვებს ნორმალური მეცადინეობის პირობებს შეუქმნი?! კეთილი და პატიოსანი! არადა, იოლი გაძრომის იმედი ნურავის გექნებათ! — მოსჭრა და ბუნებრივია, საქმეების მიფუჩეება გაძნელდა.

დაწყებითი კლასის მოწაფეების ჩათვლით, უფროსკლასელებიც, მათი მშობლები თუ წოწნარით* ასაყენებელი ბებია-ბაბუები, ერთ-სულოვნად დაირაზმნენ.

ვინ სად ფუსფუსებდა და ვინ — სად.

ქალიშვილები გაზონებს აკოხტავენდნენ. ელას და მინაკას მოყან-ყალე ურიკათი ქვა-ლორღი ვაჰქონდათ შუკის ბოლოს. გედე ჭანია და ხელმარჯვე ბიჭები სოფლის ცენტრის ლიბომორღვეულ მესერს ამაგრებდნენ, აახლებდნენ, რომელსაც მერე ფუნჯებით ცისფრად ღებავდნენ მეჩაიე გოგონები. დაბობღავდნენ ხარაჩოებზე აბშილავები და ანთარიები, მესხიები და მუშუქიები, ქობალიები და ჭანიები. ცირა შკვითინიას მალაზიიდან ეზიდებოდნენ გაფუჭებულ საქონელს. რაიონული ცენტრიდან ჩამოვიდნენ პასუხისმგებელი მუშაკები. შეიქმნა კომისია, რომელმაც მისხალ-მისხალ აღნუსხა, შეაფასა ზარალი.

ერთი სიტყვით, დიდი და აპტარა ჰინანჰველებივით ფაციფუცობდა. საერთო საზრუნავს ბონდო ჰალიძონიაც ჭანჭიკივით მორგებოდა. ამ წამის შეჩერებას უსათუოდ ინატრებდა, „ფილისტერიზ ფაუსტი“ რომ ყოფილაყო, მაგრამ სულ სხვა ჭია უღრღნიდა შიგნეულს. უღელი თანდათან უძიძიდებოდა. აწრიალებდა უარესი ხვალინდელი დღის მოლოდინი. უკაცრიელ, წარმოსახვით კუნძულზე ნიჟარასავით გარიყულს ბუნებრივი წონასწორობა დაეკარგა. საჭემოშლილ ხომალს დაემსგავსა, ოკეანეში ბედის ანაბარა მიტოვებულს. ჰაიდაგერისეული შიში ძიძგნიდა და წესით, ხსნა სიცრუის დაგმობით რომ უნდა მოეპოვებინა, უფრო და უფრო ეფლობოდა უკუღმართობის

ონწყვეთისმაგვარ ლაქაშებში. აყურადებდა სასოწარკვეთით აწივლებულ მე-ს, რომელიც ქეჩოში ჩაფრენოდა და ახალი გადასახადებისკენ მიაჩაქჩქარებდა. სიყვარულის მომაჯადოებელი ტრამპლი ბინებდა იქ, მაგრამ აღთქმული ნაპირი რატომღაც იგვიანებდა.

ეს დღეები ჭიჭე კვეკვე ცხონდა. რას არ ლაზღანდარობდა, რას არ ქილიკობდა. ენგურის შეფუცხუნებას ბრალდებოდა ყოველივე: თუთურისა მოტალცება იყო ეს, ძუბა ჭანიას მოლუნული ფეხების ფათერაკი, თუ კემე ანთარისა ფიჩხის ლეგიონების განიავება. აცოცხლებდა დეიდების ტრიფოლიატის ღობის მიხრწნილ ძირებს, რომლისთვისაც გადარეულ მდინარეს მიეხერგა ენგურჰესის მშენებლობიდან კახა ანთარისა მოპარული ფიცრები, თუ სხვა მრავალი. აქვე ჩვეული ენაწყლიანობით გადმოსცემდა ძმადნაფიცების დარაზმულობას, მათ სამაგალითო გადაწყვეტილებას: ნებისმიერ უპატრონო ნივთს კემეს უსახსოვრებდნენ.

იღრიჯებოდა გაბერილი საქონლის გატყავებისას თუ ხარახურათა მფლობელების დადგენა-განსაზღვრაში. ყბელობდა, ჭიჭე კვეკვე თუ როგორი სამართლიანობით მიანაწილ-მოანაწილა ყველაფერი: თხილის ტკეჩით დაწნული კალთები, გიღლები ტარსრიალა თოხებთან და ბარებთან ერთად, შრომის გმირობისათვის მკლავებდაკარწახებულ კოლი ჭანიას არგუნა; სასროლი ბადე და რეზინის ჩექმები — ჭაჭია ქობალისა; თითბრის კასრი — გვიტ ანთარისა. მოკლედ, როცა წყლის მოტანილი წყალწყალა ხალხს მიაშავა და მიაშავა, ცირიბიასთვისაც მოიტოვა საკმაოდ მიფხრეწილ-მოფხრეწილი საწმერთული.

— იქნებ ოდაბადელები სასწაულს მოვესწროთ, — ხიხინებდა ჭიჭე კვეკვე, — ჯიმაიამ დაია-რძალი დაინდოს, მოყვარემ — მოყვარე და მეზობელმა — მეზობელი!

ისევ შკვითინხეს სამოსახლოს უბრუნდებოდა, რომელსაც მამველი რაზმის წევრები ვიდრე ღობესა და ჭიშკარს ურემონტებდნენ, „ძუბას წმინდა გიორგი ჭიპს თვინიერად ჩაუბრუნებდა“.

არა, რაღაც ხდებოდა ოდაბადეში, აქამდე უცხო, ჯერ არანახული, გაუგონარი. ენამრუდობდა ჭიჭე კვეკვე დუყლა ანთარისა ნაწისქვილართან თუ ჭოფიას ნაბორნალთან, სატანჯოელების ორმოცის სამზადისსა თუ კერიას ლაჯებშიშვერილ ქალებში. ისე კი, შინმოუსვლელოთა პარკში ბონდომ მართლაც მოუხშირა სიარულს. უკვე წყალიდობის დაცხრომის მეოთხე დღე იყო, მაგრამ მაინც ოდაბადეში ტრიალებდა. ინსტიტუტში გაცდენილ ლექციებს აინუშიაც არ აგდებდა.

„ტყუილად ვმიშობ. იმ ფულს კიდევ ერთ წელიწადს ხელს ვერა-

ვინ ახლებს. ამათი კანონმდებლობით ის წიგნაკები ჯერჯერობით ფარატინა ქალღლებია, სხვა არაფერი. არადა, ვალდებული ვარ ჟინი ანთარის სახელით სოლიდური საჩუქრები გაეუმზადო ნახევარძმებს. თუ ცოცხალი აღმოჩნდა, მამაჩვენი, ამ საქციელით ქარაგმულად მივახვედრებ, რომ მისი ანგარებიანი სიყვარული ზედმიწევნით ამომიცვინია; ძირის-ძირამდე ჩავმწვდარვარ, უსახური, მაგრამ კანონიერი მემკვიდრეები რისთვისაც მოიძულა და და სანაცვლოდ ფრთოსან ჰინანჰველად სახელდებული ბუტუტი, იგივე სიცოცხლემისჯილი ბონდო ჰალიძონია, რა მოსაზრებით გავუღმერთებთვარ. შენი შეფასების კრიტიკურიუმი იქაც და აქაც სხეულებრივი უპირატესობებით შემოიფარგლება, რაბი. რომ არა ეს პრივილეგიები, მეც მათსავით გამწირავდი გონჯსა და ხეიბარს. ნუთუ ეს არის შენი სამართლიანი მოძღვრება სულის აბსოლუტიზმსა თუ ყოვლისმომცველობაზე?!”

ოდაბადეს გაზაფხული ძალას იკრებდა. ხეში წყალი ჩადგა. ჩიტმა ჩიორამ საძირკველი გადგა. მოფრინდნენ პირველი მერცხლები. მზე აქტივობის ზენიტისკენ მიიწევდა. სხეულს ახალვათებდა, ტანს ამსუბუქებდა და აქამდე ბიჭურად შემოსილი ხანტური, ხან წიგნის თაროებს წაეპოტინა, ხანაც ფორტეპიანოს ოქტავებს შეებრძოლა; ზოგჯერ ჭადრაკის დაფას ფეხმორთხმით მიუჯდა, აქა-იქ ციტრუსთა ნარგავებში მტრედები ააფარფატა; სად ქერქენჯს შაქარი მიართვა პეშვით, სად ბომბორა ძაღლები ააწკმუტუნა და ახტუნავა დაპურების მოლოდინში; როდის პუტას და ძიკვას მიეშველა წყალდიდობით წარყვნილი ეზო-კარის მოწესრიგებაში; მოგვიანებით შლანგით მორეცხილ კორტზეც გაქროლდა შორტებში გამოწყობილი, ერთგან კიმონოთი გამოცხადა სარკეს, საჭიდაო ლეიბებს, კიდებიდან გადმომდინარე, ჩაცისფერებულ აუზს კი ყოველთვის თრთოლვით ჩაუარა. შადრევის ჩქერილებს განერიდა. ვერც მოხასხასე წყალს მიახვია ხელები. მოკლედ, ხანტურის მარჯვენა მკერდის ყინული ვერ იქნა და ვერ გალხვა.

გაორებული ჰალიძონხე ხვდებოდა, რომ ბონდოს დასაკავებლად არც ფოჩიანი კაბები და ბრჭყვილა საგნები კმაროდა, შველოდა რამეს, აღარც „აკაის“ მფირმის მაგნიტაფონი და იშვიათი სლაიდები და ვებერისეული „იესო ქრისტე — ზევარსკვლავის“ ჰიპ-ოპერა. თანამიმდევრულად უფასურდებოდა ქალიშვილის გარშემო უფლისწულის მისატყუებლად ფაცერივით დაგებული ფეტიშები. დადუპული ხომალდის მგზავრს დაემსგავსა, რომელიც მაშველი რგოლის ანაბარა დატივტივებს ოკეანეში და ხელისგულისოდენა საყრდენი მი-

წა თავს ურჩევნია. ასეთი ციკაბო ნაპირი ხანტურისათვის ბონდლო მოჩანდა თვალსაწიერზე. ამიტომაც ყმაწვილის საქმიანი ვიზიტები და მარმარილოს ქანდაკების სახის სიცივე წამებად ექცა. ვერც დადგა, ვეღარც წამოჯდა და წამოწვა. სკოლა, მეცადინეობა, წიგნები სულ ამოიყარა გულიდან. წარამარა ნივთებში იბლანდებოდა. ფეხს წაჰკრა ვდა უდიერად, რამდენიმე მეტრით მოიშორებდა, მაგრამ მაინც მათი მაგნიტური არედან ვეღარაფრით გაედწია. ბონდოს გამოჩენამ ადრინდელი მიმზიდველობა წარსტაცა ყოველივეს. აქამდე ჰინკებისა და სამშვენიერების ტყვე ქალიშვილის თვალეები ჰიშკარფარშავანგს მიეყინა ნელინელ, თუმცა სტუმარი თავისი ხუმტურით დადიოდა, ხან დილით შემოივლიდა, ხანაც — ვახშმის მერე. რამდენიმე წუთით დახედავდა ავადმყოფს და იქაურობას უხმოდ გაეცლებოდა. აღიზიანებდა ხანტურს თუთურის გაპარვის გამო შინამოსამსახურე დაძმის პუტუნი, მილანდარის მომჯობინებისა და სატანჯოელების უბედურების თობაზე ბებია-ბაბუის მასალათი; სულს უწეწავდა დედის გამოთაყვანებული იერი. ძარღვებს უშლიდა მამის გაუთავებელი ბოლთის ცემა. მოვიდა ბონდო და ცხოვრების ხალისი წაერთვა. ისევ ბიბლიოთეკის თაროებს შეაბობდა, წიგნების ციღისსისქე მტვერი შეიყნოსა. როგორც იქნა გაიგო, ვინ იყვნენ ელენე მშვენიერი და ჰამლეტი. ზოგჯერ სემირამიდის ბაღშიც იბორილა, ჰამაკში წამოწოლილმა ოცნება სცადა, მაგრამ გული ვეღარაფერს დაუდო. მერე აბაზანა მოეპრიანა, მესამე სართულზე მოთავსებულს, ამრეზით შეავლო მზერა. ბონდოს ნაწოლ ვარცლში ინებივრა. ჩეხურ კაფელს ლოყა მიახუტა. აბუმბულეებულ წყალს ეალერსა. გარდერობის დანაფტალინებული ტანსაცმელი დიდხანს ახარისხა და ბონდოს დაწუნებული აგუგუნებულ ბუხარში შეყარა. ბონდოს ნაცვამი ძველმანები სასთუმალთან მიიახლოვა. მისი ხელების სითბო შერჩენილი ნივთები შემოიკრება.

მიფატუს უბანში, ენგურის ტოტის გაყოლებაზე, ოდაბადელებმა ჯებირის მშენებლობას მიჰყვეს ხელი. მდინარემ ისევ დაიკლო და ახლა კაცი თუ ქალი, ბავშვი თუ მოხუცი ჯვარზენიდან კახა ანთარის მიერ წყება-წყებად გამოგზავნილ ბეტონს დასტრიალებდა. თვითმცველები ტვირთისგან გათავისუფლდებოდნენ თუ არა, დამითაც, ელექტრონის შუქზეც, ტუმოჰყლეტილი ვედროებით, ურიკებითა და ჯალამბრებით ჯებირის ტანში დუღაბს ასხამდნენ. მერე სატრფიალო ტირიფების ძირას, დაშრეტილი ნაკადულის პირას დანთებულ კოცონს შემოუსხდებოდნენ, კემეს მოზიდულ ფიჩხს ბლომად დაყრიდნენ და სიცილ-კისკისში იცრიცებოდა წკვარამი.

აქა-იქ ზღვისპირეთისაკენაც აიყრებოდნენ. განრისხებული სტიქია მთისხელა ტალღებს მოაგორებდა. ბონდოს მეტი ვერავინ ბედავდა შიგ შესვლას. ნაპირზე დარჩენილი ქალ-ვაჟები ზვირთებს შეთამამებულ ყმაწვილს ზღვის ღორების გამოჩენით აშინებდნენ, ის კი არხენად ეთამაშებოდა დელფინებს. ზღვის ფსკერიდან ოდაბადელებისათვის უცნობი ლამინარიები* , აქტინიები* და ნიჟარები ამოჰქონდა. ნადავლს სილაზე დაყრიდა. ნელთბილ ქვიშას ჩაეხუტებოდა. თვალებს დახუჭავდა და ხანტური და ცირა შეკითხვით იმწუთასვე გამოქანდებოდნენ მისკენ. ხელგაშლილები გამორბოდნენ, გამორბოდნენ. ქარს მიჰქონდა მათი ლბილი, კონტრასტული დალალები. როდენის საჭრეთლით გამოცოცხლებული და ძაძვით დაძონძილი სხეულები ზეფირებში შეცურდებოდნენ. კვლავ ქვიშას ჩაეხუტებოდა ბონდო და გარინდებული ამხანაგებიდან ერთიც ვერ ბედავდა შეხმინებას.

ჯანდუ ქობალიას სატვირთო მანქანით ბრუნდებოდნენ სოფელში. ლაზღანდარობდნენ. ათას საოხუნჯოს ჰყვებოდნენ, თუმცა ახალგაზრდას სევდა დლითი დღე უძლიერდებოდა. უცნაურ ჩიხში მოემწყვდა. ასე *Buthus Eusorpius*-ს* ცეცხლის რკალში შეაგდებდა ჟანი ანთარი ხოლმე, რათა უეჭველი განსაცდელის წინაშე დარჩენილი მცოცავის ინსტინქტი ზედმიწევნით აღეწერა; გაერკვია, სიცოცხლეს თვითონ ისწრაფებდა ნამდვილად, როგორც ამას მწერალი გვიხატავს, თუ ყველაფერი ფანტაზიის ნაყოფი, შეთითხნული ჭორი გახლდათ. ბევრჯერ უხილავს ბონდოს ბოლოაპრეხილი მორიელის ცოდვილობა. იქნებ შხამიანი კუდით საკვლევი ობიექტის მიერ საკუთარი თავის დაგვევლა-განადგურება ეჩვენებოდა მხოლოდ და რეალურ სინამდვილეს ნაკლებად შეესაბამებოდა, მაგრამ სად ასპიტი და სად — ბონდო?! მას ხომ სიყვარულით ეთაფლებოდა ბაგე?!

განჭვრეტელ ბედისწერას, რაც უფრო მეტად უღრმავდებოდა ჭაბუკი, მით უფრო ისტუმრებდა თავდავიწყების მორევისკენ ხაბოსპირი ფრთოსან ჰინანჰველას. თითქოს სატანჯოელის შეცდდომის გამოსასწორებლად მოვლენილი უსხეულო არსება ყოფილიყო. ნახევარი საუკუნის წინათ ჟინი ანთარის გაუთხრელი საფლავი ნელინელ ჭანგებში იმწყვდევდა და თუმცა სემირამიდის ბაღიდან ხანტური ეციმციმებოდა, ჭყონდიდის ძირას ოდაბადელები ესათნობდნენ, შინაგანად მიანც ობლად გრძნობდა თავს. წუხილს ვერც ცირასთან

შეხვედრები უქარებდა. პირიქით, დედის სამოწყალო იერი ჭრილობებს უღრმავებდა. სუნთქვა შეეკვრებოდა შავოსანი ქალის მნახველს. გვერდის აქცევის, გარინდებს ძალა წაერთმეოდა და მაინც. მშობლის თვალებიდან დაბალუბით წამოსულ ცრემლს წამით შეუყვრნდებოდა. სკვითინხეც ყასიდად გულს შეიღონებდა, რათა მახლობელ ოჯახამდე ევლო შვილის მკლავზე ჩამოკიდებულს. იქ, ჭიშკართან, გამორბენინებულ ვენურ სკამზე ჩამოისვენებდა. ცივ წყალს აპკურებდნენ. კატაბალახას წვეთებით მოასულიერებდნენ. არ იცოდა ბონდომ, რა წყალში ჩავარდნილიყო. გაემხილა ვინაობა ხალხისთვის, ზნეობადაცემულის სამარცხვინო ბოძზე გაკრულიყო, მართლმსაჯულების სკამზე დამჯდარიყო, თუ კიდევ რაღაცას დალოდებოდა, რაღაც უეცარი ცის გახსნის იმედით ესულდგმულა.

ყმაწვილის საკენესელს ვერც ძუბა დედილოს დაყვავება შველოდა რამეს და, ვეღარც ჭოფია ანთარიას დაქინებული თვალთვალი, აბსოლუტურად უძლური იყო აქ ოდაბადელი ცირების ბროლის კბილების შემოშუქება, ფონენდოსკოპსა და წნევის საზომ აპარატს ამოფარება, თუ ხანტურის სიყვარულით დამდნარი გამოხედვა და კერძის გადაღებისას ხელის ნაუცბათევი შეხება.

ხეტიალი დასჩემდა. ძმები ანთარიების საფლავებთან წრიალებდა. ჭიჭე კვეკვეს უამხანაგდებოდა.

— პარკის მოვლა არავის დაუვალეზია ჩემთვის, — უთხრა თავისუფლების ოცდამერვე დღეს ბონდოს ჯიმაყონერმა, — ეს ყოველივე თითქმის ბუნებრივად მოხდა, სასაფლაოზე სისტემატური სიარულის შედეგად. აბა, უშვილძიროს მეტი რა ღამრჩენოდა?! თავიდან ავადმყოფ ხეებს ვპატრონობდი. ჩამომტვრეულ ტოტებს მოვაშორებდი. შემდეგ საღსალამათ ნერგებსაც მოვეფერე. მერე და მერე ამ მიწისფერ ხელებს ბარიც მოუშინაურდა და თოხიც. ღიღინ-ღიღინით გარშემო ვუვლი ხეივანს. თითოეულ ხეს თავისი სახელი ჰქვია. ეს ორი, მაგალითად, ხვიჩა და გოჩა ანთარიები არიან, ძუბას ტყუბისცალი ბიჭები. ცელს, კირს და კუშტადშეკრულ ცოცხს დავუძმობილდი. მოკლედ, ისე შეუშინეველად შევეჩვიე კაკლოვანს, რომ ახლა უჩემოდ აქაურობის წარმოდგენა ოდაბადელებს ნამდვილად გაუჭირდებათ.

ეგ რა ტომარა ამიკიდიან?! არ დამკვირვებხარ, თორემ ტომარააკიდებული აქამდეც ბვერჯერ გინახივარ. ამისთანა ჭვალო ათეულობით გაცვეთილა მტრედების საკვების შეგროვებაში. დავუყვები შუკებს, დავკაპანდები. ზოგ წუწურაქს კეციდან ავტაცებ მჭადს, ზოგიც

თავისით დაფაცურდება. შინმოუსვლელთა პარკში დროულად შემვეხეტები. ოდაბადე ერთადერთი სოფელია მთელს სამეგრელოში, რომლის ოდა-სახლის სახურავებს მხოლოდ სილამაზისთვის როდი დასტანებია სამტრედიები. გაგიძნელდებათ აქ ძირძველი ოჯახის პოვნა, რომლს აივანი ან მტრედს შემოსწყრეს, ან კიდევ — მერცხალს, მაგრამ ხსენებულ სიკეთეს ვინმეს ჭერი თუ ნაკლულობს, ყოველი უბედურება — მოსავლის ზარალია ეს, საქონლის სიბერწე თუ ნიკრისის ქარების მოხშირება, სულ უმერცხლობას და უმტრედობას ბრალდება. უფრო დიდი ცოდვა დაატყდება თავზე იმას, ვისი პეწენიკა რძალი დასკინტლული მოაჯირის ან ბუმბულცვენის გამო, ბუდეებს მოუშლის, როგორც ერთს, ისე — მეორეს. მერე სარტყელზე უკურნელ ჭრილობებივით რჩებიან ვერცხლისფერი რკალები. ამისთანა ბოროტადამიანებს მტრედების მოდგმაც წლობის ამოირეცხავს გულიდან და როცა წაკინკლავდებიან სადმე, უმთავრესი წამოსაყვიდრებელი, სწორედ რომ ეს უმერცხლობა და უმტრედობაა. ამიტომაც ზღვაურისაგან მიმყუდროვებულ კედელზე ფანერის კოლოფებს მიაჭედებენ. ლელისპირას დაპუტულ სარდიკიას* და უნასივით მიწა-მიწა მცურავ მაფატიას* ბუდეში ჩაუფენენ.

ჭიჭე კვეკვე, დედალ-მამალი მტრედი გვისახსოვრეო, შემევედრებიან და ოჯახს სითბო ემატება. მაგრამ ჩემოდენა მშვიდობის მაუწყებელი ფრინველი არავის ჰყავს. ღამით ოდაბადელებისას ღუღუნებენ, ღღისით კი უკლებლივ მომაკითხავს ყველა. რანაირი ფერისას არ ნახავ აქ?! ოქროს ფრთებიანს, აი, შენი და ცირიბიას კულულები რომაა, იმდაგვარს. ნახავ წამოზურცულ მკერდთან მწიფე ხართუთისფერი სხივები რომ ექსოვებათ, იმისთანებს, თუ ალაგ-ალაგ დაწინწკლულებს. ცისფერებსაც შენიშნავ, რომლებიც აღმაფრენისას სხვებზე ადრე ერწყმიან ცარგვალს. იხილავ იასამნისფერებს, თალხებს, კუპრისფერებსაც. დამერწმუნე, მათ სიკეთის კალთა იფარავს სათითაოდ. ამდენად, დაშვდება რამე თუ განვაცხადებ, რომ მთელს ოდაბადეში, აი, ამ მიწისფერი პეშვით გამოზრდილი მტრედები ბუდობენ-მეთქი?!

— კი, მაგრამ ფრჩხილები რას მიგიგავს?! ქვეყანაზე მაკრატელი გაწყდა?!

— ეჰ, ფრჩხილები, ფრჩხილები... მთავარია შუბლი იყოს სუფთა. დანარჩენს ეშველება. ჩემს არსებაში, გიორგი, გაერთმნიშვნელებულია ხეივანი და სასაფლაო, მტრედი და ყვავი. ასე რომ, ძნელი

ამოსაცნობია, რომელი გახლავთ ჩემი სულის გამობრწყინების ალჩუ და თოხანი, შენთან ნარდის თამაშისას გამოვლენილი ენამკვერობა, მტრედების შეგვარება თუ ყვარებისმ წვრთნა. „უკუთუ თუალი შენი მარჯუენე გაცთუნებდეს შენ, აღმოიღე იგი და განაგდე შენგან, რამეთუ უმჯობეს არ შენდა, რა თა წარწყმდეს ერთი ასოთა შენთაგანი, ვიდრე არა ყოველი გუამი შენი შთავრდომად გეპენიასა. და უკუთუ მარჯუენე ხელი შენი გაცთუნებდეს შენ, მოიკუთუ იგი და განაგდე შენგან, რამეთუ უმჯობეს არს შენდა, რა თა წარწყმდეს ერთი ასოთა შენთაგანი, და არა ყოველი გუამი შენი შთავრდეს გეპენიასა“. მათესთვის რომ მეგლო ყური, ჩემგან ნახევარიც არ დარჩებოდა და ნახევარი კაცი გინდ სამოთხეში ყოფილხარ და გინდ ჯოჯოხეთში. გველებს ვუნახავ და დასაჭედ ხარ-კამეჩებს თვალის ერთი დაკვესებით წავაყირავებ ხოლმე. ჭინკების გაჩენილი სასაფლაოდან გვარიან შეთენებულამდე ვერ გამოვტეულვარ. საკმარისია სისხამზე შუკაში გამოვჩნდე, რომ გადაუდებელი საქმისთვის შინიდან გამოსული მგზავრი მაშინვე ფეხს აითრევს. მიტრიალდება, თითქოს რაღაც დავიწყებოდეს. ვიცი ეს ყველაფერი და გზა რომ არ გაუმრუდდეთ, სულ უკაცრიელი ბილიკებით მიწევს სუნსული. მებრალვის ხალხი! — ჭიჭე კვეკვეს თვალები უცნაურად უელვარება. წყუნაჭამის მსგავს კბილებს მალიმალ გამოყრდა, — აბა, ჩემს გამოჩენას ტყუილად აბათილებენ დეიდები საჯდომზე პწკენით?! ჩემი ნამდვილი ფასი დროულმა ოდაბადელებმა უფრო იციან. მიცვალებულთა მათუფუნებელს მეძახიან. კოჩიას ცხედარიც მე არ ჩამოვხსენი ბჟოლიდან?! არადა, იმისთანა საინტერესო მკვდარი ჯერ არ შემხვედრია. თავის მოკვლის ათასგვარი საშუალება არსებობს, გიორგი. ეგვიპტელები შხამს ანიჭებდნენ უპირატესობას. ბერძნები და რომაელები თბილ აბაზანში მაჯის გადაიფატრავდნენ ხოლმე. თავის ჩამოხრჩობა კი, ჩემის აზრით, წმინდა კოლხური მოვლენაა. წელზე ქამრის შემორტყმაც ყოველივეს გვიდასტურებს, ვინაიდან ადრე მისი ადგილი, წესით, თოკს უნდა სჭეროდა. უსაფუძვლოდ როდი გვცინებს ისტორიკოსი: მეგრელს თოკი იმისთვის შემოუხვევია წელზე, რომ ან ცხენი მოიპაროს, ან კიდევ ვინმე გაბაწროს და თურქებს მიჰყიდოსო. თოკი პირველად, ალბათ, იქ დაიგრიხა, სადაც უხვად მოიპოვებოდა ჯაშქვიდუმ, ლაფანი, კანაფი და სელი.

- განწირული ვყოლივარ. *Ex arena funiculium nectis**.
- გამოცდილება მალაპარაკებს, თავის მოკვლა ან უეცარი ხასი-

ათისაა. ან ხანდაზმული, ნაყოყმანებ-ნაჭოჭმანები. საბოლოო ჯამში, ერთიცა და მეორეც უიღბლო, მარცხიანი ბუნების ადამიანის ლოგიკური გადაწყვეტილებაა. ასეთი ხალხი სულიერი დეპრესიის კულმინაციურ ფაზაში კვებასაც შეწყვეტს ხოლმე. ჰმ! სხეულის სისპეტაკისათვის ზრუნავს! სიკვდილის აქტი, როგორც წესი, ახლობლებისგან მოშორებით, სამზადსა ან თავლაში ხორციელდება, სადაც მრავლადაა ოჯინჯალე და ღირეები. ეს კომფორტი ჩანს, დრომ მოიტანა, თორემ იგი ადრე იგი ბუნების წიალში უნდა მომხდარიყო. გავიხსენოთ დასაფლავების ძველ-კოლხური ჩვეულება. ჩვენი წინაპრები მიცვალებულს ხარის ტყავში გაახვედნენ, ახალგაზრდა ხეს მოდრეკდნენ, თოკით მიამბდნენ ზედ და ხორცითაც კი ცისკენ ასწევდნენ. თავის ჩამოხრჩობაც სწორედ ცადამალეების ქვეშეცნეული მცდელობაა. აჰა, ჩვენი საუბრის გმირი გულდინჯად განასკვავს მარყუჟს, ყულს იმდენად შემოლიჭერს კისერზე, რომ თვალეში სისხლი მოაწვეს. ამით გადარჩენის შანსსაც გამორიცხავს და რაც მთავარია, ტანჯვის მომენტსაც უკიდურესობამდე ამცირებს. მერე წაფრინდება და წაფრინდება. ხელ-ფეხის რამდენიმე გასავსავება და ჭიჭე კვეკვეს საქმეთათვისაც გახაზირდება. ადრეც გეუბნებოდი, ჩამოხრჩობილის ყულს წითელ ზოლად აჩნდება თოკის ნაკვალევი, მხოლოდ კოჩია იყო გამონაკლისი.

სიკვდილის შემდეგ დაკიდებულს ჰგავდა-მეთქი, ასე გავიძახოდი აქამდეც და ახლაც იგივეს ვამტკიცებ. დაცდილი მაქვს, გამეცლები თუ არა, მაშინვე უცნაურობებს გადავეყრები. აი, მაგალითად, გუშინ, როგორც კი მილანდარისკენ გაემართე, მოვფხიკე ბარგი-ბარხანა და სოფლის ცენტრს გავუპირდაპირე. სიგარეტი შემომაკლდა და ცირიბიას მალაზია ღია თუ იქნებოდა, რამდენიმე კოლოფს ვიყიდდი. დუქანთან ოციოდე ოდაბადელი შეკრებილიყო. ისინიც შკვითინხეს მოსვლას უცდიდნენ. კინტირია გაეგზავნათ შენი მიჯნურის მოსაყვანად. ებრალებათ, მაგრამ მალაზიის გარეშეც უჭირს ხალხს.

ჩვენი ფარეხიშ მარკმელთან უკვე მეშამედ შევნიშნე ოჩოკოჩიშ ნაფეხურებიო. ჩიფჩიფებდა ცხენის ტორით დაკუჭუჭებულ ტუჩებში ჭაჭია ქობალია.

შაკვირველი იშიჩ არიშ, რომ აშეებულმა ჯალლებმა ვერაფერი იგუმანეშო. დაღამდება თუ არა, შადგომში შეიჭურჭებიან. რა ჭკმუტუნი, რიშ ჭკავჭკავი, ყფაყფე ხომ შაუბარჩი შედმეტია. კულამოჯუებულთა ჩამიჩუმშარ ვერ გაიგებ კაჩი. შანამ ტელევიჟორი მუშაობდა შხვა ამბავი იყო, მაგრამ ახლა, როჩა კერიაშთან მაშლაათშ მოვრჩე-

ბით, ტახტებზე მივეგდებით და კოლი ჭანია განიშ ხერხშ დაქოქავშ, ნურაშ უკაჩრავად. ფიჩხიშ გატყდომა ან თავეიშ გაფხაქუნება რა მოშატანია, როდე შაჩ შაკუთარი ბალანიშ აშლიშ ხმაც მეშმიშო.

დაწვრილებიხ იმიტომ მოგიოხრობ ამას, რომ ფინალია მეტად საინტერესო.

კოლია ჭანიაშ ქირქილიშთვიშ მხალიაო შჭორედ! ურჭმუნომ ხეშ და ქვაშ უხათქუნოშო თავი. ყორბა-ყორბა ნატერფალებშ მივეშლიეო დლიშით. ონჭყეშიაშ გაუვალ ჭორომებთან მიმიყვანაო შამივეჯერ. ჭყეული შატანჯოშკენ უმოკლეში გეჩაჩ ხომ იქითკენ არიშო. მკვდრებშ შულეებშ გაფიჩებთ, თქვით, იმ ჭაობშ ღამით კი არა დლიშით გაივლიშ ჟინი ანთარიშ მეტიო. ჩემჟე უკეთ იჩით, რამდენი კამეჩი და ჭროხა ეყოლება გადაყლაპული. ბაგიშ მოშვლაშ ველოდები. როგორ, იმ დაშაკვავში ყურყუტი მომეშაჯა განა?! შემინაჩვლებშ ვინმეშ და მიში ჭირი შემყროდეშ, არადა, დავკრავ ფეხშ, და ტურა-მლეებშ შაჯიჯგნად დავაგდებ კოლი ჭანიაშაჩ და თქვენშ მობარებულ შაქონელსაჩო.

მოკლედ, ის ნაფეხურები, ჟინი ანთარის იყო, ამტკიცებს ქვეშაფსია. ვეიქრობ, ჭაჭიას მოთხრობილს რალაც საერთო მართლაც აქვს კოჩია ჰალიძონიას კისერთან. უცნაურობები ვახსენე. ვიყიდე მაღაზიაში ერთი ბლოკი „კოლხეთი“ და დავადევი თავი ჭყონდიდისკენ. ვზივარ დანებით აჭრელებულ მერხზე. ვეწევი, თან ცხონებულ ლაღი ჭანიახ ვიხსენებ. უცებ ხოჭოსავით „ოცდაოთხმა“ არ მომამუნრუქა ზედ?!

ოდაბადელი ხარო, მეკითხება მანქანიდან გადმოუსვლელად გრუზათმიანი მძღოლი.

კი, თქვენი ჭირიმე, ოდაბადელი-მეთქი.

ბონდო ჰალიძონიას სახლს ხომ ვერ მიმასწავლითო, ახლა ხმელხმელმა.

ბონდო ჰალიძონიასთან ჩემი მტერი მისულა-მეთქი.

რატომო, ჩამაჩინდება სქელკისრიანი და გაკვირვებით გადახედავს გვერით მჯდომ წრიპას.

რატომ, გენაცვალე, და ცეცხლში დაიბუგა ის საცოდავი. ამ დღეებში ორმოცია-მეთქი.

დასწყველოს ღმერთმა, ეს რა უბედურება მომხდარაო, სქელუამ. ცოტა ხანს ხმას არ იღებენ, მერე ისევ მე დავარღვევ სიჩუმეს.

თქვენ რა განიტერესებთ. იქნებ მე დაგეხმაროთ-მეთქი.

როგორ მოვიქცეთ, ჩიტაო, ჩაეკითხება გამორილს ძვალკანა.

რამეს ვიღონებთო, თონთლომ და მანქანას დაქოქავს.

მშობლები თუ დარჩა ცოცხალიო, ჩამომხმარმა.

დედა ჰყავს-მეთქი და კიდეც ძმა. დურუ ჰალიძონია ხომ გავიგო-
ნიათ, ხონის კოლონიაში რომ იხდიდა სასჯელს, ჰოდა, მაგი-მეთქი.

მაშ, დურუს ძმა იყოო, ჩიტამ.

გახლდათ-მეთქი. როცა ნებით არ გამოუშვეს სატირალში, დაჰ-
კრა ფეხი და პატიმრობიდან გაიქცა, თუმცა ძმის დატირება მაინც
ვერ მოახერხა, ვინაიდან მთელი ოდაბადე ძაღლებით იყო სავსე-
მეთქი. დედამისს ხომ არ ინახულებდით? ახლახან გაალო მალაზია-
მეთქი, მივაყრი სხაპასუპით, როცა შეკრთომას შევატყობ ერთსაც
და მეორესაც.

ამისთანა უბედურების შემდეგ უხერხულიაო, ჩიტამ.

ორმოცი როდისთვისაა დანიშნულიო, ხმელ-ხმელმა.

ცხრამეტში, ცხრამეტ თებერვალს-მეთქი. მინდოდა კიდეც რა-
ღაც-რაღაცეები მეკითხა, მაგრამ მიატრიალეს მანქანა და ისე გაშ-
ნენ, ნომრის დამახსოვრებაც კი ვერ მოვასწარი.

— რისთვის მოატყუე?! — თვალი თვალში გაუყარა ბონდომ.

— გგონია ავხსნი? მაგისთანა ლაყობით არ შევყარე ინფაქტი არ-
დაშელს?! არ გასდის, არ ეპარება ვითომ ქვედა დერეფნებიდან?! მი-
ყურადება, დასმენა და დაპანიკება სათაკილო რომ ყოფილიყო, არც
ჟინი ანთარი გაიხდიდა ხელობად და მით უფრო — მამამერთი ჩვენი,
მაგრამ მოდი, ისევ დაწყებულ საბუარს დავუბრუნდეთ.

გიორგი, როგორც კი აქაური კაცი გარდაიცვლება, გინდა კუ-
ზიანი იყოს, გინდა ბრუციანი და კოჭლი, ჩემთვის ამას არსებითი მნიშ-
ვნელობა არ გააჩნია, ისეთნაირად გავრანდავ და მოვალაზათინებ, რომ
გედე ჭანიას შალაშინს შეშურდეს. მკვდარს მარტოდმარტო ვაპატი-
ოსნებ ხოლმე. როცა ჭირისუფალს დავითხოვ, გავლადები, მხრები
და ხელები ამითამაშდება. ნამდვლ სასამართლო პროცესს ვმართავ,
ოღონდ ეს არის, ჭიჭე კვეკვე ბრალმდებელია, ტორონჯია — ვეჭილი
და წიწიკაკვა — მოსამართლე. მერე ჯამდება, თუ რამდენი მოუხანი-
ებელი ცოდვა მიაქვს გალმა, რამდენი ქვაზე დადებული სიკეთე რჩება
გამოლმა. როცა ავკაცურ საქმეებს ადამიანური ნამოქმედარი ძვრა-
საც ვერ უზამს, ჩემს ადგილზე კარგთა სულების ხსენებას მოჰყვებო-
დი შენც. ვისაც მუხლი მოვუყარე და ფართო შუბლზე ვეამბორე,
ცხონებული ლადი ჭანია იყო. დანარჩენს?! ამ მახათივით თითს ხომ

ხედავ?! ჰოდა, მუცელში დავატაკებ ვგრევე. ფორმალინს, იგივე ჭიანჭველამჟავას აღდეჰიდს, ზოგ განსპეტაკებულს ენის ძირიდან შევუყვან ნეკისისხო ნემსით, ზოგს ჭიპლარიდან შევუშხაპუნებ იმ სისაძაგლეს და ზოგს კიდევე, ვინ იცის — საიდან?! ეს ყველაფერი გაგებულ აქვთ ოდაბადელებს და მუხლებში ძალ-ღონე რამდენადაც აკლდებათ, იმდენად მიშარბათლებიან მემკვდრეს. ასე და ამგვარად, საერთო სასაფლაოზე ვმარხავ ყველას, სადაც შურიანები და სათნონი, კეთილნი და უზნეონი უჩხუბრად, უშფოთველად, გვერდი-გვერდ განისვენებენ. მათი პატრონები კი ჰომეროსის გმირების შესაშური აკლდამებს აწყობენ. ბევრი იქამდე გონდახშულია, რომ რადიოტელევიზორიც შეიტანა შიგნით და რაიმე ისეთი ანტენისთვის თენგიზ ანთარიას დასდევს კულში. აბა, სად წაიღონ ოდაბადელებმა ფული, თავი ხომ უნდა გამოიჩინონ როგორმე და ყარს მათი სულელები კარმიდამოდან მოყოლებული, საფლავის ქვით დამთავრებული. სულელები! ცხვირს იქით ვერ იხედებიან! არც კი ვარაუდობენ, ეს ჭრილობები ოდესმე ათასწლეულის მტვრით დაიფარება თუ არა; რაც ახლა კრიალებს, იმას უნაგი რომ შესჭამს.

ჭიჭე კვეკვემ ჭაჭია ქობალიას გაჯაბას, (რომელიც წყალდილობას რაღაც მანქანებით გადარჩენოდა), ლიმონათის გამოცლილი ბოთლი ესროლა. ჭურჭელი რკინის მესერს მიეფხვნა და ტალახისთვის გაჩენილიც ღრუტუნ-კუნტრუშით გავარდა. ეტყობა, სადღაც დინგის შემოსაყოფი ეპოვა, შემოტეულიყო და საკბილოს შოვნის იმედით დასუნსულეებდა. პატრონი შეუკურთხა ჭიჭე კვეკვემ. ჭვა ესროლა. კიდევე გააღრუტუნა. ერთი-ორი უყვირა. სასაფლაოდან ამას წინათ გაკრეფილი ხოთო ქობალიას ძაღლებით, არამითა და შარამით, არიქათი და შარიქათი დააშინა. სოროში ლაფსაჯიჯგნი ჩააყუნცვინა და მავთულ-ბადეს იქით გააშვლიპინა.

— ამის ჩასაბეტონებლად ორი-სამი ტონა ცემენტი მეყოფოდა, მაგრამ კახა ანთარიას გამორჩება კაცი რამეს?! ის კი არა, ბევრს ღობის მოშლა სწადია.

არ უნდა შემოგვეკავებინა, სწორი იყო არდაშელიო, გაიძახიან ისეთი უქნარები, რომელთაც დღეს თუ არა, ხვალ-ზეგ სახლ-კარი თავზე დაექცევათ. ადრე სხვა იყო, სასაფლაოზე მიშვებულ პირუტყვი სარეველას არ აჭაჭანებდა. რაც შემოვაკავეთ, მერე ანწლი და ჭინჭარ-ეკალი არსად ეტევა. გჯეროდეს, უკეთესია! თვალნათლივ გა-

მოჩნდა, ვინ აფასებს მშობელს, ალალ ცრემლსაც რომელი ღვრის. წვეულებაზე ვესტუმრები თუ ზურგს შევაქცევ მასპინძელს, სულ ერთია, საუკეთესო ღვინის და ულუფას ყოველთვის მიფეშქაშებენ. ძღვენი თავიდან მოცილებას გულისხმობს. მათი შეხედულებით ჭიჭე კვეკვეს ლხინთან რა ესაქმება. თითქოს მხოლოდ მკვდრების დამმარხავად ვყავდე გაჩენილი სულწარწყმიდილ ქინი ანთარს. ოღონდ მიწა ვჩიჩქონო, რაც შეიძლება ღრმად, რათა მიცვალებულს კბილი არ გაჰკრან ხოთოს ძაღლებმა და ღინგი არ მიუწვდინოს ჭაჭია ქობალიას გაჯაბამ. თითქოს სულ ერთია ვის დავასაფლავებ, კეთილს თუ ბოროტს, მარტოხელას თუ ჯონჯოლივით დაწვრილ შვილებულს. უკეთ რომ ვთქვათ, ერთადერთი ოდაბადელი ვარ, რომელიც სიკვდილ-სიცოცხლეს ვათანაბრებ და განუყრელ დაძმას ვეძახი მათ.

ჭიჭე კვეკვემ თვალები მოწკურა და ცურუ ჰალიძონიას საფლავს ორაზროვანი ღიმილით მიაჩერდა. თითქოს სამარხების ჭრილის პირას კი არა, ყურძნით სავსე საწნახელთან მდგარიყო შარვლის ტოტებაკაპიწებული, ლაპლაპა ფეხებით და მისი მხედველობის არეში მოთანდათანებდა ჭყონდიდის ძირას, ლადი ჭანიას მუხლებთან გატრუნული ოდაბადე.

თუნუქის მართკუთხა კოლოფების ირგვლივ მტრედები ირგოლნენ. ჭიჭე კვეკვეს ფრინველები ასხდნენ თავზე, მხრებზე, ხელებზე. ტალახიანი მარჯვენით პრეზიდენტის მოსასხამის ბარაქიან ჯიბეში დაღერლილ სიმიანდს მომუჭავდა, მეორეს მიაშველებდა და მათ მოკაპკაპე ნისკარტებს უნაწილებდა.

ბონდოს რეცეპტით დამზადებული მალამო გადაპარსულ კეფაზეც წაეცხო მემკვიდრეს, პირისახეზეც და წარბებზეც. ასე რომ, თავზე გადმომხობილი კაპიუშონიდან იშვიათი ლითონივით ბზინავდა.

თუნუქის კოლოფს მოშორებულ მტრედს თითით მოუხმობდა. ისიც მიუხვდებოდა და მაჯაზე დააფრინდებოდა.

— ღერდილს ჯიმაღიშვილი დუყლას კლიენტებს ავწაპნი ხოლმე, — განაგრძო ჭიჭე კვეკვემ და საკვები ბილიკზე მიმოაბნია, — ვის ერთი მუჭით დავბეგრავ, ვის — ხუთით, (სიტყვამ მოიტანა და ჭიჭე კვეკვეს სამი მტკაველი რამდენიმე სანტიმეტრით სჭარბობდა ერთ მეტრს), გამომართვი, გამომართვი, დააპურე მტრედები!

შთაგონებულმა ბონდომ ანგარიშიუცემლად გაუწოდა მარჯვენა და მათ კონტრასტულ ხელებში გადანაცვლდა სიმიანდის ღერდილი.

ყმაწვილმა გუნდისკენ მიმართა პეშვი. „რაბის ხელები, რაბის ხელები“.

სამი მტრედი წამოგოგმანდა. ერთი ხატულია კი ღულნითა და ხურთქინით მთლად მაჯაზე დააჯდა.

— ეს ჭრელი ხანტურისაა. საოცარი თვინიერებით გამოირჩევა, — მესაფლავეს გაღლობილი ლითონი ჩაეღვარა ხმაში.

ბონდოს უკვე აღარაფერი ესმოდა. თითებში მომწყდებული, მოფართხალე მტრედი ტუჩებთან მიიხლოვა და უქმურად დაუკოცნა ფაფუკი მკერდი. „მიგნიდან იკითხე შენ, თორემ გარედან ასეთივე თვალისმომჭრელი ვარ მეც!“

ახალგაზრდის საცოდავობამ ჭიჭე კვეკვე წელში გაღუნა. მუშტი მუშტს მიახალა და თითქოს უჩინარ მტერს უწყრებავო, მრისხანე მზერა ესროლა კაკლის ხეების ხშირი ტოტებით დახლართულ ცარგვალს.

— საოცარია პირდაპირ! ტორონჯიას მაშინდა მეძახიან, როცა გავცხარდები, სხვა დროს ან ჭიჭე კვეკვე ვარ, ან კიდევ — წიწკავა, ესე იგი ორივე შემთხვევაში ნაბიჭვარი. ზოგს ერთი სახელი ძლივს და ატიალია, ისიც წამხდარი! — მესაფლავემ გონებაგაფანტულ ყმაწვილს წაუფიკავა, თვალი თვალში გაასწორებინა. მაგრამ მისმა სამოწყალო გამოხედვამ შეაკრთო და წამლების კეთილქმედებაზე წამოიწყო ლაპარაკი.

— ისიც წამხდარი. „ესეც შენი პატრიარქალური მსოფლიო! მაინც რა არის გვარი და სახელი?! მაშ, უკვე მეძებენ, არა?! საინტერესოა, რას წარმოადგენს ჩიტა. ალბათ, მეტსახელია. ქურდები იქნებიან, ფულის გამოტანას ვერ ახერხებენ უჩემოდ. **რა გინდ თავმან ჭირი მალთს, ჭირი თავსა არ მალავს.** სულმნათი. ჩემს ინდივიდს საწყისად ორი სუბსტანცია შეესაბამება, ამ ორს — ოთხი, ოთხს — რვა, რვას — თექვსმეტი და ასე შემდეგ. გამოდის, რომ ჩემში სინთეზირდება მთელი კაცობრიობა. ახლა განვსაჯოთ, რომლისგან რა მაქვს რეცესიული და რა — დომინანტური: მამისგან დოლიქოკეფალია* და პირველი ჯგუფის სისხლი დადებითი რეზუსით.* სად არის თმის ძლიერი მესამეული ფენა?! დედისგან — პიგმენტაცია* და ულოტრიხია*. აი, ეს ნიშან-თვისებანი, ასპროცენტთან საწყისად, P-დ* ჩავთვალოთ, რაც F₁ ფაზაში წესით უნდა განახევრდეს, F₂-ში — გამეოთხედდეს, F₃-ში — გამეთექვსმეტდეს და სადღაც F_n წერტილში თითქმის გაქრეს. მათემატიკური ანალიზით გამოდის, რომ სახეობა თავის სპეციფიკას ვერ ინარჩუნებს. ჯენკინსის* პარადოქსმა ხომ თვით დიდი დარვინიც კი ლამის ჭკუიდან შეშალა?! ყველაფერ ამას მი-

წასთან ასწორებს მემკვიდრეობითი ფაქტორი. ერთი კი ცხადია, ჩემში კაცობრიობის ნებისმიერი დადებითი და უარყოფითი რაღაც ნაწილითაა წარმოდგენილი. ზოგისგან შეფერილობა და აღნაგობა მომენიჭა, ზოგისგანაც ემოცია და პოტენცია. ამდენად, ორი საწყისით შექმნილი ჩემი ერთიანობა სინამდვილეში ისტორიულია და გეომეტრიული პროგრესიით კლებულობს წარსულისაკენ, ვიდრე ამებაში არ დასრულდებოდეს. რა შედეგს მოგვიტანს მისი შეუფერხებელი განვითარება?! ზეკაცს, ღმერთს. მოკლედ, იურიდიულად ანთარია, სიცოცხლის განხორციელების მილიონწლოვან სტადიებს რაღაც ცხრა თვეში გავდივარ. განა ცოცხალი არსება არ ვიყავი მეიოზგამოვლილი ზიგოტამ?! მერე რა, თუ ჯერ კიდევ დედის საშვილსნოში ვარსებობდი?! რატომ უნდა დამეკარგოს ცხრა თვე?! უცნაურია, მაგრამ ჭეშმარიტი, ვისაც კი ამ ქვეყანაზე უცხოვრია, თავისთავზე ცხრა თვით უფროსია. შვიდ იანვარს ჩვიდმეტის რომ გავხდი, სინამდვილეში შვიდ აპრილს შევსრულდები თვრამეტის და თუ ამისი დასაბუთება მოვახერხე, რაღაც ორიოდ თვეში სრულუფლებიან მოქალაქედ გადავიქცევი. მაშასადამე, გვარის შიგნით საქმე გვაქვს ხელოვნურ და აჯგუფებებთან, სადაც ნათესავეები ხშირ შემთხვევაში გენოტიპიურადაც და ფენოტიპიურადაც უფრო შორს დგანან ერთმანეთისაგან, ვინემ განსხვავებული გვარის წარმომადგენლები და პირიქით. ამიტომ არც ამნაირი ინდივიდების დაწყვილება მოგვცემდა იდეალურ შთამომავლობას, როგორც ამას სადღეისო წარმოდგენები გვიხატავენ. რა მოხდება, პასპორტში პიროვნების გენეტიკური სურათიც დაფიქსირდეს?!“

— გუშინ სადალაქოში, რაც კი ოდაბადელი მელოტია, ჩემს გოგარას უტატუნებდა, — გამოარკვია ბონდო ჭიჭე კვეკვეს სიტყვებმა, — შეხედეთ, შეხედეთ, რა თავია, რა თავიო, ესიტყვებოდნენ ერთურთს და საწევრო შეჰქონდათ.

დიიი?! ცოლახ! წიე, წიე, რა თმა ამობიბინდება, რა თმაო, მამასხარავებდნენ თავიანთი მოკლე ჰკუთით. უფრო ღმობიერები კი, როგორც სანიმუშო მოსწავლეს, რიგრიგობით გადამისვამდნენ ხელს, მაგრამ შენი წამლები რომ დაეძვრინე, ყველამ ენა ჩაიგდო. ეტყობა გაახსენდათ, ამას წინათ წვერი რომ მოაპარსვინე პახვალა ჭანიას კემესთვის განკუთვნილი სამართებლით, თან თუშმან-თუშანი რომ უსახსოვრე სინდისგარეცხილებს. შენი წასვლის მერე კაცად არ ვარგოდნენ. ერთმა გვიტ ანთარიას კინალამ ნიკაპი აათალა, მეორემ ბირჯია ჭანიას ულვაში წაუხდინა და ენგური რომ ვერ გარეცხდათ, ისე გაი-

თათხნენ. წინამდებარე ჯირკვლის მასაჟზე და ნოვოკაინურ-ანტიბიოტიკური ბლოკადით მკურნალობის შესახებ კრინტი არ დამცდენია. სულ ცოტა ხანში მის შედეგს როცა ცირიბია გამოცდის, მითქმა-მოთქმა მერე ნახე.

„ესე იგი, გვარი მატრიარქალურია ეს თუ პატრიარქალური, საზოგადოებას მომავალში არ გამოადგება, ხოლო როცა ადამიანი დარწმუნდება, რომ საკუთარი და სხვისი შვილი ერთი და იგივეა, სამყაროსთან მიმართების თვალსაზრისით, ეჭვგარეშეა, მათი სრულყოფისათვის ჯერ კიდევ ნაყოფის ჩასახვამდე დაიწყებს ზრუნვას, კვების რეჟიმი იქნება ეს თუ ალკოჰოლისა და ნიკოტინის უგულვებელყოფა. მოჭრილად რომ ვთქვათ, მომავალი გვარის მოხსნის! ან აკვანში დანათლული სახელი შეესაბამება ვითომ პატრონის შინაარსს?! დაარქმევენ ტარიელს, ავთანდილს, ფრიდონს და საუბედუროდ გულდღელები შეგრჩება ხელთ, მაგალითად, როგორც შენ ხარ, ისეთი. უწოდებენ ნესტანს, დარეჯანს, თინათინს, გაიზრდებიან და კატის კნუტებს ჟდაემსგავსებიან. კაცს ნამდვილი სახელი სიჭარბაგეში უნდა დაერქვას, რასაც წარმოადგენს, იმის მიხედვით. გაგონილა ამდენი ქედის-მოხრა უცხოურის წინაშე?! ალექსანდრე — ხალხის მცველი, ანდრეი — მამაცი, კონსტანტინე — გმირი. ქართველებს ყველაფრის ბრმად მიღება სჩვევიათ. აბა, რომელ ერთს ეწოდა სიცოცხლემისჯილი?! რა მდგომარეობაა ჩემთან?! ჩემს სიტუაციას რომელი უფრო შეესაბამება?! ბონდო, გიორგი თუ ბუტუტი?! ბონდო ისედაც არაფრისმთქმელია, სრული ბუტაფორიაა, აზრისგან დაცლილი. გიორგ ჩემს შესაძლებლობებს აღემატება. სად წმინდანობა და სად — მე?! ცხრათავიან ურჩხულის მომშობი ვარ სწორედ, რომელსაც საკუთარი დედისთვის დედა ვერ დამიძახნია; საკუთარი ძმებისთვის — მომეყრდენით, თქვენი ძმა ვარ-მეთქი. ლაჩარი! ისევ და ისევ ბუტუტი! ჯერ ერთი, უინი ანთარმა ამ სახელის შერქმევით, სამყაროს წინაშე ჭიანჭველასავით ციცქნა, ბეწო ვინმე ხარო, მიმანიშნა. მას ბუტუტი ბევრჯერ გაუიგავებია **Buthus**-სთან და **Brute**-სთან, რითაც ასოციაციურად მეუბნებოდა: ახლაა სულს რომ გირჩევივარ, თორემ დრო მოვა და შენც მილაღატებ, ზურგს შემაქცევ, მორიელივით დამკბენო“.

— ნუთუ შეეძლო ასეც ეფიქრა?! — ამოილაპარაკა ბონდომ და დაბნეულმა ჭიე კვეკვემ ირგვლივ მიმოიხედა.

— მე ან პარკსა და სასაფლაოზე უნდა დაგბორიელებდე კუბოებსა და აკვნებს ვკვდდე, ან კიდევ მტრედებსა და ყვავებს ვაპურებდე. ორმოცდაათ წელიწადს მივუკაკუნე და რაც თავი მახსოვს, სულ სასაფლაოზე ვაყუდივარ. ამდენი ხნის მანძილზე, რაც კი სა-

მარე გათხრილა ოდაბადეში, ჩემი ხელითაა, გიორგი, მაგრამ ბევრგან ამ მარჯვენით გამოთლილი აკვანი არ ირწევა განა?! კაცს აკვნისა და სამარის სუნი უდის, ამითაა ძლიერი.

დაპურებული მტრედები ოდაბადის ცისკენ გუნდ-გუნდად აიშალნენ.

ჩამუხლებული ჭიჭე კვეკვე თუნუქის კოლოფებს პურის ახალი ნატეხებით ავსებდა. კაკლოვანის თავზე ყვავების ყრანტალი მოხშირდა.

— ესენი ხიფათების მაცნენი არიან, — თქვა და ცერი შემართა, — სადაც იაროს კრავენ, იქ მძორია უსათუოდ. ათი მტრედისხელა ჭკუა აქვს თითოეულს. ვერც ტიფი გაიჭაჭანებს მათ სიახლოვეს და ველარც — ქოლერა. აბა, ვინ გეგონა შენ ბუნების შევხალათიანი სანიტრები?! ეგ არის მხოლოდ, რომ ადვილად ვერ შემოიჩვენე. დიდ მოთმინებას საჭიროებს მათი მოშინაურება. ამდენი ხანია თავზე ვეკლები და ძლივს მოვიპოვე მათ სადილზე დასწრების უფლება. კიდევ რა?! ჩაპუტკუნებულ ქათმებს ჩინჩლავენ ოხრები. რა გჭირს, კაცო, იმ გოგომ ასე როგორ აგიბნია თავგზა?! სიყვარულისთვის ტანჯვაც არაა უცხო, მაგრამ უფრო ფუფუნება შენის. შენს ადგილას რომ ვიყო, მაგ ხატულასგან დიდებულ საფოსტო მტრედს გამოვიყვანდი. მომეცი აქ ფრინველი. სანამ წერილს დაწერდე, დაგიკავებ. მტრედთან ერთად მოფარფატე შენს წერილს თვალს გააყოლებენ ოდაბადელები.

მიწისფერი მარჯვენა მხარზე დაასვენა, მარცხენათი დაშინებულ მტრედს სიმინდის ღერლილი მიართვა.

ოციოდე წუთში თავისუფლებამოპოვებული ფრინველი ფრთების იმისთანა ტკაცუნით აიჭრა ჰაერში, რომ იფიქრებდით, უცაბედმა ქარმა მარტოხელა აფრა გააფხიზლაო.

ჩავლილი დღეები სავსებით კმაროდა იმისათვის, რომ ბონდო საკუთარ ბედისწერაში ძირძირამდე გარკვეულიყო და არსებული მდგომარეობა საზოგადოებრივად შეეფასებინა.

„მერე რა, თუ ოდაბადელების საფიცრად ვქცეულვარ?! ეს ყველაფერი ხომ სიცრუესა და ორპირობაზე აგებულ რწმენას უტოლდება?! საზოგადო სიყვარული, რომელიც თითოეული კუთხე-კუნჭულიდან მეგებება, უწინარესად სატანჯოელების საფლავების კვარცხლობეკზე ამალეებითაა, ძვირფასი ადამიანების გაწირვის წყალობით, მათ სიცოცხლის ფასად. დიდი ამბავი, თუ ჩემი სოკრატეს უშუბლის

სიანკარით იალკიალებს ნებისმიერი ჭიშკარი, ეზო! განა სხვა ფერ-მეტყველებამ გაბასრა კემეს ნიკაპთან პახვალა ჭანისას და დომე ქობალიას სამართებელი?! გამიძნელდა განა ჭიჭე კვეკვესა და ჭურუმისა ამოქმედება, ხალხში გამოყვანა?! ან ხიდის წყალგამტარი მილისათვის იქნებ ტორონჯიას რჩევა-დარიგებამ მოაცილებინა ნაგავი ელას და მი-ნაკას? ვინ იცის, კიდევ რამდენ ადამიანს გაუღვივებ სიკეთის თესლს?! რამდენ სნეულს და დავრდომილს წამოვაყენებ ფეხზე?! რამდენს და-ვაძლევინებ ავხორცობას?! ბოროტების ეკალს რამდენს ავაკაფვინებ სულიდან?! ეკლის გვირგვინი! შუა გზაზე გიპოვე, შე საცოდავო! სა-ბურავების ქვეშ ამოგხდომოდა სული. მთელმა ქვეყანამ გულგრილად ჩაგიარა, რამდენმა ფეხიც კი წაგკრა და ტალახში მოგისროლა. არა-ვინ აღმოგაჩნდა ქომავი. ღირსეულად ვერავინ გემსხურა. ჩემი ბრჭყა-ლებდალეწილი ლომი! როგორი თვინიერი ხარ ახლა, რანაირად გა-თელილი?! მორღვეულა შენი კიდევები. ეკალს კი არა, ძონძისგან შეკ-რულ ძივავასმ უფრო ჰგავხარ. იქნებ ერთი კაცისთვის ბევრი იყავი და იმიტომ მოგივიდა ასე, იმიტომაც გაეგე ფეხქვეშ გადარეულ წუთი-სოფელს?! მეც გიღალატე, მეც. რა ფასეულობა აქვს აწი ჩემს ნამოქ-მედარ მადლს? არავითარი, არანაირი! სამი თუ არა, ორი ადამიანი მაინც ხომ შეიწირა ჩემმა განსპეტაკებამ?! დედა ძაძებში დამიდის; შეყვარებული უცეცხლოდ იწვის, ზეზეურად დნება, და რაც მთავა-რია, დაბრკოლებათა მამას ვემონები თვითონ. ბნელმპყრობელის კლან-ქებიდან ველარაფრით გაეთავისუფლებულვარ. თაროდან ჩამოცუ-რებული ბროლის ლარნაკივით სადაც არის დავიმსხვრევი, დავქუც-მსაცდლები და ვინ იქნება ამაში დამნაშავე, ჟინი ანთარი მხოლოდ?!”

სასწორზე იღო ბონდო ჰალიძონიას გრძნობა და გონება: ერთ პინაზე — ხანტური, არნახული კდემამოსილებით, უბიწო სიყვარუ-ლით, თავგანწირვით, რაც მთლიანობაში, ნებით თუ უნებლიეთ, ვი-ნაობას ამალვინებდა; მეორეზე — ცირა შკვითინია, ოდაბადეს უტყუ-არი იერ-სახე, იგივე საწუთრო — თავისი ოღრო-ჩოღრო გზებით, ცოტა გაუტანლობით, ცოტა წამხედურობით, წუშპით და იმ შმო-რიდან ამოზიდული ყვავილით; დღედალამ სამარგლავი ყანით, სასხ-ლავი ვენახით, გასადები ხილით; ზოგი ჭირით, ზოგიც ლხინით — სი-მართლის თქმას, ხვაშიადის გააშკარავებას, თვითმხილებას რომ სთხოვდა.

ერთმანეთის გამომრიცხავი ეს შეურველი სიდიდეები თანდათან შრეტდა ბონდოს, აფიცებდა, ამწარებდა. სისხამზე წამოყრდა ამ-ხანაგებს ხოლმე. ამას წინათ გადახნულ და ბალახდათესილ მოედან-

ზე ძმადნაფიცებს ვარჯიშების ნაცვლად, ნამდვილ ომს უმართავდა. აკრძალულ ილეთებსაც შემოიშველიებდა, რათა ხან ერთს დაეკენესა და ხანაც — მეორეს; რათა ზოგს სახსარი ეღრძო და ზოგსაც — კისერი. მერე მდინარეში გადაეშვებოდა, ლოდს ან ჭყონდიდის მოშიშვლებულ ფესვებს ჩაეჭიდებოდა, მაგრამ სიკვდილის შიშზე მეტად, გაორებული სულის ვერდაჯაბნა ამოსტყორცნიდა ზევით.

ხმაგაკმენდილი მეგობრები ხელეებს გაუწვდიდნენ, მხრებზე მკლავებს გადახვედნენ; უხმოდ მიაბიჯებდნენ, თითქოს ეს კოჭლაობა, ეს ტკივილი სხვისგან სჭირდათ და მოწურწურე წყლის წვეთებს ბონდოს ალაღმართალი ცრემლიც შეუერთდებოდა.

ჭიჭე კვეკვემ საბოლოოდ გადააფიქრებინა ცირას ქმრის ნეშტისა და პირარმოს ფერფლის ოდაბადებში ჩამოსვენება.

— უმჯობესია ვინმე ყმაწვილს, ან სულაც გიორგის, შვილის მაგივრობა სთხოვო, ბონდოს სანაცვლო თმა შეაჭრევირო, შვებას იგრძნობ! — ურჩია და სატანჯოელების ორმოცამდე ცხრა დღით აღრე ქალმაც ახალგაზრდას მემკვიდრის სამაგიერო კულუღი შეასხებინა.

ბონდოს გაშმაგების ამბავი ცირას აქამდეც მისდიოდა, რასაც სოფელი ხანტურის ამპარტავნობით, გრძნობის უქონლობით, ამორძალობით ხსნიდა.

— დედა ნახე, მამა ნახე! — ჩაილაპარაკებდნენ და შკვითინხეც მაშინვე მოთქმას მოჰყვებოდა, რის გამოც მხარზე მხარს წაჰკრავდნენ ერთმანეთს; თვალებს ჩაუპაჭუნებდნენ, აქილიკებდნენ „უიღბლო მიჯნურს“, რომელსაც წყუღი ძუძუების ქავილი, ქუთუთოების ხამხამი და ვნებიანი კავშირები დასჩემდა სიზმარში ყმაწვილთან.

უდროოდ გარდაცვლილ ვაჟს ცურუ ჰალიძონიას საფლავიდან შეჭკვითინებდა ცირა. ბონდოს ცილამტკაველა პერანგებს იქვე გაშლიდა და გულსაკლავად ითუთქებოდა.

„შვილის მაგიერის“ გარშემო მგლოვიარე დედის წრიალი ოდაბადელებს რას გამოაპარებდით?! ცირას ბორგნეული სულისთვის ძაძებზე უმრუმესი სამოსელი განსაკუთრებით ჭიჭე კვეკვეს გაემზადებინა, მაგრამ შვილმკვდარ ქალს გარეგნულად მოუღმობიერდა. აქამდე ცირა ამას ანგარიშს არ უწევდა. საკირეში ჩავარდნილ მის განცდებს ჭიჭე კვეკვესთვის არ სცხელოდათ. ეგეც რომ არა, შკვითინხეს თვალსაწიერიდან რამდენიმე დღით სადღაც გადაიკარგა მესაფლავე.

სატანჯვლები ორმოცამდე კვირის ადრე მობრუნებული მემკვდრე ტოლით გადახურული ყაზარმის სისუფთავემ ერთობ დააბნია.

— ცირიბიას ნახელავს ჰგავს, — ჩაილაპარაკა ჯურღმულოში შესულმა ჭიჭე კვეკვემ და დაჭორფლილი ნათურა ბუდეში ხრჭიალხრჭიალით დაატრიალა.

„რალაცას უდავოდ ეჭვიანობს, მაგრამ ჯერ კიდევ არ იცის, თუ რა სატანჯველი განუმზადა ბედმა. ალბათ, იმის გარკვევას ცდილობდა, თუ დროის რა მონაკვეთია დაბადების მოწმობის აღებასა და ჭურიაში ცეცხლის გაჩენას შორის. როგორც ჩანს, ანკესზე წამოვეგო. ახლა მისთვის ერთადერთი თავმისაყრდნობელი მელა დავრჩი. ოღონდ რამე დამსტყუოს და მჯერა, ჩემს დაძინძილ ქვეშაგებს წყალობა ამიერიდან მაინც არ მოაკლდებათ. ქალის ბუნება ასეთია. ფიზიკურად სუსტში მეტი ცბიერება“.

რამდენიმე ათეული წლის წინათ შემოღამფული ნაგებობის გამოღებულ კარიდან შემოდწეულ სანახებს აზრგაფანტული უთვალთვალებდა ჭიჭე კვეკვე.

— სად ხარ ბონდო, შვილო?! — გულსაკლავად ტიროდა ცირა შკვითინია.

ყაზარმიდან, რომელიც ერთდროულად სახლისა და სახელოსნოს მაგივრობას უწევდა პატარაობიდანვე, მესაფლავემ დიდხანს უსმინა შკვითინხეს გლოვას. ბოლოს გულმა ვედარ მოუთმინა, იქით მიეხალა ბინდისპირზე. მხარზე მსუმბუქად დააყრდნო ხელი.

— დაბადების მოწმობა ცეცხლის გაჩენამდე ოთხი დღით ადრეა გაცემული, „მოვა დრო და თუ საჭირო იქნება, ყველაფერი გაირკვევა“, მაგრამ როგორ, რა ვითარებაში და რა მიზნით, ვერაფრით დავადგინე. მმაჩის ბიუროს თანამშრომელი, ეს საქმე ვისი ხელიდანაცაა გამოსული, მანქანას გაუტანია და ზეგ ასაფლავებენ, — ეუბნებოდა ერთიანად გაფითრებულ ქალს ჭიჭე კვეკვე. დედააკაცი ფეხდაფეხ მიჰყვებოდა მოსაუბრეს. — შვილიშვილს გადაფოფრებია საწყალი. აბა, რა ექნა, როცა ის კუდრაჟა ვილაც ნაცნობს გამოსდევნებია მანქანების რიარიაში?!

ცირამ უყაყმანოდ შეაბიჯა ყაზარმაში და მამრს სიცოცხლეში პირველად დანებდა უსურვილოდ.

„მხოლოდ სხეულით, მხოლოდ ვნებით თუ გავაჩერებ ჭიჭე კვეკვეს. დღეიდან ცეცხლის გაჩენასთან თუ დაბადების მოწმობასთან დაკავშირებული ამბების მიფუჩუჩება მმართებს!“ ფიქრობდა შკვითინ-

ხე, რადგანაც ვითარების გულისგულში ჩახედვამ უბედურ მშობელს უკიდურესი მწუხარების მეტი არაფერი არგუნა; ვინაიდან დედის თვალში გიორგი ხანთარიძეს ნილაბი ბოლომდე ჩამოსცილდა და საერთოდ, ბიჭის უცნაურ ქცევებსაც მყისვე დაეძებნა საფუძველი.

მორალურად განადგურებული ცირა ერთ ხანს თავის მოკვლასაც ლამობდა, მაგრამ ბოლო წუთის სისუსტე ერეოდა. ტუჩებთან მიტანილ საწამლავს, მარცხენა ძუძუსთან მიბჯენილ დანას, შუქის წყაროში ჩასართავად გამზადებულ ელსადენს თუ „წმინდა კოლხურ მოვლენას — თოკს“ ხელიდან გააგებინებდა.

„არც შვილი უძებნია ვინმეს ჩემში, არც — დედა, არც — და და რძალი. ყველა მეძავს პოულობდა. თითქოს ძუბა ჭანიაზე ნაკლებად დავარწევდი აკვანს; თითქოს ქმარ-შვილს ვერ ვუპატრონებდი და მტერ-მოყვარეს ღირსეულად ვერ დაგუხვდებოდი. განგებ თქვა მაშინ ოხუტოლუს ნაცვლად ქახუტოლუ. მაკვირდებოდა, გამომცადა. ადამიანის ბიწიერებას თავისი თეთრითა და შავით შეუცდომლად ავირეკლავ უტყუარი სარკესავით. ძაძები კი არა, ჭინჭარია ტანზე დაფენილი. მაინც რა უნდა ერქვას ქალის ცხოვრებას, რომელსაც უკანონო სამართლმა ერთი შვილი ჯერ კიდევ ძუძუთა ასაკში წაართვა, წყუულ სატანჯოში გადაუშალა. მემკვიდრის ნახვას მოწყურებული, თოფის ბათქაბუთქით უკუაქცია; მეორე ზრდასრულს კი სამუდამო პატიმრობა მიუსაჯა. ესეც არ აკმარა. წესით, თეთრებისთვის შობილი, დაამგლოვიარა. რა უნდა იყოს იმ დედის რინა, რომელსაც შვილებისკენ მიუხარია, ცარიელ აკვანს ურწევს უმცროსს, მის ცეროდენა პერანგებს ჯერ უმღერის, შემდეგ დასტირის, მაშინ, როცა ჯანმრთელი, მშობლის თვალწინ თავმომწონედ დაბრძანდება და ცოდვებს არ უმსუბუქებს უფროსივით?! უსულგულოდ უარყოფს დაცემულს, ვინაიდან მერე ხანტურს ვერ შეიყვარებს, ბნელსისხლიანობას დასწამებენ, თავის მოკვლის გარდა სხვა გამოსავალი აღარ დარჩება“.

ამისთანა გაუნელებელი ცეცხლის ალში იბუგებოდა ცირას სული, გული. საქმის ნამდვილ არსს მაინც მალავდა. შვილის მაგიერის სიახლოვეს დაიარებოდა და სანახევრო სიყვარულს კმარობდა.

ცხადია, ბონდოც თავისებურად იტანჯებოდა. შექმნილ ვითარებას მეთათსედ ანალიზებდა; ანალოგიურ კონფლიქტებს ეძებდა გონებაში, თუმცა — უშედეგოდ.

საკუთარი გასაჭირი არ ეყო და არდაშელის ბინისკენ მიმავალს მარიკას წითელი პალტო გაუკრთა თვალწინ. გულშედონებული იყო ბავშვი, მაგრამ ბებიამისმა საავადმყოფომდე ვერ მიიტანა სული.

ახლა მთლად უკიდურესად შეიბოჭა ბონდოს ისედაც შეზღუდული დრო და სივრცე. ვერც პატარას სტოვებდა და ველარც მილანდართან მისვლას ახერხებდა. მსგავს წინააღმდეგობას ვერსად პოულობდა. უსასტიკესად დაძაბული მდგომარეობა მხოლოდ მისეულ პასუხს საჭიროებდა, იმ განტოლების დარად, ორი განსხვავებულნიშნიანი, მაგრამ ამოცანის პირობისთვის სრულიად დამაკმაყოფილებელი ამონახსნი რომ აქვს.

„საიდუმლოს თუ დაფვარავ და ხანტურს ამოვირჩევი, მაშინ ხომ გაიწირა ცირა და საერთოდ, ჭეშმარიტება ზოგადად? ძაძებს კი უერთგულებს დედაჩემი, სამაგიეროდ, თუნდაც სიცრუით მონიჭებული მომავლის მიმართ, ხალხს რწმენა განუმტკიცდება. ამჯერად ტყუილი იმ შაქარსა ჰგავს, რომლითაც ციებაშეყრილ ბავშვს ქინაქინას შეაყოლებენ ხოლმე. ამ შემთხვევაში ოდაბადელები სიკეთეს ბრმად, გაუაზრებლად, გარეგანი ძალის დაწოლით მოიმოქმედებენ და ასე გაგრძელდება მანამ, სანამ ხსენებული მუხტი ასულდგმულებთ. რას მოასწავებს ხანტურის გაწირვა და ცირას დედად აღიარება? უწინარესად იმას, რომ ხელის ერთი მოსმით დამამსხვრევს კერპს, გაფანტავს ჩემი კეთილშობილების ილუზიას. მოკლედ, გამარტივებებს. ამასთანავე, იმავდროულად თვალს აუხელს თითოეულს: პახვალა ჭანინას თუ დომე ქობალიას ერთხელ და სამუდამოდ შეაგნებინებს, რისთვის უნდა გაპარსონ ფხიანი სამართებლით კემე; ან ჭიჭე კვეკვემ რატომ არ უნდა მოწამლოს ჭორებით დეიდების ცნობიერება. უკეთესად რომ ვთქვათ, საკითხის ამგვარად დასმაც ქინაქინაა, ოღონდ უსატყბარუნებლოდ. სტილისტი! სატყბარუნებლის გარეშე“.

ადუღებუი სულისათვის მიმართულება ვერაფრით დაეძებნა ბონდოს. ეს ორი განზომილება ერთმანეთთან ვერაფრით შეერიგებინა. ზოგჯერ ხანტურის ნაწნავები მიიმხრობდა, ხან — ცირას ძაძები. მარტო გრძნობიერი, ვნებასაყოლილი რომ ყოფილიყო, ყველაფერს ეშველებოდა. მარის, მარიკელას საბავშვო ბაღის აღმზრდელებს დაუტოვებდა. შეყვარებულს ციტრუსების ნარგავებში ააკითხავდა, ან ტელეფონით აქეთ მოიხმობდა და უკვდავების წყაროს დაეწაფებოდა, მაგრამ განსჯა სულის სხვანაირ საზრდოს, არსობის სხვა პურს სთხოვდა.

ბონდოს ფიქრის მდინარება ჭეშმარიტების დადგენას უკირკიტებდა. მისი ხატოვანი წარმოსახვა ამიტომაც იახლებდა ხმაიდუმალს. ზოგადს, იგივე ოდაბადელებს, ისეთნაირად მიმართავდა, ბუტუტი, როგორც ფასეულ კატეგორიას. დედობრივ-მამობრივი, და-ძმური

სიყვარულისათვის, უანგარო მეგობრობისთვის, ამ ფილოსოფიურ სიდიდეს წრფელად ემაღლიერებოდა.

„არა არს წინასწარმეტყველი შეურაცხ, გარნა სოფელსა თვისს და სახლსა შინა თვისს“*, გაუკრთებოდა გონებაში. აქვე თავისთავს ამრეზით უმხელდა თუ ცირას ძუძუების სანაცვლოდ რანაირად ზრდიდა ჟინი ანთარის თაფლი და ხიზილალა. უმჟღავნებდა, ენგურში ჭყუმპალაობის ნაცვლად, კაქტუსებით მოფენილი ზღვის პირას ტოლ-ამხანაგებში ფეხშიშველა სირბილის მაგივრად, საშობაო კურატივით სატანჯოში როგორ ჩაამწყვდიეს. საამსოფლო იდეებს რანაირად შთააგონებდნენ ბავშვობაწართმეულს და რა მოსაზრებით უპირებდნენ თავზე ეკლიანი გვირგვინის დადგმას; ასგზის აწონილ-აზომილს, ფრთოსან ჰინანჰველასავით კოლბში გამოჩეკილს, ცხოვრებისკენ, ცრუ უუთისოფლისკენ რისთვის უბიძგებდნენ; რატომ ღაფავდა სულს დიდღელვისას ქვებზე დაჩეჩქვილ ნიჟარასავით. ანდა მშობელი დედის ნახვას დანატრებულმა ოდაბადეს რანაირად მიაშურა და მათი ოჯახის გამაუბედურებლის ქალიშვილი რაფერ შეიყვარა. გული ვერ ამოიგლიჯა. ბნედიანივით იარა. ბეტონს შეაკვდა. ქვა-ლორღი ათრია. შიზოფრენიით დაავადებულებს, ეგზემიანებს და პროსტატიანებს უმკურნალა. ხატულია საფოსტო მტრედს სატრფიალო ბარათები გაატანა. საიდუმლოს გამჟღავნება მიანც ვერ გაბედა. სხვათა მაზიარებელი მოუხანიებლად კვდებოდა. ვერც ქედმაღლობას თრგუნავდა და ვისაც აქამდე — შვილად, მეგობრად, სატრფოდ მიიჩნევდნენ, უძირო უფსკრულის წინაშე ტორტმანებდა. იყო წამი, როცა წარმოსახული სოფლელების თვალწინ გაშიშვლდებოდა; ხანტურის დაკარგვის შიშსაც მოერეოდა, ყველაფერს გულგახსნილად აღიარებდა და ჭყონდიდის მრევლში თავს გაისმართლებდა.

„ყველაფერი კარგი, მაგრამ სატანჯოელების წინასწარგანზრახული მკვლელობის ბრალდება როგორ გინდა გააბათილო?! ათიდან თექვსმეტ იანვრამდე სასტუმროს ნომრიდან არ გამოსულხარ. მაგრამ რომც შეენიშნე ვინმეს, რომელი ერთი გამოგეჭომაგება?! ჭკუათმყოფელის მეტი ვინ იტყვის, კი, ბატონო, ჩვენ შევიფარეთ უსაბუთოდ, ხუთთუმინანებს რომ ფანტავდა, იმიტომო?! მოკლედ, ალიბი არ გაგჩნია. დაფარულის გააშკარავება თავდაყირა აყენებს მოვლენებს. სტიქიური უბედურება და მის ნიადაგზე აღმოცენებული კოჩიას ტრაგედია, საიდუმლოს გამხელის შემთხვევაში, უმაღვე ახალი შინაარსით დაიტვირთება უმრავლესობის თვალში. ხალხი არაფრისდიდებით ერწმუნება ჩემს ვერსიას, რადგანაც ჟინი ანთარის მიერ შვილის

გაღმერთების მოტივით დატრიალებული ცოდვის ჩადენა, გაცილებით ხელოვნურია, გნებავთ — ლოგიკურიც, ვიდრე ბაგის გადანახული ანდერძი. ჩანთა, ღმერთმა უწყის, ხელში ვის ჩავარდნია, გამოკითხავენ ყველას, ვისთანაც კი იოტისოდენა შეხების წერტილი მქონია. გამოიძიებენ ყოველივეს, თუ როგორ ვაპნევდი ხუთთუშმნიანებს. გაბედე, გაბედე, თვითმხილება მაშინვე გამოათავისუფლებს სატანჯოელთა მკვლელის ადგილს თვითმარქვეასტუდენტის სასარგებლოდ. სხვას რას იტყვის, როცა ზარდამცემ სინამდვილეს თვითონაც ორჭოფულად მოვეკიდე?! დაბეჯითებით აქამდეც ვერ გამირკვევია, ცოცხალია რაბი თუ ოდასთან ერთად დანახშირდა“.

ბევრი რომ არ გავაგრძელოთ, საშინელზე საშინელი დღეების გახსენებისას, საკუთარი გამომეტყველება ბონდომ ყოველთვის იმ ბოროტმოქმედის თავდაჭერილობის ნიმუშად აღიარა, რომელიც როდიასავით 8 ცხელი კვალი წაშლის თუ ბნელი წარსულის მოსპობის დიდოსტატია. ფეხით თელავდა თავისუფლებამოწყურებულ, ხიზილალა-თაფლით გამოზრდილ მამიტკოს ფრთოსან ჭიანჭველას. ასე რომ, ჟინი ანთარის უსაზღვრო ცოდნა ბონდოს ვერაფერში შველოდა. მის ქანცგაწყვეტილ მხრებზე დაწოლილ ტვირთს ვერც „სახარების“ სამყაროში ხეტიალი და ჰომეროსის მარადჭაბუკ გმირებთან გასაუბრება უმსუბუქებდა, ვეღარც — სოფოკლე-მექსპირის თხუზულებათა განსჯა, თუ — ალიგიერ-დოსტოვესკის კომმარებში ვალაღი. ამ ლაბირინთებიდან არისტოტელესა და პეგელის ფილოსოფიურმა სისტემებმაც ვეღარ გამოადწვეინეს. რუსთველის აფორიზმში გაიჭედა. უძნელდებოდა გადაეწყვიტა, რომელი იხსნიდა დაღუპვისაგან: უთქმელობის მჯობნი გამხვლა, თუ — დაშავების ბადალი გამჟღავნება. მისი დანაშაული იქნებ ის იყო, რომ ხანტურის წმინდა სიყვარულის შებღალვის, დაკარგვის შიშით ვინაობას მალავდა. ბონდოს მართლის მთქმელისთვის საკადრისი ცხენიც შეეკაზმა და ცრუპენტელასათვის სამყოფი მეხსიერებაც მოემარჯვებინა, მაგრამ ჯერ კიდევ ბოლომდე ვერ გაერკვია, საკუთარი სინდისის წინაშე ჭიჭეკვეკვს მოსასხამით ევლო ვალმოხდილს, თუ პირიქით, ნამუსზე ხელაღებული, სიცოცხლემისჯილის მოჩვენებითი შარავანდელით შემოსილიყო. ხანდახან უძილო ღამეები ჭაბუკის წინაშე სატანჯოელის სახეს ამოაშიშვლებდა, დიდ სიმაღლეებს შეაჭიდებდა ის მოლანდება, თუმცა ჟინი ანთარის მოძღვრების ჭეშმარიტებაში ბონდო რამდენადმე შეეჭვდა.

„ოდაბადე, როგორც ასეთს“, სულ ცოტა სამი მიუტყვებელი შეცდომა მაინც აღმოუჩინა. პირველი ის გახლდათ, რომ განდგეილი მეცნიერი ადამიანთა საზოგადოებრივ ურთიერთობებს ჰინანჰველების ცხოვრების კანონებით ხსნიდა, რთულს მარტივით განმარტავდა.

ხსენებული შრომის მეორე ნაკლად ბონდომ ციცილიზაციის პროგრესში ხალხის როლის უგულვებელყოფა მიიჩნია. პიროვნება და საზოგადოება ჟინი ანთართან რაღაც გათიშულად, პოლარულ დამოკიდებულებაში გაიაზრებოდა, რაც საფრთხეს უქმნიდა მთელისა და ნაწილის ჰარმონიას.

დასასრულ, მესამე, არსებითი: მონოგრაფიაში სიცოცხლემისჯილი აღიქმებოდა, როგორც უმაღლესი ფასეული კატეგორია, როგორც „აბსოლიტური გონი“, როცა სიცოცხლე და მისჯა ყმაწვილმა შეუთავსებელ ცნებებად განსაზღვრა. სიცოცხლე მხოლოდ და მხოლოდ მშვენიერს, ამაღლებულს, გნებავთ ტრაგიკულს დაუკავშირა ყოველგვარი სტრესული მომენტის გამორიცხვით. სხვათათვის ტანჯვა, სხვისთვის თავდადება-სიკვდილი სიცოცხლემისჯილში გამორიცხავდა შეგნებული აუცილებლობის მუხტს და ამდენად, მოწყალების გამღებ, განზე გამდგარ სუბიექტს, მისტიკურ ღმერთს უხდიდა ხარკს. მოუხელთებელი მეორე მე კი თავისას ჩასძახოდა ბონდოს:

„არ ანთარია ხარ შენ, აღარც — შკვითინია და მით უფრო — ჰალიძონია. უბიწოდ შობილხარ. ხანთარიძედ მოვლენილხარ ქვეყანას, ოღონდ დათმე, ოღონდ არ ჩაწყვიტო გრძნობათა უფსკრულებში გაბმული ბეწვის ხიდი! იკმარე ორჰოფობა. ამოხაპე ოცნებიდან მარტოობის მსუსხავი წვეთები და ყინულიც მაშინვე დაიძრება. სიყვარული აგამჩატებს. მერედა, რომელი ჟამი მოერევა იმ ჩქერალებს?! დაფარე საიდუმლო! უფრო ზოგადს, მასშტაბურს ჩაეჭიდე, თითოეულ განცდას და ნააზრევს რომ აყოველთავებს. აბა, ცირიბიას შვილებით ფურთხისა და ტალახის მეტს რას მოიხვეჭ, ხალხის რჩეული?! იცოდე, არც ჟინი ანთარის მემკვიდრეობის გამო გადაგესმება თავზე ხელი! განაგდე მაცდური და სიყვარულის მერიდიანი შენც აგაფერადებს, მართალია, დედაშენი მარტოხედ ივაგლახებს, სამაგიეროდ თვალხატულა შთამომავლობას სიცოცხლეს დაუნარჩუნებ, არ მოშლი ფუძეს და მომავალ თაობებს დაღუპვისაგან იხსნი!“

აციმციმებული ქალაქის იქით შებურუსებულ სივრცეს გახედავდა ბონდო. იქ შრიალებდა, იქ განისვენებდა მისი მურყნების

სამშობლო: მისი მწვევლი სატანჯო, ჭყონკაკუტის სამოძვრებზე უპატრონოდ მიტოვებული კამეჩების ჯოგი; ყრმობის უზრუნველი ზმანება და დაუვიწყარი დღეები. „ნუთუ ბედნიერებას არ მაღირსებს ჟამიო“, გაკენწლავდა ფიქრი.

ჭურის სნეული მაჯისცემა რა ხანია სამველად მოუხმობდა ბონდოს, მაგრამ ნაკლებად არც მარიკელას უმწიკვლო შემოხედვა ინელებდა. იმღვრეოდა თვალსაწიერი. იმ აფუთფუთებული მორევიდან კვლავ ამოტივტივდებოდა ჟინი ანთარისა და მაფა ჰალიძონიას სახეები, კოჩიას უნუგეშო იერი, მილანდარის სიცოცხლემოწყურებული გამოხედვა; როდის-როდის ძაძებიანად შემოცურდებოდა ცირა შკვითინია. ბოლოს ყველაფერს ხანტურის ქართი მიტაცებული დალაღები გადაეფარებოდა.

„ნუთუ გაჩენამდე, ათასწლეულს იქით, უიღბლობა დამებდა? რომელი ქორონიკონი დაიტევს ჩემი ზეზეური წამების პალიმფისტებს?! რა შემართება დაატყვევებს უთანასწორო ბრძოლიდან მარადიულობისაკენ დაძრულ თვითგვემას ჩემსას?! მაინც რომ მიფეთქავს მაჯა?! მაინც რომ ჯიუტად მივიწვევი მომავლისაკენ?! მაინც რომ კაცობრიობის დასალაშქრავ სიმალღეებს ვერწყმი და ხორციელი თვალისჩინი ჩირად არ მიღირს, რადგანაც დედამიწის სიზმარავით უსასრულობაში მივიკვლევ გზას“.

ველარაფრით გადაეწვიტა ბონდოს, რომელი სჯობდა, ტყუილი, კერპს რომ უნარჩუნებდა ხალხს და ხანტურის სიყვარულს გობით რომ მოართმევდა, თუ ოდაბადელების თვალში გაღმერთებული ყმაწვილის მიწაზე, ტალახში ჩამომშვები სიმართლე. თან რა საოცარი სიმართლეებიც ჰპოვა, ზოგი მეგობრებით, ზოგიც — ხანტურის სიყვარულით მონიჭებული, ბუტუტიასავით საცდელ კოლბში ჟინი ანთარის მომწყვდეული. გადაულახავ კედლებს აწყდებოდა. იმ ბებერ თუ ახალგაზრდა მორიელს ეტოლებოდა, რომელსაც ცნობიერების ქონა-არქონის გასარკვევად ცეცხლის რკალში შეაგდებდა მეცნიერი ხოლმე.

„ჩემი გაწირვით საუკუნის წინათ გასათხრელ საფლავსაც ავსებს და იმავდროულად საკუთარ პიროვნებასმაც აღადგენსო“, ასკვნიდა ბონდო. უბედურებამ ათას ბინადარში გამოარჩია. მძინარეს წამოეპარა. სხეულში შეკუმშულად ჩაუსახლდა და ფესვები თანდათან გაიჯანსაღა. დადგებოდა წამიც და საწუხარი ყველასათვის გაცხადდებოდა.

„ბუნების გარემოცვაში ფუჭად მიხეტილია აქამდე. ამოღე მი-
ცურავს ზმანებებში. მირაჟებს წავპოტინებულვარ. დედის სახეს ლი-
ტერატურულ გმირებს ვესესხებოდი, როცა ხორც შესხმული და
ბნელწარსულიანი, აი, აგერ, ხელისგაწვედენაზე მყოლია“, მოსჭრი-
და ირონიით.

ბონდოს გონებას შიში და მწუხარება ერთდროულად ეუფ-
ლებოდა, როდესაც ცირას რეალურ გამონაგონ ხატს ერთმანეთს
შეადარებდა. ყოველივე ამისდა მიუხედავად, შინ თუ სასაფლაოზე
უსათუოდ მიაკითხავდა მგლოვიარე დედას. დასანუგეშებლად
ზურგზე ხელისგულს გადაუსვამიდა, რაც ქალს ორმაგად დათუთ-
ქავდა. ახლა კი შეკითხინეს ეს ერთადერთი ბედნიერებაც მოეშალა:
ქარებით გაქვინთილ ჭადრების ხეივანში ახალ-ახალ ზღაპრებს უყ-
ვებოდა ბონდო უარვინო მარიკელას. ბებიამისს მიწას ისე მიაბა-
რებდნენ ხვალ, რომ ამის თაობაზე ცუგრუმელა ბავშვი ვერაფერს
შეიტყობდა, ყოველ შემთხვევისათვის, კენიიდან გერმანე ფიფიას ჩა-
მოსვლამდე მაინც.

ბონდო ჰალიძონია ფიქრებში კვლავინდებურად ცხოვრების შუ-
აგულისაკენ მიიჩქაროდა. დასცინოდა სიკვდილს. სწყუროდა მშვე-
ნიერი და მშენებარე. სწორედ ეს განცდა მიშრეტილი ლამპის უკა-
ნასკნელი ელვარებით აწირვინებდა თავს ხანტურისათვის. კვლავ ყოყ-
მანობდა. უჭირდა გაერკვია, რისთვის ეცოცხლა, ვისთვის ესულდგ-
მულა. ვერაფრით დაედგინა რა, ვინ წამართავდა კოსმოსურ ჭმუნვას
მიჯაჭვულის ბედის ბორბალს. ხელთ რას, ვის ეპყრა მისი სულის ძა-
ფის სათავე. ვერ განესაზღვრა, საით გარბოდა, რისკენ, ვისკენ; ან თუ
გარბოდა, რისთვის და ვისთვის?! წინ ბურუსიანი მერმისი ელობებო-
და. თუ დაყოვნებოდა, შერცხვენა და თავლაფდასხმა გაანადგურებ-
და. მაინც დარჩენას ამჯობინებდა. მარიკელას ტიტინით გაბრუებუ-
ლი, ასეთი გაროებული ფიქრებით მიაშურებდა ოდაბადეს შინმო-
უსვლელთა პარკს.

ჭიჭე კვეკვე: „გემი ხომ არ დაგძირვია?! ჩამოცილვე სა-
ხიდან სევდა. აი, იმ ჭყონდიდს, ვინ იცის, რამდენმა წყალმა
ჩაუარა?! რამდენ ქარიშხალს შეერკინა, რამდენ მესხს შეუდ-
რეკვლად მიაგება ტოტები, მაგრამ არც პირველი და აღარც
მეორე თუ მესამე თვითონ არ უძებნია. გამუდმებით აქეთ
აკითხავდნენ. მაღალია და იმიტომ. როგორც ჩინარი, ისე
პოეტი. იმის კენწეროდან ოდაბადე კი არა, მამაჩემის კუნ-
ძულებიც, ალბათ, ხელისგულივით მოჩანს. დაბადების მოწ-

მობა თუ ანახეს, ფოტოებს რისთვის დაუმაღლავდნენ?! რიყეზე ამოსულ ბალახს... გიორგი... რისთვის შეყვონდა სახელის წარმოთქმის წინ, ბონდო რომ არ წამოცდნოდა?! ცელით ვერ მოთიბავ, ნამგლით — კი. როცა ქალიშვილი გაჩნდება, ღობე აჭრიალდება ხოლმე.

არიქა, მოვიდა ჩემი დამრღვევი და ღუმელში შემკეთებელი, ფიქრობს საწყალი სარი და წკნელი, მაგრამ ღობე ბიჭის დაბადების დროსაც იწყებს ჭრიალს, ნაბიჭვრები სათვალავში ჩასაგდება არ არიან, კემეს და საკუთარ თავს ვგულისხმობ, ვინაიდან სჯერა, ძირგამომშალ მარგილს გამოცვლის; ქარ-წვიმის მოძალებით აფოლხვებულს გაანახლებს. რისთვის დააკონკრეტა, კემეს და საკუთარ თავს ვგულისხმობო?! კიდე ვინ არის ოდაბაღეში ნაბიჭვარი?! ჰო, ღურუ. ოდაბაღეში დიდი ხანია ბრძენკაცი არ გამოჩენილა. ლადი იყო ასეთი, ჭანია. სკოლის მოწაფე ვიდრე ვაკვეთილებს რივიანად არ დაისწავლიდა, აბა, კარგი დედის შვილი იქნებოდა და ჭყონდიდს გაჰკარებოდა.

ვისაც სვალინდელი დღე თავში აქვს, ჩემს სინდისს შეეხოს და გამისპეტაკოსო, იტყოდა და უცოდინარი ბავშვი როგორ გაბედავდა მისი ქათქათა წვერისკენ ხელის გაწვდენას?! მაშინვე შინისკენ მოცოცხავდა, რათა საინტერესო საუბრის კუდისთვის მაინც მოესწრო. ნეტავი ასეთ დაბერებას და სიკვდილს! რატომ მიხსენებდა სულ სის პეტაკეს, უბიწოებას?! ამითი რისი თქმა სურდა?! მანკიერი რომ ვარ?! ბავისაც არა უშავს, ოღონდ ჯერ ახალგაზრდაა, ჯერ სიბრძნის კბილი არ ამოსძრომია. შენი გონებამახვილობაც შესაშურია, ჯიმა თუ... რისთვის მომმართა ძმობილოთი, ან წინადადება ბოლომდე რატომ არ ჩაამთავრა, ჰაერში გამოკიდებული დატოვა აზრი. ტუტუცი ხომ არ ვგონივარ?! არა, პირიქით, პირიქით, ტუტუცი რომ არ ვგონივარ, იმისთვის მივლიდა გარშემო, იმისთვის მესაუბრებოდა ქარაგმებით. ერთსა და იმავე მდინარეში ორჯერ ვერ შეხვალ. მოდი, ჩავუკვირდეთ ჭიჭე კვეკვეს ფრაზას. ბერძნულ ფილოსოფიას იშველიებს და ერთგვარად მაფრთხილებს: ორი ცხოვრებით ნუ ცხოვრობო. საოცარი რამ არის თხილი. დალოცვილ ბუნებას ზედმიწევნით ჩაუქსოვებია მასში ადამიანის ზნე-ხასიათი. ერთი ფშუტეა, ცარიელი. შეხედვით არა, მაგრამ ხელის შევლებით, გაუმტვრევლადაც ისინჯება. ასეთ კაცს აღდოს მალე აულებ. ბო-

ლო ორია სხიფათო. ორივე გულითაა სავსე. სანამ არ იგემებ, ვერაფერს შეატყობ, აქ არც გრძნობა კმარა და აღარც გონიერება, მესამე საჭირო, რომელსაც ჩვენებურად რინა ჰქვია. სხვისთვის რომ მეთქვა, კედელზე ცერცვის შეყრა იქნებოდა. თუ სიყვარულია, დაე, იყოს ბოლომდე! აკმართე ხანტურს გლოვა. აწი ვერც კონიას გააცოცხლებს რამე, ვერც — ბონდოს, ვერც — მამაჩემსა და მამას. ქალი წისქვილის ბორბალივითაა. ტრიალებს, ტრიალებს, მარადიულ მოძრაობაშია. საწყისს და სასრულს ვერ უპოვი, კაცი რაა?! ხელჯონი, ხოთოს ძაღლები მისაგერიებლადღა რომ გამოდგება. როგორც უნდა დაამოკლო-დააგრძელო, ორი ბოლო აქვს. სინედლეში შეიძლება ცოტათი დაიყოლიო, მერე მორჩენილია საქმე. დამთავრდება როდესმე ეს კოშმარი?! ამოქმედდა გაჩალიჩებული დაბადების მოწმობა! შემთხვევით არაფერი ხდება. შენს ბრწყინვალეობას შეეფარდება ვითომ იგი იოტისოდენადაც?! შენ ხომ ჟინი ანთარისა და შკვითინხეს გარიგების შედეგი უფრო ხარ, ვინემ კოჩია ჰალიძონიასა და ცირიბიას ტკობის ნაყოფი?! აქედან გამომდინარე, შეუძლებელია ბატონი ხანთარიძე იყო, ან გოსპოდინ შკვითინსკი. საბუთების შეთითხნისთვის ნეტავი, რამდენს ითვალისწინებს ამათი კანონმდებლობა?! თუმცა ახლა ჩემს მართლმსაჯულებას გაკმარებ. ცრუ დაბადების მოწმობა ერთი წლით შევაფასოთ. წავედით წინ. ამ ერთწლიანი ცოდვით ხომ აპირებდი საპასპორტო მაგიდის შეცდომაში შეყვანას?! აპირებდი, აპირებდი! აქეთ ეცემოდი, იქით ეტაკებოდი; ამას ჩაუჭიბავდი, იმას ჩაუსრიალებდი; ამათ დააბმავებდი, იმათ გააცუცურაკებდი; გასრულდებოდა, განაღდებოდა შენი საწადელი. საზღვარს მუხანათურად გადმოლახავდი სატანჯოელი ბიოჯაშუში. მსოფლიოს ერთი მეექვსედი ყბადალებული ქვეყნის მოქალაქე გახდებოდი. ძირგამომთხრელ მოღვაწეობას შეუდგებოდი. ლოგიკის ჯაჭვი შეიკრა. ავი ზრახვებით პასპორტის ხელში ჩაგდების მცდელობისათვის რვა წელიწადი შეირგე, ხოლო მისი ნაწილობრივი რეალიზაციისათვის — ათი. ამას აქეთ სიმწიფის ატესტატი წამოჰყოფდა თავს, რომელიც ურცხვად იღალადებდა თვრამეტი წლის გიორგიკო ხანთარიძის განსწავლულობას. ქართულში — ფრიადი, რუსულში — ფრიადი, გერმანულში — ფრიადი; ფიზიკა, ქიმია, ბიოლოგია, საზოგადოებათმცოდნეობა — ფრიადი, ფრიადი, ფრიადი. ღმერთო, რამდენი ფრა! სანიმუშო ყოფაქცევაო. ეს კი მართლაც გადამლაშებულია. ყოფაქცევაში —

ნული. ნულზე გამრავლებული რიცხვების შედეგი მოგეხსენება. მოჭრილად რომ ვთქვათ, ნულოვანი პიროვნება ხარ. ხუთი წელიწადი შეირგე, ცხენო!

ჭიჭე კვიკვი: ჰა-მეთქი, ამოდერდე! ექავება, ექავება! დახეთ, ამ ერთუზიასტ კომკავშირელს?! კი, მაგრამ სამეკრდე ნიშანი რომ არ გიკეთია, თუ ბიუროზე შესვლის წინ მათსავით მიიბნევე?! მერე იქნებ კომუნისტური პარტიის რიგებში შეძრომაც მოგეხერხებინა და ვინ იცის, შემდგომში საით გაუტევი, რომელი სავარძლისაკენ?! შესაძლოა მთლად ზევითაც გაგეკაფა გზა. ერთ მშვენიერ დღეს ტელევიზორის ცისფერ ეკრანზე გამოჰქიმულიყავი, გაზეთები აგექაქანებინა, უცხოელი ჟურნალისტებისათვის პრესკონფერენციები გაგეშართა. ესეც შენი საერთაშორისო დანაშაულის შესაძლებლობა! ოცი წელიწადი შეირგე, უბიწოებიდან გამოსროლილო! დიო სორექი!*

ჭიჭე კვიკვი: წადი შენს მტრედთან, ტორთონჯია. კაცმა სიმართლე თუ არ ინდობა, სარკეში თუ არ ჩაიხედა, შუბლ-ჭუჭყიანი ხართ, არავინ გეტყვის, უმეტესად — უცხო.

ესე იგი შენი ვარო, მახლობელი ვარო, მითხრა ამით. ვლაპარაკობთ, ვლაპარაკობთ, ვლაპარაკობთ, ასე არის, ისე არის, ამგვარად. რატომ კაცო?! რისთვის, რანაირად და რარიგად? წყლის ნაყვავა სუფთა! როცა ბავშვი აკვანში წამთიკვნიესებს, ამოყვანა უნდა. თუ ეს დედამ მითმინა, ტირილს დაიწყებს. ამასაც თუ გაუძლო, აჩხავლდება. რამდენიც გინდა, ამოშმინე, უჟღარუნე ეჭვნები და საჩხაკუნებლები, უმღერე და უცეკვე, სხავილს უმატებს და უმატებს, რადგანაც ჩასვრილი აქვს, რომ არ გამოტანო, გზა... აქ გამიწყდა ფიქრი მაშინ მე. ალბათ, უნდოდა ეთქვა, გზა არ არისო. მეტი რაღა გითხრას იმ კაცმა?! ადექი და ამხილე შენი ავკაცობაო! სულ იმას ცდილობს, როგორმე მართალ გზაზე დაგაყენოს, როგორმე ჭეშმარიტებისაკენ მოგაბრუნოს. დახეთ, მართლმსაჯულებაც სიმპათია-ანტიპათიაზე ყოფილა დამყარებული. ახლა მთავარი: მამის მკვლელობისათვის — თხუთმეტი წელი, კოჩიას გაწირვისთვისაც ამდენივე, მათა ჰალიძონიას დალუპვისთვის — ოცი, ხოლო საკუთარი თავის გავერანებისათვის — ოცდახუთი. რამდენი ოდაბადელი გაიცანი ამ დღეებში?! ათასამდე კაცი ხომ მაინც?! შეიძლება სამჯერ მეტიც. შენმა მზემ, სათითაოდ გააკეთილშობილე, არა?! ვთქვათ ორი ათასი განშმინდე. Katharsis*.

ჟინი: ესთეტიკის მცნება, რომელიც გამონატავს ადამიანზე ხელოვნების ესთეტიკურ ზემოქმედებას.

გარეგანი დაწოლით თუ შინაგანი მოთხოვნებით?! სიკეთე სავალდებულოა. სამყაროსეული მიზანია. ის უფრო იათად ფასობს, ვინაიდან საყოველთაო, ადამიანის მოქმედების ანი და ბანია. თითოეული ოდაბადელის მოქცევა — ერთი წლით ამნისტია, სამაგიეროდ გაწარმართება — ორი წლით პატიმრობა. დაბოლოს, ხანტური. მოგენდო, გესიყვარულა, შეგითვისა, ფეხქვეშ გაეგო. მამის ნაქურდალი ფულები ნაყიდი ხიზილალათი და ზეთისხილით გაგიმასპინძლდა. რა გამოვიდა ყოველივე ამით?! არაფერი!

ჭიჭე კვეკვე: ახლადანთებულ ცეცხლს ურეში შეშა რომ წააყარო, ან სულის შებერვთის მაგივრად გრივალეები დაატეხო თავზე, ჩაქრება. ნელ-ნელა გაღვივება სჯობია. ასეთი სიყვარული სამომავლოდ გაცილებით გამოსადეგარია. სიყვარული მეორენაირიცაა, ყველაფრის ერთბაშად შემსრუტავი. ვერ გაგამართლებ ამისთანა გრძნობას, ვინაიდან, თუ ერთ ღამეს დაიფერფლე, მერმინდელი სიცოცხლე ხომ უაზრო შეიქმნება, თუმცა ძნელი სათქმელია, იქნებ იმ სიმხურვალეში ჩემისთანებისათვის მიუწვდომელი, სულ სხვა ხასიათის ჭეშმარიტი რამ ღღვება, იწროთბა. ტორთხია, ან შენ ესტუმრე მტრედის ბუდეს, ან... რა არის ეს ან?! აქეთ წამოიყვანეო, არა?! სერიოზულად ამბობდა ამას თუ მცდიდა?! მის თვალში ჩვენ ხომ ალალი ბიძაშვილები ვართ, იგივე — და-ძმა. დამცინის აშკარად. ის კი არა, თავიდან დედასთან თავსლაფი დამასხა კინალამ.

ხომ უქენი იმ ღამეს, ხომ უქენიო, მეხიხინებოდა იმდენი ბილწ-სიტყვაობის შემდეგ, მაგრამ ყანყრატოში რომ ვწვდი, გაფითრდა.

ჭიჭე კვეკვე: გვეხხხუმრე.

რატომ მივლის შორ-შორიდან, თუმცა შენ ხომ ერთი გულგახსნილი ვინმე გყავხარ?! ფუთიანი ბოქლომებით მოგიმუწავს პირი! ხანტური, ხანტური! ოლივიე ჰასი* ძეფირელის* ხასად უქციე. მოჰკალი მისი უაიტინგი,* მისი რომეო. ამას გასწავლიდა რაბი?! აკენიდანვე სიცრუით მოზელილო, სამაგიეროს გადახდას ნუ იკითხავ! ჯერ ხორცს ავენებს და მერმე სულსო. აგერ, შედეგიც. ახლა დავიანგარიშოთ... ერთი და რვა ხომ არის ცხრა? არის! ცხრა და ათი, ცხრამეტო, არითმეტიკამ. როგორ მოახლოვდა სასაკლაო?! ცხრამეტი და ასი, გაასცხრამეტდა. საუკუნეს გადავუკაკუნეთ. აქვე ორი ათას ამნისტირებულ წელს, ოთხი ათასი წლით პატიმრობას თუ მივუმატებთ, უტყუარი ორი ათასი დაგვრჩება და საბოლოო ჯამში, ქაჯური ანგარიშის წყალობით, სამ ათასწეულზე მეტი მოგიგროვ-

და, ცოტათი ნაკლები, ვიდრე ჭყონდიდის წლოვანებაა. შეხედე, ქრისტეც უკან მოიტოვე, ფრთოსანი ჭიანჭველა უცებ გაღმერთდალდა, მაგრამ რა უნდა ვქნა მე, მოკვდავმა, რომელსაც მამაჩვენის თეორია არ მიმეორებს? იწკავწკავე!

ჭიჭე კვეკვე: დურუ ჰალიძონია ხომ გაგიფონიათ, ხონის კოლონიისში რომ ისდის სასჯელს?!

ჰოდა, მაგი-მეთქი.

თუ მიშველის ვინმე, ისევ და ისევ დურუ. ხვალვე მანქანას გამოვართმევ არდაშელს და როგორმე მოვძებნი. ცდომილება: საბუთები არ მაქვს, გზაზე ჭრელჯოხიანები გამაჩერებენ. უმჯობესია, სახუ ანთარიას ვთხოვო, თუმცა ისიც რად მინდა. ბიჭები ერთ გაწამაწიაში იქნებიან. სულაც ტაქს დავიჭირავებ, ანდა — რომელიმე ხალტურისტს. როგორ არის ხალტურისტი ქართულად? ბალახტარა. საბალახტაროდ წავიდა. ღარიბდება ამათი ენაც. მე ვიკითხო, თორემ შენ საქმე ყოველმხრივ იდეალურად გაქვს. შენს ღვთაებრივ მდგომარეობას ადამიანური მასალა რას გამოადგება, მალე შემოაცვდება ჩონჩხზე. ამიტომაც ვერ ხერხდება შენი კუჭ-ნაწლავის, თირკმლების, გულის მატერიალიზაცია. იუღადა გაკლია, თორემ სამების ცერზე შემდგარი მეორე ოპოსტასი* ხან, ჟინი ანთარის ლერწმით ქალწულ ცირიბიას საშოში ჩაბერილი. რამ დაგამუნჯა? ენა რამ ჩაგიწყვიტა?! ნურაფრის გეშინია, ტორონჯია. ამ ტვირთს ჩვენ საუკუნოდ ვიმყოფინებთ. ნემის ლომისა* და ცხრათავიანი ურჩხულის მოკვდინება გაცილებით ადვილია, ვიდრე ავგიას თავლების მსიბინძურის მკერდით გატანა. ჯულიეტამ ძმის მკვლეელი შეივრდომა; მედეამ — სამშობლოს დამამხობელი; იზოლდა ქმრის დისწულს ჩაბარდა; ნესტანმა მმადსაკადრისი შეიყვარა; ფედრამ* — გერი; იოკასტე* შვილს ეცოლა და ვინ იცის, კიდევ, მაგრამ ეს ლიტერატურაში, შემოქმედის გონებაში, ჭიჭე კვეკვეს საასპარეზო სივრცეში. თუმცა მე ხომ ცხოვრების ელემენტი ვარ?! შენ როცა ანაბიოზში თვლემ, მე ვიწვი, ვილევი, ვნადგურდები. სოფოკლეს ჩემისთანები აპურებდნენ: უსახლკარონი, უდედამონი, უეროვნონი, მოკლედ, ვიდაც დიდზე დიდი უუუები. შენ კი ჩემი სახით იდეალური სამოსელი გწყურია, ვისაც ყველაფერს მიუტევებენ.

იქმენ ფრთოსან ჭიანჭველადაო, ეტყვიან, თუ იქმენ სიცოცხლემისჯილადო, სულ ერთია, წამითაც არ შეეჭვდებიან, რომ მის უკან უკეთეს შემთხვევაში ბუტბუტი ანთარია ღვას, კემესა და ტორონჯიასავით ნაბიჭვარი, საზოგადოდ კი ბიძაშვილის მოტრფიალე ბონდო

ჰალიძონია, ვინც უკვე საბრალო დედის მეტს არავის ახსოვს. ცირი-ბია შკვითინხე. ცირა შკვითინია. ხომ ტკბილია სათქმელად შკვითინია, შკვითი, შვილი. **Семь-siben-sept.** რალაც საკრალური სუნი ტრი-ალეხს. დიახ. საკრალური სუნი მცემს. ნეტავ შკვითინებისგან ხომ არ მომდინარეობენ სკვითები?!

ჟინი: ბუტუტი, სკვითები ირანულ ენაზე მოლაპარაკე მომ-თაბარე ტომებია, რომლებიც შავი ზღვის ჩრდილოეთის სა-ნაპირთ ველებზე ცხოვრობდნენ ჩვენს წელთა აღრიცხვამდე მეშვიდე საუკუნიდან ჩვენი წელთა აღრიცხვით მესამე საუ-კუნემდე და ალბათ, ასიმილირება განიცადეს სლავებისაგან. მე ვარ ის წარმმართველი ძალა, რომელიც აღმართს ხნავს.

საინტერესოა, ჟინი ანთარმა ჭეგე ანთარია რისთვის უარყო?! ჟინი გასაგებია, ზენა, ზემოური, მაგრამ ანთარი?! ჯავახიშვილი ანთარს ხევესურთა ანატორს და აფხაზთა აითარს უკავშირებს. მას ირანულ-შიც მოეძებნება შესატყვისი და ათარი ოჯახის მფარველ, ცეცხლის ღვთაებად წარმოგვიდგება. ცხადია, ამ ღვთაებას უფრო ღრმა ფეს-ვებიც შეიძლება ჰქონდეს, თუნდაცა შუმერულში **AN-TUR-ZI.** ხე-თებთან ჰქეა-ქუხილის ღმერთს თარუ ჰქეია. გამოვიყნოთ ანალიზისა და სინთეზის მეთოდი. ანთარ ორმარცვლიანია და ორად გაავთი-შოთ: ან და თარ. შუმერულში ან ცის ღმერთთია — **ან დეცემ.** ესე იგი, ან ძირითად ჩანს, თარ-ი კი დამოკიდებული, მსაზღვრელი. ღმერთი ცისა თარი. თარ ხომ სვანურში ხშირად მთავარს უიგივ-დება. ესეც რომ არა, ტარა ურარტულში ძლევა მოსილს, ძლიერს, ბევრს აღნიშნავდა?! მსჯელობიდან ამნაირად გამოდის, ღმერთი ცისა მთავარი, ანუ ან-მთავარი, და ბოლოს მივიღეთ ანთარი, უკვე დასინ-თეზებული, ახალი შინაარსით დატვირთული. იცოდა ეს ყველაფერი სატანჯოელმა. ცის ღვთაებად შერაცხა თავი. მაშასადამე, მეორე იპოს-ტასიც საჭირო იყო და გამოჩეკეს კიდევც. თუმცა განა ანთარია უფ-რო შეკუმშულად არ მოიცავს ჟინი ანთარს?!“

ბონდოს სულიერ მდგომარეობას ნეონის შუქში შეცუტრებულ ქალაქის გადარეული ქუჩებილა თუ შეესაბამებოდნენ, რომელი ჩი-რალდნები მუშტისსისხოდ ანაკვერჩხლებდა კემეს ფიჩხს, მეფეთა დარბაზების სამყოფ ნათელს აისხლეტდა, სამარადისოდ ბინავდე-ბოდა უსასრულობაში და ამასთანავე კეთილ-ბოროტის საზრისს განასჯეინებდა ბაწარ-ალებით.

„ნუთუ უარყოფითი დადებითს მოიცავს?! სინათლე მომენტიცა და სიბნელე აბსოლიტური?! იქნებ ყველაფერი პირიქითაა?! ჰეშმარი-

ტად! სამყარო ადამიანისთვის იგივეა, რაც ნაჭუჭი, ცილა და ყვით-
რი წიწილის გამოსაჩეკად. ასევე ადამიანიც შუალედურია არსე-
ბულისა და გონით სამყაროს შორის. აქვს კი ამ პროცესს ზღვარი,
დასასრული?! დაიძინა პატარამ. რა დრო გასულა?! არ გამიცვიდეს!“

ირგვლივეთის იღუმალ მოვლენებზე რამდენიც უნდა ეაზროვ-
ნა ბონდო ჰალიძონიას, მისი პიროვნების გარშემო უკვე შეხედულე-
ბათა სისტემები არსებობდა: ამ საქმეში ქრონოლოგიის შესაბამისად
პირველობა „ოდაბადე, როგორც ასეთს“ ეკუთვნოდა, რომლის მი-
ხედვით № 123 გენეტიკური მასალა სასიცოცხლო ძალების თუ ინტე-
ლექტის სინთეზის წყალობით, ნიცშეს ზეკაცს უტოლდებოდა, ვისთ-
ვისაც მიზანი მიზანი საშუალებას ამართლებს, და როგორც ზე,
ღვთაებრივი, განუსაზღვრელ უფლებამოსილებას იძენდა. სატანჯო-
ელის მონოგრაფია ყმაწვილს აბსოლუტიზმისკენ, შინაგანი გაბრწ-
ყნებისკენ მოუწოდებდა. ცდისპირის ბუნებაში გამორიცხავდა ერ-
თდროულად ორი საწყისის არსებობას, ან ერთოსანი ჭიანჭველის გზას
უნდა მისდევნებოდა, ან კიდევ — სიცოცხლემისჯილისას, თუმცა ჟი-
ნი ანთარისგან განსხვავებით, ბონდოს თავისთავში ორივე აღმოეჩი-
ნა და ახლა მათი თანამშრომლობისათვის თუ ანტაგონიზმისთვის ნი-
ადაგს ამზადებდა. ამ ორი სუბსტანციის წინააღმდეგობით თუ შერ-
წყობით გახსნილი ხასიათი იგივე სამყაროს უზოგადესი არსის დაზუს-
ტებასაც გაუტოლდა მისთვის. განსასჯელ ობიექტსა და სუბიექტს შო-
რის მერყეობა, ბოლოს და ბოლოს კულმინაციას, ფინალს მოითხოვ-
და, და ამრიგად, *Tertium non datur*-ის კვალობაზე, სატანჯოელის „მე-
სამის“ შესაძლებლობის ჰიპოთეზას დღის წესრიგიდან ხსნიდა, რად-
განაც „მესამე ანაბიოზის პირობებსაც კი არ ემორჩილება, ის ზღვარ-
დაუდგენელი, ერთის დასასრული და მეორის დასაწყისი, გარდამავა-
ლი ფაზაა და ამდენად, მოუხელთებელი მომენტიაო,“ ასკვნიდა. აქე-
დან გამომდინარე ბონდო ადამიანს საზოგადოებრივ პროდუქტად მი-
იჩნევდა და პირვონების ხალხთან მიმართების რამდენიმე შესაძლე-
ბელ ვარიანტს აღიარებდა: ჩაკეტილი, იზოლირებული, პერსონი-
ფიცირებული ინდივიდისას, რომელიც დაბადებისთანავე სიკვდი-
ლისთვის საკმაოდ მოზრდილია, მაგრამ — სამყაროში გადაგდებუ-
ლი, არარაობის წინაშე მკრთომარე, განსაზოგადოებრიობას ვერ
ახერხებს და პიროვნებას გახსნილს, ბრბოში ათქვეფილს, აზროვნე-
ბის საერთო ქსელში ჩართულს, მთელისა და ნაწილის სინთეზს.

„მომავლის თვალსაზრისით რომელი გზა უფრო ოპტიმალური?! პიროვნებამ საითკენ აიღოს ორიენტაცია?! ინდივიდი ესწრაფვის რალაცას, გარემოც მოითხოვს ემოციათა ხარკს. როდის, რა მომენტში ემთხვევა ერთმანეთს მათი მიზნები?! სად არის ოქროს შუალედი, როცა ორიგინალურობაც შენარჩუნებულია და ზოგადიც არ ზარალდება?!**რამეთუ რა სარგებელ ეყოს კაცსა, უკუთუ სოფელი ყოველი შეიძინოს და სული თმისი იზღვიოს? ანუ რაი მისცეს კაცმან ნაცვლად სულისა თმისისა?** ნემენტროპია თუ ენტროპია, ქაოსი თუ წესრიგი?! რამდენად ბოჭავს ჩემს ნებას ჩემი შესაძლებლობა?!“ მსჯელობდა ბონდო, ასე რომ, მისთვის თვითგამორკვევა სამყაროს უზენაეს მოწესრიგებას გაუტოლდა, იმისდა მიუხედავად, რომელს მიემხრობოდა, ერთეულს — ხანტურს, თუ ზოგადს — ოდაბადეს.

შვილისგან უარყოფის მთავარ მიზეზად ცირა შკვითინიას სამარცხვინო წარსულთან ერთად, წყალდიდობის ღამით სულის საბედისწერო გაშიშვლებაც მიაჩნდა, რომლის შემწეობით არსთაგამრიგემ მოუღუნა, დაუჩლუნგა დედაშვილური ინსტინქტი, გუმანი, ალღო და სატანჯოში დატრიალებულ უბედურებას, რაც მეტად უღრმავდებოდა, მემკვიდრისადმი წაყენებული ბრალდება თანდათან ირწმუნა. დედამ სატანჯოელების მკვლელად კი ცნო შვილი, მაგრამ დანაშაულს დამაჯერებელი მოტივი ვერაფრით დაუძებნა. ეს კი ისედაც გაჩანაგებულ ქალს ას თვალს და ყურს გამოაბამდა, რათა უადგილო ნათქვამით თუ საქციელით მკვდრეთით აღმდგარი პირმშოსთვის სამარე ხელახლა არ გაეთხარა; არსებულ მდგომარეობას დასჯერდებოდა და მერმისის იმედით ესულდგმულა.

სატანჯოელების მიყოლებით მოკვდინებას უკვე ჭიჭე კვეკვეც ბონდოს მიაწერდა, თუმცა ცირასაგან განსხვავებით, ბოროტმოქმედებისთვის ფრიად სარწმუნო საბუთი გამოენახა: ნახევარძმის ნაავაზაკარს ბედისწერის წინაშე გაბრძოლების, წუმპიდან ამოსვლის, არასრულფასოვნების ჩარჩოთა დამსხვრევის ცდით ხსნიდა. დღემდე მომხდარ და აწმოსალოდნელ სიავთ ბონდოს მოჭარბებულ პატივმოყვარეობას მიაწერდა, ხოლო აქამდე ნამოქმედარი ყოველი სიკეთე, შირმად, განხორციელებელი საშინელების დაფარვის ხერხ-ფანდად მიიჩნია. ასე რომ, დღეების წინათ ბონდოს სრულყოფილებით აღფრთოვანებული, ამიერიდან შურისძიების ჭაობად ქცეულიყო.

ჭიჭე კვეკვე ხანდახან იმასაც იხსენებდა, თუ ანდერძის კითხვი-

სას სიმწრის ოფლში რანაირად იწურებოდა ყმაწვილი; რაფერ გამორიცხავდა კოჩიას ავტორობას; წერილს რარაგად აღმოუჩინა შეთხზვის რეალური დრო.

„სამართალმა პური ჭამა. საკუთარი თავი უნებლიეთ გასცა“, თრთოდა სიხარულით, თუმცა მიხვედრილობას მკვიდრად ინახავდა გონების სიღრმეში. მომხდარი ამბის დამალვას, მიფუჩეჩების საბაბ-მიზეზი, ცირა შკვითინიასი არ იყო, ჭიჭე კვეკვესაც უამრავი ჰქონდა. ჯერ ერთი, გაურკვეველობა ვნებიან სატრფოს უნარჩუნებდა. საიდუმლოების გამოაშკარავება მათ კავშირებს მყისვე დაამხოდა. მართალია, ნახევარძმის, მაგრამ მაინც ძმის დედას, გულისნადების გამომჟღავნების მერე ვერაფრით დაისაკუთრებდა. ესეც რომ არა, დღისით მგლოვიარე ცირას ღამით ახურვებამ, სუსტ სქესზე ისედაც გაფუჭებული წარმოდგენა მთლად წაუხდინა. წარამარა ისაწყლებდა დედაკაცთან გაიგივებულ სიტყვა „არარაობას“, თუმცა ვნების მორევეში ჩაძირულს დანიის პრინციის ცნობილი ფრაზაც ავიწყლებოდა, დაბადების მოწმობაც და მასთან დაკავშირებული საშიშროება-ხათაბალანი.

წყალდიდობის დღეებში ბაბუა-ბებიას შორის გამართული დიალოგი, ბონდოს ამოცანაში დიდად წაადგა ბაგი ანთარისაც.

— ხვალინდელი დილა ნუ გამითენდება, გაჭრილი ყველივით თუ არ ჰგავდეს ჟინი ანთარს! — უმტკიცებდა ნაღვინევი ჭოფია ბალიშზე მისვენებულ ძუბა ჭანისა.

— ეტყობა, ენგურმა ბორანთან ერთად ჭკაც წაგართვა, უბედურო, — ცხარობდა დედაბერი, — სად ჩემი მხსნელი ანგელოზი და სად — შენი ცხვირპირმოჭმული ჯიმადი?! ისედაც როგორ მიატოლე სულწაწყმედილს?!

— რა ამბავია ჩემს თავს, კაცის კაცთან მიმსგავსებასაც მიშლით?! — წამოთარანდა ჭოფია და შინდის ხელ-ჯოხი აძგერა და აძგერა მუგუზალს.

ამას ზედ ჭაჭია ქობალიას ჩვენთვის ცნობილი მონათხრობიც დაემატა.

ბაგი ანთარიამ დამფრთხალ მწყემსს დაუყვავა, დაანუგეშა, ყოველნაირი დახმარება აღუთქვა, თან ღამის გული სიხარულისაგან გასკდომოდა.

„კიდევ კარგი, არაფერი დავროშე! რა ჭირის ოფლს გადავრჩი?!
ჭიჭე კვეკვე: დიას! ამ ანდერძის უკან დიდადგანათლებუ-

ლი პიროვნება დგას უსათუოდ. მერე მთავარზე მთავარი, წყრილში საუბარია ნაშუადღევზე, ბინდისპირზე და არა ათი იანვრის დილაზე. ეტყობა, ყოველივე ჟინის ანთარის შორსგამიზნული ზრიკებია მართლაც. რა პირით შევხედავდი ქვეყანას, თუკი ბონდოს ცოდვას კისერზე დავიდებდი?! ადრე თუ გვიან ამისთანა გონებაგახსნილი ყმაწვილი თვითონვე გააკეთებს არჩევანს: გამოგონილი გვარით იცხოვრებს თუ ნამდვილით. ეს პროცესი სამკვდროსასიცოცხლო ხასიათისა ჩანს და კრიტიკულ მომენტამდე საქმეში ჩარევა ყოვლად დაუშვებელია!“

ძნელი სათქმელია, ვინ უფრო ადრე ამოიცნო ბონდოს პიროვნება: ჭოფია ანთარიამ, ცირა შკვითინიამ, ბაგიმ თუ ჭიჭე კვეკვემ, მაგრამ ოთხივესგან განსხვავებით აღმოჩენილი სინამდვილე ხანტურ ჰალიძონიასათვის დაშრეტილი ძუძუს მესხიერებიდან ამომშლელი სატიკვარი შეიქმნა.

„სამაგიეროს უხდის არდაშელს და ამიტომაც მექცევა ასე. ახია მაგაზე, უარესის ღირსია. ცოლ-შვილის დამღუპველი! ნაარმევი ლუკმაც საშვილიშვილოდ გვინელებს, მაგრამ მე, მე რა შუაში ვიყავი?! რას მემართლებოდა?! რატომ თავიდანვე არ გამიძილა ყოველივე?! აქამდე ბაჯალლო ოქრო სპილენძად რამ გადამაქცია?! მაშ, ტყუილად მევლებოდა თავზე?! ტყუილად მეფიცებოდა სიყვარულს?! ტყუილად მეძახდა ფრთოსან ჭიანჭველას?! თავბრუ დამასხა, სული ამომართვა, გული ამომაცალა და ახლაა რომ მტოვებს?! ჯალათი! ჯალათი! რატომ მიმტკიცებს, თითქოს ჰალიძონია საბუთითაა მხოლოდ, სინამდვილეში კი ზანთარიაა, ჟინი ანთარის შვილი?! რომ არ ვყვარებოდი, რისთვის მომენდებოდა, რისთვის გამიმჟღავნებდა ან ერთს, ან —მეორეს?!“

ეს ყველაფერი ხანტურისთვის გონმიხდილობის ღამის მერე გახდა ცნობილი. ქალიშვილს ჯეროვნად ახსოვდა შინმოზრუნებამდე გადადგმული თითოეული ნაბიჯი: ძვირფასი სტუმრების აჩქარებით გამოწვეული ანთარების აფორიაქება იყო ეს, თუ სამარის ლოდივით გაჩუმებული ბონდოს წინაშე, აქამდე რაღაცნაირად მოზოჭილი გრძნობების გამხელა-გაშიშვლება.

კონიაკის წრუპვისგან ღიღინის ხასიათზე დამდგარმა ხანტურმა შინმოუსვლელთა პარკში გასეირნება ინდომა. ბედად, ჭიჭე კვეკვეს სამფლობელოს ჭიშკარი დაკეტილი დაუხვდათ. შინისკენ მოზრუნდნენ. ევკალიპტების ქათქათა ხეივანმა, მოციმციმე ლამპიონებმა, ასული ერთობ მოაჯადოვა. მარცხენა მხარეზე ლოყა მიახუტა მიჯნურს. თითები თითებში ჩაუხლართა.

— თუთა ახალი, სი გამახარი!* — დაიწურჩულა სატრფოს გასაგონად და ტრადიციის საწინააღმდეგოდ მთვარეს შესცინა. არც მიჯრით მიწყობილი კბილების დაჭიანებას შეუშინდა და აღარც — მოსალოდნელ დეფლორაციას.* იგონებდა, კიბეებზე ასვლისას რანაირად ამჩატებდა წელზე შემოხვეული ბონდოს მკლავი. ეს იყო და ეს. საშინელი სიზმრებიდან გამოღწეულს, ციტრუსთა დანამული ფოთლებიდან მზის სხივები ეკეკლუცებოდნენ. საბანში შეფუთული ჰამაკის რწევას მინებდა. ერთხანს მესხიერებიდან ამოშლილი ღამის სურათების აღდგენა სცადა, მერე შემკრთალმა ხელი მოიფათურა სხეულზე. გამოცვლილი ტანსაცმლით დამფრთხალი ისე გაქანდა საძინებელ ოთახისაკენ, გეგონებოდათ, სარკელა იხსნიდა მოსალოდნელი უბედურებისაგან. სუნთქვაშეკრული ხანტური ისეთნაირად აკანტუნებდა თავს, იფიქრებდით, იმ ლურსმნის ამოძრობას ცდილობს, თეთრ სკამზე მიკრულს გულმოდგინედ რომ დააჭედეს წუხელ ძილში კეფაზეო. ქალიშვილმა სწრაფად მოიშლიდა საღამური და გაუქმებულ მკერდზე ნათითარები მოელანდა. ერთიანად გაფითრებულმა ხანტურმა დილის შუქი იცოტავა, ჭალი შემოიშველია და აკვნისდროინდელმა სიღამწვრემ მოულოდნელად შეყვარებულის ხელის მტევნის ფომა მიიღო.

წერილიც მაგიდაზე დაუხვდა. „ცოცხალია ბონდო ჰალიძონიაო“, აუწყებდა გამოუსწორებელ ლოთს ნაცნობი ხელწერა. მართალია, ეს ძვრები უდაბნოსავით ჩახრიოკებულ მკერდს ვეღარ უღორძინებდა, ვერც ტანის მიძინებულ ნახევარს უღვიძებდა, ვერ უმრთელებდა ნაკლულს, მაგრამ წყარო, რომელიც საფიცარი ადამიანის საიდუმლოს გამხელამ აღმოაცენა, სიკვდილზე უარეს შერცხვენას უქაღდა — ბიძაშვილთან ლოგინის გაზიარებას ჩააგონებდა. კიდევ კარგი, ორი დღის შემდეგ ტელეფონით შემოეხმინა ბონდო და: ის მემკვიდრე ჟინი ანთარისგან ჰყოლია ცირიბიასო, გაუმხილა. გულზე მოუფონა ჰალიძონხეს რამდენიმე, თუმცა ხავსივით წასაბლაუჭებელი ცნობის მიუხედავად, ხანტურის ცხოვრებაც უკიდურესობამდე დაიძაბა.

„ხელი ცამდე მიუწვდება ჩემს მკვლელს. ღმერთების საკადრის ზეფირებში ცურავს, მაგრამ ჩემი სიყვარულის გულისთვის ყველაფერს სწირავს: გვარსაც, ნათესაობასაც, დედასაც, მეობასაც კიო“, გაიზარებდა; ამიტომაც სანატრელ ადამიანს გაურბოდა და კიდევ ნებდებოდა ოცნებაში. მეასედ,, მეათასედ კითხულობდა ხელისგუ-

ლისოდენა წერილებს. უსულო ქალადებს კოცნიდა, მათ სარეცელზე მიწვებოდა. ბონდოს ოქროსფერი კულულებით აფერადებულ ფარდაზე მიიბნიდებოდა. იხსენებდა, მილიდან წამოჩქაფუნებული წყლით როგორ რეცხავდნენ მანქანას; საქარე მინას რაფერ აპრილებდა კისკისით, სიხარულით რანაირად კუნტრუშებდა.

საჭირო ნივთებისთვის ჯერ თავად ბონდო მოდიოდა ჰალიძონიებისას, მაგრამ გამოხდა ხანი და ყმაწვილმა, ხან თითო-თითოდ მიუგზავნა მეგობარი ხანტურს, ხანაც — ჯგუფ-ჯგუფად.

— შენმა დოხტურმა, თუ ჩემი თვალის სინათლე არის, მეთესლე დაფნის ძირას დაქანგული არმატურა და მილები რომ აწყვია, გამომიგზავნოსო! — გადასცემდნენ დანაბარებს ერთნი.

— გოგო, შენმა გიორგიმ, ჩემს ცხოვრება ხანტურთან მიდით და სამზადის უკან, დოლაბის ქვის სიახლოვეს დაყრილ რკინის ფურძლებს გამოგატანენო! — ეტყოდნენ მეორენი.

— სულ გაწუხებთ, მაგრამ რა ვქნათ? შენმა ფრთოსანმა ჰინანჰველამ ბრძანა, ბოსელის ხელმარჯვნივ, სიმინდის ნაყანარში შეგორებული გუდრონის მორგვები ურიკაზე დადევით, ზედ ნალიაში მიყრილი ტოლის თფები დააწყვეთ და აქ მომიტანეთო! — თამამად მოსჭრიდნენ მესამენი.

მოდიოდნენ. მოხორხოცებდნენ. ვინ მიხაკს უსახსოვრებდა, ვინ მიჯნურის მოკითხვას გადასცემდა. გამოიკვლევდნენ მილანდარის ჯანმრთელობას, მერე — „ხანთარიძემ გამოგვაგზავნაო“, „ხანთარიძეს ესაჭიროებაო“, „ხანთარიძეს ნებაესო“, ეტყოდნენ და მიჰქანდათ ელექტრო და ავტოგენური შემდუღებელი აპარატები, ელსადენის მავთულები, კაბელები, სხვანი და სხვანი.

დღითი დღე მიუღებელი განცდები და სურვილი იმონებდნენ ხანტურს, თუმცა შეყვარებულისაგან გამყოფი კედელი ნელ-ნელა თხელდებოდა. სწამდა, რომ საშვილი შვილო ცოდვას სჩადიოდა, მაგრამ პაპიდა მათას თავგანწირვის გარეშე, იცოდა, ბონდოს საწადელს ვერაფრით ამოიცნობდა.

„თუ მართლაც ვუყვარვარ, თუ მართლაც ჟინი ანთარის მემკვიდრეა და კოჩიას მხოლოდ დაბადების მოწმობით მიეთვლება, მაშინ ჩემს გრძნობას უსათუოდ უპასუხებს; არადა, როგორც აქამდე ახერხებდა, თავს მომარიდებსო“, მოსჭრა. ერთი სიტყვით, ედემის ბალში ევას ჩადენილ გმირობას იმეორებდა, რომელ თავდადებამაც სამყაროს მამაკაცი აღმოუჩინა და გადაურჩინა კიდევ.

უკვე ნებისყოფაც დალატობდა ხანტურს და საზრიანობაც. ცო-

ტა ხანში მამაპაპური ადათიც დასძლია. მოსალოდნელ შერცხვენასაც თვალი ამაყად გაუსწორა და ყოველი პიროვნული განძი, ღირსება, მის წინაშე სვეტიცხოველივით აღმართულ გულისსწორს მსხვერპლად შესწირა. ზოგჯერ ვერც ავისმომასწავებელი ფიქრების შემოტევას უმკლავდებოდა. განსაკუთრებით, აი, მაშინ უმძიმდა ბონდოს წერილების ადრინდელი გულბრიყვილობით ჩახუტება; მისი ნაქონი ნივთებით, საგნებით დამშვიდება, მაგრამ მათი უარყოფაც ქალიშვილის ძალ-ღონეს აღემატებოდა. ფრთოსანი ჭიანჭველისთვის თუ სიცოცხლემისჯილისათვის წარბშეუხრელად ეგებებოდა თავლაფდასხმას, გაძალღებულ ყოფნას, გნებავთ — ზეზეურად სიკვდილს. თუნდაც შურისძიების საბაბით დაძრულ მდინარეს საუკუნოდ შემოიერთებდა ზღვასავით მოხასხასე მისი სული. ხანტურს ესოდენი ფერიცვალება არასდროს განეცადა. ქედმაღლობის, ამპარტავნობის ნაქუჭში აბრეშუმის ჭიასავით გამოკეტილი, ბონდოს შეხებამ ამქვეყნიური შებოჭილობებისაგან გაათავისუფლა; ამიტომაც თავისთავს ხან დედამიწის ზურგზე უბედნიერესს უწოდებდა, ხანაც — საბრალოზე საბრალოს. ზოგჯერ ნეტარებით ფრინავდა ოცნებაში, ზოგჯერაც მწუხარების ცრემლი აოსებდა. ვერც გამოკვეთილად პასუხობდა სატრფოს, ვინაიდან არ იცოდა, ამით ცხოვრებას შეუმსუბუქებდა, თუ დატანჯავდა, უფრო შემოიბტკიცებდა თუ მთლად დაკარგავდა და ყოფნას ჯოჯონეთად გადაიქცევდა. აქამდე სათაყვანებელი მამის გასალიზიანებლად თეთრებით იმოსებოდა ხანტური, ღილინებდა, როცა შავების ჩაცმა და გლოვა მართებდა. აქა-იქ შემგინებელ ბიცოლასაც ეწვეოდა ფიქრებში — ბონდოს ნამდვილი მამის ვინაობის გარკვევას წადინობდა, თუმცა „ვაი, თუ გაუფრთხილებლობით გავცეო“ კანკალებდა და ამ ნაბიჯის რეალურად გადადგმას სიკვდილივით ეკრძალებოდა. მაინც ბუტბუტის ელოცებოდა წარმოსახვაში, ცხადში. რაღაც ხელშესახებ წინააღმდეგობას ეძებდა, რომელ წინააღმდეგობასთან ჭიდილში ყელში მობჭენილ ბოლმას დაიურვებდა, გაუხარჯავი ემოციებისაგან განიტვირთებოდა, რაც იქ, იმ მეხუთე სართულზე აუსვლელად, ყოვლად შეუძლებელი იყო. ამ ნააზრევს წაებლაუჭა. უკეთესი ხსნა და საშველი მაინც არსაიდან ჩანდა. გაურკვეველ მდგომარეობაში ჩავარდნილმა ბინდის წამოსწარების სურვილს აჯობა, ოღონდ გზაც საგრძნობლად გაიხანგრძლივა. ფეხდაფეხ მისდევდა უბელო ქერქენჯი.

აგერ, ჯორჯზე ცირა შკვითინიას ზურგი გარინდა ნაზი ხელების თროთოლვამ. აგერ, ტკურტკურით წამოსული ხანტურის კურ-

ცხლები ზოგი საყლოში ჩაეწვეთა ძაძებში მბორგავ დედას, ზოგიც — მკერდსა და მუხლებზე.

დაყურსული სასაფლაო ბინდუნდის მოქსოვილ ბადეში ირწეოდა. ვერაფრით ახსნიდა ხანტური, ესოდენი სითამამე საიდან ენიჭებოდა ამწუთას. ვინ განაგებდა მის სულს, ან სადაური გამბედაობა ამოადგმევინებდა ენას?!

— მე ცარო ბეზიასაგან ვიცი ყოველივე. დედისგანაც, ჰო, დედისგანაც. შენ და მამაჩემს ბავშვობიდანვე გიყვარდათ ერთმანეთი. შეუღლდებოდით კიდევ, ცურუმ ჩაშალა თურმე ეს საქმე, ჰალიძონხემ, თორემ...

— ცურუმ?! „ცრუობს. ცარო კიდევ მესმის, მაგრამ მილანდარი ამას არაფრისდიდებით გაუმჟღავნებდა. სხვა რადაცისთვისაა მოსული“.

— დედაჩემის ტირილს ბევრჯერ გამოვუღვიძებია ერთ თუთარი-აცა და მეც. განსაკუთრებით მაშინ, როცა მამა ლოგინს საბნიანად მიატოვებდა და ავინის ტახტრევანს შეეკედლებოდა ლანძღვა-გინებით.

— სიცხე აწუხებდა, ალბათ. „ნუთუ მართალს ამბობს ძუძულაშრეტილი?! იქნებ მილანდარი კი არ გაუბოდა არდაშელს, როგორც ამას ცარო მუშუქია ქოთქოთებდა დღემოსწრება, არამედ — პირიქით, არდაშელი — მილანდარს?!“

— არ უნდა ვამბობდე ამას შვილი, მაგრამ მე არასდროს მყვარებია მილანდარი. ჩემი უზრუნველი ქალიშვილობა, ჩემი მომავალი, ჩემი ბედნიერება იმან გააპო შუაზე. ჯობდა მაშინ მოვმკვდარიყავი, თუმცა ბედისწერას ხელს ვერ ააფარებ. ცივისსხლიანი იყო იგი, ცივისსხლიანი და ამპარტავანი. ალბათ, ასეთია აზნაურული ჯიში და მოდგმა: ანათოს და არავინ გაათბოს. ეწია ჩემი ცოდვა! მამის ტანსაცმელზე ერთი ღერი თმაც რომ შეენიშნა, მაშინვე ფანჯარასთან მიარბენინებდა. მუქი ფერისა თუ მოჰყვებოდა ხელში, თავჩაღუნული მოშორდებოდა სარკმელს, მაგრამ საკმარისი იყო რამე ნათელი დაელანდა, რომ ხელად გულსაკლავი ქვითინი ამოეშვა. აბა, რა ექნა საწყალს, უყვარდა მოღალატე ქმარი, თუმცა მისდა სავალალოდ, არდაშელის გული შენ გეკუთვნოდა ერთადერთს. მილანდარი ბრმა კი არ იყო, ყველაფერს ამჩნევდა, ამიტომაც ჯავრს ჩვენზე იყრიდა ხოლმე. დაგვერეოდა პატარებს და მიგვტყუ-მოგვტყუაპავდა სრულიად უმიზეზოდ. „არც აწი ამოიღებ ხმას?! ვნახოთ, როდემდე იქნები ბუსავით!“

ჩვენც სამაგიეროს შეძლებისდაგვარად ვუხდით. მამის კოსტუმზე აღმოჩენილ თმის ღერს ხელს დავავლებდით და, სულ ჩვენი წიწილეების ფერიას ძახილით ანთებულ ბუხარში შევუძახებდით.

ცირა შკვითინიას მხრები შეუქანდა. ქალიშვილს მორღვეული სახით ამოხედა. ახლახან შავად შეღებილი თავი ხანტურის მკვრივ ბარძაყებს მიაყრდუნო და დარჩა ასე, რადგანაც ასულმა სიახლოვით ისარგებლა. ცრემლით სველ ნიკაპქვეშ ხელისგულები ამოუდო, ხოლო ცერათითებით დანამული უბეების ამომშრალებას მიეძალა.

— მიდი, ცირასთან მიდიო, მამამ. ჩემს მაგივრადაც მიუსამძიმრეო. ყველაფერთან ერთად, ამისთვისაც გეახლე. გული სტკივა, უბედურს. აბა, მართლაც დურუს შიშს კი არ ემალება!

ციხეში არ უნდა გამეგზავნაო, თავს იდანაშაულებს ღღედალამ. შენ უკეთ მოგეხსენება, ჩემი ძმა გადამწვარი იყო. ამისთანებს კი შვილი არ უჩნდებათო. პირველი ბიჭი კოჩიას ცოლის შერთვიდან მეხუთე თვეს შეეძინა, ხოლო რაც შეეხება ბონდოს, ბონდოსო და ხმა აუთართოლდა. იქნებ უგუნურობას ჩავდივარ, შენსავით ძაძებით რომ არ ვიმოსები?! იქნებ ენის ჭარტალის მაგივრად დის საკადრისი გლოვა მმართვებს?

მიდი, ცირასთან მიდიო, მამამ. ბიცოლაშენს გაულანძობიხარ გიორგის წინაშე და ახლა შენი მშველელი მაგის მეტი არავინ არისო, შემავალიანა.

ხანტურმა მარჯვენა ხელი ცირას ნიკაპს გამოაცალა, მერე თვალწინ დაუყენა მივიწყებული ალბომიდან ამოქექილი, გაყვითლებული ფოტოსურათი, საიდანაც საქანელაზე მსხდომი, ხელიხელგადახვეული ქალ-ვაჟი იღიმებოდა, და შკვითინხეც მოთავდა. აქვითინებული ერთი სხეული მეორეს ეხლებოდა, უკუიქცეოდა, პირველს უბრუნდებოდა, ისევ თავიდან და ისევ თავიდან.

— ვისაც დიდი სიყვარული გამოუცდია, სხვის გაუბედურებას არ შეეცდება! ქვეყნის გამჩენ ძალას გაფიცებ, ბონდოს უმანკო სულს გავედრებ, დაუფარავად მითხარი, გიორგის დუმილი შენი მიზეზით თუა? მეოთხე დღეა სათოფეზე არ მეკარება, —ხანტური ჩაიხარა და დედაკაცის კეფას ხეჭქურისმაგვარი მარცხენა ძუძუ დააყრდნო, —იქნებ იმისთვის გამირბის მთლად, ბონდოს მაგივრობა რომ სთხოვე და კულული შეატყრეინე მაკრატლით. ალბათ, ვაშინერსიაო, ფიქრობს. მასწავლე, რა ვქნა, რა წყალში ჩავვარდე?! შენთვის იოლია. შვილის დამკარგავი, ნუთუ შვილის მაგიერს ვერ შევლევ?! ოდაბადებში ბიჭების მეტი რაა. გაგიწყობოდა ღმერთი მაინცდამაინც ჩემი სულისდგმა რომ არ ამოგერჩია?!

ბელუარასავით მობუზული ცირა თრთოდა. სადღაც მეოცე თუ ოცდამეათე საფლავიდან ჭიჭე კვეკვეს ფეხქვეშ ხრემს ხრაშახრუში გაჰქონდა. ამ ხმაზე ნემსებივით ამოწვერილ ბალახს მიძალებული ქერქენჯი კოხტა თავს წამოსწევდა, დაიფრუტუნებდა პატრონის გასაგონად და ისევ განაგრძობდა მდგლოს წიწქანას.

„ვძულვარ-მეთქი, ვფიქრობდი და პირიქით არ ყოფილა?! შემოვლით, ჯერ ჭიჭე კვეკვეს, მერე აგერ, ხანტურის მეშვეობით, მაინც ხომ დამიდასტურა ყოველივე, როცა ამ გომბიოსთვის არაფერი გაუმხელია?! აბა, როგორ! დედის ხელის კვრა გაგონილა?! ხედავ, ეჭვიაზობს არდაშელის ფაშატი. რომ დავუშალო, სულ ერთია, საბრალო ისეთნაირად ახურვებულა, მოკვდება და ჩემს თვალეზბრიალას ხვალ იქნება თუ ზეგ, უსათუოდ შეეყრება. აღმურის გადასვლებს მოსდევს გულღია საუბრები. ეჭვსგარეშეა, ხელად გაირკვევა, ქალს ბონდოს ნახვა რომ დავუშაღე. ამით ხომ მათ აშკარა ბიძაშვილობას ვამტკიცებ ბიჭის თვალში, სხვას არაფერს! ესეც რომ არა, უფრო დიდი ბრალდება მომეწერება — თითქოს არდაშელს ვერ ვთმობდე, თითოს მკვდრეთითი აღმსდგარი შვილის ბედნიერებას საკუყთარ ვნებებს ვწირავდე. ცდები, დედა შემოგველოს, ცდები! სჯობია ისევ ხანტური წავაქეზო და დამტირებელ შვილს ბორკილები შეეხსნა. რა სიკეთეც ჩვენ დაგვაკლდა, დაე, მათ შემატებოდეთ! ბონდოია, ჩემი ბონდოია! მამ, შვილობილის სახელით უნდა გელოლიავო, ბიჭო?! ახლა ვხვდები, გონებაამღვრეულ რის გამოც დნებოდა თურმე. ჯერ კიდევ დარწმუნებული არ არის, რომ ჟინისგან მეყოლა. ამიტომაც ამწარებს ხანტურს. იქნებ სულაც პირი შეუკრავთ?! არა, არა, დაე, მათი კავშირი ჩემი ხელშეწყობით მოხდეს. პირველ რიგში ღმერთისა და სინდისის წინაშე მოვიხდი ვალს, მერე ბონდოს თვალშიც რამდენადმე ავმალღებ. ბი. არდაშელი ხომ ისედაც გამიგებს“.

— სიყვარულს ვერანაირი დაბრკოლება შეაფერხებს, სულელო! ჩავყვინთავდით ზღვაში და ტუჩების დასიებამდე იქ კვოცნიდით ერთმანეთს. ვერანაირი დრო და მანძილი მოერევა, სი ტვენგერე, სი*. თავფეხშექცევით გვაძინებდნენ ბინდისპირზე და დილით ერთ ბალიშზე გვპოულობდნენ მაინც. ვერანაირი წესდება და კანონი შებოჭავს მთელი სიმკაცრით, სი მართალო ჩაღაია.* დღისით პირმოო რომ მიცემა, იმ მკლავზე მესვენა თავი. საღამოთი. ვერანაირი ადათი და მორალი დაათითოვებს ვაშინერსიავას ჩიჩინით, სი ტვენგალი ღო ფოჩოია,* რადგანაც თვითონ იგია აკრძალვაც და ნებართვაც. კარგად რომ დაუკვირდე, ყოველი შეყვარებული წყვილი ერთმანეთს ჰგავს.

ჩაიხედეთ სარკეში და თქვენითვე დარწმუნდებით. ასე რომ, წადი შენს გიორგისთან. არსად დაგეკარგოს! ღვიძლი შვილი იკითხე შენ, თორემ მაგიერს მეტს რას ვიშოვი! წადი, შენს გიორგისთან, რადგანაც გული მიგრძნობს, რომ სასოებით გიხმობს თვითონაც, როგორც საესება, მხნეობა შენი და გჯეროდეს, ქვეყნად სამართალი ყოფილიყო, ჩემი ორივე ბიჭი, წესით, არღაშელს უნდა დამსგავსებოდა, ვინაიდან კაცებთან უფრო იმიტომ ვიჭერდი საქმეს, თუნდაც წარმოდგენაში, ერთხელაც შევყროდი ჩემს მკვლელს. ზოგი კემენაირი ულაცი ნეტარების ამ წუთს საუკუნედ გადამიქცევდა ხოლმე, სხვა ჭიჭე კვეკვესნაირი ყვავი, ახლაც უღვთოდ მიმოკლებს!

ცირა შეკითხინამ მხრებზე ჩამოყრდნობილ ასულს თავ-კისრის მიწოლით, გაიმართეთ, აგრძნობინა, მარცხენა ხელი მუხლისთავებამდე აუსრიალა მოუბრუნებლად.

— დაქალებულხარ, შვილო! კარგია, კაბა რომ ჩაგიცვამს! — უთხრა, მერე უბიძგა მჩატედ და მისდაუნებურად ბაგეც ჩაიკვნითა.

ხონის რაიონიდან ბრუნდებოდნენ ბონდო და ხანტურ ჰალიძონია.

ცხრამეტი თებერვლის სადამოსპირი ეუფლებოდა გარემოს. დასავლეთით მიდრეკილი მზის სხივები ოქროსფრად აცივლიგებდა გზისპირზე ჩამორიგებულ ალვებს და სიმწვანეში შეცურებულ გორაკებს. მტრედისფერი „ვოლგით“ მიქროდნენ ალაგ-ალაგ დაკერებულ ასფალტზე.

საჭესთან ყმაწვილი იჯდა ამჯერად. საკუთარ ორმოცზე აგვიანდებოდა და ჩქარობდა. ქალიშვილი მოდათა ქურნალს ათვალეირებდა, მაგრამ ბონდოს მდგომარეობით ერთიანად დაძაგრულს, დროდადრო ციებაშეყრილივით შეაძაგძაგებდა ხოლმე.

ქრისტიანული კვირა წვეთია, ამოსუნთქვა-ჩასუნთქვაა ადამიანისათვის, თუმცა ბონდოსთვის ეს შვიდი დღე-ღამე თითქმის შვიდ საუკუნეს გაუტოლდა, ვინაიდან მდინარეების მსგავსად, სათავიდან მოყოლებული, გაჯერდა, აზავთდა წუთისოფლის დადრდითა და დარდუბალათი. ახლა წინ შესართავი, წყალდასავალი და მარადიულობის ხმებით აჟღერებული იდუმალების უკიდევანო ოკეანელა დარჩენილიყო.

ჯერ კიდევ გუშინწინ შეეხმიანა ტელეფონით ჩიტა ბეზუხის. ნომრის დადგენა არ გასჭირვებია. კანონიერი ქურდები დიდ პატივში ჰყავდათ აქ. ესეც რომ არა, პროვინციის პოეტი კეზუა რას გაუ-

ჭირვება ლოთების ბელადს?! პაემანი დადიანების ბაღში დაუნიშნეს განაბებმა, ზუსტად ოც საათზე, თუმცა ის საუბრები უკვე განვლილი ეტაპი გახლდათ სიცოცხლემისჯილისათვის. ბონდომ „კანონმთმჭედლებს“ მიუკიბავ-მოუკიბავად აუწყა, რომ მხოლოდ შემნახველი სალაროს წიგნაკები როდი იყო ამ შეხვედრის მიზანი.

უკიდურესობამდე გამახვილებული ეჭვი ყველაფერში საჭოჭმანოს აძებნიებდა ახალგაზრდას. საკუთარ მერმისს ათასნაირ დასასრულს უწინასწარმეტყველებდა. არ გამორიცხავდა იმასაც, რომ ამ მოლაპარაკების შემდეგ, შესაძლოა მისი დასახიჩრებული გვამი ჩაის პლანტაციაში აღმოეჩინათ, ან კიდევ — მიყრუებულ არხში, მაგრამ, რადგანაც ბედისწერას ხელს ვერ ააფარებ და მოსახდენი მაინც აღსრულდება, იქით მიეგება იღბალს.

ცხრამეტი საათისათვის როგორღაც დაუკავშირდა ელსმენით ხანტურს და გულდინჯად აუხსნა, მარიკელას ვისაც უტოვებდა. აუხსნა, სად, რა საბაბით ხვდებოდა ბნელი სამყაროს ხალხს, თან სთხოვა: დროზე მოსულიყო ბინაში, კარი არავისთვის გაეღო: დაბოლოს, თუ მაინცდამაინც განგებისაგან გაიწირებოდნენ, კენიიდან გერმანე ფიფიას ჩამოსვლამდე ბავშვს თვალისჩინივით მოფრთხილებოდა.

— მაშ, თქვენ ბრძანდებით, ის ცეცხლგამძლე ყმაწვილი?! — ჰკითხა ჩიტა ბეზუხამ, როცა ბონდო მანქანის წინა სალონში მოკალათდა ჭაობისფერი ჩანთის გვერდით.

— გახლავართ! — რიხიანად უპასუხა ახალგაზრდამ. სამი ახმახი მის ზურგს უკან რიგრიგობით, ქმუტუნ-ქმუტუნით ეწეოდა პაპიროსს.

— კეთილი, კეთილი! იმ ცვირსახნისას რისთვის აინტერესებდა შენი საბუთები? დიდადმნიშვნელოვან ინფორმაციას მოგაწოდებთო, გვეჩიჩინა და შეხვედრაზე დაგვითანხმა. აქვე დავუნიშნეთ სტრელკა. ვაჩვენეთ დაბადების მოწმობა.

ასეც ვიცოდით, თქვა. ცეცხლი ათ იანვარს გაჩნდა სატანჯოში, ეს კი ოცშია აღებულიო. არ გიკვირთ, ხანძარში დაბუგულმა როგორ მოახერხა ეგო. ვიცი, სადაც იქნება, მოვძებნი და ამ დღეებში შეგახვედრებთო. თვითონ სადღაა?

— შეუძლოდ გახდა! — საქმის მოულოდნელმა შეტრიალებამ ბონდოს გული აუჩქაროლა. მიხვდა, რომ ჭიჭე კვეკვეს ჩხირკედელაობა სადღაც წაადგა. შებოჭილობის ბორკილები აეხსნა, გათამამდა.

— ძმა ჩემი, ნახევარძმა! — დასძინა წამიერი ყოყმანის შემდეგ.

— ჯიმაყონერი?! — გაიკვირვა ჩიტა ბეზუხამ.

— ყველაფერს გეტყვი, ოღონდ მოწმეების დაუსწრებლად! — უთხრა კანონიერ ქურდს ბონდომ.

— არის ვითომ სანდო ის შენი ჯიმაყონერია? — გამომცდელად მიაჩერდა თვალეზში ყმაწვილს ჭაღარა, თან მანქანიდან გადმოსულ დოსტებს იმნაირად აუწვია მარჯვენა, ერთდროულად მისალმებასაც რომ გულისხმობდა და აბა, შეაყოლებოდასაც.

— გამორიცხული არაფერია, მაგრამ მეექვსე დაგვასმინოს, თუნდაც იმიტომ, რომ ჭიჭე კვეკვეს მიზანი ჩემი პიროვნების ამოცნობა იყო. მან დაიკმაყოფილა ცნობისწადილი და განზე გადა, თამაშს გამოეთიშა. „რაღაც შრიალებს. ალბათ, მაგნიტაფონია ჩართული. მით უკეთესი“. გეცოდინება, რომ დურუ ჰალიძონიას ძმა ვარ, უფროსწორად, ისიც ჩემი ჯიმაყონერია, ოღონდ — დედით. გაიქცაო, გითხრეს, არა? მოუტყუებხართ.

— ისედაც ვიცი, — ხმა ჩაიბოხა ჩიტა ბეზუხამ.

— მე არ მივმართავ *Apicus juris*-ს, ანუ იურიდიულ ფანდებს. ეგრე რომ ყოფილიყო, სუფთა ჰაერზე ვისაუბრებდით, უმაგნიტაფონოდ. ვიყოთ გულახდილები. თქვენთვის ამჟამად მთავარია *Nervus rerum*, იგივე საგანთა ნერვი — ფული. მართალია, იმ თანხას უჩემოდ ხელს ვერავინ ახლებს, მაგრამ სიძუნწეში რომ არ ჩამომერთვას, დღევანდელი შეხვედრისთვის საკმაოდ სოლიდურ ჰონორარს მიიღებთ ოთხივე.

— საინტერესოა, რამდენს?!

— გააჩნია, რა განწყობილებაზე დავდგები საუბრის დასასრულს. ჯერ ერთი, მე უპასპორტო ვარ, მაგრამ რომც მქონდეს, შეუძლებელია იმ ფულის გამოტანა, ვიდრე თვრამეტი წლის არ შევიქმნები; ესე იგი, სანამ სრულუფლებიანი მოქალაქე არ გავხდები.

— მერედა, ვინ ამბობს სრულუფლებიანი მოქალაქე არ ხართო?!

— თქვენი კანონი, თქვენი საზოგადოებრივი ფორმაცია და ჩემი დაბადების აქტი.

— ამისთვის გავგესარჯე?!

— ცხადია, არა. ფული საბაბი იყო თქვენს გასაცნობად.

— ვისი იქნება ნეტავ, ეს პასპორტი?!

— შესაძლოა, ჩემი. ვიცოდი, საბუთების ფალსიფიკაცია არ გავიჭირდებოდათ. ვივარაუდე კიდევ ყოველივე, ამიტომაც ვიდრე თქვენ პასპორტს აჩალიჩებდით, მე განცხადებით მივმართე შემნახვე-

ლი სალაროს გამგეს. აკი, გითხარით, იმ თანხას უჩემოდ ხელს ვერავინ ახლებს-მეთქი. აჰ, ჩემი სურათითი გისარგებლიათ. დაბადების მოწმობაში თარიღს შეცვლიდით, ალბათ. ბეჭედდასმულ ქალაქდასაც იშოვიდით სადმე და პასპორტიც მოკვარახჭინდა. მაღლობის მეტი რა მეთქმის! გაგონილი გექნებათ ჭურიაში დატრიალებული უბედურება, თუ ცეცხლმა როგორ შთანთქა ოთხი, უფრო სწორად სამი ადამიანის სიცოცხლე, რადგან ერთმა თავი ჩამოიხრჩო. ყოველ შემთხვევისათვის ხალხში ასეთნაირადაა მიღებული. ნუ გამორთავ, იყოს. მეგობრებში თავი ხომ უნდა გაიმართლო? რატომ არ მეკითხები, ხანძარს რა მანქანებით გადაურჩიო?! მოკლედ, სიტყვა რომ არ გამიგრძელდეს, და კასეტაშიც ჩავეტო, უბედური შემთხვევის კი არა, ჩემი შურისძიების მსხვერპლია ყველა. ჩვიდმეტ წელიწადს მზრდიდნენ სატანჯოში, ლაბორატორიაში, სიცრუის ნიღბით, სიყალბით. ცოცხალ დედას გარდაცვლილად მაჩვენებდნენ. ადამიანებთან ურთიერთობას მიკრძალავდნენ. ფილოსოფიით მიტენიდნენ თავს, მაგრამ ერთ მშვენიერ დღეს მოხდა სასწაული და თანამიმდევრულად შევიტყვე სიმართლე; გავიგე, რომ დედა საღსალამათი მყოლია, მშობელი მამად კი კოჩია ჰალიძონიას ნაცვლად, სათაყვანებელი მასწავლებელი, ჟინი ანთარი, იგივე ჭევე ანთარია ესეც არ მეკმარა. გავიგე, რომ სქესობრივი კავშირით კი არა, ხელოვნურად გაეჩენილვარ და ჩამექცა ტვინში სისხლი. საწამლავით სუფრასთან მივასიკვდილე სამივე. მოხუცები ოდაში დავტოვე. თოკით თუთის ტოტზე ჩამოვკიდე კოჩია, თან წერილი ისეთნაირად შევადგინე, რომ ძიების შემთხვევაში ყველაფერი ჟინი ანთარს დაბრალებოდა. მოვფხიკე ფული, შემნახველი სალაროს წიგნაკები, ჩავრაზე კარ-ფანჯრები და იქაურობა ცეცხლს მივეცი. ერთხანს ბნედიანივით ვიხეტიალე ზუგდიდში. მეგონა, ჩემი პიროვნების გასაიდუმლოებას შევძლებდი; იქნებ მომეხერხებინა კიდეც, ეს წყუული კანონები, ქალაქლომანია და ჩანთის დაკარგვა რომ არა. მოჭრილად რომ ვთქვათ, იმ თანხას სინდისიერად გაგიყოფთ, სამაგიეროდ გიორგი ხანთარაძის სახელზე ახალ პასპორტს მაშოვნიებთ! ჭეჭეკვეკვეს სამუდამოდ გაჩუმებას მე ვკისრულობ. ჯანი გავარდეს, და სადაც სამი, მეოთხეც — იქ.

— ეს რა ჭირი გამოგივლია?!

— ჩემს სისხლში ბუნებით ზის *Homo delinquens*, ანუ ცოდვილი ადამიანი. ძნელია ხონის კოლონიაში მოხვედრა?!

— არც ისე. მე ვიჯექი იქ სამ წელიწადს. დურუ ამჟამად მეოთხე ზონაშია, ყველაზე მურდალ ზონაში. შენს ჯიმაყონერს მაიორი უთეთ-ქვია და აბა, რა იქნებოდა. დურუ მუჟიკია. პირი ამოუკერია, როცა შენს დაკრძალვაზე არ გამოუშვეს. ზონაში თავისი ფეხით ჩამოსულა მინისტრი. გაუთავისუფლებიათ კოლონიის უფროსი. გამოუცვლიათ დაცვა. ასეთი აწეწილი ვითარება რომ არა, მე გამოგყვებოდი. მთელი ზონა ჩვენი ხალხის გამოკლებით, ჩაიში დაჰყავთ დილით და ნაშუადღევს, მწკრივებს სხლავენ. საჭიროა ბრიგადას გვერდით ჩაუარო მანქანით, მოხერხებულ დროს პაკეტი გადაუგდო რომელიმე პატიმარს და თან გასძახო, დურუ ჰალიძონიასო. თუ ამ ამბავს დილით მოახერხებ, უკვე ნასადილევს შეხვედრაც მოხერხდება.

— მართალია, უკვალო დანაშაულებათა დიდოსტატი ვარ, მაგრამ ტყიდან გამოვარდნილ ნადირს უფრო ვგავარ ახლა, ვინემ საღად მოაზროვნე ადამიანს. აი, რისთვის შეგაწუხებთ, აი, რისთვის გიხდით მოკრძალებულ ჰონორარს!

ჩიტი ბუზუხამ ზედ სადარბაზომდე მიიყვანა ბონდო. ჩანთაც მი-აწოდა და მაგნიტაფონიდან ამოცლილი კასეტაც. ყმაწვილმა ორივე გამოართვა.

ნდობისათვის, გამაღლობთო, დასძინა. მტრედისფერმა „ვოლგამ“ და ფანჯრებიდან გამოდწეულმა შუქმა სისხლი აუფართქალა. მარ-კელას ეძინა. ისხდნენ პირისპირ ის და ფორიაქგამოვლილი ხანტური. გასწორებული ლოგინი მაცდურად ანათებდა.

მომდევნო დღეს ბონდომ შემნახველ სალაროში მართლაც და-ტოვა თერთმეტი თებერვლით დათარიღებული განცხადება. არ უნდოდათ სიცრუეში გამოეჭირათ. მერე სახელმწიფო უშიშროების კა-ბინეტის უფროსს ეახლა და გერმანე ფიფიასთან დეპეშა გააგზავნინა კენიაში. საქმის არსში არკვევდნენ შვილის მოძულე მამას.

ერთი სული ჰქონდა ბონდოს, ვინემ დურუს ნახავდა. ახლა კი, აგერ, ტყავშემოკერებულ საჭეს ჩაფრენილი საკუთარი ორმოცისკენ მიიჩქაროდა.

„რა ხანია მინავლდა, განქარდა შენს არსებაში **Lux veritatis*** არ შევანელებ გადასახვევთან. რამდენიც უნდათ, იმდენი მსდიონ. ამორ-ძალის ფიქბრები საით ქრის ნეტავ ახლა. თავსაც მახუტებს. თითქოს შენია, მაგრამ საქმე საქმეზე რომ მიდგება, ხელიდან გაგირბის. ალბათ

Jus priame noctis* დამასწრეს უკვე და რას გააწყობს, ხელსაყრელ მომენტს უცდის. არა მგონია, შემთხვევით იყოს ის **Fama**“.*

— კიდევ რაო, დურუმ? — ჰკითხა ხანტურმა.

— წელიწადნახევარი დარჩენია. გამხდარა. თმა გასცვენია. ტუჩებქი დასახიჩრებია. ხომ გითხარი, პროტესტის ნიშნად პირი ნემსითა და ძაფით ამოუკერია-მეთქი?! „აბა, სხვა რა მიზეზით გამირბის, ვუყვარვარ. დარწმუნებულა, ბიძაშვილი რომ არ ვარ. კიდევ?!

ცირა. ჭიჭე კვებებს სიტყვებს თუ მოვიშველიებ, არდაშელი ზემოურ უფროსობას კიდეც უმასპინძლებდა და საქმეებსაც იკვარახჭინებს თურმე.

ჭიჭე კვებავ: გამიგონია, შაბით იგიწროვებენ შეცდენილებით.

ნუთუ ასეთი ძნელია საკუთარი მანკიერების აღიარება?! მე ხომ შეგძელი?! ის, რაც დედასაც დაეუმალე, ძმასაც, საზოგადოებასაც, მას, ერთადერთს მივართვი ძღვენად. გავშიშვლი მის წინაშე და აუტანელი ტკივილიც მომეხსნა. იქნებ იმისათვის გამირბის, რომ მთლად... თუმცა ნოესაც ხომ შეეშალა სიმთვრალეში?! მერე და სიყვარულისათვის ადგილი სად რჩება?! სად დაკარგე, ძვირფასო, ბეჭედი?! თუ დამალული გაქვს, მანახე რანაირია, დახშული, ორფან-ჯრიანი, იქნებ ნახევარმთვარისებური?! გაბედე!

დურუ: მეტად გაგჭირვებია, ძმაო. ჩვენ ბედისწერა გვწინლაგს ორივეს. ვკითხავ ამხანაგებს და მომავლისათვის ზუსტ პასუხს მოგაწვდი. თუ რამეს გააკეთებ, ისე მაინც ჰქენი, რომ ყველა ჭა ჩაფურთხებული არ აღმოგაჩნდეს. ხანტურის შეყვარება თავლაფია შენთვის, ვინაიდან ეს ნაბიჯი ნაძირალად, ნულად გაქცევს ხალხის თვალში. ბოთლზე დასმა არ აგცდება, ოდესმე ზონაში თუ მოხვდები. შენ გგონია, ტყუილებრალოდ ვზივარ აქ? ნურას უკაცრავად, ძმაო. ღირსი ვიყავი და იმიტომ. არდაშელი ბნელსისხლიანი თუ იყო, მილანდარმა რა დააშავა, მილანდარს რას ვემართლებოდი?! დაგადგინე ვითომ სამართალი?! არაფერი! აი, ორივე რომ მომეკლა, ცირიბიას და არდაშელს ვგულისხმობ, სხვა ამბავია. მე კი, გაბოროტებულმა, უმწიკვლო ქალს ცილიც დაგწამე: კი-მეთქი, ნამუსი ავხადე-მეთქი. შურისძიებაცაა და შურის-

ძიებაც. არც ჩემი მამაა კონია, მაგრამ მაინც მის შვილად მივაჩნევარ უმეტესს, ასე შემთავისა სოფელმა. ნეტავ, შეიძლებოდა დროის უკან დაბრუნება, ყველაფრის თავიდან დაწყება! ვიცი, რასაც ვიზამდი. საწყალ მილანდარს კი არ ჩაგუსაფრდებოდი, არამედ შევკრავდი თრივეს, ხეზე ჩამოვკიდებდი თოკით და ცეცხლს შევუნთებდი. აი, როდის ვიქნებოდი დურუ. თუმცა სულ ერთია, გავადწევ ველიწადნახევარში აქედან და შხამად შევარგებ ყოველივეს ერთსაც და მეთრესაც. ორესტე. ნუ ფიქრობ, თითქოს აქაურობამ გამაკეთილშობილა. სრულებითაც არა. მე ისევ ჩემს ღმერთს ვემსახურები, მაგრამ სამართლიანობის პრინციპი ყველგან არსებობს, ჩვეთანაც კი. შენი საუბრიდან გამომდინარე, პირიქით, უნდა გამხარებოდა იმ არაკაცის ქალიშვილს თუ წაახდენდი, თუმცა არა, ბონდო, მამის ცოდვა შვილმა არ უნდა ზღვას! ხანტურს ჩამოესხენი! სისულელეებზე ფიქრი თავიდან ამოიგდე, ამოიგდე, გესმის, თორემ დურუს ძმა ვარო, არსად ახსენო! ფულისთვის მადლობელი ვარ. მაგათთან ხუმრობა არ გამოვა. შეპირებული მიეცი. კასეტა მოსპე. ისე მიდი მილიციაში. მოუყევი შენი გასაჭირი გამომძიებელს, მაგრამ ქურდებზე რამე არსად წამოგცდეს. ნუ დაყიალობ, საქმეს მოკიდე ხელი, საქმეს!“

რინა მეუზვიღე

დურუ ჰალიძონია

დურუ ჰალიძონიას არდაშელთან გასაყოფი რა უნდა ჰქონოდა, მაგრამ ჭორები თანდათან გონებას უწამლავდა. უკვე დედის სიტყვებს ნაკლებად ერწმუნებოდა. მამის შინიდან გადახვეწას და საფიცარი ძმის გატაცებას ბიძასთან ერთად ცირასაც აბრალებდა.

„ამისთანა საშინელებას უმიზეზოდ არაფრით ჩაიდენდაო“, ფიქრობდა გამუდმებით.

რამდენჯერ უნატრია, მდულარე გადასხმოდა დედამისს, კიბიდან ჩამოვარდნილიყო და კისერი მოეტეხა, ან ერთბაშად დაბერებუ-

ლიყო, როგორც ზღაპრებში ხდება ხოლმე, ოღონდ ოდაბადელი ვაყების ვნებიან თვალთვალს მისი ქალურობა რამენაირად შეურცხვენელი დასხლტომოდა.

შვილს საყლოში ჩააფრინდებოდა შკვითინხე და შუკა-შუკა ასე ვლიდნენ. დამამობით კი დურუს ათასნაირად ესიზმრებოდა ცირას გაბედილება. დუყლა ანთარისა წისქვილში ტომრებზე მოტარტმანე მათ სხეულებს წაასწრებდა. ხელ-ფეხი შეეკვრებოდა. დოლაბების ხრიალში ესმოდა ტკივილგარეული კვნესა და აჩქარებული სუნთქვა. ეს ხმა ჩაბაწრულებთან ფიცხლად მიასწრაფებდა. გადამტვერილ ქეჩოში ჩააფრინდებოდა არდაშელს, დაზნექდა, მაგრამ დიაცის ძუძუების მბლუჯავი ტორი ნიჩაბივით მოეხეთქუნებოდა და თვალეზანაპერწკლებულს კიბეს მიანარცხებდა.

ალვიძებდნენ ნამტირაღევს, ასლოკინებულ-აძაგძაგებულს. მემკვიდრის მდგომარეობით შეშინებული ცირა ერთიანად ცახცახებდა. მოგვიანებით დურუს წყნარდებოდა, თუმცა მერე შემოეყრებოდათ თუ არა არდაშელი სადმე, წამოყრმიზებულ დედას აკანკალებული ვაჟი მაშინვე სახელოზე ჩამოქაჩავდა.

შკვითინხეს კი პელეტი ოჯახის რჩენა სუსტი ხელებით უხდებოდა. დილიდან შებინდებამდე დახლში ტრიალებდა. შვილის თანაბრად ეჯაჯგურებოდა სამფუთიან შაქრის ტომრებს და მაკარონით სავსე ყუთებს.

— ნისიებმა გამაუბედურა! — იტყოდა ხელმოკლე მომხმარებლის გამოჩენისთანავე და სათხოვრით მოსულცი კრინტის დაუძვრელად გაიძურწებოდა.

საქონლის არც ზედმეტ ფასად გაყიდვას თაკილობდა ცირა შკვითინია.

— მეც მეხარჯება აჟ! — მოსჭრიდა და მათი ვალიდან ამოუსვლელი ოდაბადელებიც მამასისხლად იძენდნენ ჩითს და მიტკალს, სხვათა და სხვათა.

უქმე დღეებში ყანასაც უვლიდა ცირა და ბალ-ბოსტანსაც.

„როგორ დახატავს არდაშელის კაბინეტს?“, ფიქრობდა ხმამალა და ქოთნის ყვავილებს თავზე ევლებოდა მზერაგამტერებული, რაც, ბუნებრივია, ძარღვებს უწიწკნიდა ყურებდაცქვეტილ ყმაწვილს. ახსენდებოდა, მთვრალი კოჩიას აყალმაყალი, მისი უშვერი სიტყვები, ამიტომაც, ნუ ესალმები არდაშელსო, ეხვეწებოდა დედას გამუდმებით, მაგრამ ცირას დაპირებანი ყოველთვის ავიწყდებოდა და თანდათან დურუს კილოც უფრო კატეგორიული გახდა. ის კი არა, ერთხელ მამის „სამკა-

ულებიც“ ამოუქექა, რის გამოც გამზრდელმა სილა გააწნა ძეს. მერე ქალი შვილის ხუჭუჭ თავს ქვითინით იკრავდა მკერდში, ნესტოებიდან წამოკლავდა სისხლს სველი ტილოთი წმენდდა. ცირას ხელებს მინებდა დურუ, თუმცა მათ ოდინდელი მიმზიდველობის ნასახიც არ შერჩათ.

მამაგაქცეულის სიამაყე დღითი დღე ითელებოდა. არდაშელის შეხვედრისას ცირას უკვე თვალები უცისკროვნდებოდა, კეკლუცობდა. დურუ თავს შეურაცხყოფილა გრძნობდა, რადგანაც ზუსტად ბიძის კაბინეტის ფარდისფერი კაბით დაიარებოდა დედა, მაგრამ საექვო ურთიერთობაში ერთხელაც ვერ შეისწრო.

დუყლა ანთარიას წისქვილში ურიკათი საფქვავს წააყინებდა დურუ. მოზობელი გვერდით მიჰყვებოდა, თუმცა ძველებურად საყლოში არ ეჭიდებოდა.

შებინდებისთანავე გაჭვარტულ სამზადისში წვებოდნენ. დურუ თავს იმძინარებდა. კანტორის წინ ანთებული ლამპონის შუქი შკვითინხეს შამფურივით ატრიალებდა ლოგინში. სწორედ ამ შინაგანი ლალატისათვის ასამართლებდა დედას. როდის-როდის მშვიდდებოდა ქალი. ნეტარებით ტუჩებს აცმაცუნებდა, კვნესოდა, გმინავდა. არდაშელთან შორიდან ლოლიავი, ცანცარი თუ კანონიერი მეუღლისა და სატანჯოში გატაცებული ბონდოს გადავიწყება, ეჭვს გარეშეა, ამწარებდა დურუს, ხოლო საწოლში წრიალით ხომ მთლად აცოვებდა და აცოვებდა.

„სიზმარში მრუშობსო“, ფიქრობდა. უნდოდა დედის ხორციელთან ერთად სულიერი უმწიკვლობაც ერწმუნა, მაგრამ სინამდვილე სხვას მეტყველებდა.

— ზეზეურად რისთვის ჩამომადნე, შვილო? ყველაფერში კოჩიას რისთვის უნდა დაემსგავსო?! ნუთუ ჩემი სისხლის წვეთიც არ გირევია?! — ამოდ ევედრებოდა ცირა „უსაფუძვლო ეჭვებით გატანჯულს“.

მალე შკვითინხემ კაბინეტში ააკითხა არდაშელს და ამან დურუ, როგორც დედის, ისე — ბიძის მიმართ, ათმაგი შურისძიებით აღავსო.

ჯერ იყო და შურდულით კაბინეტის ფანჯრის მინები ჩაუღეწა. მერე დანით ვერცხლისფერი ფარდები აუკუწა, რაფიდან მოვლილი ყვავილნარები გადმოუყარა. თავმჯდომარემ ერთიც და მეორეც ქარს გადააბრალა მომდევნო დღეს ხალხის გასაგონად, ქარს დასწამა, თორემ მიხვდა, რა სახიფათოდ დაუპირისპირდა ძმისწული.

რამდენიმე კვირაში ბორიყმა ხელმეორედ ჩაამსხვრია ფანჯრები, თან

გალაქულ მაგიდაზეც „დაუწვიმა“ და დავთრებზეც მოგვიანებით ნო-ჩო ჰალიძონიას სანაქებო კამეჩებმა და ძროხებმა ერთბაშად დაკარგეს კულები. ამ ზარალში არდაშელმა უკვე ვირთხები დაადანაშაულა. შემდეგ გახასდროინდელ ვენახს წალდი მოუნაცვლა ვილაც გულქვამ. და-ზარალებული უჩინარ მტერს ეძებდა. ვისზე არ შეეჭვიანდნენ, მაგრამ დურუს სახელი არავის უხსენებია. ჯერ ეს მითქმა-მოთქმა არ მინელებუ-ლიყო რიგიანად, რომ ალილოობის დამეს თვალსა და ხელს შუა გაქრა თამაკონელი დურგლის ნაჩორკნი, ჰალიძონიების ბზის ჭიშკარი, რომ-ლის მოპარვაში თავქარიანი ძმა-ბიჭები მოიშველია დურუმ და ჭიჭე კვეკ-ვეს შთაგონებულმა, ყრუ-მუნჯ დებს, ელას და მინაკას უსახსოვრა.

არდაშელმა მუხლებამდე თოვლში საგანგებოდ გაკვალულ ბილიკს ბოლომდე მისდია. გზადაგზა მეზობლები აიყოლია და ჭიჭე კვეკვეს დეი-დებს გვარიანი ამალით ეახლა. დისწულის შუამავლობამ ქალები რა-ტომდაც გააცოფა. ჭიჭე კვეკვე გაწიწმატებულს მოხერხებულად უხს-ნიდა: რაც ამას წაართვა მამაზეციერმა და თქვენ გიბოძათ, იმის წასარ-თმევად მოვუყვანივარ. რომ არ იეჭვიანოს, ერთი მეც გადმომკარით, სხვებს კი ნუ დაზოგავთ, მისცხეთ და მისცხეთო. როცა ელას და მინაკას ასეთნაირად მოძღვრავდა, მიდი, მიდი, ნუ გეშინიაო, წააქეზა სოფლის-თავი და არდაშელი საკუთარ ჭიშკარს შეეხო თუ არა, ყრუ-მუნჯები საზარლად ახმიანდნენ. ტრიფოლიატის ტოტებს ეცნენ და დიდ-პატარა სულ „ავავას“ ძახილით დაიფრინეს.

— რაღაც ამბვია შენს თავს. სულ ფიქრობ, ფიქრობ. ხომ არ დაგე-მუქრნენ ისინი?! „ვითუ მართლაც შურს ეძიებს! ჯანდაბას, არაფერს ვნაღვლობ, არაფერს! პირველიც ეგ იქნება და უკანასკნელიც. რას დაგ-ვაკლებენ, „ვინჩესტერიც“ აგერ მაქვს და „ბრაუნინგიც“, მაგრამ თუ სიკვდილი მიწერია, დაე, შენთან ერთად, ჩემო! მე მაინც ბედნიერი ვიქ-ნები. შენ აღმადგინე მკვდრეთით. ამორძალი დედოფლად მაქციე!“

— შენთან ურთიერთობა ამიკრძალა დურუმ. მაინცდამაინც თუ არ დაიშლით და მაგ საქმეს იზამთ, გიჯობთ, ცხრა მთის იქით გადაიკარ-გოთო. „მაღალ იდეალებზე ვდებდი თავს, არაფერი დამიმალავს, არაფე-რი. გაუუმხილე, თუ როგორ შეარჩია ჟანი ანთარმა სიცოცხლისუნარი-ანი სპერმა, მერე — მეოზი coitus-ის გარეშე. რანაირად უძრა ნაყოფი მუცელში Mater dolorosa*-ს ოლონდ არა sancta-ს. ყოველივე დავფქვი, წვრილმანიც, მსხვილმანიც, დედისა და ტყუპისცალი ჯიმაგეს მოჩვენები-თი საფლავები აკაციის ტევრში. რანაირად მაზუთხებდნენ ლათინურს და გერმანულს, „სახარებას“ და ფილოსოფიას.

ჟინი: მერე? თანამიმდევრულად ვაზიარე სამყაროს იმად-გვარი გააზრება, როგორც აპეირონია, მაგალითად, ანაქსი-მანდრესთან, ჰაერი — ანაქსიმენე მილეთელთან, ნივთთა თეს-ლი — ჰომომერიები — პირონთან.

პირონთან ჰომომერიები?! ეს რა მიქარვავა?! პირონის კვლევის ობი-ექტი ეთიკაა, როგორც ეს ტიმონის* შრომებიდან ვიცით. ის ხომ ბედ-ნიერებას და მისი მილწევის საკითხებს იკვლევდა. ჰმ! ატაქსია, აპათია. არა, რაბი, სკეპტიციზმით ჭეშმარიტების მილწევა? შეეშალა თუ განგებ აურია?! მცდიდა, კი, უსათუოდ. აინტერესებდა, რანაირად მქონდა სა-კითხი შეთვისებული“ — დავიღალე! მეტი არ შემძლია!

— რა, იყო, ბონდო?! გააჩერე მანქანა! მე დამსვი საჭესთან. „რა-ტომ მიხსენა, დურუმ სიყვარული აგვიკრძალაო. ალბათ ნიადაგს ამზა-დებს თავიდან ჩემს მოსაცილებლად. მე ყველაფრისათვის მზად ვარ, ჩე-მო, ოღონდ შენ მყავდე ბედნიერი, შენ!“ — ხანტურ ჰალიძონიას ნიკაპი აუთრთოლდა.

„განცდის, მაგრამ ვერ ბედავს გამჟღავნებას. იქნებ სჯობდეს თვი-თონ გავუმხილო ეჭვები და ტვირთი შევუმსუშუბუქო?! არა, არა, უკე-თესია დავუცადო! განა მე არ მიჭირდა?! განა მე არ მიმიძიდა, როცა მისხალ-მისხალ ჩავუჟაკლე ჩემი სულის დეპრესია, დეგენერაცია და ახ-ლა *In statu fivendi** ფაზაში როგორ ვიმყოფები თვრამეტი წლის ბე-რიკაცი. *Marasmus senilis** მართალი იყო ჟინი ანთარი. *Libido*-ს გა-მოცდებს თუ გაუძლოო. *Is cadet ante senem qui sapit ante diem** მიუ-ხედავად ამისა, ხომ აღმოვაჩინე ჩემში ძალა, ხომ გამოვუტყედი, თუ რა-ნაირად მეძაგრებოდა სული სასტუმროს ნომერში ჩაკეტილს, რანაი-რად ვუთვალთვალე ბდი სარკეში ჩემს აღნაგობას, სხეულს, ასოებს. არა-ფერი დამიმაღავს, არც ის, თუ რა მიზნით მომაჩეჩეს ხელში ეკლის გვირ-გვინი. კიდევ კარგი, ბრბომ ხელმეორედ არ იბღავლა *Ecce homo**.

განა ვერ დავძლიე შიში და სირცხვილის გრძნობა?! სიყვარულმა ამა-მალლა?! თავზე ხელიც მანვე ამადებინა. დაფარე განა დედასთან სწუ-შეგთ—ის ბრალდება, რანაირად მაძაგდაგებდა. იოტისოდენა, მისხალი არ გამომიტოვებია, ბეწვის ჩრდილის ნათასალი არ გამომრჩენია და ნუ-თუ ამაოა *Omnia vincit amor?!** არა, უსათუოდ მეტყვის, ოღონდ ჯერ ბორძიკობს. ჩემი საბრალო გოგო. ბედნიერებაა, ადამიანის ფიქრის წა-კითხვა რომ არ შეიძლება. კაცობრიობა ამ დაბრკოლებას გადალახავს თუ არა, ცხოვრებაც აზრს დაჰკარგავს მაშინვე. იქნებ ნაწვალეები აქვს ბავშვობაში. რატომ გამირბის, რატომ?!“

**ჭიჭე კვეკვე: ბალიში უფრო ერთგულია, ვინემ ცოლი. სა-
ნამ მარტოხელა ხარ. ყლურწე ჯიჯი. ყლურწე, მაგრამ როცა
დათჯახდები, ცოტათი გაფრთხილდი. წყაღდილობის დამკეს
ისეთნაირად რომ არ გაღვეშილიყავი, ხომ არ გეცემოდა პერან-
გი და მისი ამხანაგი უკუღმა?!**

რას არ გაუფიქლი, რას?! დედის არსებობა რომ შევიტყვე, იმასაც.
მთელი სიცოცხლე სიცრუით რომ ვცხოვრობდი, იმასაც. ცდის შედეგი
რომ ვყოფილვარ, იმასაც. საკუთარი თავისა და ძვირფასი ადამიანების
სიკვდილის მიზეზი რომ შევიქმენი, იმასაც და კიდევ ვინ მოთვლის, მაგ-
რამ ამ დღემილს ვერ ავიტან. ვერა!“ — ოდაბადელები, ალბათ, ჩემს ორ-
მოცხე ღრეობენ.

— შეანელე, ბონდო. რაიმე ხიფათს არ გადავეყაროთ! „რა სტან-
ჯავს კიდევ?! რახან ყოველივე გამანდო, ასე მწვავედ არ უნდა განიცდი-
დეს წარსულს. იქნებ იმის გამო ეწამება, დურუმ ჩემთან ურთიერთობა
რომ აუკრძალა? მაგრამ პასპოროტის გამოცვლას რა უნდა?! დღეს
იქნება თუ ხვალ-ზეგ, ანთარია გახდება, ნამდვილ გვარს მიიღებს ჟინი
ანთარის ანდერძის შესაბამისად დაგვეშველება. იქნებ იმის გამო ბრა-
ზობს უფრო, რომ დედასთან ჭორები დაუყარა ჭიჭე კვეკვე ჟალათმა.
აბა, საღსალამათი უძღურებას რატომ დაიბრალებდა საჯაროდ?! იქ-
ნებ იმისთვის წიწმატობს, აქამდე რომ არ ვნებდები?! გაოგნებული უმ-
ზერდა ლოგინს. გაუფიქმე, შევეხმიანე, ზედაც არ შემომხედა. ნამდვი-
ლად იმას ეჭვიანობს. რა მეშველება? გამიგებს კი, გამიგებს კი?! ღმერ-
თო!

**ბონდო: ქალ-ვაჟის სიყვარული იმ ყვაავილს ჰგავს, რომე-
ლიც მოწყვეტილია და ჯერ კიდევ ლარნაკიდან კეკლუცობს“.**
— არ შეანელე? ხომ იცი, მოსახვევთან გველოდებიან. მიეცი ფული,
ნუ გავადიზიანებთ, ბონდო!

— მოგცლია, ერთი. ვნახოთ ვინ — ვის! „ყველაფერი სულელურა-
დაც რომ დამთავრდეს, მე მაინც ბედნიერი ვარ! ხომ შეიძლება ვერასდ-
როს მეგრძნო თავი ადამიანად?! მაშ, რას ვერჩი ჟინი ანთარს?! სინჯარა-
ში იყო ეს თუ კოლბში, რას დაეძებ, ხომ შეგქმნა, ხომ მოგანიჭა სიცოც-
ხლე?! სული შთაგებერა, არარაობა ადამიანად მოგავლინა. ცოტაა გა-
ნა?! მილიარდი წელიწადიც რომ იხვანცალოს ბუტუტი, ამ სიკეთეს ვე-
რანაირად ეღირსება. რამ შექმნა ადამიანად, რატომ არ მოველ
წვიმადა. ეს უკვე ცრუ წუთისოფლის ცქერით დაქანცული კაცის ჩივი-
ლია. შენ არ დაიღალე ვითომ?! კი, კი, დაიღალე, მაგრამ ბედნიერებაც ეს
არის. რა სხვაობაა მაზოხიზმსა და ალტრუიზმს* შორის?! ერთი საკუ-

თარ ტკივილთა გამძაფრებით სულდგმულობს, მეორე — სხვათა კეთილისმყოფელობით. ასე თუ ვიმსჯელებთ, სადისტიც მწვალეობლით ეძლევა ექსტაზს. ქრისტესაც არ ემსუბუქა გოლგოთა, მაგრამ მაინც ავიდა, საჭირო იყო და იმიტომ. სიკვდილითა სიკვდილისა დამთრგუნველი ძმა! გიღალატე ვითომ, ზურგი შეგაქციე?! არაფერიც! ის ჯიღა გარეგნულია, ასხივებს, მე კი სულში, სულში ჩამრჩენია, რაც იმ გვირგვინს ეკლები დასცვივდა. ჩვენ სივრცეებში ვართ თანაბარი. მხოლოდ ერთხელ ამოთქვამდეს, კი, იყო, ვიდაც, ან თუნდაც ათასი, და მერე არაფერს ვჩივი. ახლა წაავუმხრუტებ. არა, ავტობუსი ბავშვობითაა საგსე, „კამაზის“ მძღოლიც გადაარჩება ხათაბალას. უმჯობესია ტანმალალ ხეს შევასკდეთ, ან სულაც ხიდიდან გადავფრინდეთ ჭიანჭველებივით.

ხანტური: ვერ ხელი მოვაწერთ და მერე კი. რატომ ვარდება წინააღმდეგობაში. ხომ იცის, გვარის გამოცვლა გაისამდე არ შემიძლია. ერთ წელიწადს ასე უნდა მათამაშოს?! გამისწორდი, მემუქრე რამდენიც გინდა! მე იქითკენ, სადაც ჩემი ცისფერი ხალხია, მაგრამ ხანტური? რას ერჩი ამ ღვთის კრავს? განა მისი ბრალია, თუ სადმე ნაბიჯი წასცდენია?! განა მან ჩემთან მოსვლით ჯოჯოხეთს არ მისცა თავი?! კი, ჯოჯოხეთს, ჯოჯოხეთს! ეეჭვება, ბიძაშვილები რომ ვართ და იმიტომაც გამიბრბის. მარადიული ცეცხლი განგანათლებს, განგწმენდს, ალიფერ მოსასხამში გაგახვევს და შეგრთავს უსასრულო ოდაბადეს, სადაც ნაწილი და მთელი ჰარმონიულდება, თუმცა იქიდან არ მოხვევს თვრამეტი წლის წინ?! რა აზრი აქვს უკან დაბრუნებას?! ეს ხომ ბაგის ოთხი ხუთწლედის უაზროდ გაფლანგვაა. *Linea descendes** არაფერიც! ახლა იწყება სიცოცხლე! ერთიანად გაფლანგული, სისხლის უკანასკნელ წვეთამდე ამოწურული უნდა მიუხვიდე სიკვდილის, დაცლილ-დაშრეტილი უნდა მიუხვიდე, რათა ვერ დანაყრდეს შენით, მჭლე-მჭლე ულუფას მხოლოდ ერთხელ მოგაკაროს პირი და მყისვე მოგშორდეს. აი, მაშინ გახელდება სიკვდილი, ნოყიერი სადილი ჩაეფუშება. გააღმასებული თავზე შემოიკრავს ხელებს, ახალი ლუკმის ძიებას შეუდგება და ისიც ძვალტყავად ქცეული რომ შერჩება, უარესად გაცხარდება, მგლისფერს დაიდებს. მერე მესამეც ჩამობეხრეკებული რომ მიულასლასდება, დუჟმორეული ცოფების ყრას მოჰყვება, რვაფეხასავით საკუთარ საცეცებს დააცხრება, საკუთარ სისხლსა და ხორცს მიაძლებს და საბოლოოდ უარყოფს თავისთავს“.

— რას შვრები, ბონდო, ბოლოდო! — შეჰყვია ხანტურმა და ყმაწვილს საჭეზე ხელი უტაცა.

ხეჭეჭურების ძირას კოცონი ხრჩოლავდა. წკვარამ ღელეს გალავანივით გასდევდა ახორხილი ფიჩხი, მაგრამ მინავლულ ცეცხლს ტოტის შემკეთებელი არავინ ჰყავდა. ანთარიების საფლავების სიახლოვეს ფრუტუნებდა უბელო ქერქენჯი.

„ოლონდ გადარჩეს და კიდევ ათჯერ გადავისხამ სისხლს!“ ჭიჭე კვეკვე გვიტ ანთარიას ოლა-სახლის სამარისებურ სიჩუმეს შეუყოვნდა ერთხანს, შემდეგ ორმოცგადახდილი ეზოსკენ მისაფურთხებლად გამზადებული ნერწყვი მობოჭა, განზე მიუშვა. „ბალახებმა თავი ჩაჰკიდეს. ჩემი სისხლი ხომ არაფერს ავნებდა? ორივეს პირველი ჯგუფის გვექონია. საქორწილოდ ემზადებიან. აბა, გვიტი ხელიდან გაუშვებს ამისთანა შემთხვევას? ფულის გულისთვის ბონდოს კი არა, მთელ ჯალაბს გასწირავს! ვერ ვამჩნევდი განა, ყელზე მობჯენილ ქვითინს ველარაფრით იკავებდა თუთურია. ცხოვრების გარდაუვალი კანონები უმძაფრესად ჩაბაწვროდა იმ უჩინარ ცრემლთა ფქვევას, რადგანაც ანთარიების თესლჯილაგი მუცლად იღო უკვე და მიუხედავად ყოველივე ამისა, ხეირიან დღეგრძელობას ვერღირსებული, ღვინის სმაში შეპაექრებულობის დანხალს* ითმენდა, ცუჭუს უთქმელად უძლებდა წყალწყალა საუბრებს; თვინიერად უტკეროდა, ბირჯია ჭანიას შეგულიანებულმა ოდაბედელმა ცირებმა თუ როგორი მაძიებლობით შეაკოწიწეს სასმურები, სახელგანთქმული თამადის გაბახებას რანაირად შეეცადნენ ნოკო ანთარია და ტატაჩი მესხია. რანაირად ჩამწკრივდნენ სუფრაზე ლამპის გაკრიალებული შუშები, ხაპები, ან დასასრულ, სათადარიგობმა რაფერ მოითხოვეს საცერი სურების ჩასაპირქვავებლად; ვეება პეშვები როგორ შეუშვირეს რიგრიგობით, ან კიდევ რამდენი იბაქბუქეს, რამდენი იტორტმანეს, რამდენი იჩირთიფირთეს, ვიდრე საცივიან თეფშებში ჩაპირქვავედებოდნენ. აბა, უნდა გაეძლო და გაუძლო კიდეც თუთურია მასპინძელთა ალიაქოთს. ქორწილსაც მოესწრება, ალალია მისთვის. ხო-ხო, მუს იხირთონ უდ*?!“

გვიტი: რომელმა, ვინ წაგართვა, ბუფდუ, ჩემი ათასები? სიაც თან გაატაგე, შე ბებრუცუნავ? უკნიდან მოგეპარნენ? არაფერი გახსოვს? ციშ, საყვარელი, საყვარელი! გვიტუნის აღმოჩინა ქვეშაგებელში შეკვეხებული. თვითონ ამოეცალა პირიდან ჩაჩურთული ხელსახოცი, მაგრამ გინოფორილი* ფულის გატაცებით დადობილი მეტს ვედარაფერს ახერხებდა. იქნებ ერთგვარად ტკბებოდა კიდეც ცოლისდის საცოდაობით?! ბოლოს და ბოლოს ცოცხის ტარივით შეკრული შინაბერაც ავხსენით. შიშჩამდგარს ხელ-ფეხის გა-

ტოკების ძალა წართმეოდა, ვერც ღიად დარჩენილი პირი მოემუწა, გალახული ბავშვივით ზმუკუნებდა და აღვარღვარებდა მუჭისისხო კურცხლებს, ენამ ხომ არ მიყვილა? დურუ ხომ არ გამოქცეულა პატიმრობიდან! ასეა თუ ისე, ქარმა წაიღო ქარისვე მოტანილი. გაიხარა ბაგიმ, გვიტსაც გამოცდილება შეემატა სამერმისოდ. კარგი ვქენი ის ბიჭი ცოცხალი რომ დავალოცინე ჯურუმისას. გატყდა. არცა მშვილდი თავს იდებსო მარადის გარდაცმულობას“.

თამაღა

ოცდაათი წელიწადი იწურებოდა მას აქეთ, რაც ჯურუმია ქობალიას სათამადო ჭიქისთვის არ ეკოცნა, თუმცა ოდაბადეში ახლაც იშვიათად იპოვიდით ოჯახს, სადაც მისი ნაამბორალი სასმისი არ წკარუნებდა, რომელთაგან ზოგი ჟამთა სრბოლას გაეცვითა, ზოგიც დიასახლისის ფიქრიანი ხელებიდან გასლიპინებულყოფი. მხოლოდ სადღეგრძელოები, ხსოვნაში ჩახისტული სადღეგრძელოები, აღმურღებოდნენ დღესაც ქვევრში დაძველებულ ღვინოსათვით და არაფერი იყო გასაკვირი, თუ აქა იქ, ბერბიჭა ტატაჩი მესხია, უკვე მეცხრე ცოლგამონაცვალი ბირჯია ჭანია, თუ კემეს რეზინის ჩექმების ნაღით მჭედელი ნოკო ანთარისა დათაფლული ხმები მათ მაგიურ ძალას ვერაფრით დახსნოდნენ, სწორედ იმგვარად, როგორც დუყლას წისქვილის დოლაბებს შუა ჩავარდნილი სიმინდის მარცვალი გაუთანგავს ორმაგ დაწოლას, ავბედითი ტრიალისაგან ამაოდ ცდილობს დასხლტომას და საკმარისია წონასწორობის ოდნავი დაკარგვაც კი, რომ მაშინვე გაისრისოს. ამიტომაც ყოველი ლხინის შემდეგ შინმიბრუნებულ ოდაბადელებში ხშირად გაიგონებდით მასგავს საუბაოს

— კი, მაგრამ დალია ბირჯია ჭანიამ, მაგრამ ჯურუმია მაინც სხვა იყო. ასეთ ყოყლოჩინობას იკადრებდა განა? ვითომ რა იყო?! ის ორლიტრიანი ყანწი არ კმაროდა, ეზოში სუფრა რომ არ გამოეტანინებინა და საცერი არ მოეთხოვა?! ქვეყანაზე მასზე ძლიერი თამადა თუ დაიარება, არა ჰგონია. ალბათ მეათე გომბიოს აწონებდა თავს. პეშვი შეუშვირა საცერში მორაკრაკე დოქს და ტუცა და ტუცა. სულ სხვა იყო ჯურუმია! — ისინანულეობდნენ. მერე თვალსაწიერზე გარდასული დღეები აიკლაკნებოდნენ. იმ ფერიდან კვლავინდებურად წამოიმართებოდა ნაკადულში ფეხმოკიდებულ მთვარეზე მოქნილი ხმა ჯურუმისი. მოკვდებოდა, მაგრამ სუფრაზე განსხვავებულ სასმისს არანაი-

რად გააჭაჭანებდა. ეს მერე, უნიჭო მიმბაძველებმა, სათადარიგოებსაც რომ ეძახდნენ, აურდაურიეს ყოველივე.

— ტყუილად ფაფხურობს ტატაქი მესხია, არაფერი სცხია ჯურუ-მიასიო, — ამტკიცებდნენ სხვები, — ჯერ ერთი, ექვსას კაციან ქორწილში ითამაშებდა ჯურუ?! მერე შეხედეთ, რა დემოკრატიული ვარ, ზოგიერთივით დესპოტი არ გეგონოთო, ამოიჩემა. ახლებს ტაშფანდურა გამართვინა, მაგრამ როცა მოგვიანებით ვერაფრისდიდებით დააწყნარა, იყვია და იბღვირა, შეზარხოშებული ჩველობა სეფიდან გააძევა. ქნავითომ კარგი საქმე?! ეგერ, დუყლა ანთარიას წისქვილთან ქვეშ ამოუღვიათ და კინალამ ძვალ-რბილი გაუერთიანებიათო! — ლაზღანდარაობდნენ და მართლებიც გახლდნენ.

სულ სხვა იყო ჯურუშია. მის ბარაქიან ძარღვებში ნაბობოქრები ღვინო ერთად რომ მიგეშვათ დუყლა ანთარიას წისქვილის ღარში, თქმა უნდა ამას, სამ დღე-ღამეს მაინც დაატრიალებდა დოლაბს, მაგრამ ორას კაცს გადაცილებულ პურობას ველარაფრით გააკარებდით. შემთხვევით როდი ეძახდნენ ფეხბედნიერს. განგება იყო თუ რა? მისი დამოდღვრილი წყვილი ლაღი ჭანიას ჩონგურივით ააწყობდა ცხოვრებას და როგორც წესი, წლისთავზე აკვანს დაურწევდა სოფელს. ასობით ქორწილს გაძლოლოდა ჯურუშია და ერთხელ ნათქვამ სიტყვას არასდროს დასესხებოდა.

პატარძალი თუ მეზობელი სოფლიდან გახლდათ, ცხენზე ამხედრდებოდა. ჭოფია ანთარიას ბორნით გადავიდოდა გაღმელებში. საღედოფლოს ჭიშკარს ღიღინ-ღიღინით ჩაუვლიდა, მოფუსფუსე ადამიანებს ქორული მზერით გაზომავდა. თიხის გვიმიანი ჭიდან კიბებამდე გამბულბილიკს მაჯას მოუსინჯავდა. აქეთობისას წყალს სთხოვდა მასპინძელს. არ გაკადნიერდებოდა, როცა შეიპატიებდნენ. სიმინდის შეტარებულ ყანას თუ დასაკრეფ ვენახს მიმოათვალიერებდა. არაყს და თხილს თუ გამოუტანდნენ, ოჯახს კი დალოცავდა, მაგრამ ახლახან კუჭის ოპერაცია გადავიტანეო, იცრუებდა და ჭიქას ტუჩმიუჯარებლად დადგამდა. როდესაც ღვინოს გამოუბრუნებდნენ, დაშაქრულს ერთ ჭიქას იმყოფნებდა, თავანკარას კი სამს, ზოგჯერ ხუთსაც გეახლებოდათ სიტყვაძნეწობით. ათიოდე წუთში მასპინძლის ოჯახის კანონებს მთელი არსებით ჩაწვდებოდა ჯურუშია. მისი წარმოსახვა იმთავითვე დაალაგებდა ცისფერს, ოღრო-ჩოღროს და თალხს. თამაღობისას კი თავდავიწყებით შეცურდებოდა სიძე-პატარძლის ალისფერში და ასე, საწუთროს პირისპირ დარჩენილებს, ავგაროზივით მფარველობა მერე ის საღამო.

— ქორწილი ჯიმაღის წისქვილი ჰგონია ნოკო ანთარიას, —

ასკვნიდნენ ერთნი, — სადღეგრძელოს სადღეგრძელოზე საფქვევივით მიაყოლებს: სამი, ექვსი, ცხრა და საათნახევარში ყველა შემოეფანტება! აბა, გინდა ნოკო ანთარიასთვის მოგისმენია და გინდა დუყლას წისქვილის ხინინასათვის! მეცხრე ჭიქის შემდეგ და-და-დაო, რომ გასწელავს და შემოითენებს, კი შერცხვები სტუმრებში, — ასეთ რამეებს ყოველ შაბათ-კვირა მოკრავდით ყურს ოდაბადეში. ქორწილს ოდინდელი ლაზათი წაერთვა. წვეულებაში დახლივით შემოეხეტა სტუმრის ჭიბე. დროული ოდაბადელი წუხდა, თანაც იმედიანობდა, რომ დღეს იქნებოდა თუ ხვალ-ზეგ, ფეხბედნიერი თამადა ლხინს მოუბრუნდებოდა, მაგრამ გაგონილა! გვიტ ანთარიას ჯვრისწერის მერე, როგორც კი უგზო-უკვლოდ დაკარგული მამის სული დაიფიცა, მორჩა იქ საქმე.

ჯურუმიას შესაძლოა ანთარიების ქორწილში თამალობისთვის თავი აერიდებინა, მაგრამ იცოდა, განდგომას ცუდად ჩამოართმევდნენ, შურიანობას დასწამებდნენ. წისას და გვიტის მეგობრობაზე ისედაც გადაუკრავდნენ სიტყვას, თან მრავლისმეტყველად გადახედავდნენ ერთმანეთს. ბიჭი ებრალებოდა. სწამდა, რომ ნაძალადევი ქორწილი მიხვეულ-მოხვეული ცხოვრებით დასრულდებოდა.

დღესაც კი, თორემ მაშინ, იმ ოცდაათი წლის წინათ, როგორც საქართველოს უმეტეს კუთხეში, ისე მთელს სამეგრელოსა და განსაკუთრებით ოდაბედეში, ვაჟისათვის ასაკით უფროსი ქალის შერთვა სირცხვილად მიიჩნეეს, მის კაცურ ღირსებას საეჭვოს ხდიდა. გვიტი კი წისას იმდენით ეუმცროსებოდა, რომ „კუთუ შოლირი მაფუს“* ღნავილით ოჯახის ამკლებსათვის, ვინ იცის, რამდენჯერ ურწევია აკვანი და გამოუცვლია გასვრილი ჭინჭები. ერთი წლით უფროსობის გამო წისა ტყუპისცალმა ხვიჩა ანთარიამაც კი დაიწუნა საცოლედ და ეს დაუდგრომელი ჭორები რომ არა, გვიტუნის ვინ ჩაადებდა სათვალავში?!

ის კვირს ჯურუმიას საუკუნოდ ექცა. საქმე ხელიდან გაუბრუნდა. თუთუნი უქრებოდა. სამზადში ჭურჭელს აქოთქოთებდა მეუღლე. გოგონებს დაუცააცხანებდა. ძმის შარვალ-ხალათისთვის და ჩექმებისთვის ზრუნავდა წისას ქობლია. მერე მოლიავებული კარი ქარმა მიაჯახუნა და დალაქავებულმა სარკემ ჯურუმიას სახე აუკანკალა.

— არ დაგავგიანდეს, რამეფრად მიუსწარი! — ვერც კი მიხვდა საიდან შემოესმა, ცოლის ხმა იყო ეს, ბუჟღუსი, წისასი თუ დანჯღრეული ფიქრის ექო.

საფათქელში ქვანაკრავივით ირწეოდა ზღურბლზე. ისევ წისამ უშველა. გულისჩიბეში ქათქათა ცხვირსახოცი ჩაუღო და მხარზე თავმიხუ-

ტებულმა ჩააცლა კიბეებზე. დის სათნოებამ ჯურუმისა ჟანგიანი ლურსმანი ამოაცალა სულიადნ და როდესაც თვალწინ კახათელი პატარძლის ლექაჩმა გაუელვა, ფეხქვეშ მიწა გაუშყარდა. წარმოიდგინა, ვითომ ობლობაში გაზრდილი დაია უბედნიერდებოდა და რაჟამს ღვინომ თავისი ქნა, ჩვენული მომხიბვლელობით კოცნიდა ჭიქას. სიყვარულის მარადიულობას ამტკიცებდა. გვიტს ქარაგმიულად წისასთან მეგობრობის წუთებს შეახსენებდა.

ლხინის მესამე დღეს, ჭოფიას ბიჭი ყინი ანთარს დამსგავსებია, მოჭყულდუს მამის ჯიმაღლივით გამოქცევიანო, მეხივით გავარდა სოფელში. აი, მაშინ დაიფიცა ჯურმიამ არსადროს ითამაღებდა.

— გვიტუნისა ლოდინი მობეზრდება შედანხეს! — მთელი სამი თვე ხიხინებდა ჭიჭე კვეკვე და, როგორც მოსალოდნელი იყო, ძუბა ჭანიას გაწიწმატებულმა მარებელმა დამ და პატარძლის შეურაცხყოფილმა მშობლებმა ანთარიების გინება-თათხვაში წაიღეს მზითვევი და წაიყვანეს „ხელდაუკარებელი“ ასული. მერე ნაგვიანვე ფოთოლცვენაში ცოლს გაქცეული გვიტის გამოჩენამ მაჭარივით ააფუცხუნა ოდაბადე. დიდი და პატარა ჭოფიას და ძუბას დორბლებს თავდაღწეულ ქალ-ვაჟს მისდევდნენ სასოფლო საბჭოსკენ...

შუკაში გატეულმა ჭიჭე კვეკვემ ჯიმაყონერის ჭიშკარი ჩარაზა. მის ფეხის ხმაზე ძაღლები აღავლავდნენ. ზოგიერთი ღობესადევნებული, გააფთრებული ქოფაკი, კბილებს აბზენდა, მაგრამ რალაცნაირად მორჯულებული მემკვდრე ადრინდელივით არ აკვესებდა თვალსებს გულმანგარი ნაგაზების კუდის ამოსაძუებლად.

ყაზარმაში მობრუნებულმა ჭიჭე კვეკვემ თუჯის ღუმელი გააღვივა, რომლის გაჩაღებაში დაძენძილი საქალაღედან ბღეჯა-ბღუჯა ამოღებული დათხაპნილი ფურცლები შემოიშველია.

— ბონდოს ჭირი წაუღია! — ჩაილაპარაკა, მერე აფორიაქებულმა ამას წინათ გამოთლილ ჩონგურს უკირკიტა ერთხანს. ცირა შკვითიანის გაცოცხლება სცადა, თუმცა — ამაოდ. შეაჟრჟოლა. საკრავი ფეთქებად ნივთიერებასავით გამოარაიდა ცეცხლს. ვერც დაჯდა, ველარც წამოწვა. ხელსაბანთან დადარული შუბლი და ჩამომჭკნარი კისერი განიგრიდა, თითქოს მომჯობინდაო. კიღობანს მიესწრაფა. ლადი ჭანიას ნასხსოვრები, ნაფტალინის სუნით მხრჩოლავი ჩოხა-ახალუხი ამოაცოცა.

„წყალდიდობამ ველარაფერი დააკლო. მხოლოდ დღესასწაულზე იცვამდა ამას.

აქ ხომ ვიყავი და როცა ავიბარგები, სიკვდილსაც მზისფერი მიუვალო, იტყოდა ხშირად.

ლადი ჭანია: დედაკაცო, გეყურება, შენ?! მიმინოსფერ ღართს ჩამოსხნი თუ არა? ჰო, მაგრე! ახლა ქამარ-ხანჯალი და ყაბალა-ხიც ზედ დაიდევ!

ცურუ ჰალიძონია: არ გადაგვაყოლა ნაბიჭვარს?!

ლადი ჭანია: ეს ჰალიძონიები, ყველა ერთნაირად დამწვარი რამ გაგაჩინათ?! რასაცა გასცემ შენია, რას არა, დაკარგულიაო, მე ვთქვი თუ რუსთაველმა?! ნურც ჭრაჭუნა ჩექმებს დაივიწყებ, ქალო! გაზეთი სხვა საქმისთვის გამოგადგებათ, კვიკვი ანთარიას კი თავშალში შეუხვით, თავშალში!

სულცხონებული! როგორი გატანჯული სახე ჰქონდა და მაინც გამიცინა. ბონდოია, ჩემი ბონდოია.

ბონდო. რუსთაველი თქვენი მოგონილია, ჭიჭე კვიკვი, მან კი თავისთავს რუსთაველი უწოდა, შოთა რუსთაველი. დააკვირდი, ო, ა, უ, ე, ი, სუთივე სმაოვანია შიგ. ყველაფერს მოვიცავთ, თქვა ამით ქარაგმულად. რუსთაველში კი „ანი“ ზედმეტია, და მოგესხენება, გენიასთან ზედმეტი ვერ ჰგუობს, ჩემო!“

ჭიჭე კვიკვიმ ლოგინს გადასაფარებელი გადააძრო. ქათქათა შალითა ლეიბიანათ დაგრაგნა, საფერხულისკენ მიაჩოჩა. წმინდაკბილა სავარცხელი, ფოჩიან რეზინებს შემოჩაჩული წინდები, სარტები, ცხვირსახოცის ყურში გამონასკვული, ილორში შესაწირავი ფული და თივით გამოტენილი მუთაქა ტაბურეტზე გადაიტანა.

„წაელო მაინც. აღთქმულის შეუსრულებლობა იქნება? აგერ, შედეგიც!“

ბონდო: ეგ ჩანთა შენთან იყოს, ჭიჭე კვიკვი, გამოგადგება! ძლიერია. იმდენი სისხლი დაჰკარგა და მაინც ყოჩაღადაა“.

ჭიჭე კვიკვიმ დაკეცილი შალითა ტახტაზე გაასწორა. ზედ ჩოხა დააფინა. გათარანებული უთო ჰაერში რამდენჯერმე გააქან-გამოაქანა. ნაკვერჩხლები ჭუჭრუტანებიდან ნათურის მკრთალ შუქზე ღუღადა, ელვარებდა, რაღაც სპეციფიკურ, დაბალზამებული მკვდრის სუნს გამოსცემდა. ფერფლი ისეთნაირად იფანტებოდა, იფიქრებდით, ელა და მინაკა დაფენილ სიმინდს ბერტყავენ ბარქაშითო.

გრაფინიდან წყალი მოყლუბა ჭიჭე კვიკვიმ. ტანსაცმელს მიაშხეფა. სატინის სარჩული გახურებული თუჯის ქვეშ აშიშინდა.

„დალოცვილები! კარგი ქნეს ცალკე პალატაში რომ დააწინეს. ვინ იფიქრებდა ხანტური ასეთი ფხიანი თუ იქნებოდა?! ფეხზე არ დააყენა სთელი ქვეყანა?!“

ხანტური. მოდი, მოდი, აქ მომადე ყური, ამ გულთან. გემის, არაამქვეყნიურ საგალობელს მღერის იგი, სო, არაამქვეყნიურს. თითქოს იმ სურათებიდან გადმოვედით ჩვენ, იმ შორეული წლებიდან... სომ ასეა, ჩემო?!

ბონდო. განა ეს საკითხავია, სიცოცხლე ჩემო, თვალისწინო ჩემო, ჩემო ფრთოსანო ჰინანჰველაგ! თქვი, ხარ თუ არა ჩემი, მხოლოდ ჩემი, ჩემი. სომ არ გაქრები, სომ არ წამერთმევი რაიმე ჯადოქრობით?!

ხანტური: რას ამბობ, მე სომ შენი აქამდისაც ვიყავი, აქამდისაც, პირველი შეხვედრისთანავე. შენ სომ ერთბაშად, ხელის ერთი მოსმით ახალი სული ჩამიდგი, ახალი ხორცით შემომსე და გასაკვირი იქნება განა, სატრფოც იყო ჩემი, ძმაც, მამაც, სრული სამყარო იყო ჩემთვის, მხოლოდ ჩემთვის. რომელი სურათებიდან გადმოსვლაზეა საუბარი?! პეტეფი.

ცირა. ზოგი კემესნაირი უღაყი ნეტარების ამ წუთს საუკუნედა გადამიქცევდა ხოლმე, სხვა – ჭიჭე კვეკვესნაირი ყვავი, ახლაც უღვვოდ მიმოვლებს! ხრონცი ახლებს რას ატორდი-ალებინარ?! ყური რომ ათხოვო ჭიჭე კვეკვეს, ქვეყნის გადაგვარების მთავარი მიზეზი ურწმუნობაა, თითქოს პირჯვარის გამო-სახვას ადამიანის გაკეთილშობილება მართლაც შეეძლოს.

ცირა: შუაგზაზე შემომადნა საწყალი.

უმადური! არათერიც, წამალია შენთვის“.

ჭიჭე კვეკვემ გაუთოვებულნი ჩოხა-ახალუხი და ყაბალაზი ჟანგიან ლურსმანზე ჩამოვიდა. ჭრატუნა ჩემები ზეთში ამოვლებული შალის ნაჭრით გააპრიალა. კველაზე* მოკალათებულმა ჭინჭი თაროზე შემოდო. ავადმყოფურად გძელი თითები გალიქვინებულ წიგნებს მარჯვედ შეახოცა. მხოლოდ „ოთხთავს“ ვერ აკადრა დამამცირებელი სამსახური. გადმოიღო და გადახაზულ სიტყვებს, წინადადებებს თვალი სიყვარულით მიადევნა. სადაც ველზე გატანილი NB* შეხვდებოდა, აქაოდა, ვიღაცას აფრთხილებსო, ხმააწევით კითხულობდა.

– ნეტარ იყვნენ გლახაკნი სულითა, რამეთუ მათი არს სასუფელი ცათაი.* იმდენიც!

ბონდო: „კემეს, კემეს მიმიხედე, ჭიჭე კვეკვე, ძმა ჩვენი“. ნეტარ იყვნენ მწვიდნი, რამეთუ მათ დაიმკვიდრონ ქვეყნაი*, „ჰო, არ გვაკმაროთ, რაც მუხლებზე ვიხიხილეთ.

ბონდო: ერთადერთი ღმერთი არსებობს, ჭიჭე კვეკვე, სი-

მართლე ჰქვია იმ ღმერთს და ისიც ჩვენთანაა“. — ხოლო მე გეტყვ თქუენ, რამეთუ რომელი განურისხნეს ძმასა თვისსა ცულად, თანა-მღებ არს სასჯელისა; და რომელმან ჰრქუა ძმასა თვისსა რაკა, თანა-მღებ არს იგი კრებულისაგან განსვლად; და რომელმან ჰრქუა ძმასა თვისსა ცოვ, თანა-მღებ არს გეჰენისას მას ცეცხლისასა. „ერთბაშად ვიმსახურებ სამი-ვე სასჯელს.

ბონდო. ყოველი პიროვნება გეომეტრიული პროგრესიით ვითარდება, ჭიჭე კვკვკე, როცა საზოგადოებისთვის არითმეტიკულიც ბევრია. ინდივიდმა შეიძლება მასას იდეალთან მიახლოებული ყოფიერება — რინა მართლაც შეაქმნევინოს, მაგრამ მხოლოდ დროებით. საზოგადოება შინაგანად, თვითონ, ძალდაუტანებლად უნდა მივიდეს ამ მდგომარეობამდე. მაშ, ამბობ, რომ „ჟინი ანთარის“ პირველი უჯრედი კოლხური მითოლოგიის წიაღიდან წარმოსდგა? გულმოდგინე ძიების შემდეგ სამეგრელოს მრავალ, ჯერ კიდევ ადათშეურყეველი სოფლის ზეპირსიტყვიერებაში თითქოს ხელუხლებელი საღაროსათვის მიგიკვლევიან. გადამდები სენით დააგადებულთა სოფლიდან ნებაყოფლობით გასვლა და შთამომავლობის სასიცოცხლო ინტერესებიდან გამომდინა, უკაცრიელ ალაგას, ანატორის თუ სატანჯოს აკლდამებში მოზღუდვა-განმარტოება, აშკარა სიკვდილს მინებება თუ შებრძოლება, სხვა მრავალ რაინდულ თვისებასთან ერთად, წესად ჰქონდა ქართველს, მაგრამ შენ ლადი ჭანისაგანაც და მენაბიჭურესაგანაც ბევრი გსმენია თურმე ბროქნთაბროქნ ჟინი ანთარზეც, ვისი პიროვნება ძირისძირშივე უპირისპირდებოდა ხსენებულ ხასიათს — ავადმყოფებზე გამოცდით საკუთარი უკვდავების წამალს ეძიებდა. შენ დიდხანს გიცდიდა ნაცარში ღაღარივით გახვეული ამბავი, ჭიჭე კვკვკე, ამიტომაც მოღალატის მანტიამოსხმული შენი პოემის ტიპი, როგორც კი წარმართულ ღმერთში გარდასახე, შვება იგრძენი — ლოდი დაცურდა. კლხური სიმღერები, ლექსები, მითები და საკუთრივ სატანჯოს აკლდამები შენს წარმოსახვაში შეირწყა, შედუღაბდა და ქვეყნისაგან მოძულებულთა ჯოჯოხეთის-მაგვარი ინსტიტუტი ალიგიერისა, მთიდან ბარში, ენგური დელტაში ჩამოიტანე... ჩვენს უკან სუფევს ტანჯვისა და ცრემლის ქალაქი... აღსდევ, მოთენთვას მოერევა ძლიერი სული, ყოველგვარ ბრძოლას ის მოიგებს გამარჯვებული, ვის მხნეობასაც ვერ დათრგუნავს ტვირთი ხორცისა. გაბერილი მეთერთმეტე

სიმღერაა კომედია. ცხადია, „ღვთაებრივ კომედიას“ გულისხმობს. დანტეს პლაგიატად შემრაცხავი მე დამინდობდა?! დიას, ჰომეროსი, ჰომეროსი ეწინამძღვრება ყველას, ვისაც კი ეპიკური ტილოებისთვის მოუცლია. რუსთველი ვრცლად თქმისა და სხარტად გადმოცემის კონცეფციაც, ალბათ მისი შემოქმედების გონივრული გააზრებიდან მომდინარეობს. ლირიკის ცხოველქმედებას არვინ უარყოფს. ჩვენ მათიცა გვეამების, რაცა ოდენ თქვენ ნათელად, მაგრამ დამაჯამებელი ნაწარმოები ეპოსის განზომილებებს საჭიროებს, ჭიჭე კვეკვე! ასე რომ, ლირიკულ წიაღსვლებს თავდაღწეული, გარკვეულწილად მომართულიც აღმოჩნდებოდი და დამიზნულიც. გექნებოდა რამ საგზალი, გამოცდილება, არისტოტელე-ჰორაციუსის გაკვეთილებია ეს, ბრმა აედის წრიული პრიციპი, ვაჟას პოემებისთვის დამახასიათებელი დინამიკური მიზეზ-შედეგობრიობა, ხალხური პოეზიის მწვერვალის, „ვეფხისა და მოყმის ბალადის“ ფინალის ჰუმანურობა, ჰაჯი უსუბის ამბღლებული გასროლა თუ „მერანის“ პათოსი, შინაგანი ენერგიის რეალიზაცია. აი, ამ საუნჯეებზე დაყრდნობით და კიდევ სხვა ცოტამატათი შენს თავს რამე ისეთის შექმნას დაუსახავდი უსათუოდ, მაგრამ ძვირფასო, ეს ყოველივე საგნის არსს რომ ვერ ამოწურავს?! მის შესაცნობად საჭირო გზებსა და წახნაგებს ინიშნავს მხოლოდ?! გადმოსაცეში აპარატური ფუნქციითა იფარგლება?! კარგია, რომ გმირი გყოლია, გარკვეული ცოდნაც რომ გქონია ეპოსის რაობაზე, მაგრამ ცალკე ვერც მოქმედების მამოძრავებელი სიუჟეტის მიდევნება მოიყვანს დამში საქმეს და ვეღარც პერსონაჟის სულიერი დუღილის ასახვა, რადგანაც ჭეშმარიტება ორივე სასწყისის სინთეზშია. „ილიადას“ ჩაუღრმავდი! დაულაშქრავი მწვერვალებისაკენ ის გაგიკაფავს გზას. იქ ხომ ყოველი სიტუაცია აქილევსის რისხვის პირშია?!

ჭიჭე კვეკვე: თეორიის უცოდინარობამ გამფლანგა.

ბონდო: ათ წელიწადზე მეტს ამიტომაც მოუნდი პოემის ჩონჩხის აშენებას. თვითნაბად შაირს მინდობილმა აოსტრიქონიანი ხანა კიბური რითმითაც გააწყვე, მარამ ჟინი ანთარის ბუნებაში არსებული გაორება, წინააღმდეგობრიობა, ვერ მოთოკე, მოღალატის რეაბილიტაციას ამოდ ცდილობდი, ამოდ იღწვოდი დაცემულის აღსაღწევებლად. რამდენიმე ვარიანტი შეგითხზავს და ყველა უარვიყვია, ვიდრე სათაყვანებელმა მა-

მამ შენს გმირს ღალატისთვის ღალატი მიამატებინეო, არ გირჩია და მოულოდნელ ცის გახსნასავით მოფრენილმა სიბჰნემ შენი უხეირო ქმნილებაც წელში გამართა! ის უმზადებს მზიურ დილებს სამშობლოსგან მოკვეთილებს. ხვალ წაასხას ღალი რემა, მტრების ხმალთა სიბასრემა. ჟინი გვარად — ანთარია, ჟინის გულში ზამთარია. ასე შემდეგ და ასე შემდეგ. მასწრად მიგდებს. ათიათასტრიქონიანი პოემა ხელალებით დაგირღვევია, ვინაიდან ეპიკური მასალა მეტ დამაჯერებლობას გთხოვდა, რაც პოეტურ სიტყვას გაუჭირდაო, იმართლებ თავს. პოეტურ სიტყვას?! გაგონილა ამისთანა სისულელე?!

ჭიჭე კვეკვე: დიას! დღევანდელი მკითხველის გემოვნება, მისი სულიერი მოთხოვნილება და ფსიქიკური წყობა მაეჭვებდა რითმიანი ლექსით გადმოცემული სათქმელის გამარჯვებაში.

ბონდო: გაჩუმი მაინც! უკმარისობის გრძობამ წლების დამენამუსრევი დაგარღვევინა. პოემას თეთრი ლექსისკენ უბიძგა. უკვე წელიწადზე მეტს ახლებურად აყალიბებდი და ერთხანობას სრულყოფილიც გეგონა. როს აკაციის ხეივანებში ვათევდი ღამეს, გაკენკიდ რტოხე ვით დაეშვა უცხო ქმნილება. ელვარე საფლავს მივეყრდენი ზურგით როდესაც, მოვითქვი სული, გადარჩენის იმედმაც მსძლია. გაგბედე გვიან, წავაბიჯე განვადე ბჭენი და ცუდი მასპინძლის კვალთაზე მოვუბოდიშე. ყიპ! ლექსის ამჯერად დუნე რიტმმა, ისედაც ძნელად აღსაქმელი სათქმელი ჩიხში მოგიქცია. კვლავ მანიპულაციები. კვლავ სიზიფეს ორწლიანი შრომა. ვერც ვერლიბრმა გიშველა პოეზიას შეწირულს! ჩემს გასაჩენად მილიარ და მილიონ წლობით მამრი ელტვოდა ახეგებულ დიაცის სხეულს. მაგრამ სამი თვე იწურება, სიბერე დამსდევს, სიბერე დამსდევს ხელში ქამანდომარჯვებული. ბასრი ხანჯლების გაფხიზლება ამშვენებს არესს, მე სისხლს ვხედნით განშორების კიდესთან მდგომი. აბა, რა, მსხვერპლს მითითხვს ცხრაგე ქალღმრთი! ბოლოს და ბოლოს დარწმუნდი, ჯიმაგე, რომ მთელი ეს წლები წყალს ნაყავდი და შენც პროზაზე გადახვედი! აკი, ჟინი ანთარის კოშმარული ხილვების ხატვისას, სამშობლოს თუ საკაცობრიო ტკივილების ჩვენებისას მთავარი — დამაჯერებლობა ხელიდან გაგისხლტა და ლოგიკურად დაასკვნინი, რომ ამ გზაზე სალექსო ფორმა, რითმიანი იქნებოდა ეს, თეთრი თუ თავისუფალი, არ გამოვადგებოდა, ვინაიდან ერთიც, მეორეც და მესამეც ხილანგრეული

მდინარისა და მგზავრის მიმართებას გულისხმობდა. ბევრ შემთხვევაში სომ სწორე რითმამ და რიტმმა აგაცდინა სამიზნესა საგრანობლად. ევრიკა! A-ს ნაცვლად B პუნქტში გავრიყა. ასე რომ, მხოლოდ პროზა გიხსნიდა, მხოლოდ სამეტყველო საშუალებათა ბუნება გადაგარჩენდა, რადგანაც დარწმუნდი: თხრობისათვის თეატრალიზება, პომპეზურობა, რაიმე პედანტური ჩარჩო უცნობა, დრომოჭმული. თითქოს ის არ ემორჩილება არტანებს. შესაძლოა ვერლიბრისტების ფრაქცია, როგორც სხვაგან, ისე – ჩვენში, ამ მომენტმაც წარმოშვაო, ჩაიბეჭდე გონებაში. სიტყვა, რამდენადაც თავისუფალია შებოჭილობისაგან, რითმაა ეს წინაღობა, რიტმი თუ ხატოვნად თქმის სურვილი, იმდენად მიახლოებულია ბუნებრიობას, ესე იგი თქროს კვეთსო, იჭყლეტი და ტვინს.

ჭიჭე კვეკვე: ნამდვილად. ენას ვერ ვპრავდი მონუსხული.

ბონდო: ამიტომაც კალისტიკის ყველაზე სარწმუნო თეორის, ჰეგელის „ესთეტიკის“ უცოდინარმა ბევრი ივგლანე, ინტუციას მიენდე და ფილოსოფოსის მიერ ერთხელ და სამუდამოდ გარკვეულ ხელოვნების გენეზისს უნებლიეთ დაუპირისპირდი. უკეთ რომ ვკვებო, ამ დებულების შენეშული ინტერპრეტაცია ტრაგედიისა და ეპიკი შეჯვარება, დრამატული თხრობაა. საფლავში არ შეატრიალა დიალექტიკის მამა?! მშვიდს მძვინვარეს უერთდებდა, გველს – ნიბლია ჩიტს, ვეფხვს – ბატკანს და კიდევ გენიოსივით იკრიჭება. უმწიფარი, კობუ! მთათხავდა და მაინც თვინიერად ვუგდებდი ყურს. კვირას თვე მისდევდა, თვეს – წელიწადი. მრავალი ხნის ფიქრნამწარევი – პოემა რითმიანი ლექსით, პოემა თეთრი ლექსით თუ ვერლიბრით, სორცს ისხამდა, ახალ ფორმა-შინაარსში ტრანსფორმირდებოდა. უკვე ყველა პერსონაჟი განსახიერდა თითო-ორთლა ლიფსიტას გამოკლებით და მაინც შენს ნაწერს რაღაც არ ჰყოფნიდა, ჯიმაგე, თუმცა ვერ დაგედგინა, სინედლე იყო ეს თუ შენთვის დაფარული რამ. ამიტომაც საქმის თავიდან დაწყება და ნახევარი წლის წინათ თითქმის გამზადებულად მიჩნეულის კირკიტი მთხონივნილებად გექცა. მოგვიანებით ჩაწვდი – ფრაზის პოეტური ფერწერა გაფერესებდა. შენს რომანს პოემის რიტმი, ინერცია დიდხანს ამუხრუჭებდა, აჩრდილივით დასდევდა და რაც მთავარია, ხელიდან გავირბოდა ის მაცოცხლებელი ძარღვი, რომელიც ნაწარმოების მთელს ორგანიზმს

ერთ ქსელში ჩართავდა, ერთი სულისკვეთებით დამუხტავდა. „ჟინი ანთარის“ სახით უძლები რამ აინირე, ჭიჭე კვეკვე, რომელიც გაგონილს, წაკითხულს, ნაფიქრალს თუ განცდილს მოლოქივით შთანთქავდა, გულის ახალ-ახალ მსხვერპლს გთხოვდა, სურამის ცინესავით მაინც გენგრეოდა. ააკოკოლავებდი, ისევ ჩამოგექცეოდა, ვიდრე საკუთარი თავი საძირკველშივე არ ჩაატანე, ბედნიერთ, და აი, როცა მეთხუთმეტე, ოცდამეშვიდე, ოცდამეთორმეტე ვარიანტისთვის საწერ მაგიდას მიუბრუნდი, როცა რომანისთვის საჭირო ყველა ინფორმაცია-ცნობა აღნუსხულ-დაზუსტებული გქონდა, მუშაობის წადილიც გაგიცხოველდა, ენერგიაც გაგიორკეცდა თითქოს, თითქოს განქარდა ოდინდელი სულსსწრაფობა – „ჟინი ანთარი“ სიმწიფის ასაკში შედიოდა.

ჭიჭე კვეკვე: მაგრამ მოხვედი და უცნაური თეორიებით თავგზა ამიბნიე! უმადური! ბეცი! ბრმა! შურმა მოგინელა. რას ვსაყვედურობდი ზვთისნიერს?!

ბონდო: სწორ გზაზე დაყენებას თავგზის აბნევას ეძახი?! აბა, შენ თუ გერწმუნა კაცი, ჰომეროსის ღვთაებრივი ენა თანამედროვე რომანში მოკვდა და დაიბადა კიდევ, როგორც კალმახი ორაგულისაგან. ჰვეზამეტრს სამეტყველო საზომი შეენაცვლა, რაც მართებულიაო, გულთმისნობ. სწორედ რომანი არის ებოსის უმეტოქო მემკვიდრე-შთამომავალიო, აცხადებ, რუსთველის შაირია ამაღ კარგს კი უგულუბელყოფ, იგიწყებ. ოქროსთან სპილენძის დატოლება იქნება? სად ჰოეზია და სად – პროზა?! უნივერსალურობა მხოლოდ და მხოლოდ ჰოეზიის ენით მიიღწევა ჩ ე მ ო, რადგანაც ფერის, ბგერის, სხეულის მოძრაობათა თავისებურებებს ის ერთადერთი ასინთეზებს. ნებისმიერი სახის ნაწარმოების საარსებო წყარო მოქმედებაა, მაგრამ როგორც ეს „ათას ერთი ღამის“ ნოველათა ხელოვნური ბმები, რომანის მაგივრობას ვერ გასწევს – მასალის ორგანიზაცია აკლია, – ნოველისტი ხომ ნედლეულს აგროვებს მარტოოდენ, რაც დიდი მწერლობის დასაწყისი ეტაპია მხოლოდ. ფიცარი, თუნდაც ასეული კუბური მეტრის მოცულობისა, ჯერ კიდევ როდის ნიშნავს სახლს. ასევე ეპიკოსი ცალკეული ლექსების, ფრაგმენტების, ნაწილებისა და ნაწყვეტების ქაოსურ მასალას რაღაც გლობალური სათქმელის გარშემო კანონზომიერად დარაზმავს ხოლმე. ამასთან გამუდმებით უნდა გვანსოვ-

დეს მეუდაბნოეთა ცხოვრების მაგალითიც — ბედუინის სად-
ლი დიახაც იმ საქონლის ხორცისგან იკმაზება, რომელსაც
ჭურჭლის მაგივრობას ახლახან შემოძარცვული ტყავი უწევს,
ხოლო ცეცხლი საკუთარი ძვლებისაგან შემოვზნებია. ვერა-
ფერი ნუგეშია მამით ერთნი რომ ვართ. რამდენი რამ გვაშო-
რებს, რამდენია სსვობა?! ის ჯიშინმა ქალმა შობა, მე —
ქლექიანმა ყრუ-მუნჯმა. მას გულთმისათნი კაცი წვრონიდა
აკვნიდანვე, მე — თაღლითი, რას ბრძანებ, თ ა ხ ს ი რ ი
ოდაბადე. გამოტყდი რომ გშურს, გშურს მისი აზროვნების
სიმაღლის, გშურს, მაგრამ კეთილი შურიო. განა ამ განცდას
არ მიჰყავს კაცობრიობა წინ, პროგრესისაკენ?! მოკლედ, ხე-
ლოვანისთვის, ჭიჭე კვეკვე, ნაწარმოების საშენი მასალის
იმპორტი მომაკვდინებელია. გარეშეთათვის მეგრული თხმე-
ლა — *Alnus kolchicus* — თავისი უნიათობით, ტანდრეცილო-
ბით, წყალში გამუდმებული ყურყუტითაა საინტერესო, თო-
რემ ჩრთილოეთი კარტოფილის სანთლისმაგვარი არყის ხეე-
ბით გამოჭედილა და სამხრეთით — გიგანტური ეგკალიბტები-
თა და ბაობაბებით. შენი შემოქმედებითი მარცხი, ჭიჭე კვეკვე,
პოეზიის ხელის კვრას მოჰყვა. კარგად დაწყებული საქმე
ჩააფლავე. სიტყვა რომ ვერ დაიურვე, ფორმაზე იყარე ჯავრი,
უნაგირს დაუწყე მტვრევა. აჯობებდა კი ძუძუნაზე გეწერა,
მართალია, პ რ ო ვ ი ნ ც ი უ ლ მეგრულზე, მაგრამ შენტვის
სისხლხორცეულზე მაინც. შენი მიზანი უინი ანთარის რეაბი-
ლიტაცია იყო — რინამისჯლი კაცის მკვდრეთით აღდგენა და
კიდევ შეუდექი მის ძერწვას, მაგრამ ამასობაში ძირითადი —
ხალხი ხელიდან გაგებარა, რომელიც თავისთავად უფრო სრულ-
ყოფილი ინდივიდია, ვიდრე ესა თუ ის კონკრეტული მოკვდავ-
თაგანი. მერწმუნე, ჯიმავე, ყოველი მოვლენის ერთ გმირზე
თავსმონვევა გამაღიზიანებელიცაა უმეცრებასთან ერთად.

მიჰყევ და მიჰყევ გატკეპნილს. მთავარი პერსონაჟი უღელში
შეაბი და შეუსვენებლივ ახვნეგინე და აფარცხვინე, როცა არ-
სებითი, ახლებური უნდა გეძია, როგორც ამას ბრმა აედი ახერ-
სებს თქვენგან განსხვავებით. ეს კი ლოგიკური ხაზი გახლდა
შენი იდეის მიმართულებით და არა გმირის ფათერაკების ძერ-
წვისკენ, მაგრამ კიბის ჩამტვრეულ საფეხურში არავინ ჩავარ-
დეს?! ეჰ, ჭიჭე კვეკვე, ჰომეროსის უცოდინარობა იქნება?! ტროას
ომში კოლხების მონაწილეობაზე რას მეტყვი?!

ჭიჭე კვეკვე: კოლხებისა?! კოლხებისა ვერაფერს.

ბონდო: ოდესმე მოელება ბოლო თქვენს ზერელობას?! უშუალოდ კოლხებად როდი მოიხსენებიათ ისინი.

ჭიჭე კვეკვე: აბა?

ბონდო: სომალდების კატალოგი გეხსომება. ისემც ჩვენმა მტერმა იხაროს! სიტყვასიტყვით თარგმნაში ამგვარადაა: ხოლო ჰალითონებს ოდიოისი და ეპისტროფოსი მოუძღოდნენ, შორეული ალიბედან, სადაც გერცხლის სამშობლო არის. მესუთე ქებაში კი აგამემნონი ჰოროლით განგმირავს ჰალითონების ოტებულ, გოლიათ მეთაურს, ოდიოსს. ნუთთუ არაფერს გეუბნება?

ჭიჭე კვეკვე: ჰალითონები — კოლხები?!

ბონდო: ეჭვს გარეშეა. ხალიბუმ სომ რკინას ნიშნავს ბერძნულად. გიჟს უგავდა თვალები. ხალიბები კი ვინ იყვნენ თუ არა კოლხები? ჭიჭე კვეკვე, ახლა მითხარი, სად მითხარი, სად დაირწა ამირანის მითი, ან სად ბრდღვინავდნენ აიეტის რკინისწლიქება ხარები? ეჰ, ეჰ, ძალიან შორს მიგვდის საუბარი.

ჭიჭე კვეკვე: დუდი მარსიოლუაფუ, თოლშა ეწმასკერუ.*

ბონდო: „ოდოია“ სომ მაინც გსმენია? ჰოო... გსმენია, დიხაც გსმენია. თ დ თ დ თ ი, თ დ თ დ თ ი ა დ თ თ დ თ ი ა. ეჰ, ისეთი თვალშეუდგამი შორეთიდან მომდინარებს, რომ ასკეცი ბურუსითაა მოცული, მაგრამ არა სადი გონებისთვის, რომელიც ყველაფერში პოულობს ქეშმარიტების მდოგვისხელა მარცვალს. როგორც ყველა დროის ცენზურას სწვევია ხოლმე, ქრისტიანობამაც წარმართული საგალობლის სიტყვები პირწმინდად გადაშალა და რადგანაც უკეთესი ვერაფერი შეუნაცვლა, თოხს მოუქნიე გიგოთათი შეავსო. შრომის სიმღერად იქცა ბროლის ჰიმნი. კასტრირებულმა მამალმა წიწილების ჩეკვას მიჰყო ხელი.

ჭიჭე კვეკვე: ოდიოსი ოდოიაა?

ბონდო: საქმეც ეს გახლავთ. როგორ იქნება ქუთაისი თქვენებურად?!

ჭიჭე კვეკვე: ქუთეში.

ბონდო: კი, ქუთეშიცაა, კვიტაიაც და ქუთაიაც. ქუთაისი და ქუთაია იდენტური ფორმებია. ასეთივე იდენტურ ფორმებადაა საგარაუდებელი ოდოია-ოდოისი. ზოგჯერ პატარა დეტალი გაცილებით მეტისმოქმედია, ჭიჭე კვეკვე, ვიდრე მთელი გვერდები, განსაკუთრებით ისეთ ხელოვანთან, როგორიც ჰომერო-

სია. გაიხსენე, რანაირად აღმოაჩინა შლიმანმა მისი პოემებით ტროა. იმდროინდელი პოეტები უტყუარ სარკესავით აირეკლავდნენ მომხდარ ფაქტს თუ ტრადიციით გადმოცემულ ამბებს. ესეც ჯანსაღი რეალიზმის ძალაა. ჩვენ ვერ გავიზიარებთ ლიტერატურულ მეთოდს, სადაც სათქმელი სინამდვილეს გაურბის, ეპირფერება. ყოველი ისმი იმდენად მოღურია და წარმატებული, რამდენადაც რეალურს, ცხადს, გაექცევა. სინამდვილის ასახვაა ის მაგისტრალური მდინარება, რომლისგან ასლებს იღებდნენ, ან საგრძნობლად სცილდებოდნენ ისეთი ლიტერატურული სკოლები, როგორცაა: კლასიციზმი და ნატურალიზმი, სანტიმენტალიზმი, რომანტიზმი და სიმბოლიზმი, მისტიციზმის ნაირსახეობანი – ფუტურიზმი, აკმეიზმი და დადაიზმი, სხვანი და სხვანი; მისგან განტოტვას ლამობს ექსისტენციალიზმი დღესაც და თავისი ფსევდოჭეშმარიტებით ახერხებს კიდევ, მაგრამ ვიღაც ხომ უნდა გადაიჩეხოს, შენ რომ გადარჩე?! მთავარია, სათქმელი იყოს, თორემ სავალს ყოველთვის გაიკვლევეს, წინ გნებავს სალი კლდეების ლაშქარი ელობებოდეს – გაარღვევს, დაშლის და საწადელს მაინც ეწევა. გამოცდილია – წვეთი ხვრეტს ქვას, მაგრამ ჩვენ არსებითს მოვუბრუნდეთ, მოვუბრუნდეთ ზემოთხსენებულ სტროფს: ხოლო ჰალიძონებს თდიოსი და ეპისტროფოსი მოუძლოდნენ, შორეული აღიბედან, სადაც ვერცხლის სამშობლო არისო. რატომ მაინცდამაინც ვერცხლის საბადოები ახსენა ჰომეროსმა და არა – აია -ქვეყანა, საიდანაც თქროს საწმისი გაიტაცეს არგონავტებმა? ჩვენ არაფერი ვიცით, თუ რას აკეთებდნენ ჰალიძონები ცხრა წელიწადს. ამაზე „ილიადა“ დუმს. გასაღები ისევ და ისევ აღნიშნულ სტროფშია. ბერძნების გაერთიანებულმა ლაშქარმა ცხრა წელიწადს ვერ დაამხო ათჯერ ნაკლები ტროელები. ათას სამოცდაშვიდი ხომალდით მოადგნენ ისინი ილიონს. თითოეულში ასოცი მეომარი ეტეოდა იმ შვიდის გამოკლებით. ესე იგი ას ოცდაშვიდი ათას სუთას ორმოცდაცხრა კაცისთვის მოუყრია თავი აგამენონს. ბერძენი ყოყლოჩინობის სპილენძის იარაღით, როცა ნახსენებია ხალიბები, რკინის, ფოლადის მესაიდუმლე ხალხი. ამ უზარმაზარ გაერთიანებაში ვითომ მხოლოდ მეომრების ფუნქცია ეკისრებოდათ მუჭა ჰალიძონებს?! მეექვსება, მეექვსება. მარტივად თუ ვიტყვი, ისინი პროფესიული მჭედლები უნდა ყოფილიყვნენ, ჭიჭე

კვამყვე. ჩანს, ჰალიძონები მხოლოდ ომის მიწურულს ჩაბმულან ორთაბრძოლაში ფიზიკურად. ჯადოსნური ათი ყოველ ნაბიჯზე-ცალკე კვლევის საგანია რიცხვები ჰომეროსთან. აბა, დააკვირდი, როგორ მოკურცხლავს აგამემნონს შემოფეთებული გოლიათი ოდოია. მისთვის ომი, ხმლების ტრიალი უცნოა. ეს იგულისხმება სტრიქონებს შორის. მაშ, სად მივყავართ მსჯელობას? კოლხები ტროელების მხარეზე არიან ოდოიას მეთაურობით. არგონავტებმა, მართალია, სამიოდე ათეული წლის წინ კოლხებს მოსტაცეს საწმისი, რომელზეც ოქროს მოზოვების წესები იყო წარწერილი, მაგრამ რკინის გამოდნობის საიდუმლო ჯერ კიდევ ერის წიადშია შენახული.

ჭიჭე კვამყვე: საიცარია, საოცარი!

ბონდო: შეგთანხმდით, რომ ოდოია ჰალიძონების მეფეა. ჰალიძონები მჭედლებად ჩასულან ტროაში, ამიტომაც ვერ ამარცხებენ ბერძნები ათჯერ მრავალრიცხოვანი პროტოიბერიელებს, ამიტომაც ვერ ლაშქრავდნენ ილიონს, ვინაიდან კოლხური იარაღი იბრძვის მათ წინააღმდეგ. მოგვიანებით, როცა ზღვის ხალხს გაუჭირდა, თვით ის მჭედლებიც იძულებით ებმებიან ორომტრიალში და ამდენად, ოდოია ისე კვდება, რომ ტროას იავარქმნას ვედარ მოესწრო. მე მთავარი რამ მწადია, მთავარი და არსებითი. მაშასადამე, ყოველგვარი ნააზრევოდან შეგვიძლია დავასკვნათ, რომ კოლხეთი იმ დროისათვის მაღალგანვითარებული იარაღით მოვაჭრე ქვეყანა ყოფილა, როგორც შტატებია დღეს, ან სულაც თქვენი საბჭოეთი. კოლხებმა მიაგნეს ფოლადის გამოდნობის საიდუმლოს და განუდგნენ ხვნა-თესვას, მესაქონლეობას; ხელი აიღეს მამაპაპური ღვინის მოყვანაზე. იარაღი იყო პურიც, ღვინოც, უზრუნველი ცხოვრებაც, არქილოქესი არ იყოს, და გადაგვარდა კოლხი. ადამიანმა საკუთარი სახე დაკარგა, ადრე მიწათმოქმედებს, გეორგიებს, შავ ჭირად მოეგლინა ეს სიბრძნე, შავ ჭირად და დაღუპვად. ეჰ, განა მართლაც ოქროს საწმისის დაკარგვამ? არა, ჭიჭე კვამყვე, მხოლოდ და მხოლოდ იარაღით ვაჭრობამ მოსრა კოლხეთი! ისე რომ, საკუთარი აღარაფერი დარჩა, აღიგავა მიწის პირისაგან, მოკლედ, გაბღენძილ ოდოიას, როგორც კი საკუთარი ხელით გამოწროთობილ ჰოროლ ბეჭებშუა გაუტარებენ, მხოლოდ მაშინ მიხვდება, თუ რა ყოფილა სხვათა წაკიდება-წასისინება, რა ყოფილა ომი, რომლითაც მისი მოდგმა სულდგმულობდა აქამდის; მიხვდება, მაგრამ თითზე

კბენა უკვე გვიანია. ეგერ, სულთმობრძავე გდია ბრძოლის ველზე და მის ბურუსმოძალეებულ თვალწინ გარბის თვით ტროაში დატრიალებული საცოდაობა, ათასების ტრაგედია, ათასების ვაება-უბედურება. არავის უხეირია ამ ომით, არც ხალხთა მეფე აგამემნოს, არც ფეხმარდ აქილეესს, და არც — ზუნმოელვარე ჰექტორს, თუ ჭკუაულებე ოდისეესს, მით უფრო გაფხორილ ოდოიას. აჰა, მომაკვდავს მრავალხოფებიანი სომალდით მიაქროლებენ შორეული კოლხეთისაკენ და გაწბილებულ-ხელმოცარული ჰალიძონები სასოწარკვეთით უმღერიან: თ დო დ თ ი თ დ თ ი ა დ თ თ დ თ ი ა, სადაც არის, აიას ჭადრა მწვერვალები გამონდება. წყეულ ტროაში რა გინდოდა, ვისთვის ჭედაფდი მახვილსა და მუწარადს?! არ ჯობდა, ტკბილი ღვინო გეწურა, სამშობლოსათვის მიგეხედა. ოდოია. ეჰ, ვერგილიუსისხელა კალმოსანი სჭირდება ამ საქმეს. აი, ჭეშმარიტი თემა, ჭიჭე კვეკვე. აი, ნამდვილი ასპარეზი, ჯიმაგე, შენ კი მოღალატე კაცის რეაბილიტაციას შეაღია ხალასი შემოქმედებითი ენერგია. ჟინი ანთარს დაესენი! ოდოიაზე იფიქრე. დაე, ერთხელაც აზავოდნენ აბშილები და შეკვითინები, მაკრონები და მოსხები, ჭანები და ჰალიძონები, ჩვენი ნაღზე უნადღესი წინაპრები, ოდესღაც ცას რომ ეპოტინებოდნენ. რაცა ვართ, ჰალიძონები ვართო, გაიძახოდნენ; რაცა ვართ, აბშილები ვართო, იბდინძებოდნენ, რაცა ვართ, მაკრონები ვართო, ზეობდნენ; რაცა ვართ, ჭანები ვართო, ბაქიბუქობდნენ; რაცა ვართ, მოსხები ვართო, ყოყლოჩინობდნენ, მაგრამ აჰა, სამი ათასწლეული გამოსდა და გვარის დათითებული წარმომადგენელია დავრჩენილვართ. მოჰიკანები.“

ჭიჭე კვეკვე ახლა უკუღმა ფურცლავდა „ოთხთავს“, თითქოს რომელიღაც გამორჩენილ, დიდმნიშვნელოვან ფრაზას ეძებდა.

„უკმარისობაზე თქმულია, მგონი. ნეტავ სად გამომისხლტა მხედველობიდან?! ამდენ რამეს საიდან იტევს მისი გონება?! ელოი, ელოი ლამა საბაქთან. ესეც მაგარია, მაგრამ ბონდოს უფრო სხვა მიესადაგება. მივაგენი: მრავალნი არიან ჩინებულ და მცირენი რჩეულ.“

ჭიჭე კვეკვე მამლების მოხშირებულმა ყვილმა გამოაფხიზლა. „ჭრქუა მხევალმან მან მეკარემან პეტრეს: ნუუკვე შენცა მოწაფეთაგანი ხარ მის კაცისათაი? ხოლო პეტრე თქუა: არა ვარ. მეც გაგყიდე შენ, როცა ქურდებთან გამხილე. ურჩხულის კლანჭებში ჩაგაგდე, ჩემო!“

ჭიჭე კვეკვე დაფაცურდა. დალაქავებული სარკის ხელისგულისოდენა ნატეხის წინ ჩაიცვა. გაიარ-გამოიარა და მორგებული ჩემები ააჭ-

რაჭუნა. ღუმლის მოღიავებულ კართან გადმოვარდნაზე მისულ, ახრ-ჩოლებულ მუგუზალს ფესხაცმლის წვერი წაჰკრა.

„ერთბამად პარკეტი არ გაგიფუჭოს.

ბონდო: ჩვენი საქმე ბოლომდე უნდა მიიყვანო, ჭიჭე კვიკვი!“

ისე სწრაფად განვლო სოხანე*, რომ ნათურა ბუდეში არც დაუტ-რიალებია.

„ბაგის სოციალიზმი ამ ზარალსაც რამენაირად გაუძლებს. ბიუ-როზე ამტკიცებენ დღეს. ხალხს იმედი მოეცა. ჩემი ყრმობის დროსაც ასე იყო. მოსახლეობას ახალი დროების სწამდა. ყოველი წვრილმანი წა-მოწყება საჯარო მსჯელობის საგანი ხდებოდა ხოლმე. ხალხი ამაცობდა ცენტრით, სადაც ორი ძირგამომპალი ფარდული, მორებიგან შეკრუ-ლი სასიმიინდეები და სასოფლო საბჭოდ გადაკეთებული ლევა მუშუქია-სეული ოდა-სახლი იდგა. წაბლის ხისგან აწვართული ის ორსართული-ანი სასახლე რამდენადაც მახსოვს, მზითევში ერგო ანჩაბძეების მერ-ვედ გათხოვილ ასულს. რძლის შორეული ნათესავები მთლად ღია ცის ქვეშ ვედარ დაჰყარა ბადუ ჰალიძონიამ და იმ შენობის სამზარეულოში კარგა ხანს ცხოვრობდნენ ხმელ-ხმელი ნადე და კიკინებიანი მილანდარი. თვითონ გაოფიცრებული ლევა მეჩინიბე, როგორც ჩემი მასწავლებელი ამტკიცებს, საფრანგეთში წაჰყვა მენშევიკურ მთავრობას ცხრაას ოც-დაერთში. კოლექტიური შრომა წლითი წლობით ყოვლისმომცველი შე-იქმნა. თქმა უნდა, ძალა აღმართს რომ ხნავს? ადრე შეძლებულ გლახს მარჩენალი კამეჩის საერთო უღელში შებმა რომ უმძიმდა და ჭირნა-ხულს საზიარო ტაფაზე მოსახრაკავად ვედარ იმეტებდა, ნელ-ნელა, ხან ცოლების შეგონებით, ხანაც შვილების ხათრით, ზოგჯერ მეზობლის ჯიბ-რით, ბედს ურიგდებოდა, ჩემი იღბალი ასე ყოფილაო, ასკენიდა. გახა ჰალიძონიასთვის კოლექტივიში შესვლა არავის უკითხავს. ბადუმ ჩამოაჭ-რა ფრთები. სანაქებო თხილნარი და კაკლის ხეების ხეივანი ხსოვნასდა შემორჩა. მინახავს გასკდომამდე გატიკნული, ახურვებული ბურვაკები მიწას რომ ამოდინგავდნენ და გრილ ღრმულებში გაიტრუნებოდნენ. რამდენჯერ მომიპარავს იქიდან წურფა* თხილი კოტობანას სათამაშოდ. დიახ, სად იყო თხილნარი, ან ის ღორები?! საერთო კოლტში ღრუტუ-ნებდნენ და ცალთვალა კუნტა ქობალია მწყემსავდა კავანდარა ძმას-თან, ჭაჭიასთან ერთად. შიში შეიქმს სიყვარულსაო, რუსთაველმა თქვა, მე კი არა. ვერაფრით გადავეჩვიე ამ რუსთაველს. მათ ეზოში ვთამაშობ-დით იმ ნაშუადღევს, როცა სულზე უსაყვარლესი ქერქენჯი დუყლა ან-თარიას წისქვილში წასაღები საფქვავეთ წელდაზნექილი იხილა გახამ. ამას

ზედ ისიც დაერთო, რომ პატივყარილმა მერანმა ჯეელების უკადრისი საქციელი ქანცგაწყვიტილის ჭიხვინით აუწყა აიავანზე შემთხვევით გამოსულ პატრონს და წითურწვერა გახამაც, ეს რა დრო ამოყროლდაო, თქვა და მოგვაფურთხა დაბლა მყოფთ. რას არ იზამს შიში და ორანი, ფუთიანი ბოქლომით გეისქაჩუნს... აგიკრავს პირს. არა, მეგრულის თარგმნა ტყუილია. ის შეურყენელად უნდა შევიდეს დედაქართულში, სვანურთან და თუშურთან ერთად. საოცარია უცხო სხეულივით რატომ ვერ ჰგუობს მეგრულს ქართული? ბასკურთან და შუმერულთან ეძებს საერთოს, ყიზილბაშურ ყმუილებს უძლებს და ღვიძლი მაფშალიის გალობას კეთროვანსავით ირიდებს. მაინც რა ბნელები ვიყავით! ვითომ გამოუვა ბაგის ჩვენი გადამიანება? რკინის მოზვერს ვეძახდით ტრაქტორს. გვიკვირა ჭყონდიდზე ღილივით მიკერებული მოლაპარაკე ყუთი. როგორ გვიხაროდა გზისპირებზე ჩამწკრივებული მალახიის კოკროჭინა ფარდულები და საყოფაცხოვრებო მომსახურების მუშტისისხო ჭიხურები, სადაც ყოველთვის იყიდა კაცი ფართლელს, ნავთს და ასანთს, კალოშს და ჩექმას, მარილს და შაქარს. ამაზე მეტი სიკეთე ვერ წარმოგვედგინა. ჭრელი მანდილით თავწაკრული ქალები და ყაბალახიანი კაცები კოლექტიურად წავიდოდნენ ყანაში, ბაზრობაზე, ქორწილსა თუ ქელესში. ვმღეროდით მამაპაპურ „ოდოიას“ თუ სახელდახლოდ შეთხზულებს. პრიმიტიულად ვცხოვრობდით და მაინც ბენდიერად მიგვაჩნდა თავი, რადგანაც მომავლის რწმენა გვქონდა. შვილებს ქრისტიანული სახელებით ვნათლავდით, თუმცა რკინის დროების დოსტები ნეოლოგიზმის პრინციპებიდან გამომდინარე, საუკუნოვან ტრადიციებს ვივიწყებდით და ფეხს იდგამდა ათობით რევდენი, დაზმირი და ლესტამბერი. წიგნსა და გაზეთს სინათლე შემოჰქონდა ჩვენს წყვდიად გონებაში! ღობეებს თხმელის წკნელებით ვწნავდით კვლავინდებურად. ხარ-კამეჩებით ვხნავდით და ვფარცხავდით ისევ. მთარიან ღამეში, ფართო აივანზე აღრინდელივით ვარჩევდით თხილსა და სიმინდს. ძველებურად ვუფრთხილდებოდით ნავთს, საპონს და მარილს და მაინც ცა და მიწა ჩვენი გვეგონა. იყვნენ მოლაზღანდარენიც:

წინათ გვიჭირდა, ხის კავებით ვამუშავებდით მიწას, რომელიც ნახევარს მაინც ყრიდა ჩვენსკენ. ახლა წინ წავიწიეთ, რკინის გუთანს ვეჯაჯგურებით, რომელიც ყველაფერს თავისკენ ახვავებსო, ქილიკობდნენ ისინი აშკარად თუ მალულად. იმ ოხუნჯებს, კუდი „კონტრევოლუციურ ძალებთან“ იჩქითად რომ გადაუნასკვეს, სათითაოდ კუნტა ქობალიას ბედი ხვდა წილად.

რანაირი თვალებით უყურებთ მიმდინარე გარდაქმნებსო, გვკითხა ერთხელ საზოგადო კრების დროს ტყავისპალტიანმა სტუმარმა და რომ არავის დაესწრო, ცალი თვალით, პატენიო, 8 მიაგება კუნტა ქობალიამ ხელად. ვითომ საკუთარი ფიზიონომია მოიშველია, ჩვენი გამხიარულება სცადა. გამართლდა თავის გათხრილზე გამოთქმული ანდაზა. იმ დღიდან მელორის პიროვნებით დაინტერესდნენ. ფარეხში იარაღის საწყობი „აღმოუჩინეს“ და რამდენიმე ოდაბედელთან ერთად შორეული ციმიბრის გზას გაუყენეს. საღამოობით ჭყონდიდის ძირას ვიკრიბებოდით ხოლმე ლადი ჭანაის ჩონგურის გარშემო. როცა ის სულცხონებული მღეროდა, სამოცდაათს მიტანებულებიც კი ლოდებივით ამობურცულ ფესვებზე ისხდნენ ჩვენს გვერდით. ის ჰანგები გვაბედნიერებდა. იქიდან წარმართული ღვთაებები მოციაგებდნენ; მოქროდნენ ცხენის ფაფარს ჩაფრენილი ჭინკები სადაფისხელა ყურებითა და მზაკვრული თვალებით. იქ ცის მეუფენი: მესეფი, ელია და ანიც შეიყრებოდნენ. ხშირად გარდასული საუკუნის სევდა მოჰქონდათ მოზოზინე ჩელას და ბუსკას უღლისაგან გახეხი ქედებს. მისტიროდა თორმეტი წლის ბიჭუნას სიყვარულს, რომლის მტრედი მოშინაურებულ ძერას მოეტაცა — მდიდარს მიჰყვებოდა ღარიბ-ღატაკი ყმაწვილის სულისდგმა ცირა. კვენსოდა ჭუჭყით გაზინთულ, ასჯერ ხელ-ფეხგათოკილ ძოკოზე და მის მანუგეშებელ ხარ-კავზე. ზოგჯერ აკვანში გაკოკრილ ბონდოიას სარწევვლას დაუნანავებდა, ვისაც კამარიდან დედის მკერდის უსიკვილო შუქი დანათოდა. ჩაუკვირდებოდა ჟამთასვლას, დრომდინარს, ბორჯალს, შეუცდომლად რომ დასწრებოდა სამყაროს წარმოქმნას, მზისგან მიწის მოწყვეტას. ათასში ერთხელ უზენაესს შეჰქვითინებდა იმ ვრცელი ქვეყნის გამო, ცხოვრების ნება ყოფილიყო, ყველას რომ ეყოფოდა სამკვიდრობლად, საბედნიეროდ, მაგრამ რადგანაც, მის სასუფეველს კიბე არ მიედგმოდა, რადგანაც ადამიანისთვის დაყრუბულიყო და დაბრმავებულიყო, ისევე ჯარგვალების მაიმედებელ და ბატონების კინწისმკვრელ სახალხო გმირებზე დაიბუხუნედა. დროდადრო ჩვენს თვალწინ სესიას მონური ბუნებასც გაიეღვებდა — სხვისთვის მთოხნელს და დამამგრალს უხსნიდა, ბატონ-ყმობის გადავარდნით როგორ ატყუებდნენ; აკენიდანვე ქედზე დადგმული შავი უღელი წითლად როგორ შეუფერადეს და მოჩვენებითი თავისუფლებით რა მოხერხებულად დააბრმავეს. იმ ჰანგებს მეც მეგრჯერ მოვუჯადოვებვიარ. მივსხდებოდით ჭყონდიდის ძირას და ფეხმარდი სინიბებით კვირას თვე ცვლიდა, თვეს — წელიწადი. დაამტკიცებენ თავმჯდომარედ და ვნახოთ. ჭეშმარიტი მესვეური მიკერძობას ვერ დაუშვებს. წინამ-

ძლოლისათვის გამორიცხული უნდა იყოს ნათესავი და უცხო. ბაგი შეუდარებელია ამ მხრივ. მარტო გვიტ ანთარისას მაგალითი რად ღირს?! არდაშელ ჰალიძონიას ხომ ზეზეურად გაუშრო სისხლი.

ჩემი მიტყვამს და რახან ამოგიჩემებიათ, რალა გაეწყობაო, ფართოდ გაშლიდა ხოლმე ხელებს ნოჩოვეიჩი, როცა ბაგისთან კამათით ველარაფერს გააწყობდა. იმ საღამოს კი აშკარად წაუჟასპიტა, მაგრამ გამოუვიდა რამე?

როცა ბაბუაშენიც ამ ქვეყნიდან წახვანხვალდება, მასაც კაკლის ხე დავურგოთო, წამოცდა უნებლიეთ, მაგრამ თითზე კბენა უკვე გვიან იყო.

რისთვის, არდაშელ, ბატონო, ნოჩოსავით ღობის ქვეშ გაძრომისას თოფი რომ არ გავარდნია და ზოგიერთივით ათასებს არ იჯიბავს, იმიტომო, მიაგება ხელად. ნოჩო ჰალიძონიას ძალად დაკოკლების მიზეზი თავივეთ დააბზრიალა კატოთათებში. მოკლედ, ღობის ქვეშ ფორთხვისას ორლულიანის დაქუხებამ და იმ ჭახანით წამხდარი ფეხის ხსენებამ უფრო მეტი მოიმოქმედა, ვინემ საათნახვერის ძიძგილმა და ბჭობამ. არდაშელი გაისუსა, ვინაიდან დიდი სამამულო ომის გმირის შვილს შესაძლოა უარესიც წამოეყვდრებინა. მართლაც, შინმოუსვლელთა პარკის გაშენებაში საჩოთირო რა იყო, მაგრამ რადგანაც არდაშელს არ მოაფიქრდა, რადგანაც ბაგიმ აქაც აჯობა, ჩათრევას ჩაყოლა არჩია; ხეივნის მოწყობას მემორიალური დაფის გახსნა და ობელისკის აღმართვა დაუპირისპია, თუმცა ბაგიმ მისი წინადადება მყისვე სასაცილოდ აიგდო.

ქვა-ლორღის მიმატება გვაკლია ოდაბედელებს სწორედ! ორ-ორი თოხით დავიარებით ყანაში და ეს ოჯახქორი კიდეე ქვას ეპოტინებაო. ნაჯახივით სდრუზა შუბლში.

სწორია, სწორი, მართალს ამბობსო! წამოვიძახეთ აქა-იქ.

ჩვენ სულის მოსაბრუნებელი საჩრდილობელი გვჭირდება, რომელიც ზენა ქარებისგანაც დაგვიცავს, თორემ ქვა, თავში საკმარისზე მეტად გვილაგიაო, თქვა და, როცა ერთხმად ავჰყვივით, როცა არდაშელს უკანდასახევი გზა მოეჭრა, რალაც მისეულის მიტმასნება განიზრახა, ჩვენს საწადელს მოეხმატებია.

კარგი მაშინ, ომში დაღუპულების უკვდავსაყოფად თითო ჭადარი დავრგოთ. ჯერ ერთი, მალე იზრდება, მერე — დიდხანს ძლებს, ადგილობრივი ჭიშია, დასასრულ, რაც მთავარია, თანხებსაც დავზოგავთ, სხვა საქმეებისთვის შემოგვენახებაო, იგულთმისნა, მაგრამ კოვზი ნაცაში ჩაუვარდა.

ხედავთ, ოდაბედელებო, როგორი მომჭირნე გახდა უცებ ჩვენი ნოჩოვეიჩი? გადავყარეთ თუ არა ფული გზის რემონტზეო, მოგვმართა კითხვით, და წელზე დონიჯი შემოირტყა.

გადავყარეთ, გადავყარეთო, ავხმაურდით ჩვენ.

ვის ჩაუტყდა აბანოს ასაშენებელი თანხებიო, კვლავ გამომცდელად მოგვაჩერდა ბაგი, მაგრამ როცა აქედან არავინ შევეპასუხეთ, თვითონვე დაასკვნა: ცხადია, არდაშელის ჯიბესო. რკინა-ბეტონს ბოძები დავუკვეთეთ ელექტრონის შემოსაყვანად და გაფისულს ძლივს ველირსეთ, იმასაც სანახევროდო. იქნებ გმირებზე საუბრისას მაინც მოვეშვით ვაჭრობას. რას მიქვია ჭადარი და თხმელა. მიმატება კი არა, რაც გვაბადია, ისიც ძირფესვიანად არის ამოსათვხრელი! მხოლოდ და მხოლოდ კაკლის ხე, ხალხო! სჭექა და ჩვენც ერთიანად ავჩოჩქოლდით.

შორს წავა ეს მამაძალი-მეთქი, ჩავიხიბით მაშინ და ვითომ არ მიმართლებს სიტყვა? არდაშელმა ბაგი ვერც ადგილის გამოყოფაში დაიყოლია.

ამხანაგებო, მეტი წინდაუხედაობა თუ გსმენიათ, თვალებიდან ნაპერწკლებს აკვესებდა ჭოფიას მოთა. შინმოუსვლელთა პარკს თუ სოფლის ჩრდილოეთით, მათატუს ნოყიერ მიწებზე გავაშენებთ, მეერ ყანებს რიყზე ხომ არ მოვთოხნითო, მოსჭრა და სასაფლაოს გაგრძელებაზე, ანთარების მარმარილოთა გაყოლებით მდებარე ხრიოკს ჩააცვიდა.

გმირთა სახელები სოფელში შემოსულ კაცს ჭიშკრიდანვე უნდა შეეგებოს წესისამებრ, ეგეც რომ არა, ჭიჭე კვეკვეს თვალებისც რომ ვერ ატანს, იმ ჯაგნარსაც ეშველება რამეო, დაასრულა და არდაშელის ჯიბეზე ერთხმად ავიტაცეთ ბაგის სიტყვა.

შინმოუსვლელთა პარკი ენგურის პირას მოვაწყობთო, გავიძახოდით;

კაკლის ხეებით გავაშენოთო, ვხორხოცებდით. ვისი დამსახურებაა ახლა, სასაფლაოსაგან განსხვავებით უჩვეულო სიო რომ ირწევა მდინარისპირიდან?! მერე ყველაფერს რომ მოვეშვით, მარტო შარშან თხუთმეტი ტონა კაკალი დავბერტყეთ სოფლის სასარგებლოდ. ახლა რამდენმა მოიპარა ჩემს არყოფნაში, რამდენმა გაჯაბასნაირმა შეჩვენებულმა გაჭკრა კბილი და რამდენი წაიღო წვიმა-ნიაღვარმა?! წინამძღოლად არის დაბადებული ნერვებმა თუ არ უმტყუნა და არდაშელივით არ დახარბდა ქარვასლებს. თუმცა, ისეთი სკოლა გამოიარა მამაჩემისაგან, აწი ვერაფერი წააბოროძიკებს. როგორ უცებ შემაძულა წლების ნაცოდვილარი? ახლა ის ლეგენდა მთელი ცხოველქმედებით ხმაურობს ჩემში, როგორც ნიჟარაში გამეხებული ოკეანე, მაგრამ არც „ჟინი ანთარის“ ხელალებით უარყოფა გამოვა. იქნებ რაღაცნაირად შეირწყას კიდევ ეს ორი ფენომენი. აი, ხომ სძულდათ ოდაბედელებს მამაჩემი, ჭრელი გველივით ეჯავრებოდათ და მაინც, როცა ავადმყოფის მორჩენის ყოველგვარი იმედი გადაეწურებოდათ, როდესაც ლოგინად ჩავარდნილს სისხლი ამოაღებინებდა ან კრუნჩხვებით მისავათლებოდა, თავებს ჩალუნავ-

დნენ და შერისხული კაცისკენ, სატანჯოსკენ წაითრევედნენ წელს. მხრებში ისეთნაირად ძვრებოდნენ, თითქოს ებოდი შებიანო ამდენი ხნით ზურგ-შექცევის გამო. სამაგიეროდ ცოლ-ქმარი სიხარულით ცას ეწეოდა. მოიკითხავდნენ ახლობლებს, ტოლ-მეგობრებს, უმნიშვნელო წვრილმანსაც კი ძირისძირამდე ჩაეძიებოდნენ. ერთი სიტყვით, გაჭირვებისგან გათიშულებს ისევ და ისევ გაჭირვება გვაახლოვებდა. აი, ხომ ეზიზღებოდათ, აქილიკებდნენ პირში თუ ზურგს უკან და მიუხედავად ამისა, მაინც მის სამფლობელოს უინი ანთარის უკვდავების კუნძული ეწოდა. როგორც ახლომახლო სოფლებიდან, ისე საქართველოს სხვადასხვა კუთხე-კუნძულიდან ხალხი დასტა-დასტა იქაურობას ამიტომაც მოაწყდა. თავისი სამყარო შეიქმნა — სულიერი გვემის ციტადელი. მოქმედების ადგილად შემთხვევით როდი ავარჩიე ჭაობნარში მიკარგული სატანჯო. ესაა ადამიანის გადაგვარების სიმბოლური მესოპოტამია, ესაა ყოფიერება პიროვნების ცნობიერებაში. რას ფილოსოფოსობ, მარტივად თქვი! დიას! სატანჯო ბოროტებას განასახიერებს ჩემთან, ოღონდ — გაშიშვლებულს, ნიღაბახლილს. სწორედ ამ უკანასკნელმა უნდა უარყოს საკუთარი ზნედაცემულობა; სწორედ ეს უკანასკნელი უნდა მოველინოს საზოგადოებას იმპულსად, ამოძრავებელ ძალად; სწორედ მან უნდა აზიაროს ხალხი ღვთაებრივ თხემს.

ბონდო: დასათაურების თრი გზა არსებობს, ჭიჭე კვპკვე, აქტიური და პასიური. ნაწარმოების შინაარსზე ცოტას გვეუბნება „ილიადა“, „დონ კისოტი“, „ფაუსტი“, მაგრამ ერთგვარ პლატფორმას გვიქმნის „ვეფხისტყაოსანი“, „ღვთაებრივი კომედია“, „გველისმჭამელი“. თქმულა: კარგი დასაწყისი საქმის ნახევარიათ, რადგანაც თხზულების კითხვისას სათაური ლამპარივით მიგვიძღვის წინ. „ოდითა: თუ „რინამისჯილი?“

ჩვენში რინამისჯილს იტყვიან კაცზე, რომელიც უსაშველო მართლობისთვის გაწირულა. სიზიფეს ლოდს შესჭიდებია. მაინც ვინ იქნება რინამისჯილი, თუ არა კაცი, რომლისთვისაც ცხოვრების დავლავი არარაობაა, ვინაიდან თვით წუთისოფელი ეარაფრება, თუმცა მოვალეობის გრძნობა ისე მაღალია მასში, რომ ყოველივე პიროვნულს უყოყმანოდ სწირავს სამშობლოს კეთილდღეობას. მოუხმობს გორაკებს იქით გზაბნეულ ალიონებს; მამულის წილ ჰაერს, წყალს, სითბოს, აკვანს, სართულს, რომელც საბოლოო ჯამში, მეზობელი ერების თუ ზოგადად კაცობრიობის ბედნიერების საწინდარიც გახდება. დიას, ხესავით იქნება ეს წიგნი. მართალია, იგი დაღლილ მგზავრებს მისანებვიერებელი გრილსითი ვერ მოეფონება; ვერც ნაცად ხუროს მოხიბლავს სილარეტანწყობილობით, მაგრამ მე „ოდოის“ არც საჩრდილობლად ვუპირებ

გახარებას და მით უფრო — საფიცრედ. მე იგი ადამიანებს კლდის წვერზე მეხამრიდად, ტაროსისა და ავდრის გასარკვევად, კეთილსა და ბოროტის შესამეცნებლად უნდა ავუშრიყო. ბონდოია. ოდოია. თავის-თავს მიაჩნებს თურმა. ჟინი ანთარს კი ერთხელაც არ წამოსცდენია ჩემზე რაიმე დაწერეო. მესაზღვრეების მეთაურად ხიჟნიაკის დანიშვნამ მისი ყოფიერება მიზანსწრაფული გახადა. სამეგრელოს ტყეების მომავადღობელმა სილამაზემ, აქაური ჭაობიანი ადგილების ხელთუქნელმა მშვენებამ, ნისლებში გახვეული ლელიანებისა და ისლიანების მიმზიდველობამ დაამობილა ის და ალექსეი. სატანურისა და ლეთიურის ნაჯვარს ეძახდა. არაფერს იშურებდა მისი ცნობისწადილის დასაკმაყოფილებლად. უშოვა საჭირო წიგნები და ხელსაწყო-დანადგარები. სადისციპლინო სასჯელის მოსახდელად ტალიკ-ტალიკ ბიჭებს ჰაუბტვახტის ნაცვლად სატანჯოზე უკრავდა ხოლმე თავს, რათა ზოგს მუხისა და წაბლის ფიცრები ერანდა, სხვებს კალატოზის ხელობაში ეცადა ბედი, დანარჩენი შავ სამუშაოს დასჯერებოდა.

ჟინი: აქ დასამალი რაა, სწორედ ხიჟნიაკის წყალობით მიეცა სატანჯოს იერსახე. მერე და მთავარი, ცხრაასოცდაჩვიდმეტში მისი მეცადინეობა რომ არა, შემრჩებოდა თავის მხრებზე?

ცისფრად შედებილი მესერი. ზედ ხის კოხტა ჭიშკარი. სამოსახლომდე მისასვლელი მოხრეშილი გზა. აქეთ-იქით დეკორატიული მცენარეები. კერამიკის გვიმიანი ჭა. ოწინარი. ტანმადალი ცაცხვის ძირას წაგრძელებული მაგიდა. მერხები. ორი მესამედით ლელიანში შეცურებული და ანძებიანი სომალდღით თვლემს ჭაობნარში. მუხის ძელებზე დგას იგი მშვიდად. დაბოვილ პონტონზე რკინის კიბე ეშვება.

მესამე გამორიცხულიაო, სამ-ოთხჯერ მაინც იტყოდა ღღეში. ტერენტი პირიქით ამბობს: არა სიცოცხლე, არა სიკვდილი, არამედ — რაღაც სხვაო, ესე იგი მესამე სწყურია, ის მესამე, რომელიც არარსებულია. რუსთაველი, ფუი, ეშმაკს! რუსთველი უფრო კონკრეტულია. სჯობს სიცოცხლესა ნაზრახსა სიკვდილი სახელოვანო. აქედან ადვილი დასადგენია, რომ საერთოდ სიცოცხლეა ყოვლისმომცველი სუბსტანცია, მიზანი.

ბონდო: ბოსელში შედი, ჭიჭე კვეკვე, იქ ხარდაფში ჩასასვლელს იბოვი. ცოცხალი თუ დაგხვდა, ბუტუტი გინმობს — თქო, ასე გადაეცი.

ბაგი: ჭაჭია, კიდევ ხომ არ შეგინიშნავს ოჩოკონის ნაფეხურები?

ჭაჭია ქობალია: არჩ მასეა შაქმე. ჩავალთ შატანჯოში და თქვენი თვალთ დარჭმუნდებით.

ლელიანებს ხასხასი გაუდით. ქროლაგს თბილი ზღვაური. წყალსაც, მიწასაც და ცასაც ხვლიკისფერი დაჰკრავს. აყვავებულია დუმფარა. ჭაობის მუხიანს ლაჟვარდისფერი მისძალე-ბია. ჭური წყალდამპალას ჩაუნერგავს. ფითქინებს თეთრი და ყვითელი ზამბახი. თიმთიმებს ლიამწოვი. ლერწმოვანებიდან ლელქაშის ქათამა ხშიანებს. ჭყონკაკუტის საძოვრებიდან კამეჩების ჯოგი ყროყინებს. ზედ ფიცარნაგთან მითუხთუხედებიან მოტორიანი ნავით, თოკით პალოზე მიაბამენ და უკაცრიელ ბილიკს მიუყვებიან. რაზმს ჭიჭე კვეკვე მიუძღვის და აქეთკენ, აქეთკენო, აქეზებს ჩამორჩენილებს.

ჭიჭე კვეკვე: ლობიო სომ არ გიჭამია, ჭაჭია. ბუნაგში გამომწყვდეული ლომი გინახავს? არა?! მით უარესი შენთვის!

კოლი ჭანია: იატაკს რას ეჯაჯგურები. ვერ ხედავ დაჭედებულია ის ფიცარი?!

ძალაყანის რამდენიმე მძლავრი დარტყმა და ხარო შავად დააღებს პირს.

ჭიჭე კვეკვე: აჰ, კიბეც ყოფილა! საით მიიპარები, ჭაჭია? რისი გეშინია, საცვლების მეტი რა ჩამოგიტანეთ?!

ჭაჭია ქობალია: რაშ მერჩი, ადამიანო?! ვეჭვეი.

ჭიჭე კვეკვე: ჰაერი არ გააჭუჭყიანო ერთბაშად. ჩამოდი, ჩამოდი-მეთქი! აქაურობა ისედაც ყარს. აქეთ მონათე, ბაგი, ფანარი, აქეთ.

ძელებით ამოყვანილ კედელს შუქი გადაურბენს. მერე ის სინათლე ბოქლომაცლილ კარებს მიეყინება, რომელიც თუნუქის ფურცლებით შეუჭედავთ და ზედ კვეკელი ოცდათექვსმეტით აწერია: „LABORATORIUM“

ბაგი ანთარია: შეგანგრიოთ?!

ჭიჭე კვეკვე: ირეკდით და განგედოს თქუნო, მათე.

უსაშველოდ გრძელ თითებს მინის ფირფიტაზე გამოსახულ წარწერას ისე უცაცუნებს ჭიჭე კვეკვე, თითქოს დაელექტრობული იყოს. მერე ხელებს ნეტარებით მოისრესს და მიუკაკუნებს ზედიზედ. რამდენიმე წუთში ჯაჭვი აჩხარუნდება. გაინრჭიალებს რაზა. ჯერ ჭიოტა შუქი გამოკრთება კარის ღრი-

ჭოდან. ისევ აჟღარუნდება რკინა და სულ მალე ჟინი ანთარის ვერცლშინაფერი თმა-წვერი შერჩებათ ხელთ. ბაგის გარშემო მჭიდროვდება.

ჟინი ანთარი: რაკილა მოსვლა იენებეთ, მობრძანდით.

ძრავა-გენერატორი ქოთქოთებს. ლაბორატორიის დანესტი-ანებული ბეტონის კედლები კირით შეეთერებულა. ამ შმორსა და დამძიმებულ ჰაერში საკმეველის სურნელიც შეიგრძნობა. გასწორებულ ლოგინს შალითა აფარია. მაგიდები, კარადები სხვადასხვა ზომისა და ფორმის მენწურებით თუ სინჯარებით გამოტენილა. ბეტონის იატაკს წითელი საღებავი გადასცლია ხშირი ხესვისაგან. ძველებურ სკამებსა და მდიდრულ საგარძელში ახალგარეცხილი თეთრეული აფენია. სამზარეულოს მაგიდაზე სიზილალათი სავსე ჯამი დგას. კედელში დატანებული განჯინიდან მოჩანს მუქი სითხით გაპიპინებული ბოცები, შებოლილი ყველი და კონსერვის ქილები. ელექტრომიკროსკოპის გვერდი, დასვრეტილხუფიანი მინის ჭურჭელში ასპიტი სპირალივით დახვეულა. ფრაკიანი მასპინძელი ექსპერიმენტს უკირკიტებს და ოდაბედლებს ვიზიტს არაფრად აგდებს, ოღონდ ეს არის, ხშირ წვერებსაც მალიმალ იბრჭყალავს.

ჟინი ანთარი: წყაღდიდობას გაუმაკლავდებოდით, ალბათ.

ჭიჭე კვეკვე: ჭოროფა რას დაგვაკლებდა, მაგრამ ის ბიჭია საავადმყოფოში. ავარიაში მოჰყვა კოჩიას ძმისშვილთან ერთად.

ჟინი ანთარი: რეანიმაცია. მეტი სიფრთხილეა საჭირო. ხომ გარდავქმენი. ჰორმონები განსაზღვრავენ ყველაფერს. გამოდის, რომ ნებისმიერი სტრუქტურის გარდაქმნა პრაქტიკულად შესაძლებელია...აგერ, მუშა ჭიანჭველებს ფრთები გამოსდით. იქმნას ნათელი... შევქმნათ ადამიანი ხატად და სახედ ჩვენდა... ჩემგან რას მოითხოვთ?

ბაგი ანთარია: როგორ თუ რას?!

ჟინი ანთარი: არა, გკითხეთ, ჩემგან რაა საჭირო-მეთქი... თვალის დახამხამებაში გამოსდით... ფრთები გვინდა.

ჭიჭე კვეკვე: უწინარესად ის, რომ უნდა წამოგვეყვ. ვიდრე მოგვედებოდე, ერთხელ თვალეში მინდა ჩავხედო.

ჟინი ანთარი: რას ჩუმჩუმელაობთ, რას მექარაგმებით?! პირდაპირ ვერ მეტყვით, დასაპატიმრებლად მოგედით-თქოთ?! გისაროდეთ! მე ვარ ყოველივეს თავი და თავი. დიას! მე, მე შემორჩილება ბუნება, სამყარო, ოდაბედე. მუშა ჭიანჭველები მე, მე

ვაქციე ფრთოსნებად. გიურზას აგრესია მე, მე ვუანდერძე ვასაკას. ვარდის მშვენიერება მე, მე დაგანათლე ჭინჭარს და — პირიქით... აქ, ამ ლაბორატორიაში ჩავუდგი სული ბუტუტის... სულსწრაფი. მორჩა, გარდამეცვალა უკვე და ვერავითარი დასტაქრის ხელი აღმიდგენს მკვდრეთით... აჰა, ესერა ქე ჩემი, რომელი მე სათნო-ვყავ, საყუარელი ჩემი, რომელი სთნავს სულსა ჩემსა. დავდვა სული ჩემი მის ზედა, და სამართალი წარმართა მიუთხრას*. ცხვირმოუხოცელი... უზენაესს განუდგა და ამიტომაც არის განწირული, როგორც ჩემგან, ისე — განგებისა-განაც... ცხრა იანვრის ღამით, როცა სატანჯოდან გადაიხვეწა, ზღვისპირამდე მივსდით უჩუმრად. როდის-როდის შინმობრუნებულს საზარელი სურათი დამიხვდა... კოჩიას ბალიშით გაეგუდა მაშიდამისი მაფა. თვითონაც გული გასკდომოდა, იქვე ეგდო იატაკზე და სწორედ მაშინ მოვისაზრე ბუტუტისათვის ალიბი შემეკმნა.

კოლი ჭანია. ვინ ბუტუტი, რომელი ბუტუტი?!

ჟინი ანთარი: ყოველ შემთხვევისათვის ნირვა ქობალია არა. ვითომ, მართლაც არ გაუმჟღავნებია ვინაობა?

ბაგი ანთარია: ვხვდებოდით. ბაბუაჩემმა ჭოფიამ შენ მიგამსგავსა პირველი ნახვისთანავე, მაგრამ თვითონ ბიჭს არაფერი გაუმხელია. ეტყობა, სიმართლის თქმა უძძიმდა.

ჟინი ანთარი: წააკითხებდით, ალბათ, ჩემს წერილს?!

ბაგი ანთარია: როგორ არა. დიდად განათლებული პიროვნების ნაწერს ჰგავსო. უბედურ შემთხვევამდეა შეთხზულიო.

ჟინი ანთარი: სხვა არაფერი უთქვამს?!

ჭიჭე კვეკვე: არაფერი, თუმცა შუბლიადნ ნეკისისხო ოფლი ჩამოსდიოდა წურწურით.

ჟინი ანთარი: დაგიჯერო, არც დედისთვის?

ბაგი ანთარია: გიორგი სახელით ვიცნობდით აქამდე.

ჭაჭია ქობალია. ეს რა ეშმის ჩემში ყურებში!

ჟინი ანთარი: თუ დამცალდა, ჭაჭია, უფრო მეტს გაიგებ. ნუ წრიალებ, კოლი, ნამუსიანი კაცია ჟინი ანთარი. მაშ, ჩემი ერთგული დარჩა?! იტანჯებოდა და მაინც ჩემს სამკალს მკიდა! რატომ იმ ცეცხლში არ ჩავიბუგე მეც? მომინახულოსო თან. სამარადისოდ უნდა გამაყოლოს ყვედრებით სავსე მხერა. ბუტუტის გაჩენის საიდუმლო წაშითაც რომ გამჟღავნდეს, მაფა ჰალიძონზე არც თავს იცოცხლებს, არც მე დამაყენებს ქვეყნად

და მით უფრო – ჩემს ფესვს თუ კენწეროს-მეთქი, ვშიშობდი ფიქრში გამუდმებით, მაგრამ სული წამსძლევედა და ოდაბებე-ში შუაღამით ქურდულად შევიპარებოდი. ჰალიძონიების ოხო-ფესზე შემოსკუპულ ოდას მივაყურადებდი, სადაც აჟღურტუ-ლებულ ბუტუტის აკვანს ურწევდა და „იავნანას“ უმღეროდა ცირა შეკვინთია. სარკმელს აკრული დაბეჯითებით ვრწმუნდე-ბოდი, რომ ყოველგვარი თეორიისა თუ ლაბორატორიული ჩირ-თიფითობის საწინააღმდეგოდ დედაკაცისთვის საღსალამათი მემკვიდრე მერუქებინა და ეს აღმოჩენა სინარულთან ერთად გულს მიწურავდა მაფასთვის წართმეული პირმშოს გამო... ჩე-მი სიცოცხლემისჯილი ძე... როგორ ვირწმუნო იოტისოდენა-დაც არ წამოსცდენია?!

ჭიჭე კვეკვე: ონწყვეშია ახსენა ერთხელ. აი, ეს ჩანთა და-კარგვოდა ქალაქში. კანონიერ ქურდებს ჩავარდნოდანთ ხელში მისი დაბადების მოწმობა, შემნახველი საღაროს წიგნაკები და ფოტო-სურათები.

ჟინი ანთარი: ტანსაცმელი იყოს. სურათები მანახე, სურა-თები.

ჭიჭე კვეკვე აწვდის. ჟინი ანთარი კარტივით შლის ფოტოებს. ორს ამოარჩევს, მაშუქის ქვეშ ათავსებს და ლუპით ათვალიერებს აცრემლე-ბული.

ჟინი ანთარი: სულ ჩემი ალიკვადია... მამასულძალი!

ჭიჭე კვეკვე: ამ კასეტაში ბონდოს საუბარია ჩაწერილი.

ჟინი ანთარი: ჰქენი სიკეთე.

რეტლასხმული უსმენდა. მერე სპირტის გაზქურა ჩააქრო. პედან-ტური სიზუსტით ალაგებდა ნივთებს.

ჟინი ანთარი: უყურე, როგორ მჩაგრავს?! თვითონ იბრალებს ჩემს დანაშაულს! ვერა, ვერ გავუძლებ მის თვალებს მე! დაე, წარწყმედილი წარწყმედილადვე აღვესრულო, მაგრამ რა ეშვე-ლება ბუტუტის?! სახელგამტყდარსა და მშათამკვლელის შვილს ვინ იმეგზურებს, რომელი?!

ჭიჭე კვეკვე: მაშინ წერილობით მაინც დაადასტურე მისი მამობა. ჩემთვის კი არ გთხოვ, ბონდოსთვის გვჭირდება. ჩვენ სოფელიც გვეყოფა ბატონად. სულგრძელია იგი, ღმერთის სა-დარი. შენგან განწირულებს ოდაბადემ გვიმკურნალა ისევ.

ჟინი ანთარი: ვიცოდი, ადრე თუ გვიან, მომაკითხავდა; ვი-ცოდი, ერთხელ მაინც მომაცრდნობდა თავს... დავისაჯე ვითომ?!

შეგძელი საკუთარი სულის რედუქცია, რეაბილიტაცია, ა დ დ გ ე ნ ა?! ერთხელ მაინც ჩავხედოთ თვალეში... ვერ გამოვივა, აქ რას უდგახართ, რისთვის არ მაჩქარებთ?! იქნებს სასიკვდილო სარეცელი გაუკუღმართდა უჩემოდ დე ველარასოდეს ველინსო მის სამართლიან ყვედრებას!

ზღვიდან მონაბერი ქარი ფრაკის კალთებს უფრიალებს ჟინი ან-თარს. ბრჭყალებში ნანებვირები წვერი ელრიცება. მერე წააბიჯებს ინს-ტიქტურად, მაგრამ ნავთსაყუდლისკენ კი არა, სულ სხვა, დუმფარებით დაფარული ონწყეშის მიმართულებით. მონუსხული კაცები მათდა უნებურად მიჰყვებიან მოხუცის მოცახცახე მხრებს.

ჟინი ანთარი: აქაურ ყვავილებს ჩავუტან, გაწამებულ რი-ნას უებარი წამალივით დაუყუჩებს.

თამამად მიიწევს წინ. პალო და უჟანგავი მავთულები გან-ზე რჩება, რომლებითაც სასიარულო ბილიკები მოუნიშნავს სა-ტანჯოელს. მაცდურად ხასხასებს საგანგებოდ მორთულ-მოკაზმული გარემო. ხელის გაწვდენაზე ზღვის გრუსუნი ნაც-ნობ მელიდისავით გასდევს წარწყმედილი კაცის სწრაფვას ყვავილებისაკენ. კიდევ რამდენიმე ნაბიჯით შორდება უახლო-ეს მავთულს ჟინი ანთარი. აჰა, სადაც არის წაეტანება კიდევ გაშლილ გვირგვინს. მიწისფერი ხელით მოსწყვეტს ერთს, მე-ორეს, მესამეს და უცებ, თითქოს უჩინარი არსება წაებლაუჭაო, შეტორტმანდება. გაწკრივებული ფენსაცმელები ჭაობის უმ-შვენიერესად მოქსოვილ ხალიჩაში ეფლობა, გაირღვევა ნოსი, მთელი ტანით შექანავდება. ცალი ხელით ყვავილებს ბლუჯავს ჟინი ანთარი, მეორეთი სპეტაკი წვერი არ ეთმობა. ცოტაც და უფრო მძლავრად შეანჯღრევს ონწყეშია. ჯერ მუსლებამდე ჩაითრევს, მერე ფრაკის ტოტები გაფხრეწილ ქოლგასავით შერ-ჩება ლეჭენყოს. მიცურავს, მისრიალებს ლიამპალის ხასაში. წინ კავკასიონის ქედების ქათქათა ხერხემალი ალანძულა. თავ-ქუდმოვლეჯით დარბიან ბავი ანთარია და ჭაჭია ქობალია. ონ-წყეშეში მუყაითად, თანამიმდევრულად საქმიანობს. აჰა, მობო-ჭა შეუბოვარი მხრებიც, ამაყი ქედიც მოხარა. ახლა ყვავილე-ბის მბლუჯავი ხელიდა ჩართულა უთანასწორო ორთაბრძოლა-ში. გამარჯვებული ონწყეშია ბუებუყებს, იბუშტება. ძველე-

ბურად ჭიოტებენ წინტალა, ლელქაშიანის ქათამა და კოკორინები. ძველებურად კველუცობენ ჭაობის ზამბახი, ლანცეტა ხაიები და ფიალებად მორთმეული დუმფარას ყვავილები. ონწყევშია საღათას ძილით რულავს“.

ყბამონგრეულ ბოქლომს და ნახვრეტში მოთავსებულ გასაღებს ჭიჭე კვეკვე გულგრილად ჩაუვლის. ჭყონდიდისკენ მიალაუხნს. უკან რჩება ტოლის სახურავგადახდილი ყაზარმა. მის მზერას ცისფერი უღიდროვნდება. გარდასული სიჭრელე თვალწინ უღივლივებს, მიაქანებს ფოთოლივით ამსუბუქებულს.

აგერ, ნაბორნალისკენ მიმავალს, ხოთო ქობალიას ძაღლების მეთაური შარიქა აეკიდება. მეგზურს არიქაც მიბაძავს. მათ არამი და შარამიც შეუერთდებიან. ჭიჭე კვეკვეს საეჭვო ტვირთი — ბონდოს ჭაობისფერი ჩანთა, გიშერს და მიშერს მათი სქესისთვის უკადრის საქციელს დაათმენინებს. ჭაბუკური სილაღე მიეძალება ჭიჭე კვეკვეს. ყაბალახის ბოლოებს მჭიდროდ გაინასკვავს კეფასთან.

„ცუანა ყაზაყი.

ჭაჭია ქობალია: ამჯუგნებული ჯაღლები რომ აგიდევგებია ამ შიშხამ დილით, რაშია შაქმე, ფენი ხომ არ დაგჩურებია ჩაჩუჩქიშაშ?

აყურადებდა, ალბათ, ჭაჭიას და კოლი ჭანიას საუბარს. აინტერესებდა, რას მოიძიქმედებდა ბონდო. დავიჯერო, მაგას ადამიანი ებრალებოდა? კატის კნუტებივით დაგვყარა. რატომ უხსენა ნირგა ქობალია? საწრიალებელი რა აქვს კოლის? მის სინდისზე ხომ არ არის ნირგას გაუჩინარება?

შუადღის პაპანაქება. ჭყონდიდის ორო-სიგრილეს შეფარებული ოდაბადელები. პატარები ლოდებივით ამობურცულ ფესვებზე სხედან. ენგურის ლივლივიდან მოჩანს ჟინი ანთარის ნიჩბის ნავი. მეთაური ადგილი ლადი ჭანიას უკავია. მწიფე ჭერმისფერი თმა გიშრისფრად უბზინავს ცირა შკეინთიას. ჭიჭე კვეკვეს ტანში ჟრუანტელი უვლის, ვინაიდან ეჩვენება, რომ მთელი სოფელი — სამივე დროის ოდაბადე, რაღაც დაკარგულს მოვლის, რაღაც სანატრელს უცდის, ბონდოს მაჯისცემას აყურადებს.“

მამლების ყვილი ფიქრებიდან გამოარკვევს ტორონჯიას, „ხოლო სიმონ-პეტრე დგა და ტფებოდა. რქუა მას მუნ მდგომარეთა მათ: ნუუკვე შენცა მოწაფეთა მისთაგანი ხარ? ხოლო მან უვარ-ყო და თქუა: არა

ვარ. მეც გაგწირე შენ, როცა დაბადების მოწმობის ხსენებით გული გადავუქანე ცირას და ვაიძულე ყაზარმაში შემომყოლოდა. **„უკავზაზე შემომადნე საწყალი“**.

ჭიჭე კვეკვეს მალლიდან ვარსკვალავები ეციმციმებიან, დაბლიდან — ტალახში ნათრევი ღამე. ოდაბადე ძილ-ბურანში გახვეულა. ხედება მგზავრი, რომ ოცნებაში ბილიკიდან გადაცდენილა. ეს ფაქტი ფრიად ესიამოვნება ტორონჯიას და გამტვერილ ჩექმებს მიჰყვება და მიჰყვება.

„ბარემ მთელს ოდაბადეს შემოვივლი, როგორც აქამდე, დავლოცავ თითოეულ ოჯახს და სამსჯავროს წინაშე ვალმოხდელი წარვსდგები.

ბონდო: რინა-თაბაბადეს არსი ძალთა დაუსრულებელ ჭიდილშია, ჭიჭე კვეკვე. ჩვენი შინაგანი დავაც ამ ვლობაღური პრეტესის პრიმიტიული გამოხატულება იყო, ალბათ, სადაც მართალი და მტყუანი განუსაზღვრელია. ბოროტება იქნება, ეს თუ ის სიკეთე, ერთ-ერთის განადგურება მეორის გაცამტვერებასაც ნიშნავს, ამდენად, მიზნის ამოწურვას გულისხმობს და სამყაროს აბსურდული შინაარსით ტვირთავს. გადარჩება, უსათუოდ გადარჩება. ჩემს სულს ბაგირივით ქაჩავენ აქეთ-იქით ცოცხლები და მკვდრები. შუაზე მხლენ. ასე მგონია, ვიღაც მესამე იბადება ჩემგან. არა, არ გაისვრება ლაფში მათი უბიწო სიყვარული. აგერ არა ვარ? ამის უფლებას არავის მივცემ. აქ მოდი, ჩემთან, ჟრუანტელო სიტყვის გაჩენის! მოდით ისლებო, ზღვისპირისა ოქროცუვილის, გარდასული დროის ჰანგებით რომ მესასთუმლენით! თქვენც კაქტუსებო, კაქტუსებო, თავისუფლება, ვინც ეკლიანი გვირგვინებით მოიხელთავეთ! ქედგახეხილო სახიკაცნო, ანდა დედებო — ჰარამხანებში დაწურული ფარშავანგებო, ამოიწიეთ მარადიულ სასთუმლებიდან. მე აგერ ვდგავარ, გრივალეები სულს მიწიოკებს, ქვიშის ყვითელი ქარაენები იგრავნებიან, სიმხურვალეა და თაკარა ხელისგულებით მოგეზიდებით ასე გმირი, შეუპოვარი. მე აგერ ვდგავარ, წინამძღოლი მე ვარ უდრეკი, ვინც საუკუნის ქარტეხილი აიყოლია, ვის ნაფეხურებს ვერ გადარეცხს აგვისტოს თქეში და ვერც იანვრის ყინვა-თოვლი მოაპირკეთებს. გესმით სიმღერა, როგორ, როგორ მოარღვევს ბნელობს; ვით შეგვიერთათ აფეთქებამ ჩემი სულისა; როგორ მიიწევს ცისკენ მთელად თქვენი სხეული, ვით მონუმენტი შუადღისა, მზისგან ნაძერწი?! როგორ მიიწევს გაქანება თქვენი გენისა, რა ამბოხებულ ვულკანების ისმის ზრიალი?! აქ მოდით, ჩემთან, წარსულიდან თუ მომავლიდან, ყველა უკლებლივ, ვისაც ფეხი გადაცდენიათ, ან გაგიწვდიათ ხელი ველურ ჯურღმულებისათვის! აქ მოდით ყველა, წუთისოფლით ვინც გაეწამეთ, ვინც ვერ შესძელით შეჩერება მოლიპულ

გრძნობის! აქ მოდით ყველა, ამაოა თავის მართლება — ვეღარ მოგხედეთ, ვეღარ გეძმეთ, ვეღარ გიხსენით, აქ მოდით, ჩემთან, ჩამომრეცხეთ დანაშაული! წარსულიდან თუ მომავლიდან, უდროობიდან; კვირტებიდან თუ კოსმოსიდან, უსივრცობიდან; ქორწილიდან თუ სამარხიდან, უკვდავებიდან, შემომეხვეით, შემომეწყვით, შემომეგარსეთ, შემომეგარსეთ — რინამისჯილ ყრმას უგალობებს არსება ჩემი!“

შინაგანად მტკავლით გაზრდილი ჭიჭე კვეკვე აშკარად გრძნობს, თუ ბონდოს წაბლაუჭებული ანკესები რანაირად მოქაჩავს მის სულს. მის მეობას ჯიმაყონიერი დაპატრონებია სავსებით და მხოლოდ ახლა ჩაწვდა იგი საკუთარ გენიას — თურმე იმისთანა წკვარამეთიდან მოედინება, რომ ძლივ სიბნელის ზღვარამდე მოღწეულა, სადაც ბინდისფერი უმშვენიერესად ხავსავს შებურუსებულ ასაბიათა მარამარილოებს.

მამლის ყვილი ელექტრონივით დაურბენს ძარღვებში ჭიჭე კვეკვეს ისევ.

„ჭრქუა მას ერთმან მონათაგანმან მდღელთ-მოძღუარისამან — ნათესავი იყო მისი, რომელსა — იგი პეტრე წარკუეთა ყური — არა მე გიხილეთა მტილსა შინა მის თანა? და კუალად უარყო პეტრე და მეცსეულად ქათამმან იყივლა*.

იქნებ ქვენა გრძნობა კი არა, აუცილებლობა მკარანახობდა ყოველივეს? იქნებ იუდას ამბორიც ქრისტესგან უფრო მომდინარეობს, ვინემ ისკარიოტელისაგან?!

მე ვინც გამყიდის, იმის ჯამში ჩავაწყობ ლუკმასო, დიდი საქმისათვის ამზადებდა სულ. ერთის დაუმხოვრებლად ვერაფრით ამაღლდებოდა მეორე. დაეცემა გიორგი ხანთარიძე, სამაგიეროდ ბანდო ანთარია აღზევდება. მოკვდება ღმერთი და დაიბადება ადამიანი! არც წუთისოფელია გოლ-გოთაზე ნაკლები!“

წვრილი კენჭების ჩხრიალში, ძაღლების უგულო ღავლაგში, ზურგს უკან რჩება ცირა შკვითინიას გამოზნელებულ ეზო-კართან ყოყმანი. ახლა ჭიჭე კვეკვე იქითკენ იმზირება, იქითკენ, რომელ მხარეს ლაყვარლების ყირმიზი ასული — მზე, კავკასიონის ამოქარქაშებულ მწვერვალებს სადაც არის ვარდისფერი თითებით მიუალერსებს. ეჩვენება, თითქოს აღმოსავლეთიდან ამობრღვიალებული მანათობლის დალალების აბლაბუდაში გაიხლართება სადაც არს და საკუთარი თავს რამდენიც უმტკიცოს უსასრულო-მარადიული გასამყაროება, რწმუნდება, რომ ცირა შკვითინიას თმისფერი გარიჟრაჟი სულ მალე შეიწოვს, შეისრუტავს, შემოიმტკიცებს.

„სანავიაციით პროფესორები ჩამოაყვანინა თბილისიდან. გიჟს ჰგავდა.

ცირა: მომწყდი თავიდან, თვალითაც არ დამენახო! მენძორე ყვარია!

აბა, როგორ გინდოდა გონმიხდილი ცივილიზაციის ნაშეირს, რომელი ცივილიზაციაც ვგრეთ წოდებულ პროგრესს სუსტზე ძლიერის უპირატესობით ინაღლებს?! ვინაა ეს სიცოცხლემისჯილი სამყარო, ზღვარდებული რიგის ელემენტებს შეუპოვრად რომ ურევს ერთმანეთში?! ნუთუ ჩემს მოძრაობას მიზანსწრაფულობა აკლია? იქნებ ჩემი წასვლა კანონზომიერია არსებითად? სამართებლისმაგვარი ყამით მუცელს გამოვიფატრავდი, მაგრამ რა ეშველებათ ბონდოს და ხანტურს უჩემოდ?! მათი ბენდიერებისათვის არდაშელ-ცირიბიას ფული საკმარისია განა?! არ წაუჯიკავებთ ვითომ ზეზეური სიკვდილისკენ საწუთრო?! მე უნდა შეუძლებელი შევქლო! მე ღმერთი ადამიანად უნდა გადავაქციო. ყველა პირობა არსებობს საამისოდ: ჟინი ანთარის ანდერძია ეს, ფოტო-მასალა, თუ „ოდაბადე, როგორც ასეთი“. დაჯუმატოთ ამას ლაბორატორიაში ჩაწერილი საუბარი და ნათელი შეიქმნება, რამხელა კოზირები გვიპყრია ხელთ. გამოკვითხავ უკლებლივ ყველას, ვისაც კი შეხვედრია. ვივალე, ცხრაპირ ტყავს გავიძრობ და მათზე აუგს არავის ვათქმევინებ! სხვა მხრივ ჩემი ცხოვრების მიზანი ამოწურულია. „ოდოიას“ შექმნილი ვარ აწი, ჩაჩანაკი, სამარის კარამდე მისული?! რანაირად მომახუტა ხელზე ლოყა. ცოდვილი თუა ვინმე, მე ვარ მხოლოდ, მე!“

ჭიჭე კვეკვე გრძნობს, ჰაერის ლურჯ ოკეანეში როგორი სიმსუბუქით მისრიალეებს მზე, ვინაიდან მის ამბობებულ სულში ცირა შკვინთიას დალალებიც ამნაირადვე მოიწეწებიან და ეს წარმოსახული გენია მის არსებობას შეეხება თუ არა, მაშინვე გაუფასურდება ჭყონდიდის ძირას წარმოსახვით შეკოწიწებული ხელოვნური დრამატიზმი თუ ოდაბადეში ყოფნით გამოწვეული პესიმიზმი. მიხვდება, რომ ერთადერთი ცათაფრენა ცირა შკვინთიაა, რომლის დალალების ლამუნი ქვის საფეხურზე ამავალი ბალახების ხავერდოვან სუნთქვასაც იერთებენ, ვარსკვლავებით მოხატულ ცარგვალსაც მიიმხრობენ და ცალკე პალატაში განმარტოებული ქალ-ვაჟის ბოდვა-ჩურჩულსაც. უკვე არაფერს ჩივის ჭიჭე კვეკვე, ვინაიდან ცისფერი ჯიმაყონერის გენია ერთხელგამონათუბლივით დაუსრულებლად იტრიალებს საადამიანოში.

— ვერავითარი სიკვდილი ჩააქრობს სიცოცხლის თესლში სინათლის მოძრაობას, რადგანაც დრომასავით ხელიდან ხელში გადადის იგი. — მოსჭრა ანაზდესულად.

„შეუცდომელი ვინ არ ყოფილა ამ ქვეყანაზე, რომელი?! შეეშალა მოსეს, უფლის ძლიერებაში რომ შეეჭვდა და კლდეს ორჯერ დაჰკრა კვერთხი;

შეეშალა გოლიათის დამამხობელ დავითს, როცა ურია ქეტელს ჯერ

სიცოცხლე წაართვა, მერე — ცოლი; შეეშალა სოლომონ ბრძენს, როცა წარმართი მაწაკების ზეაგვლენით კერპებს გუნდრუკი უკმია; შეეშალა მამაღმერთსაც, რაჟამს ეშმაკს კისერი არ მოუგრიხა, ასე რომ, შენი ცლო-მილებანი, ჯიჯი, ამათთან შედარებით ზღვაში წვეთია“.

ლითონივით გაღვივებულ მეკრდში აჯანყებული ჭიჭე კვეკვე ჰაერს წაუპოტინებდა. სამყაროსეული ხმებისთვის სმენას ძაბავს. მკრთომარე სულში ჩამჩერე გალაქტიკა ხან ფემძიმე ქალივით ბორგავდა, ხანაც ჩვილის კეფასავით ფეთქავდა, მაგრამ, რაც მთავარია, არსებობდა და კიდით-კიდემდე იერცობოდა მისი კანკალი. მაინც ბუნების წიალში ბინადარი ადამიანის უკვდავებას ამტკიცებდა, მიუხედავად იმისა, რომ დაბეჭითებით იცოდა, ყოველი კვირტი მანათობლისკენ იბურცება. არასდროს მოუბრუნდება სათავეს ჩამოცვენილი ფოთოლი თუ შეკუნტრუშებული ნაკადული. მარმარილოთა ბურუსიან მხარეს სამუდამოდ ემშვიდობებოდა ჭიჭე კვეკვე. მზიანი აზრის მობრძანებას მისი ორჭოფა სული მიმოსწია. ორღობეებს და ჯუჯა გორაკებს გადასცილდა. მტკაველ-მტკაველ მიიწევდა სილაჟვარდეში, ჭყონდიდის კენწეროსკენ. ქვემოდან ჟინი ანთარის დათრგუნული სახება მოჰკიოდა. თითქოს სიკვდილის ორანი და ფეხისხმა ჭიჭე კვეკვეს ყურთასმენას პირველად მოსწეოდა. ზესწრაფვაში უმაღლესად მარადიულ ფორმებში აყალიბებდა წარსულის სურათებს, რეალურ დროს, მომავლის ხილვებს თუ ფერისცვალების უნეტარეს არეებს. ცას წაპოტინებულნი ამიტომაც უხმობდა კოლხური ნისლებით დაბურულ ველებს და სამისდღემშიო მირაჟებში დანთქმულ მწვერვალებს. ბონდოსა და ხანტურის ფერხთით დამხობილიყო ენგიდუნია. მ ჭიჭე კვეკვეს ოცნება ერთიანად შემოიკავშირებდა მილიონჯერ გადიდებული ლობიოს მარცვლის მსგავს ოდაბადეს; შემოერთებდა ვეფხვებთან მეომარი პირტიტველი მოყმის დედას, თუ ნოეს კიდობანს შემოხიზნულ სიცოცხლესავით კაკასიონის უჩინმაჩინი მწვერვალებისკენ დაძრულ მანათობელს. ჭყონდიდის კენწეროს წარმოსახვით მოქცეული ჭიჭე კვეკვეს თვალსაწიერზე ზღვაურით მოცეცილი სათიბი ამოცურდა:

მიწაში ტარით ჩარჭობილი ცელების ფონზე ხელიხელჩაჭიდებული ქალ-ვაჟი მინავადობს. დაცვარულ მოლზე ხან ბონდოს უცურდება ფეხი, ხანაც — ხანტურს, მაგრამ ერთმანეთს წაეშველებიან, წამოაყენებენ, ნატკენ მუხლისთავეს კოცნით დაუამებენ და დასალიერში მოტივტივე ქოხმახის მიმართულებით ტაბით გაუყვებიან ხასხასა ტრამალებს. მზე ოქროს თასში აგროვებს ძვირფას ანახებს. ჭალადიდის დასასრულს, სადაც შიშისმომგვრელი ცოცხალი ღობით შემორაგვული ჯარგვალი ტორტმანებს, ღია კარიბჭეს თავაწეულები გადააბიჯებენ და სადღაც ხსოვნის იწროებში ცირა შეკინთიას დალალებიც აიბურდება. იცის ჭი-

ჭე კვეკვემ მაცდუნებელ ჭიშკარში შესვლა რასაც მოასწავებს, ან იქაური წალკოტი რანაირი აკრძალული ხილით დაუხვდება, ან კიდევ როგორ აუკვარჩხალებს თავისქალას წუთისოფელზე ფიქრი თითოეულს, მაგრამ მისი მოზიემე სული მწუხარების ბორკილებს განიშორებს, შეყვარებულთათვის უშურველ ღიმილს იმწიფებს ტუჩებზე. ამღერებული შაშვის ყელისმაგვარ მემბრანას ჩამოსწევს სიცოცხლის ფირფიტაზე ჭიჭე კვეკვე და ჯადოსნური მუსიკით თვრება. თვალის დახამხამებაში აღმოცენდება ხნულში ჩაწვეთებული სიმინდის მარცვალი. ზღვასავით ირწევა ყანა, და რადგანაც საწუთროში, ერთადერთი გონნათელი ადამიანიღა დაშთენილა, ღამის ფილტვებს არღვევს მიჯნურთა გადასარჩენად. ჭიჭე კვეკვეს ირგვლივ აყრანტალებული ყვავები დაპარპაშებენ, მაგრამ უბოროტო ღიმილით შეიწყნარებს კაცთა მოდგმისაგან წყულებსაც. ნაკვთი ნაკვთში გადადის, ხაზი ხაზს ეხლართება, ასო ასოს ეკემსება და აქამდე ქვეთინისპირას მისული გრძნობა ასაფრენად ამზადებს, უკვე გრიგალების ბინადარს.

ბონდო: ჯიმაგე, მიხვდი თუ არა, მამანვენს რისთვის დაუნთმრავს ფრთოსანი ჭიანჭველა ოცდაერთით, სტრესირებული — სამოცდაექვსით და სიცოცხლემისჯილი — ასოცდასამით?! პირველი მე შემესატყვისება, მეორე — კემეს და მესამე — შენ ფრთოსანი ჭიანჭველა უსასრულოდ კლებადს განასახიერებს მასთან, სიცოცხლემისჯილი — უსასრულოდ ზრდას, ხოლო კეე ამ სიდიდეებს შორის შუაღედური, უმტკივნეულო განზომილებაა, ხალხის პროტოტიპი. ხედავ, პირუტყვით რანაირად დაგვდადეს სამივე? პითაგორელები. ციფრების გაღმერთება. რატომ გაიაზრება ჰომეროსთან ყველაფერი ათობით სისტემაში?! ცხრის შემდეგ რიცხვების უსასრულობა რომ იწყება. მასასადამე, ჰომეროსის პოემები არაბების გენიალური აპლმოჩენის მერმინდელია. რას მიქვია, გვარს არ გამოიცვლის!

ბონდო: ჭიჭე კვეკვე, ნამდვილი ადამიანი, ერთადერთი კონია ჰალიძონია შემხვდა მთელი ცხოვრების მანძილზე და კიდევ — მარიკელა. კონია: ბუტუტის შემომატებამ, ჭიჭე კვეკვე განსაკუთრებით მაფა ჰალიძონსე ააფორიაქა, თითქოს წართმეული ჩვილი ამოფრენილიყო დუმფარებით დაფარული ონწყვეშიდნან.

ჟინი: თქვენი მხარდაჭერის იმედი მაქვსო, გვეტყოდა ხოლმე კონია; ვინცობაა გათახსირებულმა დედაკაცმა ოდაბადელები წამოიყვანოს და ბონდოს წართმევა მომინდომონ, ზურგი არ შემაქციოთო, გვმუდარებოდა და მაშინ მის გასამხნეველად ონწყვეშიის ქორთმებიდან ჯერ კიდევ როდის გამოთრეულ შაშ-

ხანებს ხელახლა ვუწყე გულმოდგინე გაბოხვა-გაკრიალება“.

ჭყონდიდის სიმალიდან გახელისგულეებული სანახების ცქერით გალაღებული ჭიჭე კვეკვე ჰაერს წაეპოტინება. წარმოსახული გმირი დოლაბში ჩავარდნილი სიმინდის მარცვლივით ჩამობზრილდება ტოტიდან. ხან შტამბს მიეხატქუნება, ხანაც რტოებს ჩამორეგჯავას. შესაბამისად ციბრუტივით დატრიალდება ბერმუხას ძირიც, რომელიც ახლა თვითონ ზრუნავს, თავად ფაცურობს უსაფთხოებისათვის. გაქცევას, განაპირებას ლამობს. ადამიანები პომპელებივით აღაპურობენ ხელებს, მაგრამ ზედახორა ერთმანეთში იბლანდება, ჩონგურები ნაფოტდება და გადამსხვრეული ტანის შემაერთებელი სიმები უმისამართოდ იწეწება. ეს მასა მკვდრებიც და ცოცხლებიც ქვეშ მოიყოლებს განურჩევლად .

ამჩნევს ჭიჭე კვეკვე წრიპა ფეხების შენელებული კადრისმაგვარ მოძრაობას. ხედავს, პირდაფჩინილი კალმახები სულს ლაფავენ. ესმის კემეს და ხოთო ქობალიას ზმუილი, სირმას და მილანდარის კივილ-წირ-წინი. ჯვალოიან გიჟს ბარაქიანი ჯიბეებიდან მაწანწალა ძაღლები ნადავლს ასწაპნენ. არის წკავწკავი, ღრენა, ყმუილი, კბილების გააფთრებული დაბზინება და იმ გამონათების კვალდაკვალ სართულიანი გინებები. ზოგჯერ ჭიჭე კვეკვეს თავს ზევით ფოთლები ტკარცალბენ და უტაშუნებენ.

„გორდია კვანძი“* გახსნილია. დღესვე წარვადგენ პროკურატურაში მასალებს. დაე, სამართალმა პური ჭამოს!“ დასკვნის ჭიჭე კვეკვე და მის ბრეთელა-ბრეთელა თვალბში დედამიწის სამყოფი ჩქერალები ალიპლიპდება, რომელი მაუკვდავებელი ნექტარიც არაფრისდიდებით გასწირავს ბონდოს ერგასი წლის წინათ გასათხრელი მეშიდე საფლავისათვის. ესეც რომ არა, არწევს, ხლართავს, ისრუტავს აღმოსავლეთის მზისფერი დალალები და ჯანგატეხილ წყვდიადში მტრედები ირევიან.

სიცოცხლისჯილები

I

ამ წერილის შეთხზვას ერთი გარემოება მკარანახობს — დაახლოებით ათასამდე წიგნი მაინც გამისაჩუქრებია პირველი რომანის პუბლიკაციით აკუნტრუშებულს.

ცხადია, წიგნს სულის თანაზიარს, ახლობელს, კოლეგას უსახსოვრებენ ხოლმე, რადგანაც განსაკუთრებით მისგან მოელოდნენ პირუთვნელ სიტყვას, აზრს გულწრფელობით ნასაზრდოებს, მაგრამ ჩემდა საზიანოდ განმიცხადებია: იმ ათასეულიდან ათიოდემ თუ შეძლო რომანტრიადა „სიცოცხლისჯილების“ ბოლომდე ჩადვენება, თანაც ისეთნაირად, თითოეული ზედაპირზე ჭყუმპალაობდა, ვინაიდან არ ისურვა სიღრმეების ძებნა, რამეთუ არ ეყო ფოლკნერის აწ საქვეყნოდ ცნობილი სამგზის წამკითხველის ინტერესი, ჟინი: რომ ვერაფრით გაეთავისებინა ქმნილება ესე, და მწერალთან რჩევა-დარიგებისთვის მიახლებული, კიდევ ერთხელ ჩაუჭექითო, გულდინჯად დანუგეშდება დიდი ხელოვანისაგან.

თითქმის ასეთნაირადაა ჩემი საქმეც, და რადგანაც გაჩნდება მოთხოვნილება „სიცოცხლისჯილების“ თავისებურებათა ნათელფენისა, რადგანაც ჩვენი ტრადიციული, საყველპურო მწერლობა და მისი ინტონაციით გაბრუებული ქართველი მკითხველი დღესაც მეცხრამეტე საუკუნის გემოვნებათა ორღობეში ყიალებს და ახლო ხანებში იქიდან მისი გამოღწევა მეეჭვება, საჭიროდ მიმაჩნია, ძირისძირამდე გაეხსნა, თუნდაც დაღეჭვის დონემდე გავაანალიზო გაუგებარი, შებურუსებული; მაგრამ ვიდრე უმუშალოდ „სიცოცხლისჯილების“ ლაბირინთებში წარგიძღვებოდეთ, ურიგო არ იქნება მასზე დაწერილი ემპირიული რეცენზიების ავანზავანიც გვენახა და შემდეგომ, როგორც აუცილებლობა მოითხოვს, თანამიმდევრულად გვემსჯელა, უკეთ გვეტვირთა მესვეურის, გზისმკვლევის ფრიად საჩოთირო და უმადური შრომა.

პირველად, ვინც ჩემს რომანს გამოეხმაურება, კრიტიკოსი, ბატონი გიორგი გაჩეჩილაძეა. 1984 წლის „ცისკრის“ მიმოხილვისას, იგი გარკვეულ ყურადღებას მიაგებს ამ ჟურნალის ფურცლებზე დაბეჭდილი „სიცოცხლისჯილების“ ფრაგმენტებს. კალმის სხარტი მოსმით, ლაკონურად აი, რას წერს ესთეტი:

„აშკარა საინტერესო დებიუტად უნდა მივიჩნიოთ გ. ფეტელავას. (ფსევდონიმი გური ოტობანია მოგვიანებით დაიბადება გ.ო.). „ხასიათები რომანიდან“. როგორც პროზაიკოსი გ. ფეტელავა ხასიათდება ენობრივი ცნობიერების ღრმა კავშირით ხალხურ მეტყველებასთან, ხოლო ყოფითი გარემოს გრძობით კოლხურ სამყაროსთან“.

ასე დააჭაშნიკებს კრიტიკოსი დიდ ლიტერატურაში ჩემს შემოსვლას. მადლობის მეტი არაფერი მეტქმის, თუმცა ჩემი რომანი მერე და მერე მრავალ მეტამორფოზას განიცდის, როგორც ენობრივად, ისე — სტრუქტურის, არქიტექტონიკის თვალსაზრისით, და ბუნებრივია, არარსებულ სტილსა და მეთოდზე რანაირად მოვსთხოვ მსაჯულს სათანადო სიტყვას?!

იგივე სიტუაციაშია ბატონი გურამ ბენაშვილიც, რომელსაც სული წასძლევს და 1987 წლის „ცისკრის“ სამი ნომრის ანალიზისას, რომანის ისედაც საყურნალო ვარიანტს, თანაც ბოლომდე გამოუქვეყნებელს, საკმაოდ მკვახედ დამოძღვრავს:

„მე არაფერს ვიტყვი გური ფეტელავას (ფსევდონიმი გური ოტობანია ამჟერადაც უცნობია ჩემთვის, გ.ო.) რომანზე, რომელიც ჯერ არ დამთავრებულა და საოცრად ქაოტური სიუჟეტის მიხედვით თუ ვიმსჯელებთ, ძნელია მისი დასასრულის წინასწარმეტყველება. ათაშანგით დასნეულებული რომანის გმირი — მეცნიერი და ალქიმიკოსი ერთსა და იმავე დროს, სამეგრელოს ერთ უდაბურ კუნძულზე განმარტობულა და შორიდან სკვრეტს თავის ყოფილ საცხოვრისს. მის მისტიკურ ყოფას სოფელთა თვალში რაღაც მაცდუნებელი ძალა შეუძენია და აი, დაძრულან კიდევაც მისკენ, ამ შემზარავი ანახორეტისკენ, სოფლის მოძულე თუ სოფლისგან მოძულებული ადამიანები. მათ შორის არიან ქალებიც, რომელთა გაუნელებელ ოცნებად ქცეულა იდუმალი განდევლისგან დაორსულება. ასე და ამგვარად წარმოუდგება მკითხველს რომანის სიუჟეტური აქცენტები. სად და როდის ჰპოვებს გამოტანჯული თხრობა საბოლოო წერტილის დასმით გამოწვეულ შვებას, ძნელი სათქმელია“.

უხერხულია გამოედავო კრიტიკოსს, როცა აღნიშნული ჟურნალის პროკრუსტესეულ ქირურგიას ნებაყოფლობით დათანხმდები (ოცდაექვსი თაბახის მოცულობის წიგნი შვიდ ფორმამდე დაიჩვენება), თუმცა ტრიადა ჯერ კიდევ დულილის პროცეშია, ჯერ კიდევ ბატონი რევაზ თვარაძის მაღლიანი სიტყვის ძალმოსილებით სულდგმულობს, ეძიებს ადეკვატურ ფორმას. უკვე ორი ათეული ვარიაცია რომანისა და მასთან დაკავშირებული ოფლისდენანი კბილიდან, უშედეგო ცდას, წყლის ნაყვას უფრო მოგვაგონებს, თუმცა გულისხმიერი შე-

მოქმედის ზემოთხსენებული დამანუგეშებელი რეცენზია, ფარ-ხმალს არ მაყრევენებს:

„როგორც ჩანს, ერთობ დიდი იყო სურვილი — თავისი ნაფიქრი, ნაგრძობი და გამოტანჯული დაუხანებლად გაეცნო სხვათათვის, აუდიტორიისათვის, დაუხანებლად მოემკო მოსამკელი, დაუხანებლად მოეხვეჭა ის სახელი, რომელსაც უეჭველად მოუტანს ავტორს ეს ნაწარმოები. უეჭველად მოუტანს, ღრმად ვარ დაწმუნებული, ოღონდ საბოლოო დახვეწისა და ჩამოქნის შემდეგ. თუკი ავტორი შესძლებს დასძლიოს იაფფასიანი ცდუნება და ერთხელ კიდევ ჩაუჭდება თავის ქმნილებას, ამ უკანასკნელ შემთხვევაში ქართველი მკითხველი დიდად მნიშვნელოვან, პირველხარისხოვან რომანს მიიღებს“.

არავის ეგონოს ტკბილად მოუბარმა ენამ პასუხისმგებლობის უნარი დააკარგვინოს მწერალს, დააბრმავოს იგი, თვალთახედვის არე შეუღიბროს, და ნურც იმას დაიჩემებს ვინმე, თითქოს ავსტიყვობას რაიმე ფასეული მოეხელთებინებინოს ხელოვანისთვის, თუმცა კაცია და გუნება; ვინ უწყის, იქნებ ერთიცა და მეორეც თანაბარი ზურგის ქარია, ჩემთვის კი დამაიმედებელი ფრაზა, მაშველი რგოლი აღმოჩნდება შემოქმედებითი წვა-გარდასახვის ამ უკიდევანო ოკეანეში. და აი, 1989 წელს გულადი ფეტელავამ გური ოტობაიას მონომახის ქუდი დაიხურავს, რკინის ქალამნებს ამოისხამს და ქართული მწერლობისთვის ესოდენ უცხო გარემოში დღურთავს თავს.

მართალია, საკუთარი ხარჯით გამოცემული რომანის წინასიტყვაობაში რედაქტორი, პოეტი ვახტანგ ხარჩილავა ზედაპირულად მაინც განუმარტავს მკითხველს თუ რა „ჯოჯოხეთსაც უქადის“ ამ წიგნთან მისვლა — აკი, ზოგიერთი ირონიულად შენიშნავს აქა-იქ, კითხვამისჯილად რისთვის გვაქციეო, მაგრამ ბარემ მასაც მოვუხმობ:

„მაინც რას ასახავს „სიცოცხლემისჯილები“?!” ეს არის რომანი-ეპოპეა თანამედროვე წმინდანზე, რომელიც მოამწიფა არა სოციალურმა გარემომ, არამედ უზნეო მამის კერძო ინტერესებმა, რათა საკუთარი სიყრმისდროინდელი ცოდვები შვილის მარტვილობით შეიმსუბუქოს და ჩადენილი დანაშაული პირმშოს მოწამეობით მოინანიოს.

შესძლებს თუ ვერა ბონდო ჰალიძონიას მეშვეობით ჟინი ანთარი გათელილი სახელის აღდგენას, გავერანებული მეობის გადარჩენას?! — აი, კითხვები, რომელსაც აღძრავს თხზულების პირველი წიგნი.

ყოველ ნაწარმოებს ეპოქა ქმნის, ეპოქის სურნელი დაჰკრავს მის ენას და კილოს, ასეა „სიცოცხლემისჯილებიც“.

„არავინ შთაასხის ღვინოი ახალი თხიერსა ძუელსაო“ გვასწავლის „სახარება“, ამიტომაც ბუნებრივია, ტრადიციული თხრობის გვერ-

დით მკითხველი ხშირად შეხვდება მოდერნისტულ, ე.წ. „ცნობიერების ნაკადს“, რაც ყურადღების ერთგვარ გამახვილებას მოითხოვს მისგან.

დასასრულ, ისლა დაგვრჩენია „სიცოცხლემისჩილებს“ ქულები სიცოცხლე ვუსურვოთ ლიტერატურულ სარბიელზე“.

დამეთანხმებით, ერთობ საპასუხისმგებლოა ახალბედა მწერლისათვის ავანსად ბოძებული მსგავსი წყალობა, მაგრამ როგორც ხუთი ათასი ტირაჟით გამოსული პირველი გამოცემა, ისე — უმნიშვნელო სტილისტური და ორთოგრაფიული შესწორებებით დასტამბული მეორე, ჯერაც ვერ ჩამოქანდაკდება ერთიანობის პრინციპებით. ყოველივე ამას ცოტა მოგვიანებით შევძლებ, „ნაკადულის“ „მორიგ გამოცემაში“, რომელიც ქალაქის უქონლობის გამო ვეღარ დაიბეჭდება და ვინაიდან სათანადო სახსრები არაფრით გამოიძინდება, მატრიცები დღესაც ჩემთანაა, ჩემს ლიტერატურულ წიადში, მაგრამ რაც მთავარია, ძირითადი უკვე მიღწეულია, ერთგვაროვან სტილს დაქვემდებარებია ნაწარმოების მთელი სხეული, თუმცა ჯერ იქნებ დასახელებულ გამოცემათა გამოხმაურებებს გავეცნოთ სასხვათაშორისოდ, წამოჭრილ საკითხს კი შემდგომ მივუბრუნდეთ, მით უმეტეს რომ საამისოდ მოვმართულვართ თავიდანვე.

ფრიად საყურადღებოა ჩემთვის „სვობოდნაია გრუზიაში“ გამოქვეყნული ალექსი ლაფატურის მომცრო რეცენზია სათაურით:

ОБРЕЧЕННЫЕ НА БЕССМЕРТИЕ

В 1984 году на страницах журнала “Цискари” появились фрагменты романа Гури Отобаиа (Фетелава) “Обреченный жить”. Через несколько лет, в 1987 году, в этом же издании был опубликован журнальный вариант романа, уже привлекший пристальное внимание как читателей, так и литературной критики, отметившей появление интересного, самобытного дарования. И вот, наконец, первая часть романа-триады “Обраченный жить” вышел недавно в издательстве “Мерани” полностью.

Особенностью этого издания является тот факт, что книга издана за счет автора, а ему в свою очередь благотворительную помощь оказал целый ряд спонсоров - предприятий и организаций Западной Грузии. Такое сотрудничество можно только приветствовать, ибо речь идет о конкретной помощи писателю. По нашему,

увы, печальному опыту известно, как трудно пробивают себе дорогу истинные таланты, как приходится им в борьбе отстаивать свои права - на собственный взгляд, на художественное видение. Порой, принимая у молодых авторов оригинальность за оригинальничание, сложный, насыщенный образами язык за слепое увлечение модой, мы невольно ставим преграды развитию таланта, обрекаем его на бесплодные муки. Как же помочь молодому творцу как поддержать его, дать ему возможность проявить себя? Данная книга может стать наглядным примером партнерского сотрудничества начинающего писателя и тех, кто заинтересован в рождении и утверждении его таланта.

“Обреченный жить” - первое крупное произведение Гури Отобаиа. Судя по уже имеющимся откликам критиков, по впечатлению, оставленному романом, можно говорить о появлении писателя сугубо оригинального, смело идущего на литературный и языковой эксперимент. Но это - лишь внешняя, видимая часть айсберга. Не менее интересна и его „подводная“ структура. Облекая в замысловатую форму сюжет романа, придавая ему заведомо замедленный ритм, автор словно подталкивает нас к внимательному, неторопливому чтению-изучению. Этому способствует и несколько утяжеленный язык произведения, пересыпанный колхидской топонимикой и этимологией, латинскими высказываниями и т. д.

С реда романа, в том числе и его сюжетная линия, становится благодарным-материалом для осмысления мгоних вечных истин, главный из которых автор считает невозможность и преступность искупления греховых деяний отцов за счет мученичества детей. Это проблема, стойвшая нам многих нравственных потерь, увеличившая бездну пропасти между отцами и детьми, стала глубочайшей трагедией нашей истории. В последние годы литературой эта проблема поднимается довольно часто. Но следует сказать, что при всем величии замысла художественные достижения можно пересчитать по пальцам. Чаще всего, следуя камертону социальных потребностей общества, большая литература уступает перед натиском публицистики. Гури Отобаиа решил пойти своим путем, отбросив и публицистическое осмысление проблемы, как поверхностное и неглубокое, и отказавшись от традиционной вульгарно-реалистической манеры воссоздания конфликта.

Гури Отобаиа первыми строками романа образно выделяет в

тексте слова-камертон, настраивая все послетующее действие книги на них: „Муравей погибает, распуская крылая, но бессмертие“ - Человек и Бог, муравей и человек, каждому - своя ипостась и место в Вечности, но неужели „обреченному жить“ суждены только муки?“

მიუხედავად ნაწარმოების ტევრში შედრწევის მცდელობისა, მიუხედავად ლამაზისტიყვაობისა, რეცენზენტი წიგნის ლაფაროს ველარაფრით გაცდება, მომხიბვლელი ფრაზების ტყეობაში დარჩება და მექმნება შთაბეჭდილება, რომ მას „სიცოცხლემისჯილები“ არც კი წაუკითხავს, გალაკტიონისა არ იყოს, გადაუკითხავს, ჩაუჭვრიტია შიგადაშიგ, წინააღმდეგ შემთხვევაში ავტორი არსებითზე იმსჯელებდა და არა — ემპირიულზე. წვრილმანებს გამოკიდება განა როდისმე გვაზიარებს მთავარს, ძირისძირს ჩანაფიქრისას, ურომლისოდაც ჭეშმარიტების დადგენის ყოველი მეცადინეობა ამაო გარჯაა?!

წიგნს კი გამოვაჭვეყნებ, მაგრამ მთელი არსებით ვგრძნობ, რომ ინტელექტის პირუთვნელ სარკეში არეკვლის საჭიროების ზღურბლზე ვდგავართ მეცა და ჩემი რომან-ტრიადაც, ვინაიდან მისი გამოცემა სულაც არ ნიშნავს ჩემთვის რჩეულ თემასთან განშორებას;

პირიქით, „სიცოცხლემისჯილების“ მერამდენე პუბლიკაცია სასურველი დისტანციიდან მიაშკარავენს მანამდე უჩინარ ხარვეზებს და ბარემ აქვე დავსძენ — ვერაფრით შევეწყობი შემოქმედის პოზიციას, რომელიც გულისნადებს ქალაღზე გაღმობერტყავს თუ არა, მყისვე კანონიკურ ტექსტად შერაცხავს; მე კი ნაწარმოების საშკარაოზე გამოტანას ლაბორატორიულ პროცესად მივიჩნევ მარტოოდენ, რამეთუ მჭერა, ქმნილების საბოლოო ვარიანტს მხოლოდ ერადერთი, მძლეთამძლე სიკვდილი თუ დააზუსტებს. ასე რომ, კრიტიკოს სოსო სიგუას გულგახსნილობა წყლით სავსე სათლად წარმომესახება მეუღაბნოეს.

რინამისჯილი

„ჭიანჭველა მაშინ იღუპება, როცა ფრთა გამოუვა, მაგრამ უკვდავება უფრთებოდ არ არსებობს“ — ასე იწყება გური ოტობაიას (ფეტელავას) რომანი „სიცოცხლემისჯილები“. (წერილის ავტორი გაზეთ „ლიტერატურა და სხვა“-ში „რინამისჯილის“ სათაურით გამოაქვეყნებს წინდებულ რეცენზიას, გამოაქვეყნებს იმავე დასახელებით, როგორითაც დაიბადება ეს წიგნი და რომელსაც ვერაფრით გავიტან გამომცემლებთან, თავისი კოლხური, უკეთ მეგრული წარმოშობის გამო, გ. ო.).

ჩვენ არა ვართ განებივრებული რომანებით, მაგრამ ამჯერად სხვა ფაქტი იქცევა ყურადღებას. ეს არის წიგნი, რომელიც მიეკუთვნება ავანგარდისტულ მწერლობას, ე.წ. „ძნელ“ ლიტერატურას, რომლის აღქმას სჭირდება სპეციალური მომზადება. აქ ორიენტირი მიმართულია არა რთულის გამარტივებისკენ, არამედ — მარტივიდან რთულისკენ, უფრო სწორედ — სტიქიურად რთულ ცხოვრებას შეესატყვისება ადეკვატური ფორმა. ამიტომაც ცდილობს ახალგაზრდა პროზაიკოსი ექსპერიმენტული ხერხებით სულის მოძრაობის ფიქსირებას.

როგორც ვიცით, საბჭოთა სისტემა ექსპერიმენტული იყო, მაგრამ ხელოვნებაში რევოლუციას უარყოფდა. იგი ამკვიდრებდა ფსევდორეალიზმს, მარტივ, გამჭვირვალე ფორმებს, რომელთა შეფასება ოფიციალურად არ უნდა გაძნელებოდა. ეს ხდებოდა ხალხის სახელით და თითქოს მასა მართლაც ელტვის სინათლესა და სიმარტივეს, მაგრამ ხელოვანი თუ ცდილობს ახალი გზის გაკაფვას, იგი იოლი აღსაქმელი ვერ იქნება.

გური ოტობაიას რომანი მრავალმხრივ სპეციფიკური ნაწარმოებია. ამ ნიშან-თვისებათა გათვალისწინების გარეშე წიგნს მკითხველი ვერ ეყოლება. თანაც არ კმარა ერთი წაკითხვა. ავტორი ჯიუტად მოითხოვს, რომ წიგნს სჭირდება შესწავლა, გააზრება და არა მხოლოდ წაკითხვა. ეს უკვე პრინციპული პოზიციია, ესოდენ ჩვეული ავანგარდისტებისთვის, რომლებიც ქმნიან თავიანთ სამყაროს, გამოთიშულს მკითხველისგან. ისინი თითქოს არ წერენ მკითხველისთვის, რადგან ჯადაგებენ მასზე ამაღლებას, ახალი ჭეშმარიტების წვდომას. ხოლო ჭეშმარიტება, ჩვეულებრივ მარტივია, მაგრამ მისი პოვნისა და მიგნების, გამოვლენის პროცესი გვიჩვენებს შეცნობას, პიროვნების სულიერ ოდისეას, დრეიფს აწმყოდან წარსულისკენ, მშობლიური სამყაროს იდუმალებას.

რომანის სამოქმედო არეა კოლხეთი, გეოგრაფიულ გარემოს ამ წიგნისთვის დიდი მნიშვნელობა აქვს, მაგრამ არა კონკრეტულს, — არამედ ზოგადად აღებულს, ზოგადად გააზრებულ სულს კოლხეთისას. მწერლისთვის ეს არის მთავარი. სატანჯო და ოდაბადე კონკრეტული ადგილებია, რომელთაც მიწასთან უნდა დააკავშირონ ის არქაული, უძველესი, ლეგენდური მოტივები, რომლებიც გადმოეცა დღევანდელობას. ამ თვალსაზრისით ავტორი ცდილობს ტოპონიმების შენარჩუნებას (ჭურია, ჩხოუშია) ეს საყრდენი წერტილებია, რომლებიდანაც დაძრული ასოციაციები ადგენენ გარდასულ მეხსიერებაში შემორჩენილ ჟამს. ამდაგვარი პლაცდარმის გარეშე თხრობა კოლორიტს დაჰკარგავდა და ამორფულ სიტყვათა გროვად იქცეოდა. მაგრამ მწე-

რალს კოლორიტი თავისებურად ესმის. მას არ აინტერესებს კოლორიტის ეთნოგრაფიული გაგება ან თანადროული ელფერი. მისთვის ყველაფრის განმსაზღვრელია კოლხეთი და ეს პირველ რიგში ვლინდება პერსონაჟთა სახელებსა და გვარებში (ჰალიძონია, ჟინი ანთარი, მათა, ჭიჭე კვეკვე, მაკრონია). ჰალიძონია და მაკრონია გვახსენებენ უძველეს ქართველურ ტომებს. ასეთი გვარები არ არსებობენ. მწერლის ფანტაზიამ ისინი შეთხზა გარდასული დროის აღსადგენად, ისტორიული სულის შესანარჩუნებლად.

მათა და ჟინი ანთარი მითოლოგიური პერსონაჟებია. არც ისინი არსებობენ რეალურად. მაგრამ ავტორის მიზანია ისტორიისა და მითოსის გაერთება თანამედროვე კოლხის შემეცნებაში, მისი დაკავშირება უძველეს დროსათან. ამიტომ ეძებს ჟინი ანთარისაგან ანთარის წარმომავლობას, ოდიოსთან — ჰალიძონთა მეფე ოდიოსის კავშირს და ა.შ. ამგვარ ხერხს ხელოვნურობაც ახლავს. მაგრამ ეს წინასწარ არის დაშვებული და მოფიქრებული.

მწერალს არც რეალისტურ-ყოფითი და არც ისტორიული ფილოსოფიური წიგნი დაუწერია. იგი ქმნის შინაგანი მონოლოგის თანამედროვე ვარიაციას, რომელიც გარეგნულად დროისგან თავისუფალია. შინაგანად კი ჩართულია იმ საბედისწერო მოვლენათა კარნავალში, რომელშიც მოექცა კოლხეთი, საქართველო. გმირები თანამედროვე მოქალაქენი არიან, მაგრამ მათი ბიოგრაფიები, თავგადასავლები წარსულს უკავშირდება და მოიცავს მწუხარებით აღსავსე მთელს საბჭოთა პერიოდს. ეს უკვე მათი რეალური ცხოვრებაა, რომელშიც გამოკრთის წინაპართა სული. ამიტომ მსჯელობს ასე გატაცებით გენეტიკაზე ბონდო ჰალიძონია. ჩანს, მას ხშირად უფიქრია შორეულ წარსულზე, საწყისებზე, არა მარტო ახლობლებსა და თავის წარმომავლობაზე, თავის ბუნდოვან ისტორიაზე. ზოგჯერ გარემო მხოლოდ საზროვნო მასალაა. ამჯერად კი მას თავისთავადი მნიშვნელობა აქვს და იგი თავად არის კვლევის, განცდისა და შეცნობის საგანი.

მწერალი ცდილობს ტოპონიმების სიუხვით შექმნას ინტიმი და კოლორიტი (ოხოჯე, მუხურჯინჯი, ოხოხულე, ქვიშილი, ონწყეშია, უჩალალი, წკვერემია, მუნჩია), მაგრამ უკიდურესობას ახლავს ცალმხრივობაც და ხელოვნურობაც. ეს სახელები ქართველი მკითხველისთვის უცნობია. ისინი მხოლოდ ახლა შემოდინ ლიტერატურაში და შემოაქვთ ეთნოგრაფიული ელფერი. ალბათ, საკმაოდ დრო უნდა გავიდეს, ვიდრე ისინი დამკვიდრდებიან ჩვენს ცნობიერებაში, ანდა ისეთი სიძლიერით უნდა აქლერდნენ, რომ ჩვენი სულის ნაწილად იქცნენ. მაგრამ ესეც ექსპერიმენტის ნაწილია.

გური ოტობაია თვლის, რომ ქართულ ენასა და ლიტერატურაში მაქსიმალურად უნდა შემოვიდეს კოლხური ტოპონიმები, სახელები, გვარები, სიტყვები. ამ ტენდენციას ჰყავდა სახელოვანი მოთავენი, მაგრამ ისინი არჩევდნენ ზომიერებას, რათა ქართულს შერწყმოდა ის, რაც არ გააჩნდა და გაამდიდრებდა მას. გური ოტობაიასთვის ასეთი გაცხრილვა, ევფონიის დაცვა ზედმეტია. საჭიროა კოლხური გარემოს მასირებული შემოსვლა ქართულ ცნობიერებაში. კოლხური სიტყვებით მისი აღვსება (ორკოლი, ძღაბი, რინა, ჭიჭე, ლეჭენჭყო, ჯიმა ონერი, ჯიმადი, ყვარია) საამისოდ არის შეთხზული ჰალიძონიების საგა და ოდაბადეს მითი, ერთობ ბუნდოვანი და რთული, როგორც თავად ცხოვრება და თავად ფსევდონიმიც — ოტობაია მეგრულ-ქანური სამყაროდან არის აღებული — ტობა — ტბაა, სიღრმისეულს, ტბეთს, ღრმააზროვანს ნიშნავს (გავიხსენოთ „დიდოსტატის მარჯვენას“ ლაზი პერსონაჟი) არც გვარი ჭანია არის შემთხვევით მოხმობილი. უშორეს წრეში ავტორის ფანტაზია უბრუნდება ელინურ სამყაროს და მცირე აზიას, რომლიდანაც ჯერ კიდევ ქრისტემდე უკუაქციეს კოლხური ტომები, მაგრამ გვარ-სახელებსა, ტოპონიმებსა და მითებში დარჩა უძველესი ჟამის მოგონება. ავტორის ოცნებაა მოგონებაში მაინც გამოვლინდეს კოლხეთის ჰერალდიკა. შესაბამისად — დროები აღრეულია, აწყობს დროს ერთვის პრეისტორია, „ხალხის მტრის“ ამბავი, სხვადასხვა პერსონაჟის თავგადასავალი, სიუჟეტური ხაზი არ არის ნათელი და გამჭვირვალე. კომპოზიციაც შეგნებულად დარღვეულია. ავტორი (ანუ პერსონაჟი) ფიქრის ენით გვესაუბრება. მონოლოგში ერთმანეთს ენაცვლება სხვადასხვა სახე, დეტალი. წარსული ხელახლა აღდგება და განიცდება. შრიფტის მონაცვლეობით, წინადადებების მოშველიებით ავტორის თხრობას გამოეყოფა პერსონაჟის შინაგანი მონოლოგი. მაგრამ ეს იმდენად ძნელდება, რომ გვიჭირს გარჩევა, სად მთავრდება ერთი და სად იწყება მეორე.

ვფიქრობ, ავტორი უნდა მორიდებოდა ჭარბ სიუჟეტურ განტოტვას, რადგან პერსონაჟთა სახეები უფერულდება და მეხსიერებიდან გვეკარგება. შეიძლება ასედაც იყოს ჩანაფიქრი, რათა მონოლოგს მისცემოდა გარეგნულად ქალსური სახე. მაგრამ ასეთი პრინციპიც წამგებიანია. მაგალითად, გავიხსენოთ ცოლ-ქმარი კოჩია და ცირა შკვითინხე. კოჩია ჰალიძონიას ძმაა არდაშელი, ვისზეც ეჭვიანობს იგი. კოჩიას ჰყავს ვაჟი ბონდო (როგორც შემდეგ ირკვევა მისი შვილი არ ყოფილა) კოჩიას დედაა ცარო მუშუქია. ბონდოს მამა აღმოჩნდა ჯეგე ანთარია, იგივე ჟინი ანთარი. კოჩია ჯეგეს ცოლის ძმისწულია. იწყება ბონდოს დრამატული ცხოვრება. იგი მსოფლგანცლით ჰგავს ჯეგეს, რომელსაც

ახალგაზრდობის ჟამს გერმანიაში უსწავლია. ასევე განტოტვილ სხვა სიუჟეტური ხაზები (მაგ: მაფასი, არდაშელისა, ჭეგესი და სხვა) შეიძლება სიუჟეტური მასალის სიუხვე უნებლიე რეაქცია იყოს ამორფული პროზისადმი, მაგრამ აქ ზომიერება ირღვევა და ფაქტიურად მკითხველს ამბის გამოტანა უჭირს, თუმცა, როგორც ითქვა, ესეც ავტორის პრინციპია: წიგნი უნდა შევისწავლოთ და არა მხოლოდ წავიკითხოთ.

ამგვარი ძალდატანება იშვიათად არის გამართლებული. არის ცდა ამ ნაკლის შევსებისა ინტელექტუალური ტირადებით. მაგ. ჭეგე ანთარია აყალიბებს თავის ფილოსოფიას — ჭიანჭველების მაგალითით ადამიანური ცხოვრების არარაობას ასაბუთებს. იშველიებს ლათინურ სიბრძნეს. ბონდო თავის არასრულფასოვნების კომპლექსს იკვლევს, თავის ფსიქიკურ პროცესებს უკვირდება, მსჯელობს სექსსა და ფსიქოზზე, იგონებს კლეოპატრას ისტორიას, საამისოდ მოხმობილია სპეციფიკური მასალა, რაც მხოლოდ სამეცნიერო ინფორმაცია როდია. იგი გახსნილია პერსონაჟის ცხოვრებაში და წარმართავს მის ცხოვრებას, როგორც ბედისწერა. ბონდოს „ცნობიერების ნაკადი“ ამხელს მის სულიერ დეპრესიას და აშლილობას:

„მარწყვის მდელი“, ბერგმანი, არა რასკოლნიკოვის სიზმარი. რა აწრიალებს კლუბთან შექუჩებულ ხალხს?! ხელებს ისე სწევნ მადლა, თითქოს ცა ექცეოდეთ თავზე. პომპეის ტრაგედია. ვეზუვი“.

ბონდო ძმათამკვლელი კაცის — დემონური სულის მქონე ჭეგე ანთარიას უკანონო შვილია და ეს მისი ტრაგიზმის სათავეა. საერთოდ გური ოტობანია განსაკუთრებულ ყურადღებას აქცევს პერსონაჟის ფსიქიკას, ტემპერამენტს, მიმართებას წინაპრებთან. იგი ცდილობს გმირის ხასიათი შინაგანი ხილვით დაადგინოს. ამიტომ ნაკლებად მიმართავს პორტრეტს, ხასიათის ტრადიციულ ნიშან-თვისებას, რომელსაც გარეგნულ ატრიბუტად მიიჩნევს. მას კი ადამიანის შინაგანი ცხოვრება აინტერესებს, მისი არაცნობიერის გადმოსვლა ცნობიერში. ამ ასპექტში იგი ფსიქოანალიზსაც იშველიებს, ხოლო მხატვრულ ხერხად არჩევს შინაგან მონოლოგსა და „ცნობიერების ნაკადს“. პერსონაჟის მიერ სულის სიღრმეში მოგზაურობა მთავრდება კოლხეთის ისტორიასთან მიახლოებით:

„ჟინი ანთარის“ პირველი უჯრედი კოლხური მითოლოგიის წილიდან წარმოსდგა“. ჟინი ანთარი მეტსახელია ჭეგე ანთარიასი. ხოლო ანთარიას ვაჟია ბონდო ჰალიძონია. ასეა გადახლართული ხალხის ბედი პერსონაჟის ისტორიასთან. ამ თვალსაზრისით საგულისხმოა შინაგანი დიალოგი ბონდოსა და ჭიჭე კვეკვეს შორის (შეიძლება ითქვას ეს სახელი არ არის მარჯვედ შერჩეული— მისი მსჯელობა ჰეროიკულია, ხო-

ლო თავად იგი ღიმილს იწვევს. სახელის ფონეტიკურ ჟღერადობასაც ღიმილი ძალა აქვს). ოდოიასა და ჰალიძონიების პირველდასაწყისი ელინურ სამყაროშია, ასოციაციურ ძიებას მიეყვართ ტროასთან და ჰომეროსის „ილიადასთან“, რომლის მიღმა არაფერი მოჩანს. მაგრამ კოლხების წინაპარნი იქ ელინელთა ტოლფას ძალად წარმოგვიდგებიან.

ჰეროიკული წარსულის გახსენება და ცოდნა იმიტომ არის საჭირო, რომ „ერთხელაც აზავთდნენ აბშილები და შკვითინები, მაკრონები და მოსხები, ჰანები და ჰალიძონები, ჩვენი ნაღზე უნაღდესი წინაპრები, ოდესღაც ცას რომ ეპოტინებოდნენ“. მათი დღევანდელი შთამომავალი კი სიცოცხლემისჯილია, მას მრავალი სევდა უღადრავს გულს. იგი ლესტაბერის დროებამ მელანქოლიკად და ქოლერიკად აქცია, ამიტომ ფიქრობენ პენსონაჟები ესოდენ ბევრს და მოქმედებენ ესოდენ მცირედ. ჰერეტა, სულის სიღრმეში ჩაღრმავება, წირნაპრების ძიება საინტერესოა, მაგრამ ეს არაპრაქტიკული კაცის პროგრამაა, თუმცა ჰკვიანისა და განათლებულისა, მაგრამ — ამავ დროს — ნერვებდასუსტებულისა, ვინც ბრძოლას მოგონება არჩია.

წიგნის ენაც შესაბამისად არის რთული, მიახლოებული ტერმინოლოგიურ სტილთან, ლექსიკურად იგი მოიცავს ერთის მხრივ, — სამეცნიერო ცნებებს, მეორეს მხრივ — მეგრულ სიტყვებს, რომელთაც აერთებს ფიქრის ენა, დახვეწისა და გალამაზების გარეშე. მაგრამ ამ ექსპერიმენტულ წიგნში შენარჩუნებულია საესეებით ტრადიციული სინტაქსი. ალბათ იმიტომ რომ, სიმძიმე არ გადადის ენის ექსპრესიაზე. ხოლო უჩვეულო ფაქტორთა სიმრავლე რომანს საერთოდ დაუკარგავდა მკითხველს. ამდენად, ავტორს აინტერესებს კონკრეტული სირთულე. ამიტომაც წიგნის მთლიანობაში აღქმა თუ ძნელდება, იოლად იკითხება ცალკეული ეპიზოდები, მათ არც ენობრივი ექსპრესია და არც აზრობრივი დინამიკა არ აკლიათ:

„ჭალალადიდის დასასრულს, სადაც შიშისმომგვრელი ცოცხალი ღობით შემორავებული ჯარგვალი ტორტმანებს, ღია კარიბჭეს თავაწეულნი გადააბიჯებენ და სადღაც ხსოვნის იწროებში ცირა შკვითინიას დალალებიც აიბურდება. იცის ჰიჭე კვეკვემ მაცდუნებელ ჰიმ-კარში შესვლა რასაც მოასწავებს, ან იქაური წალკოტი რანაირი აკრძალული ხილით დაუხვდება, ან წუთისოფელზე ფიქრი თითოეულს თავისქალას როგორ აუკვარჩხალებს, მაგრამ მისი მოზეიმე სული მწუხარების ბორკილებს განიშორებს, შეყვარებულთათვის უშურველ ღიმილს იმწიფებს ტუჩებზე. ამღერებული შაშვის ყელისმაგვარ მემბრანას ჩამოსწევს სიცოცხლის ფირფიტაზე და ჯადოსნური მუსი-

კით თვრება, თვალის დახამხამებაში აღმოცენდება ხნულში ჩაწვეთებული სიმინდის მარცვალი. ზღვასავით ირწვევა ყანა, და რადგან საწუთროს, ერთადერთი გონნათელი, ადამიანილა დარჩენილა, ღამის ფილტვებს არღვევს მიჯნურთა გადასარჩენად“.

ავტორს დაუძლეველი დარჩა ერთი პრობლემა. იგი წერს კონცეფციურ, ინტელექტუალურ რომანს. მაგრამ ჭარბად შემოაქვს სტილიზებული, ეთნოგრაფიული ელფერის მქონე მასალა. უფრო სწორედ — იგი ქმნის ამ მასალას და ამაგრებს რეალურ მიწაზე. მაგრამ აკლია დამაჯერებლობა და ის ჰეროიკული პათოსი, რაც მთელს წიგნს გასდევს. გარდა ამისა, სუსტია და უფერული დიალოგები, რაც აძლიერებს ხელოვნურობის შთაბეჭდილებას. ალბათ, ამ თვალსაზრისითაც რომანს სჭირდება საგრძნობი კორექტირება.

„სიცოცხლემისჯილები“ (მეგრ. რინამისჯილი, რინა — ყოფნა) გური ოტობაიას (ფეტელავას) რომანი-ტრიადის პირველი წიგნია. დავულოდოთ შემდეგ წიგნებს“

ასე ასრულებს რეცენზიას ბატონი სოსო სიგუა, და მიუხედავად მრავალი სიკეთისა, მაინც დაუკმაყოფილებლობის გრძნობა დამრჩება, რომ ჩემს წიგნს ვერ კითხულობენ იმ ენაზე, რომელზეც შექმნილა; რომ მეტწილად მე ალთას ვარ და ისინი — ბალთას; რომ „ცნობიერების ნაკადის“ თხზულების ჯეროვანი აღქმა თურმე თავად პროფესიონალსაც უჭირს, მაგრამ განა ჯოისს უადვილდებოდა საუკუნის დამდეგს მკითხველის მოზიდვა? ან იქნებ პრუსტს თავზე ეხვია ამლიარებლების ბრბო? არაფერს ვამბობთ ფოლკნერის ნარეკლიან შემოქმედებით გზასა და ლიტერატურის დიდ ოჯახში დამკვიდრებაზე.

მეოცე საუკუნის პროზის ენის სპეციფიკა თავად ეპოქის თავისებურებაშია საძებნელი, რომ ამ ტექნოკრატიის ერაში ინფორმაციის მეწყრით გასარესილი პერსონაჟი ვერაფრით მიეფიცხება გაღულუნებულ ბუხარს დიკენსის რომანით ხელში, სიუჟეტური ხლართების თუ სტერეოტიპული სამკუთხედების მონა-მორჩილი; რომ სადღესო სიტყვაკაზმული მწერლობის ენობრივი პოზიცია ქაოსურია, დანაწევრებული და ამავდროულად ამ დანაწევრებულობაში ერთიანი, მონოლითური.

ვგრძნობდი რა ჩემს რომანსა და მკითხველს შორის გაჩენილ ბარიერებს, „სიცოცხლემისჯილების“ „ნაკადულისეული“ გამოცემისთვის ერთგვარი კატალიზატორის მსგავსი წინათქმა მოვაცოდვილებ, რომელიც შესაძლოა საწყისი სტადიალა წინდებული წერილისთვის, მაგრამ როგორ ნაუცბადევადაც მოგვეჩვენოს იგი, უეჭველად შეიცავს

ქეშმარიტების მარცვლებს და გარკვეული თვალსაზრისით პრელუდი-
აცაა უფრო გლობალური სათქმელის წარმოსაჩენად:

„რომანი- ტრიადა „სიცოცხლემისჯილების“ სამოქმედო დრო 1972 წელია, დიდი თვლემის, დიდი მთქნარების წელიწადი და ამდენად, რეა-
ლური ვითარების ჩვენებით შემოიფარგლება, რომელიც ცხადია, უთუოდ გადაიზრდება ჯერ პიროვნულ ამბოხში და მერე — საყოველ-
თაო, ზოგადეროვნულ დაუმორჩილებლობაში.

რომანის ცენტრალური ფიგურაა თქვენი თანატოლი ბონდო ჰა-
ლიძონია (წინასიტყვაობა საყმაწვილო გამოცემისთვისაა გათვალისწი-
ნებული ცხოვრების ფონზე თვალნათელი გახდება ამ დამყაყებელი
წუთისოფლის უსაგნურობა, თვალნათელი გახდება, რომ უზნეო და
უპირო ქვეყანაში ძნელია საარსებო დროისა და სივრცის პოვნა, მაგ-
რამ გვიჯობს მოვლენებს ნუ გადავასწრებთ და შედარებით განყენე-
ბულ საკითხებს დავსჯერდეთ, ვთქვათ, როგორიცაა: ნაწარმოების
სტრუქტურა, კომპოზიცია, სტილი, ენობრივი პოზიცია.

„სიცოცხლემისჯილებისათვის“ შემთხვევით არ მიწოდებია რომა-
ნი-ტრიადა. ჩვენ მრავალი წიგნი გვიხილავს დილოგიის, ტრილოგიის,
ტეტრალოგიის ქვესათაურით, მაგრამ რომანი-ტრიადა — არასდროს,
ამიტომაც თავს ნებას მივცემ უფრო ვრცლად გესაუბროთ.

ზემოთ ჩამოთვლილი ტერმინები შესაბამისად ორი, სამი, ოთხი
წიგნის ერთობლიობას გულისხმობს, ტრიადაც სამეულს ნიშნავს, მაგ-
რამ უკვე თვისებრივად ახალ განზომილებასთან გვაქვს საქმე.

კერძოდ, დიდი ბერძენი ფილოსოფოსის — პლატონის მოძღვრება-
ში, მოგვიანებით გენიალური გერმანელი დიალექტიკოსის — ჰეგელის
სისტემაში ტრიადა გაიზრდება, როგორც ნებისმიერი არსის, მოვლენ-
ის განვითარება-ჩამოყალიბების სამეტაპიანი პროცესი, სადაც პირვე-
ლი საფეხური — თეზა, უეჭველად მოითხოვს უფრო მაღალ, საპირის-
პირო ფაზას — ანტითეზას, ეს უკანასკნელი კი გარდუვალაი ახალი თვი-
სებრიობის — სინთეზის მომასწავებელია, რომელიც ერთგვარად აჯა-
მებს პირველი-ორი ვითარების დადებით მომენტებს. წინდებულ რო-
მანში მოთავსებულია თეზა. ანტითეზა და სინთეზი, დროთა
მსვლელობაში გამოქვეყნდება.

„სიცოცხლემისჯილებაში“ ხშირად შეხვდებით შავი შრიფტით აწყო-
ბილ ტექსტებს, წინადადებებს, ფრაზებს, სიტყვებს. მათ განსაკუთრე-
ბული დატვირთვა გააჩნიათ.

ყურადღებით თუ დავაკვირდებით ჩვენი აზროვნების
მიმდინარეობას, აღმოჩნდება, რომ ნებისმიერი პიროვნების ცნობიერება

ორი ძირითადი შრისგან შედგება. პირველი ეს გახლავთ უშუალოდ პერსონაჟის შინაგანი მონოლოგი, ოცნება, ფიქრი, მედიტაცია, როცა ინდივიდი ნაბიჯ-ნაბიჯ აკონკრეტებს, აკონტროლებს თავის ნააზრევს, ანალიზებს ამა თუ იმ მოვლენას, საქციელს და სათანადოდ აფასებს ცხოვრების აწგავილ ეტაპებს თუ მომავლის პერსპექტივებს.

კარდინალურად განსხვავებულია მეორე მდგომარეობა, რადგანაც ამჯერად გმირის გონება უმოქმედოა, პასიური. უკვე ის კი არ განსჯის საკუთარ ინტელექტუალურ ძვრებს, არამედ ნებსით თუ უნებლიეთ, ქვეშეცნეულად, მისდაუნებურად, მეხსიერებიდან თავისთავად ამოტივტივებული სცენის, სახეების, ურთიერთობათა ამსახველია, ამრეკლავი. მარტივად რომ ვთქვათ, ჩვენი წარსული ჩვენგან დამოუკიდებლად ხშირ-ხშირად მოგვეძალება ხოლმე, ისე რომ, ჩვენ უძღურნი ვართ იმ წამს რამენაირად შევაფასოთ ცნობიერების ეკრანზე აღდგენილი, აწგარდახდილი სინამდვილე. იგი მოცურავს ჩვენში ხან უწყვეტ ნაკადად, ხანაც — დანაწევრებით და რამდენადაც მძაფრია, იმდენად წარუშლელია მისი ნაკვალევი.

ვთქვათ, ამხანაგთან ერთად ბრუნდებით შინ გაკვეთილების შემდეგ. გზა შორი გაქვთ გასავლელი, ამიტომაც ბუნებრივია, შიგადაშიგ შეეხშიანებით კიდევ ერთმანეთს, ზოგჯერ — ფეხბურთზე, ზოგჯერ — მასწავლებლებსა და მეგობრებზე, მაგრამ თუ თანამგზავრი უნუგეშოდ შეყვარებულია და თავად თქვენ მძიმე ავადმყოფი დედა გელით ოჯახში, დამერწმუნეთ, ეს საუბარი ზერელე, დროის მოსაკლავად, მოვალეობის მოხდის მიზნით გამართული უფრო იქნება, ვინემ ხალასი, ვინაიდან პირველს სატრფოს სახე, სატრფოს მიმოხვრა და დამნაცრავი სიტყვები აწამებს ზეზეურად, ხოლო თქვენს მეობაში დედის გატანჯული იერის, უსახსრობის, წამლების უქონლობის, მამის ლოთობის ამსახველი სურათები ენაცვლება ერთმანეთს მიწყო.

გამოდის, რომ მთელი ეს მანძილი გულს გარეთ საუბრობდით, ვინაიდან ერთიცა და მეორეც საკუთარი სატკივრით შეძრულხართ. მოკლედ, როცა მონაცვლეობით თუ ერთდროულად ფიქრს მიეცემით ხოლმე და ამ განმარტოების ჟამს ერთს სატრფოს უარი გწამლავთ, ხოლო მეორეს — დედის სავალალო მდგომარეობა, აი, მსგავსი სიტუაციები წიგნში შავი შრიფტით გამიყვია, რათა გაიმიჯნოს ავტორის, გმირის და მის სამყაროში აღბეჭდილი ადამიანების მეტყველებასა საქციელი, მოვლენები, სტიქიონები, სხვანი და სხვანი.

ცოდვა გამხელილი სჯობია — ერთგვარად ხარკს მოვუხდი დღევანდელი საყველპურო პროზის ნიმუშებზე აღზრდილი ქართველი მკითხველის გემოვნებას და თავს ავარიდებ ხელოვნურ ბარიერებს (რასაც და-

სავლეთელი მწერლები ანგარიშს არ უწევენ ჩვენგან განსხვავებით), არ შევეუშინდები სათქმელის გამარტივებას, რადგანაც ვიცი „ცნობიერების ნაკადის“ მეთოდი (ეს ტერმინი დაასაბამა XX საუკუნის დიდი ირლანდიელი მწერლის, ჯეიმს ჯოისის „ულისემ“), მრავალ გაუგებრობას წარმოვიქმნით.

წიგნში აქა-იქ ნახავთ უცხო სიტყვებსაც, როგორიცაა: რინა, აპრიორი, meta და სხვა, მაგრამ სქოლიოში მათი ახსნა ვერ მოხერხდება, ვინაიდან ზოგჯერ ათი-თორმეტი შენიშვნა გროვდება გვერდში, რაც რომანს მეცნიერულ ნაშრომს დაამსგავსებს. ასე რომ, ნებისმიერ გაუგებარ ტერმინს, განმარტებას უეჭველად მოუძებნით, მხოლოდ საამისოდ საჭირო ნაწარმოების ბოლოს დართულ შენიშვნებში გვერდის შესატყვისი ნომრის პოვნა და ჩვეული გულისყური“.

ამომწურავი ვერც ეს წინასიტყვაობა გამოდგება, რადაცნაირად გაძნელება სათქმელში ნათლის შემოტანა, მაგრამ აწ თუ ოდნავ ხელშესახებნი ვართ, ყოველივე — მიუკერძოებელი და ბრძენთაბრძენი დროის წყალობით.

ჩვენ გაკვრით ვისაუბრეთ „ცნობიერების ნაკადის“ ზოგ თავისებურებაზე, რასაც წერილის დასკვნით ნაწილში უფრო გამოწვლილვით გააანალიზებთ, მანამდე კი ერთხელაც შევახსენებ მკითხველს: დასტამბულ წიგნში ვრცელი მხატვრული ტილოს მხოლოდ მესამედია წარმოდგენილი, დანარჩენსაც გარდაეხდება ოდესმე ბურუს- გაურკვევლობის ფარდა, მანამდე კი ვიტყვდი — შემოთავაზებულ მასალაში ნებისმიერი შტრიხი, აქსესუარი ბონდო ჰალიძონიას აბუჩად აგდებული მეობის შინაგან წრიალს და გუგუნს ექვემდებარება, ჰომეროსის ფეხმარდ აქილევსს რომ სჭირს, იმის მაგვარს, ან კიდევ კვენტინ ქომპსონს რომ აბარბანჯებს სანუკვარი დაის უბედურობით — პელენწუკი ცხოვრებისგან თრევით, იმნაირს.

მოკლედ, ნაწარმოების გმირის სულშია პროექტიციურული გარემომცველი სინამდვილისა თუ ადამიანების რაობა, მათი ტანჯვა და საწუხარი, როცა უკვე ყოველი გარდასულია, დამონტაჟებულია დროის მიერ ქრონოლოგიურად, მაგრამ ბონდო ჰალიძონიას გონება ამ პროდუქციას მწყობრი თანამიმდევრობით კი არ მოგვაწვდის, საფეხურსაფეხურ, ანიდან ჰომედე, არამედ — ფრაგმენტულად, ნაწილ-ნაწილ, სიტუაციიდან გამომდინარე, საჭიროებისდა მიხედვით; ასე რომ, აღნიშნული მეთოდის შესაბამისად ვენერა მილოსელისა და აპოლონ ბელვედერელის სკულპტურები ერთბაშად კი არ შემოცურდებიან, არამედ — დაქუცმაცებულად, ხან მათი ყლი და წვივი გაილეგებს არენაზე, ხანაც — ვნებიანი თეძო და მაჯა, ჩვენ კი აბსტრაქციის მეოხებით შევეც-

დებით ასო-ასო, ნაკვეთ-ნაკვეთ შევკრათ, შევამრთლიანოთ ოდესღაც სრულყოფილი ქმნილებანი. მაგრამ ჩვენი ცნობიერება ხომ მიჩვეულია მზამზარეულ ფორმებს, ტრადიციულ წესრიგს: ორ შაბათის შემდეგ — სამშაბათი, გათენების კვალად — მზე შუბის ტარზე, იუდას ამბორის მერმე — ეკლის გვირგვინი, და კიდევ ათას ხელშესახებს, პრაქტიკულს, მოსანელებლად მომგებიანს, როგორც წალამის ნაკვერჩხლებზე მოშიშხინე ძმარშიდახანებულ სუკს, ისეთივე ყოველდღიურს, სიეტის შემდეგ მოთენთილი ძილი რომ არის და არავითარ შემთხვევაში პირუკუ ან აღრეულად.

ეს ხომ ჩვენი ინტელექტის სიბერწისა და უნიათობის დასტურია და უფრო მწარე რეალობა, ვიდრე ქრისტეს ფერდიდან ამოდებული პოროლის ბუნიკზე მოციგლიგე ნაღველი. მოკლედ, ის, რაც ტრადიციულ პროზაში არითმეტიკული სიზუსტით მიედევნება ექსპოზიციას, კომპოზიციას, კვანძს, კულმინაციას და კვანძის გახსნას, „ცნობიერების ნაკადის“ თხზულებაში ძნელადმოსახელთებელია სიუჟეტური სწორხაზოვნების უგულვებელყოფის გამო, ძნელადღსაქმელია ნაწარმოების გადამკითხველისთვის, თუმცა როგორ გინდა მოუცლელს, საკუთარი სტომაქისა და აბეზარი ჭირკვლების პრეტენზიებს გადაყოლილს მოგიხერხდეს ყოველივე?!

მეტამორფოზანი

რომანი-ტრიადა „სიცოცხლემისჯილები“ თავიდან პომეის სახით დაიბადება. ნაცად შაირს ვენდობი. ცნობისთვის რამდენიმე სტროფს გავიხსენებ:

ძოწისფრებს და ზოგჯერ სოსნებს,
ცა — ოცნებებს დააფრთოსნებს,
ცა — ფოთლების ყვითელ ნავებს
ქარიშხლებით გაათავნებს
და თიმთიმა სულის კეთრებს
სავსე მთვარით გაამკვეთრებს,
ის უმზადებს მზიურ დილებს,
სამშობლოსგან მოკვეთილებს,
ჟინი გვარად — ანთარია,
ჟინის გულში ზამთარია.

ან

ხვალ წაასხას ლალი რემა,
 მტრების ხმალთა სიბასრემა,
 ხვალ კოლხეთის ასულები
 დაშთენ გრძობაწასულები,
 ხვალ ჩაქრება სულში მნათის
 სვეტი — ცხოველ ანდამატის,
 ვერ იხილოს მეტი დილა,
 ვინც დღესვე არ დაჩოქილა,
 ჟინი გვარად — ანთარია,
 ჟინის გულში ზამთარია.

ან კიდევ

პოემაო, ჩემი სიყრმის,
 პოემაო, გულის სიღრმის,
 ვარსკვლავების თანამგზავრო,
 ქვეყანა რომ მუხლს მოგიყრის,
 შენ უშველე ანთარიას,
 რომლის გულში ზამთარია,
 რომლის გული აკლდამების
 ხავსიან ქვებს აბარია,
 პოემაო, ჩემი სიყრმის,
 შენ უშველე ანთარიას.

ასე შემდეგ და ასე შემდეგ.

ათიათასტრიქონიანი პოემას დავშლი, ვინაიდან ეპიკური მასალა მეტ დამაჯერებლობას მთხოვს, რაც ჩემთანპოეტურ სიტყვას გაუჭირდება. დღევანდელი მკითხველის გემოვნება, მისი სულიერი მოთხოვნილება და ფსიქიკური წყობა დამაეჭვებს რითმიანი ლექსით გადმოცემული სათქმელის გამარჯვებაში. უკმარისობის გრძობა წლების დამენამუსრევს დამარღვევინებს. პოემას თეთრი ლექსისკენ უბიძგებს. უკვე წელიწადზე მეტხანს ახლებურად ვაყალიბებ და გარკვეული პერიოდი სრულყოფილიც მგონია.

თეთრი ლექსით ამეტყველებული „სიცოცხლისჩილების“ ადგილებიც დღემდე დამამახსოვრდება:

თქვენ იქნებ გსურდეთ ადრინდელი ამბების სმენა,
როს აკაციის ხეივანებში ვათევდი ღამეს,
გაკენკილ რტოზე ვით დაეშვა უცხო ქმნილება,
ადამის ენით მოსაუბრე, თუმც უხილავი,
მოუტაცნია დაშვებისას გრიგალს რომელიც.
როგორც აისზე იშმუშნება მთვლემარე ველი,
წამომეშალა კეფაზე თმა და გამაქცია,
ვერ გამოვასწარ უჩინმაჩინს შეშინებულმა,
ელვარე საფლავს მივეყრდენი ზურგით როდესაც,
მოვითქვი სული, გადარჩენის იმედმაც მძლია.

იდგა ბნელეთში განძარცული, ხმაგაკმენდილი,
არ გვიძინია მთელი ღამე, ვუსმენდით ქვითინს,
გრიგალის ქვითინს, სავარმეს და მისატევებელს.
გავბედე გვიან, წავაბიჯე, განვალე ბჭენი
და ცუდ მასპინძლის კვალობაზე მოვუბოდიშე.

როგორც შენიშნეთ, ლექსის ამჯერად დუნე რიტმი, ისედაც ძნე-
ლადალსაქმელ სათქმელს ჩინში აქცევს. კვლავ მანიპულაციები, კვლავ
სიზიფეს ორწლიანი შრომა. ველარც ვერლიბრმა მიშველის:

ვინ მეტყვის რომელ, ან რანაირ ქვეყნიდან მოველ,
რა ხიფათების, რა წკვარამთა ვიყავ მჭკრეტელი?!
ჩემს გასაჩენად მირიად და მილიონ წლობით
მამრი ელტვოდა აზვევებულ დიაცის სხეულს.
გაჭყვე ხეივანს ამწვანებულს,
სასაფლაოსთან ის მიგიყვანს დანამდვილებით,
ღამეს ვათევდი სად გაჩენიდან,
არა იმისთვის — შესეოდა საფლავს ბალახი —
განუგეშებდით, აჩრდილებო, დამწუხრებულებს,
მაგრამ სამი თვე იწურება სიბერე დამსდევს,
სიბერე დამსდევს ხელში ქამანდომარჯვებული,
რას მემართლება, როცა იმავე კარჩაკეტილში
მაფრთხობს სიკვდილის ორანი და ფეხისხმა
ქველი?!

მიმერეკება საიმდროო ნაპირებისკენ,

ბასრი ხანჯლების გაფხიზლება ამშვენებს არესს —
 იმ მარსს, რომელსაც გათანგული დიდბატონებით
 ამოუჩრია ილლიაში მიწა და თანაც
 ჭინჭველასავით მომრავლებულ ადამის მოდგმას
 წაჰკიდებს ერთურთს,
 ამას მეტყვის მწარე ხარხარით:
 „მე სისხლს ვხედნიო განშორების კიდესთან მდგომი“
 და გრძელი, გრძელი საჩუმათო ქამანდის ქნევით,
 ფაფარაწეწილს ნაპრალ-ნაპრალ დამედევნება...

ბოლოს და ბოლოს დავრწმუნდები, რომ მთელი ეს წლები წყალს
 ვნაყავ. აკი, ჟინი ანთარის კოშმარული ხილვების ხატვისას, სამშობლოს
 თუ საკაცობრიო ტკივილების ჩვენებისას, მთავარი — დამაჯერებლობა
 ხელიდან დამისხლტება და ლოგიკურად დავასკვნის: ამ გზაზე სალექსო
 ფორმა, რითმიანი იქნება ეს, თეთრი თუ თავისუფალი, არ გამომადგე-
 ბოდა, მხოლოდ სამეტყველო საშუალებათა ბუნება — პროზა მისხნის.

კვირას თვე მისდევს, თვეს — წელიწადი, და წვეთწვევებით, ნელი-
 ნელ „სიცოცხლემისჯილები“ სიმწიფის ასაკში შევა... მე ჩემი შემოქმე-
 დებითი შესაძლებლობის გარკვეულ ენერგიას ვუანდერძებ ბელეტრის-
 ტულ პირველ პირმშოს და დანარჩენს მომავალი იტყვის.

მოკლედ, ბევრი რომ არ გავაგრძელოთ, ალბათ, საკმარისზე მეტა-
 დაც დასურათხატდება თუ ვის მიერ, როგორ და დროის რა მონაკ-
 ვეთში იწერება ტრიადა „სიცოცხლემისჯილები“ — „ცნობიერების ნა-
 კადის“ პირველი ქართული რომანი“. ეპითეტი ჩემეულია. სწორედ
 მსგავსი რეკლამით გაიყიდება ხსენებული წიგნის მთელი ტირაჟი, მაგ-
 რამ მე შორს ვარ აზრისგან, თითქოს თავისთავად „ცნობიერების ნაკა-
 დის“ ლიტერატურას, ჩემსას თუ სხვთა, რაიმე პრივილეგია გააჩნდეს,
 როგორც მსოფლიო, ისე — ეროვნული სიტყვაკაზმული მწერლობის
 წინაშე. მე უბრალოდ მინდა ვუჩვენო ის ნიშანდობილივი თავისებურე-
 ბანი, რაც მეოცე საუკუნის პროზას ახასიათებს საერთოდ.

ჩვენ ერთხელ უკვე აღვნიშნეთ, რომ „ცნობიერების ნაკადის“ ლიტე-
 რატურას ტრადიციულისგან განარჩევს მასალის მოწოდების სპეციფიკა
 (ამასთან მკითხველს ვურჩევთ გაეცნოს ბატონ ნიკო ყიასაშვილის დიდე-
 ბულ წინასიტყვაობა-ესსეს „ულისეს“ პირველ წიგნში და ბატონ ზაურ
 კილაძის ნობელიანტების სერიალით გამოსული უ. ფოლკნერის „ხმაური
 და მძვინვარების“ ჩინებულ წინათქმა-ბოლოთქმას) ის, რაც ტრადიცი-
 ულში თანამიმდევრულია, ლოგიკური, მიზეზ-შედეგობრივი, თანამედ-
 როვეში ძირფესვიანადაა უარყოფილი;

იქ პედანტური კანონზომიერებაა, აქ — ერთი შეხედვით სრული თავგზააბნეულობა, ქაოსურობა. აღრეულია თითქოსდა მოქმედების განვითარების ლოგიკა, მაგრამ ამისი მიზეზი შემოქმედის ახირება რო-დი გახლავთ — აქაოდა, შემომხედეთ, ახლებურს, განსხვავებულს ვქმნი და გნებავთ თუ არა, დამიმახსოვრეთ, მაღიარეთო. არაფერიც!

საქმე ის არის, რომ ტრადიციულს უწინარესად ავტორის სული შთაებერება, გმირები შემოქმედის თვალთახედვით მოქმედებენ, მესამე პირითაა იგი გაწყობილი თუ პირველით. ხელოვანს გათვლილი აქვს რომელ პასაჟს რომელი დაამთხვიოს, რომელ სიუჟეტურ ხაზს რომელი მიჰყვას: სად დაარტყას ნაჯახი ორგზის მევახშე ბებრუცუნას როდიონ რასკოლნიკოვმა; როდის ჩაუვარდეს მატარებლის ბორბლებს ანა კარენინა; რა შემთხვევიდან დაიწყოს შეკუმშვა ტყავმან მაგრენისამან და რომელი ცოდვის მერმე გაუჩნდეს პირველი ნაოჭი დორიან გრეის პორტრეტს; როდესაც თანამედროვე უგულვებელყოფს დაგვემარებას — მშფოთვარე, მძინვარე სულის რეპროდუქციას იგი, ამდენად, მოკლებული მოჩვენებით წესრიგს, კანონიკურობას, გეომეტრიულ თუ მათემატიკურ განგარიშებებს. ის ინტუიციურია, მოულოდნელი, ფეთქებადი, იმპულსებით ნასაზრდოები, აწხანაცრული წარსულის რე-ანიმაცია, ოდესღაც განცდილის ნაწილ-ნაწილ ხელახალი აღდგენა.

მაყურებლის თვალი, ვთქვამთ და ხელადას, მხოლოდ მთლიანი სახით წარმოიდგენს სრულფასოვნად, დაქუცმაცებულის რესტავრაცია არ-ქეოლოგის პრეროგატივაა. პირველის ფანტაზიას არ ძალუძს ნამსხვრე-ვების შეკოწიწება ერთ მთელად. მისთვის ნამარხი დოქი თუ ლარნაკი წყალს გასაყოლებელი მასაა მარტოოდენ, მაგრამ წარმოიდგინეთ, როგორია არქეოლოგის ექსტაზი და აღმაფრენა აღმოჩენილი ყოველი დეტალის წილ. ის იწვის, რუდუნებით აკოწიწებს პრეისტორიული ჭურჭლის იშვიათი ოსტატობით აღერებულ ყელს. ნაკლულ ადგილებს პრიმიტიული თაბაშირით შეავსებს. არაფრად დაგიდევს უმნიშვნელო დანაკარგებს. მისთვის არსებითია ექსპონატის საერთო მოხაზულობის, კონტურების დადგენა და აკი დაუწესებს კიდევ პირვანდელ ფორმას სამაროვანიდან ამოკრეფილს.

დაახლოებით ამდაგვარ, მაჯაშიდა შემტყვებარ დასტაქარს საჭი-როებს „ცნობიერების ნაკადის“ ლიტერატურაც, ვინაიდან ზერელე მკითხველი ზედაპირზე მოცურავე მარგალიტების ხელმოცარული მა-ძიებელია. მისი მოჩვენებითი გულგრილობა, უწინარესად უმეცრებით რომაა დაპურებული, სწორედ იქ მთავრდება (უფრო ხშირად რამდე-ნიმე გვერდის შემდეგ), სადაც ავტორი წერტილს დაუსვამს ნაწარმო-ებს სიმბოლურად, რომელი წერტილიც ტრამპლინია დანადმულ სა-

ხეთა ასაფეთქებლად. მხოლოდ ჯიუტს, მხოლოდ ცნობისმოყვარეს, მხოლოდ ინტელექტს ხელეწიფება ბოლომდე მისდიოს შემოქმედის სუნთქვას (და არა კაპრიზებს, როგორც ამას ბევრი უმართებულოდ აბრალებს დიდებულ ჯოისს) და ბედნიერებაა, რომ თავად შექმნის, თავად აღმოაჩინს თხზულებისეულ რეალობას.

ახლა მე აქ შემოგთავაზებთ „სიცოცხლემისჯილების“ სინოფსისს, რომელიც იგივეა კინემატოგრაფიაში, რაც ლიტერატურათმცოდნეობაში — სიუჟეტი, ფაბულა, და როდესაც ბოლომდე ჩამთავრებთ ეკრანიზაციისთვის საგანგებოდ მომზადებულ მასალას, შესაძლოა ნიშნისმოგებით თქვათ ზოგმა:

„კი, მაგრამ ოჯახს შენებულო, რას გვაწამებდი, რა გრჯიდა, ხომ შეგეძლო რომანიც ასეთნაირი ხერხით დაგველაგებინა, ჩვენც მოვისვენებდით და აღარც თქვენ დაგეხარჯებოდათ დრო ამხელა კომენტარისათვისო“.

ჰომეროსის პირველი მოწაფე მანტუელი მგოსანია უეჭველად, რომელიც უკვე ქრისტიანული სამების მორალით ტერცინებდად შეკონავეს საკუთარ სულის წიაღში აბარბანჯებული სინამდვილეს;

გოეთეს დაუნჯებული გონიერება ახალ სიმალღემდე აიტაცებს ეპიკურ ტილოთ ცხოველმყოფელობას;

ხოლო რაც შეეხება ჯოისს, სუბიექტურ პრიზმაში გარდატეხილი რეალობა „ცნობიერების ნაკადის“ მოშველიებით, განსაკუთრებით მასთან შეიძენს ილიონის მომღერალთან ჩაგდებული მარცვლის — ფრაგმენტებით, წვრილ-წვრილი ამბებით, მთელის, ერთიანის მოთოკვის იშვიათ უნარს.

ეს პროცესი, ბუნებრივია, ჯერაც არ შეწრედიანებულა, უსასრულოა მისი სრულყოფის ყისმათი, მაგრამ მთავარი გაცხადებულა და რადგანაც დასკვნებისთვის მასალაც თავზესაყრელია, უმჯობესია ისევ ზემოთხსენებულ მასალას დავბრუნდეთ:

„სიცოცხლემისჯილება“

(სინოფსისი)

სამეგრელოს კუნძულ უდაბადეს მკვიდრი, ჯეგე ანთარია, იგივე ჟინი ანთარი, გემით ბრუნდება შვიდი წლის უნახავ სამშობლოში. ნაპირზე გადმოსვლის წინ იგი ხელს აწერს კონტრაქტზე, რომლის მიზანია „ზეკაცის“ შექმნა. მშობლიურ სოფელში ზარ-ზეიმით ხვდებიან სასახლო შვილს. ყველა თავზე ევლება, მაგრამ ჟინი ანთარი რაღაც გა-

ურკვეველ ნაღველს შეუპყრია, ინდიფერენტული გამხდარა ყოველივე ამქვეყნიურის მიმართ. აბუჩად იგდებს თანასოფლელებს, გერმანიიდან ჩამოყვანილ ჭიანჭველებს აბინავებს ყანებში, ტყეში, მწერებს ელოლი-ავება და ადამიანები ჩირად არ უღირს.

— თაყვანი მეცით ჟინი ანთარსო, — გაიძახის წარამარა და ბრბოსაგან დაჩოქებას მოითხოვს მედიდური მბრძანებლობით. დანიშნულ მათა პალიძონხესაც გაურბის შეძლებისდაგარად, მაგრამ ბოლოს და ბოლოს საცოლეს ტონი კატეგორიული რომ შეიქნება, იძულებულია სიმართლე გაუმხილოს — მერამდენე წელიწადია უკუტრენელი ათაშანგით, ლუესით დასნეულებულა და რაღაც სამიოდე თვის სიცოცხლე დარჩენია. მაინც დათანხმდება ჯვრისწერაზე, მაგრამ ბოლოწამს სამარცხვინოდ გამოიქცევა ქორწილიდან და კუნძულ სატანჯოს შეაფარებს თავს, რომელ კუნძულსაც კეთროვნები თუ ინფექციური ავადმყოფობით გაწამებული ხალხი ეკედლებოდა ხოლმე ოდითგანვე.

ჟინი ანთარი უკვე საბედისწერო ხელშეკრულების შესაბამისად მოქმედებს. მას სატანჯოზე დახვედბა მზამზარეული საცდელი ობიექტი — ათასნაირი სნეულებით მოთავებული ხალხის სახით. ის თამამ ცდებს ატარებს გვემულ ადამიანებზე, ვინაიდან იცის, სიცოცხლის ფასი აქ კაპიკია. ამასობაში სატანჯოს ხელმეორედ მოადგება გერმანიის გემი, საიდანაც დიდძალ სამედიცინო საკვლევ აპარატურას გადმოტვირთავენ. მეზღვაურებისა და მეცნიერების დახმარებით. ჟინი ანთარი კუნძულზე მოაწყობს ბუნკერს, საგანგებო დანიშნულების ლაბორატორიას და ახლა მის ცდებს გაფაციცებით მიაჩერდება ზეკაცის თეორიით აღტკინებული ევროპა.

საქართველოს ხანმოკლე თავისუფლების წლებში ცივილიზებულ სამყაროსთან ჟინი ანთარის კონტაქტები მჭიდროა, მაგრამ მოდის რუსეთის ხელისუფლება, რომელიც ცხადია, არავის დაუთმობს ორსაუკუნოვან დომინიონს, რაც საბოლოო ჯამში, ჟინი ანთარის სამეცნიერო მოღვაწეობის იზოლაციის მაუწყებელიცაა.

გერმანელი ჯარისკაცები გარბიან. ჟინი ანთარი ბორანს მოიპარავს ოდაბადედან, რათა სამშვიდობოს გაიყვანოს მოკავშირენი, მაგრამ გაღმა ნაპირზე ჩასაფრებული ძმები ანთარიები გააფთრებულ ბრძოლას გაუმართავენ გასაქცევი გზის მთხოვნელ დევნილებს. ამით ისინი საკუთარი სავგარეულოს ღირსების გამრთელებას ლამობენ — ჟინი ანთარი ხომ თანასოფლელების თვალში იმპოტენტია, ჩუთუ კაცი, ცვედანი, რაც კოლხეთში უკიდურეს სამარცხვინო სენადაა მიჩნეული და კიდევ შეეწირებიან ორომტრიალს. აქედან მოყოლებული ჟინი ანთარი მოღალატეც ხდება. ის ახლა მშობელი დედისგა-

ნაც იწყებდა. ერთადერთი მოსარჩლე, ისიც ფიქრებში, შეყვარებულია დარჩენია, რომელსაც ჟინის გასამწარებლად მშობლები ძალად გათხოვებას უპირებენ.

ჟინი ანთარის ყოველგვარი მეცადინეობა — რამენაირად გამოსიყიდოს უნებლიე დანაშაული — ამაოა, და რადგანაც კეთილი საქმეებით ოდაბადელების გულის მოღმობიერება ფუჭი ცდა გამოდგება, დაასკვნის, რომ მხოლოდ უკიდურესი ბოროტებით თუ მიაღწევს სასურველ მიზანს — ავცობის წარმოჩენა-გაშიშვლებით მის საბოლოო ამომანთვის ხალხის ცნობიერებიდან.

ჟინი ანთარი მავნებლურ საქმიანობას მიჰყოფს ხელს: დაარღვევს დამბებს და ჯებირებს; კეთროვნების გვაშებით, ძაღლებისა და კატების მძორით წაბილწავს ჭებს; მოშლის მერცხლის ბუდეებს; ცურს დაუფატრავს სოფლის ნახირს.

ხალხი ბოზოქრობს. მათა ჰალიძონისაც ერთადერთი გამოსავალი დარჩენია — ჟინის საყვარლად გამოაცხადოს თავი. ორსულობასაც დაიბრალებს, რათა ნათესავებმა პატივაყრილი ვედარ გაათხოვონ. ძმები არ აპატიებენ დაიას თავლაფდასხმას, ყელზე თოკით ქვას გამოაბამენ და ენგურში გადაადგებენ.

მათა გადარჩება. მებორნე იხსნის დახრჩობისგან. ის უკვე სატანჯოშია ზეციურ ქმართან.

ჟინი ანთარი გენურ ინჟინერიას უკირკიტებს: ასპიტსა და ვასაკას აჯვარებს ერთმანეთთან; ვარდისა და ჭინჭრის გაწონასწორებას ცდილობს; ხელოვნურად აორსულებს ქალებს.

უკვე ორი სახიჩარი შვილის მამაა, რომელთა დედები ბავშვების გაჩენისთანავე იხოცებიან. მათასაც წაართმევს არასრულფასოვან მემკვიდრეს და ჭაობში ჩაძირავს. მორზეს აპარატით გადასცემს ლაბორატორიული ცდების შედეგებს. ახალ-ახალ ინსტრუქციებს ღებულობს გერმანიის სამხედრო გემიდან. კონფერენციები და სიმპოზიუმები ეძღვნება მისი კვლევა-ძიების მონაპოვრებს. დროთა მსვლელობაში კომუნისტური რეჟიმი მყარდება ოდაბადეშიც, ერთი შეხედვით, ჰუმანური წეს-წყობილება მშრომელი მასების პოზიციიდან, მაგრამ სინამდვილეში — ცდისმიერი, შეკოწიწებული, უკლასო საზოგადოების შექმნის მანიაკური იდეით გაბანგული. ის, რაც კონკრეტული ცდომილებაა ჟინი ანთარის ლაბორატორია-სატანჯოში, საყოველთაო ხასიათს იძენს ოდაბადეში. ადამიანები რობოტებს ემსგავსებიან. მომხიბვლელი იდეოლოგიით დაბნელებული ხალხი ბრმად მისდევს თავიანთ წითელ ბელადებს და აშკარა ხდება ორი ხელოვნური ძალის — ზეკაცის თეორიისა და კომუნისმის იდეალების გარდუვალი შეჯახება.

ჟინი ანთარის კარჩაკეტილ და უპერსპექტივო ცხოვრებას ახალ იმპულსს მიანიჭებს მათა ჰალიძონიას ძმისწული კოჩიას სტუმრობა ცოლითურთ.

კოჩია ჰალიძონია ხეიბარია, რაქიტიანი, მას არც შვილი უჩნდება და მკურნალობის თხოვნით მოსულებს ათასნაირ წამალს ასმევს მეცნიერი კაცი. საკუთარი სპერმით გაუანაყოფიერებს მეუღლეს, ცირა შკვითინიას, და მოვლენების განვითარებას მოთმინებით დაუწყებს ლოდინს. როგორც მოგვიანებით გაირკვევა, ჟინი ანთარისგან სრულიად ჯანსაღი პირმშო შეეძინება ქალს, მაგრამ საინტერესო უფრო ის არის, რომ კოჩია ჰალიძონია შვილს წართმევს მოღალატე ცოლს — ამურულ ორგიაში ჩაფლულს წაასწრებს ძმასთან. აკვნიდან ამოგლეჯს პატარას და ნათესავების, საერთოდ, ოდაბადის წყველა-კრულვით მიაშურებს სატანჯოს — ხალხისგან შერისხულ მამიდას და ბიძას.

ჟინი ანთარსაც სხვა რა ენდომება. მას განგებამ უმტკივნეულოდ უბოძებს ქვეყნიერებას უსიყვარულოდ მოვლენილ საკუთარ მემკვიდრეს. ახლა მისი კვლევა-ძიება გაცილებით მიზანსწრაფულია. უკვე მთელი არსებით ბუტუტის სწავლა-აღზრდითაა დაკავებული. წონის, თავის ქალას და კიდურებს უზომავს, საგანგებო რაციონით კვებავს. სრულ იზოლაციაში წრთვნის მოზარდს. ყრმობიდანვე აზიარებს ბუნების ათას საიდუმლოს. ასწავლის ფილოსოფიას, ბიოლოგიას, ლიტერატურას, უცხო ენებს, იოგას, კარატეს, ასე რომ, გასაოცარი უნარიანობით გამორჩეული ყმაწვილი, ჩვიდმეტი წლისთავზე განსწავლული პიროვნებაა.

ბუტუტი შვიდ იანვარსაა ქრისტესავით გაჩენილი. სწორედ დღეობაზე გამართული სუფრის მსვლელობისას შეიტყობს იგი მთავარზე მთავარს — თურმე კოჩია ჰალიძონიას შვილი კი არა, ჟინი ანთარის ძე ყოფილა; თანაც სიყვარულით, სქესობრივი კავშირით როდი გაჩენილა — ლაბორატორიული წესით. მართალია, მანამდე ჟინი ანთარი და გადიდა მათა თავიანთი მწარე წარსულს უკლებლივ გაუმხილენ ბუტუტის კოჩიასგან განსხვავებით (ეს უკანასკნელი ავადმყოფურად უმაღლავს ყმაწვილს დედის არსებობას), მაგრამ მოულოდნელი სიმართლე ერთნაირად შეძრავს, ლამის შოკში ჩააგდებს ახალგაზრდას. მოხერხებულ დროს ღირსებაშელახული ბუტუტი ჟინი ანთარის სეიფიდან მოიპარავს შემნახველი სალაროს წიგნაკებს, მსხვილ კუბიჭურებს და კუნძულიდან გაიქცევა.

პროვინციულ ქალაქში მისი ხანმოკლე მოღვაწეობა ბნელში ხელეების ცეცებით სიარულის მაგვარია, ვინაიდან ნაკლებად ერკვევა ადამიანურ ურთიერთობებში. სამაგიეროდ ბუტუტი ფრიად პოპულარული

პიროვნებაა მათხოვრებისთვის, მეძავეებისთვის, გაჭირვებულ-დავროდომილთათვის, ბავშვებისთვის. ყველგან მათი თანხლებით დადის, ყველგან სამართლიანობის დამცველი დონ კიხოტია, რის გამოც სულ კინწისკვრით გამოისვრიან რაიკომის ბიუროდან, აღმასკომის სხდომიდან, პროკურატურიდან, თუ ტრაფარეტული ზეიმებიდან.

სასაფლაოზეც შეივლის, სასაკლავოსაც უტრიალებს, ოდაბადეში წასვლაც სწყურია, დედის და ნახევარძმების მოსანახულებლად, მაგრამ ვერაფრით მოუფიქრებია, ინკოგნიტოდ როგორ შეაღწიოს იქ. უკვე ფულიც შემოელევა. ვერც შემნახველი სალაროდან გამოაქვს იგი, ვინაიდან ამისი უფლება თვრამეტიწლის მოქალაქეს ენიჭება მხოლოდ.

აქამდე ხელგაშლილს რესტორანის კარებს მიუხურავენ. სასტუმროდანაც გამოასახლებენ და ქუჩაშია უპატრონო ძაღლების ამარა. უკვე მათხოვრებს მის დასაპურებლად გაუშვერიათ ხელები. ბავშვები ღუკმას იკლებენ, რათა ბუტუტის უწილადონ მერმე.

მეძავეები იმისთვის მრუშობენ, რათა ორიოდ გროში მიუბოძონ თავიანთ მეურვეს.

ბუტუტე დადლილია გაუცხოებული გარემოთი, მაგრამ მის ბედისწერას განგება წარმართავს კვლავაც და ოდაბადელი დედაბრის ფათერაკი (გასტრონომის ვიტრინას შუბლით ჩამოიღებს ჟინი ანთარის ძმისშვილი ჭოფიას ცოლი, ძუბა ჭანია) ახალ ენერგიას შემატებს.

ქალს აშკარა სიკვდილისგან იხსნის ბუტუტე. დაზარალებული და-იმგზავრებს გადამრჩენელს, იმ მოტივით, რომ სისხლში მოთხვრილი ჭაბუკი რაღაცნაირად მოალაზათიანოს. იქ, ანთარიებთან, შეიტყობს ბუტუტე თავზარდამცემ ამბავს — ცეცხლში დაბუგულან თურმე ჟინი, მათა ჰალიძონია, თვითონაც. ყოველ შემთხვევისათვის ასე სჯერა ხალხს. თავჩამოხრჩობილ კოჩიას წერილში ბუტუტე მყისვე ამოიცნობს ჟინი ანთარის კალიგრაფიას. მიხვდება, რომ ყოველივე სატანჯოელი მეცნიერის მორიგი ბოროტებაა შვილისთვის ალიბის შესაქმნელად — ზედმეტ მოწმევებს ჩამოაშორებს სიცოცხლემისჯილ, იგივე ზეკაც მემკვიდრეს, თავისუფალი მოქმედების პირობებს შეუქმნის, მაგრამ იმავდროულად საკთარი ვინაობის გამჟღავნების შესაძლებლობასაც გადაუწურავს — სიმართლის გაცხადებისთანავე ღმერთის ბადალი ბუტუტე სატანჯოელების მკვლელად გადაიქცევა და სასჯელის უმაღლეს ზომას — სიკვდილს ვერსად წაუვა.

ოდაბადეში ყოფნისას ბუტუტე ზედმიწევნით გაეცნობა ბნელწარსულიანი დედის ცხოვრებას, გაეცნობა წუთისოფლისგან დაბეჩავებულ ნახევარძმებს, კოჩია ჰალიძონიას ძუძუდაშრეტელ ძმისშვილს, ხანტურს

(ბუტუტის მოტაცების ღამით აკვანშიმწოლ ჩვილს წაყირავებული ღამ-პით მკერდი დაეწვება), ახსენდება ჟინი ანათრის შეგონება:

შენ ჯერ ფიზიკურად უნდა განკურნო ხანტურ ჰალიძონია, მერე — სულიერადაც, რათა მათას და ჩემი ბედკრული სიყვარული უკვდავებას აზიარო; აგონდება, მაგრამ რამდენადაც ბუტუტია ზეკაცის თეორიით შეპყრობილი, იმდენად კომუნისტური იდეებით მოწამლულა ხანტური და დაიწყება მათი გაადამიანების რთულზე რთული პროცესი.

ბუტუტის პიროვნებას ნელ-ნელა ეხდება ფარდა:

ჯერ ჭოფია ანთარია მიამსგავსებს მას ჟინი ანთარს, ვინაიდან ყმაწვილი მართლაც გაჭრილი ვაშლივით ჰგავს მშობელ მამას, თმის შეფერილობას თუ არ ჩავგდებთ სათვალავში; შემდეგ ნახევარძმა ჭიჭე კვეკვეს ბუტუტის ფოტოებს ანახებენ რამკიანი ქურდები (ძუბა ჭანას ფათერაკის დროს შემთხვევით ჩაუვარდებათ ხელში ბუტუტის სპორტული ზურგჩანთა. ბუტუტის გარეშე ვერც მათ გამოაქვთ შემნახველი სალაროდან დიდძალი თანხა).

ცირა შკვითინია ჭიჭე კვეკვესგან შეიტყობს აქამდე დახანძრულად მიჩნეული პირმშოს საღ-სალამათად ყოფნას. კულულს ჩამოაჭრევენებს ბუტუტის ტრადიციის შესაფერისად — შვილის მაგივრობას სთხოვს ღვიძლ მემკვიდრეს. ქერა დალაღებს შავად გადაიღებავს, რათა ვინმემ მსგავსება არ აღმოაჩინოს დედა-შვილში. ცირას მტკიცედ სჯერა, რომ ბუტუტიმ განგებ ამოხოცა სატანჯოში ხალხი, რათა ამით საკუთარი უზნეო წარმომავლობა მოესპო და ჩაჩუმების მიზნით საყვარლად ექცევა სისხლ-ხორცი ვაჟის ნახევარძმა ჭიჭე კვეკვეს.

ხანტურ ჰალიძონია უკვე ბუტუტის სიყვარულითაა ავად, თუმცა მისთვისაც სატრფოს წერილებიდან ნელინელ გაცხადდება სასურველი ადამიანის ტრაგიკული ისტორია. ჯერ ჰგონია, შურს იძიებს დედის გაუბედურების წილად. მერე მყარად დაასკვნის, რომ მისი სიყვარულისთვის ყველაფერი გაუწირავს ბუტუტის (ვინაიდან გამხელის შემთხვევაში ისინი ბიძაშვილებად მოველინებიან საზოგადოებას, ხოლო სისხლით ახლო ნათესავების შეუღლება კოლხეთში ზეზეური სიკვდილის ტოლფასია), ნათესაობა, მშობლები დედა, მეობაც კი, და ამგვარი ფიქრებით შეძრული სასაფლაოზე ეწვევა მგლოვიარე ბიცოლას. ხანტურს სწადია, როგორმე დასტყუოს ცირას ბუტუტის მამის ვინაობა, რასაც მიაღწევს კიდევ და მას აქვთ შეყვარებულები ქალაქში დაბორიალბენ. ისინი პლატონურ ტრფილას სჯერდებიან, ვინაიდან ქალიშვილს ბავშვობის ცდომილებანი ზარავს, რამეთუ ეშინია, არ მიუტევეს ბუტუტი განმაშრებულ დეფლორაციას. ამასობაში ყოვლისშემძლე

ქურდებსაც შეხვდებიან, რომლებთანაც საუბარში სიცოცხლემისჯილი ახალგაზრდა სატანჯოში მომხდარ უბედურებას თავად დაიბრალებს, თანაც აღუთქვამს, რომ პირწმინდად გამოიტანს არსებულ თანხას და კეთილსინდისიერადაც გაუყოფს.

ახლოვდება სატანჯოლების ორმოცი. ბუტუტი პატიმრობაში მყოფ მესამე ნახევარკმასთან (დღით) მიემგზავრება რჩევისთვის. (იგი ავხორცი ბიძიას მიმართ შურისძიების მიზნით, ბიცოლას გაუბატიურების მცდელობისთვის იხდის სასჯელს). პატიმარი დურუ ჰალიძონია ხანტურის სიყვარულს აუკრძალავს მკვდრებით აღმსდგარ ნახევარკმას, თუმცა მშვენივრად უწყის, რომ ისინი სისხლით ნათესავებად, ბიძაშვილებად ხალხს სრულიად უსაფუძვლოდ მიაჩნია. კოლონიდან მობრუნებული შეყვარებულები ავარიაში მოჰყვებიან და ჟინი ანთარის სიცოცხლემისჯილი ძეც სასიკვდილო სარეცელს მიეჭაჭვება.

ბუტუტის დაკვლიანებული ოდაბადელები მოძებნიან სატანჯოში ლაბორატორიის შესასვლელს. ადამიანების სიმრავლით დამფრთხალ ჟინი ანთარს სულთმობრძავი შვილის სათხოვარს გადასცემენ — სიკვდილამდე ერთხელ მაინც გაუსწოროს თვალი მშობელმა მამამ. მოასმენინებენ ქურდებთან ბუტუტის საუბრის მაგნიტოფირზე ჩანაწერს სადაც, სადაც ახალგაზრდა თვითონ იბრალებს სატანჯოელის დანაშაულს. ჟინი ანთარი ხერხემალში გადამსხვრეულა, მაგრამ მაინც აუღელვებლად დაასრულებს ცდას. წერტილს დაუსვამს დღიურს. უკანასკნელად ააკატუნებს მორზეს აპარატს. ისმის საგანგაშო სიგნალი „SOS“. მერე ჭაობნარისკენ მიემართება ვითომცდა განსაცდელში ჩავარდნილი მემკვიდრის მოსარჩენი სამკურნალო მცენარეების მოსაწყვეტად და უღმობელი ონწყეშია, ათასობით ადამიანი რომ ეყოლება დანთქმული, ჟინი ანთარსაც ჩაითრევს ჩვეული გულგრილობით.

წყალდიდობაა. ენგური ბობოქრობს. გამეხებული ტალღები მოაგორებს ფესვებიანად მოთხრილ ხეებს, დამხრჩვალ პირუტყვს. წვიმა თქიშინებს. ბინდბუნდია. ბორანზე წყალდიდობით შეძრწუნებული ხალხი შეგროვილა. ფანჩატურში საკაცეზე წევს თაბაშირაში ჩამჯადრი ბუტუტი. გარშემო ყველაფერი — ოდაბადეც, სატანჯოც უღმობელი სტიქიით მოშობილა. ბუტუტის ახსენდება საკუთარი კამეჩების ჯოგი, რომელიც ქურდ-ბაცაცებს სასაკლავოსკენ წაუტრეკავთ და ბაკში შექუჩებულნი საწყალობლად ყროყინებენ და იცრემლებიან. ბორნის ხოფს ამოდ ევაჯგურება მისი ნახევარკმა ჭიჭე კვეკვე. იდაყვზე წამოიწევა ბუტუტი, მეორე ხელს პირზე რუპორივით მიიდებს და „ლავა, ნოე, ლავა, ნოე“, სულისშემძვრელად უხმობს კამეჩებს. ეს სასოწარკვეთილი ხმა გრგვინვასავით გადაუვლის მთელს ქვეყნიერებას. იქ, სასაკ-

ლას შემორაგვულში შეყრილ კამეჩებსაც შეუჩნდება. აბობოქრებულ-ლი ჯოგი გამოანგრევს რკინის მესერს და თავგამეტებით გამოქანდება ბუტუტის ძახილისკენ. მორყეული ბორნიდან კამეჩების ზურგზე გადაბობლდებიან ხანტური და ბუტუტი. ირგვლივეთი კუპრისმაგვარ წყლიადში შთაინთქმება.

ზღვისპირეთი.

გადაბრეცილი, აქამდე გამხმარი მუხა შიგადაშიგ აყვავებულა. ლერწმონანებში მშვიდად იცოხნება კამეჩების ჯოგი.

ბუტუტის ატროფირებული ფეხები მუხლებამდე ჩაუმარხავს მხურვალე სილაში. თაბაშირში თავ-კისერი გახვევბია. ქვიშის ორმოს უჩხიკინებს. იქვეა ხანტურ ჰალიძონია, რომელსაც დაშრეტილი ძუძუ გავსებია. ჭიანჭველებს ჩაფერთხავს ორმოში ბუტუტი და აყურადებს — შეძლებენ თუ ვერა იქიდან ამოდწევას.

ქვიშა დაბლა ცვივა. ჭიანჭველები ამაო ცოცვით იტანჯებიან, მერე უკლებლივ თავს იკლავენ წუთისოფლით ძლეულნი. ბუტუტის ცნობიერებაში შემოცურდება ჟინი ანთარის ლაბორატორიული ცდები: ბე-ბერი და ახალგაზრდა მორიელის ორთაბრძოლა ცეცხლის რკალში. გამარჯვებული ხრონცი, როცა გასაქცევს ვერსაით მოიგულვებს, თავს იგესლავს შხამიანი ბოლოთი;

კეთროვნების და ოდაბადელების უნუგემო-მოზეიმე სახეები ფუთ-ფუთებენ;

აღმართზე უშველებელ ლოდს მიაგორებს სიზიფე — ჟინი ანთარი, რომელიც მწვერვალამდე აღწეულს ხელიდან დაუსხლტება და ზვავი გადაგვავს ნორჩ შიმალებს;

კლდეზე მიჯაჭვულ სატანჯოელს არწივი ღვიძლს უკორტნი;

ასპიტი აშთობს ლაოკონ-ჟინი ანთარს და მის ძეთ;

მაცხოვრის გასისხლული ზურგი გოლგოთისკენ მიათრევს საკაცობრიო ჯვარს;

ჩალმიანი ქადაგის წინაშე დამხობილა მთელი სამაჰმადიანო;

ერთმანეთს ენაცვლება კამარაშეკრული ავაზა, აკანკალებული შვლის ნუკრი, დანომრილი ტყეების რიგი ოსვენციმისა და ბუჭნევალდის კრემატორიუმებთან, სოკოსმაგვარი აფეთქება ჰიროსიმას თავზე, შიმშილით მისავათებული აფრიკა, ადამიანის განაყოფიერების — მეი-ოზის მიკროსკოპული სურათი, ემბრიონი ღედის წიაღში;

ხასხასა დედამიწას შორდება კოსმოსური ხომალდი და ვარსკვლავებში მიიკვლევს გზას.

ბუტუტი ტირის. ქილაში დამწყდელულ ჰიანჰველებს ათავისუფლებს. მხოლოდ ერთადერთი არ ეპუება ქვიშის გადაულახავ კედლებს. ბოლოს, სტიქიასთან ჰიდილი უაზრო რომ შეიქნება, ფრთები გამოუვა და საბედისწერო ორმოდან ამოფრინდება. ერთი შეხედვით უმწეო მწერის მეტამორფოზა განუსაზღვრელ ძალას შთაბერავს ახალგაზრდას. აჰყება ჰიანჰველის აღზევებას, და კამეჩების ჯოგის გასწვრივ, უმველებელი ფრთების ფონზე, ახლად ფეხადგმული ჩვილის ბანცალით მიიწევს წინ ჩამავალი მზის მეწამული ბილიკის მიმართულებით.

პაექრობა „ცნობიერების ნაკადთან“

„სიცოცხლემისჩილების ფაბულა“, როგორღაც გასრულებულა მხატვრული თვალსაზრისით, ზედმიწევნით დახვეწილა მისი დასკვნითი აკორდები, და ამდენად, მთლიანობაში წარმოდგენილი, დიახაც სინოფსისის დამიზნებითაა გასროლილი, მაგრამ ვახსენე და ვიმეორებ: რეალობის ამგვარი წარმოჩენა ხელს არ აძლევს სასიქადულო წინაპრების გამოცდილებას დაწაფებულ ჩემს სულს; ამიტომაც არა რაიმე ეპიგონის ბოდიალით, ან პლაგიატის ურცხვობით, არამედ სრულიად შეგნებულად უკუვარდება ტრადიციული, უფრო სწორად, დატკეპნილი თხრობითობა გუშინწინდელი, გუშინდელი, თუ გნებავთ სადღესო სამწერლობო არსენალიდან; და როდესაც ავანსცენაზე ცენტრალური ფიგურა შემოაბიჯებს, და რაჟამს ყოველი ძაფი და ბალთა მის არსებას გამოეკვანძება შორი მატერიკების მოსახილველად ამჩატებულ დირიჟაბლსავით, მთელი სიმძაფრით მოგვეახლება „ცნობიერების ნაკადის“ — ამ მართლაცდა, სვეკურთხეული ლიტერატურული აღმოჩენამეთოდის აუცილებლობა.

ვისაც ტელესტუდიაში რამდენიმე თვე მაინც უთანამშრომლია, მისთვის ნიშანდობლივია ამგვარი ამბავი: ზიხარ სამართავ პულტთან, გადაცემის რეჟისორი ბრძანდები. ჩართულია სამი თუ ოთხი კამერა და თითოეული გამოსახულება თვალწინ გიციმციმებს. ჯერი შენზეა. ახლა შენს უნარებზეა დამოკიდებული, როგორი თანამიმდევრობითაც დაამონტაჟებ მოწოდებულ მასალას.

ვთქვათ, რომ პირველი კამერიდან გმირის წარსულის ამსახველი სურათები მოედინება; მეორიდან — თავად მისი ამწუთიერი ყოფიერება — სტუდიაში მიგვიწვევია იგი გულგახსნილი საუბრისათვის; მესამე კამერა ტიტრებს და მისთანა ატრიბუტებს მისჩერებია. ჩვენი მიზანია

შერჩეული პიროვნების წინააღმდეგობრივი ცხოვრების ზედმიწევნით განხიზრევა სამივე დროში. ჰოდა, დაიძრება მაცურებლისკენ ერთბაშად გმირის აწმყო, წარსული და მომავალი. აგერ, წამყვანი ყმაწვილობის წლებს უხსენებს სტუმარს, და რეჟისორიც მონიტორში კადრს შეცვლის, სტუდიის პერსონაჟის პასუხის ნაცვლად ეკრანზე გასრიალდება ჩვენი გმირის სიჭაბუკის ხანა, ასე შემდეგ და ასე შემდეგ.

ეს პროცესი იმდენად მახლობელია ტელე და კინორეჟისორები-სათვის, რომ უხერხულადაც კი მიმაჩნია მასზე ესოდენ დაღეჭილი საუბარი, მაგრამ მკითხველი, როდესაც მსგავსი მეთოდით დალაგებული რომანის მაგნიტურ არეში მოექცევა და ნაწარმოების მთავარი მოქმედი პირის სულიერ მდგომარეობას ნაწილ-ნაწილ წააწყდება ყოველგვარი სწორხაზოვნების უკუგდებით, მხრების აჩეჩვას მიეძალება, ვინაიდან მისი საზრიანობა ნამარხულევი სტომაქივით ერთობ მოუმზადებელია ცხელ-ცხელი ნაზუქების მოსანელებლად.

რაც შეეხება, მწერალს, იგი განზე გამდგარი მიაყურადებს თავისი გმირის ზნეობრივ გრადაციას, ხოლო წყველი წარსული, რაც ერთხელ და სამუდამოდ გამჟღავნებული კინოფირივით განუწყვეტილ უტრიალებს ცნობიერების საპროექციოში, ქრონოლოგიურად კი არ მოძრაობს, 1,2,3-ის რიგითობით როდი წაეწყობა კადრი კადრს, არამედ — აღრეულად, იმავე თანამიმდევრობით, რა თანამიმდევრობითაც უხერხდება პერსონაჟს ნამყო დროის რესტავრაცია.

ერთი სიტყვით, როცა ინდივიდი ძალუმად აფორიაქებულია, მეტიც, შეძრული რადაც შემზარავი, ამაზრზენი შემთხვევით — ვთქვათ და აქილევსისთვის ბრისეიდის წარტაცება რომაა აგამემნონის მიერ, კვენტინ ქომპსონისთვის — სულზე უსაყვარლესი და კენდეისის გამეძავება, თუ ბუტუტისთვის დედასთან სქესობრივი კავშირის ჭიჭე კვეკვესეული ბრალდება, — გასაკვირი არაფერია, თუკი მისი განცდები ვულკანის კრატერში მოთუხთუხე ლავას მიმსგავსებია და სადაც არის ამოიფრქვევა კიდევ პომპეის თავზე.

მოკლედ, ბონდო ჰალიძონიას, რომელსაც ნაწარმოების პირველ ნაწილში საკუთარი პიროვნების დამსხვრევა (ლაბორატორიაში გამოჩეკვის საწინდრად) აღონებს და ამძვინვარებს ერთდროულად, მოგვიანებით დედასთან შერცხვენა მთლად მიწასთან გაასწორებს და დაგვეთანხმებით, რომ ამგვარი ადამიანი ვერაფრით გადმოგვცემს საკუთარ განცდებს, ფიქრებს პედანტის გულდინჯობით. პირიქით, ბუნებრიობა სწორედ წარუშლელი სცენების ამორფული მოწოლაა. მარტივად რომ მოვჭრათ, ბედისწერის წიხლებით ღირსებააყრილია ბუტუტის მეობა, როცა ფეხქვეშაა გათელილი, მისი დაძაგრული

ცნობიერება თანამიმდევრულად ვერაფრით დააღაგებს დამორგუნველ წარსულს, და „ცნობიერების ნაკადის“ მეთოდიც აიწყვეტს, აიშვებს — ბუტუტის სულში გაჩაღებული ქაოსი უკვე სტილურ, სრულყოფილ წესრიგად ამოიზრდება ვითარებისდა კვალდაკვალ, და ამდენად, მისი ლიტერატურული გაფორმებაც, ჰეგელისა არ იყოს, სრულფასოვნად შეესაბამება შინაარსს.

სინოფისისში ასახული ამბავი, ცხოვრება, რინა, არსად გაქცეულა, არსად დაკარგულა, ოღონდ დაირღვევა მოქმედების განვითარების სამწყობრე და მიმოიფანტება, განიბნევა რომანის სივრცეში.

დავუშვათ, გაკვადნიერდით და „ცნობიერების ნაკადის“ მეთოდით ვცადეთ ხელთუქმნელი „ვეფხისტყაოსნის“ პასაჟების ხელახალი დალაგება, მაშინ პომის ექსპოზიცია თინათინის გამეფებით კი არ დაიწყება, არამედ — ანდერძით, სატროფოწაგვირღ ტარიელთან ავთანდილის გაპარვით. ამ მსვლელობის ჟამს კი ამირბარის სულის თვალსაწიერზე აფუთფუთდება ყოველგვარი გარდახდილი — თინათინის გამეფებაც, ნადირობაც, უცხო მოყმის ნახვაც და თავად ტარიელის თავგადასავალიც — ველად გაჭრილ მოყმისგანვე მოთხრობილი, ოღონდ ავთანდილის გონებისგან აღმოცენებული, ავთანდილის ცნობიერების ეკრანზე გაცოცხლებული. ასეთ შემთხვევაში ნაწარმოების თითოეული მყესი ავთანდილის მიერაა ჩაგვირისტებული; მისი ხსომიერება საჭიროებისდა მიხედვით გზადგზა აღადგენს ფატმანებს და ჭაშნაგირებს, როსტევანებს და შერმადინებს, თინათინს მრავალგზის, უთვალავჯერ, აურაცხელად და მაინც მოვალეობის მკაცრი პასუხისმგებლობით მიემართება ქაჩეთის ციხის — ბორცების ციტადელის დასაღეწავად. მაგრამ, ბუნებრივია, ამისთანა მკრეხელობისგან შორსაა რუსთველის შემოქმედებითი თაკარა სულის ჩეროებს მიყურადებული ჩემი ბელეტრისტული ცოდვილობანი. ჩვენ უბრალოდ ვცდილობთ ვაჩვენოთ, თუ რისთვის მჭიდროვდება „ცნობიერების ნაკადის“ ლიტერატურაში მოქმედების დრო ზღვა მასალის კონცენტრირებისას.

„ილიადაში“ რამდენიმე დღეში ეცემა ცხრა წელიწადს უძლეველი ილიონის კარიბჭე;

სამდლიანია „ხმაური და მძვინვარების“ ბორჯი;

„სიცოცხლემისჩილებში“ ორმოცი დღე-ღამის მანძილზე საცნაურდება უსიყვარულოდ გაჩენილი ძებორციელის ძირმწარე სვე-ბედი, მისი რინამოსწრაფებული ყოფიერება, მიუსაფარი წუთისოფელი თუ მაცხოვრისგან ზურგშექცევა, თუმცა, რადგანაც ყოველივეზე საკმარისზე მეტად გვილაპარაკია, იქნებ ჯობდეს, ზოგადი საუბრების ნაცვლად, კონკრეტული მასალის მოშველიებით მოვუნასკვოთ თავი განსასჯელ

საგანს:

„ — შენთან ურთიერთობა ამიკრძალა დურუმ. მაინცადამაინც თუ არ დაიშლით და მაგ საქმეს იზამთ, გიჯობთ, ცხრა მთას იქით გადაიკარგოთ. (ბუტუტის დიალოგი ხანტურთან). „მაღალ იდეალებზე ვდებდი თავს, არაფერი დამიმაღლავს, არაფერი. გავუმხილე, თუ როგორ შეარჩია ჟინი ანთარმა სიცოცხლისუნარიანი სპერმა, მეორე — მეიოზი Coitus-ის გარეშე. რანაირად უძრა ნაყოფი მუცელში Mater dolorosa-ს, ოღონდ არა sancta-ს. ყოველივე დავფეჭვი, წვრილმანიც, მსხვილმანიც, დედისა და ტყუპისცალი ჯიმაგეს მოჩვენებითი საფლავები აკაციის ტერეში; რანაირად მაზუთხებდნენ ლათინურს და გერმანულს, „სახარებას“ და ფილოსოფიას. მერე? (ბუტუტის ფიქრი) თანამიმდევრულად ვაზიარე სამყაროს იმგვარი გააზრება, როგორც აპეირონია, მაგალითად, ანაქსიმანდრესთან, ჰაერი — ანაქსიმენე მილეტელთან, ნივთთა თესლი — ჰომომერიები — პირონთან (ფილოსოფიის სხენებით ბუტუტის ცნობიერებაში აღმოცენებული, ჟინი ანთარის სიტყვები, ანუ იგივე „ცნობიერების ნაკადი“) პირონთან ჰომომერიები?! ეს რა მიქარავაა?! პირონის კვლევის ობიექტი ვთიკაა, როგორც ეს ტიმონის შრომებიდან ვიცით. ის ხომ ბედნიერებას და მისი მიღწევის საკითხებს იკვლევდა. ჰმ! ატაქსია, აპათია. არა, რაბი, სკეპტიციზმით ჭეშმარიტების მიღწევა?! შეეშალა თუ განგებ აურია?! მცდიდა, კი, უსათუოდ. აინტერესებდა, რანაირად მქონდა საკითხი შეთვისებული“. (ბუტუტის ფიქრი) დავიღალე! მეტი არ შემიძლია!“ (ბუტუტის დიალოგი ხანტურთან).

დაუსტამბავი წიგნის წინასიტყვაობა, ნეტარი დიმიტრი გულისაშვილი და სხვ.

„რინამისჯილი... ცხოვრებამისჯილი... სიცოცხლემისჯილი... მაშ, სხვა რა დაერქმევა ყმაწვილკაცის არსებობას, ოდეს ზეცას ეპოტინება განსაზღვრებლად და უსუსური ჭიანჭველა აღმონწილება; როცა დღთაებად წარმოსახული მშობელი დედის მაძებარს, კალთამადლიანი დიაცი შერჩება ხელთ; რაჟამს სულზე უსაყვარლეს სატროფოს ჭირთათმენით უკუაგდებს, საღ-საღამათი უძლურებასაც კი დაიბრალებს საქვეყნოდ, ოღონდ გამჩენელთან დაყრილ საშინელ ჭირებს უსაფუძვლო ნიადაგი გამოეცალოს...“

ასეთნაირი ფორმა-შინაარსით იხსნება გამომცემლობა „ნაკადულისთვის“ მომზადებული რომან-ტრიადა „სიცოცხლემისჯილების“ კარიბჭე, მაგრამ მოდით, უფრო ახლოდან შევხედოთ მოვლენებს...

თხზულების პირველი წიგნის გამოსვლის შემდეგ გვარიანი დრო გაივლის. მე უკვე მთლიანობაში დამისრულებია იგი და ამისთანა ვითარებაში, როცა დასასტამბად მატრიცები გახაზირებულა, გამომცემლობა „სამშობლოს“ კიბეებზე ხმელ-ხმელი კაცი გამომეცნა-ურება. მენახა სადღაც, მაგრამ ვერაფრით გავიხსენებ: სად, ვისთან, რა ვითარებაში.

— მე დიმიტრი მქვია, გულისაშვილიო, — მეტყვის.

გახუნებული პალტო აცვია; ამოღამებული თვალებითა და ცვილისფერი სახით სარკოფაგიდან წამომდგარ მუმის ჰგავს.

— მე თქვენი წერილები მისწორებია სტილისტურად „ქართველ ერში“. მომხიბლა თხრობის თქვენეულმა მანერამ. პროზაშიც მუშაობთ?!

— კი, — დავუდასტურებ თავმდაბლობით, — რომანი მაქვს დაწერილი, მაგრამ მცირე ტირაჟით გამოიცა და ალბათ, ხელში ვერ მოგხვდათ-მეთქი.

— იქნებ წამაკითხოთო, — ბატონმა დიმიტირიმ.

— რა ბრძანებაა-მეთქი, და მომდევნო დღეს ფრიად მსუყე წარწერით ვუსახსოვრებ კიდევ.

გავა ორი კვირა და ისევ გამომცემლობა „სამშობლოს“ კიბეებზე შეეხვდები ბატონ დიმიტრის, ოღონდ წინანდლისაგან განსხვავებით ამჯერად მე ამოვდივარ მადლა. მკლაფზე ხელს გამომსდებს.

—წამოდი ჩემთან, კაბინეტშიო, — მეპატიჟება.

უკვე საკმარისზე მეტად ვუწყი მის ავანჩავანზე. ვიცი მეტად დაუნდობელია მართლწერის თვალსაზრისით. მისი კალმისტარის ჭიპოჭირილ ავტორებსაც ეშინათ. ისე დაჩეხავს, ააჭრელებს სტატიას თუნარკვევს, პატრონს თავდაპირველი ტექსტის ცნობა უჭირს. სტილისტობით ირჩენს თავს. „საქართველოს რესპუბლიკის“ თანამშრომელი სხვა რედაქციებსაც „სწყალობს“. წარმოშობით კახელს გოგლა ლეონიძესთან უმეგობრია, მისი „ნატურის ხე“ დაუხვეწავს თურმე.

— წავიკითხო, — წარმოსთქვამს გაურკვეველი ღიმილით განიერ მაგიდასთან მოკალათებული. უჯრას გამოაღებს და გაზეთშემოხვეულ ჩემს რომანს ამოაცოცებს, — ამ ეგ ზემპლარს დაგიბრუნებ, ოღონდ იმ პირობით, ახალს თუ მაჩუქებო.

— გეკადრებათ-მეთქი.

— მე იქ გარკვეული შენიშვნები შევიტანე, ყურადღებით წავიკითხე, ისე კი ყოჩაღო!

ამოვიჩრი იღლიაში და ვუტევე გზას.

სალამომდე ვერ მივბრუნდები შინ. გვარიანად ნაბახუსევს რომანის ოპონენტური აზრი არც გამხსენდება. მომდევნო დილით, ლუდის წრეებაში გართულს მომაგონდება სახელმძღვანელოდ გამოტყეული წიგნის ეგზემპლარი და პირველივე გვერდიდან ტუშის დაუნდობელი კვალი გულს გადამიქანებს, ბოლმით ამავსებს „სადისტი, მწვალებელი გაზეთიკის“ მისამართით. მაგრამ მერე და მერე სიღრმისეულად რომ ჩავუღრმავდები ბატონ დიმიტრი გულისაშვილისეულ ჩარევებს, გულისყურით წაკითხულ ფრაზებს, ველზე გატანილ შესატყვისებს, სინონიმებს, სახეზე სიმწარის ოფლი შემაშრება. მივხვდები, იშვიათი ღვთიური მადლით უნდა იყო ცხებული, რომ ორი კვირა გამადიდებელი შუშით უტრიალო ვიდაც ახალბედა მწერლის ჭერაც დაუმთავრებელ თხზულებას, თანაც — აუნაზღაურებლად, სუფთა პროფესიული პატიოსნებითა და სინდისის კარნახით.

ჩაუვჯდები და ჩავუწიადები „სიცოცხლემისჯილების“ მეორე გამოცემას. დაახლოებით ორიათასამდე შეცდომა აღმოუჩენია ბატონ დიმიტრი გულისაშვილს, უმეტესად ორთოგრაფიული და სტილისტიკური ხასიათისა. არის რამოდენიმე ასეული სერიოზული შენიშვნაც, წინადადების კონსტრუქციის თვალსაზრისით: ოპონენტს თავსა თუ შუაწელში მოქცეული ჩემი წინადადების ზმნა ყოველთვის ბოლოში გადააქვს, და ამით ფრაზას უკეთ დასრულებულის იერს ანიჭებს.

მოგვიანებით მივხვდები, ჩემი წინადადების ერთი მესამედი მაინც მეგრული აზროვნების, მეგრული სინტაქსისა, სადაც ხშირ შემთხვევაში ზმნა უსწრებს წინადადების სხვა წევრებს. მკაცრი ტუშის ნაკვალევი უკიდურეს კუნჭულამდე მისდევს რომანს. არსად უჩქარია, არსად გადაურბენია უაბზაცო გვერდისთვის, კილით კიდემდე მიჰყოლია სიტყვის ფენომენს. სადაც ხამუშებია, დაუნდობლად გადაუბალთავს და ამასაც არ დასჯერებია, უფრო მართებული შესატყვისი დაუძებნია.

გზადაგზა შეხვდებით შედარებით ძირმწარე პასკვილებს, ცინიზმს, შეძახილებს გმირის მეტყველებისას, როცა ამაღლებული აზრები სრულიად დაუმსახურებლად მიეწერება ტეტისას; შენიშვნების რიგს, როგორიცაა: „ორთავე“, „ფაქტიურად“, „თანმიმდევრულად“, „გატიკინებული“. „მაშინათვე“, „გადადენის“ და სხვა, ნაცვლად ორივე, ფაქტობრივად, თანამიმდევრულად, გატიკნული, გადარეკავს, მაშინვესი, რამდენიმე ათეული მითითება გულდასმით ჩაღრმავებას, ჩაწვდომას, და გარანდვას საჭიროებს კვლავაც.

რიგითი სტილისტი სულ წყალში ჩამიყრის უნივერსიტეტის წლებს, ბატონ ნოდარ ტაბიძესთან მეცადინეობებს, საკუთარ თავთან ათ-

წლიანი ჭიდილს ფორმის და შინაარსის ერთიანობისთვის. არისტოტელე-პორაციუსების, ჰეგელბულოთა შეგონებებს. ახლა ჩემს თვალში სიტყვა გაცილებით მეტ სიმკვრივეს შეიძენს, ვინმემ ამას რამდენიმე დღის, თვის თუ წლის წინ ვანიჭებ. ბატონი დიმიტრისეულ შენიშვნებს ორ ათასეულს მეც წავუმატებ და გული ჩქრიალით ამეგსება. ამ გაგანიში მყოფი მეტროპოლიტენ „რუსთაველის“ სადგურთან ერთხელაც შევხვდები ბატონ დიმიტრი გულისაშვილს. თვინიერად მივართმევ ორივე წიგნს, წარწერიანსაც გაორმაგებული შენიშვნებით და ხელუხლებელსაც. აქვე ამას ვეუბნები დაღვრემილი:

— ვაგლახ, მწერალი მეგონა ჩემი თავი და გაზეთიჩიკად ძლივს ვვარგებულვარ-მეთქი.

მხარზე ხელს დამადებს.

— ამისთანა განცხადება ნაღდი შემოქმედის მეტს არ ძალუძსო, — მანუგეუმებს და წავა. მას აქეთ ვერც ვნახავ, თუმცა უკვე ხუთ წელიწადზე მეტი გასულა. სულ მენატრება ეს ხმელხმელი, ცვილისფერის სახის მოხუცი, სარკოფაგიდან წამომდგარ მუმიას რომ ჩამოჰგავს. იგი ოიტატის მისიას ჩინებულად შეასრულებს, კეთილ ნერგს გაახარებს ჩემში, სულის შელიბრულ, დამტვერილ სარკეს გადამიციკროვნებს, გადამიქათქათებს, მაღლს დებს ქვაზე და გაივლის.

ამიტომაც, ვალდებულად მივიჩნევ ბატონ დიმიტრი გულისაშვილის გაღივებულ თესლს, ჩემს სულში აღმოცენებულს, ბოლომდე ვუპატრონო, ნაყოფიერი ხე ავაშრილო მისგან, რათა სიტყვაკაზმული მწერლობის ზღურბლთან მოახლოებულ ახალგაზრდა შემოქმედს ძვირფასი წლები უქმად ბოლიალში არ დაეკარგოს, თვითნაბად პუშკინს ჟუკოვსკიმ რომ უწინამძღვრა პურგაში, იმიგვარად.

რამდენიმე წელიწადი კალამს გადავდებ. ესეებით შევიქცევ თავს, თანაც დიდი ცნობიერებით ჩავუღრმავდები თეორიას, ნაწარმოების სტრუქტურას. აქამდისაც გაცნობიერებულს აწ ლამის წკნელივით დავიურვებ. არც ჩვენი თხუთმეტსაუკუნოვანი მწერლობის ხელმეათედ გათავისებისას მოვარიდებ მზერას. პოდა, როცა ცარიელი ფიჭა გოლეულით გალიპლიბდება, ზურგს შევაქცევ გაზეთებს, ტელევიზიას, ათიოდე წიგნს დავილაგებ მაგიდაზე და თაროებიდან მოჩერებულ გრაფომანებს კარს ცხვირწინ მივუშუშავ.

ყოყლოჩინობა, თავმომწონება პატარა ერისთვისაა.

ჩვენი ქართული თავმოყვარეობა ლამის კოსმოსში გაიჭრას ხბოს უტოდველი ალტკინებით, მაგრამ მოდით, შევხედოთ რეალობას, მართლაც საკუნტრუშოდ გვაქვს საქმე თუ საბუქნაოდ?!

ხვალინდელი შემოქმედის გამარჯვების საწინდრად მე მოურიდებელი ვიქნები დიმიტრი გულისაშვილის ტუმნასვამი კალამივით და როგორი ქოქოლაც დამაყაროს ქართული სიტყვიერების დღევანდელობამ, ჰაცე, ვირო-მეთქი, შემოვკრავ წყნელს ჩემს სახედარს. იარე წინ, შენს ტრაექტორიას ქოფაკების ღავლავისთვის არ სცალია-მეთქი. მაგრამ სანამ ქართული სიტყვიერების რეტროსპექტივას ჩავამწყრივებდე ზოგადსაკაცობრიო განზომილებათა ცხრილში გატარებული კრიტერიუმებით, ორიოდ სიტყვით თავად მხატვრული სიტყვის არსში გავრკვეულიყავით.

არისტოტელეს „პოეტიკა“ ესთეტიკის საუფლოში ამოსავალი წერტილია.

ცხადია, ბერძნულ კულტურას ზიარებულ ჰორაციუსი, გარკვეულწილად მოაციცქნის იმ დიდ ულუფას ლექსის ალქიმის თვალსაზრისით. ხოლო დიდი ჰეგელი გუთნისდედის გულმოდგინებით ახოების კოჭებამდე გაავლეს ხნულს, გონიერების თესლს მოაბნევს შემოქმედების ტრამალზე, მოფარცხავს და მშვენიერ ჭეჯილ ააღაღანებს, და ვინც უფლისმიერ სვეკურთხეულია, როგორც ხნოვანებით, ისე პოეტური აღმადრენით, უცოლობლად მოიმკის საკაცობრიო პურეულს უკვდავების მშვიერი მადის დასაშომშინებლად.

ეპიკური პოემისა და ტრაგედიის განხილვისას არიტოტელე პრიორიტეტს ამ უკანასკნელს მიანიჭებს, ვინაიდან მისი თქმით, ესა თუ ის ეპიკური ტილო ორი, სამი ტრაგედიის შემცველია და აქედან გამომდინარე — კომპოზიციურად მოშვებული. მაგალითისთვის შორს არ გავიქცევით, მსოფლიო ლიტერატურის შედეგებს იშვიათად გამოვეკიდებით, უფრორე ეროვნულს დავესესხებით, რათა, ჯერ ერთი, ნიდაგი შევამზადოთ საერთო დასკვნებისთვის, თუ რატომ არა გვაქვს საქმე საკუნტრუშოდ და მეორეც, ამ ანალიზის დროს ჩემი მომავალი შეგირდისთვის გაცილებით ნათლად დაიხატოს თავად ხელოვნების არსი.

ესთეტიკაში მიჩნეულია ერთი ჭეშმარიტება, რომ იდეალურს უახლოვდება ნაწარმოები, რომელსაც ახასიათებს ადგილის, დროისა და მოქმედების ერთიანობა. ეს განზომილება ზედმიწევნით ნიშანდობლივია ტრაგედიისთვის, ვინაიდან იგი, როგორც წესი, სცენაზე თამაშდებოდა თხის ტყავწამოსხმული მსახიობების მიერ და განსაზღვრული იყო ქრონომეტრაჟით მაყურებელთა ინტერესების გათვალისწინებით. „მედეა“, „ოიდიპოს მეფე“, „მიჯაჭვული პრამეთე“, და მათი კატეგორიის ტრაგედიები, (თხის სიმღერებად რომ ითარგმნება ჩვენებურად ზემოთხსენებული მოსასხამების გამო), მთელი სიგრძე-სიგანით ექვემდებ

ბარებიან მოცემულ პირობას. არსებობს სცენა — მოქმედების ადგილად ბოქბული; არსებობს მოქმედება მაყურებლის შთაგონებისთვის აბობოქრებული და არსებობს დრო — რეალობის ექსპრესიული აღქმისათვის წარმოდგენილი. მაგრამ ეპიკოს შემოქმედს ბევრად არ ეპიტნავება თეატრთან შემოჯარული მაყურებლის ინტერესები. ის მიერეკება სიტყვას და აქ თუ ზომიერების გრძობა უღალატებს აედს, კრიტიკა დაუნდობელია, შეიძლება ღვთაებრივ ჰომეროსსაც შესძახონ: „ოდისეაში“ ამ გენიოსსაც კი ჩათვლემს აქა-იქო; ხოლო ჩაქინდვრა ხელოვანისათვის იგივეა, რაც კალმის გაქცევა, ზედმეტი ლაყბობა, რომელსაც უმეტესწილად ზურგის შექცევა მოსდევს მაღალი გემოვნების მკითხველისაგან.

ამიტომაც თუ კაცობრიობის ნომერ პირველ სიტყვაკაზმულ ძეგლს, „ილიადას“ გავიხდით ნიმუშისა და ეტალონის ქვაკუთხედად, აღმოვაჩინეთ გასაოცარ თანამიმდევრობას და დინამიზმს, ურომლისონაწარმოებს კუთხეში უწევს წკმუტუნი ჰეგელების თუ მარქსების ყბაში ჩავარდნილთ. მაგრამ ოდეს შემოქმედების გვირგვინად მიჩნეულ ლიტერატურულ ფაქტს ძირისძირამდე გავითავისებთ, ერთგვარ შვებას ვიგრძნობთ ხოლმე. დიახ, აღტაცებანი, პოეტური აღმაფრენანი ზურგს უკანაა დარჩენილი. ჩვენ ახლა ნაწარმოების შენობას ვადგენთ, წარმოვისახვთ მის არქიტექტონიკას, როგორი კონსტრუქციისა ამა თუ იმ პოემის ქარგა, როგორია მისი სვეტები, კოჭმზიდები, თავხენი... პირამიდები, სიქსტის კაპელა, სვეტიცხოველი, ამისი ნათელი დადასტურებაა, მონუმენტური, მაგრამ მკაცრ გეომეტრიულ სიმეტრიებს დაქვემდებარებული ხაზები და მათი კვანძებით წარმოქმნილი შინაარსი.

ოცდაოთხი ქებისგან შესდგება „ილიადა“. ამბობენ, ნაწარმოებისას ამნაირ დაყოფას, ბერძნელი ანბანის რაოდენობა დაესაფუძვლაო. რა გზა გვაქვს მეტრებს არ ვენდოთ, მაგრამ გიგანტური ნაწარმოები, რომელიც ზეპირი ტრადიციებით გადმოიცემოდა მსმენელებისთვის, აედებისგან მოითხოვდა ფენომენალურ მესხიერებას, და რაიმე კანონზომიერების უქონლად, მართლაც თვით გენიოსების ძალასაც კი აღემატებოდა, ალბათ, ესოდენი ინფორმაციის დამახსოვრება, მით უფრო — მათი ამოქმედება.

მეცნიერება მიაკვლევს ჰომეროსის გენიალურობის საიდუმლოს, გააცამტვერებს მოარულ ეჭვს, თითქოს იგი კოლექტიური აზროვნების შედეგია, ვინაიდან წრიული პრინციპის აღმოჩენა საფუძველს გამოაცლის ორლობის მითქმა-მოთქმას. გაირკვევა ერთხელ და სამუდამოდ, რომ „ილიადას“ პირველ ქებას შეესაბამება ოცდამეოთხე, მეორეს — ოცდამესამე, მესამეს — ოცდამეორე და ასე შემდეგ, მეთოთხმეტეს —

მეცამეტე... თემების, სიუჟეტების ამ პრინციპით დალაგება ავტორს შესაძლებლობას უქმნის სრულყოფილადი ცოდნის, ნაწარმოების რომელ მონაკვეთს რომელი შეესატყვისება. დარწმუნებული ვარ ჰომეროსისთვის ცასავით ნათელია რიცხვების სიმფონია, კერძოდ 13-ის საიდუმლოება, რომლის მიხედვით ყოველი ნატურალური რიცხვის გაყოფისას ვღებულობთ რაღაც მთელს და ექვსნიშნა პერიოდს. მაგალითისათვის 1:13 — 0,076 923; 2:13 — 153 846 და ასე 12:13 ვღებულობთ ერთის ცამეტთან განაყოფის შებრუნებულ სიდიდეს, ანუ 0,923 076. ამ ფენომენს ჩვენ გაკვრით შევეხეთ მაღლა და საკმარისზე მეტად ვიმსჯელებთ ქვემოთ, სადაც შეძლებისდაგვარად ვეცდებით განვაფიქროთ ბატონ ვლ. ჩუბინიძის გენიალური მიგნება 13-ის საიდუმლოების თაობაზე.

ბუნებრივია, ჰომეროსმა ზედმიწევნით იცის რიცხვების ჰარმონიულობის შესახებ. აკი, ვივარაუდებთ კიდევ, რომ რიცხვ ათს მასთან სიმბოლურად სრულყოფილების მნიშვნელობა ენიჭება. და რადგანაც ამეებზე სხვაგანაც მოგვიწევს სიტყვის დაძვრა, დაუშვრუნდეთ ესთეტიკურ პრობლემას.

მაშასადამე, ჰომეროსთან ნაწარმოების აშენების მეთოდი დამყარებული ყოფილა მთვარის კალენდართან, წრიულ მეთოდთან, წრებრუნვასთან, და აქედან გამომდინარე, ნაწარმოების არსი ისედაც ღებულობს წრის, დისკის ფორმას, სადაც ყველა სხივი ცენტრისაკენ მიისწრაფვის. თავად ცენტრი კი ათვლის წერტილიდან მოქმედების ექსპოზიციას კი არ ირჩევს, ან გნებავთ კულმინაციას, არამედ იგი ტროას ომის ცხრაწლიან მონაკვეთს შემოინახავს მეათე წელიწადს დატრიალებული ინცინდენტის საზრდოდ. უფრო ხელშესახებად რომ ვთქვათ, ტროას ცხრაწლიანი ალყით გადაქანცული ბერძნების თუ თავად ზღვის ხალხში რის ვაივაგლახით დაცული წონასწორობის ბალანსი უსათუოდ უნდა დაირღვეს, მაგრამ ამისთვის ბრმა (სინამდვილეში კაცობრიობის ყველაზე თვალხილულმა კაცი), აედი კონფლიქტის მოტივებს პერიფერიაში მოისვრის, პერიფერიაში მიმოაბნევს თავად ცხრა წელიწადის სისხისმღვრელი ომის სცენებს, ეპიზოდებს, წვრილმან დეტალებს და მთავარზე მთავრით, ტრაგიკულზე ტრაგიკულით შეუდგება პომის გაშლას, ანუ იმ რისხვით, იმ პიროვნული ამბოხებით, რომელიც ძალაუფლებით აღმატებულის მიერ უსამართლოდ დაჩაგვრას მოსდევს ხოლმე, ანუ ბერძენთა გაერთიანებული ლაშქრის მეთაურისგან აქილევსისთვის სატრფოს, ხარჭის წაგვრით.

უკეთესი კოლიზიის პოვნა შეუძლებელიც გახლავთ ხსენებულ ათწლიან ორომტრიალში. აქილევსი განრისხებულია. საშინელ ფიცს აღუვლენს ზეციერს, რომ სანამ ტროელები შავფერდიან ხომალდებამ-

დე არ მიჰყლებენ ბერძნების გაერთიანებულ ლაშქარს, ბრძოლაში არ ჩაებმება. ავტორი ერთი წუთითაც მოსვენებას არ აძლევს მკითხველს ყურადღება მოადუნოს. სულ თვალში შესციცინებს მისმიერ დახატულ სცენებს, იმ გმირებთან ერთად მღელვარებს, გამალებით უძგერს გული, განიცდის, იწვის და ვერც კი ამჩნევს ამ ძირითადი ქარგის ფონზე რა ოსტატურად, რა წვეთ-წვეთობით შემოაპარებს შემოქმედი მთელი ცხრა წლის დაგროვილ ბალასტს. იოტისოდენაც არ გამორჩება, უმთავრესით დაწყებული უწვრილმანესით დამთავრებული: დიახ, თანდათან შემოატყუებს განხეთქილების ვაშლის გამოგორებას, ოლიმპოზე ღრეობისას აღექსანდროსი, ჰერას როგორ მიაკუთვნებს პირველობას და ეს უკანასკნელიც აღქთმისამებრ, რანაირად აუსრულებს საწადელს, რარიგად მოატაცებინებს ელენე მშვენიერს, რომლის დასახსნელადაც დარაზმულან კიდევ მცირეაზიაში ახალდამკვიდრებული ინდოევროპელი გრეკები; როგორ დაპირისპირებიან პოემაში ზღვა ხალხის სახელით მოხსენებულ აბორიგენი პელაზგური ტომების ერთობას, კოლხურ რეალობასაც რომ მოიცავენ. მაგრამ ამისთანა ქვეტექსტები ჰომეროსისათვის ღრმა შრეებშია დაფლული, იგი მიგვანიშნებს, მიგვახვედრებს, ზედაპირზე კი მხოლოდ ტროას ომის ათწლიანი დატაკებით გვისურათხატებს ადამიანურ ვნებათაღლევებს.

გულისხმიერ მკითხველს თუ ჩემს მომავალ შეგირდს, ცხადია, არ შევაწყენ „ილიადას“ ქრესტომათიული ანალიზით, მე მხოლოდ იმას ვკვრდები, რომ თანადროულად გზა გავუკვლიო მომავალ გენიას უნიკალური ძეგლის სრულყოფილებით აღქმისკენ.

და, აი, წრიული მეთოდით შექმნილი პოემის პერიპეტებიდან თვალს თუ გადავაკვლებთ დღემდე შექმნილ ლიტერატურულ ძეგლთა ათასეულებს, აღმოჩნდება, რომ ეს უკანასკნელნი, მხოლოდ ვარჯიშობებად თუ გამოდგებიან უნივერსალური პირველადის წინაშე, რადგანაც სხვაგან შინაარსი მიმზიდველია დიახაც, მაგრამ ფორმა ვერ დაურევებულა სათანადოდ და მიუხედავად ამისა მაინც, მხატვრულობის ზოგადსაკაცობრიო მნიშვნელობის თვალსაზრისით, შეგვიძლია დავასახელოთ რამოდენიმე ლიტერატურული ფაქტი, სადაც თვით „ენეიდაც“ კი „ილიადას“ ეპიგონური ლანდია.

მხოლოდ დანტესთან, დანტე ალიგიერთან ჰპოვებს ჰომეროსის ღვთაებრივი წონასწორობა ფორმა-შინაარსის თანხედრობას. ბეატრიჩეს სულს გამოდევნებული ფლორენციელის ინდივიდუალური ხედვა „ოდისეას“ დასესხებით, ოდეს ლაერტიდი კრონოსის და რადამანთოსის საუფლოში მოიხილავს წარსულს და მომავალს, მსგავსი მეთოდითვე შეიჭრება ქრისტიანული სამგანზომილებიანი სამყაროს სივრცეში პოე-

ტის მე და სიყმაწვილის წლებში გარდაცვლილ სატროს გამონთებუ-
ლი, აღწევს კიდევ უზესთაეს განზომილებამდე — მაცხოვრამდე. მაგ-
რამ მთელი ეს წიადსვლები, კომმარულ ფენილებში კირთება, დაზღვე-
ული არ არის ჰომერული სრულყოფილებისგან. აქ მკაცრად განსაზღ-
ვრულია სივრცეების თანამიმდევრობა, ჯოჯოხეთიდან სალხინობლისკენ
და ბოლოს განუხრელი სწრაფვა უზენაესი სამოთხისაკენ.

„ღვთაებრივი კომედიის“ უკვდავებას ისევ და ისევ შინაარსის მომ-
ნუსხველობა შეეღის, რომლითაც ალეგორიულად ჯვარზე გაკრულა
აღორიძნების ხანის დაცემული საზოგადოება, მათი ბიწიერება, სულ-
მოკლეობა, მამონასმოყვარეობა და ოდეს ერთად შებაწრულა სრუ-
ლიად დედამიწის ინტელექტუალური თუ მიწიერი ძალები, საკუთარი
ხედვის პრიზმაში გადატეხილი სინამდვილეს მამხილებელ სილად
სტეკეს იტალიიდან სრულიად მსოფლიოს.

ამასობაში ესპანეთის მისტიკური წიალიდან წარმოფეთქავს ლიტე-
რატურისთვის აქამდე სავსებით უცნობი პერსონაჟი, იუმორით შეზავე-
ბულ, იპოქონდრიით და ნევროზით შეპყრობილი იდალგოს ცხოვრება,
რომელსაც დაშარბათებული რომანების კითხვა ლამის გონებიდან შე-
არყვეს და თავისი მემორე საჭურველმტვირთველით თუ დაჯაგლაგებუ-
ლი როსინანტის უბადრუკი ჭენებით მთელს ესპანეთს შემოხაზავს კეთი-
ლისა და ბოროტის სრულფასოვნებით წარმოსაჩენად. ვერც აქ დაისად-
გურებს ჰომერული ფორმა-შინაარსის აცამხვეება, მაგრამ გონებადა-
უნჯებული ქვეყნიერება კვლავაც გულში ჩაიხუტებს მარჯვენის უკვდავ-
საყოფად მარცხენადაკარგული მოხელეს უბადლო ქმნილებას.

გაივლის რამდენიმე ერგასწელი და ახლა გერმანიაში, კვლავ ჰომე-
როსის ღვთაებრიობაში ჩაყურყუმელავებული გოეთე მიმცოვანობის
ჟამს წერტილს დაუსვამს ლუციფერულ ძალასთან, მეფისტოფელთან,
ფაუსტის დაუდგრომელ თანამშრომლობას აბსოლუტიზმის სიმბო-
ლო — წამის — შესაჩერებლად, და რადგანაც კოლოსალური ენერგი-
აა გაღებული ოდესდაც ხელმოცარული, აწ ბნელ განზომილებასთან
შეკვანძული დოქტორის სულის გადასარჩენად, აქაც, სიკეთის მჩქეფა-
რება გადასძალავს ბოროტების გრაგნილებს, იგივე ბნელხვეულებს გა-
ლაკტიონს დასესხებით.

ადამიანური სისუსტეები, პიროვნული განწყობილებანი თუ სუ-
ლიერი ამაღლებულებანი ავტორისეულ რემარკებში როდია მოქცეუ-
ლი რუსთველისგან განსხვავებით, არამედ თავად გმირის მოქმედების
მჭედელია, გმირის მოძრაობის და გარდასახვის წარმართველი. აქაც
მოიკოჭლებს ფორმა ჰომეროსისგან გამორჩევით, მაგრამ რადგანაც
გოეთეს, დანტესი არ იყოს, წარსულისა ბევრი არაფერი აქვს მოსათხ-

რობი, ყველაფერი თანამედროვეობის წარმოჩენის ნიშნით ცხებულა და ვინაიდან ადამიანური ვენბათაღელვანი მძლავრად შეწნენია ერთმანეთს კეთილისა და ბოროტის ფესვებით, რალა გასაკვირია, ქმნიღებასთვის გონიერ მსოფლიოს საგანძურის უმაღლეს ნიშნულზე მიუჩინა ადგილი სამეულის გვერდით.

შემდგომად ისე გაიფრენენ ათწლეულები, საუკუნეები, თავად ტოლსტოები, გოლზუორთები, ბალზაკები და დოსტოევსკები, თეთრი ვეშაპის მდევნელი მეღვილები ქვიქვიგებით თუ ასობით ნობელიანტი, ვერაფრით გადაილახება თვალნაკრავი კონცხი. თუმცა მეცხრამეტემოცე საუკუნე შობს სამ გიგანტს „ომი და მშვიდობის“, „ჯადოსნური მთისა“ და „ულისეს“ ავტორთა სახით, ამ კოჰორტაში გაცხადებული შინაგანი მუხტის რეალიზაცია საგნობრიობას მოკლებულია რამდენადმე ფორმის თვალსაწიერით და მათგან რომელიმეს თუ დავაწინაურებთ, ალბათ — „ულისეს“ რამეთუ მისით იწყება სიტყვაკაზმული მწერლობის ისტორიაში ახალი ერა.

დიახ, ოცდარვა საუკუნე დასჭირდება ჰომეროსის ეგრეთწოდებულ წრიულ პრინციპს ალტერნატივა მოსძებნოდა, თუმცა სიტყვენ დედალოსის „ცნობიერების ნაკადი“, მისი შინაგანი სამყაროს ძირეული წარმოჩენა კვლავინდებურად ფორმის მატარებლადლა მიგვენიშნება, ახალი გიგანტის მოვლინების პლატფორმად, გარდამავალ ეპოქად ტრადიციულ თხრობასა და ქვეშეცნეულის რეალიზაციის გზაზე, სადაც გმირის სულიერი მიმოდენა კონტროლიდან გამოსულია და ღვთაებრივ ინტუიციას, შინაგან ხმასაა დაქვემდებარებული, და რადგანაც თავად „ცნობიერების ნაკადის“ მეთოდზე საფულისყუროდ გვიმსჯეღია, შედარებით წვრილმანი თემებით შემოვიფარგლოთ, რამეთუ წინ ისედაც მომქანცველი გზა გვიღვს.

არისტოტელე ნათელყოფს ტრაგედიის უპირატესობას ეპიკურ პოემასთან შედარებით, თავისი შინაგანი დარაზმულობის გამო, სადაც ადგილის, მოქმედებისა და დროის მთლიანობა პრინციპული მოთხოვნიღებაა უზადო მონოლითურობის მისაღწევად.

ჰორაციუსი გონებამახვილურად მიუთითებს სხვა რეალობას: რუღუნებით ნათხზავი ნაწარმოები ხარის ტყავში უნდა გაახვიო, უჯრაში გამოკეტო, ათ წელიწადს დაივიწყო, რათა დროის ფაქტორმა მოგწყვიტოს შინაურულ ატმოსფეროს და ცივი გონებით განგანსჯეღინოს შემოქმედებით აპოგეისას შლამიანად მოხელთებული მარგალიტიანი ნიჟარა.

რუსთველი ორ გენიალურ ფრაზას დაუტოვებს შთამომავლობას: „ჩვენ მათიკა გვეამების, რაკა ოდენ თქვან ნათლად, მოშაირე არა ჰქვი-

ან, ვერას იტყვის ვინცა გრძელადო“ და სადღაც მეზობლობაში — „გრძელი სიტყვა მოკლედ ითქმის, შაირია ამად კარგო“, ამით საგრძნობლად დახატული შედარებით მცირე ფორმის თხზულებათა სარგებლიანობა, მათი პოეტური სრულყოფილების შემთხვევაში, სადაც სათქმელის გადმოცემის უმოკლეს გზად, სალექსო ფორმად — შაირია დასახელებული და ისიც სხარტი, მიზნისკენ ისარივით მსწრაფველი.

ჰეგელი საბოლოოდ განსაზღვრავს ხელოვნების დარგების კუთრ წონას კალისტიკის იერარქიულ კიბეზე, სადაც სხეულის მოძრაობა ასაბამიერებს ხელოვანი კაცის პირველადობას; იგი შემდგომში განვითარებულია კოლორის მოძრაობით, როდესაც პერსპექტივის შეგრძნება გაუჩნდება ტილოს რენესანსის ეპოქიდან, მაგრამ მოგვიანებით მუსიკის აღნაგობა, მისი მისტიკურობა და ფერის შეგრძნება აღამიანურ ვნებათა ასახვისას განეფინება, აღმოსკდება უპირატეს საფეხურზე, დაბოლოს, პოეზიის, აზრის სრულყოფილი სინთეზის მეშვეობით დაგვირგვინდება კიდევ, ძე ხორციელის შემოქმედებით დიაპაზონად.

ასეთია ზერელე სურათი ხელოვნების დარგთა განლაგება თეორეტიკოსების თვალსაზრისით, რომელიც კვლავაც ვითარდება ათასი წვრილი თუ მნიშვნელოვანი შენაკადით, მაგრამ ესთეტიკის მაგისტრალური ორდინარი კვლავაც ჭიუტად მიემართება გაცხადებულის მიმართულებით და რადგანაც მეოცე საუკუნე ამოწურავს თავისთავს ტრადიციული თხრობითობის პარამეტრებით, — სიტყვა დაჰკარგავს მოყოლის ცოხნისმაგვარ სურვილს — მესამე ათასწლეული საგულდაგულოდ ემზადება შინაგანი სამყაროს პოეტური ენით გაფორმებისკენ. ჩვენ დიახაც ვალდებულნი ვართ ეროვნული საგანძურის ერთხელაც მოხილვის საფუძველზე ჩვენს ცუდად ნავალ ბილიკებზე გამოუშრებულ ახალგაზრდობას, დავანახოთ თუ რა გვქონია ჭეშმარიტი და რითი შეგვიძლია ნამდვილი თავმომწონება, რომელიც მერმისში აუცილებლად მოუვლენს აქაურობას მეორე რუსთველს, ოღონდაც ახალ თხიერში ჩასხმული ღვინის სახით.

„ვეფხისტყაოსანიც“ წელანჩამოთვლილი ექვსეულის მკვიდრია „ოდისეასთან“ ტოლფარდობით და არავითარ შემთხვევაში „ილიადასთან“ იდენტურობით, რამეთუ რუსთველის გაქანების პოეტს ცოდნოდა ტროადის ხოტბის არსებობა, საეჭვოა უფრო მდარეს დასესხებოდა, უფრო მოშვებულს ქარგობრივად, როგორც ამას სამართლიანად შენიშნავენ მეტრები, და შიგადაშიგ ზოგი მთვლემარესაც უწოდებს კონგენიალურ ბრმა აედს ზღვებზე ლაერტიდის გაუთავებელი ხეტილის გამო.

წრიული პრინციპის ცოდნა კოლხური წიაღიდან რომ საზრდო

ობს, ამის დამადასტურებლად ჩვენი ცეცხლოვანი ქორეოგრაფიაც გამოდგება. დაუსრულებელი წრებრუნვებით, ხორუმის რკალებით, ფერხულის წრეწირებით, ხოლო რაც შეეხება ჰანგის უზუსტეს თანხვდომას დოდან დოდე, დიახაც დიდი ცივილიზაციის მადასტურებელია „ლილეოს“, „კვირისას“ თუ „ოდოიას“ ფონზე, „აბესალომ და ეთერის“ ამწვერვალეობა; მაგრამ ვინაიდან ქართული სიტყვიერების ათვლის წერტილი „შუშანიკის წამებით“ იწყება მშობლიურ ლიტერატურათმცოდნეობაში, რუსთველამდე ისე ჩაირბენს მთელი ეპოქები, საბრდენელი ჩიტის სადარიდა თუ გაფაჩუნდება აქა-იქ მკერდში მუშტების საბაგუნებლად. ეს პერიოდი ენის დაურვების ხანად მიიჩნევა — ხანძთელი; „ვისრამიანი“ ნიადაგს აფხვიერებს მარტოოდენ „ვეფხისტყაოსნის“ მოსაოკეანებლად, გენიის მოსავლენ მოროდის ეპოქა და ამიტომაც — აუცილებელი.

ეროვნული შემოქმედება, დიდი და მცირე ხელოვანი ამ მკვიდრად ნაგები გოდოლისა, სრულიად კანონზომიერია უღრანი ტყის სისტემასავით, სადაც გიგანტი ხეების გვერდით ხარობენ შედარებით ტანმორჩილები და მთლად ჯუჯანი თუ უფრო დაბლითანი: ბუჩქვანები, ია-შროშანი, მაგრამ ეს ერთობლიობა უმადლესი განზომილების გატყორცნისათვის სულდგმულობაა, რათა, ის თითო-ოროლა საკუთარი ფესვებიდან მოუწყყდარად გადასწვდეს ზოგადსაკაცობრიო სიმადლევს.

ოცდამეერთე საუკუნის საქართველო შობს, ალბათ, ასეთ ბუმბერაზ ხელოვანს და ჩვენი მეცადინეობის მიზანიც ერთადერთია — ბილიკების გაწაღდა მის მოსავლენად.

თხუთმეტსაუკუნოვანი ქართული მწერლობა დიახაც ვალდებულია აღმოაცენოს საკუთარი წიაღიდან რუსთველის ტოლისდამდები მესიტყვე, როგორც იტალიამ, ვირგილიუს მარონის პირმო — ალიგიერი დანტე. მაგრამ მხოლოდ ინტუიციას დაყრდნობილი, ფსევდო-უნივერსიტეტების თუ ნუტას სკოლების უდღეურ კედლებში ნაბოდი-ალები, სულიერად განძარცული გენიოსი მოყვე ვერაფრით შედგება საოცნებო პედესტალზე, ოდეს ყურად არ იღებს ერთ შეურყვევლ ჭემ-მარიტებას:

რაც უფრო მალე გამოვა ყრმა იაფფასიანი გემოვნების ტყვეობიდან, რაც უფრო ჩქარა ეზიარება ზოგადსაკაცობრიო ფასეულობებს და დაიურვებს სულში ეჭვიმუტანელ განზომილებებს, მით უფრო სწრაფად შეეხსნება ხელ-ფეხი სიტყვის აღქმიის შესამეცნებლად, ფორმისა და შინაარსის დასასინთეზებლად. მაგრამ შემოქმედის ლაბორატორიული ძიებანი სასურველია არაფრით გადაცდეს ადამიანისთ-

ვის უფლის მიერ დაწესებულ შუახანს, ვინაიდან სწორედ ამ პერიოდიდან იწყება ცხოვრების შუქ-ჩრდილების მაქსიმალური შესრუტვა.

ამასობაში ისე გაიზენს თვალწინ ნიჭიერებით დატუმბული ყრმის უძვირფასესი წლები, რომ აღარაფერი უწყის ბიბლიის ენის ღვთაებრივ სურნელებზე, ან თუ უწყის, მხოლოდ გოგებაშვილისეული ტექსტიდან, როცა თავად სახარება და ძველი აღთქმა ქართული სიტყვიერების იგავ-მიუწვდომელი სალაროა. არადა, რაოდენობას და მამონას გამოკიდებული ჩვენი საგანმანათლებლო სისტემა უსუსურია ამ პრობლემის გადაჭრაში, რამეთუ უსაშველოდ გაბერილი სასკოლო თუ საუმაღლესო პროგრამები ისე გამოგვწოვენ მეხსიერებისა და განსჯის თავანკარა ნიჭიერებას, მერმე ათასი საეჭვო ფასეულებით დაბინძურებული ფსიქიკა ძნელია სიჭაბუკის წლებში პუშკინისებურად აფეთქდეს.

ყმაწვილი გალაკტიონიც „ცისფერყანწელების“ მხრებზე დგას და ასე ეწაფება სილაჟვარდებს — სილაში მობნეული ვარდების მელანქოლიას; თითქოს ყველაფერი მისი გენიის გამოსავლენად მღერტდება საქართველოში; რუსული პოეზიის მეშვეობით შემოსული ექსპერიმენტები: აკმეიზმი, ფუტურზმი, ტიტუტჩევის სისადავე, ბლოკის ამბოხებული სული, მერმე განუმეორებელი საფრანგეთი: ვიიონი და მალარმე, რემბო და ვერლენი. ეს ყველაფერი მზამზარეულად, ლამის თითის გაუტოკებლად ჭიქა ღვინოს კამკამში მოერთმევა გალაკტიონის ჰარმონიულობით შენასკველ გონებას და ნიჭიერებაც არ დააყოვნებს, იხუვლებს დაგუბებულ მდინარესავით, მაგრამ ყოველივე მაინც უკმარია ჩვენთვის ოცდამეერთე საუკუნის შემოქმედის სიტყვასთან მიმართება, ვინაიდან, რუსთველისა არ იყოს, ჩვენ მათიცა გვეამების, რაც ოდენ თქვან ნათელად... ჰოდა, მოგვიტევენ, ალბათ, გაბაშვილების „ტანო-ტატანონი“;

ჭავჭავაძეთა — „ვაჰ, ღრონი, ღრონი ნაგემნი მტკნარად“;

ორბელიანების „თერგი რბის თერგი ღრიალებს კლდენი ბანს ეუბნებიან“;

ბარათაშვილები მერნისეული ქროლოვით;

ილიათა — „სამშობლო მთებო, თქვენი შვილი განებებთ თავსა“;

წერეთლების — „ცა-ფირუზ, ხმელეთ - ზურმუხტო“;

ფშაველათა — „...რაც იმ ერთ ღამესს მომხდარა, შაუნახია ჰაერსა“;

იაშვილების — „გაგიყვება სჯობს თუ გათავდა სიტყვის მადანი“;

გრანელების — „ჩემი სისხლი და ხორცი ეს „Memento Mori-ა“;

ტიციანების — „დავბადებულვარ რომ ვიყო მონა და საქართველოს მედგას უღელი“;

ლეონიძეების — „ისევ აღვსდექი, მუხრანის ბოლოს, ჩასაფრებული ვსინჯავ იარაღს“;

კალანდაძეთა — „ლამის სახლში შემოიჭრას თუთა, ლამის წელზე შემომხვიოს ხელი“;

ასათიანების — „ნეტავი ერთხელ დაბრუნდებოდეს ჩვენი ბავშვობა და სილამაზე“;

გელოვანების — „მე დავბრუნდები, მე დავბრუნდები, მე შენი თმები დამაბრუნებენ“;

მაჭვარიანთა — „თოვლი არ არის საბას წვერი გაუთეთრა რამ“;

ლებანიძეების — „მთელი ზამთარი ხუდადოვის ტყეში მეძინა“;

სამადაშვილების — „შენ ჩემში უსტვენ ვით საყდრის ჩიტი“ და იქვე — „ავადმყოფობა ეგონათ ბიჭო, ლექსები ტანზე გამონაყარი“;

ჭანტურიათა — „აგერა ცოტნეც მოვარდა ჩორთით, საქართველოსთვის, საქართველოსთვის, საქართველოსთვის, ბიჭებო სწორდით“.

ჩარკვიანების — შორსგამხედველი რწმენის კედელი;

ჭილაძეების — იშვიათი ნანადირევით სკამზე გადაკიდებული ლამაზი კაბა, თუ „სარკებში ნასწავლი სიარული“;

ნიშნიანიძეთა — „აფხაზეთი ბევრი კარგი მოყმის გამდელი, რომელიც მკერდმოჭრილი ამორძალია უსაქართველოდ“;

ჯგუბურიათა — „გავარდა ცხენი ლამაზი, გაიყოლია ქვიშა“;

ხარანაულების — ჯაგლაგი ცხენი არავის რომ ახსენდება მგლის მეტს;

ხარჩილაძეების „შუბზე ამაგეს და დროშასავით ამაფრიალეს უცხო ლაშქარში“;

იშვიათია ქართველი პოეტი რუსთველის თქმულისამებრ ყურთა საამებელი, სააშვიკო-სათრეველი თუ სალაღობო ლექსი არ მოექვევბოდეს, მავანს — თითო-ოროლა, ზოგს — ათეულობით და იშვიათს კიდევ მთლად დივიზიონი, მაგრამ ისინი უმეტესწილად ადგილობრივი დანიშნულებისანი არიან, ერის სულის მასაზრდოებელნი, ყრმათა მოყმებად მიმდრეკნი და იმ გიგანტი ხეების ფესვებს კვებავენ იოანე ნათლისმცემლის დაღადისით უდაბნოსა შინა, ოდეს ბილიკი წრფელდება ქვეწიერების მხსენლად მოვლენილი მესიისათვის.

კვლავაც მივუბრუნდეთ სიტყვიერების ქართველი ოსტატების სულიერ პროდუქციას, რომელთა ლირიკული წიოკობანი თავიანთი ბუ-

ნებისდა გამოისობით, ვერაფრით შეგვიტანია იმ ზოგადსაკაცობრიო მნიშვნელობის ანთოლოგიაში, რამეთუ მხოლოდ ენის ფენომენს დაყრდნობილი განზომილება უკვდავების გზაზე გრიგალს დატოლებული ნიავია. გავიხსენოთ ჰომეროსის „ილიადა“ ხელმეორედ რომ ითარგმნება ძველებრძნულიდან ახალზე. მარტოოდენ გრძნობათა მოძრაობის ფიქსაცია ყოფილიყო ტროას ომის ჰერალდიკა, რითმათა ორიგინალობას, რიტმთა თავისებურებას, თუ სხვა პოეტურ ხერხებს გამოკიდებული მეტაფორების და ეპითეტების დოკლაპიაობით მხვეჭელს მწუთხე ძმარი შეგვრჩება ხელთ ძეგლი ღვინის ნაცვლად. ბუნებრივია, გაივლის ათასწლეულები და აქ ჩამოთვლილი ლექსებიც გაწყალდება როსმე დროთა სრბოლისაგან, რამეთუ ქართული ოდეს განსხვებულობის დონემდე დასცილდება დღევანდელ სალიტერატურო ენას, მათი სიკაშკაშის მზეც ჩაესვენება:

მაშ, საითკენ დაუმიზნოს ხელოვანმა? აკი, დიდი რუსთველი ბრძანებს: მოშაირე არას ჰქვიან ვერას იტყვის ვინცა გრძელადო. ანუ ვრცელი სიტყვა მოკლედ ითქმის, შაირია ამაღ კარგიო, ანუ მოსაყირკებული ამბავი პოეზიის ენით, ამუსიკებული სტრიქონებით გამოიცემაო. მაგრამ კონკრეტულად რა, რა ფენომენი აესახა ამ ხერხებით შემოქმედს? ამაზე პირველი ქართველი სდუმს, მიგანიშნებს პოემის ხორცშესხმული რეალობით. ასეთი კუთხით თუ გვაანალიზებთ ზემორე ჩამოთვლილ პოეტებს, რუსთველის მერმე გურამიშვილისდა აღმოჩნდება ბუდიდან ამოვარდნილი კაცის მქინდრავი გალექსილი ბიოგრაფია. ბარათაშვილზე მოგახსენეთ; ილიას არ ეყოფა თეორიული მაჭრის ეპიკაში დადულების უნარი; აკაკის „გამზრდელი“ ელვასავით გაკვესავს საქართველოს ბინდისფერ ცაზე, და განსაკუთრებით ვაჟა, ამ მთის არწივი, მიუხედავად ვართაგავების უმართებულო ჯიჯლინ-წუწუნისა, პოემების ეშელონს ჩამოაყენებს ფშავიდან. თუმცა ამ მართლაც ბუმბერაზ ხელოვანს ბორჯალი სწორედ შემოქმედებითი პიკის ჟამს უყვლებს და კიდევ — მონუმენტურის კონცენტრირების უგულვებლყოფა, თორემ გულთმისანს მინდიას გარშემო დაერაზმა აწმოხვეჭილი სალარო, რუსთველს მართლაც ბადალი თანამეინახე აღმოაჩნდებოდა რვა საუკუნის თავზე.

ასე რომ, ტაბიძისეული ფორმულა: „შოთა, აკაკი, ილია, ვაჟა და გალაკტიონი“ გასაზიარებელიცაა ეროვნული თვალთახედვით და ამავდროულად — არც, ზოგადსაკაცობრიულის გათვალისწინებით, რამდენადაც წინდებული სტრიქონი მართალია, მოთხოვნებს სახესებით აკმაყოფილებს, მაგრამ — ეტალონის ადგილობრივ პოზიციიდან შემდეგ განზომილებამდე დაიყვანება: „შოთა, ვაჟა...“ მესამე კი,

გულისხმიერო, შეგიძლო, უდავოდ შენ ხარ, რომელიც დღესვე გადა-
აგდებ „თხა და გიგოს“, ამთავითვე ბიბლიას დაეწაფები, მერმე ქრესტო-
მათიულად კი არ დაიხუთხავ იაკობებს, ხანძთელებს და მისთანათა,
არამედ „ვეფხისტყაოსანს“ მოიწურთნი, ვაჟას გაისიგრძეგანებ და ეგ-
რევე მსოფლიო ლიტერატურის ოკიანისკენ გადაეშვები ჰომეროსების,
დანტეთა, სერვანტესების, გოეთეთა თუ ჯოსების შესასწავლად.

გალაკტიონის მთრთოლავრე სულს აღიზიანებს პროზის სიტლან-
ქე, ფართო ტილოების მონუმენტური სიზულუქე. აკი, განაცხადებს
კიდევ: „ჩვენს სახელოვან პროზას, თუკი მოვაკლებთ ოზას და მივუმა-
ტებთ უწუნს, მივიღებთ პრუწუნ-პრუწუნსო“. დიახ, ლირიკოსის სუ-
ლს აქავლებს ბელეტრისტის მოუქნელი მოუხეშაობა. ამის თაობაზე
თავად ფოლკენერიც დაიჩივლებს ერთგან: მე რომ ნაღდი ხელოვანი
ვყოფილიყავი, ლექსებით ვისულდგმულბდი, და ოდეს ხელი მომეცარე-
ბოდა აქ, ნოველებს შევთხზავდი, მაგრამ რადგანაც უფალმა ორივეგან
ზურგი შემაქცია, ჯირკვიით ხენში პროზით ვჯახირობო.

მრავალი ექსპერიმენტი ჩატარდება ამ თვალსაზრისით ქართულ
ბელეტრისტიკაში.

ჟოლა ლომთათიძის პოეტურ პროზას უსწრებს „ვისრამიანის“
ხავერდოვანი ენა, რასაც მოგვიანებით მხარს აუბამენ რობაქიძეები და
გამსახურდიები, მაგრამ თხრობის ბუნებრიობა, დამაჯერებლობის ვი-
თარება, სიტყვაკეკლუცობას გარიყავს, როგორც ზღვა — მდინარის
შემოტანილ ფიჩხ-ნაფოტთა.

ნაფოტი ვახსენეთ და მომცრო ფორმის ნაწარმოებთა შემთხვე-
ლებს შეიძლება ერთი მაგალითი დაეუსახელოთ: გნებავთ ათასი ნაფო-
ტით გარემოცული, ოკეანეში თავს ველარაფრით გადაირჩენ, როცა
ერთი მორი სრულიად საკმარისია ნაპირამდე გასაღწევად. მომცრო
ფორმების ბალადების და ნოველების ბედიც დაახლოებით ასეთნარი-
ად წარმოგვესახება ხელოვნების მრავალნაცადი თეორიიდან.

რაც შეეხება ქართლოსიანთა სულიერების სიმბოლურ ანთოლო-
გიას, შემდეგნაირი იერსახით წარმოგვიდგენია:

„ხორუმი“ — ქორეოგრაფიიდან;

„ლილეო“ და „ოღოია“ — პოლიფონიიდან „აბესალომ და ეთერი-
თურთ“;

„ჯვარი“, „სვეტიცხოველი“ — არქიტექტურიდან;

აკაკის ბიუსტი, გურამიშვილის და კონსტანტინეს ძეგლები —
სკულპტურიდან;

„ლექსი ვეფხისა და მოყმისა“, „თამბი“, „ბორჯი“ — ზეპირსიტყვი-
ერებიდან;

„ვეფხისტყაოსანი“, „მერანი“, „გამზრდელი“, „სტუმარ-მასპინძელი“, „ალუდა ქეთელაური“, „გველისმჭამელი“, „დიდოსტატის მარჯვენა“, „დათა თუთაშხია“ — სიტყვაკაზმული მწერლობიდან.

ეს ყველაფერი ხუთას თაბახს არაფრით გადასცილდება, სტოკ-პოლმისეული ბიბლიის ერთტომეულს, ჰოდა, გაითავისე იგი, შეგირდო ჩემო; „თხა ლა გიგო“ ათასებისთვის დაგვიტომია, შენ ერთადერს, მესამე ათასწლეულის გიგანტს, გევალება ეს ბედკრეული ერის სახელით!

რომან-ტრიალის დაურვების პროცესში მეორე წიგნს, ძალმომრეობის აპარატისა და პიროვნების უთანაწორო ორთაბრძოლას მივუძღვნი არსებითად. ნაწარმოები კი გასრულდება, მაგრამ მან ფრიად გაურკვეველ ვითარებაში ჩამაგდებს. საქმე ის გახლავთ, რომ თხზულების პროტოტიპი ერთობ ცნობილი აღმოჩნდება თანამედროვეებისათვის, საკმაოდ ზიგზაგაიანი, ნარეკლიანი ცხოვრებით (ერთის მოქამაგე ათს მომღურებულთა), ვინმე ხელმოცარული კლერკი დაუფარავად მომახლის რომელიღაცა წვეულების პიკზე:

— იმ წიგნს ბავშვებთან არაფრით შევიტანო.

როგორ მემტკიცებინა მე ნაღვინევი აყაროსთვის, რომ ხელოვანისთვის აბსურდია დადებითი და უარყოფითი პერსონაჟი, რომ ტოლსტოის თანაბრად უყვარს ვაინახური ეროვნული განმათავისუფლებელი მოძრაობის მოღალატე ჰაჯი მურატი და მოსკოვივით ურყევი პიერ ბეზუხოვი;

ან როგორ გავამართლოთ დოსტოევსკის ლმობიერება ორი ადამიანის სიცოცხლის შემწირველი რასკოლნიკოვის მიმართ?! იმ პიროვნებისთვის რომ გამემხილა: ძმობილო, ტრილოგიის მესამე წიგნში მთავარი გმირების პროტოტიპად ზვიად გამსახურდია და ედუარდ შევარდნაძისთვის დამიდგია თვალი-მეთქი, შესაძლოა მტკვარში გადავეჩეხე რომელიმეს მოძულეს, მაგრამ ღვთის განგებით ჭერაც სული შემრჩენია; ჰოდა, „სიცოცხლემისჯილების“ მეორე წიგნი „როკის“ წინათქმის მოშველიებამდე, იქნებ უპრიანი იყოს საკუთარ თავს ვეჭილად დავუდგე! ჩემი შემოქმედების მკვებავ თემატიკა-პერსონაჟთა ოპონენტებს დავანახო ქართულ თუ ზოგადად სიტყვაკაზმულ მწერლობაში რანაირი ხასიათის გმირებია წინწამოწეული, ბარბაცებენ თუ არა ისინი წუთისოფელთან შეჯახებისას.

ბრალდება ცალსახაა: თურმე საქართველოს სამიათასწლიანი მა-

ტიანეს მხატვრული ხორცშესხმის ჟამს, პროტოტიპად ამირჩევია „შავი სამყაროს“ წარმომადგენელი, რომელიც მრავალგზის ცოდავს საზოგადოებასთან ურთიერთობისას. ჩემთვის გასაგებია თუ ზუგდიდის ელიტარულ ფენას რისთვის გააღიზიანებს ნაწარმოების წამმართველ ძალად „ჩორნაია პანტერას“ არჩევანი, მაგრამ ვაცხადებ ხმამაღლა: დამისახელებთ სამოცდაათიან-ოთხმოციანი წლების ოდიშის სინამდვილეში მეორე პიროვნება, რომელიც ქალაქის კოლორიტს ქმნის.

სკულპტორისთვის ეს ყველაფერი უბრალო მავთულია, რომლის გარშემო გულმოდგინებით შემოძერწავს ხოლმე სასურველ გმირს და ქანდაკების დასრულების შემდეგ თავდაპირველი ისე დაემგვანება საბოლოოს, როგორც ბუზი — აქლემს. მიპასუხეთ ღვთის მადლმა, ოცდამეერთე საუკუნეში ეხსომება ვინმეს „დათა თუთაშხიას“ პროტოტიპი შელიაა, ხეჩუა თუ ირუნტია?! ან რამდენად ემგვანება იგი ამ ზნეობრიობის იშვიათ მაგალითს? დამეთანხმებით, ალბათ, ნაკლებად, ვიდრე კატა — ლომს. თუმცა მოვრჩეთ დაღეჭვებს და ქართული ავანტურისტული რომანის ბედ-იღბალს მივხედოთ, იგივე გმირის მაძიებელ ბელეტრისტის ტიკას.

ამგვარი ვრცელტანიანი ნაწარმოები მეცხარემტე საუკუნიდან შემოდის ჩვენს ცნობიერებაში:

ანტონ ფურცელაძის „მაცი ხვითა“;

მიხეილ ჯავახიშვილის „არსენა მარაბდელი“;

კონსტანტინე გამსახურდიას „მთვარის მოტაცება“;

ჭაბუა ამირეჯიბის „დათა თუთაშხია“;

ახლა ამ ნაწარმოებთა თუნდაც მიახლოებითი ანალიზის დრო არ არის, მაგრამ ვიტყვოდი ერთს, რომ ქართველი მესიტყვენი დიდის რუდუნით ეძებენ ეპოქის სულისკვთების გამომხატველ გმირს. მასალა, ყოველთვის ხალხის წიაღში მკვიდრობს, იქიდან ამოაქვს ხელოვანს.

ამ გზაზე არის სრული შემოქმედებითი გამარჯვებანი ან კრახი, როცა საუბარი შეეხება სპარტაკებს, ჰუდებს, გარიბალდებს, ადამიანების ფსიქიკა რომ ჩაილექავს სამისდღემშიოდ, მაგრამ განა თავად ხალხის ფანტაზია ყოველთვის მართებულად, უტყუარი სარკის მსგავსად აირეკლავდა ამ რეალობებს, თუ ხშირად წაუმატებს აქა-იქ, კარდინალურად ცვლის გარდახდის, მითოსურ ელფერში ჰხვევს ამა თუ იმ პიროვნებას?!

ამ მიმართულებით თუ განვიხილავთ ეროვნულ გმირებს და გამოვზიარავთ მოგონილს წამატებულისაგან, მენდეთ, მეტწილად ფრიად ტრივიალური ამბები შეგვრჩება ხელთ, მაგრამ ხალხის შინაგანი მოთხოვნილებაა — ჰყავდეს წინამძღოლი, როდესაც ამისი ობიექტური წი-

ნამძღვრები მოსპობილა, თავად უმეგზურებს საკუთარ თავისუფლებამოყვარეობას და ახერხებს კიდეც ამის სიტყვაკაზმულობას, რეალური სინამდვილის საკმარისზე მეტი კორექციით.

ამგვარად იძერწება ხოგაის მინდია, ამირანი, დევების ლახტით დამბალთავი კოპალა თუ იახსარი. ჩვენ ეს გვაკაჟებს, გვამხნევეს სულიერად.

გავიხსენოთ ფრანგი მემამბოხე დედის თეთრი მანდილის მხილველი შვილი უღრტვინველად როგორ აღესრულება სახარხოზელის წინაშე. მშობელი ქათქათა თავსაბურავის ამოშინვლებით კი გასწირავს მემკვიდრეს სასიკვდილოდ, სამაგიეროდ იდეალს შეჰმატებს ერის ცნობიერებას. ეს უბედურების, ტრაგედიისგან შორს მყოფი ადამიანების თვისებაა საერთოდ, რადგანაც გმირი მათ არსებობას ამკობს, ალამაზებს; ისე კი არავინ იცის მარადიული განსაცდელის წინაშე დარჩენილ პიროვნებას რანაირად უკანკალებს სული მაშინ. აბა, დავაკვირდეთ, რისთვის გაეჩქამება ბებერ მებორნეს კ. გამსახურდიას მისოუსტი?! ემუხვარმა განა ჩინებულად არ უწყის რომ ენგურზე გადასვლა ყოვლად შეუძლებელია, ბორნის გვარლი გადაწყვეტილია და მაინც შეეხმიანება. ეს შინაგანი მოთხოვნილებაა, რათა სტიქიასთან მისი შერკინება დაინახონ, აღიქვან, უგზოუკვლოდ არ გაქარწყლდეს მარადისობის წინაშე თავდადება ესე. „მე იმ გვარის ვარ, რომელმაც უკან დახევა არ იცისო“ პასუხობს ვინაობის დაზუსტებისათვის ჩაძიებულ მებორნეს თარაში და წარიტაცება კიდეც მდინარისგან. მაგრამ სხვაა აქ მთავარი: იგი ამ საქციელით გააკწრავს თანამემამულეთა მესხიერება უკვდავებისათვის ზვანცალში.

ო, ჯოჯოხეთია ადამიანის ფაქტურა. როცა შენი გმირობის ნატამალი საზოგადოების თვალთახედვის სიმალღეზეა ატაცებული, იოლდება სიკვდილი. ამ პრობლემას მე ჯერ კიდეც ტრიალის პირველი წიგნიდან ვუკირკიტებ, და მომიტევეთ კლერკთა.

ლაინერს უბილეთოდ დამგზავრებულ ზანგ გოგონას ორასი მოქალაქედან ერთადერთი, მაინცდამაინც ქართველი, პროფესორი იოსებ ჟორდანიას დაუთმობს უსაფრთხოების შანსისმაგვარ ყილეტს და ამით უკვდავებაში შეცურდება თავისვე ნებით, მაგრამ ცოტამ იცის, ამ პროფესორს რანაირი ცხოვრებით უსულდგმულია სიჭაბუკის ჟამს, სიჭარმაგეში.

ასევე ბერ თევდორეს მომენტი გააგმირებს, თუმცა კი მთელი საწუთრო შესაძლოა თავჩაქინდრულს ევლოს.

ხოლო გმირი ხარ მაშინ, როდესაც მთელი შეგნებული არსებობა წმინდა გიორგივით კეთილ საქმეთათვის მშვილდით მოზიდულხარ. აქ

წამიერი ამალღება საყოველთაობის პრინციპს ექვემდებარება და ამდენად, ლოგიკური დასკვნა ეძლევა ფორე მოსულიშვილის წინააღმდეგობას ფაშიზმთან, როდესაც იტალიელი თანამებრძოლის ნაცვლად წააბიჯებს მტრისკენ, როდესაც მოსალოდნელი კატასტროფა ისედაც ნავარაუდღვია და მოვლენებს, წინდახედულობით ასწრებს.

გმირი ხალხის მობოშებული სულის დასაპურებლადაა მოხმობილი ინდივიდუუმისა და მასის ქვეშეცნეული თანხმობით. გმირი მისი მოუხეშავი სხეულის ლოკომოტივია, და ამდენად — მიზანსწრაფული. ხოლო ხალხის ზურგს უკან ჩადენილი თავდადება ორმაგად და მეტწილად წარმოაჩენს პიროვნების სულიერ სიმაღლეს, თუნდაც ასეთი პიროვნება საზოგადოების თვალში მოლაღატედ დარჩეს. ვინ უფრო მეტია მასისათვის, ეტალონად შერაცხული შემთხვევის რაინდი თუ უფლის სამკვიდრობლიდან გაბრწყინებული მეობა?!

ის მაინც ბრუნავს, აჩემებს ბრუნო და უკვდავების გვირგვინისათვის კოცონში შეაბიჯა, მაგრამ ქედი რომ მოეხარა, რა, ვითომ არ იტრიალებდა დედამიწა? ობიექტურ ჭეშმარიტებას ვერაფრით დაამუხრუჭებდა პაპის მწვალებლური გარემოცვა, მაგრამ წარბშეუხრელი სიტყვა რამდენიმე საუკუნით დააჩქარებს თეოლოგიური გონებაშეზღუდული „მეცნიერების“ ჭეშმარიტების რელსებზე გადაფანას, თუმცა ამ სიბრძნეს ჩვენი წარმართი წინაპრები შორეულ ათასწლეულებიდან იცნობენ; მათ მეტი სიზუსტით მოეხსენებათ ბუნების მოვლენებზე, კოსმოსზე. ამას მოწმობს რიცხვი 13-ის საიდუმლოება, მთვარის და მზის კალენდრები, ტროანის კოდექსი, „ცოლკინი“ — რეზონანსული მოძრაობის მატრიცა.

სიტყვა შორს გაგვექცა და უმჯობესია ჩვენს სასაუბრო თემას დავუბრუნდეთ.

ფურცელაძისეული „მაცი ხვითას“ გმირი ხალხის პირშმოა, თუმცა შემოქმედის აღმაფრენის მოკოჭლების გამო მაღალ რეგისტრში აღუტაცებელი. ადრეულ წლებში ვეზიარები მას და უკვე სიყმაწვილის პერიოდში ამავე დასახელების გიორგი შენგელიასეულ ფილმს ვვონებ ოცჯერ მაინც ვიხილავ მშობლიური სოფლის კინოთეატრში, მერმეც — რამდენგზის ტელეეკრანიდან. ბედზე ამბოხებული კაცია მაცი ხვითა, რომელიც პროვინციულ მოთხოვნებს ვერაფრით სცილდება.

იგივე ითქმის ჯავახიშვილისეულ „არსენა მარაბდელზე“, რომელ მონუმენტურ ტილოსაც მრავალი ლიტერატურული ძეგლი უსწრებს მესტირულიდან მოყოლებული დრამატულით დამთავრებული. საკუთარ ქედუხრელობას ზვარაკად შეწირული ხელოვანი მართლაც ჩინებულად გვიჩვენებს ერის შვილის ტიპიურ სახეს, როგორც ამას საბ-

ჭოურ ლიტერატურათმცოდნეობაში იტყვიან ხოლმე, მაგრამ „გორა მბორგალში“ ირკვევა, რომ გიორგი კუჭატენელს საერთოდ არ მოუკლავს არსენა; ისინი თურმე განუყრელი თანამეინახენი ყოფილან, და ოძელაშვილის მწერლისეული აღსასრული თითიდან გამოწოვილი რეალობაა. ვილაცის ცხედრიდან წამომდგარა თურქეთში გახიზნული მარაბდელის საყოველთაო დიდება. რა? არ არის ამისთანა ვერსია დასაშვები? საპნის ბუმბუტით გამსკდარა გმირობის შარავანდედით მოსილი მაცდურობა.

კონსტანტინე გამსახურდიას გმირები, რომლებმაც უკანდახვევა არ იციან, სინამდვილეში ჩვეულებრივი ადამიანები გახლავან თავიანი „არათი“ და „ჰოთი“. „მთვარის მოტაცებას“ შტუდირების წლებში ორგზის წავიკითხავ და ბოლოს — მესამედ ტრიალის მეორე წიგნის დასრულების შემდეგ. სასიხარულოა, ჟამის გარდახდომის კვალად, როცა წიდაში დახანებულ ოქროს მსგავსად შენს კუმირ მწერალს არაფერი აკლდება, პირიქით, ემატება და ემატება ელვარება. ბატონი კონსტანტინეს შემოქმედების უმთავრეს ღირსებად მავანს პოეტური ენა მიუჩნევია, რაც, ცხადია, მხოლოდ საშუალებაა უფრო გრანდიოზული, უფრო გლობალური ვნებათაღელვის დასატყვევებლად. სიამაყით ამავსებს ამ უნიკალური პიროვნების ერუდიცია, რომლისთვის ადრეულ წლებში თვალი არ მიმიდევნებია უმწიფრობის გამო. არადა, რაოდენია მისოუსტის — თარაშ ემუხვარის სპლინის, იპოქონდრიის მკვებავი სიცარიელე?! რა მასშტაბურია პიროვნების გამსრესავი მარტოობის, მელანქოლიის სიმძიმე?! ცოდნოდა ბატონ კონსტანტინეს „ცნობიერების ნაკადის“ თაობაზე რამე, იგი უკეთ დააქანდაკებდა მედალიონის ორი მხარის — ალჩუ და თოხანი გმირის — თარაშ-არზაყანის კონფლიქტს, და თავად ფროიდის მოძღვრებას დაესხებულ იმ მოშურნეობის ლიტერატურაში გაცხადებას, რომელიც ბოლოჟამინდელ გამოცემაში პირველყოფილი სტილისტიკითაა მოწოდებული.

„დიდოსტატის“ ავტორის ჩინებულ მკვლევარს, ბატონ სოსო სიგუას, დიდებულად მოეხმენება საანალიზო სივრცის ავან-ჩავანი, მაგრამ სად უფრო იწრფელა ხელოვანმა, როდის დაუსვა წერტილი საბოლოოდ ნაწარმოებს, თავდაპირველ ვარიანტსა, თუ პარტიული ზეწოლით კორექტივების შემდეგ?! 1975 წლამდე ბატონ კონსტანტინეს არაერთი საშუალება გააჩნია თავად განსაზღვროს ტექსტის უმთავრესობა. მამის მოკვდინება არზაყანისგან უკუგდებული გახლავთ კინოფილმში, რომელიც მისი უშუალო მეთვალყურეობით დაეკრანდა.

არც ჩვენ გვიძევს თვალეები და ყურები ჯიბეში, მაგრამ მთავარი ის არის, რომ ავტორი არ იკმარებს საკუთარი სულის მედროშე მისოუს-

ტს და მეტი დამაჯერებლობის მისანიჭებლად გააჩვენებენ, გაანამდვილებს, როდესაც მესამე კარში თვითონ მოგვევლინება მოვლენათა ეპიცენტრში ქორა მახვმისკენ წითური ჯოკიას ზვანჯებით დაძრული.

რომელ არქივში ვეძებოთ ახლა არზაყან ზვამბაიას და თარაშ ემუხვარის რეალურობის დამადასტურებელი ჩანაწერები, მათი მეტრიკები, არადა, მწერალს სურს დოკუმენტურობა მიანიჭოს თავის გმირებს. ამის გამო მისთვის არავის უკიჟინია: როგორ, შენ ნაღდ ადამიანებზე წერ, თანამედროვე ადამიანებზე და სად არის აქ გამონაგონის, ტიპიურის აუცილებლობაო.

„დათა თუთაშხიას“ შემოქმედი კი შურიანი მითქმა-მოთქმის კვალდაკვალ თავგადაკლული იწვევს წარსულიდან გმირის დამაპურებელ პროტოტიპებს, შედეგები არიან ესენი, ფინთურიები თუ სხვანი; ყველაფერს ღონობენ, რათა სატელევიზიო გადაცემაში ფართო საზოგადოებას წარმოუდგინონ თუთაშხიას თანამედროვე მსოფლიო ხალხი. ჩემთვის ნიშანდობლივი ფაქტია ის გახლავთ, რომ სამეგრელოს ზღვისპირა ზოლში ფოთიდან მოყოლებული კელასურამდე არათუ ფრიალო კლდეს, გორაკსაც ვერსად იხილავთ, საიდანაც კაცს ბობოქარ ზღვაში გადაშვება და საკუთარი სიცოცხლის ამ გზით ხელყოფა შეეძლოს. რა ხდება?! ბატონმა ჭაბუა ამირეჯიბმა ნაკლებად უწყის დასავლეთ საქართველოს რელიეფი თუ სამოქმედო სივრცის მონტაჟის ამბავია?! მაგრამ განა ამისთანა მეთოდებს სხვები არ მიმართავენ?! ვინ შეიქმნის იოკნაპატოფას, მაკონდოს, სატანჯოს?! ან დამარწმუნებს ვინმე, რომ თუთაშხიას პროტოტიპი თუნდაც თხუთმეტი-ოცი პროცენტით შეესაბამება ლიტერატურულ გმირს? ამისთანა ზრახვა ინფანტილურია. იგივე ხდება ჩემთანაც.

როკი ოდიშელის მკვებავი ბატარეა ნახსენები შეფარდებითლა თუ შეესაბამდება მწერლისეულს, მაგრამ რადგანაც პროტაგონისტი ფეხით მოსიარულე რეალობაა, ყველასათვის თვალწინმდებარე, ხელმოცარულ კლერკებს იგი გმირის მასალად არ ემეტებათ.

შენ გააიდალაე ლამის აქა-იქ წანაფორთხილები პიროვნებაო. რა გადაგიხადა ისეთი, რითი მოისყიდა შენი სულიო.

ეპ, ჩემო ბედშავნო, გულში ბოლმას არ ჩავიხვევ, ვინაიდან უფალმა გაანთავისეფლა იგი ქვენა ბიწიერებათაგან და გეტყვით ფორმულასათით, რომელიც თქვენი გამოღვიძების დილას უნდა ამოვუცისკროვნო მზის შეხედვამდე:

არა ცილი სწამოთ-მეთქი, ვინაიდან ამისთანა ხალხს უფალი ჯოჯოხეთის მღუღარებაში მოისვრის ხოლმე მეცხრე მცნების შესატყვისად, და არცა შური გიღადრავდეთ გულ-გვამს, რომელიც ბოროტებაი

არს მოყვასისა კეთილსა ზედა სულმნათი სულხან-საბას სწავლებისამებრ. ჰოდა, სანამ ტრიადის მეორე წიგნის კარიბჭეს შემოგთავაზებდეთ, ერთხელაც მიგითითებთ „სიცოცხლემისჯილებისკენ“: კანონიერი ქურდების კლანჭებში ჩავარდნილ მთავარ გმირს სწორედ რომ როკი ოდიშელისა სიტყვა სულზე მოუსწრებს წულუკიძის მეოთხე ზონიდან;

მაშინ ყურთბალიშზე იწვა ჩემი გამჭირდავი, თუმცა რომანს დროულად ვუსახსოვრებ. ან რატომ არ მისაყვედურა ბედნიერი ჟინი ანთარის პროტოტიპად სოფელ ოდიშის მკვიდრს, ჭურიაში ჩამკვიდრებულ მეტყვე-ტყაჩუ იროდი სართანიას რომ შევრაცხ; მხოლოდ და მხოლოდ არსენიევ-კუროსავას დარსუ უზალას ბადალი რომაა, გულთმისანი, მენცარკოჩი, მაგრამ არავითარ შემთხვევაში ღვთიურობას წაპოტინებული, ევროპაში განსწავლული გენია, ეგგენისტიკის მოშველიებით სიკვდილითა სიკვდილის დამთრგუნველი ვაჟიშვილის მომავლინებელი ქვეყნიერებისათვის?!

გაგონილა პროტოტიპების არჩევანის გამო ქოქოლა დააყარო მწერალს?! აბა, საიდან არიან „ბუდენბროკების“ გმირები თუ არა თომას მანის ოჯახური გარემოდან, რომელსაც ვერც ტომას ვულფი გასცდება. დავიჯერო ზნეობრიობას განასახიერებენ ერთნიცა და მეორენიც?!

მწერალი პასუხს აგებს ლიტერატურული გმირის მიხედვით და არა მისი შემავსებელი წყაროების წილ. მაგრამ ვიგრძნობ: სიტყვა სადავეს წამართმევს და ვინძლო თქვენი გულისყურიც დავკარგო, დავგინებთ ვიმდუმარებ ბაგეს შეპირებული წინათქმის სასარგებლოდ.

II

„ჩონანია პანტიჰალან“ როკი ოდიშელიამდე

სადადიანოს სასტუმრო „ოდიშში“ ვცხოვრობ ის პერიოდი. ოთხმოციანი წლების დამდეგია. ნეტარხსენებული საშა ეგუტიას „ერიკას“ ვარაკუნებ, ტრიადა „სიცოცხლემისჯილების“ პირველ წიგნს ვათეთრებ. ამომაკითხვენი ნომერში ბიჭები. სხვადასხვა წრიდან გახლავენ: ერთნი — ლოთობის მიმდევრები პოეტ არჩილ ფირცხალავას თამაღობით; მეორენი — პრეფერანსისტები, ჰკოლას — ნოდარ ტიბუას მეთაურობით; მესამენი — ჩემი ლიტერატურული მკათათვით დაინტერესებულ-

ნი, პროზაიკოს ოთარ წურწუმის მესვეურობით. თხუთმეტი განსხვავებული მისწრაფებისა და შეხედულების ადამიანთან ძნელია ერთდროულად გასაუბრება. ყველანი ბოტანიკური ბაღისაკენ მივეშურებით. ღვინო საერთოა თითოეულისთვის. სწორედ იქ, ატრაქციონის ღმუილში, პატარების გაქანებულ ჟივილ-ხვილსა და შამპანიურების ბათქაბუთში გავიცნობ „ჩორნაია პანტერას“ — შაქრო ჭითანავას.

ამ პიროვნების თაობაზე უამრავი მასალა მაქვს მოკვლეული, ლამის ლეგენდების დონეზე რომ დადის მთელს ოდიშსა თუ მის ფარგლებს გარეთ. ვიცი მიმწოლი ვინმეა. გაუგონარი ამტანობით მთელს კავშირში გაუთქვამს სახელი. უკეთეს პროტოტიპს ვერც კი ინატრებს ხელოვანი, მაგრამ განგება ისე მოაწყობს, მხოლოდ ათი-თორმეტი წლის შემდეგ შემაცურებს მის ურთულეს ბუნებაში.

შავი ფართოფარფლიანი ცილინდრი ახურავს. ჯინსის შარვალხალათით შემოსილი ვესტენრული ფილმიდან გამოსულს ჰგავს.

ბევრს ვისაუბრებთ. ვიკითხავთ სტროფებს რუსთველიდან, ხალხური პოეზიიდან, ვინაეკლოტებთ, მაგრამ იმჟამად მე ფრიად გავუქაჩივარჟინი ანთარის საგას და ცხადია, „ჩორნაია პანტერას“ სულიერი ძვრებისათვის ვეღარ მოვიცილი.

გავა წლები. ტრიადა „სიცოცხლემისჯილების“ პირველი წიგნი როგორც დღის ნათელი იხილავს. მაინც მას დავსტრიალებ, მას ველოლიავები.

ამასობაში ჭეყანას ცნობილი მოვლენები ააყირავებს და სამშობლოც სასაკლავს დავმსგავსება.

მე და ჩემი ოჯახი ბოშებივით დავწანწალებთ ერთი რაიონიდან მეორეში. შემომთავაზებენ მოსკოვში წასვლას.

სანკტ-პეტერბურგიდან ამხანაგები მითვლიან, ყველაფერი მზად არის, ოღონდ ჩამოდიო.

კაუნასშიც შევეხმიანები ელსმენით მელნის საძმოს, იქითგენაც გზა ხსნილი მაქვს.

გერმანიაშიც მიმესვლება, როგორც ოტობაიაწართმეულს, ბევრად ვერ შემბოჭვას იქ ენობრივი ბარიერი, მე ხომ გარკვეული პერიოდი „ფაუსტი“, „დუინური ელეგიები“, „პროცესი“ — ასე თუ ისე ორიგინალში წამიკითხავს, მაგრამ სამშობლოდან გადახვეწა და გრიგოლ რობაქიძის გზაზე შედგომა ჩემთვის შემოქმედებით სიკვდილს ნიშნავს.

ქართველი ხომ ანთეოსივითაა — მოწყვეტ საკუთარ მიწა-წყალს და განწირულია ფიზიკური განადგურებისათვის. მსგავს შემთხვევაში კი ბელეტრისტი ორმაგად დაღუპულია: გაცამტვერებულია ხორციელადაც და სულიერადაც.

რას გააწყო, უნდა მოითმინო დამამცირებელი ხელისგაწვედნანი — კიდევ ოჯახი არჩინო, მოხუც დედასაც მიაწოდო ლუკმა-პური, ნათესავს, სისხლ-ხორცს არ მოაკლდე, მეგობრებსაც უზიარო სულის ნაწილი, საკუთარი შემოქმედება დღენიდაღ საომარ ლელოსავით მომართო, არ ყოფილა მთლად იოლი საქმე, და აჰა, როცა „სიცოცხლემისჯილების“ პირველი წიგნი საბოლოოდ გასრულებულა, ცნობიერების შრეებიდან დაგუბებულ ზღვასავით ამოიზრდება „ჩორნაია პანტერას“ ბობოქარი ცხოვრება.

ვესტუმრები კაბინეტში.

ჰაეროვანი ფერიები მოგვართმევენ ყავას, ტკბილეულს. ვისაუბრებთ საქველმოქმედო საქმეებზე, მომავალ გეგმებზე, რას ვაპირებ, საითკენ მიმიწევს გული. არ დავუშვალავ თანდაყოლილ სიდუხჭირევებს, თანაც უშურველად გაგუშვებ:

— შესაძლოა შენი გარდახდილი უკუღმართი საწუთროს ქაღალდზე გადმოტანა ვცადო-მეთქი. აქვე თხზულების ჩემეული ვარიანტსაც შევთავაზებ, თუ რანაირად წარმომისახავს რომანის არეალი.

— ნუ ვიჩქარებთო, — მეტყვის, — მასალა შენ ჩემგან არ მოგაკლდებაო, — გაიღიმებს, ზარით მდივანს უხმობს, ფურცლების გვარიან შეკვრას მოატანინებს, რომლის წაკითხვისთანავე მივხვდები — მართლაც იშვიათი ნიჭიერებით ცხებული კაცი გამოუგზავნია ზეციერს;

მეტი ბელეტრისტული გამოცდილება და მისი მონათხრობისაგან ჩინებული ნოველები აიკინძება. შაქრო ჭითანავა არაჩვეულებრივი მოსაუბრე გამოდგება. როგორც არისტოტელე იტყვის, მოქმედების შუაგულში შეგაგდებს უცებ ჰომეროსისებურად. უზუსტესი შტრიხებით, იუმორის იშვიათი გრძობით, ხედვის ორიგინალური კუთხით გადმოსცემს გვეშული მეობის ეპიზოდებს. ეს არის უსამართლობის წინააღმდეგ ამხედრებული კაცის აღსარება ამ სიტყვის პირადპირი მნიშვნელობით. მის მიერ მოწოდებულ ცინცხალ სიუჟეტებს უმნიშვნელო სტილისტური ცვლილებებით შევიტან წიგნში, ვინაიდან ზედმეტი ჩარევა დაარღვევს თხრობის ბუნებრიობას, კოლორიტს, შეცდომებიც მომრავლდება. მოჭრილად რომ ვთქვათ, ისე ამფორიაქებს წაკითხული, არც კი შევყუყმანდები; რკინის ქალამნებს ჩავიცვამ, წელზე ქამარს შემოვიჭერ, არ შევუშინდები ზამთრის სუსხს, სამსახურში გადავბარგდები, იატაკზე დავიგებ ოთხადგაკეცილ შალითას, თავქვეშ წიგნებს ვისასთუმლებ და რომანს მთელი ენერგიით ვეკვეთები.

ჩემი თავდაპირველი მიზანი ნაწარმოების არქიტექტონიკურად შევკრაა. რათა წლების მანძილზე დაგროვილი დიდძალი მასალა „ჩორნაია პანტერაზე“, ორგანულად შევაჯერო ცოდვა-მადლს შორის მოქცეული ოდიშელისა წინააღმდეგობრივ ხასიათთან.

პანტერაში ბუნებრივად მოცემული სიკეთის საწყისებს ფაქტობრივად ვერ გამოიყენებს სამშობლო. ეს ხომ წყალში გადაყრილ ჯილდოს ჰგავს, ენერჯის უაზრო გაფლანგვას!

უბედურებაა, როდესაც ქვეყანა გენიოს შვილებს უმიზნოდ ჰკარგავს, განუკითხავად იშრიტება წესით მისი აღზევებისთვის შობილი გენოფონდი, მაგრამ ტრაგედიაა მთლად, თუკი პოტენციული „კარგი ყმის“ ძე ცდომილად გადაქცევის ჰუმუსი სიტყვიერებამაც ვერ დააფიქსირა და შთამომავლობისთვის ზარები არ დაარისხა მის ამოსაშანთად. აქვე ჩემი მწერლური შესაძლებლობანიც მინდა ვანახო თხზულების გმირის პროტოტიპის, რომელმაც ზედიზედ ოთხ კარცერს აჯობებს ფეხზემდგომელა ოცგრადუსიან ყიამეთში, ერთი დღე ოთხასი გრამი პურით დანაყრებული და მეორე — მშიერი, აყვულებული კუჭით ჰაერში აცურებული.

მე, როკი ოდიშელიას შემოქმედი, ჩვეული ასკეტიზმით ვუმტკიცებ სამყაროს, რომ ზეამტანობა ყველგან შეიძლება, საკანშია ეს თუ ბელეტრისტიკაში, სიტყვასთან ჭიდილში.

— ეს ყველაფერი ზღვაში წვეთია, — გამენდობა ერთხელ, — იმ საშვილიშვილო საქმესთან შედარებით, რასაც ჩემი ზუგდიდის, ჩემი სამეგრელოს, ზოგადად სათაყვანებელი საქართველოს დუხჭირ ცხოვრებაზე ვრცელი მხატვრული ტილოს შექმნა ჰქვიაო. ჩემი ტკბილ-მწარე საწუთროც ამ სივრცეში ტრიალებს, აქ დაფრთიანდა და იხრუკება, ასე რომ, არაფერს დავიშურებ მის განსახორციელებლად. ჩემს განუმეორებელ ოდიშელებს, ჩემს მომავალ თაობას ამაზე უკეთეს საჩუქარს მე ვერ დავუტოვებ გზის გამკვალავად და შენი მონდომებაც თუ იქნება, ვფიქრობ, გაერთიანებლი ძალით ყოველგვარ დაბრკოლებას კუდით ქვას ვასროლინებთო.

გამეცინება და მერე როგორ?! კამეჩის დასჯა უნდოდით და ლამში დაფლესო, ამაზე თქმულა. განა არსებობს მეტი ბედნიერება მწერლისთვის, ვიდრე მეცენატური თანადგომაა თვალნათელ დედუღეთზე ნაწარმოების შექმნისას?!

ცხრათვიანი მუშაობის შემდეგ თხზულების პირველი ვარიანტი მთლიანად შეინასკვება, დაახლოებით ორმოცდაათი საგამომცემლო თაბახის მოცულობით, მაგრამ ჩემთვის დაუვიწყარი სხვა რამეა — პროტაგონისტი ერთობ ცნობისმოყვარე გამოდგება. დღე ისე როგორ გავა, ხუთგზის არ შემეხმიანოს ელსმენით, არ გამომიაროს ორომტრი-ალში ჩაფლულს. მამუხრუჭებს ექსტაზში შესულს. ვკამათობთ დეტალებზე, გმირის სულიერ მდგომარეობაზე. არც მიმალავს:

— დიდებული ნამუშევარია, მაგრამ ალაგ-ალაგ ჩქარობ, ზერე-
ლედ გადაურბენ მოვლენებსო.

მას მხედველობაში აქვს გარეგნული აქსესუარები: პორტრეტი, პანორამა, პეიზაჟი, ფსიქოლოგიური წიაღსვლები, ჯერაც გაშლას და ჩამოქანდაკებას რომ მოითხოვს.

ამის თაობაზე მედიმება, ვინაიდან მე ხომ ჩინებულად ვუწყი — ჩე-
მი პირველი მეცადინეობა ნაწარმოების შეთხზვის გზაზე დიხაჯ ზე-
დაპირულია. იგი ბევრად არ აღემატება კინოსცენარს, სადაც შინაგანი
ძვრები კვლავაც მრავალჯერ მოსახვეჭია, უთვალავჯერ შესამოსია ხორ-
ცით შიშველი ძვლები თუ განძარცული ტოტები ხასხასა ფოთლებისა-
გან.

ტრიადა „სიცოცხლემისჩილების“ პირველი წიგნის მასალისგან
მართლაც ერთითად განსხვავდება ოდიშელისა ოდა.

საქმე ის არის, რომ იროდი სართანია, რომელიც უინი ანთარის
პროტოტიპია, არ მხოვავდა სახეთშენების თვალსაზრისით, ფანტაზიის
სრული გასაქანი მქონდა; შეზღუდული ვიყავი თემების, სურათების არ-
ჩევისას. მისი ხატი ნებისმიერი მუხტის ამბავს აიტივითავდა დამაჯე-
რებლობის საზღვრებში არსებულს.

აქ კი ლამის ნატურალისტურ სინამდვილეს ვეჭიდები. რეალური
პიროვნების ცხოვრება, მისი გარემომცველი სამყარო, მაფერხებს გა-
მომგონებლის მანტიით სიარულისას. ბევრი შეხლა-შემოხლის შემდეგ
თანდათან ჩამოვიშორებ „ნამდვილი ამბის“ ფრიად მომაკვდინებელი მე-
თოდის სახსენებელს და რომანი ნელ-ნელა გადავა ცხადისა და ირეა-
ლურის შეზავების ფაზაში. მას ნიადაგი მყარი აქვს. ყოველი გარდახდი-
ლი თავგადასავალი ეჭვმიუტანელი გახლავთ, ვინაიდან „ჩორნაია პან-
ტერას“ ამხანაგებთან, მეგობრებთან საუბარში კიდევ მრავალზე მრავ-
ალი დეტალი ამოტივტივდება, რომელიც მთხრობელს ან გამოვიწყე-
ბია, ან კიდევ განგებ წაუყრუებია.

მოკლედ, სინთეზური თანამშრომლობის პირმშო — როკი ოდიშე-
ლია, ერთობ არაორდინალური პიროვნებაა: თოთხმეტი წელიწადი გა-
მოუვლია ბურებსა და კარცერებში, ზურებსა და დაკეტილებში; თოთ-
ხმეტი წელიწადი ებრძვის ჩრდილოეთის ყინულეთს თუ სამხრეთის
უდაბნოეთს, ზოგადად — ციხის ჯუნგლურ კანონებს, ისე რომ, მისი
სული უცოდველია, ყოველ შემთხვევისათვის მას არ ჩაუდენია იმისთანა
კრიმინალი, თავისუფლება თოთხმეტი წელიწადით წაჰგვარონ. სწო-
რედ აქ იღუმალებს „ჩორნაია პანტერას“ და კომუნისტური რეჟიმის
მამასისხლური შეუთავსებლობის დილემა.

ჩრდილოეთში მისჯილობის დროს მასთან ყოფილა „ტყის სამოს“ ხალხი, რომელთაც შეფარდებული ჰქონიათ პატიმრობის უკიდურესი ზომა — „ოცდახუთი, ხუთი და ხუთი“, რაც შემდეგს ნიშნავს:

„კომუნისტური რეჟიმი ადამიანს პოლიტიკური მოტივიზაციით იშვიათად განამწყესებს სატუსალოში, აუცილებლად გამოუძებნის სხვა დანაშაულებრივ სარჩულს. როცა მსჯავრდებულის განთავისუფლების ჟამი მოაწევს, ეტყვიან:

— შენ კიდევ ხუთი წელიწადი მოგისაჯეთ!

— რისთვის? — გაიკვირვებს პატიმარი.

— ბანკი რომ გატეხე, იმიტომ, — განუმარტავდნენ.

— რომელი ბანკი, მე ხომ ათი წელიწადია კოლონიიდან არ გავსულვარ? — გაიოცებს ეს უკანასკნელი და მაშინვე გაიცინებენ.

— ვიცით, ვიცით, მაგრამ აი, თუ დაწერ, რომ ჩვენს ქვეყანას არაფერში ემართლები, რომ ჩინებულ სისტემაში ვცხოვრობთ, თუ მოინანიებ შენს წარსულს, ჩიტივით თავისუფალი ხარო, — და საწყალი ტუსაღიც კვლავ დაიმატებს ხუთ წელიწადს.

ახლა მოაწევს განთავისუფლების მორიგი ჟამი, მაგრამ კვლავინდებურად იგივე სცენა გათამაშდება და ისევ ხუთი წლით დაასაჩუქრებენ, ვიდრე ოცდახუთი არ შეუსრულდება. ამის იქით კუზიანი სამარეა ზონაში დაბერებული კაცისთვის, მაგრამ რადგანაც მეტის მისჯას საბჭოური კანონმდებლობა არ ითვალისწინებს, ხუთ წელიწადს საპატიმროს სიახლოვეს აყურყუტებენ და კიდევ მომდევნო ხუთს ჭიტლახს ამოჰკრავენ, მოისვრიან კავშირის უკიდევანობაში, ოღონდ ეს პერიოდი სამშობლოს არ უნდა გაეკაროს. ოცდათხუთმეტი წლის დამანგრეველი სტრესის შემდეგ მართლაც სამარეში მისაბარებლადღა თუ ჩაიტანს მამულში გამოფიტულ ძველს“.

ასეთი და ამგვარია საბჭოური კოლონიების რეალობები, რომლებიც თვალის დაუხამხამებლად მოცოხნიან ათასებს. იმ ათასეულიდან ერთ-ერთი შეუდარებელი ტიპია „ჩორნაია პანტერა“, ყოველთვის იქით რომ ასწრებს მოვლენებს, ყოველთვის იქით რომ ესხმის თავზე საპატიმროთა ადმინისტრაციებს, ვინაიდან სულ ერთია, ოც წუთსა თუ საათნახევარში აქეთ დააქოთებენ. ფიზიკურ წამებათა კვალდაკვალ კი მის გარშემო სახელი იზრდება და იზრდება და მეც სწორედ ამ პროცესების, დანაშაულებათა გამომწვევი მიზეზებისა და ძირების გამოშინგვას, მხილებას შევუდგები.

ძნელია ირწმუნო ინფორმატორის შეფასებანი, რომ „ესოდენი სიზუსტით, ესოდენი სისწორით საბჭოური ცხრაკლიტულების ცხოვ-

რება ლიტერატურაში ნაკლებად ასახულა, ვინაიდან, თავად სოლჟენიცინის „გულაგი“ თუ სხვანი, ყუმია ამ შემთხვევისათვის, რამეთუ იმ წიგნების უმეტესობა პოლიტიკური სულსიკვეთებისაა და ახლოსაც ვერ მივლენ უფრო საშინელ სინამდვილესთან, რასაც არსებობისათვის ბრძოლა ჰქვია, მივლენ და ჩაიჭრებიან“.

ესეც ჩამაფიქრებს. მაშ, როგორ გინდა ასახო ყოფიერება, რომელიც თხუთმეტლიან იზოლაციებს თუ არ ჩავაგდებთ სთავალავში, წვრილმანი ხულიგნობის გამო მოკერებულს, საერთოდ არ გამოგივლია-მეთქი, მაგრამ მყისვე ბრმა აედი ამოტივივდება ჩემში შვილი საუკუნის მიღმა მომხდარს რომ აცოცხლებს არსებულ მითებზე დაყრდნობით და ტროას ამბების გასაოცარი დალაგებით, დასწრების წარუშლელ ეფექტს ქმნის.

ჰოდა, ამ მომენტითაც იმედნეული ჩემთვის ერთობ უცნობ სამყაროს შეგვიქიდები, მაგრამ ღვთის შეწევნით მე მართლაც იშვიათი მთხრობელი მომველინება, რომელიც უზუსტესად მომაწოდებს საკნის პარამეტრებს, ზონებისა და ციხეების სუნთქვას, განათების სიხშირეებს, რეკვიზიტებს, რითაც სულდგმულობს საერთოდ მხატვრული ნაწარმოები და როდესაც დავამთავრებ რომანის ქარგას, როცა შევკრავ ძირითად ჩონჩხს, საკუთარ თავს გამოვუცხადებ:

უსინდისობა იქნება მიისაკუთრო ადამიანის ესოდენი ჯაფა და წვალება, რომელიც შენთან ერთად ათენებს ღამეებს, მოსვენება დაუკარგავს, ძილი გაკრთობია, ძარღვები აშლია წარსულის გახსენებისას-მეთქი.

ბედმა გამიღიმა - მეთქი, აქამდეც ვახსენებ.

საქმე ის არის, რომ „ჩორნაია პანტერას“ ცხოვრების ასახვისათვის თურმე რამდენიმე აღიარებული მწერალი წაიკაპიწებს მკლავს დედაქალაქში. მისი გავლილი გზა, წარსული ბევრისათვისაა ცნობილი, მაგრამ როცა გაესაუბრება მათ, თავად შეუქცევს ზურგს, რადგანაც ისინი მხოლოდ მშრალ სქემას სთხოვენ, ორ ფურცელზე ჩამოწიკწიკებულს და მერმე ფანტაზიის წყალობით აპირებენ განუმეორებელი წუთისოფლის გაწყალწყალავებას.

უნებლიეთ გამახსენდება დიდი ტოლსტოის პატივისცემა რეალური პერსონაჟებისადმი. „ჰაჯი მურატზე“ მუშაობისას რუსული მწერლობის მამა ფეხდაფეხ დადის დაღესტანსა თუ ჩეჩნეთში და თავისი გმირის უშუალო ნაცნობთაგან კრებს მასალებს. მოგვიანებით კავკასიელი მეგობრების: ნაკაშიძის, ესაძის, შულგინის მეშვეობით აზუსტებს ყოველ წვრილმანს: ჰაჯი მურატის რუსული ენის ცოდნას; მაჰმადიანური

სარწმუნოებისადმი დამოკიდებულებას; საითკენ კოჭლობს სიარული-სას; რა ფერისაა ცხენი, რომლითაც ნუხიდან გაიქცევა. ეს მწერლის უწინარესი პატიოსნებაა. ათასგზის მადლობას ვწირავ ზეციერს, განუმეორებელ ადამიანებს რომ გამომგზავნის ხოლმე ფარატინა ფურცლების დამპურებლად.

აი, ზოგი რამ ჩვენი თხზულების გმირისა და პროტოტიპის შტრიხებისათვის, მაგრამ ნაწარმოები მხოლოდ „ჩორნაია პანტერას“ ნათელფენით როდი ამოიწურება. იგი სამი თაობის ფონზე ფართო სპექტრით წამროაჩენს: ქართულ ფილოსოფიურ აზროვნებას მამარდაშვილებისა და ჩუბინიძეების გონებადაუხვებით; ქრისტეს სჯულის დეგრადაციის, ეკუმენიზმის, მასონიზმის პრობლემებს — ეპისკოპოსი იოანე-იონას მეოხებით; ლაზარეს აღდგინების პერსპექტივებს „მსოფლიოს დასაბამისეულ აღმომჩენთა“ — იბერიონელებისა თუ ალაზნისპირელების ძალისხმევით; ცოტნე დადიანის სულისკვეთების დამამხობელ პარტოკრატიას და მისთვის თავდადებულ არაფორმალებს; აფხაზურ-ქართულ საუკუნოვან ძუძუმტეობას და ჟინი ანთარის ნაწიერის ამო მეცადინეობას ორთავიანი არწივის — რუსეთის იმპერიის მიერ დაგებული ხაფანგების მოსაშლელად.

მოკლედ, სამოცდაათიან-ოთხმოციანი წლების საქართველოს არსებითი ინტელექტუალური პოტენციალი მეტნაკლებად დავანდება მოხმობილ რომანში, თუმცა წინ უფრო მომქანცველი წავარნებია — საით წავა საქართველო? ვის გაჰყვება, ჟინი ანთარის ლაბორატორიულ ჩხირკედელაობებს, საკუთარი მეობის შენარჩუნებისათვის ნიადაგ მოჭიმულ როკი ოდიშელიას, თუ სხვას — პატროფილურ იდეალებს გამოღვენებული ეროვნული მოძრაობის ლიდერებს?! და რადგანაც ეს საკითხი ჯერ კიდევ მრავალი ასპექტითაა ასაწონ-დასაწონი, ჩვენც ზედ სამშობლოს აღზევებისა და დაცემის კარიბჭესთან შევჩერდებით, შევჩერდებით აფხაზურ-ქართული კონფლიქტის უვერტიურასთან, რომელიც კომუნისტური რეჟიმის დამხობის და მამულიშვილური ხელი-სუფლების დამკვიდრების სიგნალია.

ბუნებრივია, ქვეყნის ბედ-იღბალს შუა გზაზე ვერ მიატოვებ, იგი კვლავაც ივლის ნარ-ეკლიანი ბილიკებით, მაგრამ უკვე არა ისე, როგორც ჟინი ანთარს თუ როკი ოდიშელიას მოეპრიანებათ, ან თავად გური ოტობაიას მოესურვება, არამედ ზუსტად იმნაირად, რა რიგადაც ამას ჩვენი ჭირნახული საქართველოს, გნებათ — დედამიწის მო-

მავალი მოითხოვს; ჩვენი გაჩანაგებული თაობის გაფხიზლება, გამხნეება, მისი შინაგანი ძალების ფენიქსისებრ ფერფლით აღდგენა საჭიროებს.

გაფრენილ ისარს ჰაერში ვერ შეაჩერებ. შესაძლოა მას ქარიშხალის წინაღობამ გარკვეულწილად შეუცვალოს მიმართულება, მაგრამ მთლად იმდენად ვერა, ათიანისკენ მიმსწრაფველი შვიდიანს აცდეს. წინააღმდეგ შემთხვევაში ჟინი ანთარის თუ როკი ოდიშელიას ცხოვრებანი მიმზიდველი თავგადასავლების ჩარჩოთა ტყეობაში დარჩება აწ და მარადის და ის, რაც ჩემი რომანების გმირებს მიეტყვება სულგრძელი შთამომავლობისაგან, გური ოტობაიას — არაფრისდიდებით. სიმართლის თქმა, ბოროტების მხილება და მოზარდი თაობის სწორ გზაზე დაყენება იოლი საქმე როდია, არცრა — უხიფათო, მაგრამ ჩვენ ყოველთვის გაგვახსენდება აღმოსავლური სენტენცია, როცა ერთი ხელმწიფე ლექსის წერას აკრძალავს თავის ქვეყანაში და რანაირად შემუფოთდებიან ვეზირები:

— მეუფევ, შენ ხომ პოეზია მოჰკალი ამ ბრძანებითო.

პოდა, აი, რას უპასუხებს ხელქვეითებს იმპერატორი:

— არა ძვირფასებო, მე ლექსის წერა მოვსპე შემთხვევითი ხალხისათვის, ცრუ პოეტებისთვის, მაგრამ ჭეშმარიტნი უეჭველად შეთხზავენო.

და რადგანაც დაახლოებით მსგავს სიტუაციაში გვიხდება მოღვაწეობა, ჩვენც მზადა ვართ ერთხელ არჩეულ გზას წარბშეუხრელად მივედევნოთ ბოლომდე.“

ამდაგვარია, ჩემი ლიტერატურული პოზიცია ტრიალის მეორე წიგნით, თუმცა ხელმოცარულ კლერკებს თუ დაუფდებთ ყურს, მე შავი სამყაროს აპოლოგეტი გამოვდივარ, ის კი არ უწყიან ბედოვლათებმა, რომ ქრისტიე ცოდვილების, ვნებულთა და წაბორძიკებულთა საშველად მოვლენია კაცობრიობას. მაშ, რატომ მივბაძო მეცივლომეებს, როცა თავს ზემორე ჩაუქრობელი გენია დამნათის?!

ჩვენ მრავალგზის მოვუბრუნდებით აწგავლილ წავარნებს, მეტი თვალსაჩინოებისთვის კვლავაც ამოვატივტივებთ უთვალავჯერ გაცხადებულ პერსონაჟებს, ასე რომ, ჩემს გულდაუჯერებელ შეგირდს ერთსა ვთხოვ — თვინიერად მომპაყროს მზერა, რადგანაც აქ რამდენადმე მოგვიწევს „ცნობიერების ნაკადის“ მეთოდზე დამატებით ყურადღების გამახვილება.

ოთხმოცდაათიანი წლებისთვის გამოცემული ტრიადა „სიცოცხლემისჯილების“ პირველი წიგნის გამოქვეყნების პერიოდში პოლიგრაფიუ-

ლი საშუალებანი ჯერ კიდევ მაღალი ბეჭედით ამოიწურება ჩვენს ეროვნულ სინამდვილეში. ლინოტიპის შესაძლებლობიდან გამომდინარე მე ვერ ვახერხებ „ცნობიერების ნაკადის“ გამოსახატავად რაღაც განსაკუთრებული შრიფტის შემოტანას, და ამ მისიას ფრანგულ ბრჭყალებს, კუთხოვანსაც რომ ეძახიან, მივანდობ, მაგრამ ორიათასის მიწურულის საქართველოში უკვე მეხუთე თაობის კომპიუტერი ზეიმობს, პენტიუმების ცვენაა და პოლიგრაფიულ პრობლემას სწორედ ტექნოკრატიის წინსვლა გადამაჭრევენებს.

დახრილი შრიფტი ამჯერად იმ კუთხოვანი ბრჭყალების მომხსენელია, დიას მისით გადმოცემული ტექსტები ყველგან შეესაბამება გმირის თავში დატრიალებულ, განცდილ ამბავს, მაგრამ როდესაც უშუალოდ „ცნობიერების ნაკადია“ არენაზე, აქ იგი შავად აბზინდება ავაზას ბეწვივით, ანუ გამოკვეთილია ერთი რეალობა: წარსულის ღრმად ჩაჩნევა სულში, ჩაკირვა მეხსიერების კუნჭულებში, და საკმარისია რაიმე მომენტმა (რომლის მსგავსზე ზემორე ვფიქრობთ, საფუძვლიანად გვიმსჯელია) , ოდნავ შეუჩიხინოს ნაცარში გახვეულ ნაღვერდალივით შენახულ სინამდვილეს, რომ ცეცხლიც მსწრაფელ აგიზგიზდება.

„როკი“

ანუ გზა სამშობლოსაკენ

გური თტობაიას — ტრიადა „სიცოცხლემისჯილების“ პირველი წიგნის გამოსვლის შემდეგ მთელი რვა წელიწადი გავიდა. ამ ხნის მანძილზე მწერალმა ლექსების მომცრო კრებულებიდა გამოსცა — „გვიმარა“ და უფრო პუბლიცისტური წერილებით შეახსენებდა მკითხველს თავს. დღეს კი ავტორი წარმოგვიდგა გამომცემლობა „მერანის“ გრიფით დასტამბული მონუმენტური რომანით — „როკი“. თვალშისაცემია წიგნის მაღალი პოლიგრაფიული დონე. გაფორმება ეკუთვნის მხატვარ, ბატონ სპარტაკ ცინცაძეს, ხოლო რედაქტორი ცნობილი კრიტიკოსი, ბატონი გიორგი გაჩეჩილაძეა.

მწერალს ესაუბრება მისი პირველი რომანის რედაქტორი ვახტანგ ხარჩილაძეა.

— გური, თქვენი ტრიადის მეორე წიგნის წაკითხვა პირველთან შედარებით არ გამძნელებია. აქ მეტი სისადავეა და „ცნობიერების ნაკადის“ მეთოდურ ზომიერადაა მოშველიებული. ამასთან, ეს რომანი

მოცულობით ერთიორად აღემატება პირველს. თანაც, ტრიადიის არსიდან გამომდინარე, მთავარ გმირად მოგვევლინა არა ჟინი ანთარის მეორე მემკვიდრე, არამედ სრულიად უცნობი პიროვნება — როკი ოდიშელია. რამ განაპირობა ასეთი მეტამორფოზა?

— ყველაფერს გმირის ხასიათი განსაზღვრავს. „სიცოცხლემსჯილების“ პირველი წიგნის პერსონაჟები ყოველმხრივ ტრავმირებული ხალხია. შეამჩნევდი, როკი ნაწარმოების მიწურულს იწყებს ფიქრს, განსჯას, ხოლო ბონდო ჰალიძონია რომანში შემობიჭებისთანავე გონება შეძრულია. ალბათ, „სირთულე“ და „სისადავე“ აქედან მოდის. ეს მეთოდი ჩემი მოგონილი არ არის. ფოლკნერმა იმით დასაჯა „ხმაური და მძინვარების“ ერთ-ერთი პერსონაჟი ჯისონი, რომ მას წარსულის აღდგენის უნარი წაართვა, რადგან ცხოვრების მანძილზე არასდროს სტკივებია სულიერად, ნიადაგ პრაქტიკოსი იყო, და აქედან გამომდინარე, ადამიანურობის ღვთიური მადლიც მისდღემში არ შეხებია.

როკი ოდიშელია, მართალია, ცხოვრების პირველ მონაკვეთში ქედუხრელია, ძელქვაა, ათასი უბედურების ღირსეულად ამტანი, მაგრამ ჯერ მისი სული არ ათროლებულა შინაგანი ძვრებით. ეს კი, ბოლოს და ბოლოს გაცამტვერებული სიყვარულის მეოხებით ხერხდება. ბოშა გოგონაა მისი მიძინებული ღვთიური ბუნების გამოღვიძების იმპულსი. როკი ოდიშელიაში სწორედ უიღბლო მიჯნურობის ნაყოფია განვლილი საწუთროს ანალიზის მოძალება. მისი უღრეკი სხეული თანდათან იძლევა სიყვარულით, იტვირთება ეროვნული თვითშეგნებით, სიყვარულის შემწეობით შეაქცევს იგი ზურგს კაკუსის ხალხს და მერაბ კოსტავას გვერდით დადგება ღალიძგასთან საჭიროების ჟამს.

როკი ოდიშელია უცნობი არ არის „სიცოცხლემისჯილების“ პირველი წიგნისათვის, ოღონდ თქვენ ნაწარმოების მხოლოდ ნახევარი წაგიკითხავთ; დასრულებულ რომანში, რომელიც სადაც არის დღის ნათელს იხილავს, მას გარკვეული ფუნქცია ეკისრება. ამასთან, ტრიადის მეორე წიგნში როკი ოდიშელიას ამოტივტივებას სხვა ობიექტური რეალობაც განსაზღვრავს. მოგეხსენებათ, „სიცოცხლემისჯილების“ პირველი წიგნის წარმმართველი ძალაა ჟინი ანთარის უმცროსი ვაჟიშვილი — ბონდო ჰალიძონია, ღმერთად გამოზრდილი ყმაწვილი, ჰომუნუკულუსი, სინჯარაში გამოჩეკილი პირმშო და ამდენად, ცხოვრებისათვის უმწიფარი, უმწეო.

„როკის“ მოქმედების დრო ქრონოლოგიურად ემთხვევა უძრავობის პერიოდს, „ბირჟავიკობას“, „ლოთომანიას“, „კანონიერი ქურდის“ ფსიქოლოგიას, ვინაიდან ასეთი ატმოსფერო ნასაზრდოებია უპერსპექტივობიდან, იდეალის უქონლობისგან, დაახლოებით იგივე სიტუაციის-

გან, როგორც ჰემინგუეის ეპოქას მსჭვალავს „დაღუპული თაობის“ სახელდებით. მე მჭირდებოდა ნაწარმოების ისეთი მამოძრავებელი ძალა, რომელიც მთელ შემადგენლობას გაიყოლებდა და ვფიქრობ, არჩევანში არ შემცდარვარ.

როკი ოდიშელია რთული ბიოგრაფიის პიროვნებაა, იშვიათი მთხრობელი ამავდროულად, და ამ მომენტებზე გამიიოლა უძრავობის წლების ნიშანდობლივი ტენდენციები და მიდრეკილებანი ადგილიდან დამეძრა.

შემადგენლობის მგზავრები ჭრელია, ბაზრის გიჟებიდან — ხოთო, ჯოჯო, სპირლო, სირმადან დაწყებული, ფილოსოფოსი მამარდაშვილით დამთავრებული. ჩემთვის უმთავრესი იყო მეპოვნა თხზულების ხერხემალი და როკი ოდიშელის არენაზე გამოჩენასაც ეს იმპულსი ასაზრდოებს.

— საინტერესოა, ნაწარმოებში მთავარ გმირ ქალს ილონა ჰქვია, ხოლო მისადმი მიძღვნილ თავს „ილიონა“, კორექტურაა?

— „ილიონა“ აქ კორექტურა ნამდვილად არ არის. ილონა ჩემთვის რიგითი სახელი როდია. მან უნდა გამოიწვიოს ილიონის, ტროას ასოციაცია. მართალია, ბოშა გოგონას არაფერი სცხია ჰექტორის მრევლისა, მაგრამ ილონა ილიონივით დანგრეულია სიყვარულისგან, თანაც ისე რომ, ამ გაცამტვერებაში მთავარ გმირს ბრალი არანაირი მიუძღვის.

— ნაწარმოების მანძილზე თქვენ უხვად იყენებთ ისტორიულ მასალას წმინდა გიორგიზე, ცოტნეზე, თავადი ჭილაძის გაყიდულ 12 მღვდელზე. ზონებისა და ციხეების ამბები პროტოტიპის მოწოდებული რომ ყოფილა, შესავალ წერილში გიწერიათ. აქვე თამამად შემოგყავთ რეალური პიროვნებები: მერაბ მამარდაშვილი, ვლადიმერ ჩუბინიძე, გივი ალაზნისპირელი, ეპისკოპოსი იოანე-იონა (მურთაზ ჩახავა), გიორგი მაზიაშვილი... თავიანთი ფილოსოფიით. რატომ, რა მიზნით, სად რჩება მწერლისთვის ადგილი?

— ისტორიულ მასალას დიახაც მივმართე „როკში“, მაგრამ ყოველთვის — ავტორისეული ინტერპრეტაციებით. სიცხადისათვის ლამბერტი ჭრონიკის დონეზე გვაწვდის თავადი ჭილაძის მიერ ყურსალებისთვის 12 მღვდლის მიყიდვის ამბავს. მე კი ამ იშვიათი ფაქტის გასაშლელად მთელი საგა შევთხზე პაპანწყვილის სინდრომზე. ასეთი ადგილი მართლაც არსებობს ხობის რაიონში, რომელიც „ჩაძირული მღვდლის“ სახელით ითარგმნება. ჰოდა, სარკასტული იუმორითა და ტრაგედიით დავხატე გადაგვარებული ჩვენი წინაპრები — გამყიდველებიცა და გაყიდულებიც; მანკიერია ორივე.

ისტორიული თემები ჩემთვის საშუალებაა მხოლოდ დღევანდლობის გადმოსაცემად. ისტორიულ წიადში თხრობის გადატანა მე არ მემარჯვება, უკეთ არ ეთანაწყობა ჩემს სულს, ხელოვნურობის დამლა აზის: მეოცე საუკუნიდან გაცოცხლებული დავით აღმაშენებელი სუბიექტური იქნება მაინც, რანაირი გულსყურითაც ჩავუღრმავდეთ იმდროინდელ ვითარებას; ამიტომაც მირჩევნია ჩემი ეპოქის მემატიანე ვიყო.

— მაინც ვინ არის თქვენთვის მე-20 საუკუნის მიწურულის საქართველოს სინამდვილიდან იდეალი, მერაბ კოსტავა? ზვიად გამსახურდია? ელუარდ შევარდნაძე? ეს სახეები რომანში ქვეტექსტებით იკითხება.

— რაც მიწერია, იმას ხელალებით ვერ წავშლი, თუმცა რომანის თავფურცელს ასეთი წინადადებაც ხსნის: „ჩემი თხზულებების საბოლოო იერსახეს, მხოლოდ და მხოლოდ, მათი ავტორის სტიქსის ტალღებთან შეთანამებულა თუ დააზუსტებს“ – მეთქი, ანუ უფრო მარტივად თუ ვიტყვი, სანამ პირში სული მიდგას, უფლებას ვიტოვებ, ჩემს ნაწარმოებებში ზოგი რამ შევცვალო-მეთქი. მეოცე საუკუნის მიწურულის საქართველოს უფრო დიდი პიროვნებანი არ ჰყოლია, ვინემ ზვიად გამსახურდიაა და ელუარდ შევარდნაძე.

მიწერალი მიუმხრობლად უნდა ასახავდეს სინამდვილეს, როგორც „რუსული რევოლუციის სარკეს“ — ტოლსტოის ემარჯვებოდა, მაგრამ არც ფილოსოფიის შეგონება უნდა დაგვავიწყდეს, როცა მოგვიწოდებს: **ჩვენ გვირი უნდა ვქერწოთ, არა როგორც არის, არამედ როგორც უნდა იყოს.** და მეც, ცხადია, დასახელებული პრინციპიდან მივუდექი ამ ორ, ურთიერთგამომრიცხველ და ურთიერთგანმსაზღვრებელ უმბერაზ პიროვნებას.

ლიტერატურულ გმირებთან მათ შედარებას თუ გარისკავ, ზვიად გამსახურდია პირწავრდნილი აქილევსია, ტროას ათწლიანი ომის გმირი, რომელსაც თანგავს ბრისეიდას წავგვრით მოყვნიებული ჰრილობა, შელახული თავმოყვარეობა; ფეხმარდია თეტიდას ძე, ომში შეუპოვარი, მეგობრისთვის თავდადებული და მაინც — სწორხაზოვანი. ხოლო ელუარდ შევარდაძე დიახაც ოდისევსის ანალოგია, გამჭრიახი, გველის გონების, დამთბობიც და შემტევიც, პოლიტიკოსისთვის აუცილებელი ცბიერებით აღჭურვილი, გილიმის და ნიადაგს გაცლის, გტუქსავს და ჭაობიდან ამოგწევს, აფურთხებენ და ხერხემლად გასახელებს.

პოლიტიკოსადაც ისე იბადებიან თურმე, როგორც პოეტად, ფილოსოფოსად;

ტრიალის მეორე წიგნში „როკი“ მე ბატონ ელუარდს დიდი ვეზი-

რი ვუწოდე — მოსკოვს საქართველოს განსათავისუფლებლად წარმართული, ივო ანდრიის სოკოლის მსგავსად. მართლაც იშვიათი დამთხვევაა. დრინის ხიდის აღმშენებელი ვიშიაგარდელი ბიჭუნა სოკოლი, რომელსაც თურქები დაატყვევებენ, დიდი ვეზირის უფლებამოსილებით უბრუნდება სამშობლოს, რათა მუსულმანურ და ქრისტიანულ სამყაროს შორის გასდოს ადამიანური ურთიერთობის ხიდი. მრავალი პატრიოტი ეწინააღმდეგება ამ განზრახვას რადისევის თამალობით, მაგრამ ისტორიულ აუცილებლობას წინ ველარაფერი დაუდგება — ხიდი უნდა გაიდოს აღმსარებლობით განსხვავებულ ორ მრევლს შორის, ქრისტიანებსა და მუსულმანებს შორის, რომლებიც აქამდე უმეცრებით ხოცავენ ერთმანეთს.

დიახ, ვიშეგრადელი სოკოლი, აწ თურქეთის ხალიფატის დიდი ვეზირი, ორ ურთიერთგამომრიცხავ სიდიდეს გადაანაკვავს ერთურთს დრინის ხიდის აგებით, შეუთავსებელს შეათავსებს და დამეთანხმებით, სასწაულებრივი დამთხვევაა თუნდაც გვარის თვალსაზრისით, რომ არაფერი ვთქვათ თანამდებობრივ ანალოგიაზე, იგულისხმება საბჭოეთის საგარეო საქმეთა მინისტრობა, როდესაც ორად გათიშულ მსოფლიოს, კაპიტალისტურ და სოციალისტურ დედამიწას თანამშრომლობის უჩინარი ხილით შეკრავს, რომელიც ფაქტობრივად ბერლინის კედლის აღებას მოჰყვება.

მომავლის მწერლები, ალბათ, მეტი სიცხადით წარმოაჩენენ ამ პიროვნებებს. ბოლოს და ბოლოს, იულიუს კეისარს რუბიკონის გადალახვის გამო წაუყრუებს მიუტევებელი რომაელი. ესეც რომ არა, ამ ორი ინდივიდუუმის განჭვრეტისას კოსმოგონიურ პრობლემატიკასთან გვიხდება დაჯახება, როგორცაა: ეროვნული და კოსმოპოლიტური მსოფლგანცდა, მშობლიური და ზოგადსაკაცობრიო.

კი, დიდია პატროფილური სულისკვეთება. საკუთარი ჯიშ-ჯილაგისთვის სულის მსხვერპლად გაღება, მაგრამ ვთქვათ, და რომელი-ღაცა კუნძულის გაუწირველად დედამიწის ბედ-იღბალი სასწორზე შეგდებულა, როგორ მოიქცეს იმპერატორი, მეუფე? შეინარჩუნოს კუნძული და დალუპოს დედამიწა, რომელიც საბოლოო ჯამში ამ კუნძულის განადგურებასაც მოასწავებს, თუ ზოგადს უმსხვერპლოს კონკრეტული?!

ეს ურთულესზე ურთულესი საკითხია ზნეობრივ, ფილოსოფიურ ჭრილში, და თუ ამისთანა დილემის წინაშე დააყენებ პერსონაჟს, ვთქვათ და მან გარკვეული მოსაზრებით ნაწილს მთელის ინტერესები ამჯობინა, მისივე მოღალატის იარაღის მიაკერებენ, ან კიდევ მასონს უწოდე-

ბენ, მაგრამ ისიც რეალობაა, რომ ისტორიული გამოცდილებით დიდი ადამიანები ალტერნატიული ვითარების პირობებში ორ ბოროტებას შორის უმცირესს ირჩევენ.

მწერალი ვალდებულია ვულგარულ-ზედაპირული ამბლებულის კატეგორიამდე აიტაცოს, გნებავთ ობიექტური სინამდვილე მწირი იყოს საამისოდ. მოკლედ, ბატონო, ვახტანგ, ჩვენი საუკუნის სასრულის საქართველოს ნამდვილად არ მოეპოვება უფრო დიდი პიროვნებანი, როგორც ზვიად გამსახურდია და ედუარდ შევარდნაძეა.

— ზემოთ ლალიძგა ახსენეთ. თქვენ რომანში მთელი სიგრძე-სიგანით არის წარმოჩენილი ქართულ-აფხაზური ტრადიციები, ძუძუმტეობის მადლი, ძმადნაფიცობა. დაუვიწყარი სახეა როკი ოდიშელის მორდუ — ვერა მარშანია. რატომ შემოგაქვთ რომანში ასე უხვად აფხაზური თემატიკა?

— ჯერ ერთი, წარმოშობით აფხაზეთიდან ვარ, საბედინაოდან, ოტობანიდან. მე რე და, რა ფასი ექნებოდა ქართველი კაცის, კოლხის საწუთროს აფხაზის ცხოვრების გაუთვალისწინებლად? ვერა მარშანიას სახე კრებსითია, ნამდვილი დედის სახე. მორდუ მარშანიას გვართ იმიტომაც წარმოვაჩინე, რომ დღეს იმ ბედკრულ აფხაზებსაც უკეთესი პიროვნება არა ჰყავთ, ვინემ ლორიკ მარშანიაა. ჩემი სიტყვების სისწორეს მომავალი დაადასტურებს. აფხაზი და კოლხი, აფხაზი და მეგრელი, აფხაზი და ქართველი, ერთი ხის ორი ტოტია, რომლებიც საერთო მიწით საზრდოობდნენ, საერთო მზით სულდგმულობდნენ და საკუთარი თავისაგან გაქცევა ჯერეთ ვერავის მოუხერხებია ცისქვეშეთში, ჩვენ რომ შევძლოთ.

სხვათა შორის, თუ შევინიშნავთ, ბატონი კონსტანტინე გამსახურდიას „მთვარის მოტაცებაში“ აფხაზები გამუდმებით საქართველოსკენ ილტვიან. ყოველთვის აქეთ გადმოლაზავენ ენგურს, სულმუდამ ოდიშში ტრიალებენ; მისოუსტი თარაშ ემუხვარი, ის კაცია, რომლის გვარმა და ჯიშ-ჯილაგმა უკან დახევა არ იცის საქართველოსკენ სწრაფვაში, მაგრამ იმპერია საუკუნის მანძილზე იმდენად შეცვლის აფხაზი ერის ფსიქიკას, რომ ასოთხმოცი გრადუსით შეაციბრუტებს მათ ორიენტაციას და საუკუნის დამდეგს აფხაზები თავგადაკლულნი რომ ებრძვიან ენგურის გავრეშულ ტალღებს ქართული ცნობიერებისკენ გამოსაღწევად, ასწლეულის მიწურულს დალიძგასთან ჩასაფრებულან ოდესლაც ძუძუმტეების შესამუსრად, იმავე ნათელ-მირონის შესაოკებლად, რომლებიც იარაღით ხელში იბრძვიან სამშობლოს ტერიტორიული მთლიანობის დასაცავად.

ტრიადის მეორე წიგნი ამით დასრულდება, რათა უფრო დაძაგრული და შემზარავი სინამდვილე მესამისთვის შემოგვენახა“.

„დილის გაზეთი“,
6 მაისი, 1998 წ.

დაკარგული გმირის ძიებაში

ცნობილი ქართველი პოეტი ვახტანგ ხარჩილავა გური ოტობაიას შემოქმედების ჩინებული მეჭაჷნიკეა. ოთხმოცდაათიან წლებში სწორედ მან ურედაქტორა მწერლის რომან-ტრიადა „სიცოცხლემისჯილების“ პირველ წიგნს.

რამდენიმე თვის წინათ „დილის გაზეთმა“ გამოაქვეყნა მისი ვრცელი ინტერვიუ გური ოტობაიასთან ახალი რომანის გამოსვლასთან დაკავშირებით.

ამჯერად გთავაზობთ ვახტანგ ხარჩილავას მორიგ პუბლიკაციას რომანზე „როკი“, რომელიც ერთგვარი გზამკვლევი იქნება ფართო მკითხველისთვის გური ოტობაიას შემოქმედების თავისებურებათა გასააზრებლად.

— გმირი დაკარგე, გმირი დაკარგე, — ამ სიტყვებით შეშლილივით დარბის ქ. ზუგდიდის სასტუმრო „ოდიშის“ დერეფანში გური ოტობაიას ახალი რომანის („როკის“), ერთ-ერთი პერსონაჷი კვეკვე ანთარია და მისი თანამეცხედრე თუ სასტუმროს პერსონალი დაფეთებული ეძებენ დაფანტულ ფურცლებს მაგიდის, საწოლის ქვეშ, სანაგვე ყუთსა თუ სხვაგან; ყველას ჰგონია საუბარი ეხება ნაწარმოებს, როცა პასაჷი რეალურია — დაკარგულია რომანის გმირი. დიახ, გური ოტობაიას ტრიადა „სიცოცხლემისჯილების“ პირველი-მეორე წიგნები საბჭოეთის სივრცეში დაკარგული გმირების ძიებას ეძღვნება არსებითად, მაგრამ მოლით, ჶერ თავად თხზულების არსში გავერკვეთ რამდენადმე.

როკი ოდიშელია, ერთი გულმართალი ყმაწვილკაცია, რომელიც თავს მოარიდებს საბჭოთა არმიის რიგებში სამსახურს და სამი წლის მიმალვის შემდეგ საკუთარ ოჯახში ატყევებენ. როკი ოდიშელია ფენომენტური მესხიერების პიროვნებაა, რომელსაც „ვეფხისტყაოსანი“ რამდენიმე ენაზე ზეპირად უსწავლია, მაგრამ უფრო მთავარი ძაკა ბაბუასაგან ბოძებული მისი ცხოვრებისეული კრედლა: ერთს ემხრობი? ათს იმდურებ, მაგრამ თუკი ის ერთი ღირსია თანადგომისა, არ უნდა მოერიდო გნებავეს ათასის განაწყენებასო. ამ შეგონებას როკი ოდიშელია ბოლომდე ერთგულობს, თუმცა ცხოვრება მას ისეთ განსაცდელს განუმზადებს, ბოლოს და ბოლოს ვალდებულია სწორი პასუხი გასცეს კონკრეტულად წამოჭრილ დილემას — „ჰო“ თუ „არა“, ანუ მიჰყავს

წუთისოფლის დინებას, იყოს ჩვეულებრივი მოკვდავი, იარსებოს და-
ნარჩენივით კუჭისათვის თუ წინ აღუდგეს ბოროტებას და სიცოცხლის
ფასადაც რომ დაუჯდეს, ქედი არ მოუხაროს კაცობრიობის დაუძინე-
ბელ მტერს — მაცილს, ბელზებელს, ურჩხულს ფართო გაგებით:

სონეტი როკის

„კლდის წვერზე ვდგევარ, დამეხილი, ვეება როკი.
დაკორძებული, უფოთლებო, ბორჯალებს ვმწყემსავ.
ქარბორიაყებს იანვარში ტოტებით ვგმანავ.
დავტოვე ტყე და ელჭექისკენ წამოვხრიოკდი.

უკუნეთ დამით გველეშაპის იწყება ზღაზნვა.
შემომეხვევა. გადამბრჭყალავს, ბოძალით ვმსჭვალავ.
როგორც ინათებს — ყავ-ყორნებით ნაბლებს მოვიქსოვ.
აწმეცრემლება — მტერს ყველა გზა გადავუმუსრე.

თაკარა დღეში თავის ოფლი ჩამსდის ტერფამდი.
ენატრულვო მყაროს, აღარ მსტუმრობს ზღვაური მგზავრი.
მივლულავ თვალებს — წამოზვირთდეს იქნებ სიზმარი.

მაგრამ ძილის ცა ვარკვლავების ქაცვით ავსილა,
გამაჟრიალებს: ჯერ არვინ ჩანს თვალსაწიერზე.
შეღამებამდე მამულს ქედი რომ მოუგრიხოს“.

ბჭკარედული თარგმანი სონეტისა „როკი“ სულიერი კომპასია
ოდიშელისა გაორებული ბუნების გრადაციის გზაზე სიბნელიდან
სინათლისკენ, კოსმოპოლიტობიდან პატროფილობისაკენ.

რომანი „როკის“ ქარგა არ ცნობს არქიტექტონიკის კლასიკურ
გაგებას ფორმულით: ექსპოზიცია, კვანძი, კულმინაცია, კვანძის გახსნა
და ასე შემდეგ. ერთი სიტყვით, აქ მოქმედება ტრადიციული მიზანდა-
სახულობით როდი ვითარდება, არამედ გონივრულადაა გააზრებული
ე.წ. „წრიული პრინციპი“ და თხრობაც თოთხმეტი წლით ნაპატიმრა-
ლის გამოთავისუფლებიდან იწყება.

გური ოტობანია ხატავს მართლმსაჯულების ჯურღმულებიდან გა-
მოდწეულ პიროვნებას, რომელსაც ვერანაირი ზეწოლა გატეხავს,
ყველგან, ყოველთვის ჭირთათმენით გაუძლებს ექსპერიმენტული ზონე-
ბის თუ სამამულო ცხრაკლიტულების ჯუნგლურ კანონებს და როცა

„ჩიტვით თავისუფალს“ არჩევანი დაუდგება, თუ ვისთან ჩაუშვას ღუზა, ვის მიაყრდნოს თავი, აბსოლუტური გაურკვევლობის წინაშე აღმოჩნდება: ზონებში ყოფნისას როკი ოდიშელია გარკვეულწილად თანაუგრძნობს ქურდული გაგების კლანს, ვინაიდან სატუჟსალოში ამ კასტას ალტერნატივა არ გააჩნია, მაგრამ გარეთ გამოსული კვლავაც ეჯახება რეალური ცხოვრების უჩინარ კედლებს, რომელიც არაფრით განსხვავდება საპყრობილესგან და მერამდენედ დაეუფლება ყოყმანი მის სულს: რა არის მთავარი ფასეულობა, რისთვისაც სიცოცხლის დაუფიქრებლად გაწირვა ღირდეს?!

აქ გარკვეული პარალელის გაღება შეიძლება „დათა თუთაშხიას“ პასაჟებთან, როდესაც თბილისში ჩამოსულ არზნევ მუსკიას ზნეობრივ სასამართლოს მოუწყოებს გრაფი სეგედი, მაგრამ თემატიკის ნათესაობა არახალია ლიტერატურაში, მთავარი — მიზანია და ვინაიდან როკი ოდიშელის მოწოდება ჰემმარიტების დადგენაა საერთოდ, იგი დახარბებით ეწაფება დედაქალაქის ინტელექტუალურ მონაპოვრებს.

ქურდებს სამშობლო არ გააჩნიათ. ასეთია ცხოვრების ლოგიკა. ციხის რეალობები არ ცნობს ეთნიკურ თუ რელიგიურ სხვაობებს. იმ ჯოჯოხეთში თითოეული „არესტანტი“ ერთ ტაფაზე იხრაკება, თუმცა, ამავდროულად როკი ოდიშელისთვის მიუღებელია პოლიტპატიმართა აღიარებაც, მათთან კონტაქტები, ვინაიდან მათში იგი ხვალინდელი ხელისუფლების ლიდერს თუ რიგით წევრს აღიქვამს და რადგანაც სამოცდაათწლიანი პარტოკრატიის უსულგულობის მსხვერპლს ჩინებულად შეუგნია გარემომცველი ხელისუფლების დანაშაულებრივი მოღვაწეობა, მყარად ასკვნის: შეუძლებელია მთავრობაში მოვიდეს ხალხის ინტერესების გამომხატველი პარტია თუ ბელადი; ხალხი ცალკეა თავის მარადიულ ტკივილთან, საზოგადოების აღჭურვილი წინამძღოლი კი ფარისევლური დაპირებების წყალობით ამალდება თუ არა გვირგვინამდე, სკიპტრამდე, კვარცხლბეკამდე, მყისვე დაავიწყდება მოსახლეობის გასაჭირი და საკუთარ საცხოვრისს, საარსებო დროსა და სივრცეს გამოდევნებულ ხორცმეტად, ხალხის მტრად გადაქცევა; ამიტომაც ციებინანვით გაურბის პოლიტპატიმრებთან შეხვედრას, იმის შიშით, ქურდულმა მასტებმა ჩემს გამოჩენაზე ვაითუ მხარზე ხელი დაიდონ „პაგონიანის“ ნიშნად.

როკი ოდიშელიამ არ იცის, სად ჩაუშვას ღუზა, ვის ნაპირს მიადგეს, ვის მიაყრდნოს თავი და იგი სრულიად შეგნებულად დაადგება საკუთარი ბილიკების გაწაღდვის გზას, მარტოკაცის, ტრამალის მგლის გზას, ჰემმარიტების დადგენის პროცესში და როცა ყველა კრიტიკიუმი მოსინჯულია, როცა ყველა წიგნთსაცავი გადაფურცლულია, სამყა-

როს მიკროსკოპული თუ ასტრონომიული გაგებით, ჩიხში შესული, წუთისოფლის ლაბირინთში გახლართული პიროვნებისათვის კვლავაც გამოჩნდება ასპარეზი, საკუთარი მეობის დამკვიდრების რეალური შანსი. იგი თავაწეული შეუერთდება ღალიძგასთან აბობოქრებულ თანამემამულეთა სახალხო ლაშქარს, თავაწეული გაეშურება იმ თემშარით, რომელიც სამშობლოს გულისკენ მიემართება. როკი ერთგვარად გადახაზავს ცნობილი ქართველი ფილოსოფოსის, მერაბ მამარდაშვილის სილოგიზმს, რომ თითქოს ჭეშმარიტება სამშობლოზე მაღალია; ერთხელ და სამუდამოდ ირწმუნებს — ჭეშმარიტების გასაღები სწორედაც რომ მამულიშვილური იდეალების განხორციელებაა, რომელიც ზოგადსაკაცობრიო ფასეულობათა საფუძველთა საფუძველია, და აქ, ცხადია, ოდიშელია გადალახავს ქართულ ცნობიერებაში ჩიხში შეყვანილ დოქტრინას ადამიანის დანიშნულების თაობაზე. იგი ნათლად დაისახავს მომავლის პერსპექტივებს, თუმცა, ორ კედელს შორის მომწყვდეული ინდივიდი, „ჰოსა“ და „არას“ შორის მოყოფნა პიროვნება შეძლებს კი, მამულიშვილური საქმეების განხორციელებას, ერის ტკივილების მესვეურობას?!

სამშობლოს აღიარებით, პატროფილური იმპულსების წინ წამოწევით, როკი ოდიშელიამ ფაქტობრივად ზურგს შეაქცევს კაკუსის ხალხს, დანაშაულებრივ სამყაროს, მაგრამ საკითხი ბოლომდე გამოკვეთილი ვერ არის. ზურგ შექცევა როდი ნიშნავს მის მეობაში წლობით დაღეჭილი მსოფლმხედველობისგან განთავისუფლებას და რადგანაც ამ ბუნიობის პერიოდში დასმულია ნაწარმოებისთვის წერტილი, მისახვედრია, რომ დაკარგული გმირის ძიება ტრიალის მესამე წიგნში კვლავაც გაგრძელდება.

გეხსომებათ, „სიცოცხლემისჯილების“ პირველი წიგნის სამოქმედო დრო საუკუნის გარიჟრაჟიდან მოყოლებული, სამოცდაათიან წლებს მოიცავს, კონკრეტულად 1972 წელს (საიდანაც აითვლება „როკის“ ქრონომეტრაჟი), ანუ პერიოდს, რომელიც პროლეტარიატის დიქტატურის აღზევებას ემთხვევა და აქედან გამომდინარე, ევროპაში განსწავლული ჟინი ანთარი (გიორგი ანთარია), გაემიჯნება ხალხს, რადგან მისთვის სამშობლო სივრცე — კუნძული შამგონა, ოდაბადესაც რომ ეძახის, სიზიფეს მუშაკობად წარმოჩინდება გარდაქმნის თვალთახედვით.

ჟინი ანთარი და მისი უკანონო მემკვიდრე ბონდო ჰალიძონია ვერ წაადგებიან ორიენტაციადაკარგულ მამულს წინამძღოლებად, მიუხედავად იმისა, რომ მამა წარმართული ღვთაების ბადალი პიროვნებაა, ხოლო შვილი — ქრისტეს ტყუპისცალი, ადამიანთათვის სა-

სიკეთოდ მოვლენილი, თუმცა ორივე ღვარძლში გადაადებული ჯანსაღი თესლია მაცხოვრისეული შეგონების პერიფრაზით, რომელსაც გახარება არ უწერია.

ტრიადის პირველი წიგნი მიკროსკოპულად ჩასჩერებია სამყაროსეულ პრობლემებს, საზოგადოებისა და ინდივიდუუმის ურთიერთთანაარსებობის საკითხებს, სადაც პიროვნების სახე, „მე“ წაშლილია, ათქვეფილია ზოგადში; მთელი ისაკუთრებს ნაწილს და გასაქანს არ აძლევს მის ინდივიდუალობას — რაღაცნაირად გამოეყოს მომაკვდინებელ კრებითობას. მოკლედ, ტრიადის პირველი წიგნით ვერ შედგება ერის და გმირის ერთი მიზანსწრაფულობით მსვლელობა, სწრაფვა.

იგივე ვითარებაა მეორესთანაც. მართალია, ოდიშელია ჟინი ანთარის შეგირდია, მაგრამ ყმაწვილობის შემდეგ მის სულს გარკვეული პერიოდი წლების მანძილზე სხვა ოსტატები აწრთობენ და აქაც გაითიშება ხალხი და ინდივიდი, აქაც ვერ შედგება საზოგადოებისა და პიროვნების ერთიანობა.

ყოველივეს გათვალისწინებით სავარაუდოა, რომ ტრიადის მესამე წიგნში, უკვე ხალხს ჭეშმარიტი ქანაანისკენ ვერ წარუძღვებიან ორჯონიკიძეები, თუთაბერები, არავიძეები თუ ოცდაათ ვერცხლად მოსყიდული იუდანი, ვინაიდან დასახელებულ რომანებში პოტენციური გმირები — ბონდო ჰალიძონია, როკი ოდიშელია, — უსარგებლო ნიადაგში მოსროლილი თესლია, ჯანსაღი, თუმცა უპერსპექტივო.

მოკლედ, ტრიადის პირველი-მეორე წიგნებით ერგასწელი ვერ მოხერხდება ტაძრისაკენ მიმავალი გზიდან აცდენილი ერისა და პოტენციური გმირების გაერთსხეულება. მოსალოდნელია, რომ გური ოტობაია ბოლოს და ბოლოს იპოვის ასეთ ფენომენს ტრიადის დამავირგვინებელ ფაზაში, მაგრამ ჭერჭერობით ყოველივე აბსტრაქციის სფეროა, აისბერგის დაფარული მხარე, წარმოსახვითა რომ აღიქმება.

ასეთია გური ოტობაიას მიზანდასახულობა თავისი მონუმენტური ტრიადის განზორციელების გზაზე. ეს ჩანაფიქრი „როკის“ მეშვეობით გაცილებით ხელმისაწვდომი ხდება.

ახლა თავად ნაწარმოების არქიტექტონიკისა და სხვა აქსესუარების შესახებ.

„როკი“ ვრცელტანიანი რომანია, 56 ნაბეჭდი თაბახი. თვალშისაცემია მწერლის ოსტატობა, ფრაზის სიმსუბუქე, ენის სისადავე, სხარტი და ტევადი სტილი;

ამასთან ერთად, შესამჩნევია თხზულების აშენების არატრადიციული ხერხი. აქ, როგორც ზემოთ აღვნიშნეთ, უკუგდებულია მოქმედების განვითარების აქამდე დამკვიდრებული მოდელი: ნაწარმოები აგე-

ბულია ასოციაციურ და „ცნობიერების ნაკადის“ მეთოდებზე, სადაც მსგავსი სიტუაცია აღადგენს გმირის მიერ უკვე გარდახდილ წარსულს, თანაც იმდენად ექსპრესიულად ენაცვლება ცხოვრებისა და საპატიმროების სურათები, იქმნება გაუბზარავი, მთლიანი ხატი, რომლის მიხედვით დანაშაული აბსოლუტურია, სიკეთე კი — უზნეობის არტახებით შეკრული.

ბუნებრივია, წერილის მიზანს არ შეადგენს რომანის ქრონოლოგიური მიმოხილვა, ამას მკითხველიც მშვენივრად გაართმევს თავს, მაგრამ ისიც აღსანიშნავია, რომ „როკი“ ახლებურად წარმოაჩენს მარადმშვენიერი სიყვარულის თემას, რომელიც ლაიტმოტივად გასდევს მთელს თხზულებას და ბოშა გოგონა — ილონა, მიუღებელი რომ არის კოლხური ოჯახისათვის, სიწმინდისა და სინათლის მომნიჭებელ ძალად ქცეულა ჭეშმარიტების მაძიებელი ოდიშელიასთვის.

განსაკუთრებით ყურადღებას იმსახურებს აფხაზურ-ქართული ურთიერთობანი, ჩვენი ტრადიციული ძუძუმტეობის მადლი. სულისშემძვრელია აფხაზი დედის — ვერა მარშანიას სახე, რომელიც ვეფხისა და მოყმის ბალადის ტოლფასი ფენომენია რომანში და თავისი სამართლიანობით ათრთოლებს მკითხველთა გრძნობას. მოვიშველიებთ ფრაგმენტს მორდუს წერილიდან:

„...ამ მკერდით გამიზრდინარ და იმიტომ მაქვს დიდი გული შენთან. იცი, შვილებისგან გამორჩეული არ მყავხარ და მადლობა უფაღს, გარჯა შენთან მაინც არ დამკარგვია. კი, გული დამწყვიტე, პამპალვაქივით რომ მიმატოვე იქ. შეუკის თავში, მაგრამ ახლა რომ გუფიქრდები, შენ ყველაფერში ცამდე მართალი ყოფილხარ. მე ტირილი მოვათავკე, დავრწმუნდი, დედაშვილობა მართო გაჩენით არ თქმულა. ნაკვერჩხლებივით მეყრებოდა ხელებზე შენი ცრემლები და გამიგებ, ალბათ, შინ რანაირი გუნება-განწყობილებით მივბრუნდებოდი. კიბეე-ბამდე სული როგორდაც მივითანე. საფეხურზე დავეშვი. ბავშვების ტირილი რომ მომესმა, ჩემი გასაჭირი დამავიწყდა. აივნისკენ მივიჩქარი. არის ერთი რიარია. გაუხარელი ალგერი (ოდიშელიას ნაბოლარა ძუძუმტე, ვ.ხ.) თვალების ბრიალით დაშლივინობს და შენს მოტანილ საჩუქრებს აგროვებს. რომ ბრაზობენ უფროსი რძლებია. ლაკობას ქალი გაწკვირინებული ზის (ალვერის მეუღლე, ვ.ხ.) ჩემს კაცს დიდრინი ყურები გადმოუყრია (გეუფიშქანს), (ბარათი მეგრულადაა დაწერილი და ავტორი უთარგმნელ სიტყვებს აქა-იქ მოიშველიებს სტილისტური ხელწერის თუ ექსპრესიის გასაგრძელებლად, ვ.ხ.) არაფერს იტყვის, არც გულამოცლილი დაური და ანატოლი (ვერა მარშანიას უფროსი ვაჟი-

ვილები, როკის ძუძუმტენი და თანასაკნელები წლების მანძილზე პატიმრობაში ყოფნისას, ვ.ხ.) აფუტებენ სივარტს და სხედან თავჩაქინდრულები.

რა, დედაჩემო და ჭიაკოკონა უნდა გავმართოთ, ალვერმა.

რა დროს ჭიაკოკონობაა, შვილო, ოც ივლისამდე ქვეყნის დროამეთქი.

ეს თქვენებურადო, ჩვენებურად კი ჭიაკოკონა მაშინ უნდა გაიმართოს, როცა ოჯახში შურდინაფილი (უხსენებელი, ვ.ხ.) შემოვივავო. გოგირდს უნდა მოუკიდო და მისი სახსენებელი გადააშენოთ. თავზე დაგვასვარა ყველას და კიდევ იმას ექომავებათ...

ვინ არის ბიჭო შურდინაფილი?! უყურე შენ, როგორ გავიდა თავს?! აქ მოითანე ჩემი ტანსაცმელი, თორემ ხალხს შეგეყრი-მეთქი.

უცებ არ შემაშინოთ, იმან. იღლია გამოტენილი აქვს საკაბეში მოქუნებული ჭინჭებით. ბავშვებისთვის ნამცხვრები, თოჯინები და კანფეტებიც კი გამოუდღღეზია. სამბორბლიანი ველთსიბედიც აუღია...”

დედა-შვილს შორის ჭიდილი იმართება. მორღუ ცდილობს ვაჟს როკის ჩამოტანილი საჩუქრები წაართვას, მაგრამ ამაოდ, წაუჭიკავებს მემკვიდრე და კედელს მიანარცხებს.

„... ბეჩა, ეს რა მუცლის გვრემა გამიჩინია?! იცოდე, ჩემს დაჩაგვრას როკი არ გაპატიებს-მეთქი.

თვალეები დამიბრიალა.

მაგის დაშინებული შენიალებში მოიკითხეო. შეხედეთ, შეხედეთ, შვილობილით არ გვემუქრება ღვიძლ შვილებსო? როკის გულისთვის სამივეს უფსკრულში გადაგვიძახებსო. თავისიანებით აავსო სახლი. ქართული წიგნების კითხვას შეგვაკლა. დროზე რომ არ დაეპატიმრებინათ, ადას საქმროდ ჰყავდა გამზადებული. ჩაისიძებდა და ოდიშელებსაც თავზე დაგვაჯენდაო...”

ბოლოს და ბოლოს ალვერი ჭიშკართან დაყრის როკის ჩამოტანილ საჩუქრებს, ბენზინს გადაასხამს და ააბრიალებს. ბოლოს, ოჯახის უფროსიც წავა შეილისკენ და როკის ნაჩუქარ ჩიბუხსაც რომმეუყვეთებს იმ კოცონს, ვერა მარშანია სასოწარკვეთით აკივლდება. რძლები აუბანებენ და უკვე მორღუს შეჩერება არავის შეუძლია. ფეხშიველა დასტოვებს ნაჯაფარ ოჯახს.

„... მეზობლები გარს გვეხვევიან (ეკმაგვარგავსუნა).

ვერა, დაწყნარდი, ცხელ გულზე მოუვიდა, აპატიე, შენს საგვე ოჯახს ვის უტოვებო.

**ბომბა დაცემოდეს კაცის სიკეთითი-მეთქი. ზურგზე ხომ არ მკი-
დია, დედის წყევლა კარგი თუა, მაგასაც ვნახავ-მეთქი.**

პირზე ხელს მაფარებენ.

**მთელს ქვეყანაზე გამოვაჭენებ. სახლი მუსულმანების სასტუმროდ
და იარაღის საწყობად რომ გადაამიქცია...“**

კონფლიქტის მთავარი ძარღვიც აქ იმალება. ცხრა აპრილით
სულშეძრული როკი, როგორც კი შეიტყობს, რომ ძუძუმტეებს ქარ-
თველების ცილისწამებლური წერილისთვის მოუწერიათ ხელი, ალალ-
მართლად მორთმეულ სუფრას ლუკმის გაუტეხავად გაეცლება, რად-
განაც ყოველივე ფარისევლობად მიაჩნია. როგორია, დანას ყელში გის-
ვამდნენ და თანაც მადიანად გააპურებდნენ?! აქ უმთავრესი დამნაშავე
მუსულმანური ორიენტაციის ნაბოლარა ალვერია, იგი თვითნებურად
მოაწერს ხელს მთელი ოჯახის მაგივრად, მაგრამ როკი მომთხვვნია,
ბრალს სდებს მორღუს, რისთვის არ გამოასწორეთ შეცდომა, რატომ
არ ამხილეთ ალვერი, რომ დანარჩენებს ხელი არ მოგიწერიათო და ვე-
რა მარშანია მართლაც ასრულებს მორღილის, ადამიანურ, კაცთმოყ-
ვარობით ნასაზრდოებ მითითებას.

**„... „ლიხინის წერილი“, რომელიც ფაქტობრივად ორი მოძმე ერის
დაპირისპირების სამარცხვინო დოკუმენტია, ყალბია ხელმოწერების რა-
ოდენობის თვალსაზრისით. ოცდათორმეტი ათასი აფხაზი ნამდვილად
ასე რომ არ ფიქრობდეს, ამას ჩემი ოჯახის მაგალითითაც დავადას-
ტურებ. იმ წერილისთვის ჩემი უმცროსი ვაჟიშვილის, ალვერ ინალის
ძე ავიძბას მეტს ხელი არაფის მოუწერია. ხელი არ მომიწერია მე, ვერა
მარშანია-ავიძბას; ხელი არ მოუწერია ჩემს ქმარს, ინალ ჰაკის ძე ა-
ვიძბას, თუმცა კი თანაურმონობს იმ წერილის პათოსს; ხელი არ მოუ-
წერია უმცროს როძალს დალი ლაკობა-ავიძბას, მიუხედავად იმისა, რომ
ღერწამივით ირყევა ომსა და მშვიდობას შორის; ხელი არ მოუწე-
რია ჩემს უფროს ვაჟიშვილებს ანატოლ და დაურ ავიძბებს, არც მათ
მეუღლეებს — ქეთი ანნაბაძე-ავიძბას და ციურ აბაშია-ავიძბას. გამო-
დის რომ რეასულიანი ჩვენი ოჯახიდან მხოლოდ ერთი ხელმოწერაა
ნამდვილი, დანარჩენი შვიდი — ყალბი“.**

ვერა მარშანიას ბუნებრივი კილო იცვლება სამიტინგო ენით, მაგ-
რამ მთავარი ის არის, რომ ექსტრემისტი შვილი მხილებულია და რო-
დესაც ქართულ-აფხაზური დაჯახების შემდეგ ეს უკანასკნელი დაჭრი-
ლია, უბედური დედა ყველაფერს გადაივიწყებს. მუხლებაკანკალებული
მოეშურება საავადმყოფოსკენ. ნაბიჯს წადგამს პირმშოსაკენ და ამ
დროს:

„ — ჩემი აღსასრულის სანახაგად მოხვედი, ხომ?! „შპიონი! შპიონი! აჰა, დასტები, არ მინდა შენი დაყვედურებული სისხლი, — აყვირდა უცებ და გაფითრებული მარჯვენით წვეთოვანი მოიგლიჯა. მკერდზე შემოქერილ სახვევს ებრდღვნა, — დასტები, ხომ გამოვუშვი-

გაოგნებულ ვერა მარშანსეს ლოყაზე ტკაპანით ეცა სისხლის წვეთი, ტყვიასავით ცხელი და მწველი...

კართან შექუჩდნენ... ვერა მარშანიასთვის არავის ეცალა. წელში გაიმართა უცებ. შავი ლენაჟი მოსძვრომოდა ინსტინქტურად. სპეტაკი თბა ჩამოშლოდა სახეზე. სისხლის წვეთს ლოყა ყბამდე გაეხაზა „კატაკალას“ უარყოფითი პერსონაჟის მსგავსად. მანდილი მისრიალეზდა მტვრიან იატაკზე და უსუსურ კვალს სტოვებდა. დასავლეთის წითელი, გარუმბული მზე აღვის ხეთა კენწეროების შუბებზე წამოგებულიყო. ვერა მარშანსეს სხეულს ჯერაც შერჩინოდა უკანასკნელი ამბოხისთვის სამყოფი ძალა, მოხედა ერთი საკუთარი წიადის მკვავზე ნაყოფს და აუმიღვრეულად გადაეშვა ფანჯრიდან.

— მშვიდობით, მორდუ! — ამის თქმაღა მოასწრო უბედურმა დედამ და ასფალტზე შურდულივით დაენარცხა“.

ყველაფერი ნაწარმოების ბოლო აკორდებისკენ ისწრაფვის: როკი ოდიშელიას სულიერი ფორმირება, აფხაზურ-ქართული კონფლიქტის პირველი შედეგები... ნაწარმოებიდანვე ვიგებთ, რომ ოდიშელიას, „ლიმონკებით“ ზიბეგამოტენილს დაუტირია მორდუ, მაგრამ მთავარზე მთავარი ის გახლავთ, რომ დარღვეულია ქართული სულიერების ოდინდელი წონასწორობა, და აქედანვე იღანდება უფრო საშინელი სინამდვილე, რომელიც ტრიადის მესამე წიგნისთვის გადანახულა ჩვენი ვარაუდით.

„როკი“, აღრე თქმულისამებრ, სამოცდაათიან-ოთხმოციანი წლების საქართველოს ვრცელი სოციალური ტილოა, აქვე თხზულება ფართო სპექტრით წარმოაჩენს სამშობლოს, როგორც პრეისტორიულ, ისე — ახლო წარსულის რამდენადმე ცნობილ თუ მივიწყებულ სურათებს, და რაც მთავარია, ჯოისისა არ იყოს, ნაბიჯ-ნაბიჯ, მტკაველ-მტკაველ აცოცხლებს საუკუნოვანი ზუგდიდის სამ თაობას გარეგან-შინაგანი შტრიხებით.

გური ოტობაიას ახალი რომანი „როკი“, რომელიც ამ დღეებში მიიღეს მკითხველებმა, დიდი შენაძენია ქართული სიტყვაკაზმული მწერლობისათვის; დავსძენთ იმასაც, რომ თვალშისაცემია წიგნის პოლიგრაფიული დონე.

იმედია, გური ოტობაიას რომანს კვლავაც გამოეხმაურება ქარ-

თული კრიტიკული აზროვნება. ჩვენ კი საუბარს ვასრულებთ ფრაგ-მენტით ავტორისეული წინასიტყვაობიდან:

„ჩემი თავდაპირველი მიზანი ნაწარმოების არქიტექტონიკურად შეკვრაა რათა. წლების მანძილზე დაგროვილი დიდ-ძალი მასალა „ჩონჩაია პანტერაზე“, ორგანულად შევაჯერო ცოდვა-მადლს შორის მოქცეული ოდიშელიას წინააღმდეგობრივ ხასიათთან.

პანტერაში ბუნებრივად მოცემული სიკეთის საწყისებს ფაქტობრივად ვერ გამოიყენებს სამშობლო, ეს სომ წყალში გადაყრილ ჯილდოს ჰგავს, ენერჯის უაზრო გაფლანგვას?!

უბედურებაა, როდესაც ქვეყანა გენიოს შვილებს უმიზნოდ ჰკარგავს, განუკითხავად იშრიტება წესით მისი აღწევების-თვის შობილი გენოფონდი, მაგრამ ტრაგედიაა მთლად, თუკი პოტენციაში „კარგი ყმის“ ძე ცდომილად გადაქცევის ჰუმუ-სი სიტყვიერებამაც ვერ დააფიქსრია და შთამომავლობისათვის ზარები არ დაარისხა მის ამოსაშანთად...“

16.10.98 წ.

საბა რომი ოდიშელიაზე...

უფრო მეტი საბის უმეძნელზე

და სხვათა შესახებ

გური ოტობაიას „სიცოცხლემისჯილი“* სერიოზულ განაცხადად წარმოგვიდგა თავის დროზე. რომანი ნამდვილად ყურადღების ღირ-სია, აქტუალურიც და მწერლური ენერჯიაც იგრძნობა. თემატიკაც მიმზიდველია, მითიური საწყისების გათანამედროვეობაც წარმატე-ბით განხორციელებული. თუმცა ამჯერად მწერლის მომდევნო რო-მანზე ვისაუბრებთ, რომელიც გაცილებით უფრო ვრცელია, ვრცელ-ზე ვრცელიც კი. რომანს „როკი“ ჰქვია, მთავარი გმირის სახელს ატა-რებს. მთავარი გმირი რეალური პიროვნებაა, გამორჩეული ბედისა და უნარ-თვისებების მქონე. როკი ოდიშელიაზე რომანი რომც არ დაწერილიყო, ზეპირი გადმოცემები მაინც უკვდავყოფდნენ მის უჩ-ვეულო პიროვნებას.

რომანის მთავარი ღერძის დადგენა ძალიან გაჭირდება, მაგრამ ჩე-მეული თვალთახედვით ასე ჩამოვაყალიბებ: უბრალო ზუგდიდური

ოჯახის მკვირცხლი ბიჭუნა ბოშათა ბანაკის ხშირი სტუმარია, ლამის თავისიანი. ბოშების მწვანეთვალემა პატარა დედოფალი როკის გულის დედოფალი ხდება... ეს გრძნობა თავიდანვე განწირულია. რუხის ციხესთან დააშორიშორეს შეყვარებულები და ამიერიდან სათავე დაედო ბიჭის წოწილას ცხოვრების რთულ გზებზე. როკი ოდიშელია ყველაზე ავტორიტეტული პირი ხდება შავ სამყაროში. „ჩორნაია პანტერად“ სახელდებული იმდენ საარაკო საქციელს ჩაიდენს, იმდენ დაბრკოლებათა რკალს გაივლის, რომ საყოველთაო აღტაცების, მოშურნეობის, მიბაძვის, განსჯის საგანი ხდება. რომანის ყველაზე შთამბეჭდავი ფურცლები ციხეებში გატარებულ წლებს ეხება, სადაც ყველაზე ნათლად ჩანს ამა თუ იმ ინდივიდის ნამდვილი სახე. საზარელი საბჭოური ჯოჯოხეთის აღწერა კარგად მოახერხა გური ოტობაიამ, თუმც ეს თავისი თვალით არასოდეს უხილავს.

„როკის“ მთავარი პერსონაჟი მრავალი საყურადღებო ამბის გმირია, ან ბიძგის მიმცემი და განმრიგებელ-მომგვარებელი. უშიშარია, მოქნილი, აღნაგი, ქალების ნებიერი და ახალგაზრდების კერპი. მრავალი უჩვეულო პიროვნებების მნახველი ზუგდიდის ერთ-ერთი კოლორიტული სახე.

როკი ოდიშელია ყოველთვის ინარჩუნებს გამტანობას და გამჭრიახობას, რომელიც ბაბუისა და მამისაგან შეუთვისებია. რომანში დამაჯერებელადაა მოთხრობილი გმირის თვალთახედვაში წლების შემდგომ მომხდარი ცვლილებები, ის მიზეზები, რამაც კორექტივები გამოიწვია. არის ასევე ეროვნულ პრობლემებზე მოულოდნელი გადართვა და ამ გადართვით გამოწვეული სიხარულიც და სიამაყეც. თანაც ეს პროცესი თანდათან, ნაბიჯ-ნაბიჯ იზრდება და საერთო აღიარებით სრულდება. დალიძეასთან როკი ხალხის რჩეული ხდება. მაშინ ის უკვე სცილდება „კერძობით რკალს“ და სახალხო მნიშვნელობას იძენს. ამ რთული პროცესის უფრო ღრმა გააზრება და მიზეზ-შედეგობრივი მხარე ჩვენი სოციალური ყოფის ყველაზე დიდი ამოცანაა, რომელსაც აუცილებლად მივყვართ ფასეულობათა გადაფასებისაკენ.

ასეთია ზოგადი სქემა, მაგრამ არის უთვალავი თანამდევი ეპიზოდის, ჩართვაც, რიტორიკაც, აუცილებლად მისათითებელი გაჭიანურებანიც. პრეტენზიები ავტორის მიმართ მრავალია, თვითონ რომანია ძალიან ვრცელი და შეცდომა-გაზვიადებანიც მოსალოდნელი იყო.

უპირველესი, რაც ავტორს უნდა ვუსაყვედუროთ, მისივე ფუჭი თავგამოდებაა, რომელიც ასეა გადმოცემული: „აქვე ჩემი მწერლური შესაძლებლობანიც მინდოდა მენახვებინა თხზულების გმირის პროტოტიპისათვის, რომელმაც ზედიზედ ოთხ კარცერს აჯობა ფეხზემდგომე-

ლამ ოცგრადუსიან ყიამეთში, ერთი დღე ოთხასი გრამი პურით დანაყრებულმა და მეორე — მშიერმა, აყმუვლებული კუჭით ჰაერში აცურებულმა. მე, როკი ოდიშელიას შემოქმედი, ჩვეული ასკეტიზმით ვუმტკიცებდი, „ჩორნაია პანტერას“, რომ ზემატანობა ყველგან შეიძლება, საკანშია ეს თუ ბელეტრისტიკაში, სიტყვაში ჭიდილში“. უნდა ითქვას, რომ გური ოტობაიამ ეს დანაქადი საქმედ აქცია და შედეგად მივიღეთ ორმოცდაათთაბახიანი რომანი. როკის პროტოტიპმა ალბათ უკვე ირწმუნა ავტორის ასკეტიზმიც და არაჩვეულებრივი ზემატანობაც, მაგრა მკითხველზეც ხომ უნდა ეფიქრათ? მკითხველიც რომ განზე დავტოვოთ, რაოდენობას ხარისხი რატომ უნდა შესწირვოდ?

გური ოტობაია რომანში ხშირად ჩართავს ასოციაციურად ასე თუ ისე გამართლებულ, მაგრამ სტილისტურად აშკარად დამამძიმებელ ამბებს. არც თავისი პირველი რომანის „სიცოცხლემისჯილის“ გმირებს ივიწყებს, მათზეც ვრცლად მსჯელობს. თითქმის ყველა მნიშვნელოვან ეპიზოდში თვითონვე წამყვანი ფიგურა. საბოლოოდ კი რჩება შთაბეჭდილება, რომ ავტორი ავიწროებს და ახრჩობს მთავარ გმირად დასახულ პერსონაჟს.

ერთ-ერთი მაგალითი ავტორის ამგვარი ჩარევისა მატარებლის ეპიზოდია. ციხიდან გამოსულ როკის, რომელსაც წლობით ქალი არ უნახავს, მეგობრები დაამგზავრებენ მშვენიერ ქალიშვილს. კუპეში კი გაშიშვლებული ქალი და როკი ოდიშელია, არც მეტი და არც ნაკლები, კობო აბეს რომანს არჩევენ. ბუნებრივია, ასეთი საუბრისთვის არცერთს არ ეცლებოდა და არც ქალი ჩაიხუტებდა მრავალგზის (როგორც ირკვევა) გადაკითხულ რომანს. არადა, „როკიში“ სწორედ ასეა გადმოცემული და თანაც მშვენიერი, ლიტერატურულად და პროფესიულად მისაღები დასკვნაც არის გამოტანილი: „რომანი ჰქვია და მოთხრობას ჰგავს. — რატომ, განა მოცულობაშია საქმე?!“ მოცულობაში მართო რომ არ არის საქმე, ამას კობო აბეს „ქალი ქვიშაშიც“ აცნაურებს და გური ოტობაიას „როკიც“.

არის ასევე ვრცელი თხრობა გიორგი კაპადოკიელზე. მოყოლილია ქალაქ ლასიაზე, კერპთმსახურ სელინოსზე, გველეშაპზეც და მეფის ასულზე. თხრობა მოგვიანებით კვლავ გრძელდება, სანამ გური ოტობაია არ იტყვის ამას, რაც სინამდვილეში აწუხებს და, საერთოდაც, რისთვისაც გაისარჯა და მოგვაცდინა: „კაპადოკიელო, ძმობილო, უფალმა შენ იქ განგიზადა პირველი გმირობის ასპარეზი. რამდენადაც მახსოვს დეოკლეტიანე მეფემ დაითხოვა ჯარი და შენც ლაზეთიდან (!) გადახვეწილი მშობლებისაკენ მიემურებოდი“.

როკი და კაპადოკიელი თანაბარ ტანჯულებად არის მიჩნეული. რო-

კი ოდიშელია რომ ინტელექტუალი იყოს, მაშინ ეს პომპეზური შედარება ცოტათი უფრო დამაჯერებელი იქნებოდა. ავტორის მთავარი შეცდომა ისაა, რომ საკუთარ აზრებს და განცდებს ახვევს თავს სრულიად სხვა წრის, სხვა განათლების, სხვა კასტის ინტერესების განმასახიერებელ ადამიანს. სწორედ ამიტომ არის დამაჯერებლობას მოკლებული ეს ხელოვნური განცდები, ეს წიგნიერი ფრაზები, ეს მოუზომავი სიტყვაუხვობანი, ეს ზღვარგადასული ნოველური ჩართვები და ა.შ.

კაპადოკიელის ეპიზოდზე უერცესი და კურიოზულია სასტუმრო „საქართველოში“ შემდგარი სუფრა, ამ სუფრაზე გამართული საუბარი და იარაღის ტრიალი. სათავე და საწყისი ამ მოვლენას ათი წლის წინათ დაედო, როცა როკი ოდიშელია საკანში პირს ათი ნომერი ძაფით ამოიკერავს და ფეხებს იატაკზე დაილურსმავს. მისი თანასაკნელები მერაბ მამარდაშვილი, ვლადიმერ ჩუბინიძე, მამა იონა და ჯემალ გეგეჭკორი არიან. ისინი ვერ ამჩნევენ როკის ჯვარზე გაკერის ტოლფას მცდელობას, ვერც მოახლოებულ საშიშროებას და სალონურ საუბარს მართავენ. სრულიად ჩამოაბულბულებენ იონანე-ზოსიმეს „ქებას“ მრავალტანჯულ ტექსტსაც და სხვადასხვა შეხედულებათა დასასაბუთებლად საუკუნის ყველაზე მოსაწყენ „ლექციებს“ ატარებენ.

გური ოტობაიას უნდოდა ჩვენი ინტელიგენციის დაქსაქსულობა ეჩვენებინა და ამით ფონზე საქმის კაცად რიგითი ქართველი ტუსაღიც დაესახა, თუმც იქვე საკმაოდ უპრეცედენტო საქციელს აღწერდა. ეს დიდილოგი აქ რომ დასრულებულიყო, მომავალში არცთუ სახარბიელო მსჯელობანიც არ დაგვჭირდებოდა... მაგრამ ათი წლის შემდეგ როკი ოდიშელიას გაახსენდა თავისი თანასაკნელები, მათი საუბარი და რადგანაც მაშინ მოსასმენად არ ეცალა, გადაწყვიტა ისევ შეეკრიბა ეს საზოგადოება, ისევ მოესმინა მათთვის და დარწმუნებულიყო, საკანში მოსასმენად ღირებული სამშვიდობოზეც შთაბეჭდილებას თუ მოახდენდა. გაიმართა ტრადიციული სუფრა. მამარდაშვილს მოწაფე წარმოადგენდა, დანარჩენებიც მოვიდნენ და ვლადიმერ ჩუბინიძეც ჭეშმარიტებაზე პრეტენზიებს კვლავ განაცხადებს. სხვებიც თავიანთ მოსაზრებებს გამოთქვამენ და სასოწარკვეთილ მანდილოსნებს ატკობობენ ლაოდის, გივი ალაზნისპირელის, შალვა კაჭარავასა და თავიანთი იდეებით. კვეკვე ანთარიაც იქვეა (იგივე ავტორი) და ისიც ვრცლად და ურეგლამენტოდ იჭრება საუბარში.

თუ გსურთ აბსურდის, ცრუმეცნიერული შეხედულებების კოქტიელის ნამდვილი გემო შეიგრძნოთ — ინებეთ: „რა არის იესო?! იეს ინგლისურში, როგორც თანამედროვეში, ისე ძველში თანხმობის, დასტურის მაჩვენებელია. ასევეა რუსული იესტ, გერმანული იესტ, ესენი

ვარიაციებია ყველგან, დიახ, კი, ჰოს მნიშვნელობით. მაგრამ რა უნდა იყოს- ო?! ჰოდა, ბატონებო, აქ არის სწორედ მოხსნილი ის დილემა, რომელიც ხელს უშლიდა ადამიანს აღეჭვა და გაეგო ის, თუ როგორ შეიძლება ერთი რომელიმე არსება, თუნდაც ყოველისშემძლე ღმერთიც კი ფლობდეს აბსოლუტურ, ან ყოველისმომცველ ცოდნას, იგივე აბსოლუტურ ჭეშმარიტებას. ვატყობ, ვერ ვლაპარაკობ მთლად გარკვევით, მაგრამ წიგნით გადმოსაცემი ამბის რამდენიმე წინადადებაში ჩატევა იოლია?!”

ვლადიმერ ჩუბინიძემ მართლაც წიგნად გამოსცა თავისი „ჭეშმარიტება“, მაგრამ გური ოტობაიას შეეძლო საწიგნე ამბავი სასაბუროდ რომანში არც ჩაერთო, ან რეზიუმე მაინც შემოეთავაზებინა. ის კი 761-ე გვერდიდან 810-ე გვერდამდე მსგავსი აზრებით „გვხვბლავს“. იქვე გათამაშდა საკმაოდ უხერხული სცენაც ბავშვის ჩართვითა და შესაძლო სამიზნედ ქცევით.

კვებე ანთარია თვითონ გური ოტობაიაა, რომელიც რომანის აქტიური მოქმედი პერსონაჟია. ზუგდიდის რაიკომის მდივნისათვის კარის აჭედვაში თითხაც დაიზიანებს და ამ ათვალწუნებულ ფუნქციონერს ნამდვილ ომს გამოუტყვადებს. სამაგიეროდ, სხვა კომუნისტი ფუნქციონერი, სპილოდ სახელდებული, გაუნელებელი ალტაცების საგანია რატომღაც. თვისობრივად ერთიც და მეორეც მსგავსნი არიან, მაგრამ პირადი სიმპათიებიც მიეტევენ... ამიტომაც არც იმ ეპიზოდს გავიხსენებთ, ძალღების რეგიონალურ დათვალირებას რომ ეხება.

ერთადერთი, რაშიც გური ოტობაია ზღვარს არ გასცდენია და ზომიერად და მოსაწონი გამოუვიდა — ესაა როკი ოდიშელიასა და ბოშა გოგონას სასიყვარულო თავგადასავალი. ეს მართლაც მშვენიერი თავგადასავალია, ხანგრძლივ მიმდინარე, ჟამიდან-ჟამ ანაკვერცხლებული და რომანტიკული. ასეთი წმინდა და წარმტაცი გრძნობა ნებისმიერ გმირს გააკეთილშობილებს და სევდით აავსებს გარდასულის ვერდაბრუნების გამო.

ერთობ მრავლადაა ეპიზოდები ქალაქის გიჟების მონაწილეობით. მათი ასე დაწვრილებით ჩვენება ბევრს არაფერს მატებს ნაწარმოებს. ქალაქის სულის, მისი მისწრაფებების, ცოდვა-ბრალიანი ყოფის უფრო სრულყოფილი ასახვაც შეიძლებოდა. თუმც თხრობა ერთობ გადატვირთულია ნაცნობი თუ უცნობი სახელებით, სახეების და ხასიათები არ გამოკვეთილა. ზუგდიდი მარტო მოქეიფე ჩიქვანების, მოქილიკე თოდუებისა და ჭლექიანის, გააფერისტებული პოეტის ქალაქი როდია; არც მარტო შავი სამყაროს ოაზისი. ზუგდიდს თავი მოსწონს თავისი სწავლულებით, განმანათლებლური ტრადიციებით, დიდი ისტორიით და ამ ის-

ტორის დაბრუნების შესაძლებლობით. ნავთისა და ბენზინის ბიდონით შემკული გზაჯვარედინები, სალორედქვეული ფუნქციული და უპატრონო საძმო საფლავები დღევანდელი ზუგდიდის უღმობელი სინამდვილეა. ოთოს, ჯოკოს და ჭოლოს ადგილობრივი პოლიტიკოსები შეენაცვლნენ. დღეს ზუგდიდელებს მათ გაუთავებელ ინტრიგებზე, დატაცებულ სესხებზე და ფშუტე თავმომწონეობაზე ეცინებათ.

ერთ-ერთი ასევე გაჭიანურებული თხრობის საგანია დაზი ჩიქოვანის ჭადრაკის კლუბი. ერთი ეპიზოდი „დიდვეზირის“ ხოტბითაა გაჩერებული. დაწვრილებით არის გადმოცემული საუბრები სხვადასხვა თემაზე. მათ არანაირი მნიშვნელობა არ ენიჭებათ მთავარი სათქმელის, არსის განსაზღვრაში და ამდენად ღირებულსაც არაფერს შეიცავენ. გური ოტობაია სიტყვაუხვია ასეთი მსჯელობების გადმოცემისას, ძალიან ცდილობს მკითხველიც ჩაითრიოს და დააინტერესოს. მკითხველი კი მხოლოდ იღლება, რადგან კვლავ და კვლავ უწყევს ერთი ადამიანის აზრების, იდეების, ნაფიქრის ვითომც დიალოგური ფორმით წაკითხვა. ავტორი ყველგან და ყველგანში მკვეთრად დომინირებს; განუწყვეტლივ მოქმედებს, აფასებს, ართულებს...

რომანი ასევე შეიცავს ხალხისა და მისი წინამძღოლობის პრობლემას. თუ რისთვის გახდა შიდა სამყაროს დიდი თუ მცირე ავტორიტეტების გაპოლიტიკოსება საჭირო და აუცილებელი — აი, ამაზე არაფერია ნათქვამი. კრეზთან გატოლების სურვილი მავანს ხან გააპრეზიდენტებს, ხან გაადიდვეზირებს, ხან გააჟანდარმთუხუცესებს, მაგრამ ეს არ ნიშნავს მათ შეუცვლელობას და აუცილებლად ქვეყნის წინამძღოლად დასახვას. დაზი ჩიქოვანის ჭადრაკის კლუბის ეპიზოდი შესაკვეცია, თუ საერთოდ ამოსაღები არა.

მრავლადაა საჩოთირო ფრაზები, წინადადებები, ეპიზოდები. საჩოთიროა ზოგის აზრი, ზოგის კატეგორიულობა, ზოგის აშკარა ფსევდომეცნიერული პომპეზურობა. სასურველია ავტორის ქართულის გასადავება, თორემ ზერთული წინადადებანი მთელ გვერდს მოიცავენ. ჩვენი ყურადღება ასეთმა ფრაზამაც მიიქცია, კვეკვე ანთარიას მეულლეზე ნათქვამმა: „ღმერთივით შეერაცხა თანამეცხედრე და მისი შემოქმედებითი გარემოსთვის თავზე წისქვილის ბორბალს იტრიალებდა“. „თავმდაბალ“ კვეკვეს იქნება მართლაც ეკუთვნოდეს ღმერთად შერაცხვა, მაგრამ ერთობ საჩოთირო და ზედმეტი თქმაა. თანაც „ღმერთივით შეერაცხა“ კი არა „ღმერთად შეერაცხა“.

ვულგარული ფორმებიც გასასწორებელია: სჭერიყო, ჰქონიყო, მოსწოლიყო და მისთანანი.

„როკი“ ის რომანია, რომელიც ძალიან დიდ რედაქციულ ჩარევას

საჭიროებს. აუცილებლად უნდა განიტვიტოს, შემოკლდეს და არსებულის ნახევარი მაინც დარჩეს. თანაც არ უნდა დავივიწყოთ, რომ ეს რომანი როკი ოდიშელის ეძღვნება და მთავარი ხერხემალიც უნდა აღდგეს. თუ გური ოტობანიას სურს საინტერესო სათავგადასავლო რომანი შექმნას, სწორედ ასე უნდა მოიქცეს. პირველი გამოცემის ნახევარფაბრიკატულობა და მიშლილ-მოშლილობა მაშინ არავის მოაგონდება. არც იმის გამოკიდებაა აუცილებელი, ვინ უფრო ძველი კულტურის მატარებელია და ვინ „გუშინდელი ღლაპი“. მეცნიერულსა და ფსედომეცნიერულ ჰიპოთეზებს, საექვო ეტიმოლოგიურ ძიებებს უფრო სხვა ხასიათის შრომები შეეფერება და იგი მხატვრული ლიტერატურისაგან მკვეთრად იმიჯნება.

„როკი“ აშკარად ნიჭიერი კაცის დაწერილია, რომელსაც აკლია მისი უდიდებულესობა — ზომიერება.

ეკა ცადაძე

„ჩვენი მწერლობა“, სალიტერატურო
ჩანართი №16(42) გაზეთისა „ახალი ეპოქა“,
20-27 აპრილი, 2001 წ.

ყუყუნხმს „ საბა რიპი ოდიშელიაჲი “ ო — მებას (OMEGA — O-დიდი) სომოზი

წინათქმა

ამ ბოლო სამკვირეულის მანძილზე ერთიორად დავაფასე დედაქალაქის ფარდალალა აივნები; განსაკუთრებით „ლიტერატურული საქართველოს“ რედაქციის სოლოლაკური ნიავით გაჯერებული მოაჯირები ჩამეხისტა გულში, როგორც უბრალოებისა და სამშობლოს ტკბილ-მწარე ხვედრით მცხოვრები ბელეტრისტების საბუდარი.

ლუდს შეექცევიან ბიჭები.

წერილის კორექტურა ვერ მომისწრია, მაგრამ არაფერიო, დამაწუგეშებენ.

ზოგი ჭაჭის არაყსაც ჩამოირაკრაკებს წელგამოყვანილ ჭიქაში მესამედზე.

გაზეთის ნაგლეჯზე ყრია გარჩეული ტარანი, რუხი პურის ყუები და ნივრის კბილები.

ხოროცებენ ჩემი ლაშა გახარია,ერეკლე საღლიანი, უჩა შერაზა-
დაშვილი, სხვანი და სხვანი.

დიხაც მაშინ დავასკვნი, აღარაფერი მესაქმება მეღიქიშვილზე
მდებარე ორსართულიან წეკოსფერ ოფისთან, რომლის ვესტიბიულს
ველარაფრით გავცდენილვარ სამი კვირის მანძილზე.

ნომენკლატურული სამსახურების საშვთა ბიურო ჭირივით მეჭავ-
რებოდა აქამდისაც. რედაქტორთან გასაუბრება მეწადა, მაგრამ ნუ-
რას უკაცრავად, პარასკევს მოაკითხეო, დღის მეორე ნახევარს, მირჩე-
დნენ თვინიერი ღიმილით.

მარმარილოში ამოვლებული თუთუნისფერი კედლების ვრცელო-
ბისკენ გამიბრბის თვალი, თუმცა ვინაა იქ ჩემი მეოხი?

თავად გამოუხმეს ჯინს. სამი წლის მივიწყებულ რომანზე გამომეხ-
მაურებიან და სახელდახლოდ გამზადებული წერილის პასუხს ვუცდი.

ამათ სხვანაირი წესი ჰქონიათ, დაცვის არტახებით მოჭიმული, მკაც-
რად განსაზღვრული ქრონომეტრაჟით შებოჭილი.

მომბეზრდება მერმე ეს რევერანსები, ეს ფუმფულა სავარძლები და
ჩეროში გამხმარი თუთუნისფერი შენობა. ელსმენით შევეხმიანები ვინ-
მე ლიტმუშაკს.

—ალბათ, კილოზე შემატყვევთ ჩემი დამოკიდებულება თქვენ წერი-
ლისადმიო, — მაჯახებს შეუმზადებლად.

— ბრძანეთ-მეთქი, გავუყუჩდები მანდილოსანს.

— ამგვარი სტილის წერილებისაგან თავს ვიკავებთო,
—გადამიწურავს იმედს.

— კი, მაგრამ ბატონმა როსტომმა თუ ნახა-მეთქი.

— რა საჭიროა, ვიცით მისი გემოვნებაო, — თან იქვე დასძენს, —
წერილი თუ გჭირდებათ, დაცვის ბიჭებს დავუტოვებო.

არ გამძნელებია თანათაობელი რედაქტორის ფიჭური ტელეფონის
ნომრის გაგება.

უშურველად მივულოცავ პოლიგრაფიის ბოლო სიტყვით გამორჩე-
ული პეროდიკათა მესვეურობა, ამასთან ჩემს საზრუნავსაც შევაპა-
რებ თვინიერად, ჯერ კიდევ მეგობრის გასვენებიდან „ათი ზედირსეუ-
ლი ქართველის“ ინტერვიუზე რომ შევითანხმებ და ბოლოს — ჩემი წე-
რილის გაუკრვეველ მერმისსაც.

—გური, არ გვინდა გამოხმაურებაო, — დამიამდება, — რა საჭი-
როა შეხლა-შემოხლა, მითუმეტეს, როცა ავტორი კეთილგანწყობილე-
ბითაა შენს მიმართო.

დამითანხმა თითქოს, მაგრამ გამახსენდება წლების წინ, სატელევი-
ზიო პროგრამა „ალიონის“ ლიტერატურულ მიმომხილველს მოკრძა-

ლებით რომ ვაახლებ ჩემს თხზულებას, იგი კი თვეების მანძილზე შუკა-ორლობე კენჭსაც კი არ დატოვებს წარმოუჩინელს, ჩემი რომანის იგნორირების ხარჯზე და შვებით ამოვისუნთქავ.

რაც მთავარია, ეტიკეტი დაცულია. თავიდან შევხშიანებოვარ იქ, სადაც წყალი ამღვრეულა. აღარ მიგვიღეს სტუმრებად?! კეთილი და პატიოსანი! სოლოლაკისას მოჭრაჭუნე, მკერდმოღელილ აივანს ვინ წამართმევს რომელი?!

იგივე სურათი ინაკვთება პოეტებთანაც: გალაკტიონის, ტიციანის, ლეონიძის, ასათიანისა და ტარიელ ჭანტურიას ფონზე უკუგდებული ანა კალანდაძის თუ მურმან ლებანიძის თვალშეუღდამი პოეზია.

რა გარანტია მაქვს უარესი კუროოზი არ შემემთხვევა ათი ზელირსეული ქართველის გარკვევისას? ახლა იმდაგვარად შეყირამალებულა ამერიკული „მშვიდობის ჩიბუხით“ დაბანგული ზოგის გონება, რომ გამორიცხული არ არის, ვთქვათ, სიტყვისთვის და, ილიას მაგვირად იმ სიაში ბერბიჭაშვილი აღმოჩნდეს.

და რადგანაც საგნებს და მოვლენებს თავთავიანთი სახელი დარქმევია უკვე, ჩემთვის, ჩემი რაობისათვის, ამ გამოუსწორებელი მედიატორისათვის შინ თუ გარეთ, ლეთარგიული ძილისგან გამოდწეულივით ვიშლები მხრებში, ცამდე მართალი ღმერთისა და საკუთარი თავის წინაშე — ჯინს ხომ სხვებმა გამოუხმეს?

მიტირე? მაღლი გიქნია...

ორშაბათია.

რუსთაველის სახელობის ლიტერატურის ინსტიტუტის ღირექტორის კაბინეტის მისაღებში პრესას ვათვალეერებ.

ბატონი გურამ ბენაშვილი იგვიანებს.

გამოკრთებიან ჩვენი სიტყვიერების მკვლევართა ნაცნობი სახეები.

მოულოდნელად იშვიათი აღნაგობის ყირმიზი ქალბატონი მიახლოვდება, (ეს უკვე მეორედ წელიწადში), და მეტყვის:

— თქვენ გური ოტობანია ბრძანდებიო?

დავუდასტურებ.

ირკვევა, რომ ჩემი თანაკურსელის მეუღლეა. სამი ბოკვერის დედა. ფოლკლორისტი, მეოცე საუკუნის ქართული პროზის დასტაქარად გამეცნობა. ჩემი ბოლო რომანით დაინტერესებულა. ველარსად მოუხელთებია. კვლავ საერთო მეგობრისაგან უთხოვია და თვინიერად შედგომია კალისტიკის აღმართებს.

აღუთქვამ საჩუქრად, მაგრამ ტირაჟის ნაწილი სტამბაშია დატყვევებული დავალიანების გამო, არც შინ აღმომჩინდება და სიტყვას ვერ ვუსრულებ.

მერე მიედევნება დღეები დღეებს და აი, ფაქტის წინაშე ვდგავარ: გაზეთ „ახალი ეპოქის“ სალიტერატურო ჩანართის, „ჩვენი მწერლობის“ (№ 16-42), 20-27 აპრილი, 2001წ.), ფურცლებიდან ვრცელი სტატიით მეხმიანება.

მადლობთ, დაო, ალაზავ! მადლობთ ქალბატონო, ეკა ყუფუნია-ცხადაძისა! მიტირე? მადლი გიქნია, ვინაიდან დღევანდელ საქართველოში მწერლის მანტიის ტარება ზვიადაურსავით ყელში დანაგაჩრილი ყოფნაა.

არაკი, ბეწვის მკებნელ, თვალში დირეგახირულთათვის

სტილისტურ ლაფსუსებს როცა მედავეებიან 900 გვერდიან რომანში: „სტერიყო“, „ჰქონიყო“, „მოსწოლიყო“ და მისთ. უმართებულობააო, განა ვინმეზე ნაკლებად ვუწყი ამ ფონემათა პარალელური ფორმებისა: „სტეროდა“ „ჰქონოდა“, „მოსწოლოდა“ მაგრამ იქნებ ასე ესალბუნა გულს მაშინ? იქნებ ასე მოითხოვა სტილისტურმა აუცილებლობამ? ესეც რომ არა, „მისი უდიდებულესობა — ზომიერება“ წაგვრილი ავტორის თვალში ბეწვის მაძებარს, საგაზეთო წერილში არ უნდა გაგეპაროს:

„გაცილებით უფრო ვრცელია.“ აქ „უფრო“ სრულებით ზედმეტია. „გაცილებით“ მოიცავს მას.

„მრავალი უჩვეულო პიროვნებების.“ დამეთანხმებით შედარებით მართებულია „მრავალი უჩვეულო პიროვნების.“

„ფასეულობათა გადაფასება.“ წმინდა წყლის ტავტოლოგიაა.

„სიტყვაში ჭიდილში.“ რომანის ციტატის დამახინჯებაა. პატივი უნდა მიეგოს ავტორს, თუნდაც მოსაწყენი იყოს იგი. ჩვენთან „სიტყვასთან ჭიდილში“-ა;

„გაისარჯა.“ კოლხიზმია. სალიტერატურო ქართულითაა გაირჯა;

„შეცდომა ისაა.“ ცხადია, სჯობია რუსისციზმს — „შეცდომა იმაში მდგომარეობს,“ მაგრამ უფრო მართებულია „შეცდომა ის არის;“

„როგორც თანამედროვეში, ისე ძველში.“ გამართულია „როგორც თანამედროვესა, ისე ძველში;“

„ღირებულება.“ რამდენიმეგზის მეორდება „საგაში.“ სწორია „ფასეულობა.“ ღირებულება ეკონომიკური კატეგორიაა.

„თვისობრივად“, ორთოგრაფიული ლექსიკონის მიხედვით ეს სიტყვა იკითხება „თვისებრივად“, რადგანაც იგი მომდინარეობს თვისებიდან; არ გამოვედგენები პუბლიკაციაში „ხოთოს“, „ჯოჯოს“ საკუთარი სახელების დამახინჯებებს „ოთოდ“, „ჯოკოდ“ და ასე შემდეგ:

გამორიცხული არ არის ეს ყველაფერი დედანში სრულყოფილად იყოს, და საქმეში ნაკლებად ჩახედულ რედაქციას დაუხსლტა თითებიდან, მაგრამ თავად ავტორი ხომ უნდა მიდევნებოდა ბოლომდე თავის ნაშრომს კორექტურის თვალსაზრისით?!

მერე უმთავრესზე უმთავრესი.

ამ წერილის ყველაზე ინფანტილურ სენტენციად მატარებლის სცენისა და კობო აბეს ინტერპრეტაცია მიმაჩნია.

აქ რამდენადმე დააკონკრეტდები.

კობო აბეზე ქალ-ვაჟს შორის საუბარი კუპეში დაახლოებით 1-2 წუთს გრძელდება ქრონომეტრაჟით, მაგრამ საქმე ის არის, რომ გასათვალისწინებელია გარემო.

ქალი წამოყვანილია როკის „საჩუქრად“, ტალკანად.

სვეტლანას სამისოდ ნამდვილად გააჩნია საბაბი: ღვიძლი ძმა მოხვედრილა საპატიმროში და გარედან ძლიერი ხელის ჩაურევლად, დაღუპულია მისი საქმე, ე.ი. თავს სწირავს მის გამოსახსნელად, თუმცა აქამდე უმწიკვლოდ უტარებია ბეჭედი სიწმინდისა.

როკი დიდი ხანია პატიმრობაში იმყოფება, თუმცა ნამარხულევი მასზე სრულებით არ ითქმის, აქაც უხვად იძებნებიან პუტანკები და გრებენები.

საუბრის გაბმაა საჭირო. მითუმეტეს მოხალავათებულ, ტანსაცმელ-გამოცვლილ ქალს ჟურნალი „ნოვი მირი“ აუღია ხელში და ასეთნაირად შეიარაღებულია ძმისთვის მსხვერპლად მიტანილი ქალწულობის გასახანგრძლივებლად.

შამპანურს და წასახემსებელს ელიან.

როგორ მოიქცეს ახლა ჩემი გმირი, ველურივით ებრღვნას ქალიშვილს, როცა წინ 3000-კილომეტრიანი გზა უდევთ და ეს ფერია უკანასკნელ ბაქნამდე მისი საკუთრებაა?! ყველა ინდივიდუალური გამოცდილებით აზროვნებს, მაგრამ მე მწერალი ვარ და ფსიქოლოგიურ უზუსტობებს ვეღარ ვეთანაწყობი.

რა ქნას? დაიმიციროს თავი, როცა ამის საჭიროება მოხსნილია? ჩვენ გვახსენდება ბოშა ასულთან როკის დამოკიდებულება: როგორც იქნა, გვერდიგვერდ წვანან ისინი, მაგრამ თითსაც არ დააკარგებს საოცნებო ადამიანს, რამეთუ სატრფოა. ასე იქცევა დათა თუთაშხია ნანოს მისამართით. სექსუალური აღვირახსნილობა პლემბურია, ცხოვე-

ლური, ნაკლებადდამაჯერებელიც, და ზომიერი თავშეკავება სულაც არ მიანიშნებს აწსაჩოთირო ფერისადმი მიდრეკილებას.

შემქლო ზემოურ შენიშვნებზე თავი შემეკავებინა, მაგრამ ნიჭიერ ფოლკლორისტს რომ დალანდავ, დიახაც მას უნდა მიუბრუნებინო სარკე, ანგარიშგასაწევ ესთეტიკოსად ჩამოყალიბების იმედით.

რომან-ტრიადა „სიცოცხლემისჯილების“ სამზარეულოში

ახლა ზოგი რამ გური ოტობაიას შემოქმედების თავისებურებაზე.

ამ ჩემი ცხოვრების ნახევარგზაზე, უკვე განმიხორციელება ტრიადის ორი მესამედი, ანუ ორი წიგნი დამისრულებია და მოსახელთებლად ერთილა დამრჩენია.

მე ამ ტრილოგიით ვწყვეტ პროზაში მუშაობას, რადგანაც ღრმად ვარ დარწმუნებული, რომ რაოდენობა ყოველთვის როდი გადადის ხარისხში.

ჩემი სამივე წიგნი ერთი მიმართულებით იმზირება — პატარა სოფლიდან, დაბა-ქალაქის გავლით სრულიად საქართველოსაკენ; წვეთიდან — ოკენესაკენ. აქ ხედვის პრინციპი ჰეგელისებურია — ტრიადა: თეზა-ანტითეზა-სინთეზი, სადაც პირველი ვითარების აბსოლუტურად უარყოფელია მეორე; მხოლოდ მესამე ახერხებს ორივესგან საუკეთესო ნიშან-თვისების შედუღაბებას.

თეზას შეესაბამება რომანი ტრიადა „სიცოცხლემისჯილების“, პირველი წიგნი „ფრთოსანი ჭიანჭველა“, ანტითეზას — „როკი“, სინთეზს — „ოღოია“, რომელზედაც გვარიანი ხანია ვმუშაობ და თუ არსთაგამრიგე ინებებს, იქნებ ორ-სამ წელიწადში გავასრულო კიდევ.

ამიტომაც არის პირველი რომანის გმირები უნებლიეთ გადმოდიან მეორეში;

ამიტომაც არის პირველ რომანში ჭიჭე კვეკვედ, წიწიკვაკვად წოდებული პერსონაჟი, მეკუბოეს ხელობიდან ბელეტრისტობამდე მალღღება.

„როკის“ პირველსავე გვერდზე ავტორი თავისი უდიდებულესობის ფოტოს ამგვარ ფრაზას აახლებს ფაქსიმილეთით:

„ჩემი თხზულებების საბოლოო იერსახეს მხოლოდ და მხოლოდ მათი ავტორის სტიქსის ტალღებთან შეთამამებალა თუ დააზუსტებს“-მეთქი.

წინდებული წინადადების ანალიზი ამგვარია:

სანამ პირში სული მიდგას, სანამ ცოცხალი ვარ, ყოველთვის ვეცდები რაღაც შევცვალო ჩემს წიგნში-მეთქი.

სტიქსი ხომ იგივე მიწისქვეშეთის მდინარეა, ხოლო ამისთანა ტალღებს შეთამამება რისი მომასწავებელიცაა ძეხორციელისათვის, მკითხველისათვის მიმნიღვია.

ახლა, ამწუთასვე თუ აღვესრულები, ბუნებრივია, ჩემი ტრილოგია განუხორციელებელი დარჩება და მისი კონტურებით გაჭირდება ავტორის საბოლოო მიზნის დადგენა; მაგრამ თუკი უფალი გამოიმეტებს კიდევ ორიოდ ღერ მზენათელს, იქნებ სამივე წიგნი გადაება ერთმანეთს თეზა-ანტითეზა-სინთეზის ურღვევი კავშირით და შეიქმნას მონუმენტური ტილო ჩვენს არსებობაზე, ჩვენს მიზანსწრაფულობაზე, ჩვენს საზრისზე ბოლოს და ბოლოს.

მე არ ველტვი რაოდენობრიობას, თუმცა მზვავობრობა მახასიათებს წყალდიდობისმაგვარი, მაგრამ განა ნებისმიერ აზავთებას არ მოსდევს სტიქიის დაწყარება?!

მე ჯერ ჩემს სამშობლოში, ანუ შინაურულ ტაფაზე ვიხრაკები ჩემს ნაწერებთან ერთად, და სადღეისო სახით არასფრისდიდებით გავცდები მის საზღვრებს. ეს მხოლოდ მერე, ავტორისეული მისიის შესაძლო აღსრულების შემდეგ, თავად თუ ვერა, იქნება ჩემს გონიერ შევირდს მანც მოუხერხდეს მისი გატანა ქვეყნის სააშკარაოზე.

მანამდე კი მე ჩემს ორლობეში, ჩემს სამოხიოში, ჩემს დედუღეთსა და სამშობლოში ვიბადები ნელ-ნელა და მაქვს პატივი, გზადაგზა დეკორაციები შეხედულებისამებრ ვცვალო.

მკვლევარი ნაბიჯით დაასწრებს ტრიადის მორიგ გამოცემას, სადაც „სიცოცხლემისჯილების“ „ფრთოსანი ჭიანჭველა“ და „როკი“ გვერდიგვერდ ლაგდება.

წავიკითხავ წერილს და სახეზე ნათელი მომეფინება: ჰორაციუსი გამახსენდება უნებლიეთ, რომელიც ხელოვანისაგან ნაწარმოების ათი წლით ხარის ტყავში გახვევას მოითხოვს. საბედნიეროდ, წარმოდგენილი შენიშვნების მეტი წილი თავადვე გამირანდავს:

საერთოდ ამომიგდია კაპადოკიელი ჯგეფ მისარონის სცენა;

შეგლვევივარ ქვათია პაპასკირის ჩანართს;

დამიწურავს ჭადრაკის კლუბის განფენილობა;

ის კი არა პირველი წიგნიდან ამოვარდნილა წმინდა გიორგის, ჭადრაკის თუ სხვა სცენები და გადასულა მესამე რომანში, ანუ ტრიადის დამავგირგვინებელ წიგნში, რათა ამ უკანასკნელმა სრულყოფილად შეძლოს პირველი-ორი ნაწარმოების მართლზომიერი გაწონას-

წორება. თუმცა თხზულების განახევრებას რომ მიიჩინებს ფოლკლორისტი, ბრეტისბრეტია.

„როკის“ ვრცეულობაზე მინიშნებას ყველას ბატონი ტარიელ ჭანტურია დაასწრებს. ის ჩინებული პოეტია უწინარესად, მაგრამ ამავე დროს იშვიათი გემოვნების ესთეტიც.

— მოითხოვს რედაქტორულ ჩარევებსო, — მეტყვის ჩვეული გაღიმილებით.

მცისვე დავეთანხმები. გაჯიქება, ცხვირის აბზუება და მისთანანი, მხოლოდ ხეპრეთა თვისებაა, რომელ სახელთან მიჭირს დაძმობილება.

ასევე დიდებული მურმან ლებანიძე უშურველად მკითხავს თავისი კაბინეტის ზღურბლთან:

— კი, მაგრამ სულ სამეგრელოზე რისთვის წერო; სულ კოლხეთი რისთვის გაკერია ენის წვერზეო, — თან დაამატებს იქვე, — რამდენ ხანს იჯექი ციხეშიო.

შეძლებისდაგვარად ავუხსნი:

— ჩემი ტრილოგია სამეგრელოს ერთი პატარა სოფლიდან ზუგდიდ-ქალაქის გავლით, მოეშურება სრულიად საქართველოსაკენ, მისი დედაქალაქისაკენ და აქაც არ ამთავრებს მსვლელობას. იგი შემდგომ და შემდგომ მთელი დედაამიწისაკენ მიემართება შორეული კოსმოსისაკენ თავადერილი-მეთქი. რაც შეეხება ნაჯდომობას, — ხელები გავასავსავებ, — ჯერჯერობით რატომღაც არც მტერს ვახსოვარ საამისოდ და აღარც — მოყვარეს-მეთქი.

პირველ რომანში მე აბსტრაქტულ გარემოს დავხატავ.

ოდაბადე, როგორც ასეთი რამ, ბუნებაში ნონსენსია მაკონდოსავით.

მე შექმნი ირეალურ ტიპაჰეებს, რომელთაგან ზოგი 5-10 ხასიათს აერთიანებს. ასეც ხდება სინამდვილეში. ეს პროფესიონალებს არ ესწავლებათ. მაგრამ მეორე წიგნში, როგორც ამორჩეული კონცეფცია მთხოვდა ტრიადის ბუნების გათვალისწინებით, მე უნდა დავპირისპირებოდი წინარეს; მე უნდა უკუმეგდო გამოგონილი სახეები, იქსები, იგრეკები, მათი აბსტრაქტულობა და სრულიად რეალური სამოსელი შემეკერა თხზულებისათვის.

საამისოდ არ დავერიდები რეალური ტიპების თავმოყრას წიგნში თავიანთი ბიოგრაფიებით, თავიანთი შუქ-ჩრდილებით, თავიანთი კონცეფციებითა და მოძღვრებებით. მართლაც აურაცხელი, თავზესაყრელი მასალის დამუშავება მომიწევს.

ამ ლელოში მთლად ახალადმოჩენი როდი ვყოფილვარ. „როკის“

გამოქვეყნების შემდეგ გადავავლებ თვალს „არტისტულ გადატრიალებას“ და მემცხეთება, მაგრამ მესიამოვნება კიდევ წინამორბედ მცხოვრან მწერალთან სულიერი ნათესაობა.

ბატონ ოთარ ჩხეიძე „გდიდელების“ რომანში რეალური ყოფიერებით ამკვიდრებს ესთეტიკურ ფასეულობას — კონკრეტული, ელიტარული პიროვნებებისათვის დამახასიათებელი შტრიხებით ქსოვს ზოგადეროვნული ვითარების პორტრეტს...

ჩემთანაც დაახლოებით იგივე სურათია: კაკა ჟვანია, გვანჯი ჩიქვანი, ნონა გაფრინდაშვილი, მერაბ მამარდაშვილი, ვლადიმერ ჩუბინიძე, ეპისკოპოსი იოანე-იონა, გივი ალაზნისპირელი და სხვანი, ლამის ნატურალისტურად იმკვიდრებენ თავს საკუთარი მსოფლმხედველობებით. ვაცოცხლებდი ან ავტომატურად გადმომქონდა ყოველივე არსებული, რაც დღევანდელობასთანაა დაკავშირებული 9 აპრილის ფონზე. ეს თარიღი კულმინაციაა ჩემი ტრილოგიის მეორე წიგნისათვის.

მესამე თხზულება კი უკვე ახალი ათასწლეულიდან განსჯის და გაანალიზებს აწგადახდილს თუ აწგანსაცდელს.

ზემორე მისხენებია, ბატონ მურმან ლებანიძის ჩაძიებას რანაირად ვუპასუხებ: რამდენ ხანს დაჰყავი სატუსალოშიო. იქ დაუმთავრებელ ფრაზას ახლა ვასრულებ:

მე პირველ რომანში ბიოლოგს, გენეტიკოსს ვხატავდი, მაგრამ აღარც ვავილოვის ლექცია მომისმენია და მით უფრო — აგლაძისა.

ამჟამად, როცა დამავიროვინებელ წიგნს ვწერ ასტრონავტებზე, დარწმუნებული ვარ კოსმოსში არავინ გამგზავნის გაგარინის სკაფანდრით; არც ბაიკონურში მოხვედრას ვიმედოვნებ მაინცდამაინც. ეს არის, რომ აბასთუმნის ობსერვატორია მომინახულებია რამდენიმეგზის კობტაგორას სიახლოვეს, ევგენი ხარაძის შრომები დამილაგებია წინ გზისმკვლევადა, სხვათა, და წიგნიერი სამყაროდან, დანტესავით ვაპირებ გალაქტიკათა ვრცელობაში გადაკარგვას.

„სიცოცხლემისჯილების“ პირველი თხზულება „ფრთოსანი ჭიანჭველა“ მიკროსკოპულად ჩაჰკირკიტებს ჩვენეულ სინამდვილეს;

მეორე — „როკი“ — შეუიარაღებელი თვალით, შეულამაზებელი, მკაცრი და თანაც ამაზრზენი ყოფიერებით სესხულობს წუთისოფლის ჭვალეებს.

მესამე — „ოდოია“ კი ობსერვატორიის ტელესკოპიდან მისჩერებია ჩვენს საწუთროს და ვფიქრობ, წრედიც შეიკვრება, ვიმეორებ, უზენაესი თუ ინებებს-მეთქი.

„ცნობიერების ნაკადი“ ინდის სურმაა კვლავაც მრავალთაფვის

მრჩება ერთი სათქმელი, რომელიც არა მხოლოდ ჩვენი მწერლობის, ზოგადად მსოფლიო ლიტერატურის პრობლემად მიმიჩნევია:

ჯოისის შემდეგ ლამის საუკუნე გასულა-მეთქი, ვმეორდები, მაგრამ „ცნობიერების ნაკადის“ მეთოდს მხოლოდ ფოლკნერი გაუგებს ჯეროვნად.

ჩინგიზ აითმათოვს, გაბრიელ მარკესს, და კიდევ სხვა ჩინებულ ხელოვანთ, ამ ხელწერისა აღარ ესმით.

საქართველოში ბოლო დროს შეინიშნება „ცნობიერების ნაკადის“ სივრცის ათვისების ტენდენციები.

ჭაბუა ამირეჯიბის „გორა მბორგალი“, ოთარ ჭილაძის „აველუმი“, თუ კიდევ ზოგიერთი ნაკალმარი ნაბიჯნაბიჯ მიწადავს ამ უსიერს.

ეს ფრიალ მისასალმებელია, მაგრამ თავად „ცნობიერების ნაკადის“ ბუნებაზე ნაკლებად იწერება თეორიაში; ჩვენ ამ თვალთახედვით ძალზე ცოტას გათავაზობს ლიტერატურის ინსტიტუტის „... ძიებანი“; (რალაცას მიმოკიბავს შალვა ჩიჩუას „მეოცე საუკუნის ქართული რომანი“), აღარც „კრიტიკა“ გამოდის სავალალოდ და ვერც სხვაგან ვამჩნევ მისი დაზუსტების ნიშნებს.

არადა, სქემა მარტივია:

პერსონაჟი შეძრულა რალაც გამსრესავი ამბით და სწორედ ამ კულმინაციური ეტაპიდან ჩაერთვება მის ცნობიერებაში აწგარდახდილი სინამდვილე, იგივე წარსული, რომელიც თავისთავად უდანაკარგოდ შენახულა გმირის სულიერ სამყაროში, ოლონდ ახლა წამოიჭრება საკითხი მისი ოპტიმალური წარმოჩენისა.

აი, გადმოცემის მიმართება განასხვავებს „ცნობიერების ნაკადის“ ლიტერატურას ტრადიციული სიუჟეტიანისაგან.

ეს მასალა პერსონაჟის მეობიდან თანამიმდევრულად როდი ამოდის — სიყმაწვილე-სიჭაბუკე-სიჭარმაგე-ხანდაზმულობის სქემით, არამედ — აღრეულია, იმისდა მიხედვით, თუ რომელი შემხვედრი დეტალი, რომელს გამოუხმობს მისი სულიდან.

„ცნობიერების ნაკადის“ ლიტერატურას ახასიათებს აგრეთვე დვთაებრივი ჰომეროსის წრიული პრინციპის იმპულსური გააზრებაც: ბრმა აედის თხრობა ექსპოზიციით როდი იწყება, ანუ განხეთქილების ვაშლის სცენით, ელენე მშვენიერის მოტაცების მიზეზებით, არამედ —

აქილევსის რისხვით და ამ რისხვის მხარდამხარ გადაიშლება ათწლიანი ტრაგედიის ანი და ჰოე.

„ცნობიერების ნაკადის“ ლიტერატურაც დაახლოებით მსგავსი მიდგომებით ცდილობს სინამდვილის ასახვას. ამა თუ იმ სიტუაციაში ჩავარდნა იგივეობრივ განცდილს ამოტივტივებს ხოლმე სტივენ დედალოსში, კვენტინ ქომპსონსა თუ ბონდო ჰალიძონიაში. ეს ყოველივე იმ რეალობის იდუნტურია, რაც ნებისმიერი სასაფლაოს ხილვამ შესაძლოა ათი წლის უნახავი მამის ძვალთშესალაგი გაგახსენოს, ამოტივტივოს შენში, რომელიც მერმე თავისთავად დაიტივტივება მშობელთან ურთიერთობის ტკბილ-მწარე სურათებით.

ამიტომაც როკი, რომლის მამა ვალერიანს, ქარისტვენია მეზობლის მიერ მოწინააღმდეგე გედის მოკვლის საცოდაობა გადმოხვეწს სოფლიდან და შემდგომ აქედან, ამ საწყისიდან დაედება სათავე ჩვენი უკომპრომისო გმირის არეულ ცხოვრებას, სულ ასოციაციურ, რემი-მისცენციულ აზროვნებასთანაა წილნაყარი.

ამას ფოლკლორისტიკ შენიშნავს წერილის მეორე სვეტში:

„გური ოტობანია რომანში ხშირად ჩართავს ასოციაციურად ასე თუ ისე გამართლებულ, მაგრამ სტილისტურად აშკარა დამამძიმებელ ამბებსო“.

დიახ, მას ინტუიტიურად უგუჟმანია „ცნობიერების ნაკადის“ ბუნება, მაგრამ მხოლოდ უგუჟმანია, ვინაიდან ყველაფერი, რაც ამ რომანში განსხვავებული შრიფტითაა მოწოდებული: მამარდაშვილების, ჩუბინიძეების, იოანე-იონათა და სხვათა ნააზრევია, უფრო სწორად — ნათქვამი, როკის ცნობიერებაში გეგმაზომიერად ამოტივტივებული; თანამგზავრივით აღევნებული ეს მასალა განუყრელი ბიძგია როკის არსებობისათვის; ეს სიმდიდრე-ჟილო გამოაცალკეებს ოდიშელის შავი სამყაროდან, ჭეშმარიტების გზისაკენ მიუძღვის, მიუხედავად იმისა, რომ ქურდს სამშობლო არ გააჩნია; ეს საგანძური გამუდმებული ანალიზის საგნად გადაქცევია ჯოჯოხეთიდან გამოღწეულ კაცს: ზომავს, წონის, აფასებს, ითვისებს ან უკუაგდებს საჭიროს თუ უვარგისს. ამიტომაც ვედარაფრით გავიზიარებთ ჩვენი კეთილისმსურველი ფოლკლორისტის მითითებებს გმირის სწორხაზოვან ჩარჩოში დატოვების თაობაზე.

წიგნში სატუსალო და საწუთრო მონაცვლეობითაა, დღე-ღამესავით, სიკვდილ-სიცოცხლის მსგავსად, სიკეთე-ბოროტების პერიოდულობით; მათი გახლეჩა დაანგრევდა ჩემეულ ჩანაფიქრს, თუმცა, ვიმეორებ, წამოძახებული ზომიერებისათვის თავად მიმიხედავს თურმე.

**იპულებითი გაკვეთილები
„მშვიდობის ჩიბუნელებისათვის“**

კრიტიკის ვაკუუმი ჩვენში ესთეტიკურ დეზორიენტაციას შექმნის. ნათელში არიან ასათიანები და ბაქრაძეები. ლიტერატურული პროცესი ბედის ანაბარადაა მიტოვებული. ჩვენი საყველპურო ბელეტრისტული შეხლა-შემოხლანი ველარაფრით გამცდარა ანგარიშსწორების ორმხრივ დემაგოგიას და მშობლიური მწერლობის ბედ-იღბალი გუდიაშვილის იმ მზეთუნახავს ჰგავს, რომელსაც ლანცეტით უკირკიტებენ სიტყვიერების ზორბაყურიანი კარაულები.

„განა პოლემიკა პინგ-პონგის თამაშიაო“, რიტორიკულად მოგვაჩერდება ამ ესთეტიკური სიცარიელის შემავსებლად მომართული ძალადეჟიმი ჩვენი, უფალი ჩხეიძე, მაგრამ ააფრინე ალალიო, თქმულა.

თუმცა ყველაფერზე რიგისობის მიხედვით:
განა პოლემიკა პინგ-პონგის თამაშია?

„ჩვენი მწერლობის“ ფურცლებზე (2001, 20 აპრილი) ეკა ცხადაძის კრიტიკული სტატია („საგა როკი ოდიშელიაზე... უფრო მეტი საგას შემქმნელზე და სხვათა შესახებ...“) რომ გამოქვეყნდა გური ოტობაიას წიგნზე „როკი“, ვინც ყურადღებით ადევნებდა თვალს ქართულ სალიტერატურო პროცესს, უთუოდ გაიფიქრებდა, ამ ლიტერატორს თავიდანვე რომ შევატყვეთ კრიტიკოსის ალღო, აგერ კიდევ ერთხელ დაგვიდასტურა ვარაუდიო.

წერილი დაწერილი იყო იმ პროფესიონალიზმით, რაც ასე აკლდა ქართულ კრიტიკას საბჭოურ ხანაში და ასეთი ნიშანდობლივია კრიტიკოსთა ახალი ტალღისათვის, ჩვენს თვალწინ რომ მკვიდრდებიან და მონდომებითაც მონაწილეობენ ფასეულობათა გადაფასების რთულ პროცესში.

სტატიაში გამოთქმული იყო არაერთი მართებული და საფუძვლიანი შენიშვნა და რჩევა, და, რაც მთავარია, დაწერილი იყო კეთილგანწყობით. კრიტიკოსი ცდილობდა რომანად სახელდებულ ამ ვეება წიგნში გამოეძებნა ზოგიერთი ღირსება მაინც, რომელთა გაღრმავება და გამოკვეთა წიგნის გადამუშავება-შემცირების (გამესამედების) შემთხვევაში იქნებ სასიკეთოდ წადგომოდა ბ-ნ ოტობაიას.

ისე გულუბრყვილონი სულაც არა ვართ, გვეფიქრა, რომ წიგნის ავტორი მადლიერებით მიიღებდა და ჩაუკვირდებოდა კრიტიკულ შენიშვნებს, ოღონდ არც ასეთ მდარე საპასუხო წერილს ველოდით, როგორც ცოტა ხანში წარმოგვიდგინა.

„პასუხში“ გაბათილებული არ ყოფილა არცერთი არგუმენტი და აგებული იყო თვითგანდიდებისა და კრიტიკოსის პიროვნულ შეურაცხყოფაზე. ერთი სიტყვით, როგორც საერთოდ წერენ ამ მორალისა და ინტელექტუალური უნარის ადამიანები.

უკან გამოტანება ნიშნავდა, რომ ეს ჩვენი „რომანისტი“ იმ ვითომ პასუხს წარუმიძღვარებდა უშვერ ლანძღვა-გინებას „ჩვენი მწერლობისა“ და მისი რედაქტორის მიმართ და მაშინვე მიაშურებდა გაზეთ „ლიტერატურულ საქართველოს“ რედაქციას, სადაც ჩვეული ხალისით დაუბეჭდავდნენ კიდევ უფრო გაუკუღმართებულ იმ მდარე „პასუხს“.

იქნებ ჯობდა ზოგიერთი შეურაცხყოფილი გამოთქმა თუ ფრაზა გამოგვესშირა და ჩვენვე დაგვებეჭდა, რათა ლანძღვა-წამებათა ნაკადიდან, „ლიტერატურული საქართველოდან“ რომ გვეფიქრა თავს, ეს ერთი მაინც აგვერიდებინა?

არა, არ ჯობდა.

(ჩვენგანვე საზგასმული მონაკვეთი წერილისა საგანგებოდ ამოღლეჯილა ბ-ნ ჩხეიძის „პინგ-პონგიდან“ და „ასი მწერლის გაზეთში“ განთავსებულა.

ვეკითხები ახალი სამწერლობო სივრცის მაძიებელი გაზეთის ერთ-ერთ სულისჩამდგმელ ბ-ნ სიგუას:

ვისი მეცადინეობით-მეთქი, ყოველივე?

ელეთ-მელეთი მოსდის, მაგრამ შემოქმედს ვერ მისახელებს.

ბატონი იობაია საგაზეთო ჯიხურებში მიმოსვლით დამშვრალა მწერალთა ასეულის გაზეთის სარეალიზაციოდ და საამისოდ დრო საიდან აღმოაჩნდებოდა-მეთქი, ვეპაექრები ჩემს თავს. ასეც გამოდგება.

ასავსავეს ხელებს.

მე ვინ ვეკითხება მაგეებსო. მომაყრიან მასალებს და ეგრევე კომპიუტერისკენ გავაქანებო.

ბატონ მიშველაძეს იმ დღეებში მოაბრუნებენ ნიტროგლიცერინით პარლამენტის სხდომათა დარბაზში. წივწივაძესთან „პოლემიკით“ მომსპარი კაცი მიკროფონთან წაქცეულა. აქამდე ლაქარდიანი ენა ძლივს ამოუზღვრიათ და საამისოდ როდის მოიცლიდა-მეთქი, ვჭოჭმანობ.

იქნებ ყოველივეს ბატონი რეზოს წინადადების იგნორირება კვებავს, მწერალთა რიგგარეშე ყრილობის ჩატარებასთან დაკავშირებით ფარატიანა განცხადებას რომ მთხოვდა და დელიკატურად გავეცლები-მეთქი, მიხურს გონება.

მწერალთა რიგგარეშე ყრილობის ჩატარებას გური ოტობაიას ვინ

ჰკითხავს, რომელი, თორემ იგი თავის დროზე დააფიქსირებს პოზიციას ჩვენს გახლეჩილ მწერლობასთან დაკავშირებით და გვარიანადაც იჩინდრიკებს გაღმა-გამოღმა, რათა მაჩაბლის 13-ში, ქართული მწერლობის ტაძარში, უპრობლემოდ იარონ ერის უკვდავებისათვის სალოცავად ჩემთვის აქამდისაც სათაყვანებელმა შემოქმედებმა, ბატონებმა: მუხრან მაჭავარიანმა, ხუტა ბერულავამ, ელიზბარ ჯაველიძემ, მამუკა წიკლაურმა, ნოდარ წულეისკირმა... სხვათა, მაგრამ წმინდა წყლის ნაყა გამომადგება მედიატორული მეცადინეობანი ესე.

მწერალთა ასეულის გაზეთი კი სრულიად უსაფუძვლოდ კენჭს გაღმაგდებს ჩემსკენ ზევის დასაცურებლად. გ. ო).

ეს ერთი კი არა, ათი ამ მორალით გაქდენთილი წერილიც რომ გამოექვეყნებინა ბ-ნ ოტობაიას, მაინც ასე მოვიქცეოდით, როგორც მოვიქცით, რადგანაც თუკი რაიმე აბრკოლებს ჩვენს ლიტერატურულ ცხოვრებას, მათ შორის ისიც, რომ რედაქციებში თავს არიდებენ სარედაქციო მუშაობასაც და ისე ბეჭდავენ ურთიერსაპირისპირო წერილებს, ვერ გაარკვევ, რის დამკვიდრებას ესწრაფვიან.

ეს არ არის პოლემიკა.

დასაერთოდ: საქმის გაიოლება იმ ყალბი ფრაზის მოშველებით: მკითხველი თვითონ გაარკვევსო, — ვერაფერი გამოსავალია.

თუ მკითხველმა უნდა არკვიოს, მაშ რედაქციებს რაღა დანიშნულეობა აქვთ? საესებით სკამარისი ყოფილა კომპიუტერული ცენტრის არსებობა, სადაც ყველა მიიტანს იმას, რაც მოესურვება და დაუბრკოლებრივ გამოქვეყნდება. კომპიუტერული ცენტრი პასუხს არ აგებს ურთიერთსაპირისპირო წერილების დონეზე და არც მტყუან-მართლის დადგენა ევალება.

მანსოვს: ერთ-ერთი საჯარო გამოსვლისას აკაკი ბაქრაძემ ჩვენებური პოლემიკები პინგ-პონგის თამაშს შეადარა, რასაც საგრძნობლად აკლია რედაქციების წარმართველი ხელი — შეფასება, დასკვნის გამოტანა, მტყუან-მართლის გარკვევა, ფალსიფიკაციებში მხილებულ ავტორთათვის საკადრისი პასუხის გაცემა.

პინგ-პონგის ხსენებამ მაშინ ძალიან გვაცინა და იქნებ თქვენც გაგეცინოთ, მაგრამ განა მართლა სასაცილოდ გვაქვს საქმე? ეს ხომ ის სასაცილოა, სატირალიც რომ არის იმავდროულად!..

პოლემიკა პინგ-პონგს დაემგვანა, მაგრამ სინამდვილეში პინგ-პონგი სულაც არ არის.

ჩვენთვის ეს პრინციპულია, ისევე პრინციპული, როგორც განსხვავებული აზრის პატივისცემა, ყურის დაგდება, არგუმენტებით კამათი.

თუ ბ-ნი ოტობაია თავს აჯობებს და რაიმე რიგიანს შემოგვთავაზებს

(ძნელი წარმოსადგენი კი არის), გამოქვეყნებაზე უარს როგორ ვეტყვი. საერთოდ კი ისეთი პროფესიონალების გვერდით ვიდგებით, როგორც ამ შემთხვევაში ეკა ცხადაძეა და პინგ-პონგს არავის გავამართვინებთ“.

როსტომ ჩხეიძე,
„გამოსვლები უეკრანოდ“,
„ჩვენი მწერლობა“, 1-8 მარტი, 2002 წ.

ამგვარია ყუფუნხეს „საგასადმი“ ჩვენეულ „მდარე პასუხს“ წლის-თავზე დადარაჯებული მოპინგპონგე რედაქტორის მკვახე შეძახილი. წელიწადში ორმოცდარვა კვირაა, მაგრამ ქართული ლიტერატურის მეტრი ვილაც მერომანესათვის რას მოიცლიდა საჭირო შემთხვევამდე, საერთო სიტუაციის დაძაბვამდე?

„რომანისტს“ ბრჭყალებში ამწყვდევს. ეტყობა „მდარე წერილს“ უმუშავია, თანაც ჩვენეულ წიაღსვლებს მენტორი ოსტატურად ჩქმალავს და გური ოტობაიას შემოქმედების ნიველირებით ცდილობს ფონზე გაღწევას.

„მწიგნობის ჩიბუხელის“ პროტეჟე-ყუფუნხეს სანახევროდ გამოხშირულ თხზულებას, რედაქტორი ახლა მთლად გაამესამედებს და ყუასლა შემატოვებს ხელში. აქედანვე ჩანს, რომ ბ-ნ ჩხეიძისათვის ყუფუნხე საზარბაზნე ხორცია, სასიხჯი ქვა გური ოტობაიას რეაქციისათვის. ეს რომანი ხომ საკმაოდ სახიფათო პროფესიის ხალხს ეძღვნება და უპრობლემოდ თავს რისთვის აიტკივებდა? თანაც სტილურ ერთგვაროვნებასაც დააკვირდით: ორმაგი უარყოფები, უადგილო „რომ“-ებით პუტუნნი, „ფასეულობათა გადაფასებაო...“

ძალისმიერი პოლიტიკით საუბარი, შიში, ორანი, ყოველგვარი შებოჭილება პირდაპირი თუ ირიბი ზეწოლით, აბსოლუტურად მიუღებელია ჩემთვის. ლიტერატურულ ფაქტს დრო გამოცდის ხოლმე და არა ნავარჯიშები კუნთები. აქედან გამომდინარე, მე კატეგორიულად ვეწინააღმდეგები ნებისმიერი ხასიათის პრემიას, ეროვნული იგი თუ სულაც სტოკპოლმისეული, ვინაიდან შეუძლებელია დროის მოკლე მონაკვეთში (ვგულისხმობთ მწერლის თუნდაც ხანსვიან სიცოცხლეს), გამოწვლილვით დადგინდეს ამა თუ იმ ნაწარმოების ესთეტიკური დონე.

ამიტომაც წარვუძღვარებ ბ-ნ ჩხეიძისაგან ეჭვქვეშ დაყნებულ ჩემს

„ვეება წიგნს“ ამგვარ ფრაზას: „ჩემი თხზულებების საბოლოო იერსახეს მხოლოდ და მხოლოდ მათი ავტორის სტიქის ტალღებთან შეთამამება-და თუ დააზუსტებს“-მეთქი. ანუ სიცოცხლის უკანასკნელ წუთამდე უფლებას ვიტოვებ რაღაც შეეცვალო ჩემს „რომანებში“. აუცილებელი თუ გახდა, გავანახევრო ისინი, გავამესამელო ან მთლად ფორზაც-ყუამდე დავიყვანო. თუმცა სხვა გახლავთ ბ-ნ ჩხეიძის დაგვიანებული წყრომის მასაზრდოებელი ბინული. კონკრეტულად კი „ცნობიერების ნაკადის“ ხელწერა ინდის ხურმად რომ ელანდება.

ვინმეს სტილისტურ ცდომილებებში რომ შეედავო, თავად გმართებს უზადობა, თორემ გვსმენია ხალხური საუნჯედან: ქაჩალმა ქოჩორას ხვლეპუსობა დასწამაო.

„მწილობის ჩიბუხელის“ გაწიწმატებას დამატებით და უმეტესად-რე „ჩვენი მწერლობის“ კრიტიერიუმებში შეეჭვებაც აპურღვინოებს მეოცე საუკუნის რომანისტ-პოეტების ხუთეულების დადგენის გზაზე. მიკერძოებულად, გემოვნების დეზორიენტაციად მივიჩნე და მიმანჩია დღესაც ქართული ბელეტრისტიკის კლასიფიკაცია ხაზით:

ვასილ ბარნოვი — „მიმქრალი შარავანდელი“;

მიხეილ ჯავახიშვილი — „ჯაყოს ხიზნები“;

კონსტანტინე გამსახურდია — „მთვარის მოტაცება“;

ლევან გოთუა — „გმირთა ვარამი“;

და მათ გვერდით ოთარ ჩხეიძე „ბორიაყით“, რაჟამს სრულიად გაუგებარი მოტივაციით იგნორირებულია ჭაბუა ამირეჯიბის „დათა თუ-თაშხია“ და ოთარ ჭილაძის „აველუმი“; ესეც რომ არა, დარღვეულია შესაფასებელი სივრცის ერთგვაროვნება: ერთ სიბრტყეზეა დალაგებული ნათელშიმყოფები თუ სვეგრძელნი.

მიკერძოებული და ფასეულობათა წამყრუებელია ბ-ნ ჩხეიძე-უმცროსის ნუმეროლოგია მეოცე საუკუნის ქართველ პოეტთა ხუთეულის დადგენის მხრივაც: გალაკტიონი, ტიცვიან ტაბიძე, გიორგი ლეონიძე, ლადო ასათიანი და ტარიელ ჭანტურია (დროის ფაქტორი აქაც იგნორირებულია ანა კალანდაძისა და მურმან ლებანიძის შემოქმედების გამომწიროვით).

მეტრი რედაქტორის გაწიწმატებას, ბუნებრივია, ისიც ანაყროვნებს, ალბათ, რომ მის მოღვაწეობას „მწილობის ჩიბუხის“ დანამატად მოვიზნო-რებ, ვინაიდან იშვიათობაა მსოფლიო ბელეტრისტიკაში ტოქსიკური ნიკოტინის აღებმიცემობას ლობირებდეს სიტყვაკაზმული მწერლობა. ეს მოჩვენებითი პომპეზური დიზანი, თაბახის შესაშური ბრჭყვიალება, ფაქტობრივად ქართველი ხალხის ფიზიკური გენოციდის შემწეარებელია.

დააკვირდით საქართველოს ჯანდაცვის სამინისტროს ბოლოდროინდელ განცხადებებს: როგორც არსად დუნიაზე, საქართველოში ორასჯერ გაზრდილა თამბაქოს მწვეველთა კიბოიანობა. ამისი უმთავრესი მიზეზი კი თუთუნის შემადგენლობაში რადიაციის კოლოსალური მომძლავრებაა. და ოდეს ამ მიმართებითაც სიტყვა გადავუკრავთ ბ-ნ ჩხეიძეს, რამდენადმე წამოგვიმცხეთდება, მაგრამ მხოლოდ თორმეტი თვის შემდეგ შემომეხმინება თავისი მენტორული „პინგ-პონგის“ თეორიით, რათა საკითხის ჭეშმარიტი არსი რამდენადმე მიცხრეს, მინავდეს.

რაც შეეხება ჯანსაღ პოლემიკას, სულაც არ გახლავთ „პინგ-პონგის“ თემა.

ჟერ ერთი, ვაი, იმ რედაქციას, რომელიც მისთვის არახელსაყრელ ფრაზას გამოხშირვას დაუწყებს.

მერედა, ვაი, იმ რედაქციას, რომელიც განსხვავებულ აზრს გზას უხშობს, იმის შიშით, არიქა, ბაკქანალია არ გაემართოთო.

დაბოლოს, ვაი, იმ რედაქციას, რომელსაც სერიოზულად მიუჩნევა: თითქოს ჩვენი მკითხველი ხეპრეა; თითქოს თავად ვერ გაერკვევა საგანმოვლენათა სისწორესა და სიმცდარეში.

* * *

ტრიალის ორი მესამედი გასრულებულია.

მეორე წიგნი კორექტივებს შეიტანს პირველში. მყესი მყესს უკეთ რომ მოერგოს, დეტალი დეტალს უკეთ დაემთხვეს, სათანადოდ იცვლის ფერს, თუმცა მსგავსი მეტამორფოზანი ჩემი შემოქმედებითი ტონისთვის ჩვეულებრივია. მე ხომ სულის კვარცხლბეკზე ასეთ ფრაზას აღვმართავ შუქურად:

„ჩემი თხზულებების საბოლოო იერსახეს მხოლოდ და მხოლოდ მათი ავტორის სტიქსის ტალღებთან შეთამამებალა თუ დააზუსტებს“-მეთქი.

არ არის გამორიცხული ტრიალის მესამე წიგნმა კვლავ მომთხოვოს პირველი-ორის რეკონსტრუქცია, მაგრამ ეს ყოველივე ხომ ლაბორატორიის საქმეა, მწერლის ქურახანის ამბავი?!

მთავარია სული არ შეიცვალოს, არ შეიცვალოს ის ძირითადი მიზანსწრაფულობა, რომლისკენ მიიღტვის შემოქმედის ცნობიერება: ლაზარესავით ოთხიათასი წლით მიძინებული სამშობლოს დასურათხატება თუ მოგიწადინებია, თანაც ისტორიული მასალა მარტოოდენ კირია თანამედროვეობის ლოდების შესადულაბებლად, დაგვეთანხმებით, ჯერაც მომქანცველი გზა მელის წინ, მაგრამ მესამე წიგნს უკვე მე

თვალნათლივ ვხედავ, დაახლოებით ისე, როგორც სივრცეს — მომქანცველი გვირაბიდან გაღწეული.

თუკი პირველ წიგნში სრულ უკუნეთში, წკვარამში მივაბიჯებ ხელების ცეცებით, ინტუიციით, ალლო-გუმანის მეოხებით; თუკი მეორე წიგნში საგრძნობლად შეთხელდება ეს ბერბეცი ღამე გვირაბის გასასვლელის წიაღიდან შემონაკადებული ნათლის ჩქერალებით, აწყველაფერი გარკვეულია. ამ რეალობის მოსახვეჭად პროზის მოუქნელი ენა გამოუსადეგარი აღმოჩნდება, რამეთუ თხრობის მომქანცველი სტილი ვერ კუმშავს ფრაზას პოეტური სიძლიერით. თუ პროზის ენას სიმბოლურად დენთს შევადარებთ, მაშინ პოეზია ატომური ენერგიისა ყოფილა, ვინაიდან ამ უკანასკნელში მოცულობა უკიდურესობამდეა შეკუმშული.

მაგალითისათვის თვალი მივაპყროთ ონორე დე ბალზაკის „ადამიანურ კომედიებს“ ოთხმოცი ტომის მოცულობით. სიკვდილის მომლოდინე ეს „სიანგვინიკური ტახი“ მზადაა საკუთარი ბრჭყალ-კბილებით ამოეგლიჯოს განუყოფელი შემოქმედებიდან წყალწყალა სტრიქონები, მაგრამ კალმით ნაწერს ვინაიდან ნაჯახითაც ვერ ამოშლი, დარჩა ჭეშმარიტების თვალში მაკულატურის ზვინზე წამოსკუპებულ ყავახვრეპიად.

ახლა შევხედოთ რა ვითარებაა დანტე ალიგიერთან! „ღვთაებრივი კომედია“, რომელიც კვებავს ბალზაკის მსოფლგანცდას, საკუთარი საზოგადოების მხილების უტყუარი სარკეა, მაგრამ იმდენად კონდიცირებული, ნემსის ყუნწში გამძვარალია ჯორიცა და აქლემიც პატრონითურთ, ერთ მონუმენტურ წიგნში მოქცეულა იტალია სრული, რომლის ფუქსავატი და გულქვა საზოგადოების ტიპური სახე იმდროინდელ ევროპას თავისუფლად შეიძლება მოარგო თითლიბაზურ ნიღბად.

ესეც პოეზიის ჯადოსნური სიძლიერის დასტური: ოთხმოცი წიგნის მაგივრად ერთშიც ჩინებულად მოხერხდება კაცობრიული ვნებათაღელვანის ჩატუმბვა.

ამ სტრიქონების წამკითხველმა შესაძლოა გაცეცებით მომიგო: კი, მაგრამ თუკი თეორია გაგიცნობიერებია, თვითონ რისთვის აჯახიერებ პროზის ენით სტრიქონსო. ლოგიკურია ასეთი შეკითხვა, შეგირდო, ჩემო.

ჯერ ერთი, შენს ოსტატს ოთხმოცი ტომი სრულებით არ სჭირდება მამულის ჭირ-ვარამის გადმოსაცემად. ამისთვის მას ტრიადაც საკმარისად მიუჩნევია, სამი წიგნის ერთიანობა, რომლის პირველი-

ორი გასრულებულია და უფალი თუ ინებებს, მეოცე საუკუნის გარიჟრაჟიდან მესამესაც მოითავეს უცილობლად.

მაშასადამე, მისახვედრია, რომ ერთი მეთოთხმეტედი ზადი უკეთესია სამ მეოთხმოცედ ხარვეზზე, და მერეც შენეულ ასაკში სად იყო გური ოტობანიასთან ოსტატი პროვინციელი გულადი ფელეტავასთვის? მას ხომ თავად მოუწევს ამერიკის და ველოსიპედის აღმოჩენა. იგი ხომ გარეთ გამოსაღებ კარებს სამი ათეული წელიწადი ჯიუტად აწვება შიგნით.

აქვე ეს ანდერძი-წერილი ერთგვარი თავის დაღვევაა, შეგირდო ჩემო, იმ შემთხვევისათვის, ოდენ თვითონ ვერ მომიხერხდეს გოეთეს სვესიმრავლით სიცოცხლე, და მთლად არარაობისთვის გაიწიროს ხილვა ესე.

თუკი ოსტატი განახორციელებს ყოველივეს, გულისხმიერი მოწაფე ხომ ორგზის აღმატებულს გამოსტაცებს იღუმალების ორწოხებს ადამიანების საბედნიეროდ?! ჰოდა, ამაზე მეტი ნეტარება იქნება?! შეგირდი ხომ მასწავლებლის სულის გაგრძელებაა, გურუს შეწყვეტილი სიმღერის თავმობოჭვა?! ამისთანა მაგალითი უამრავი ახსოვს ქვეყნიერებას: ჰომეროსს ბერძნული მითები კვებავდნენ; დანტეს — ბრმა აედი; პუშკინის გენია ჟუკოვსკის მხრებზე დგას; გალაკტიონს „ცისფერ-ყანწილები“ ასტორცნიან მთაწმინდაზე, და განა უკეთესი აღმაფრენა იარსებებს ბელიუმების ასწლეულიდან მომავალი ოსტატისთვის, ოდეს ჰუმანიზმის ოცდამეერთე საუკუნის ტრუბადურის ტერფებს შეუღებება ბურჯად?

ჰომეროსი, ეს გენიალური გონების ღმერთკაცი, ფრჩხილების მოშიშვლებას იუკადრისებს და ჰექტორის მოკვდინებით ტროის იავარქმნის ფინალს დასჯერდა. დანარჩენი ხომ ისედაც ნათელია, როცა ციხის გოდოლს კარიბჭეს შესწინან, იქ მომწყვდეული მხედრობა დედაბუდინად განწირულია, მაგრამ უმჯობესია აღრინდელ თავებში გაბნეულ დებულებას მოვუბრუნდეთ ერთხელაც.

საქართველოს პრეზიდენტზე ზემოური საუბრიდან თუ გვახსოვს, ხალხის უმრავლესობით არჩეულ მესვეურს განსაკუთრებული სისასტიკით ინტელიგენცია გადაემტერება, ხოლო თუ ვივარაუდებთ იმ ფაქტსაც, რომ კომუნისტური პარტია საქართველოში 400 ათასამდე ადამიანს აწვევრიანებდა, ადვილმისახვედრია, ამ საკმაოდ ზორბა ციფრის ერთ მესამედს მაინც უცილობლად ინტელიგენციაა და გამსახურდიაც სწორედ ბებერაზე დააჭერს ფეხს აღრინდელი ხელისუფლების მიერ

პრივილეგირებულ ფენას, რომელსაც პარლამენტიდან დათხოვნის შემდეგ ყველაფერი წყალში ეყრება.

გამსახურდია, ესთეტიკური მამულიშვილური პოზიციიდან სა-მართლიანად მიუთითებს კალამგრობას ლამის გენიებად თვითშე-რაცხულ უნიჭოთ ერთიანად ტამრი აეშლებათ. ზოგი ტაშტს წამოაგ-ლებს ხელს, ზოგი ფიწალს მოიპარავს მართლისმთქმელი ლიდერის ჩა-საქოლად. მე კი ვამტკიცებ: ბრდღვნად არ ღირს-მეთქი თქვენი გაფხორილი ჰაეროვანი მონუმენტები.

ჰომეროსის ღვთაებრივი ენა თანამედროვე რომანში მოკვდება და დაიბადება კიდევ, როგორც ორაგულისგან — კალმახი.

ჰეგზამეტრს სამეტყველო საზომი შეენაცვლება, რაც დიალექტი-კურიანო, გულთმისნობს უამრავი მუცლითმეზღაპრე.

სწორედ რომანი არის ეპოქის უმეტოქო მემკვიდრე, შთამომავა-ლიო ტებით თუ ბაობაბებით.

შენი გამარჯვების საწინდარი, შეგირდო, ჩემო, პოეტური სახეე-ბით, პოეტური მეტრიკით აზროვნებაა, ეს კი აუცილებელია თხრობი-თობის მასის შესამცირებლად. აქსიომაა, რომ ნებისმიერი შემოქმედი ესწრაფვის საკუთარი თანამედროვეობის გადმოცემას ზოგადსაკა-ცობრიო ნიშნით, როგორც ამას მოახერხებენ ჰომეროს-დან ტე-გოეთე. ესე იგი გარკვეულია ესთეტიკურ ფასეულობათა მიზანსწრა-ფულობა: იგი ასახავს გარემომცველ სამყაროს, ამაღლებული კატეგო-რიისაა, მშვენიერი, ტრაგიკული თუ კომიკური და ყველაფრის გათვალისწინებით იმთავითვე უნდა მოიმართო მონუმენტური ქმნილე-ბისთვის, რადგანაც „მოშირე არა ჰქვიან, ვერას იტყვის ვინცა გრძე-ლად“.

ღიახ, მონუმენტური ტილო უნდა შექმნაო, გვიკიჟინებენ თორმე-ტი საუკუნეა, და აქვე კატეგორიულად ჩავგვახიან: „გრძელი სიტყვა მოკლედ ითქმის, შიირია ამაღ კარგიო“, ანუ უზარმაზარი მასალის ერთ წიგნში ჩატევა თუ გწადია, ლექსის ენით შეუღდექი მის გადმოცემა-გაცოცხლებასო, მაგრამ ვინ არის ყურისმგებელი?!

რაც შეეხება თავად სინამდვილის, რეალობის გაცოცხლების ხერ-ხებსა და მეთოდებს, ბრმა აედი ქვეტექსტით მიგვანიშნებს: დაიწყე მთა-ვარით, დაიწყე სულისშემძვრელით და წვრილმანები მის გარშემო გეგ-მაზომიერად დარაზმეო.

უკვდავი ქმნილების მასაზრდოებელი სამივე რგოლი ვფიქრობ, რამდენადმე ხელშესახებად მომიწოდებია, თუმცა აქვე შეიძლება გარ-კვეული დაკონკრეტებაც, ვინაიდან ჰომეროსის ეპიგონური მიმდევრო-

ბა, მხოლოდ უბადრუკ ასლს მოგვიტანს, სასაცილო მინაბაძს, საჭი-
როა კი იშვიათი გარდასახვა, გარდაქმნა, გაფენიქება.

დაგვრჩენია კიდევ მეოთხე გიგანტი ამ ურჩხულის მოსათოკავად
— ამბავი, თუ მისი წარმმართველი გმირი და შეგირდო ჩემო, წამი-
თაც არ ვნაღვლობ, საკუთარ სულს შენს სასარგებლოდ რომ ვქურ-
დავ.

ამისთანა ასპარეზი ოთხი დღის მიძინებული, ჩვენი ლაზარე სამ-
შობლოა, სადაც დღე აღიქმება, ვითარცა წელი ათასი;

აქ კოსმოსში გაჭრის პერსპექტივებია მისტიკისა და ცხადის შენას-
კვის გათვალისწინებით.

აქ არ გაძნელებდა მრევლის პოვნა, ვინაიდან კოლხურ თუ ზოგა-
დეროვნულ პრეისტორიულ პანთეონს შენთვის მკვიდრად შემოუნა-
ხავს კავკასიონის ქედზე მიჯაჭვული პრომეთე-ამირანი, რომელსაც
გეგმაზომიერად უკორტნის ღვიძლს ზევსის არწივი;

აქ თავზესაყრელადაა თემები: არგონავტების მიერ ოქროს საწმი-
ლის მოტაცება აიეტის სამკვიდროდან, თუ თავად გულთმისანი მედეა,
ტომით ნათესავს, ფეხმარდ აქილევსს რომ შეეწყვილება საიქიოში;

აქ თავად ტროას ათწლიანი კომარებია კარზე მომდგარი ჰალი-
ძონების მეთაურის, ოდოია-ოდოისის აღსაზევებლად, იარაღის
მწრთობელი ასეულთ რომ ჩადწეულა მცირე აზიაში;

აქ უკლებლივ შემოჯარდებიან ჟინი ანთარები, ზოგაის მინდიანი,
იახსარები თუ კოპალანი და უკვე მეოცე საუკუნის შუქ-ჩრდილების
წიალიდან ამოფეთქილს მათი გაცოცხლებაც ნაკლებად გაუჭირდი-
დება.

ხოლო რაც შეეხება თავად პოეზიის ენის საიდუმლოს, უსწავლუ-
ლი რამ არისებ, ეგ შეგირდო, ჩემო, ჯოჯოხეთი, გაუნელებელ ცეცხლში
კირთება. ეს იგივე დუნენდია, თეორიით გადმოცემული, მირაჟი, როცა
გუდიაშვილის მშვენიერ ბანოვანს ვირისყურება მეცნიერები ლანცე-
ტითა და გამადიდებელი შუშით უკირკიტებენ;

ეს ღვთით მონიჭებული მადლია, ზენაარეული წყალობაა, ურომ-
ლისოდ ამ სტრიქონების გულდასმით წაკითხვას არც ინებებ, თვალს
გადაავლებ, ირონიული ღიმილით მოისვრი დავიწყების მტვრისკენ, მაგ-
რამ შენ ერთადერთს მაცხოვარი სიყრმიდანვე მხრებზე დაგაბერტყავს
უჩინარის დანახვის თუ გადმოცემის უნარს და ცხადია, სულშემძრული
მიუჩიოხდები მის უდიდებულესობას.

დანარჩენი ხომ მეტნაკლებად გამიცხადებია და თუ „სუფევას“
ბოლომდე მიაღვენებ გაფაციცებულ მზერას, იქნებ რალაც არსებობი

ამოკრიბო შენი ოსტატის — გურუს, შენი გური ოტობაიას მართულ ქცეულ ცხოვრებიდან, რაიც მცირეოდენად მაინც შეგეშველებათ ოთხიათასი წლით მიძინებული ლაზერე-სამშობლოს ჯერეთ გამოსალ-ვიძელად და მერმე — საკუთარი მეობის თუ დედაკოსმოსის შესაცნობ-ად შეუთავსებელ განზომილებათა შეთავსების გზაზე.

III

სტილი ქმნის ადამიანს

„დათა თუთაშხია“ — ქართული რომანის მწვერვალი

ამ მონაკვეთის უკეთ დასათაურება გამიძნელდა. დიახაც წერის მა-ნერა ქმნის ბელეტრისტს: მოშაირეს თუ მერომანეს და რადგანაც არისტოტელეს მიხედვით სტილი ორბოლოიანი ჯოხია, რომლის ერთი წვერო დაფაზე განცდათა აღნუსხვის მატარებელია, ხოლო მეორე — წაშლის საშუალება, იტყვის სტაგირელი ხანდახან: სტილი შეაბრუნაო, ანუ დახვეწე ტექსტით, და რამდენადაც ნატრიალებია სტილი, ან ურამდენადაც გაკეთილშობილებულია მასალა, ნაწარმოებიც იმდენად გამობრწყინდება ხოლმე.

ამ პროცესს ჰორაციუსი უფრო ხატოვნად თხზულების ათი წლით ხარის ტყავში გახვევას მიუსადაგებს, რათა ასოცი თვის შემდეგ ავტორ-მა რაღაც მანქანებით აღმოაჩინოს განჯინის უჯრაში მტვერმოკიდებუ-ლი ნაშრომი და უცხო თვალთ, სხვის ქმნილებასავით აღიქვას ოდეს-ღაც საკუთარი წიაღიდან გამოსული წვა-მდულარება.

სტილის შებრუნება, „ბურუსის“ ავტორისებურად თუ მოვუქცევთ ენას და რიმანების დაწვევების საშუალებაა, მაშინ გური ოტობაიას გაუბუქებლად შეიძლება გუწოდოთ საკუთარი თავის მტერი და და-მაქცევარი რიმანელი, ვინაიდან ტრიადის ნაცოდვილარი პირველი წიგ-ნი მას 34-ჯერ გადაუწერია და გადაუბეჭდავს ამავდროულად საშა-ეგუტიას ნაჩუქარი „ერიკათი“.

ინდივიდუალური ძალისხმევით უკორექტორებია ორჯერ ათ წელი-წადს ხარის ტყავში გამოკრული თუ ვერა, კომპიუტერის ტალანებში შეგზავნილი თხზულება და მხოლოდ მერმე, ისიც ნოესავით მოვლენი-ლი დიმიტრი გულისაშვილის მეშვეობით ღირსებია ბაძგი-

ლენცოფისაგან გამოსწორვა, გამოსარეველება ისე რომ, ქრისტეს შემოდგომას არ დალოდებია, სადაც ღვარძლს თუ იფქლს დათავთავების შემდეგ განაცალკეებენ ხოლმე ერთიმეორესაგან, თანამდევი ბუნების გათვალისწინებით.

და ოდეს გური ოტობანია ხმას იმაღლებს სტილისტურ ცდომილებებზე ამ სამკალში, ეს უწინარესად საკუთარ შემოქმედებას შეეხება. — „სიცოცხლემისჯილების“ პირველ-მეორე წიგნებს და არავითარ შემთხვევაში დასახელებული თხზულების მკითხველთან მესამე შეხვედრას — ტრიადის შემკონავ „ოდოიას“.

აქედან გამომდინარე მელნის ხალხი რაიმე ახირებულობად, ან იაფფასიან „შურისძიებად“ რისთვის ჩამომართმევს ძმის თვალში ბეწვის შემჩნევას, ვინაიდან ჯერ გური ოტობანიას მხედველობასაა გამოცლილი დირე და აწი, ვფიქრობ, რაიმე კერძო ინტერესით არაფრით შემწიკვლება მუშაკობა ესე.

ვერ ისწავლა მესხიამ წერა, ვერა, ვერაო, შენიშნავს ორბელიანი მამებისა და შვილების ერგასწლიან ომში, მაგრამ უფრო სავალალო სურათი დღევანდელ ჩვენს ბელეტრისტიკაში ყვანთალებს:

ორსაუკუნოვანი რუსული უღელი ქედზე გაჩინდ კოჭრების გვერდით უამრავ ბარბარიზმს და ფრაზის მათებურად მოქნევის ჩვევას გამოგვიმუშავა. ეს აშკარად თვალშისაცემია ყვითელი თუ ოფიცოზის მოთნე პრესის ზერელე გადათვალეერების დროსაც კი. იგივე ამაზრზენობა ტელეკრანიდანაც. ჩვენი საეთერო მასმედიის ყბადაღებულობა ამისი ცოცხალი ნიმუშია რადიომაუწყებლობის კომერციულ-ესტრადული ყბედობის მხარდამხარ. ორსაუკუნოვანი რუსიფიკატორული პოლიტიკა უთვალავ ცთომილ ენობრივ პოზიციას დაღეჭავს ჩვენს მეტყველებაში, რომელიც პატროფილის თვალთახედვით დიახაც მოითხოვს მიზანმიმართულ, განუხრელ გასწორებას, არა ნაჯახის პოლიტიკით მოსხეპილის და ქირქილ-სისინით გაწაწანებულს, არამედ აღმსარებლობით გამაჯისყურადებულს დასტაქრის კვალობაზე, რამეთუ საქმე შეეხება, ჩვენს ენას, მის მარადუკვდავ სხეულს, სამარის, პირსაც ვერდასათმობს. ჩრდილოური ვერბალური მუტაციები განსაკუთრებით ქართულ მორფოლოგიას დააჩნდება წარუშლელ დამოად, ვინემ ფონეტიკას და სინტაქსს.

კვითხულობ ჩვენს კლასიკოსებს — კლდიაშვილს, ჯავახიშვილს, გამსახურდიას, ქიაჩელს, სხვათა და გული სიმწრისგან მეწურება:

ამ მართლაც და გიგანტ ხელოვან ხალხს ნუთუ არასდროს დასჭირვებია ქართული ენის ორთოგრაფიულ ლექსიკონში ჩახედვა- მეთქი, მიკენესის სული.

ერთგან დიდი კონსტანტინე, გრამატიკოსებს დაუცაცხანებს მათი დაუსრულებელი წკაკეწკაკის გამო ქართულის სიწმინდისათვის:

— ეგრე რომ იყოს, მაშინ შანიძეები ყველაზე დიდი მწერლები იქნებოდნენო, მაგრამ მიმაჩნია, ეგ უბალავრო არგუმენტია. როგორც ზემორე აღმინიშნავს, ძირითადი ცდომილება დაახლოებით ოცდაათიოდე სიტყვის უმართებულო გამოყენების ბუნებისაა და კიდევ რამდენიმე მანკიერი ათეული ფრაზეოლოგია-გამოთქმისა, რისი ამპუტაცია ჩვენს მწერლობას მსწრაფლ გაანთავისუფლებს რუსიციზმების სიმსივნეთაგან.

აწგარდაცვლილი ხელოვანთა ნათელმეობა ზეცაში ტრიალებს და ერის ფსიქიკას ჩაშენებია ქვათა და კირთა; ჰოდა, მათი თხზულებების გამართვას ამიერიდან აღარაფერი ეშველება. მეც ხომ იგივეს ვეხმობები მკითხველს ნაწარმოების ტრიუმფალური თალიდანვე:

„ჩემი თხზულებების საბოლოო იერსახეს მხოლოდ და მხოლოდ მათი ავტორის სტიქის ტალღებთან შეთამამებლად თუ დააზუსტებს“ ანუ სიკვდილამდე უფლებას ვიტოვებ, ბევრი რამ შეეცვალო ჩემს რიმანებში, სტილისტურ-ფრაზეოლოგიური მიმართულებით - მეთქი.

ამ ლომობიერებით ოდეს მივუბრუნდები გულიდან ხორცად გამონატან განწყობილებებს, მეიმედება, ზოილობად არ ჩამომერთმევა მეცადინეობა ესე; არავინ შემომკადრებს უმეცრის სირეგვნიტ: შეხედეთ, ერთი, ამ ბედოვლათს, თავადაც იგივე შეცდომები მოსვლია, ქაჩალი სიმელოტეს როგორ გვწამებსო, მაგრამ ხმა თუ ამიმალეებია, შეგირდო, ჩემო, უფრორე შენთვის და შენისთანებისათვის, წინამორმედთა გამოცდილების მოშველიებით.

ჰოდა, რადგანაც დარწმუნებული ვარ მარადისში გადაბრძანებამდე ერთხელაც მიუბრუნდებიან ჩემი კოლეგები თავიანთ შემოქმედებას, ერთხელაც შეატრიალებენ სტილს, ერთხელაც დააწდევებენ ქვევრიდან ქვევრში ათგზის გადანატან ღვინოს, ქანააქინის აუცილებლობით განმიცხადებია: მსგავს ქირურგიულ ჩარევებს საჭიროებს ოთარ ჩხეიძის „არტიტული გადატრიალება“, ოთარ ჭილაძის „აველუმი“, გივი ალხაზიშვილის „ამოდის თუ ჩადის მზე“, მიხო მოსულიშვილის „უჟამო ჟამის რაინდი“, (აკა მორჩილაძის „გადაფრენა მადათოვზე და უკან“) თუ სხვა ნებისმიერი, რადგანაც ყველაზე შთამბეჭდავის მაგალითზე შეგპირებივართ ანალიზს, მეუმჯობესება, ისევ დიდი ამირეჯების შემოქმედებით დავუტრიალდეთ საქმეს.

„დათა თუთაშისასა“ და „გორა მბორგალის“ სტილისტური ანალიზით, ჯერ ერთი, ზედმიწევნით გამოიკვეთება ამ მართლაც თვითმყოფადი ორი თხზულების ერთავტორობა; ამასთან, ისიც მეგულისხმირება, რომ ბატონ ნოდარ წულეისკირის სიჯიუტით არ ამიხრდებიან, ვი-

ნაიდან სამართლიანი შენიშვნის აღიარება გენიოსთა ხვედრია, ხოლო მართებული მითითების გამო ტლინკების ყრა—ტალანტების ძალისხმევის იდენტური:

არასდროს დამავიწყდება — სამ-ოთხვევრდინი გამომხაურება ამ ფრიად რაფინირებული მწერლის ნოველაზე „სისა ტურა“. ყურადღებამოდუნებული მკითხველის მისამართით ვაკონკრეტებ: იმ ნაწარმოების მიხედვით ახალგაზრდა დედას შვილი გარდაეცვლება, პატარა ბონდო. ქალიშვილი თავისნათქვამაა, მშობლებისათვის არასასურველ პიროვნებას გაჰყოლია ცოლად, რომელიც მალე „დიდ სამამულო ომში“ გაუწვევიათ და დაღუპულა კიდევ. ცეროდენა ბონდოსაც ლაჟვარისკენ გაუტოპავს, ანკარა სულს წაჰყოლია ვარდისფერი სხეულის ჟღურტულოთ; თუმცა დედა ძველებურად აკვანში არწევს პირმშოს, ეთამაშება, ჩვრებში ახვევს და ანანავებს. ხვალ გასვენების დღეა. მეტის დახანება არ შეიძლება. ამ მოლოდინით მშობელი მთვარიანში გადატოპავს სარწვევლადან ამოართახებული მემკვიდრითურთ. წაეხეტება სერი-სერი, კორდი-კორდ, ტყე-ტყე.

ბუღბუღების სტვენაში, ჩიტების ჟრუღაში, ბუნების გასაოცარ ბაბანში მოწოლილი რძისაგან ძუძუები დაბერვია დედას. უცებ რაღაცნაირი ინსტინქტი უბიძგებს მშობელს, ბავშვს ტუჩებს ძალად დააღებინებს, პირში ჩაუჩრის გარუმბებულ კერტისთავს და ანგელოზს უსიცოცხლო წიღში ჩაუღვარის მაცოცხლებელ ნექტრად. რამდენიმე მუშაკობაც და პატარა ბონდოიაც თვალს აახვლს.

აი, სად მოვითხოვდი წერტილს მწერლისაგან. აი, სად აჯობებს ღუზის ჩაშვება-მეთქი, ყლს გამოვუწვევდი ორი თითით ჯერ სტუდენტი, ჯერ სამწერლო ასპარეზისთვის უმწიფარი. შემპირდება, დავითანხმებს თითქოს, მაგრამ მორიგ გამოცემაში აღარაფერს გაითვალისწინებს ბატონი ნოდარ წულეისკირი, და ახლაც ძველებული ვარიანტით შინისკენ მიიჩქარის შვილის გაცოცხლებით გახარებული ჯურჯუს ცირა; ახლაც გადარეული დარბის ოდა-სახლის ტალანტებში ბედნიერი დედა, დიდსა და პატარას აუწყებს ბონდო ბიჭის ხელმეორედ სულისდგმას. ჭკუიდან გადაცდენას სწამებენ. მისი მონათხრობის არავის სჯერა, მაგრამ ფაქტი ყველაზე მძაფრი სამხილი საბუთია და ირწმუნებენ როგორღაც სრული კვირის მანძილზე დანატირები ჩვილის ხელმეორედ მოვლინებას ცოდვილ ცისქვეშეთში.

რანაირი ფინალი შეგვიძენია?! სად აჯობებს თხრობის აღვირის დამოკლება? ნუთუ იოტისოდენად სცოდავს მწერლობისაკენ ახალფეხადგმული გულადი ფეტელავა? ამგვარი სიჯიუტით თუკი განგვიზრახავს გასირაქლეშება, კეთილი, მიაყურადონ უბირთა ქვიშროვანების შრიალს, ჩვენ კი დიადი ნაწარმოებების უკეთ გამართვისათვის ვიმუშა-

კოთ, შევირდო! ხომ მისწავლებია: ვინც რა უნდა თქვას, წისქვილმა კი ფქვას-მეთქი?! ან ძალი ყფეს, ქარავანი მიდის, წყალი რბის და დრო ქროლავს, ჰოდა, ვიაროთ თავაწეულად ლიტერატურული წელგამართულობისაკენ, მოწაფევ, ჩემო!

ყველაზე მიმღები, ყველაზე მიმტყვებელი ამ მეცადინეობაში ვინაიდან და რადგანაც ბატონი ჭაბუა ამირეჯიბი წარმომისახავს, განსაკუთრებით მისი თხზულებების თვალსაჩინოებით გავმართავთ მსჯელობას, ხოლო შინაარსობრივად, მიზანდასახულობით, ანუ მწერლისმიერი ჭირნახულით, რაფერ, რანაირად და რამდენად აღმიქვამს მეოცე საუკუნის მიწურულის ქართული ბელეტრისტიკის, ეს ორი იშვიათი მონაპოვარი მკითხველის სათანადო მოცალეობისათვის მიგვინდვია.

მაშ, ასე, ვიწყებთ „დათა თუთაშხიასა“ და „გორა მბორგალის“ მიხედვით სტილისტური ლაფსუსების დაფიქსირებას, გვერდების მითითებით, ვინაიდან ოპონენტი ოტობაია დარწმუნებულია, შემდგომ გამოცემებში ეს მსცოვანი — „ხმელი კოპიტი“ უფროს კალანდისბურად, ერთხელაც მიათვალყურადებს სტილის გადაბრუნებას; ერთხელაც დაედირება ზადისა და ხიჭვის ჩამოშორებას ოსტატის მიუკერძოებელი სწორ-მრუდის შალაშინით; დანარჩენ მწერალთათვის კი პრინციპი ერთ-ერთი სამამულო ანდაზის კვალობაზეა:

კოკას ეუბნებოდნენ და ლიტრავ შენ გესმოდესო.

ყველაზე მეტი ხერგი ჩვენს მწერლობაში ორმაგი უარყოფის წყალობაა. ორმაგი უარყოფა რუსოფილიის მანკიერი მემკვიდრეობაა, ჩვენი მეტყველებისათვის ტრადიციულად არაბუნებრივი, მაგრამ დროთა ვითარებაში ყურს მორგებულ, ლამის მართებულად მიჩნეული და უკვე სიტყვაკაზმულობაში სწორ მიმართულებად გაფორმებული.

ეს ტრადიცია მეგრელიზმებით შემოდწეულა ჩვენს ცნობიერებაში. მეგრელი იტყვის: „დღას ვამალინე“, „მუთუნით ვამალინე“, „დღას ვარ მალინე“. „მუთუნით ვარ მალინე“. „ვარ მალინე“ — „ვერ წავალში“, უარყოფითი მაჩვენებელი ნაწილაკი, „ვა“, „ვერ“, შემდგომში „არა“, შეზრდილივითაა, ერთსხეულიანობის ილუზიას ტოვებს, სინამდვილეში ბარბარიზმია.

„ნიკაგდა ნე პაედუ“-ო, ამბობს რუსი და ლიტერატურაში ჭიპ-მოჭრილი ქართველიც ბრმად მიჰყვება უცხო თესლის მეტყველებას. ეს ხომ თვალზე გადაკრული საუკუნოვანი ლიბრია, რომლის კორექცია ხელის ერთი მოსმითაა შესაძლებელი, ძალისხმევა იკითხე თორემ. ჩვენი მწერლები ამჟამად, ამ მიმართებით, გარდამავალ პერიოდში იმყოფე-

ბიან, ვინაიდან მართებული ფორმების გვერდით, თანაარსებობს უამრავი ცდომილება, თუმცა რედაქტორებად თითქოსდა წიგნიერი ხალხი უკით:

1. „მაგრამ აქეთ დათას კრიჭა რომ ვერ გაუხსნა ვერაფერმა“ (24), ამ კონტექსტში „ვერ“ ზედმეტია და ამოსაგდება. გასწორების შემთხვევაში წინადადება შემდეგ სახეს მიიღებს; „მაგრამ აქეთ დათას კრიჭა რომ ვერაფერმა გაუხსნა“. ყველაზე მეტი გარანდები ამ კუთხითაა საჭირო. რედაქტორს, ესთეტს, ბატონ რევაზ თვარაძეს თავად გაპარვია მსგავსი ლაფსუსი ჩინებული წიადსველების ბოლოსიტყვაობაში „ბედი საღმრთო რაინდისა“, თანაც ოთხგზის. აქედან გამომდინარე — ფორმები, „ვერასგზით ვერ იქნებოდა“, „არასგზით არ მოხდებოდა“, „არსად არ არის მინიშნებული“, „ვერასგზით ვერ ეგუება“, მისახვედრებელია, რომ მართონული ეპიკური ტილოს კონტროლისას მასაც გაპარვოდა მსგავსი წაბორძიკებანი.

არ დავიზარებთ გულისყურს ამ იშვიათი ფასეულობების რომანის გასაკეთილშობილებლად და სხვა მაგალითების ამონარიდებით წერილი რომ არ გაგვიზვირთდეს, უბრალოდ ნაწარმოების გვერდებს მივუთითებთ, თანაც დავსძენ, წინდებული გამოცემა ეკუთვნის „თეთრი გიორგის“ გრიფს, სიღნაღი, 1997 წელი.

„თუთაშხიამ ვერც ერთი საფარი ვერ შენიშნა“ 16, 20-3, ამ შემთხვევაში მივანიშნებ, რომ ორმაგი უარყოფა მეთექვსმეტე გვერდზე ერთგან და მეოცე გვერდზე სამ ადგილას არის გასასწორებელი- მეთქი.

„ვერ გავიგე ვერაფრით“ 21; „აღარ აყვა აღარავის“ 22-3, 23-3, 24-3, 25 26-2, 27, 29-2, 30, 44, 49, 50, 51, 53, 54, 55, 57-4, 58-2, 59-2, 60, 61; „მარა ვერ დავაჯერე ვერავინ“ — 63-3, 64; „არაფერი არ გამოვიდა“ — 65, „არაფერი არ ვიცი მე“, 66. რა ვუყოთ ლამის ფორმულასავით ქცეულ ამდაგვარ მიდგომას? „არავის საქმეში არ ვერევი მე?“ „ფიცი და მიღვია, აღარ ჩავერევი აღარავის საქმეში“ — 67.

კი, ბატონო, ჩემთვის გასაგებია გმირის კოლორიტის შენარჩუნება: ხანდახან უმართებულო გამოთქმა დასაშვებია მეტი სიზუსტისათვის, მაგრამ მთელს რომანს მსგავსი ინტონაციით თუკი გავეძგავთ, ვის გადავებაროთ ენის სიწმინდის მეციხოვნობა?

შეგვიძლია თავი ვიმართლოთ:

რომანი ეპისტოლარულია და ამიტომაც ორმაგ უარყოფებს მენუ მომაწერთ, მწერალს, არამედ ჩემს გმირებს მოსთხოვეთ პასუხიო, თუმცა მსგავსი მიმართება ფონს ვერ გაგვიყვანს. ქართული ენის სიწ-

მინდგ ყველგან და ყოველთვის მოითხოვს ცდომილის გასწორებას. პროკრუსტეს სარეცელის მიმდევრობას ნურავინ დაგვწამებს. აქ ხომ შემეძლო ამგვარადაც დამეწერა: „ნურავინ ნუ დამწამებს-მეთქი“, მართებული იქნებოდა?

ამიტომაც „არავითარი ენთუზიაზმი არ გამოუჩინია“, 70; სტილისტური ცდომილებაა, თუმცა ეს ფრაზა გრაფი სეგედისგან მომდინარეობს, მეფის ტახტის გულმხურვალე მცველი გენერლისაგან, ამავდროულად „რუსისგან“, მაგრამ როდესაც იგი ქართულად საუბრობს გამოთქმა ჩვენი ერისთვის დამახასიათებელი უნდა იყოს, ან უკიდურეს შემთხვევაში რუსულად აგვემეტყველებინა, სხვა ამბავია.

იგივე რანგისაა „არასგზით არ დაგვეშვა ლიტერატურის გავრცელება“, 75; „რომ ვერავითარ გარიგებაზე ვერ წამოვალ, არავითარ კომპრომისს არ დაუშვებ“, 76; „ვერასგზით ვერ მოხერხდება“, „ვერცერთნაირი შედეგი ვერ მოგვცემს ხელს“, 77; „არავის კომპრომეტაციას არ შევუდგებით“, 79; „ხმა კაი ხანს ვერც ერთმა ვერ ამოიღო“, 86-2; 87;

„ითქმის არავითარი ცვლილება არ მომხდარიყო“, 84;

„არავინ არ მოვიდა“ 88; მართებულია „აღარავინ მოვიდა“.

„წყლის მეტი არ უნდა მივცეთ არაფერი“, ესეც დიალოგშია. ამავდროულად ცთომილი ფორმით. რა ვიღონოთ, ჩვენებური მეთოდით ხელოვნური გამოგვდის. დავამკვიდროთ ცდომილი ორმაგი უარყოფა?!

„რომ ამბობდი ამ ფარაონის შიშით სათოფეზე ვერ გაივლის ვერც ერთიო“, 90;

ხომ შეიძლება ასეთნაირადაც ითქვას: ფარაონის შიშით ვერცერთი გაივლისო?

„იმ გზით აქედან არაფრის წამლები რომ არა ხარ, რატომ არ ფიქრობ ამაზე?“ 92-2;

„არ უკითხავს არაფერი“, 94; არაფერი უკითხავს;

„ვერც ერთ ცხოველს ვერ შევნიშე“, „არაფერი არ მომხდარა ისეთი“, 98; ისეთი არაფერი მომხდარა. 99-3; „ადვილად ვერ მიხვდებოდა ვერაკაცი“— 100, ადვილად ვერაკაცი მიხვდებოდა;

„პაემანის ბოლომდე ცხვირს ვერ გავყოფდით საფარიდან ვერც ერთი“, 104-105 . „ჭონიას არავითარი წიანაღმდევობა არ გაუწევია, 106, 108-2;

„არავის და არასოდეს არ ვემხრობი მე“, 111;“ აღარც ერთი აღარაა ადამიანი მაგათში“? „არასოდეს არ უნდა ჩაერიოს კაცი სხვის ბედ-ილბაღში“; 112;

- „მაგას ვერ გავიგებთ ვერასდროს“; მაგას ვერასდროს გავიგებთ;
„ხომ ხელავ, ვერ გამექცევი ვერსაით“. ხომ ხელავ ვერსაით გამექცევი!“
113;
„შენ არ მატყუებ არასდროს“. შენ არასდროს მატყუებ, 121; 128-2;
„მისი ხელის მოძრაობას თვალი ვერც ერთმა ვერ შევასწარიტ“—
მისი ხელის მოძრაობას თვალი ველარცერთმა შევასწარიტ. 129,2;
„იმდენი მნიშვნელობა სხვაგან არსად არა აქვს“—სხვაგან აღარსად აქვს,
„... ზნეობის ნორმებთან არასოდეს არ ვითანხმებ“, „არაფერს არ ვართ-
მევ“, 146-147;
„არავითარი მასალა არ გააჩნდატ“, 156;
„მას იმის მეტი აღარც არაფერი დარჩენოდა“. მას იმის მეტი აღა-
რაფერი დარჩენოდა, 160; 162-3;
„არავითარ მნიშვნელობას არ ვანიჭებდი. არავითარ მნიშვნელობას
ვანიჭებდი, 164;
„არავითარი გამოცდილება არ გამაჩნია“, 166;
„ეგ საბუთი ჩემთვის საჭირო არაა არაფრად“, 167; 173-2;
„არც ერთი არ მაკმაყოფილებს“. აღარც ერთი მაკმაყოფილებს.
174;
„ვერ გასწავლის ამას ვერავინ“, 181;
„მუსკიას მეტმა არც არავინ იცოდა“. მუსკიას მეტმა აღარავინ
იცოდა 192; 220-2;
„ქვა ქვაზე ნუ დარჩება ნურსად-მეთქი!“ ქვა ქვაზე ნურსად დარჩება-
მეთქი, 226;
„ხელს ვერ ახლებს ვერავინო“, ხელს ვერავინ ახლებსო. 227; 232-2;
233; 234;
„არაფერი არ დადებია, სახელს რომ გაუფუჭებდა, ისეთი“, 237;
238;
„არავინ არ ღირს არაფრად“, 239; 240-2, 241-2, 242, 243-2, 244;
„ერთი ადგილიდან მეორეზე გადაჩოჩებული ქვა არ გამომეპარე-
ბოდა არაფრისდიდებით“. არაფრისდიდებით გამომეპარებოდა, 260,
263, 266, 284-285, 308;
„ვერავინ ვერ გამიბედავს ვერაფერს“. ეს მეგრული ფრაზის პირდა-
პირი თარგმანია: „მითინ ვაგამბედ მუთუნს“, ქართულად გამართული
კი იქნებოდა: ვერავინ ვერაფერს გამიბედავს. 319; 332; 335;
„ვერ გაიგო ვერავინ ვერაფერი“, 340; 341-2; 343-2;
„ძალა არც ერთ არგუმენტს არ გააჩნია“. ძალა აღარც ერთ არ-
გუმენტს გააჩნია, 349; 353;
„არასდროს არ მენახა შემცბარი ეფემია-წინამძღვარი“. შემცბარი
ეფემია-წინამძღვარი აღრასოდეს მენახა, 358;

„რომ მიზეზი ვერ გაიგო ვერავინ“, რომ მიზეზი ველარავინ გაიგო; 369;

„არაკაცს არ ამოუღია ხმა“. ხმა არაკაცს ამოუღია, 372; 374; 375; 376;

„ვილაცის მოცემული თავისუფლების იმედი ნუ ექნება ნურავის“. იმედი ნურავის ექნება, 387;

„ვერაფერს ვერ შევადარებ“. ველარაფერს შევადარებ, 402; 403-2; 425; 432; 434; 451; 465; 467; 468;

„ამდენ ტუტუტს ერთად ვერ ნახავ ვერსად“ — ... ერთად ვერსად ნახავ, 471; 472; 478; 488;

„ალარასოდეს აღარა ჰქონია“. აღარასოდეს ჰქონია, 505; 521; 528; ეს ყველაფერი ორმაგი უარყოფის თვალსაზრისით“ „დათა თუთაშხიაში“, ვიმეორებ კიდევ, სტილური კოლორიტის შექმნა უმართებულო ქართულით მიუღებელი მგონია.

იგივე ცდომილებებია, დასავლეთ საქართველოს განსხვავებულ გარემოში, „გორა მბორგალში“;

„... ვერც ერთმა სახელმწიფო თუ კერძო ინფორმაციის წყარომ ვერ უზრუნველყო ცნობის გავრცელების ისეთი სისწრაფე“ 19; 28; 33;

„რომ არფერი ამდაგვარი არ მოხდება“. რომ ამდაგვარი არაფერი მოხდება, 36; 37; 47;

„რაიმე კონტაქტზე ვერავითარი ძალა ვერ დაიყოლიებდა“, 50; 52; 53; 58; 81;

„არსად არ მსახურობო“. აღარსად მსახურობო, 91; 104; 128;

„ქართველებს არავითარი იარაღი არ გააჩნდათ“, 187; 195.

„ვერავინ ვერ მიაგნებს“. ვერავინ მიაგნებს, 211.

„ერთ კვირაზე მეტს ვერავინ ვერ უძლებს“. ერთ კვირაზე მეტს ვერავინ უძლებს, 213; 252;

„ქრისტეფორეს ვერანაირი წამებით ვერ აკისრებინეს“ — ვერანაირი წამებით აკისრებინეს, 314; 316;

„ვერც ერთი წევრი ვერ გაიმეორებდა“. ველარც ერთი წევრი გაიმეორებდა, 338;

„არავის არაფერი უთხრა“, ამ ფრაზაში „თუთაშხიასგან“ განსხვავებით „არ“ ნაწილაკი ამოგდებულია და ასეთი მიდგომები თვალშისაცემია, მაგრამ როგორც გზადგზა დავენახავთ სამკალი ფრიად არს.

„ვერაფერი დასკვნა ვერ გამოვიტანე“, 479; 480; 487;

„გიჟი არავის ჩხუბში არ ჩაერევა“, 493; 507;

„შენ არასდროს არ გექნება ფული“, ამას მეგრელი ჰქონია, ან ვინმე ცხენიპარია სარჩიმელია როდი ამბობს, არამედ თბილისელი მესტამბე

ბესარიონოვიჩი. უნდა იყოს კი „ფული შენ არასოდეს გექნება“, 529, 566; 577;

„ქმარი არც არასდროს ეყოლება“. ქმარიც არასოდეს ეყოლება, 648;

ჩემთვის გასაგებია „მბორგალის“ შინაგანი მონოლოგის სტილის-ტიკას რომელი მივიწყებული ნაწარმოები დასაფუძვლებია, მაგრამ ვინაიდან გაცხადება მეუხერხულება, შედარებით უწყინარ განჩხრეკვას მივსდიოთ.

„მბორგალი“ სამგზის ნაკლებ ცდომილებას მოიცავს „თუთაშხიასთან“ შედარებით, ორმაგი უარყოფის თვალსაზრისით. ეს ყველაფერი რელაქტირების თუ გამოთქმათა მართებულობის ხარჯზეა, თორემ თავად მსგავსი კონსტრუქციის წინადადებები ორივე რომანში დაახლოებით თანაბარი ოდენობითაა.

2. მეორე მთავარი სტილისტური ცდომილება რიცხვითი სახელის უმართებულო წარმოებაა, რომელიც ორივე ნაწარმოებში სათანადო დოზითაა წარმოდგენილი, მაგრამ ცდომილებების გვერდით მოიძიება მართებული ფორმებიც. ასეთი რიცხვითი სახელი გახლავთ „ორთავე“, „სამთავე“, „ოთხთავე“;

„ორთავეს რაღაცა გვჭირდებოდა“ — ორივეს რაღაცა გვჭირდებოდა 11..

„აქეთ ორთავე ტყუბები ვისხედით“, 31;

„ორთავე ძმა წამოვედით“, 30;

„ორთავე ჯიბიდან ფულები ამოილა“, 33;

„სამთავემ წიგნებში წაყვეს ცხვირები“, „კალთაში სამთავეს ერთნაირი, შუაზე გაკეცილი წიგნები ედოთ და თვლემდნენ, 40;

„ორნი იყვნენ, ორთავე ქვეითები“, 119;

„ნაბლები სამთავეს სკამების საზურგეებზე გადაეფინა“, 122-1; 123-2; 128;

„ორთავემ მაუზერები მოიმარჯვეს“, 133; 156;

„ორთავეს გაგვეცინა“, 172;

„ჩვენ ორთავე განაბული შევცქეროდით, ორთავეს ღიმილი გვითამაშებდა სახეზე“, 175; 180;

„ორთავენი ბაცაცები იყვნენ, ეხლა ორთავენი ავაზაკები არიან...“ 287;

„ერთნაირად ჩადის ოთხთავეში“, 286; 289; 305; 320;

„თუთაშხიას ორთავ ხელებში მაუზერები ეჭირა“, აქ მცდარია ფორმა „ორთავ“, წესით უნდა იყოს ორივე, და თან ცდომილებაა მრავლობითის შეთანხმებაში, უნდა იყოს ორივე ხელში, 327;

„ორთავემ ერთად დაუწყეს“, 329; იგივე ცდომილებაა, უნდა იყოს ორივემ ერთად დაუწყა, 357;

„სამთავენი ერთად წავიდნენ“, 390; სამივე ერთად წავიდა;

„თავისას და დაახლოებით ორთავე“, 401; 403;

„შემდეგ ორთავენი დემბინს ვესტუმრეთ“, 437; 438; 445;

„ახლა გალავნის სამთავე კედელთან მიიტანეს იერიში“, 451; 452;

„ორივემ ერთდროულად ისკუპა“; „ორთავეს ყველა ადგილიდან წყალი სდიოდა“, 461; 478; 499;

„თავდია ქისა ორთავ ხელებით ეჭირა ბონიას“, ორივე ხელით, 525;

„ორთავე ხელი საფეთქელებში ატაცებინა“, აქ ისევ დროის უთანხმოებაა. 529;

ახლა შევხედოთ „გორა მგორგალს“:

„ჩლიქების კვალი ორთავე მიმართულებით იღო“, 93;

„საკვებიც ორთავეს გეყოფათ“. 97; 105; 126;

„ორთავე შვინდა და ნიშა“, 128; 138; 145;

„ორთავეს ხელი ჩამოგვართვა“; 181;

„ორთავე დაიჭირეს“, 323;

„ორთავე სამსახურში იყვნენ“ — ორივე სამსახურში იყო, 331.

„ორითავენი სპორტსმენები ვიყავით“, ორივე სპორტსმენი ვიყავით, 356; 392; 398;

„ორთავენი ბლუ აღმოჩნდნენ“ — ორივე ბლუ აღმოჩნდა, 417; 419; 445;

„სამთავემ იმუშავა“, 454;

„ვადას სამთავე ერთად ვიხდიდით“, 527; 541;

„ჭკუაზე ორთავენი გადაცდნენ“, „ორთავეს ფეხები გაეფშოკათო“ — ჭკუაზე ორივე გადაცდა, ორივეს ფეხები გაეფშოკა, 617;

ვფიქრობთ „დათა თუთაშხიას“ აქაც მისდევს „გორა მგორგალი“.

3. ქართულ მწერლობაში შეცდომითაა დანერგილი ფასეულობასთან დაკავშირებული მცნება. რუსული „ცენოსტ“ ჩვენმა ბელეტრისტიკამ „ღირებულებად“ მოათარგმნა, ღირებულება კი ნივთის გასაყიდი კრიტერიუმი.

ამ ბოლოდროს შეინიშნება ეკონომიკურ ლიტერატურაში მსგავსი ლაფსუსის გასწორება და სადაც თვისებრიობაზეა საუბარი, ყველგან ფასეულობა წერია, ხოლო სადაც მატერიალურ მხარეზე, ფასთან დაკავშირებულ მომენტებზე — ღირებულება. მწერლობაში კი ეს ხარვეზი რატომღაც დღემდე ვერაფრით გამოსწორებულა.

„თუთაშხია“: „ადამიანის ნამოქმედარის ღირებულება მისი ზნეობრივი ღირებულებებით განისაზღვრება“. 9;

რომ არაფერი ვთქვათ ტავტოლოგიაზე, ეს მომენტი ყველგან გასწორებას მოითხოვს.

„სხვა სახის ღირებულებათა შექენაში რატომ უნდა ვეხმარებოდეთ?“ — სხვა სახის ფასეულობათა... 166;

„აქ მოხდა პირველი გარდატეხა ჩემს აზროვნებასა და სულიერ ღირებულებათა მიმართ დამოკიდებულებაში“, 259;

„... მართალია, ერთობ დაბალი, მაგრამ მაინც მდგრადი ღირებულების, ანუ სახნოვის მხარი დამეჭირა,“ 318;

„რომ არ გამოდის, მაშინ ის უნდა აკეთოს კაცმა იმ ორში, რომელი უფრო ღირებულია“, ამას ახლა დათა თუთაშხია ამბობს და არა გრაფი სეგელი, 343.

„რომ ღირსებულებათა გადაფასების ქამი დამიდგა“, 348.

„მაგრამ ჯანდაბას, მიზანი თუ იქნა უფრო ღირებული“, 470; ისევე დათას მეტყველებაა.

„ხალხი სულიერსა და ნივთიერ ღირებულებებს ქმნის“, 477; 480;

„გორა მბორგალი“: „მას მერე თვით ტერმინი აღარ იხმარება, მაგრამ მის არსს ღირებულება დიდხანს არ დაუკარგავს“, 249;

„პირადად მე, მწოლარეს, ცოტად თუ ბევრად ღირებული იდეები არ მეზადა“, 501;

ჩემი წილის ღირებულებად (საფასურად, გასამრჯელოდ ვიტოვებ, აქ, 532.)

4. რუსიციზმის უტყუარ კვალს ჩვენს ბელეტრისტიკაში არცთუ იშვიათად შეეფეთებთ სიტყვა „მიიჩნევდა“, „მიაჩნდას“ უმართებულო ფორმას „სთვლიდა“, „თვლის“ სახით, ეს ყველაფერი როგორც ზემორე გაგვიცხადებია, მომდინარეობს ფონემა „სჩიტალ“, სჩიტაეტ“-იდან.

„თუთაშხია“: „თვლით თუ არა დაზარალებულის ჯანმრთელობას...“, 12; აქ უნდა იყოს, „მიიჩნევთ თუ არა“;

„დაზეპირებებს რეზულტატად ითვლიდა“, 89;

„ამ საქმეს წაგებულად არ თვლიდა“, 80;

„ჩემს თავს ვალდებულად ვთვლი“, 165;

„ამას განხორციელებულ თავისუფლებად ვთვლი“, 173; აქ „ვთვლის“ მაგვირად შეიძლება ჩაჯდეს „მივმიჩნევ“, „წარმოვსახავ“, „ვადასატურებ“, ან სხვა კონსტრუქციით „განხორციელებული თავისუფლება მგონია“, „ეს განხორციელებულ თავისუფლებად შემირაცხავს“ და ა.შ. ოღონდ არა „ვთვლი“; ვთვლი წიწილებს, ფულს; ვთვლი რიცხვებს და არა დასტურის ბადალი მცნება.

„ნაწილობრივ იმანაც შემაფერხა, რომ, ვნახოთ და ასეთ საქმეებში ჩარევას მანდილოსნისთვის შეუფერებლად სთვლიდე?“ 231;

„თავს ვთვლიდი იმ მოგვად,“ 316, 317-2, 371, 423;

ისინი თავს „ციხის პატრონებად“ თვლიდნენ, 426; „მაგრამ დათა თუთაშხიას მაინც სულ სხვა ბუნებისა და არსის ძალად ვთვლიდით,“ 432, 457;

და „გორა მბორგალი“: „მოქალაქეობრივ ვალდებულებად ვთვლიდი,“ 199;

„ქალაღს მხოლოდ ისინი სთვლიდნენ რაიმე ფულად...“ 177;

„და შედეგს მიღწევად სთვლიდე“, 240;

„რუსული მპყრობელობის სიმბოლოდ სთვლიდა“, 246;

„მე ამ ვითარებაში წასვლას დეზერტირობად ვთვლი“, 256;

5. გამართვას საჭიროებს მეტყველებაში უსწოროდ დამკვიდრებული და მწერლობაშიც უმართებულოდ შემოსული „ფაქტიურად“;

„დათა თუთაშხია“: 138, 139, 2140, 199, 216, ფაქტობრივს მოითხოვს, როგორც ეს გამართულად გამოყენებულა ერთგან; „არც ჭეშმარიტების ამოცნობა გაუჭირდებოდა და არც ფაქტობრივ მასალის მოპოვება“, 266;

თუმცა იქვე, გოჯის მოშორებით კვლავ „ფაქტიური“ წერია, 267, 394;

ამ მომენტს არც „გორა მბორგალი“ ჩამორჩება:

6. ერთგვაროვანი შეცდომებია დაშვებული და მათგანთელი კავშირით დაწყვილებული სიტყვების გადმოცემისას:

„მიგვეშველა კარვის დადგმაში და დაბინავებაშიც“, 14; აქ უნდა იყოს: კარვის დადგმაშიც მოგვეშველა და დაბინავებაშიც; ან კარვის დადგმასა და დაბინავებაშიც მოგვეშველა.

„გზებზე და ბილიკებზე სიარული არ ვარგა არაფრად“; 60, აქ ორმაგი უარყოფა სხვა ცდომილებითაც არის დამძიმებული: და კავშირით დაწყვილებულები ერთ პოზიციაში არ უნდა იმყოფებოდნენ. საჭიროა გზებსა და ბილიკებზე;

„დავიწყებ ფიქრს აქეთ ძროხაზე და ღორზე, იქით ქათამზე და ყანაზე“, 105; უნდა იყოს ძროხსა და ღორზე, ქათამსა და ყანაზე“.

„ყველა საზამთრო ცენტრში და მსხვილ დასახლებულ პუნქტში საგანგებოდ შეარჩია...“ 143; აქაც „ცენტრსა და მსხვილ დასახლებულ პუნქტში“, 154, 163;

„ყველა სარწმუნოებაში და ჩვენს სახარებაში“, 163;

„ერთმანეთის დაცინვაში და ლანძღვაში ვატარებთ დროს“. დაცინვასა და ლანძღვაში, 224; 225;

„საიმპერიო სამმართველოში და სამინისტროში ზარანდიას...“ 264;

„უცხო ქვეყნების რომელ ქალაქებში და რომელ ბანკებში აქვს გახსნილი მიმდინარე ანგარიში ჰაჯი-სეიდს?“ 296.

„... დედაკაცი მორჩილებაში და ღვთისმოსაობაში რა საშუალებებით უნდა მყოლოდა“, 353.

„გორა მბორგალი:“

„გასაჭირში თუ ლხინში განზე გადგომა, ან გულგრილობა?..“ 237.

„წავიდა ისევე, როგორც მთელი მისი თაობა წავიდა — ვინ უმჯობეს სამყაროში, ვინ ციმბირში და ვინ ემიგრაციაში“, უნდა იყოს ვინ ციმბირსა და ვინ ემიგრაციაში. 256.

„ამასობაში, ბანკი ადგილს იცვლის, ადმინისტრაცია სტოვებს თავის სახლებს, „ქერივები“ ბავშვებითურთ მათ სახლებში თუ ბინებში გადიან საცხოვრებლად“. 362;

„ყირიმში თუ სადღაც იქაურობაში, გერმანელებს აეროდრომი ჰქონდათ“, 402.

7. სტილისტური კელენაობით გამოიყენება ქართულ ბელეტრისტიკაში უმართებულო ფორმებით დამკვიდრებული სიტყვები, როგორცაა: „თანმიმდევრობით“.

„ღ.თ — 14, 428; „ბ. მ.“ 80, 327; საჭიროა თანამიმდევრობით;

8. „მეტ-ნაკლებად“ ღვთის არ საჭიროებს. იწერება ამგვარად: მეტნაკლებად, 28;

9. „ქაოტურის“ მართებულო ფორმაა „ქაოსური“, 346;

10. „თვისობრივი“ ორთოგრაფიული ლექსიკონის მიხედვით ყველგან თვისებრივია, ვინაიდან ეს სიტყვა თვისებიდან მომდინარეობს, „დ.თ.“ 314, 375.

11. „მასიურად“ ცდომილებაა ხალხის მიმართებაში. მასის ცნების გადმოსაცემად საჭიროა „მასობრივად“, ვინაიდან „მასიური“ ნივთიერს გამოხატავს, 295, „გ.მ.“

12. დღემდე ვერაფრით მოგვიშორებია მწერლობაში ზადიანად დამკვიდრებული „ზეზეულად“, მისი სწორი ფორმაა „ზეზეურად“, „დ.თ.“ 286, 625; „გ.მ.“ 625;

13. აზრილივით გვსდეს ფეხდაფეხ მანკიერი „ხანდისხან“, ნაცვლად „ხანდახან“-ისა, „დ.თ.“ 117;

14. გასწორებას მოითხოვს „ექვს გარეშე“, „ყოველ მიზეზს გარეშე“, თუნდაც ამნაირად — უმეჭველად;

15. აქა-იქ ჩასაფრებული:

„მუშნი ზარანდიას ქმედებების მიზეზი მხოლოდ და მხოლოდ იმაში მდგომარეობდა, რომ მას „სხვაგვარად არ ძაღედვა“, 80. აქ „იმაში მდგომარეობდა“, აშკარა რუსიციზმია, ქართულად იქნება „ის იყო“, ან „ის გახლდათ“. იგივე სიტუაციაა „დ.თ.“, 255, 335;

„ეგ რაში მდგომარებს“? კითხულობს გორა მბორგალი და იქვე პა-

სუხოზენ, „იმაში, რომ...“, ასეთი მეტყველება ხომ აშკარად რუსული-დან გადმოღებული ფრაზეოლოგიაა, „გ.მ.“ 95; 316;

16. „ნერვებაშლილი“ უგემოვნობის მადასტურებელია, აჯობებს ძარღვებაშლილი.

17. ასევე განსაკუთრებულ ყურადღებას საჭიროებს კრებითისა და რიცხვითი სახელის ასინქრონულობა: „სახნოვ-ზარანდიას წრის ყველა ურთიერთობები“, „მეხსიერებაში აღვიდგინე ყველა საუბარი; „დ.თ.“ 259.

აქ ერთგან ყველასთან „ურთიერთობების“ მეზობლობა ცდომილია, მეორეგან „საუბარი“ მართებული. როგორ მოვიქცეთ ენობრივი პოზიციიდან, რომელს ვენდოთ, რომელი მივიჩნიოთ ჭეშმარიტად?

საერთოდ აღიარებულია, ნებისმიერ კრებსით სიტყვას შეეწყვილები-სას სახელი, მხოლოდითში ეთანაწყობა ზმნას, რასაც უარყოფს რუსული და მეგრული მეტყველება, მაგრამ თუნდაც სტილური თავისებურების შემოტანა გვნებადეს, განა ცდომილებებით შეგქმნით კოლორიტის ეფექტს?! ჩვენ შეგვეძლო ამის თაობაზე ერთხელ აღვნიშნოთ სადმე, ვთქვათ, ამდაგვარად: გრაფი სეგედი ქართულად მეტყველებისას სიტყვა „ყველას“ მრავლობითში უთანხმებოდაო და მორჩა, გვეცოდინება, რომ ეს მისი ახირებაა, თავისებურება, გრამატიკული ანაქრონიზმები, მაგრამ ყოველ ნაბიჯზე?

„... რომლის წინაშე ყველა, მიუხედავად გონებრივი, წოდებრივი თუ ქონებრივი მონაცემებისა“, იქნებ „მონაცემისა“? 315;

„... და ჩვენც შეგვაყვარა წიგნი, ყველა შვილებს“, 340. ამას ამბობს შალვა ზარანდია, უმაღლესი განათლების კაცი.

ახლა შევხედოთ „გორა მბორგალს“:

„სხივები მილიონობით შტამბებში გამოლწევას ლამობდნენ“, ამ ქაჯურს მორჯულების შემდეგ ამგვარი ამეტყველება უწერია: სხივები მილიონობით შტამბში გამოლწევას ლამობდა. 168;

„თითო სართულზე თითო შვიდოთახიანი ბინა იყო, ფლიგელში უამრავი სათავსოებითა და დამხმარე სადგომებით“. გაქრისტიანების მერმე ეს წინადადებაც ამნაირად მოიქცეოდა: თითო სართულზე შვიდოთახიანი ბინა იყო, ფლიგელში უამრავი სათავსოთი და დამხმარე სადგომით. 273.

„ზემოთმოყვანილი ანდაზით იხელმძღვანელა: დაუწყო ცემა, მაგრამ ნაირ-ნაირი წახალისებებისა და იდეების პროპაგანდის თანხლებით“; გავიგოთ ერთხელ და სამუდამოდ: მილიონობით, ყველა, ნაირნაირი, მრავალი, ბევრი, უამრავი, აურაცხელი და ასე შემდეგ — კრებითი სახელი სიტყვის დამეზობლებისას, გრამატიზაციისას მხოლოდით რიცხვს

მოითხოვს; მსგავსი ქირურგიით წინდებული წინადადებაც ასეთნაირ ფორმას შეიძენს: ზემოთმოყვანილი ანდაზით იხელმძღვანელა: დაუწყო ცემა, მაგრამ ნაირნაირი წახალისებისა და იდეის თანხლებით, 289.

18. ცალკე საუბრის თემად მიმართა ქართულის და საერთოდ, ჩვენს მწერლობაში, ფონემა „დაჯდომისა“ და „დასხდომის“ პრობლემა. „დავჯე რუსთველმან“, გვეტყვის პოეტი, მაგრამ სადაც მრავალბობობაზეა საუბარი, ყველგან „დასხდომას“ აფიქსირებს: „... სანამდე დავქვეითდებოდით, იარაღს ავისხამდით და ისევ შევჯდებოდით“, „ქე ვთქვი უკვე, ათ დღეს ვერც ცხენებზე შევჯექით, არც პირში ჭადის ნატეხი გვჭონია და რანაირად ვიქნებოდით, უნდა ამას ლაპარაკი?“ 66; 67.

მოსე ზამთარაძის ნალაპარაკევი, ბუნებრივია, ვერ იქნება სტილისტურად უზადო, აქ პროკრუსტეს სარეცლის მაგალითი ნაკლებად გამოგვადგება, მაგრამ როგორ მოვექცეთ იმ რეალობას, რომ „თუთაშხია“ ეპისტოლარული ნაწარმოებია?! აქ ყველა პერსონაჟი მთხრობელია. მწერალი ფაქტობრივად წამითაც არ ერევა ურთიერთობებში, თუ არ გავითვალისწინებთ ოთხთავის ეპიგრაფებს და შესავალ მონაკვეთს. გამოდის, რომ გმირების ენის ბორძიკობებზე უნდა ვიკვლინაოთ გორმობებიან ხნულში მსვლელობის დარად?

„უფრო გამართლებული იქნებოდა, სხვადასხვა მაგიდებს მივჯდომოდით. აზრადაც არ მოგვსვლია! მივედით, გვერდზე მივუსხედით“. აქ გოგი ტატიშვილი მართებულ ფორმასაც გამოიყენებს და ცდომილსაც, 123.

კი, ბატონო, ესეც მოსათმენია, ვიაზროვნოთ; ტავტალოგიის თავიდან აცდენის მიზნით მოიმოქმედებს მწერალიო, მაგრამ რა ვუყოთ შემდეგ ფრაზას?

„დარბაზში ხმაურიც ისეთი იდგა, როგორც მოშორებით მჯდომთა კონფიდიენციულურ საუბარს სჭირდებოდა“. ეს ხომ უკვე არც თუთაშხიას სიტყვებია, აღარც — მბორგალისა, არამედ, თავად ჭაბუა ამირეჯიბის?!
 „დარბაზში ხმაურიც ისეთი იდგა, როგორც მოშორებით მჯდომთა კონფიდიენციულურ საუბარს სჭირდებოდა“.

19. ასევე გაუგებარია ჩემთვის „ხუთკუთხიანი ვარსკვლავი“, ხუთქიმიანი გამიგონია, მაგრამ ვარსკვლავი და კუთხე?! კუთხე ხომ ადამიანის ცნობიერებაში საგნის შიდა მდგომარეობად აღიქმება; კი, ბატონო, არსებობს მართი კუთხე, ბლაგვიცა და მახვილიც, მაგრამ პენტაგრამას თითოეული წვერთან უკვე კუთხე კი არა, ალბათ, 310 გრადუსი მანც იქნება; ხოლო 180 გრადუსის შემდეგ კუთხის ხსენება უხერხულია გეომეტრიის პოზიციიდან.

20. ვაშლის გათლა გამიგონია, მაგრამ გაფცქენა? იფცქენება ლეღვი, ბანანი, მოკლედ, რასაც კანი ადვილად ძვრება, მაგრამ ვინაიდან ასეთი ბუნებისა არ არის ვაშლი, მსხალი და მისთანანი, ითლება. 187.

ლაზი ვერ გაუფცქენიდა ვაშლს მშვენიერ ნაწონს შალითურის გულის გასახეთქად, გათლით კი მოგეცა ლხენა, შესაძლოა გაწაფული ოფიცინანტის ღონეზეც...

დასაწყისში ვახსენე, საგანგებოდ ჭაბუა ამირეჯიბზე ვიმსჯელებ-მეთქი, ვინაიდან მისი შემოქმედება დიახაც ღირსია განსაკუთრებული ყურადღებისა, შესწავლისა და გაანალიზებისა, მიუხედავად უთვალავი შენიშვნა დაგროვილა თითქოს.

სხვათა ნუ ეზიზივებთ, ნებისმიერს- მეთქი, რუსთაველის პრემიის ლაურეატს თუ ნობელის პედესტალს დადარაჯებულს. მსაგესი ცდომილებები თითოეულის თხზულებებს ეძებნება, ცხადია, განსხვავებული დოზით, სიხშირით. ამიტომაც არისტოტელესებური სტილის გადაბრუნება, ანუ თავის ერთხელაც შეწუხება, არავის აწყენდა;

აკი, გური ოტობაია სიმწრის ცრემლით გადახარშავს ღვთისნიერი სტილისტის — დიმიტრი გულისაშვილის მართებულ გაჯორვების და მერამდენე კორექციით შეძლებს ზემოთ განსჯილი ლაფსუსების ლიკვიდაციას!

სტილური ზადი ვისაც ნაკლებად ან თითქმის არ ეძებნება, ერთადერთი აკა მორჩილადეა ჯერ-ჯერობით ჩვენს სინამდვილეში და მიხარია, წრფელი ალტკინებით მეზიზივება ახალგაზრდა ხელოვანი კაცის წელგამართულობა, რადგანაც ზემორე თქმულისამებრ: სტილი ქმნის ადამიანს, მის პროფესიულ იმიჯს, მისი აზრის სისხარტეს;

ნუ დაუყრით ღორთა მარგალიტებს ტალახშიო, გვასწავლის უფალი იესო, რადგანაც ფეხით გათელავს მას გავრეშებული კოლტი ეშმაკეული ლეგიონის ჩვენებებით აბოჟირებული, და ზღვაში გადაცვენილი შემდგომო; არადა, როგორი გულდამწყვეტი სცენა ისახება: ჩვენი ღვაწლმოსილი მწერლები ჰგვანან იმ ბედოვლათ დენდებს, რომლებიც საშობაო აღლუმზე ძვირფასი სმოკინგებითა და სერთუკებით გამოცხადებულან, ბაფთებით ყანყრატოდამშვენებულები. ბრილიანტისთვლიანი სამაჯეები უელავთ, აქვე გაყვითლებული, საუკუნის ჭუჭყამჯდარი ფრჩხილებით აწკარუნებენ დანა-ჩანგალს, აოხშივრებულ ხინკალსაც დასწვდებიან შიგადაშიგ კეყერაძეს მიმსგავსებით და არხეინად ტკბებიან ოლიმპოს დალაშქრული მწვერვალების სიზვიადებრწყინვალეებით.

დიახ, აკა მორჩილადე გაარღვევს მეოცე საუკუნის მიწურულის სტილისტურ ცდომილებათა ზღუდეს, სტილისტურ ადრეულობათა მორეგს და გავა, შეუფერხებლად გააღწევს ლალი, უზადო, ხასხასა მოქართულებობის მესამე ათასწლეულის დამაიმედებელ სივრცეში.

რაც შეეხება ბატონ ჭაბუა ამირეჯიბის თხზულებების ახლოით

განჩხრეკას, აქ ჩვენ დიხაზაც სწორედ ერთგვაროვანი სტილისტური ცდომილებებით ვაღგენთ ავტორის ავტოქტონობას, აბორიგენობას.

მსცოვანი მწერალი აღნიშნულ შეცდომებზე თანაბარწილად ბორძიკობს ერთგან და მეორეგანაც, სიყრმისდროინდელი „თუთაშხიას“ ჩავარდნებს ავტომატურად იმეორებს მწუხრისჟამინდელი „მბორგალი“, (აქვე საფიქრალია შემდეგიც: „დათა თუთაშხია“ და „გორა მბორგალი“ თანაბარია ასოთა რაოდენობით — თორმეტ-თორმეტი), ასე რომ, ჭორები მოაშორეთ-მეთქი, შევძახებ ავმოენე ქართველ ზოილებს.

ნებისმიერ მწერალს ჰყავს გმირის პროტოტიპი, პროტაგონისტი, ზოგჯერ მთლად მზამზარეული მასალის სახითაც, ვთქვათ, როგორც ჰომეროსის შემთხვევაა მითების სიუხვით ტროას ომზე; მაგრამ რაჟამს შემოქმედი არსებულ ნედლეულს საკუთარი ცნობიერების ქურაში გადახარშავს და არქიტექტორული ორგანიზაციით ინდივიდუალურ პროფილს მიანიჭებს, აქ ყოველგვარი ფაშა უადგილო და ყურით მოთრეულია.

არსენა ოძელაშვილზე უამრავი თხზულება შექმნილა, მესტვირულიც, დრამატულიც, მაგრამ ყველას ჯავახიშვილმა აჯობა.

ასევეა ფაუსტის ყისმათი, რადგანაც მხოლოდ გოეთესთან მიადწევს სრულყოფილებას მშვენიერი წამის შეჩერების მისტიკა.

თუთაშხიას შესაძლოა გააჩნდა რაიმე საშენი მასალა გრაფი სეგედის მონათხრობის თუ პერსონაჟთა მონაყოლის სახით, მაგრამ თავად ნაწარმოების კონსტრუქცია, კარკასი ხორციან-ძვლიან-სულიან ამირეჯიბისეული რომ გახლავთ, უმეცრის მეტს ვერავის შეაეჭვებს: „თუთაშხია“-„მბორგალის“ ურთიერთმიმართებისა და მსგავსება - განსხვავებულობის თაობაზე ჩვენ მოგვიანებით მეტის მომცველობით დავძრავთ სიტყვას, ახლა კი დაბეჭითებით შეგვიძლია გამოვკვეთოთ:

ორიათასი წლის მიწურულის ქართული პროზა ყველა ნიშნით დოკუმენტურობისკენ გადახრილა. ეს ვერ აიხსნება ლიტერატურათმცოდნეობის ნორმების იგნორირებით, არამედ ერთადერთი პასუხი ეძებნება: შიშველი სიმართლის მოთხოვნილება! განსაკუთრებით, როცა გილიოტინისა და სახრჩობელის საშიშროება მოხსნილია სადამსჯელო არსენალიდან, თორემ ოცდაათიანი წლების უდაბნოეთის რადიუსში ჩვენი ბელეტრისტებისათვის ფუფუნების საგანია მსგავსი ოაზისური სიტუაცია:

რობაქიძე, ჯავახიშვილი, გამსახურდია სიმბოლიკებს სჯერდებიან მეტადრე, თანაც წარსულში გადასროლილ გმირებით ისინი ბოროტების განზოგადოებულ ტიპებს აშიშველებენ და ასე, რიკოშეტის, ანასხლეტის თეორიით ებრძვიან მანკიერს, ზადს, მაგრამ ჩვენეული

კონკრეტული სინამდვილის დოკუმენტურობის ტენდენცია, დაქრონიკების მიდრეკილება სხვა რამითაც აიხსნება:

მართალია, ტიპის განზოგადოება აღიარებული ლიტერატურული ნორმებითაა ნაკარნახევი, თორემ ჭეშმარიტებისათვის არანაირი მნიშვნელობისაა აქილევის „აქილევის“ ერქმევა თუ „იმისევის“, რეალური იქნება თუ გამონაგონი.

ფაუსტი თუ მკრებელობითი ხასიათს გამოამჟღავნებს, გასაგებია, მაგრამ ჩვენს მაგალითს შეიძლება შურისძიების მოტივაცია ვუწოდოთ. დიახ, შურისძიების მოტივაცია, როცა სიმბოლოთი, განზოგადოებული მიდგომებით ბოროტების დათრგუნვას არ მყოფინობს ხელოვანის, წესით, მიუმხრობელი სული. იგი სიტუაციის, ვითარების ჭირისუფლის თვალთახედვით ანალიზებს გარემოს, და ყველა დაბრკოლების მამა—მაცილს საკუთარ სახელს მოარგებს, საპასპორტოს, ეროვნების რეკვიზიტწაშლილს, თუ სულაც საბჭოურ წითელყდიანს, თუმცა ფაქტის კონკრეტიზაციით, პერსონაჟის ზედმიწევნითი ნატურალიზმით, სინამდვილის მოურიდალი, ხშირად ფოტოგრაფიული ნიღაბხდილობით, გასრესილია თანამედროვე მანკიერებანი და აქ პირველობას ვერავის დავაბრალებთ, ვინაიდან ჭაბუა ამირეჯიბიც, ოთარ ჩხეიძეც, ოთარ ჭილაძეც, ზაურ კალანდიაც, მიხო მოსულიშვილიც, გივი აღხაზიშვილიც, აკა მორჩილაძეც, გური ოტობაიაც თუ სხვათა, დამოუკიდებლად, ლამის ერთდროულად მისულან ფინიშთან და დასადაფნავი შუბლის დადგენა ჭირს ახლა მსაჯულისათვის;

ძნელია გავარკვიოთ ვინ ავამაღლოთ კვარცხლბეკზე, რომელი. ამას თავის დროზე თვითონ ჟამი მოიმოქმედებს უმტკივნეულოდ — სიკვდილთან შემრიგებელი ბორჯალი, ვინაიდან თითოეულის თხზულება ჭრონოლოგიურად თუ სივრცეურად ერთ არეალში იქმნება და გამოირიცხება დასესხების თუ პლაგიატობის საშუალება მეთოდის თვალსაზრისით — წმინდა გიორგის ბოძალივით კაკალ გულში უმარჯვებს ბოროტების საკაცობრიო ურჩხულს და დღემდე ვერ გამოსულა იმ სისხლის ოხშივრებიდან; რასაც მტერზე, დუშმანზე, მწიკვლასა და მანკიერზე გამარჯვების თავბრუალი ჰქვია.

დიახ, გმირია დღეს ქართული ბელეტრისტიკა ჟამთააღმწერლის უტყუარი ნიშნით და მხატვრულობის შინაურული სამოსელით.

შორეულ სამურზაყანოში, ზღვისპირა ფიჩორაში, ბორსუს უბანში, გაჩაღებულ კერიასთან მასლაათში, დიდდა მარი ჯალაღონზე ბაბუა თომა გელენავას ეტყოდა ხოლმე:

— მუთარე, რავა დათა თუთაშხიასავით იქეჩები ნაცარშიო. ამ გამონათქვამს ჩემთვის, ადრეულ წლებში, რაიმე მისტიკური მნიშვნელობა არ შეუქნია.

დათა თუთაშხია ერთ ვინმე ჩხირკედელა კაცად მიმიჩნევი, ვინაც უსაქმობისაგან სირაკუზელი მსცოვანის თუ ნაზარეთელი მოყმის მსგავსად ჩხირით ტუტაში იქექება (მეგრულში ნაცარს ტუტა ჰქვია, იგივე თუთა — ამქვეყნიური ზარზეიმის სამომავლო შედეგი) და იქიდან, იმ ფუტურუმ-მერმისიდან იწვევს წარსახოცი ცათამბჯენების თუ კატაკლიზმების აღდგენა-რესტავრაციას; მაგრამ თავად „დათა თუთაშხიას“ უფრონალ „ცისკარში“ გამოჩენა სამოცდაათიან წლებში, მერე ცალკე წიგნად დასტამბვა თუ ფილმად გაცოცხლება ეკრანზე, ვერაფრით დამაკავშირებინებს ერთმანეთისათვის ამ ორ ფენომენს.

ცნობიერებაში მკვიდრად დაილექება დიდდა მარი ჯალაღონხეს ფრაზა თუთაშხიას ნაცარქექიობის თაობაზე. მოკლედ, ისე გაირბენს სამათეული წელიწადი რომ ამ ორ ცნებას ვერანაირად შევაუღლებ, ვერანაირად დავაწყვილებ ერთი აზრის საზეიმოდ. მე ხომ იმხანად წამითაც არ მიკითხავს ბებიასათვის თუ ვინაა დათა თუთაშხია, რას მოსაქმებს, ვინაიდან სხვა რამით ვარ გართული — დენთის თეორიით, ან უნალვერდალში ქვამარლის შეკეთებით გაღვივებულ კერიასთან გაღალღებული თომა ბაბუას ყირმიზი სახის დასაფნთიხებლად. ამისთვისაც დამრჩება გაურკვეველი დათა თუთაშხიას ვინაობა, თორემ მაცი ზვიტიების, არსენა შონიებისა და ძმათა მათთა აბრაგობის სცენები სასთუმალქვეშ მილაგია დილა-საღამო.

თუთაშხიას ისტორიულობაზე სხვა წყაროებიც მიუთითებენ. მაგალითისათვის, ბატონ ჯემალ გამახარისა და ბადრი გოგიას წიგნში: „Абхазия - историческая область Грузии“. შავით თეთრზე მითითებულია თუთაშხია გვარის არსებობა სამურზაყანოს სინამდვილეში: **Список жителей-крестьян по отдельным селам территории современной Абхазии XVI в.** დიხაც, ამ უკანასკნელი მომენტი გამიბრწყინებს გონებას უცებ, და მარი დიდედას ნაამბობი მეყსეულად გადაეწნება ჭაბუა ამირეჯიბის საღმრთო რაინდის ბედ-იღბალს.

ბატონ დამიანე გოგობიასგან მსმენია:

— ცეკაში აგიტაცია-პროპაგანდის განყოფილების გამგეობის პერიოდში, გარკვეული როლი ვითამაშე „თუთაშხიას“ გამოქვეყნების საკითხის დადებითად გადაწყვეტაშიო. საჭირო იყო ოფიციალისგან თვალის ერთგვარი დახუჭვა, წათვლენა, ყურადღების მოღუნებაო, და ეს ხელისუფლებისაგან ჩინებულად განხორციელდება, გაირინდება ოფიციალიზი, რათა საშობაო ჭინთვებით მოევილინოს სამყაროს რომანი-საგა, რომელიც აგუმბათებს მეორე ათასწლეულის ქართული ბელეტრისტიკის შენობას; რამეთუ ეს ნაგებობა მართლაც ტაძრის მისაღარებელია, სალოცავი ადგილისა, მოწიწებით თავს რომ გახრევიანებს ზღუტრბლიდანვე.

ქართულ მწერლობას გადაულახავი მანც დარჩება ორი ბარიერი. ეს პრეტენზიები არავინ ჩამომართვას მატრახაზულ გამოხდომად, ვინაიდან გური ოტობაიაც ამ სიტყვაკაზმული შენობის კენჭად მიიჩნევს საკუთარ პერსონას და ბრალდებათა წყება, თუნდაც მის შემოქმედებას ნაკლებად კენწლავდეს, საკითხი მანც გადაუწყვეტელია.

იყო ადრე მცდელობა, ვთქვათ, ვაჟა-ფშაველა სიმბოლისტად მოენათლათ, მაგრამ მიუხედავად მთის არწივის შემოქმედებაში სიმბოლისტური ხელწერის არსებობისა, იგი ამ სკოლის, ამ მიმდინარეობის წარმომადგენელი ვერანაირად იქნება, რამეთუ საქართველოში იმხანად თავად სიმბოლიზმის საქმო, სიმბოლიზმის ოლიგარქია არ არსებობს. ამ პროცესს მოგვიანებით განახორციელებენ „ცისფერყანწელები“. ასევე ერთი ბელეტრისტის ლიტერატურული მონაპოვრები ვერაფრით გაიტანს საყოველთაო ლელოს, თუმცა გაზაფხულის მაუწყებელ მერცხლად შესაძლებელია ვივარაუდოთ მისი მოჭიკჭიკება.

მაშ, მივყვით მსჯელობას და შევხედოთ თუ რა წინაამდგეობანი დარჩება გადაულახავი ქართულ სიტყვაკაზმულ მწერლობას.

გმირის პრობლემაზე ვიტყვით, ქართული ბელეტრისტიკა ბოლოს და ბოლოს ჩინებულად განახორციელებს ეროვნული იდეალის გამოძერწვას, გამოქანდაკებას: მიუხედავად მრავალი ბორძიკისა სასროლეოთის მეათე უწვრილესი რგოლი დაზიანებულია, აღებულია უკანასკნელი ბასტიონი შინაგანი კულტურისა და მოთხოვნისა. საყოველთაო აღიარებაც მოვა ხვალ-ხვგ ნობელის კომიტეტიდან. პირველი პრობლემა სტილის ფენომენთანაა დაკავშირებული. არაფერს ვამბობ თავად ესთეტიკური კანონზომიერებების ნიველირებებზე. ქართული მწერლობა ვერაფრით აღიკაზმება რაფინირებული, მომჭირნე და უცდომელი სიტყვიერი სამოსლით.

მეორე მთავარზე ნიშანდობლივი ზადი ის გახლავთ, რომ ქართული მწიგნობრობა ვერაფრით გამიჯვნია, თუნდაც კუს ნაბიჯზე, ტრადიციულ დოგმებს და ვერანაირად აუთვისებია საუკუნის ოციანი წლების ლიტერატურული მონაპოვრები, ე.წ. „ცნობიერების ნაკადის“ მეთოდად მონათლული ჩვენში თუ სხვაგან.

აი, ის ორი არსებითი ხარვეზი, რომელსაც შესაძლოა, ვინმე გური ოტობაია რამდენადმე ებრძვის, ებაექრება, მაგრამ მდინარის ტანი ვერაფრით აღავსებს ოკეანეს. თუმცა მრავალსიტყვაობას მოვეშვათ და ათი მცნების მერვე მუხლის პერსონაჟობა რომ არა დავიმსახუროთ, თითოეულ დებულებას მივყვით პუნქტობრივად:

კალისტიკა იმით არის საინტერესო, რომ ფორმულის დონეზე განიხილავს შემოქმედებით კვანძებს და უკვე დაკრისტალებულის აღნაგო-

ბით გვაწვდის ცოდნას ნებისმიერი ნაწარმოების ძირითად წარმმართველ განზომილებაზე. ამისთანა მოტორი, ქვაკუთხედი თითოეული თხზულებისათვის ლიტერატურული გმირია, რომელიც უმეტეს კლასიკურ წიგნში ბინარული ნიშან-თვისებითაა წარმოდგენილი, ბიპოლარული შინაარსით.

უმეტეს გმირს ზოგადკაცობრიული ფასეულობების გვერდით ეძებნება დამანგრეველი სამყაროსეული ალტერნატივა, რომელთან შერკინებისას იძვრება თავადაც, როგორც ფოლადი — ცეცხლისა და ურო-გრდემლის მენტატეხაში. ეს სარკისებური ანარეკლია დადებითი ემოციებისა, რისკენაც განუხრელად ილტვის თეოსოფური თუ მატერიალისტური მსოფლიო, იგივე ალტერ ეგო, იგივე დადებით-უარყოფითის დაუსრულებელი ჭიდილი, იგივე ზევსისა და პრომეთეს, აქილევსისა და ჰექტორის, ფაუსტისა და მეფისტოფელის დაუსაბამო დაჯახებანი.

ეს პროცესი იგივეობრივია ჩვენთანაც, ცხადია, ნიშანდობლივი შემოქმედებითი მუხტის გათვალისწინებით:

„უშმანიკი — ვარსქენ პიტიახში;

ავთანდილ-ტარიელ-ფრიდონი — ქაჯეთის ციხე;

მინდია — წუთისოფელი, არსენა — კუჭატელი, თარაშ ემუხვარი — არზაყანი, თუთაშხია — ზარანდია, სხვანი და სხვანი;

აი, ის არსებითი ანი და ჰოე, რომლის დიაპაზონში ხორციელდება გმირის აღზევება-დაცემის მისტერია.

ბატონ რევაზ თვარაძეს სამართლიანად შეუშინავს „დათა თუთაშხიას“ ორგანზომილებიანობა. თუთაშხია და მუშნი ზარანდია ერთი მედალიონის ორი მხარეა, ალჩუ და თოხანის კრებითობაა, ავერს-რევერსის ჯამი, სადაც დათა საწუთროს მომწამვლელ ოკეანეში ტალღებისგან მიმოტყორცნისას განიწმინდება მწიკვლისაგან, წდევდება ტობავარჩხილის ნაკადივით, კათარზისდება მისი სული და მალღდება ქრისტეს უძირითადეს მიზნამდე: გიჟვარდეს მტერი შენი, რომელსაც ველარაფრით ეთანაწყობა ბიბლიის მცნებათა ათლოგმეული — სადაც თვალი თვალის წილ ამოიშრიტება, კბილი კბილის წილ ამოიგლიჯება, სული სულის წილ ამოიქოლება.

ებრაელი ერი ამისთვისაც გასწირავს მათივე ქანაანის წიაღიდან ამოხეთქილ ზოგადკაცობრიულ ნათელს, ვინაიდან იესოს მიერ შემოთავაზებულ მიმტევებლობისათვის ჯერაც არ არის მზად აღთქმული ქვეყნის ძიებაში ორმოცწლიანი ხეტიალით ილაგვავწყვეტილი იუდეველი; თუმცა ოდეს საღმრთო რაინდი შავ მერანს მიუგზავნის საკუთარი

გოლგოთის ასაკოკოლავებლად სახელმწიფოს ძალმომრეობითი აპარატის განსახიერებას — გორგალკაც მუშნის, იგივე ოცდაათი ვერცხლის სიმბოლიკას, ყოველივე გასრულებულია; განმზადებულია ბილიკები ცათა ზეფირებით თუთაშხისათვის უფლის ხელმარჯვნივ დასაჯდომად, როგორც ეს ქორი-ბედისმწერალის მისნობით მოუნიშნავს ავტორს მეოთხე კარის ზღურბლთანვე:

„დაუტევა და იქმნა იგი ხორციელ ღმერთად“.

აქ არ უნდა დაგვავიწყდეს ფერის სიმბოლიკა: თუთაშხია მთვარის ხატებაა, მთვარის დღე, ნათელის იდენტური კატეგორია, როცა მუშნი ზარანდიას მთვარის მხედრის ხელითვე შავი ტაიჭი გაეგზავნება მხილებისა და განმსაჯულებების სიმბოლოდ, იგივე ტროას ცხენი, რომელმაც უნდა დაღეწოს ბოროტების ციტადელი — ილიონის კარიბჭე. წმიდა გიორგის ნათელ-მირონი, ჯეგე მისარონის გამუდმებული შემართულობა მაცხოვრის საქმეთათვის, „მთვარის მოტაცებიდანვე“ ღვივდება ქართულ ბელეტრისტიკაში;

ავთანდილის ხატთანაც კიანთებს ეს შუქდიადობა, გნებავთ მინდიასთანაც, მაგრამ თუთაშხიამდე ბოროტების დასათრგუნად ძალადობას ძალადობითვე უპირისპირდება ნებისმიერი პერსონაჟი და ვინაიდან სიავის წარკვეთა გაათმაგვებით აღმოაცენებს სიმსივნეთა ლეგიონებს, აღარაფერი დარჩება საღმრთო რაინდს გარდა აღმსარებლობისა, გარდა მხილებისა, გარდა საკუთარი სულის მსხვერპლად მიტანისა სალამანდრას დარად ცეცხლის ჩასაქრობად, რომელიც გეჰენიასავით შემოგზნებია ათასთა მიწიერ გულ-გვამს და ჯოჯოხეთისკენ მიაქანებს ბაწარალებით.

გმირის პრობლემა ქართულ ბელეტრისტიკაში დიხხაც აქ მოკონცხდება, დიხხაც აქ დამწვერვალდება ზოგადკაცობრიული კრიტიკიუმებით და აწ ძნელია, ან სულაც მიუღწეველი მითოლოგიურ-სიმბოლისტურ ჭრილში სხვა ინდივიდის განხილვა ნორმად და ნიმუშად.

ჰომეროსს არ აინტერესებს ზნეობრიობის კვლევა ოდისევსის გვემისას. ის ემპირიულ ბორტებასაა მიჩერებული, რომლის დათრგუნვისათვის ითაკელ ძეს ცბიერება, გველის გონება და გამჭრიახობა მიბოძებია სიმამაცესთან ერთად;

დანტესთანაც ბოროტების სხეულში, როგორც ცვილში დანა, ისე მიცურავს ბეატრიჩესაკენ, ანუ მარადიული სისპეტაკისაკენ შემართული ალიგიერის სული, რომელიც ზეგარდმო უფლისეული განზომილების უახლოესი სამყოფელია;

ფაუსტიც მეფისტოფელის დახვანჯულ საქმეთა გამოსწორების ერთგვარი ლაკმუსია, სადაც რაციო განაგებს იმპულსურ საწყისებს

და კეთილმოსაქმეობის საზღვრებით ვიწროვდება თითქოს დაბრკოლებათა მამის ამაზრზენი სამკალი, მაგრამ მაინც გარეგანი ძალის მიუმხრობლად, ზეციერის ხელის გამოუწვედნლად, (რომელიც ამავედროულად ფაუსტური ფენომენის ერთგვარი შეფასებაცაა ქრისტიანული მორალის გათვალისწინებით), ვერაფრით განიშორებს ჯოჯოხეთის ბჭეებს;

ქართული სიტყვაკაზმული მწერლობიდან, მხოლოდ თუთაშხია, მხოლოდ საღმრთო რაინდი აღწევს უკვდავებასთან თვითნაბად ზიარებას, მარადიულობასთან, იგივე პირველსაწყისთან, აღმსარებლობისა და მსხვერპლად მიტანის მეოხებით, სიკვდილითა სიკვდილის დათრგუნვის შემწეობით, ანუ გარეგანი სიკვდილის საკუთარი განზვარაკებით, თვითმომსხვერპლეობით და აქ საომარ იარაღად უცილობლად შტაინერის უმაღლეს კატეგორიაშივე აყვანილი გოლგოთას მისტერიაა, არიმანულსა და ლუციფერულს შორის ნაზარეთიანელის მოწამეობა, მიუხედავად იმისა, რომ აღარსად ფიგურირებს თავად მეცნიერთეოლოგის სახელი, ქაჩალ გორა თუ „ბარაბას“ ძახილით ძარღვებაშლილი ბრბო.

მეორე ათასწლეული, იესოს სხეულებრივ-სულიერი არსებობის ოცსაუკუნოვანი ისტორია იხურება თუთაშხიას განუხრელი მსვლელობით წარმართულობიდან ზექრისტიანულობისაკენ, გაუცნობიერებელი წყვდიადსულიდან გამზიანებულ ზესულიერებისკენ და სხვანაირი ინტერპრეტაცია, მართალია, ოდენ მიწიერ განზომილებებში დურთავს საღმრთო რაინდს, მაგრამ რაჟამს აწყვეტილია უშურისძიების მოტივაციებითა და ბოროტების აღზოცვა ძალმომრეობის მეთოდებით, გახსნილია გზა უფრო მაღალი, უფრო ჭეშმარიტი ფასეულობებისაკენ, ანუ მწიკვლისა და ზადის საბოლოო გამოსწორებისაკენ, ვინაიდან თავად ბოროტება არ არის ცნობიერი საკუთარ ქმედება - საქციელში; მის ორგანიზაციაში ისეთნაირი უკუღმართობითაა განფენილი დადებით-უარყოფითი ენერგიები, რომ ყოველი ქირურგია, მჯიღები და მუჯლუგუნები მარტოოდენ გამძაფრების რეაქციას იწვევს და არავითარ შემთხვევაში საკუთარ ბუნებაში ჩაღრმავებას, საკუთარი ავმოსაქმეობის ანალიზს.

ამისთვისაც გამოივლის თუთაშხია შორზე უშორესი გზას, რომლის მსგავსი თითზე ჩამოსათვლელია კაცობრიული მნიშვნელობის ბელეტრისტიკაში; გზას თვითბომონობით, თვითმოწამეობით ბოროტების თვალის ასახვლად; დიახაც უძვირფასესის მსხვერპლად მიტანის გამორიცხვით ველარაფრით გადაილახება ურჩხულის თვალსაწიერიდან

არსებულ სინამდვილესა და მის ცხოველურ სულს შორის აღმართული უმეცრების კედელი, ფარდა.

მხოლოდ სულიერი ენერჯის გაღებით, მხოლოდ არსობის პურის შეუნანებლობით განთავისუფლდება ცხოველი, მხეცი უკულმართი იმპულსებისგან და თუკი აქამდე ურჩხულის ძალით დათრგუნვის მცდელობა მოკვეთილი ყოველი თავის წილ შვიდს ამოყრის და ამდენჯერვე განამრავლებს ბოროტებას ერს შინა, აწ სხვანაირად მოიმოქმედებს თუთაშხია, აწ განკერძოებულ იარაღ-საშუალებას მოიმარჯვებს ათასგზის დანაჭიდად დრაკონის დასაძლევად:

„ — ესერა, კაცნო! მოველ ხსნისათვის თქვენდა მძლავრობისაგან ურჩხულისა. ჰა, მაგალითი, ვით არს ჯერ მისგლა მსხვერპლად მოყვასისა თვისისათვის, ერისა მარადობისათვის, სრულქმნისათვის სულისა კაცობრიულისა!

მოიკვეთა თუთაშხამ თავისთავე დაშნითა მკლავი მარცხენა, მიუგდო ურჩხულსა და დანთქმა მან; მოიკვეთეს და მიუგდეს მათ ცოტა კაცთაც და დანთქმა მან. მოიკვეთა თუთაშხამ ფეხნი ორთავ, მიუგდო ურჩხულსა და დანთქა მან; მოიკვეთეს და მიუგდეს მათაცა და დანთქა კვალად. შედეგად ამისა იცვალა ფერი თვისი საზიზღარი ურჩხულმან და ნაკლულ იქმნა ძალი ცეცხლისა გამომდინარესი ხახით. იხილა ერმან ესე ყოველი და რომელთამე აგრეთვე აჭმიეს ასონი თვისნი მას ურჩხულს.

აღედგინა ურჩხული ორთა ფეხთა ზედა, ვითა კაცი, კნინ ექმნა ბრჭყალნი და დინგი მისი გარდაიქცა სახედ კაცისა.

მაშინ განიპო მკერდი თუთაშხამ, ამოიგლიჯა გული თვისი, უბოძა ურჩხულსა, ხოლო არა დანთქმა მან, არამედ ჰრქვა მეტყველებითა კაცებრითა:

— არღარა ვარ მწყურვალნი სისხლთა, არღარა მიძს სურვილი ჰამად კაცთა. და მიეცა მყის ყველაკასა ახალი, რომელთა მოიკვეთეს ასონი თვისნი,“ „დ.თ.“, 406.

დიახ, კოლექტიური მსხვერპლად მიტანის გამორიცხვით, მარტოოდენ თვით თუთაშხიასაც გაუჭირდება ურჩხულის გადაამიანურება, ვინაიდან იმოდენა უძლომელია მადა მოლოქისა, მაგრამ გუნდური მემსხვერპლეობა მხოლოდ მისაბაძი პიროვნების მეოხებით მიიღწევა, დიახაც. გმირის მეშვეობით, და არა — ფსევდოგმირისა, ვინაც მიუხედავად უამრავი დაყრილი ხმისა, შეუძღვრეველად გაივლის წუთისოფლის ოღროჩოღროვან თემშარას და აღარსად წაიბორძიკებს;

ბოროტებაზე გამარჯვების სხვა გზას აღარც ქრისტიანობა ცნობს და მით უფრო — საერისკაცო ბელეტრისტიკა. თუთაშხიას საგას ბო-

ლო აკორდები, მისი წუთისოფელში ოდისევსური ხეტილის ორათე-ულწლიანი უდასარულობა, იშვიათი კონტრაპუნქტით გვირგვინდება;

როდესაც მიხვედრილია თუთაშხია საყოველთაო სიკეთის მისაღწევად აუცილებელი პირობა ბოროტების დათრგუნვაა, მაგრამ ამ გამარჯვების გზაზე ძალადობის მეთოდები გამოუსადეგარია, თანაც მარტომსვლელობით ამ ღონისძიებას ვეღარაფრით განახორციელებ, საჭიროა თავად ერის ნაწილისგან მაინც სრული თანადგომა მხეცის საკუთარი ხორციით დაპურებაში; და რაჟამს ჯერ გარემომცველი, თითქოსდა თანმდევი ხალხია საამისოდ მოსამართი, სამსხვერპლოდ განსამწესებელი, თუმცა მხეცის მორჯულების შემდეგ ფორმულა - ბედისმწერლობის შესატყვისად თითოეულს აღუდგინდება გაღებული სხეული, რედუქციირდება დაკარგული ასო-სახსარი, და ვინაიდან გვარად ჯმუხაძის, იგივე ბიკენტი იალქანიძის დუქანში დატრიალებული უბედურების შეჩერებას თუთაშხია ვეღარაფრით მოახერხებს, ვეღარ შეიძლებს ენამოცლილი ასთიონა-სტუკაჩისაგან ესოდენი ავკაცობის წარმოდგენას — შხამ-სამსალასათვის თუ გაიმეტებს ადამიანს, უკვე სავსებით მიესწრაფვის საკუთარ ფინალს, ერთადერთს და განუმეორებელს, როგორც სიკვდილს;

დაბადება ხომ ჩვენგან უკითხავად, ჩვენგან დამოუკიდებლად გვებოძება, მაგრამ სიკვდილი ჩვენი მოღვაწეობის ლოგიკური შედეგია ხოლმე, და შარუხიას ნაქონარ წისქვილში, ქილერი ბონიას საუფლოში შეაღწევს დათა საკუთარი გოლგოთის აღსასრულებლად, თუმცა ოთხი, დარდისა და შიმშილისაგან ძუკნა ძალღს დამსგავსებული ასულის პატრონს, ოთხი თვის მოლოდინეობის შემდეგ, სახელდახელო ჩუბინობით მოუხერხდება განა თუთაშხიას განგმირვა?! და ვინაიდან ბონია თუთაშხიას სულიერი გარდატეხილობის ლაკმუსია დოლაბის ხიხინში შედედება მთავარი პოსტულატი:

„მოსაკლავი რომ იყო, არ მოგკლავდი მაინც... მტერი ხარ ჩემი და ისე გამოვა, ვითომ ყველა მტერი მოსაკლავია. ჩემი ხელით შენი სიკვდილი უარეს საქმეს იზამს, ვიდრე შენ იზამ შენი ბოროტი სიცოცხლით, მაგრამ გულუბრყვილო ხარ და გულუბრყვილო კაცი ხელჩასაქნევი არაა... იფიქრე, განგებამ ფიქრისთვის გააჩინა ადამიანი“.

ასე დაფინალდება დილექტანტი ქილერი ბონიას ზრახვები იოლი გამდიდრების გზაზე და თუთაშხიას მეცადინეობა ბოროტის მოკეთილშობილების წიად.

ამჯერად გასამრჯელო დათას მხრივ ხორცი როდია, ადრე ურჩხულისათვის სასუსნავად მიბოძებული, კიდურები თუ თავად გული — უმაღლესი კატეგორია; ფულს მხარტმევეს ჯოჯოხეთის გამნათებელს,

მაგრამ ოცდაათ ვერცხლსა თუ ზარანდიას სამსახურისაგან ბონიასთვის გასაცემ ასაღებ ზუთას თუმანს იქნებ თუთაშხიას ზუთი მანეთი ჯობდეს, თუმცა როდესაც ქისაში საგანგებოდ ჩაახედებს, მისახვედრებელია: არანაკლები გასამრჯელოა მოყუჩებულა იქ ბონიას ცხოველი სულის მოსალმობიერებლად, კლანჭების დასაცვენად, ღინგის გაცხვირპირებისათვის; წყალში ჩაყრის ზარანდიას სამსახურს ქილერი-ბონია სამოცი მანეთის გასამრჯელოს, ნაყიდ წისქვილს, და აწი აშკარა სიმპათიით, შეუვალი გულშემატეივრობით გაანდობს ბოროტების მთავარ სათავეს, თუ ვისგანაც მომდინარეობს ყოველივე — ზარანდიასგან, იგივე ტყუპისცალი ძმისაგან, იგივე ალტერ ეგოსაგან: საღმრთო რაინდი და ბელზებელთა შეფი ტყუპისცალი და-ძმის შთამომავალია.

მუშნი ზარანდია თუთაშხიაა დედით, დათას მამიდაშვილი. მართალია, ბიოლოგია არ ცნობს სხვადასხვა კვერცხუჯრედიდან განვითარებული ტყუპის შთამომავლობის იდენტიფიკაციას, მაგრამ გარეგნული მსგავსობა მწერლისათვის დიახაც აუცილებელი პირობაა შინაგანი ასიმეტრიულობის დასაზუსტებლად, რომ თურმე თითქოსდა ერთსახოვანში, თითქოსდა ფორმით ერთარსში, შესაძლებელია ბუდობდეს განსხვავებული, ურთიერთგამომრიცხველი, ჩვენს შემთხვევაში — სატანა და უფალი.

ეს მომენტი ბატონ რევაზ თვარაძესაც ჩინებულად შეუნიშნავს ორგზის.

გრაფი სეგედის დაკვირვებით — „მუშნი ზარანდიას გადავხედე, წამით მომეჩვენა, რომ ეს ტანხმელი კაცი სკამზე გორგალივით იღო, კისერი ჰქონდა მოღერებული“.

გაივლის ხანი და უკვე პოლიციის სათადარიგო გენერალი ზარანდიას ადრინდელ შეფასებას ამჯერად გარკვევით აზუსტებს: „როგორც ერთხელ, ოთხი-ხუთი წლის წინ, ისევ მომეჩვენა, რომ მუშნი ზარანდია სავარძელში გორგალივით იღო და კისერი ჰქონდა მოღერებული“.

გორგალივით რომელი ქვეწარმავალი ილღაკნება და კისერსაც რომელი იღერებს ფაკირთა სალამურის ხმაზე, ალბათ, ძნელი ამოსაცნობი არ არის. ქვეშეცნეული, ნაწარმოებისეული სიმპათიები წუთი-წუთ, წამი-წამ გადანაპირდება გრაფი სეგედისაგან თუთაშხიას სასარგებლოდ: თავად ბოროტების უმთავრესი სათავე, მისი უავგუსტოესობის კვერთხისა და ტახტის მეციხოვნე განსდგომია უკვე მუშნი ზარანდიას, სეგედისგანვე აღზევებულს და გასწრებულს ბოროტების ბილიკების აბურღვაში; განსდგომია და სიკეთისაკენ გაუპირდაპირებია, სიკეთისაკენ მიღრეკილა. ალბათ, ესეც არის მთავარი მიზეზი ნაწარმოების ფინალში სა-

ხელმწიფო მოხელე გრაფი სეგედი ზედმიწევნით რომ ემთხვევა, სინქრონულდება მწერალში; შეირწყმება ორი სტილი — საყოფაცხოვრებო-კანცელარული და ბელეტრისტულ-ხატოვანი; იდენტიფიცირდება სეგედი-ამირეჯიბი, და ყოველგვარი საფუძველი გამოცლება შესავალი-დანვე გაცხადებულ ვერსიას: თითქოს მწერალი გრაფის ნაწერების ნაწილს თუთაშხიას თანამედროვეთა კარდაკარ სიარულით შეავსებს, შეამთლიანებს.

მწერლისა და მთავარი მთხრობელის ენობრივი ქსოვილი სინთეზდება, თორემ აქამდე ჩინოვნიკურად მოსაუბრე სეგედისგან სრული მოულოდნელობაა ცხოველყოფელი მიწიერებით გაჯერებული სცენების წარმოდგენა. ზემორე ვახსენეთ: ბოროტება - სიკეთის ჭიდილის მართონულ გზაზე ნაწარმოების ფინალის მიხედვით გადმობირებულია, ნებსით თუ უნებლიეთ თუთაშხიას საქმეში გახიჩული პერსონაჟები:

გრაფი სეგედი უკვე აშკარად უპირისპირდება მუშნი ზარანდიას — თუთაშხიასთან კაცს აფრენენ მოსაფრთხილებლად;

გადმობირებულია წისქვილის თხუნელა-ქილერი ბონია—საზღაურად გაცემული ოთხი, ძუკნა ძაღლს დამსგავსებული ასულის სამზითვო თანხით;

გადმობირებულია თავად უკანონო მამის სიკვდილის განმახორციელებელი გულუნა პერტია, იგივე გულუ თუთაშხია, ნაბიჭვრობის, ბუშობის შხამ-სამსალით გონმოწამლული ყმაწვილი, უკვე ჩვიდმეტი წლისა ტელემაქესავით, მაგრამ ოდისევსის პირმშოსგან განსხვავებით მამის საქმეთა მოქომაგე კი არა, მომშობი მთლად; და როცა კეფადამეხილი თუთაშხია უკანასკნელი გმირობისათვის შეიმართება, ალიბს ამზადებს ზარანდიას ხაფანგებისგან ცდომილი მეგვიდრისათვის; მალაქია ნინუას სამჭედლოს მიესვენება მთელი ენერჯის დაძაბვით, ბოღაზთან მომლოდინე თეთრ ფელუკას ახსენებს, სამსუნში გადასვლას იმოწმებს, გულიების ქორწილში მუშნისათვის შავი მერნის საჩუქრად მირთმევას ავალებს მოსე ჭგალიას, და შემოქმედის ფანტაზიით კულტივირებული ფლატედან შურდულივით ჩაიხაფრება ზღვის აქაფქაფებულ მღელვარებაში;

შვილი ვერ წაიწყმედს სახელს მამისმკვლევლობით, ვერც შეპირებულ ხუთი ათასი მანეთი დააწვება მის სინდისს წარუხოცელ ბრალდებად, დედასთან ერთად გადაიკარგება სამშობლოდან, აბრაგი თუთაშხია ფელუკით სამსუნს გაემგაზვრაო, ამისი მტკიცებით. მერმე მის ნავალზე სრული სითეთრეთია, დამაბრმავებელი არარაისობა, თუმცა რატომ?! მიტია ჯვარშიშვილის ნაშიერივით, ვინ იცის, იქნება ისიც

თანამემამულეთათვის სავნო-საგოდებელ საქმეთ წინამძღვრობს მიტილენიის მსგავსად?

მიტილენიი ხომ გორა მბორგალის სულის სარკისებური წაკითხვაა, იგივეა, რაც თუთაშხიასათვის ზარანდია, გორგალივით დახვეული ყელმოდერუბული უნასი;

„ეშმაკების უსტაბაში ხარ, მიტილენიი“, (572,) ეხმიანება მოფიქრალ გამომძიებელს მეხუთედ მრბოლელი გორა.

ორივე რომანში რიცხვი „4“ საკრალურ დონეზეა აყვანილი: „თუთაშხია“ ოთხკარიანია; ფონია ოთხი თვე უცდის დათას გამოჩენას; გორას ოთხი გაქცევა ჩაეფუშება. ეს ყველაფერი ოთხთავის საკრალურობისაკენ უბიძგებს მკითხველს უნებლიეთ, და ქვეტექსტურად მიანიშნებს კიდევ წმინდანის გამოძერწვის ასპარეზს.

არავინ უწყის გამოიღებს თუ არა შედეგს დათას მიერ ზარანდიასათვის სიკვდილის საფასურად მიგზავნილი ცხენი, რომელსაც ახლოსაც არ გაიკარებს საღმრთო რაინდის ტყუპისცალი სატანა, მაგრამ მეოთხე წელიწადს გაურკვეველი ავადმყოფობით — მელანქოლიის მძიმე ფორმით აღესრულება: ჩაესვენება ბოროტების მზე, როგორც კი მისი მასაზრდოებელი მუხტი დაიშრიტება — დათა თუთაშხია.

მწერლის სწავლებით, სიკეთე და ბოროტება ურთიერთგადაჭკუული აქსიომაა. ჩვენ მაცილისეულის დაურევა გვწადა, როგორც რუსთაველთანაა მითითებული: ბოროტსა სძლია კეთილმან, არსება მისი გრძელიაო, ანუ ბოროტების დაქვემდებარება საშვილიშვილო საქმეთათვის; მივიღებთ კი ორივეს გაცამტვერებას და მანც უკვდავების საზრისს წუთისოფლის თვალუწვდენლობაში, ანუ იგივე ზესთასოფლის, მარადიული სამყაროს განზომილებების თანაფარდობა ყოველდღიურთან.

გორასვე ფიქრებით: „ცხოვრება სამჟღავნებელია, კაცი — შიგ ჩადებული ფირი“. დაახლოებით იგივე, რაც საუკუნის მიწურულს პრეზიდენტ გამსახურდია რომ დამართებს ჩვენს ბიურგერულ საზოგადოებას, უკეთ ურბანისტულ კასტას — კარონი თბილისელის სახელით დამკვიდრებულს ქართველი კაცის ცნობიერებაში და საგრძნობლად განტოლვილს ზოგადეროვნული ფასეულობებისაგან, კინტოურთან, კოსმოპოლიტურთან, რაღაც აჯაბსანდღურთან წილნაყარს.

დიდი მწერალი თითო-ოროლა თხზულებაში ამოწურავს ხოლმე სათქმელს. მეტიც რომ დააკაბადონოს, განახალხუროს, მანც თითო-ოროლაში განსხეულდება არსებითად და დროთა ვითარებაში დანარჩენს, დავიწყების საბიბლიოთეკო თუ სამუზეუმო მტვერი დაეფინება.

ჰომეროსი „ილიადასა“ და „ოდისეაში“ ზედმიწევნით ამოსრუტავს

სათქმელს, თუმცა ბრმა აედს ბერძნული მითოლოგია ხონჩასავით ედგა წინ — არგონავტების ფათერაკიანი მოგზაურობები ოდიპოს - ანტიგონეიანად, და მინც უმთავრესს ჩაეჭიდება მამფალი მეჰანგე: ფეხმარდი აქილევსის პიროვნულ ტრაგედიას და ცბიერი ოდისევსის მრავალჭირთათმენით მოპოვებულ ტკბილ სიბერეს. ამ ორი ეპიკური ტილოს სარკისებურების თაობაზე სხვაგანაც გვიმსჯელია: პირველ სიმღერას XXIV რომ შეესაბამება, II—XXIII, XII—XIII და ა.შ.

დავაკვირდეთ შინაარსსაც — სინთეზური თხრობის „ილიადა“, სადაც ყველა ფრაზა, შტრიხი, დეტალი ტროის დასაქცევადაა მიმართული; „ოდისეა“ უკვე მოგზაურულ-მოხეტიალურ ფაბულას ირჩევს, გამოცლილია ფეხრთა ქვეშ „ილიადას“ თხრობის ბალავარი, მიატაკაუნებს აფრებს სცილასა და ქარიბდას შორის, უფრო რე იმიტომ, რომ პირველ თხზულებაში დაძლეულია მოძრაობის სტატიკურობიდან გამომცემა, რაც მომდევნოში წესით, შებრუნებული მეთოდით უნდა განხორციელდეს, ანუ სტატიკურობის მოძრაობიდან აღქმით;

ჰომეროსის შემოქმედება ჰოგრიტივითაა, ერთი ბოლოდან ახლო ხედით საჩინოვდება გარდასული რეალობა, მეორე საჭკვრეტელიდან შორსაა გატყორცნილი წუთისოფლის დავდავი.

დანტე „ღვთაებრივ კომედიაში“ ჩამოაქანდაკებს უკომპრომისო სულის ფლატეებს;

სერვანტესი „ღონ კიხოტი“ ქარის წისქვილების ფრთების დგაფუნით შეაბარბაცებს კუზიან ენგიდუნისაც;

გოეთე „ფაუსტთან“ დაატყვევებს მშვენიერ წამს — კაცობრიობის ნეტარ გარინდებას.

რუსთველიც აქ არის ქაჯავეთის ციტადელის დამნაცრავი სამსახოვანი გმირით — ტარიელ-ფრიდონ-ავთანდილით.

ამ საოლიმპო აღმართზე სიზიფეს ლოდს მიაგორებს ჭაბუა ამირეჯიბიც, უკეთ ხურჯინივით გადაუკიდა მხარზე „თუთაშხია“ - „მბორგალი“, და დაუსრულებელი ქაქანის თუ ყბედობის ფონზე ნაბიჯ-ნაბიჯ მიიწევს სანუკვარი სერობისაკენ, თუმცა ჯერ მრავალი აღდგენითი სამუშაოა მოსამთავრებელი.

ღიახაც, მე უნდა დამერღვია ეს მოჩვენებით ოლიმპიური სიმშვიდე მისი შემოქმედების გარშემო, თითქოს ყველა ბასტიონი აღებულია, ყველა ნიშნული ზურგს უკანაა მოტოვებული, აწ უკვდავების წყაროში ჩაყურყუმელავებალა დაშთენილა უდაბნოეთიდან გამოღეწეულისათვის.

მაგარამ გური ოტობანია კეთილთვისებიანი ლაკმუსია თანამოკალმეთათვის, იგივე ნაწარმოებს ათი წლით შემოხვეული ხარის ტყავია, მე-

სამე თვალისჩინი, ოდესმე უსათუოდ რომ ეწვევა ბედის ნებიერს. და ასეც აღსრულდება, — „თუთაშხია“ - „მბორგალს“ პირუთვნელი მსაჯული მოველინება, მაგრამ დარწმუნებული ვარ ავტორისევე სულთამზეობის პერიოდში ჩამოიშოროს მის თხზულებებს ზადი და ხენეში. ასე ნებას ბედისმწერალს, ასე მზმანებია მე ქრისტიანობის არეალში და ასე განესრულება ყოველივე მეორე ათასწლეულის დამხურავი თხზულებათა საბოლოო ჩამოქანდაკებით.

ბოროტის კეთილად გარდაქმნის მისტიკა უმთავრესი ეზოტერიკაა ქრისტიანულ მორალში და თუთაშხიას საგაც ზედმიწევნით აკმაყოფილებს მართლმადიდებლობის ამ უმაღლესი თეოლოგიური კატეგორიის მსოფლგანცდას. ჭონიაც კი, ეს ნაცარქექიას ბადალი ვირთხა თორიას კასრიდან, სიკეთის მთესველ პიროვნებად გადაქცეულა საღმრთო რაინდის სულიერებასთან ზიარების მერმე. გრაფი სეგედის კათარზისზე ხომ ჯეროვნად გვისაუბრია, მაგრამ პერსონაჟის ყველაზე ქვეტექსტური გადმოხილება ქალბატონ სალომე ბაზიერაშვილი-ოდიშარისთანაა.

ჯერე ერთი, იგი მონასტრის ცვილისფერ ცხოვრებას ზურგს შეაქცევს და მონაზვნის აღკაზმულობას ჩითის ჭრელაჭრულა სამოსალზე გაცვლის; მერედა, ეფემია წინამძღვრის თუთაშხიასთან დიალოგში, როგორც მადასტურებელი ძალა ოთხგზის გამოესარჩლება ოთხთავის პოსტულატებით საღვთო რაინდის პერსონას, მიუხედავად მოსალოდნელი უმკაცრესი სასჯელისა, ოდეს თუთაშხია მხოლოდ ქადაგების სახსარ-ლონეს, მოქმედების უვარგის ტაქტიკად შერაცხავს და ძალის აუცილებლობას ახსენებს მიზნის მიღწევის მართებულ საშუალებად.

ჯერაც ვერ ამაღლებულა მისი სული სიკვდილითა სიკვდილის დათრგუნვის ფორმულამდე, „რამეთუ უმჯობეს არს ჩვენდა, რათა ერთი კაცი მოკუდეს ერისათვის, და არა ყოველი ნათესავი წარწყმდესო“. და წინამძღვრის განაჩენი — „ემმაკეული არს და ცბის“, უკვე ოცი წლის მონაზონ გოგონასაც ეკუთვნის თუთაშხიას მხარდამხარ, როგორც თანამზრახველს, როგორც საღმრთო რაინდის მოსარჩელეს სულით და ხორციით. სხვათა შორის აღსანიშნავია აქვე, რომ თუთაშხიას დიაპოზონი საზოგადოების ყველა ფენას მოიცავს, ნებისმიერ კატეგორიას შეეხება ანიდან ჰომემდე, გარდა მღვდელთმსახურების და საგიჟეთისა.

აქაც დაფიქრების საგანია ავტორისეული პოზიცია, ვინაიდან ამისთანა კოლორიტულ სფეროებს არაფრით გაუშვებდა ხელიდან გონსასეირო ამბებს დადარაჯებული ბელეტრისტი. აქ ქვეტექსტის პასუხად ერთი სახიერი ვარაუდი ამოიზრდება ოდენ: უფლის სახლად მიჩნეული

ტადარი ამაზრზენობაა თუთაშხიასთვის, როგორც ქრისტეს საქმეთა გამრუდების უმთავრესი სათავე, ვინაიდან დიხაჯ სააკაცო ქმედებისათვის უფრო მიდინ ისინი მონასტერში, ვიდრე მაღალზნეობის სამსახურად; ამიტომაც, ბუნებრივია, თუთაშხია აღარაფრით აღიკვეცება ბერად, აღარაფრით შედგება იგი რუსეთის მონასტერში მღვდელმსახურად, მით უფრო— სხვა გვართ. ეს უკვე დასაწყისშივე დამარცხებული საქმეა, რამეთუ საზოგადო ბედნიერებისათვის ერისკაცობა სჯობია, საიდანაც გამარგვლის მეტი საშუალებაა, თუნდაც ეს სამოროდო განწყობილება სატანისაგან მომდინარეობდეს.

ჯერხანობით ხომ მთვარის ფავორიტს ბოროტებასთან საბრძოლველ იარაღად თვითზვარაკეულობა არ აურჩევია ერთადერთ უცთომელ სახსარ-საშუალებად? და ეფემია წინამძღრისაგან ლამის დამდაბლებულა, ლამის ფეხით გათელილა ბრბოსთან გათანაბრებული მისი ფენომენი: „ამის უფლება მხოლოდ მესიებს აქვთ“, „მხოლოდ მესიებს“, თანაც, „ისიც მაშინ, თუ საამისოდ ვითარება არის მომწიფებული!“ როგორი განაჩენია ყოველივე ბოროტებასთან დაუსრულებელ ჭიდილში გათანგული აბრაგისათვის?

თითქოს წყალია გადასხმული თუთაშხიას ყოველი მუშაკობისათვის. ამიტომაც არაფერია გასაკვირი, რომ არასოდეს შედეგს იგი ბერად. ეფემია წინამძღვარიც ხომ ვალს მოიხდის უფლის, დათას წინაშე, როგორც მოძღვარი, როგორც სისხლით ნათესავი თუ სულაც მალვით მიჯნური, იმისდა მიუხედავად, ეფემია დედით თუთაშხიაა?

აქ ერთ დეტალზე ყურადღების გამახვილება უთუოდ ღირს:

დათა თუთაშხია, რომელიც ეკრანული ცნობიერებით შემოსულა საზოგადოებაში, რამდენადმე განსხვავდება წიგნიერისაგან. აქ, ჯერ ერთი, ყველა მთხრობელი ამოყრილია მოქმედებიდან და მათ ადგილას თავად რეჟისორის ობიექტივი გვევლინება, მაგრამ ზოგჯერ კომპოზიციური მთლიანობისათვის თუ ნაწარმოების სიმკვიდრისათვის მოგონილი ხერხი განაბნევს თხზულებისმიერ რიფებს, მეჩჩებს, ჩვენი გულისხმიერების წილ საგანგებოდ დახაფანგებულს. მსგავსი ქმედებანი ავტორს სრულებით არ სჭირია, მისთვის უმთავრესი თუთაშხიას პიროვნების სრულყოფილი აღდგენაა, და დანარჩენს მნიშვნელობა დაუკარგავს, უკეთ ნებისმიერია თუ პერსონაჟთა ცხოვრებანი ერთმანეთს ვერ გადაკვეთენ, ან პირიქით მეტი შეხების შესაძლებლობა გაუჩნდებათ და ამით ნაწარმოების კუთრი წონა გაიზრდება.

რომანის ქსოვილის სტილური თავისებურება ეპისტოლარულია, თუმცა ყველგან შენარჩუნებულია ქრონოლოგიურობა მოქმედების

განვითარების თვალსაზრისით. სისტემაშია მოყვანილი მასალის მოწოდების თანამიმდევრობის პრაქტიკაც.

გრაფი სეგედის მახერხებლებელ მეგზურობას მიზანმიმართულად ავსებენ აბრაგთან ნაკონტაქტები პიროვნებანი:

ტერორისტი ნიკიფორე ბუბუტიეშვილი;

კაციჭამია ვირთხების გამომყვანი ქუჯი თორია;

იურიდიული კანტორის მესვეური ირაკლი ხურციძე;

პოლიცმაისტერი ნიკანდრო ქილია;

აბრაგი თუთაშხიას კოლეგა — ყაჩალი ბექარ ჯეირანაშვილი;

ზარანდიებთან შვილივით გაზრდილი შავლეგ გოგინაშვილი — იგივე შალვა ზარანდია;

ჰელმინთოლოგი რობერტ პავლეს ძე ხაპლინი, იგივე ყაფლანიანცი — თავლიანიძეებთან, სამადაშვილებთან, ფარლადაშვილებთან ნაზიარები სისხლით, შემდგომში კაპლანად მოვლინებული ქვეყანას და რევოლუციის წლებში ხაპლანად გადანათლული ლენინის ქილერი ქალის შიშით, გვარნაცვალი, მოყურადე, მეხუთე კოლონის ტიპიური სალდაფონი სტუჟაჩი;

ალექსი სნეგირი — პროფესიონალი რევოლუციონერი;

შალვა თუხარელი; ყალბი ფულის მჭრელი ვასო გოდერძიშვილი, სხვანი და სხვანი... აქ ყოველი სიტუაციის თუ სიუჟეტის სულისჩამდგმელი გრაფი სეგედი ან მწერალი ყოფილიყო, თითქოს არაფერი შეიცვლებოდა, მოქმედების განვითარების სქემა იგივე დარჩებოდა; შენობა კომპოზიციურად იგივე აღნაგობას შეინარჩუნებდა, სამაგიეროდ დაირღვეოდა თავად ნაწარმოების სტილისტიკა, ენობრივი ფენომენი, რომელიც „დათა თუთაშხიაში“ ერთ-ერთი უდიდესი შენაძენია, ვინაიდან როგორც ადრე აღვინიშნავს, ნაწარმოებში მკვეთრადაა გამიჯნული მწერლის უმწირესი ჩარევები პერსონაჟთა მონათხრობისაგან და მითუფრო მთავარი მესვეურის — გრაფის სეგედის მონაყოლისაგან.

ავტორს, ცხადია, ბუნებით ებოძება ღვთიური გამოცდილება, ცოდნა პერსონაჟის სპეციფიკურობის თაობაზე; რომ მეურმე, მჭედელი და აფთიაქარი გამორჩეული ენობრივი ქსოვილით ახასიათებენ ერთსა და იმავე სინამდვილეს: თვითეულს პროფესიული, და აქედან გამომდინარე — ტემპერამენტული თვისებიდან, განსხვავებულ ტემბრს, ხასიათს დაანათლის განგება; ამიტომაც მათი მონათხრობით აღდგენილი მოვლენა ვერაფრით დაემთხვევა ერთმანეთს დროსა და სივრცეში, აკუთავავას ნოველის „უსიერ ტყეში“ მსგავსად.

ამ სამი მოსაუბრის თვალწინ ჩაქროლილი ეტლი განსხვავებული ფორმა-შინაარსისა იქნება, სამივე ინდივიდუუმის გათვალისწინებით.

ერთგან თავად ეტლი წამოიწევა მეტის სიცხადით;

მეორეგან ცხენების მოსართავეები, ბორბლების აღკაზმულობა და დაჭედული ფლოქების თემშარაზე ანაპერწყობა;

მესამესთან ნეფე-პატარძლის ზიზილ-პიპილები, სუნამოს სურნელი თუ გახვიტული მერნების ოფლისგან დარჩენილ ნესტოთა თროთლვა.

ეს ანაბანა ავტორს ზედმიწევნით გაუთავისებია. იმიტომაც ელვარებს ათასფრად თუთაშხიას გარშემოწერილობა მთელის სისავსით, ვიდრე ფინალში სეგედისა და მწერლის ფენომენი შეწყვილდებოდეს; შესინთეზდებოდეს მთხრობელ-ავტორი იდენტიფიკაციის ქვეტექსტური მოტივებით. ალბათ, ესეც უდიდესი ამაგს დასდებს თუთაშხიას ზედმიწევნით გახალხურებას.

დღევანდელ თუ ისტორიულ საქართველოში იშვიათია ლიტერატურული გმირი, რომელიც პოპულარობით „საღმრთო რაინდს“ გატოლებოდეს;

იგი დიდი ხანია უკან ჩამოიტოვებს ღვთაებრივ ავთანდილებს, ბაში-აჩუკებს, მამლუკებს, ოძელაშვილებს, ემუხვარებს და არსაკიძეთ; თანამედროვე ხელგარჯილობანი ხომ ახლოსაც ვერ მივლენ;

თუთაშხია დაიპყრობს ყველა სიმაღლეს.

დღეს რიგითნი, თუთაშხიას სიტყვებს აზომებენ არსენას არშინითა და არსაკიძის მკლავით; თხზულების კოორდინატებიდან განვჭვრეტთ სამყაროს და მის ყბაში მოქცეული ადამიანის ბედ-იღბალს; ვადგენთ სიკეთე-ბოროტებას შორის არსებულ დისბალანსს, და რადგან თუთაშხიას ეკრანული ვერსია ერთგვარი გამარტივებით შეძლებს ზედმიწევნით მიიტანოს საზოგადოების ფართო ფენებთან ნაწარმოების ძირითადი მიზანსწრაფულობანი, აწ დაუნჯებული მკითხველი მეტის გაფაციცებით მისჩერებია ფაბულის ამკინძავ მალებს, მათ შორის დამყარებულ ნერვიულ შეერთებებს;

ვამწვერვალვებთ ზემოთ განვითარებულ სენტენციას, რომ თუთაშხია ბერად ვერ აღიკვეცება, ვინაიდან მისი ცხოვრების უმთავრესი კრედო — სამკალია: სხვანაირად არ ძალუძს, და ასევე ვერც ყვითელი სახლის მოწყვნილობისათვის გაიმეტებს სულს კეკინ კიზის ინდიელების ტომის ბელადივით, რომანიდან: „ვილაცამ გუგულის ბუდეს გადაუფრინა“.

საზოგადოების აი, ეს ორი სფერო გამოხშირულა „თუთაშხიას“ სივრციდან, როგორც ზედმეტი ბარგი, როგორც ზედმეტი სამკაული, ვინაიდან თეოლოგიურ ნავსაყუდელს თუ სულპყრობილთა სავანეს ზედმიწევნით შეესაბამება თავად ქუჯი თორიას კასრი — ქვეყანა, საწუთრო, წუთისოფელი, და რა აუცილებლობაა ამერიკის ხელმეორედ აღმოჩენა,

ლია კარების მტვრევა, ისიც დათა თუთაშხისნაირი ჭეშმარიტების მაძიებელი კაცისაგან?

ცოდნოდა „ცნობიერების ნაკადის“ მეთოდი ბატონ ჭაბუას, ამ მისიას უფრო მოხერხებულად გაართმევდა თავს, მეტის მომჭირნობითა და სამიზნეთა ათიანების დაჟაკანებით;

ნაწარმოების ეპიცენტრად ამისთანა შემთხვევაში უცილობლად თორიას ლაზარეთი მოგვევლინებოდა — როგორც ქვეყნიერების სიმბოლო რკინის კასრთან ერთად. მაგრამ ვინაიდან, სხვაგვარია თხზულების სტილისტიკა, ჩვენც არსებულთ ვიმსჯელოთ, უკეთ გადავხედოთ მწერლის ოსტატობის გენეზისს „თუთაშხიდან“ „მბორგალამდე“.

ორივე თხზულება მოცულობით ლამის იდენტურია — მონუმენტური. პირველის შექმნის თარიღი რატომღაც ნიველირებულია, მაგრამ მეორე ათ წელიწადში შექმნილა — 84-დან 94-მდე. „თუთაშხია“ ტრადიციულ თხრობითობას ირჩევს ამოსავალ წერტილად, მეთოდად; ხატოვნებას, ფერწერას დიალოგების მეშვეობით. განგებ არ ტენის გვერდებს ზოგიერთი ბელეტრისტიკით; განგებ არ ანიჭებს ლითონსმულის, ზოდის ფორმას, თუმცა არქიტექტონიკით, სჯა-ბაასისათვის დამახასიათებელი ინტონაციითაა ასასახი.

პირველი რომანი ოდეს გამირის განვლილი ცხოვრების ქრონოზაციასა დაქვემდებარებული, მეორე რამდენადმე ქაოსურია, და თითქოს ემორჩილება „ცნობიერების ნაკადის“ ხასიათს, მაგრამ ეს „თითქოს“ შემთხვევით არ მოგვიწველებია, ვინაიდან მხოლოდ გასაუბრება საკუთარ თავთან, მხოლოდ გაბაასება საკუთარ მესთან, არ კმარა ქვეცნობიერის ამოსამზევებლად.

სულაც არ არის შეძრწუნებული გორა მბორგალი. მისი მართონული მარბენლობა, გლეჯივით თუ ხვრელში მძრომელობით, ასპარეზია დიახაც — საკუთარი წარსულის ზედმიწევნით გაშუქებისათვის.

თანაც რაჟამს გზა ოთხი თვის სავალია, მისახვედრებელია, როგორი პროპორციით უნდა შეზავდეს ახლანდელი დრო ნამყოსთან;

ჩვენი მაგალითით კი გორა მბორგალი სამჯერ მეტს ფიქრობს ვიდრე მოქმედებს. ესეც მისაღებია „ცნობიერების ნაკადის“ სტილისტიკის ნაწარმოებისათვის.

ჩემი რომან-ტრიადა „სიცოცხლემისჯილების“ პირველი-მეორე წიგნებიც თანამიმდევრულად აკონკრეტებენ ქვეცნობიერის გამოვლენის ტექნიკას: ფოლკნერ-ჯოისის ხელწერა აქ შედარებით გამარტივებულია, გაიოლებული სამამულო ვითარების გათვალისწინებით და სადაც მომენტი, დეტალი ქმნის მსგავსი ვითარების რესტავრაციის აუცილებლობას, გადამღერებულა, თუმცა თავად ქვეცნობიერის გამოვ-

ლენის უმთავრესი შტრიხები კვლავაც ბურჟუსითაა დაფარული და ვინაიდან შინაგანი მონოლოგის თხზულებანი: „არტისტული გადატრიალება“, „აველუმი“, თუ „გორა მბორგალი“ ტრადიციული მეთოდებით ასახავენ ქვეცნობიერის გამოაშკარავების ტექნიკას, ველარ მოუმარჯვებით ქვეცნობიერის განამდვილების იარაღი, გადაჭრით შეიძლება ითქვას: ქართული ბელეტრისტიკის ორათასწლეული ვალში დარჩენილა ამ მეთოდის წინაშე (ერთი მერცხლის ჭიკჭიკი ხომ გაზაფხულს ვერ მოიყვანს), ჰოდა, ვინაიდან, „ცნობიერების ნაკადი“ ოცდამეერთე საუკუნის გადასაჭრელ დილემად ქცეულა, ისევ „მბორგალის“ აღნაგობას დავუბრუნდეთ.

აქ ოფლში მცურავი მარბენალი, რომელსაც „პირში ყოლოს გემო ჰქონდა და ჰაერში მყალი ოხშივარი ტრიალებდა“, დიახაც ყოლოს ფონემასაა დადარაჯებული თხრობის წნულების, კვანძების გასაჩაღებლად: „კაცო, თუ რესტორანში ვარ, იქ ყოლოს ჩაროზი ბოლოში იციან, არადა... შეხედე ამ ბებერს! ექიმიც ყოფილა, ყოლოს ჩაი დამალევიან, ოფლი მომადინა“.

აღმოჩნდა, რომ დიდი მსაჯულივით ამირეჯიბი წაუკითხავს არაფერს სტოვეს, და საამქამოდ მისი მწერლური სტილისტიკა 180 გრადუსით გაემიჯნება ტრადიციულ თხრობას.

„სიციოცხლემისჯილების“ პირველი წიგნის გმირი — ბედისწერით შეძრული ფრთოსანი ჭიანჭველა — მოეხეტება თოვლჭყაპიან გზაზე, საკუთარი პიროვნების წაშლის რეალობით სულ შეძრული, კვეტიან ქომპსონის დარად შეძრწუნებული, და მხოლოდ მოგვიანებით, დიდი დღელების გადავლის შემდეგ მოიცლის ერთ ჭურჭელში ორი პიროვნების დასაფიქსირებლად: ბონდო ჰალიძონია და ბუტუტი ხანთარიძე ცინიკურ დიალოგში ჩაერთვებიან, ვინაიდან სხვაგვარად ძნელია ქრისტედ მოსავლენი პიროვნების წიაღში ნორმალური, ადამიანური მსჯელობის გამართვა ცაბათის პრობლემაზე:

„გორავ, საყვარელო! პოედიმ კ პალკინუ“ — ეუბნება ალტერ ეგოს მომასლათე გორა. „იყრატალონო“ შემოიშველიებს დასახელებული წიგნის ინტონაციას. და როგორი დამაფიქრელიც იყოს მბორგალის კოლექტორიდან გამოქცევა, მის დეტალიზაციას მწერალი თავს ავადმყოფურად არიდებს.

ზონების, უქლაგებისა და ვეტლაგების ბინადართა თქმულისამებრ ხვრელით გასაქცევი არტერია ათწლეულობით მზადდება. იქ ბარი და ნიჩაბი ძალყინ-წერაქვიანად სრულიად გამოუსადეგარია, ვინაიდან მამლის ქურდის გამოცდილებისამებრ, ფიცს ერწმუნები, მაგრამ კუდი გაგაოცებს. იქ, ხვრელში, დიახაც სანტიმეტრობით გასწევენ მიჯნას,

ათწლეულობით. თანაც მემადაროეს ნიკაპი მიწაზე უღვეს, კეფა გვირაბის ჭერს მიგლესვია, საგანგებო ხალათი აცვია, გუშინდელი გვარდიელის აღკაზმულობის იერისა, ათეული გარეჯებით დამშვენებული; ჰოდა, ნულარ გაგვიკვირდება, კოვზით, დიახ, დიახ, კარგად აფხიანებული კოვზით, მუჭა-მუჭა შემოაქვთ გაფხვიერებული მიწა; ჯიბეში იყრიან, ბრუნდებიან საკანში, პარაშაში ცლიან, ჯოხით კარგად მოურევენ დურდუბოში. ამგვარად გაიტანენ ზედამხედველის თვალის ასახვევად. თორემ „მბორგალის“ მიხედვით, გლეჯვით გაქცევა დახატული თუა, ხვრელით გაპარვა ფრიად ორიგინალურია.

ციხეში პოლიტიკურები და კანონიერი ქურდები ერთმანეთს რისთვის ვერ ჰგულობენ, ესეც დიდ საიდუმლოს არ წარმოადგენს. ქურდისათვის ციხე მეორე ოჯახია; ამას ამირეჯიბიც ცნობს, მაგრამ მათ შორის კონტაქტი აბსოლტურად რომ გამოირიცხება? საქმე ის გახლავთ, რომ ქურდს, როგორც ასეთს, სამშობლო არ გააჩნია. ის კოსმოპოლიტი პერსონაა; მისთვის პატროფილური განცდები მეორეხარისხოვანია, რელიგიაც — სხვათა შორის.

ქურდისთვის მთავარი კრიტერიუმი საკუთარი სახელის შეუბღალავობაა და მოსაქაფი არენა.

ამისთანა პირობებში, როდესაც ზონაში მეკუჭნავედ მოკალათდები, აქ ასაკი ვერაფერი გამართლებს. ეს უკვე ციხის ან ზონის ადმინისტრაციასთან გარიგების ტოლფასია, კომპრომისის იდენტური, მეტიც — სავარაუდო სტუჟაჩობა, კრუხსაც რომ უწოდებს მრავალნატანჯი მწერალი, მაგრამ ისიც ხომ უნდა გავაცნობიეროთ, რომ პოლიტიკურებში ქურდული კლანი მომავალ დამსჯელს ხედავს, სახელმწიფო მოღვაწეს, კანონმდებელს ბოლოს და ბოლოს, რომელიც ადრე თუ გვიან ჟილეტს განუმზადებს მომთვინიერებელ განაბს, თუ სულაც ხის ბუშლატს — კუბოს — ამირეჯიბისებურად?

ჰოდა, ამისთანა ვითარებაში ყოვლად გამორიცხულია პოლიტიკოსებსა და კანონიერ ქურდებს შორის რაიმე თანამშრომლობაზე საუბარი, რომ აღარაფერი ვთქვათ ხელ შეუხებლობაზე. ციხეში, ზონაში, პოლიტიკურებიც უკლებლივ ქურდების დაკრულზე ცეკვავენ ზეკებივით, მუჟიკებსავით თუ იგივე შობლათა მსგავსად. ამით სატუსალოების ცხოვრების წესი არ იცვლება. მოკლედ, ფრიად გასაკვირია გორა მბორგალის მეხუთე გაქცევა, რომელიც ვინმე ფილიპოვის მომზადებულია ზედმიწევნით. ზედ კოლექტორზე დაშენებული ერთ-ერთი ბანაკი გორას სამფლობელოა, სადაც მეკუჭნავეობით ირჩენს თავს, თორემ ხვრელიდან როგორ გამოეტევა „თბილი საცვლებით, მოხერის სვიტრით, ირმის ბეწვის შარვლით, ჩუქჩური უნტებით, ირმისვე კაპიუ-

შონიანი ზედატანით, დუნდულს ქვევით მკვიდრად შემოსაკრავი ზორ-ტით, მერე ყურებიანი ბეწვის ქუდით, ამის ზემოთ რეზინის წებოში ამოვლებული ტილოს ქარგაუმტარი ბალახონით და სულ გარედან — თეთრი, წვივებამდე ჩამოშვებლი, უსაშველოდ ფართო ნილაბხალათით, რომელსაც საგანგებო კონსტრუქციის წყალობით (კონსტრუქციას შენობაზე იტყვიან. ჯობია, ფორმა, გ.ო.) კარავის მაგივრობაც უნდა გაეწია“, ამას ზედ დაეფრთოთ ზურგჩანთაც და მისახვედრებელია რამხელა ხერელის გამზადება დასჭირდებოდა გორას.

აქვე ცდომილია, ალბათ, გამქცევთა ჩამწკრივება ორმოცდასამეტ-რიანი ხერელის წილში, თანაც გონსასეიროდ, დუნდულოში დანის ჩხვლეტა. ასეთი სიხალვათე კი „ხერელების გიჟ“ კარაპუხინს კი არა მემადაროვებს თუ მეშახტეთ შეშურდებთ! ჰოდა, ამნაირად აღკაზმული გორა სამ ათასეულ კილომეტრთან დაჭიდებას რომ განიზრახავს მშობიარე ქალივით აკივლებულ პურგაში, რომელმაც უნდა გააჩინოს მბორგალი თოვლეთიდან, ყინვის სულიდან — იგლუსიდან — ყინულის ლოდების სახლიდან, სადამიანოსკენ, კორიდასკენ, რელსებზე დასაჯლომად და სხვა არაფერი, არანაირი ცხოვრებისეული მიზანი თუთაშხიასთან მოზომილი, თუთაშხიასთან დაგეზიანებული.

უნებლიეთ გებადება კითხვა: საკუთარ თავთან გაჯიბრება და შენეული სისუსტეების დაჯაბნვა თუკია მიზანი, ესეც მცირე ბარიერი როდია, „თუთაშხიასე“ გამოცდილებით, მაგრამ ნივთიერ, ხელშესახებ სივრცეში, როცა გადავიყვანთ ორივე ნაწარმოების კუთარ წონას, დათასთვის მახლობელი რძის პროდუქციით, „თუთაშხია“ შებოლილი სულგუნის სადარია, ჭიისთვის მიუკარებლი, საშვილიშვილო. სულუგუნის ბოლში გამოყვანას წინ უსწრებს რამდენიმე პროცედურა: შედედების სემანტიკა, მაქიკნასვაში რძე ოდეს შესქელდება და მთვარესავით ყველს დაბადებს ნაცადი ხელი, ამისთანა საკვებს, ჭყინტს ვეძახით — უამრავი კერძეულის ნედლეულს, მაგრამ შესანახად უვარგისს. ბუნებრივ პირობებში უმარილოდ მალე ამჟავდება, აფუვდება და ძვირფას თვისებას კარგავს, ხოლო დამარილებული საღეჭი რეზინასმაგვარია, მწკლარტე.

ქართველს ემარჯვებოდა ჭყინტი ყველის სულუგუნად გარდაქმნის, გურმანობა: ექიმი — ნუა. თითქოს გადაზღვლის პროცესში ჭყინტ ყველს აკლდება შრატის სახით ცხიმი, ერბოვნობა, მაგრამ წარმოიდგინეთ, ახალ თვისებრიობას იძენს იგი, ახალ საფეხურზე აღწევს და უკვე სულუგუნად გარდაქმნილი რამდენიმე კვირა-თვე იხანგრძლივებს სიცოცხლეს; თუმცა ისევ წამოტივტივდება შენახვის პრობლემა. უმარილოდ სულუგუნის ვერ ძლებს დიდხანს და აი,

აქედან, ამ მეორე ტექნოლოგიიდან, თუთაშხია მწყემსი სამზადის ოჯინჯალეზე ჩამოაკონწილებს სულუგუნის წყებას შესაბოლად და დროთა ვითარებაში კვამლისგან გაჯერებული გამზადებულა კიდეც სამუდამო არსებობისთვის.

ჩასვენებულა დაკონსერვების, „დაცელოფანების“ თუ სხვა ღონისძიებათა უმწიფარი მსოფლიო გამოცდილებანი: შებოლილი სულუგუნი — ჭყინტი ყველის მესამეული მეტამორფოზა — უკვე სრულყოფილების საუფლოში დაამკვიდრებს მას, და უხეშ შედარებად რომც ჩამოგვერთვას, „თუთაშხია“ ამ უკანასკნელის ტიპისაა, ცრემლისმომდენი კვამლით გაჯერებული, ხოლო „მბორგალი“ ჯერაც ვერ გაცდენია დამარილებული ჭყინტის აღნაგობას, კაზლას რომ ეძახიან თუთაშხიასვე სამზობლოში.

სტილის გადაბრუნება, ნაწარმოების ხარის ტყავში ათ წელიწადს გამოხვევის აუცილებლობა „თუთაშხიას“ ზედმიწევნით გამოუვლია, ხოლო „მბორგალი“ ამ საფეხურებს შიგადაშიგ საჭიროებს მოშველიებული უზარმაზარი ინფორმაციის დაწდევების, გამოხშირების თუ სულაც ამპუტაციის თვალსაზრისით.

აქ ფიქრი ფიქრისთვის მოშველიებულა და არა — თავად გმირის შინაგანი სამყაროს დასაფიქსირებლად. ხელოვნურობის ნიშნით აღბეჭდილა ლამის გიგანტი ფიჭვების წარმტაცებელ პურგაში საბჭოურ რეჟის გამოქცეული პატიმარი, რომელსაც უარეს შემთხვევაში ზონის შესასვლელთან დახვრეტა ელის სხვათა ჭკუის სასწავლებლად, ან უკეთესობის პირობებში სამუდამო ტუსალობა. და მიუხედავად ყოველივესი ჩინებულად მორგებია გარემოს იაგორ კარგარეთელის საძილე ტომარა. მწერალი გაურბის ახლანდელ დროს, მწირია პრეზენსი მარბენალის პულსაციიდან. ის თითქოს წარსულით იცოხნება, რომელიც მის თავზე როდი დატრიალებულა წისქვილის დოლაბივით, არამედ მთელი ქვეყნის ტრაგედიას, მაგრამ ვერბალურ რესტავრაციებში იკარგება „თუთაშხიასეული“ ჯადოსნური დასწრების ეფექტი თუ თავად თხრობის მრავალპრიზმიანობა.

ნებიმიერ ფსიქოლოგიაში ფროიდები, უზნაძეები, ქვეცნობიერის პრიმატს ანიჭებენ უპირატესობას, როგორც ადამიანის შინაგანის წარმართველ ძალას, როგორც იმანენტურის გარეგანში გამოვლენის ქვაკუთხედს, მაგრამ „მბორგალისათვის“, ფიქრი სატვირთო შემადგენლობებით მოიზიდება, კუმბეტრობითა და ვაგონებით; მას არ ახასიათებს მოწოდების იმპულსური თავისებურება, მხოლოდ გეომეტრიულ მოცულებითობას ემორჩილება და გამოირჩევა ძალდატანების ქოლერიკული ხელწერით.

არადა, საბჭოური ლაგერებიდან ხუთგზის გამოქცეულს,

საწუთროს ხუთგზის გამმეტებელ პერსონის სულიდან არ შეიგრძნება სიმწრის თუ შეჭირვებულობის სურნელი: თითქოს კაფე „როტონდა-დან“, ან „მულენ რუჟიდან“ გვეხმიანება მწერლის დაუდგრომლობა, რომელიც ძირითადად ავტობიოგრაფიული ხაზისაა, დოკუმენტურობის უტყუარი სამხილი მასალით გაპოხილი და ამდენად, მემუარული სტილის იწილობიწილო, ნაკლებად რომ ეკონტაქტება გამონაგონს, უფრო მტკიცებითი მნიშვნელობისაა, მწერლის ბიოგრაფიის დამადასტურებელი გუჟარ-სიგელია, იმიჯის ალიბი. ფსიქოლოგიაში კი ცნობილია ფრაზა: ვინც ამტკიცებს, ის ტყუის. ესთეტიკური პოზიციიდან „მბორგალის“ გაუმართლებელი წილსვლების მიუხედავად, მოიძებნება მკითხველის წარმართველი შინაგანი ჭიდილი დამთრგუნველ ძალასთან, მიტილენიწთან, იგივე სატანურ საწყისთან, რომელიც ქართული წარმოშობისაა, „ჩორტ ნერუსკია“, მიტია ჯვარშიშვილის წუთიერი გატაცების უმისამართოდ გაბნეული თესლის ამოჯვჯილება და მაინც ზარანდიას შეუპოვრობით მომართული მიზნის მისაღწევად.

პერიფერიული ზონები და საპატიმროებია მისი სტიქია. ლიანდაგის სიახლოვის სატუსაღოები მიტილენიწის მაძიებლურ სულს აღარ აკმაყოფილებს, ვინაიდან მარბენალი ორი-სამი საათის მანძილზე ხალხმრავალ ქალაქში ამოჰყოფს თავს და სამუდამოდ გამსხლტარია ხელიდან კუდით დაჭერილი თევზის მსგავსად.

აქ კი სრული მარათონია, უკიდვანო სივრცე, თეთრი უდაბნოეთის დივიზიონი, მონუმენტური ციებ-ცხელება. საკვანძო პუნქტები ასეული კილომეტრით მოშორებია ერთიმეორეს, როგორც უდაბნოეთის ჭებია და ოაზისები, ყუმღეთი; წყურვილით სიკვდილი ელის საკუთარ ბუნებაში ჩაუხედავს, ტლუს და უგუნურს.

ამისთვისაც მიანიშნებს ავიცენა, იგივე იბნ-სინა, შვილი სინასი: მიერთვი წყარო საკუთარ აუზიდანაო, მაგრამ ქალივით აკვნესებულ პურგაში როგორ გინდა გააღწიო ფიქრის და ოცნების უნარს მოკლებულმა ადამიანმა?!

აქ მედიტაცია დიახაც ავიცენასეული ფორმულის მისადაგება განსხვავებულ ვითარებასთან: თუ გინდა გადარჩე პურგაში, მიიერთვი ფიქრი საკუთარ სულიდანაო, მოგვითარგმნის მბორგალი და რეცეპტი თითქოს უტყუარია, მაგრამ ცდომილი თავად ამ ფიქრის მოწოდების პრაქტიკა გვესახება: გაოჩნებული ნახირის მორეკვა გაცხადების ქართაში და არა უშუაველი ბუნებრიობა. გაქცეული კაცის მდგომარეობიდან გამომდინარე ათასობით კილომეტრის გადალახვის ერთადერთი საშუალება — ფიქრი ვეღარ იქნება სწორხაზოვანი, მაინცდამაინც ერთმიზნიერი, ერთი მიმართულების. აქ იგნორირებულია თავად ადამიან-

ნის შინაგანი სამყაროს მოძრაობის თავისებურება, რომ მდინარისგან, თუნდაც სხივისგან განსხვავებით, ფიქრი სწორხაზოვან ტალღობრივის ნაცვლად სპირალურად მოძრაობს, ანუ გარკვეული წინსწრაფვის შემდეგ, უბრუნდება საწყის მდგომარეობას, ექვემდებარება განშტოებით მსვლელობებსაც, რომელმაც ფ პუნქტიდან ი-სკენ მიმავალი შესაძლოა ჰ-სთან გადაგისროლოს და თავად ფიქრით მოხმობილი მასალის თავისებურებამ ს-ში დაგაბრუნოს, კვლავ „იფსილონთან“ მიგასწრაფოს და შემდგომად ვ-სთან, გახეტილოს ერთხანობას „შ“, „პ“, „კ“, „რ“, მწკრივით და ისევ წამოუაროს „იქსებისკენ“ თუ „იოტებისკენ“.

ყველაფერს შეიძლება მიეჩინოს კალაპოტი სურვილისამებრ, მდინარის ტოტს — წისქვილის ღარში მისაშვებად; თავად მდინარეს — ჰიდროელექტროსადგურის მძლავრი ტურბინების დასატრიალებლად; მზის სხივსაც კი პრიზმებისა და სარკეების მეშვეობით; მარტენის ღუმელში გამლვარ მოთუხთუხე ლითონსაც დასაგლინად, მაგრამ სტიქიას და ფიქრს ვერაფრით დარაზმავს ვინმე ყაზარმული წესრიგით, ვერანაირად შებოჭავს ცოდნის და კანონზომიერების არტახებით. რაიმე სქემით და მიზანდასახულობით მსგავსი პროკრუსტეობა, თავად ფიქრის ხასიათის უცოდინრობაა, ინფანტილური უმწიფრობა ასაკ-მოყრილი დაუნჯებულობის საწინააღმდეგოდ.

ფიქრი, მართალია, გარკვეული დროის მონაკვეთში კი ემორჩილება ადამიანს, ექვემდებარება მის მაკონტროლებელ ძალას, მაგრამ საკმარისია პიროვნებაში ჩაერთოს შინაგანი ძალისხმევა, ქვეცნობიერი მომენტი, რომ მყისვე გადააცდენს დაწესებული კალაპოტიდან და აქამდე ნილოსის მდინარებას ატორღილებული, შესაძლოა არაგვის სიგიჟეში გაიხლართოს;

ასე რომ, საკუთარ თავთან დარჩენილი, მსუყე პასაჟებს ველარაფით წარმოაჩენ იმ თანამიმდევრობით, როგორც ამას ბატონი ჭაბუა ამირეჯიბი ახერხებს „გორა მბორგალში“.

მოვიშველიოთ ტიპიური მაგალითი:

„გორა ჭაში გამოხობდა. ზეზე ადგა, ღრმა ამოსუნთქვას დაფრუტუნება ამოაყოლა, ჰის სარკველს ფარნის ჭავლი მიაბჯინა. კარში შავი პურგა მიძინვარებდა. მიაყურა, კენესის მაგვარი რამ გაიგონა“. (ეს მწერალია — გორას გარეშემო არსებული ნებისმიერი ინფომაციის საცავის გამგებელი და წარმართველი ამავდროულად).

„როგორი ნაცნობი ხმაა! (გაუელვებს გორას ფიქრში, უკეთ საკუთარ მეორე მეს ესაუბრება მბორგალი, გ.ო.), რაღაც ისეთს წააგავს, როდისღაც რომ მსმენია, (ალბათ, ოდესღაც, გ.ო.) და მეხსიერებაში

ჩამჩა... მშობიარე ქალის კენესაა?! კი, მაშინ... ის ქალი ზუსტად ასე კენესოდა — გრძელ ნაწვეტებად, განწირულად“.

აი, როგორი ასოციაცია წარმოშვა გორას ფიქრში პურგას დედა-კაცის მიმსგავსებით დაკენესებამ. ეს ჩინებული შედარებაა, მიგნება, მწერლური ჯილდო, მაგრამ შევხედოთ რანაირად ვითარდება მოქმედება შემდგომ?

„ერთხანს კიდევ უსმინა და ჩაცმა-დახურვას მიჰყო ხელი“... გასაგებია გორას არ სცალია პურგა—მშობიარე დეადკაცის მიმართულებით ფიქრის გასაჩაღებლად, ვინაიდან მის წინაშე უფრო მთავარი აუცილებლობაა: თბილად შემოსვა და კვალის რაც შეიძლება შორს გატანა, მდევრის შესაძლო მოხელთებისაგან თავდაღწევა, საძებარი რადიუსის გაფართოება.

„თოვლზე ავიდა“ გორა, „ჭაში ჩაკიდულეზულ ბაწარს დახედა, ახალგაზრდობის დროინდელ მოგონებას შეჰკლიმა... ყარაგანდამი, დუბოკაში ორმოცდასამეტრიანი ხვრელი გაიტანეს. კენჭით პირველი, ანუ ის, ვისაც ბოლო ორი მტკაველი უნდა გაეტანა და გასულიყო, კარპუხინი გახლდათ. ამ კაცს „ხვრელების გიჟი ერქვა, ვინაიდან რამდენიმე წარმატებული გათხრის მონაწილე იყო და ერთხელაც ვერ გაიქცა: „ბოლო ნაბიჯის უნარი“ არ გააჩნდა, ღიაზე გასვლისა — იქ, შესაძლოა, გესროლონ!

ჩამწკრივდნენ — კარპუხინი, კუცენკო, ორთოიძე, გორა, ბოგდანი. კარპუხინმა მიწა გაანგრია. სიომ შემოაწია, გასვლაა საჭირო. კარპუხინს მკვდრის გაშეშებამ დარია ხელი — ვერც რამ გაიგონა, არც კუცენკოს მიერ დუნდულში ნაჩხვლეტი დანის წვერი უგრძენია. მორივით იღო, შოკი!.. ბოგდანმა სთქვა:

— გორა, კიევში კოლექციონერს ვიცნობ, პრეზერვატივებს აგროვებს, ხუთასზე მეტი აქვს! თავად ცვედანია, იმპოტენტი...“

კურსივით ჩემგან აღჭურვილი ტექსტი ტიპიური ცნობიერების ნაკადია, ანუ მეხუთე გაღწევის ძალისხმევით ერთ-ერთი მსგავსი პასაჟით აღმოცენება გორას ცნობიერებაში, ოღონდ გათვალისწინებული არ არის თავად „ცნობიერების ნაკადის“ ასახვის ბუნება-ხასიათი, ტრადიციული სინტაქსითაა მოწოდებული.

სულ რაღაც კუს ნაბიჯისხელა აშორებს ბატონ ჭაბუა ამირეჯის „ცნობიერების ნაკადისაგან“, წრუწუნას კულისხელა.

შევეცადოთ აღნიშნული ეპიზოდის „ცნობიერების ნაკადზე“ მოქცევა:

„გასატანი ხვრელის წინ ჩამწკრივებულან კარპუხინი, კუცენკო, ორთოიძე, გორა, ბოგდანი. „ხვრელების გიჟი“ კარპუხინი მიწას გაანგ-

რევს. სიო შემოაწევს. გასვლაა საჭირო, მაგრამ კარპუხინისთვის მკვდრის გაშეშებას დაურევია ხელი, გახევებულა. კუცენკო დუნდულაში დანის წვერს უჩხვლეტს. მორივითაა კარპუხინი.

ბომბლანი. გორა, კიევში კოლექციონერს ვიცნობ, პრეზერვატივებს აგროვებს, ხუთასზე მეტი აქვს! თავად ცვედნია, იმპოტენტი...“

ეს ყველაფერი შავი შრიფტითი გადმოიცემა „ცნობიერების ნაკადის“ ლიტერატურაში. შესაძლოა, ინფორმაციული თუ ტექნიკის თვალსაზრისითაც დიდად არ განირჩეოდეს აქ დატოლებული ეპიზოდები ერთმანეთისაგან, მაგრამ ოდეს გავითვალისწინებთ ქვეცნობიერის ბუნებას, მის ხასიათს და სემანტიკას, აღმოჩნდება, რომ ზოგჯერ, თუნდაც მკაცრად დაკონტროლებული მედიტაციის პირობებშიც, თავად გულჩახვეული და შინაგანი მდულარებით გარემოსილი პიროვნების წიაღში, მსგავსი სიტუაცია აღმოაცენებს, აღადგენს, არესტავირებს, ბადალს, ალიკვალს უკვე გარდახდილს, უკვე მომხდარს, მაგრამ გმირის მეობაში მკვიდრად შენახულს. და როდესაც იგივეობრივი მეთოდით მოიშველიება ჭიდან ამომძვრალი გორას ფიქრში ერთ-ერთი გაქცევისას კარპუხინის გაშეშების სცენა და ბოგდანის ნათქვამიც ზედმიწევნით აღდგენილია, უკვე ბუნებრივია გადასვლა ფიქრის მდინარების მიმართულებით; არ დაირღვევა თანამედროვე თხრობის მართებულება, შინაგანი მონოლოგი არ დაემსგავსება ტრადიციული თხრობითისა და ექსპრესიული უგემოვნო ნაზავს, რამეთუ ახალ ღვინოებს ახალ თხიერში ასხამენ, ამის თაობაზე ხომ თავად ოცი წლის სალომე ბაზიერაშვილი-ოდიშარიასი უკეთ იტყვის:

„რაითა არა განხეთქეს ღვინომან ახალმან თხიერნი იგი, და ღვინო დათხიოს და თხიერნი წარწყმდნენ“ (ლუკა 5,37).

და თუკი ეს სიბრძნე მყარად გაგვიცნობიერებია პირველივე რომანიდან, მაშინ რატომ ვარღვეთ თამაშის წესებს მეორეში, რისთვის არ ვემორჩილებით კანონის უზენაესობას? რატომ კულტივირდება ახალი სტილი ძველ სხეულში? რატომ ემყნობა შეუთაჟვსებელი უცხოს? ამისთანა შემთხვევაში ხომ ყოველი ქირურგია, ყოველი მეცადინეობა წყალში ჩაცვენია იმუნოლოგიის პოზიციიდან?

გორას ცნობიერებაში ამოტივტივებული, ბოგდანის ნათქვამი, მსჯელობას აგრძელებს სექსუალურ შესაძლებლობაზე, ე.წ. მამაკაცურ უძლურებაზე:

„კი, იმპოტენცია სხვადასხვანაირია. ბოლო, გადამწყვეტი ნაბიჯი! ეგ ყველაფერში ძნელია, ყოველთვის ჭირს... პურგა ისევ კივის. გამოდარებას მშობიარობს?... დედას ტკივილი აკივლებს. ბავშვს — ბოლო, „გადამწყვეტი ნაბიჯი“ უჭირს, ყოყმანებს, დაიბადოს თუ არა?“

... ბოლო „გადამწყვეტი ნაბიჯი“ წინწყლებით რომ გადმოიცემა, წინა ოთხჯერადი გაქცევიდანაა, რომელიღაცა მრბოლელის მიერ კარპუხინისათვის მიკერებული ფრაზიდან: „გადამწყვეტი ნაბიჯის“ უნარი არ გააჩნიაო. ამიტომაც მოექცევა იგი ფიქრთამდინარებისას წინწყლებში. „ცნობიერების ნაკადის“ ლიტერატურაში კი მას უბრალოდ შავი შრიფტით, ან კურსივით გადმოსცემენ.

ეს მეთოდი, დაწინწყლები, დოსტოევსკის მიხვედრილობას იქით ვერ მიდის. რასკოლნიკოვიც მსგავსად ფიქრობს, როდესაც მისი დის გამბახებლის წერილის ფრაზები უტრიალებს თავში და დიახაც წინწყლებით მოიშველიებს მას, მაგრამ დოსტოევსკის შემდეგ ასერგასი წელი გასულა და ლიტერატურული პროცესი პრუსტ-ჯოის-ფოლკნერის მერმეც ერთ ადგილზე როდი გაჩერებულა...

რაც შეეხება გორას ფიქრის მდინარებს, აქ საინტერესო რაკურსითაა წარმოჩენილი გასაქცევი გვირაბიდან პატიმრის გამოსვლა და ჩვილის საშობაო ჭინთვები.

მივედევნოთ რომანის ტექსტს:

„არ არის საყოყნანო? იქ არ ურჩენია? სითბოში, სიმამღრეში, სიმშვიდეში. დედებს ყველაზე უფრო, ალბათ, სწორედ ბავშვის ყოყმანის დროს სტიკივით... პურგა შენით მშობიარობს და ამიტომ კივის. ყოყმანობ? გვიანი როდია, ჩაბრუნდი. რაღას უდგებარ, გორავ, საკუთარ თავს უმტკიცებ, რომ მშვიდი ხარ და არაფრის შიში იცი?... ჩაბრუნდე? უკვე დავიბადე, ყოყმანი არასდროს მქონია, ფიქრი მქონდა და ისიც ჭაში დამრჩა. პურგამ უნდა გამიყვანოს სამშვიდობოზე, ერთადერთი შესაძლებლობაა. დავიბადე! ხა, ხა, ამჯერად ხალვათობა იყო, ადვილი მშობიარობა! პირველი, როცა ქვეყნიერებას მოვევლინე, თოთხმეტნახევარი გირვანქა ვყოფილვარ, ექვსი კილოგრამი ორას გრამნაკლები. (რადგანაც საგანგებოდ აკონკრეტებს გორა თავის წონადობას, ბარემ შევუსწორებთ ცოტაოდნად — გირვანქა 409,5 გრამია, ხოლო 14,5 ჯერ მისი სიდიდე — 5.937 კილოგრამი, ანუ დასახელებულზე სრული 137 გრამით მეტი. ვფიქრობ აქ აფთიაქარის სასწორის სიზუსტით დაკონკრეტების არანაირი აუცილებლობაა. მბორგალი პროვიზორი იყოს ან ოქროს ამრწყავი, სხვა საკითხია, გ.ო). მაშინ გირვანქობა იყო. როგორი გასაჩენი ვიყავი! მეორედ კარის ღრიჭოში გაძვრომა მომიხდა. ვიწრო იყო, ოხერი, იმდენად ვიწრო, რომ ყველაფერი გავიხადე, მეოთხე ცდაზეღა გავეტიე (დაიხსომეთ ეს საკრალური ციფრი, ოთხთავის სემანტიკა, გ.ო.), ეს საქართველოში იყო, პერანგის ამარა მომიხდა სიარული. კარგი, რომ გახაფხული იდგა. მესამედ — ყარაგანდაში, გლეჯით წასვლისას, მანქანიდან, თხრილი და

ბრუსტვერი... მეოთხე ნამდვილ დაბადებას ჰგავდა, ხვრელი ვიწრო და გრძელი იყო, ძლივს გავაღწიე. ეს მეხუთეა, კოლექტორის ჭამ მშვა და პურგამ. მეოთხე და მეხუთე მშობიარობა, ქალებისგანაც გამიგონია, სულ ადვილი ყოფილა... პირველად, დედაჩემის სიტყვით, პერანგით დავიბადე. მეორედაც ნაცრისფერი პერანგი მეცვა, მესამედ და მეოთხედ — ყარაგანდაში, ორივეჯერ ხამი ტილოს პერანგი, კინალამ დავიხრჩე. ეს მეხუთე დაბადებაა, თეთრი პერანგი მაქვს... (გულისხმობს პურგას, თოვლის საბურველს, გ.ო.) თავით ფეხამდე ბეწვეულში ვარ გახვეული, ამდენი არც ერთ თბილისელ ლამაზმანს არ ექნება და სანაძლეოს დავდებ, დაბადებისას ზურგჩანთა ძეხორციელს არავის გამოჰყოლია! ამოვიღოთ და გავუდგეთ გზას ქვის სამტეხლოსკენ... რა ხანია, აქ დგეხარ და რაღაც სისულელეებზე ფიქრობ. ხომ დაუმტკიცე საკუთარ თავს, რომ უშიშარი ხარ და „ფეხებზე გკიდია ორი და ათი შაური“? (ეს ფრაზაც ზონების სინამდვილიდანაა, „ცნობიერების ნაკადის“ კონსერვატორიული გადმოცემა, გ.ო.), კმარა „წადი, შვილო, შკოლაში“, (ძნელია გაარკვიო ვისი ფრაზა აღმოუცენდა უცებ გორას, ვისი წინადადებით აშენებს აზრს, გ.ო.), თორემ მოვა ბუა და შეგჭამს!.. მართალი ხარ. პურგაში გუშაგებს ხშირად ამოწმებენ, ე მანდ, კი არ ჩამოიარონ და! გაუმარჯოს ქვის სამტეხლოს, როგორც იმედისა და სასოების სახეს, გინა ხატს. ვერაფრით დავადგინე, რომელია უფრო მართებული, სახე თუ ხატი. იერსახესაც ხმარობენ... კაცო, რა დავა-კამათი აგიტყდა, რომელიც გნებავდეს, ის იყოს სწორი და მართებული. საქმეს მიხედე!“

ასეთია გორას ფიქრის სპირალოგრამა. მის მედიტაციაში ჩაკინძულია აქა-იქ წარსულში თანამოსაუბრის სამახსოვრო ფრაზები, რასაც ზოგჯერ აკომენტარებს კიდევ თავისთავის მძიებელი კაცი. გარბის გორა მბორგალი, განელტვის სატუსალოების ამაზრზენობას, მისულსწრაფობს ლიანდაგზე დასაჯდომად, რომელიც „გადაჯაჭვულნის“ ფინალის მსგავსად სამშვიდობოზე გაღწევის სიმბოლიკაა; გარბის, მაგრამ უფრო არსებითი საკუთარი თავის აღმოცენება ყოფილა, და მართლაც ნაწარმოების დასკვნით ნაწილში მბორგალი დიხასაც ეზიარება ამ სიბრძნეს, თავად პერსონაჟი კი ძნელია დაადგინო რომელია „გამქცევ-მაზოხისტი“, „მორკინალი“ თუ „მძლევაირი“, თუმცა მთავარი ის გახლავთ, რომ „თუთაშხისა“ და „მბორგალშიც“ მოძებნილია ეპიკური თხზულებისათვის აუცილებელი „შარა გრძელი“ —სინიბთა ფეხმარდობის გამოსაცდელად.

რაც შეეხება „გონსასეირო ამბავთა“ მოწოდების თანადროულობას, ამას ჰომეროსის „ილიადა“ დაამტკიცებს მიზეზ-

შედგებრივი ესთეტიკური მიდგომებით, და პორაციუსის მართალმოსიტყვობამ ხომ მთლად დააფორმულებს ნაწაროებში ნაწილისა და მთელის ურთიერთმიმართებებს: ახლა უნდა ითქვას, ის რაც უნდა ითქვას ახლა, დანარჩენი გადაინახოს სხვა მომენტისათვის, სულ სხვა სიტუაციის ასახნელად (პორაციუსი). ანუ ჩვენი ლექსის მამფალისებურად: ზოგჯერ თქმა სჯობს არა თქმასა, ზოგჯერ თქმითაც დაშავდების, და არაფერია გასაკვირი აქა-იქ „მბორგალის“ მისამართით პრეტენზიები გაგვიჩნდეს, განსაკუთრებით რომანის შუაწელიდან მასალათა მოუზომავი ჩამომწკრივებისათვის, რომელიც ამავდროულად ეურჩება შინაგან მოთხოვნილებებს, ნებითია, ყურითმოთრეული.

„თუთაშხიას“ ესოდენ პოპულარობას დიხაც ეს უიშვიათესი წონასწორობა განსაზღვრავს, მთავარისა და მეორეხარისხოვანის ოქროს კვეთას პრინციპებით განლაგება — 618:382, თუმცა გიგა ლორთქიფანიძისეულ კინოსცენარში უფრო გამარტივებულა ნაწარმოების ზოგადკაცობრივი აღმართები, ბიბლიის ენით მოხმობილი ოთხივე კარის გასააზრებლად.

აქ თხზულების დანაწევრება, აღნიშნულისამებრ, საკრალურობითა მირონცხებული, ოთხთავის ასოციაციის შესაქმელად მოშველიებულია არქაული ინტონაცია, თუმცა მბორგალთანაც ცხრაკარიანობით წარმართული კანონზომიერებაა, როგორც სრულყოფილებასთან მიხლოების პარადიგმა. ეს ყოველივე იმპულსური, ინტუიციური მონაგარია და არავითარ შემთხვევაში — „თუთაშხიასებური“ მიზანდასახულობა.

ხოლო თავად „მბორგალის“ შინაგანი მონოლოგი, „ცნობიერების ნაკადის“ სულშეძრულობისგან განსხვავებით, ინდინფერენტულია, სიკვდილის ალბათობას ოთხგზის ნაზიარები კაცის გულგრილობიდანაა, როცა ტკივილი სიხშირეთა გამო კარგავს სიმწვავეს.

ამიტომაც მბორგალის სულის ინტერიერში ფიქრის მდინარებას ჭაბუკური განცდა კი არა მარაზმული რაციო განსაზღვრავს; ცეცხლის გრაგნილები კი არ ამოდრავებს, ნაღვერდალი და ღველფი, არამედ ძლივსმბუჟტუთა ნაცარი, თავისი ცხოვრების უნიათო კენწეო-შედგეი, და რადგანაც მბორგალს „გარეთ მყოფთათვის არაფერი შეუძლია“, საკუთარივე სიტყვები აეკვიატება „□ - □□□□!“ — მე არავინო, ლამის ჰომერულ თემას გადაწვდეს, ოდეს პოლიფემის გამოქვამულში მომწყდელი ულისე ციკლოპს „არავინ“ სახელით გამოეცნაურება.

აქ თავს იჩენს ლამის არასრულფასოვნების კომპლექსში გადაზრდილი ზედმეტი ადამიანის ფსიქოლოგია.

მბორგალის ფიქრის მდინარების ნათელსაყოფად მერვე კარის ამონარიდის მოშველიებაც იკმარებს. აქ ერთგვარად გაანალიზებულია მბორგალი — ადამიანის საზრისი; იგივე მიდგომებია, როგორც ვაჟას ლექსში: „რამ შემქმნა ადამიანად, რად აღარ მოველ წვიმად“.

სადაც არის ნაწარმოები გასრულდება და გორას გონება წუხს, რომ ამდენი ხანია მოდის და საქართველოდან ჩრდილოეთში გადმობარგების მიზეზებზე სიტყვა არ წამოსცდენია.

„არაფერი გავიხსენოთ“? ეკითხება ალტერ ეგოს, რომელიც 2000 კილომეტრიან პურგაში ერთგულ თანამოსაუბრედ შეხიდება. „მაშინ რეაბილიტაციისა და გათავისუფლების დღიდან დავიწყოთ“. ერთხელ კანონიერად წამოსულა ბანაკიდან კაცი — არავინ და საუბარი მაინც ვერაფრით გაჩაღებულა სასურველი შინაარსით. ამას მოგვიანებით იგრძნობს მთხრობელი: „არა, გამოუსწორებელი ყბედი ხარ, საქართველოს მიტოვების მიზეზებიდან დაიწყე და — ღმერთო ჩემო — საით წახვედი? საქმეს ჰეგელის, „სულის ფილოსოფიაზე“ მსჯელობამაც ვერ უშველა (აღბათ, „გონის ფილოსოფია“, რომელშიც „თუთაშხიაში“ რეალიზებული შეხედულებაა წარმოდგენილი, გ.ო.) „ისტორიული პიროვნებები აღჭურვილნი არიან მსოფლიო-ისტორიული სულითა და მისიით. როცა მათი მისია ამოიწურება, ისინი კვდებიან“ მაკედონელივით, ნაპოლეონსავით, თუნდაც მუშნი ზარანდიას მსგავსად.

ყოველივეს გათვალისწინებით, მბორგალიც მისია ამოწურული პიროვნებაა.

მისთვის მთავარი ღიანდაგზე დაჯდომაა. მართალია, ადრე ხსენებული მივიწყებული რომანისგმირივით „ამაში მივიღე ის ოცდახუთი და გამისამოცდათხუთმეტდაო“, ირწმუნება გორა, მაგრამ ჩვენ ვალდებულნი ვართ უმთავრესზე ვილაპარაკოთ, და ეს უძირითადესი მემატინანეს დოკუმენტურობაა, რომლისკენაც არსებითად გადახრილა ქართული ბელეტრისტიკა — ბატონების: ოთარ ჩხეიძის, ოთარ ჭილაძის, ზაურ კალანდიას, აკა მორჩილაძის თუ სხვათა თხზულებებში. განსაკუთრებულად ფასეული ამ ქრონოლოგიაში სამი ამწვერვალეა მიმოჩნია: არსენა მარაბდელის ფენომენი, ჩანძოლანი და კორიდა; და რადგანაც რიგითობის პრინციპის დაცვა ვერაფერს შეცვლის ტრადიციული პროზის კომპოზიციურობის საზიანოდ, დავიწყოთ ოძელაშვილით.

არსენას მუხტი ნაწარმოების ექსპოზიციადანვე შემოდის, მაგრამ ეს თემა ყურით მოთრეული სულაც არ გახლავთ, არამედ, თავად მარბენალი კაცის ახლანდელი ვითარებით განსაზღვრულა. საქმე ის არის, რომ კოლექტორით გამოქცეული, უკვე მეხუთედ გაჩენილი გორა, უკან ჩამოიტოვებს ძალადობის პირველ სცენას:

რევოლუცია კომეტას ჰგავს, უზარმაზარი კუდი იცის, დაახლოებით ისეთივე, როგორი სასხლავი დანითაც გაირღვევა გორას ლეიბი. აფათურებენ შიგნით ბანჯგვლიან ხელს სამხილი მასალის საპოვნელად და გამოღვიძებული ბიჭუნა ამ უსიამო ფათურ-ბორიალში — „დედიკო, მუცელი გამიჭრესო“, დაიყვირებს. იმდენად ზარამცემი აღმოჩნდება მოზარდის ტრამვირება კომეტის კუდით, თერთმეტ წლამდე სიზმარშიაც ჩაედევნება და ლოგინსაც ასველებს ხოლმე;

არა, ამ მონაკვეთში როდის აღსდგება ოძელაშვილის საგა. არც ფილიპოვთან გაბასების ჟამს, როცა განთავისუფლებული პატიმრისაგან სანტა კლაუსივით ერგება გაქცევისათვის აუცილებელი ყოველი წვრილმანი. აღარც სტალინიზმის მანკიერებათა დაფიქსირებისას თუ გამქცევთა კლასიფიკაციისას. ჯერ სამზადისია, ჯერ მიტილენიჩისა და გორას დისტანციური შეხლა-შემოხლაა. ერთი მიუყვება თავის ბედისწერას, მიმართულებას არკვევს, დროს აზუსტებს; მეორე — სიბარიტი როდია, გოგლიმოვლით გაზრდილი, „პარტიასა და სამშობლოს იქ უნდა ემსახუროს, სადაც მეტი საჭიროებაა“. თანაც მიტილენიჩი ხომ ქართული სისხლითაა აშენებულ-განთესილი და ამდენად — არასრულფასოვნების კომპლექსებით დაზურგული.

მიტილენიჩი მონდომებით დაარჭობს პირველ დროშას მეთოთხმეტე ზონის სავარაუდო ადგილსამყოფელზე. გორას ზურგს უკანაა ოცდაოთხი საათი და ოცდათექვსმეტი კილომეტრი. მის ცნობიერებაში გაიფლავებს კვიცზე რწყილივით მომხტარი იაგორა პაპას, იგივე ნეტარის, დანალაპარაკები: წყლით უკვე იყო. ახლა ცეცხლით წაირღვენება.

ზურგს უკანაა სექტანტი დაზუსტებული ორიენტირი, მეოთხმოცე მერიდიანისა და სამოცდამეათე პარალელის გადაკვეთაზე მდგარი გოლიციანების ქოხი. თვით ჯიმშედის ჰარამხანის გონსასეირო ამბებიც ჩავლილია. ჰოდა, მხოლოდ გაქცევის ოცდამეცხრე დღეს გადაეყრება კიდევ მარტოკაც კოლია-სანთელს, რომელიც ეფემია წინამღვარის სიტყვებში აკუმილებული სიბნელის შემანგრეველი ძალაა. ირემის საჭიროებას უსაბუთებს პოლიტიკური მარბენალი კოლია-სანთელს, და როდესაც მბორგალი საყიდლად ჯიბეზე გაიკრავს ხელს:

„ვერ მოგყიდი... — ეტყვის მარტოკაცი, რომელიც თვეში ერთხელ გამოდის დაბაში და ყვირის: — პოლიტიკანებო, წაეთრიეთ, გაუმარჯოს ჩრდილოეთის ხალხთა თავისუფლებასო. ამის გამგონე ხალხს თურმე ტანში აზრიალებს — თუ გინდა, მოიპარე, აქა მყავს, მაგრამ დაბაში ვიტყვი, ირემი დამეკარგა-მეთქი. თუ გაიგეს, რომ მოგყიდე, სანთელი ვიდა იქნება?“

აი, როგორი რეალობა ესაფუძვლება ოძელაშვილის ამოტივტივ-

ბას, სანთლის, დიახ, გზის მანათობლის თუ წყდიადის შემანგრეველი ძალის სიმბოლიკა — რეალობას და ფიქრის მდინარებას შორის სრული ჰარმონიაა როგორც არსად.

„კმარა!.. — ემუსაიფება მბორგალი საკუთარ თავს, — ირმის ხორციც მაქვს, ირემიც მყავს, თხილამურებზე ვდგავარ... კაი რაღაცაზე ვფიქრობდი, ის გავიხსენეთ... ზემელის სასაფლაო იყო... კი, ეგ იყო. იქ გავიწილებიდან ჩემზე ყველაზე დიდი შთაბეჭდილება იქნება ოძელაშვილზე ნაამბობმა მოახდინა“.

აი, როგორ გადაჭაჭვულა ერთმანეთს კოლია-სანთელისა და სახალხო გმირის ფენომენი, თუმცა გორა მბორგალის კვლევის საგანს სულაც არ წარმოადგენს თავად არსენა ყაჩაღის, თუ საერთოდ ყაჩაღობის პრობლემა. მისთვის მთავარი გმირის გარშემო შექმნილი სიტუაციების დაკონკრეტებაა, უკეთ — მწერლის ფანტაზიისთვის ერთგვარი წყლის გადასხმა, მისი გამომგონებლობის კომპრომეტირება.

მიხაკა — მიუნჰაუზენის პროფილიც შემოცურდება საკუთარ თავთან მობაასე გორას მეობაში, სიმინდზე ასწრავებული, გამონთებულ მგელს წყრთა ტაროთი რომ დაუჩუჩქავს თავს.

მოშველიებულია აგრეთვე ვინმე მხედარი გიგოლას გოროზი პორტრეტი, რომელიც ჩამოუქვეითებლად ხუთლიტრიან თასს ამოწრუპავს სურა ღვინოს დაცლის შემდეგ. შინაურობაში შელაპარაკებიან გოლიათი კაცის გამასპინძლების გამო. ის ხომ გიორგი კუჭატნელია — ფოლკლორის მიხედვით არსენას მკვლეელი და აქ გაიხსნება ბრჭყალები, ჩვენს ცნობიერებაში, მესტიურულით თუ — თავად ჯავახიშვილის მონუმენტური რომანით გამრუდებულად შემოსულისა.

თურმე კუჭატნელი სულაც არ არის არსენას მკვლეელი და საერთოდ ოძელაშვილი არავის გამოუსალმებია საწუთროსგან; ისევ წამოტივტივდება თუთაშხიას და ზარანდიას ურთიერთგამნსაზღვრელი ტანდემურობა. აქ, ამ შემთხვევაში, კუჭატნელის სამსახური ის გახლავთ, რომ მარბიელებსა და მძარცველებს ებრძვის, არსენას დევნა კი არსადროს ჰკისრებია. ერთმანეთში თურმე ალალი ძმაკაცობა ჰქონიათ, ბევრჯერ უხილავთ სუფრაზე ხელიხელგადახვეული.

ხოლო, რასაც იალქანიძის დუქანში დატრიალებულივით მუხათგვერდის დუქანის დახლში მილილა იხილავს, სულაც არ არის რეალობის ნასუფრალი. კბილებამდე შეიარაღებული, ვინმე გაღეშილი ახმახით აწიოკებულ დუქანში გიორგი კუჭატნელი შემოვა მხლებელი ბელაქნელი ლეკი ჰამზათი და არა გამზათით. ის ახმახი ღვინოს მისთავაზებს სეფისკვერიძეს, მაგრამ მორწმუნე კუჭატნელი წითელ პარასკევს

ღვინოს არ გაეკარება და როდესაც „მოეთრე, დამილიეთ თორემ მე ვიციო“, აღრიალდება მავანი, თანაც „არსენა ვარ, ყურებს დაგაჭრი-თო“, „ჭკუით იყავი ბიძიკო, თვარა, მოვიცილი შენთვისო“, შეეხმინება თუთაშხიასებურად სეფისკვერიძე და ოდეს ჩხუბისთავი სასიკვდილოდ მოუღერებს დამბაჩას, ჰამზათის ტყვიით უსულოდ დაენარცხება ია-ტაჯზე ცხვირპირწაშლილი (გაიხსენეთ „ძეგლი ყველასთვის“).

და სწორედ აქედან ჩაისახება არსენა ოძელაშვილის აღსასრულის საგა. დაკვლიანებულია დახლიდრები, რომ ოძელაშვილის მოკვდი-ნებაზე მომხდარისამებრ ილაპარაკონ. დუქნიდან ოციოდე ნაბიჯზე დააგდებენ „ეროვნულ გმირს“. ცოტა ხანში ჰამზა მარამბდელის მარჯვენასაც მოარბენინებს მთიელთა ადამ-წესის თანახმად. კვლავ კორექტივებია შეტანილი მესტვირულში. ახლა მკლავის მომჭრელად კუჭატენელი გამოიჩხირება. შემდგომად, თავად გედევანიშვილს ზა-რებს დაარისხებინებენ ფსევდო-არსენას დასაკრძალავად. აი, რო-გორი ასოთხმოცი გრადუსით შემოატრიალებს საზოგადოებაში სილ-რმისეულად ჩაჩნეული სინამდვილის შტრიხებს გორა მბორგალი — ამირეჯიბი ჭაბუა.

გამართლებაც მოძებნილია მსგავსი მუტაციისათვის: თითქოს ოძე-ლაშვილის მოკვდინება ყველას ხელს აძლევს: ხალხს იმიტომ, რომ მფარველობისათვის გამუდმებული წიოკობისგან ამოისუნთქოს; თა-ვად-აზნაურობას რუსთა ხელმწიფის საოტებლად, გლეხობის ასამოძ-რავებლად ოძელაშვილის ავტორიტეტი სჭირდება; აქვე, მკვდრეთით აღმსდგარი არსენა, საზოგადოებაში მეტ ენთუზიაზმს და შემართე-ბას გამოიწვევს.

თითქოს დალაგებულია ყველა მყესი აღნაგობის კვალობაზე, მაგრამ გვავიწყდება უფრო მთავარი მიზანდასახულობა: ჩვენ გმირი უნდა ვძერწოთ არა ისეთი, როგორიც არის, არამედ—როგორიც უნდა იყოს, როგორის აშენებისაც გვკარნახობს მისი გეგმილი. აქედან გა-მომდინარე ოძელაშვილის ფენომენს, თუნდაც შეკოწიწებულს, ნიადა-გი გამოცლია. ეს ტენდენცია მწერალი ჭაბუა ამირეჯიბის უმთავრეს ცთომილებად მიმაჩნია. ეროვნული გმირების სულიერ სამყაროში ხე-ლის ფათური, მათი კორექტირებანი ილუზიათა გასაქარწყლებლად, თუ სხვა რამ საჭოჭმანო, დიახაც უიდეობის, უპერსპექტივობის სინდ-რომით დასნებოვანება მგონია. გორა მბორგალის ფენომენი ხომ მისი-ვე სიტყვებით: კაცი არავინაა, კაცი არარაისი. აქედან გამომდინარე ყველა ფასეულობას თუკი გაუბრალოვება ელის, ბარაქალა ჩვენ! რო-გორი მოსათმენია, სიტყვისათვის, ვთქვათ და აკა მორჩილაძეს ზარანდია

და გრაფი სეგედი მინირომანში „გადაფრენა მადათოვზე და უკან“, მხატვარი ხაფოს კლიენტებად დაესახა?!

უმომავლო მბორგალის ნიჰილისტური განწყობილება წარხოცავს ქართული სულიერებისგან გმირის მოთხოვნილებას, ვინაიდან ყველაფერი ამოება ამოებათაა. „გლეჯვით“ თუ ზვრელებიდან მეხუთედ გამოღწეული მბორგალისათვის ეროვნული ფასეულობანი გადაწურულია, გამქრალია მიზნის უზენაესობა, მიმართულების ბიძგი და ენერგია, იმპულსურია: გაქცევა გაქცევისათვის, და ამდენად — ყალბიც, ვინაიდან უბრალოდ რელსაზე დასაჯდომად, საკუთარი თავის წინაშე შესაძლებლობათა დასადასტურებლად გამოვლილი ათასობით კილომეტრი, ფარსია, კომეტას კუდივით მაცდური, და ამდენად, პატარა ერის სამომავლო სივრცის დადგენისას არათუ ქომაგი და მეოხი, ერთობ ამბორაგებელიც, დეზორიენტაციად რომ ითარგმნება დედაქართულში.

დათა თუთაშხიაც დაახლოებით მსგავსი ინერტულობით დაასრულებს სიცოცხლეს, ბოროტების შემწყნარებლობით, სიავის მიმართ კეთილის მიგებით, ავხორცობის წინააღმდეგ ალტურიზმით დახვედრის გზებით, და ქრისტიანული მორალით ზედმიწევნით გამართლებულია გმირის საღმრთო მისიით მოვლენა, მაგრამ რა ვუყოთ ადამიანთათვის წმინდა გიორგის განუხრელ მოწამობას? აი, სად ეჯახება ერის მიზანდასახულობას ბატონი ჭაბუა ამირეჯიბის ინერტულობა, არათუ თავად წარმოაჩენს მაგალითს სამომავლო არსებობისათვის, აწ არსებულსაც გამოაცლის პედესტალებს და მისაბაძი ადმიანის ვაკუუმში ხელიდან გვეცლება სამომავლო რწმენა, სამერმისო იმედი.

მსგავსი დამოკიდებულებაა სხვა პასაჟებიდანაც, თუნდაც ილია ჭავჭავაძის მიმართებაში, მაგრამ ჩვენ შეპირებული გორაკისკენ დავიძროთ—ჩანძოლანისკენ, რომელიც უცილობლად კავშირშია სიყრმისდროინდელ „ნეტართან“, წარსულში წყლით შემუსვრავს რომ ადასტურებს და მომავალში ცეცხლით იავარქმნას გვპრიდება.

სანამ ამ მონაკვეთზე ვიტყოდეთ რამეს, „მოთამაშე“ მიტილენიჩი ზედმიწევნით აკონტროლებს გორას მართონულ მსვლელობას დროშაკების (ალმების) მწკრივით. მბორგალი უკვე ვასიგანის სათავეებთანაა; აშნას სამფლობელო „ოტრადამდე“ სამასიოდე კილომეტრი დარჩენია.

უამრავი გონსასეირო ამბავია ჩამოტოვებული. წარუშლელია როზენბერგის გვამის ნაჯახით დაჩეხვა ექვს ნაჭრად და ისე მიბარება ყინულის ხაროში.

მბორგალის შინაგანი მონოლოგი არსებითად რომ განსხვავდება მიტილენიჩის ფიქრისაგან, ამის თაობაზე თქმულა. გორა საკუთარ თუ ქვეყნის საუკუნოვან ბოგინობას უჩინარი შემადგენლობებით აიდევნებს პურგაში გაჭრისას. მიტილენიჩის გონება კი საყველპურო იმპულსებითაა დაძაგრული, ცოლების გაქცევითა და მბორგალის ადგილსამყოფლის დაზუსტებით. მათი მეტყველებაც განსხვავებული შრიფტით გადმოიცემა. მიტილენიჩის ფიქრი მწერლისეულ ფონეტიკას ემთხვევა, როცა გორას სულის მოძრაობა შავი პეტიტით გამოიკვეთება, მაგრამ უმჯობესია მივედევნოთ მთავარს, ჩანძოლანის ფენომენს.

გორა მბორგალი ჩანძოლანის ლექციებს იმ დროს შეუერთდება, როდესაც ეს ღირსებით აღსავსე, გარეგნობითაც სანდომიანი ტიბეტელი, მშვიდი ტემბრითა და ძუნწი ჟესტიკულაციით ასეთნაირად ქადაგებს:

„ხელმოცარულთა ბოლო თავშესაფარი პოლიტიკანობაა... გამარჯვების მთავარი პირობა უნიჭობაა. ნიჭი თუ გაქვს, საქმეს ვერ მოერევი, მიზანს ვერ მიაღწევ... აუცილებლად საჭიროა იმის რწმენაც, რომ დამარცხებათა მიზეზი შენში კი არა, გარემოცვაშია... დამარცხებებმა განდიდების მანია უნდა შეგძინოთ. კიდევ ერთი რამ არის საჭირო – სიმხდალე... სიმხდალე განდიდების მანიის თანამავალია და მომდინარეობს რწმენიდან, რომ მე თუ დავიღუპები, ჩემს გასაკეთებელს სხვა ვერავინ გააკეთებს... თქვენი მანიპულაციებისათვის დასახული ნიადაგი, მზად უნდა იყოს მარცვლის მიღების, გაღვივებისა და ყლორტის ამოტანისათვის. მიაქციეთ ყურადღება, ახალგაზრდობის პოლიტიზებულმა ნაწილმა წვერ-ულვაში მოუშვა. ეს ნიშნავს, რომ რევოლუციური სიტუაცია მწიფდება... სისტემის ავტორი აღესრულა, უკვე ჯოჯოხეთშია. მისმა კლევრეტებმა ხელისუფლება ვერ გაიყვეს, ჟანდარმთა მამათავარი მოაშთეს... მოგეხსენებათ, დიდ ბელადს პარანოიისა და განდიდების მანიის გარდა, ტერორის აკვიატებული შიშიც აწვალებდა. გულაგის დაარსების ერთ-ერთი მიზეზი ესეც გახლდათ... გულაგი სახელმწიფოსთვის ზარალის მეტი რომ არაფერია, კარგად მოგეხსენებათ... ეს სისტემა კომუნისმის მტრების აღსაზრდელი უნივერსიტეტია... ამათი განეიტრალება საჭირო... წარმოიდგინეთ უფართოესი ამნისტი-

ები, კმაყოფილი ადამიანები, თავისუფალი მუშახელი, ჩაშვე-
ბული ბანაკები, ფულადი რესურსების ეკონომია, თავისუფა-
ლი მსოფლიოს რეაქცია!.. ათეულ მილიონობით ადამიანის გუ-
ლის მოგება შეიძლება!... გულაგი რედუქციონია და უნდა გარ-
დაიქმნას, ან დაინგრეს და ხელახლა აშენდეს... გაუმარჯოს
დემოკრატიის ჰიპერტროფიას, ანუ ქაოსს... სიბრძნე აჯანყე-
ბას ვნებს, სიბრძნე აჯანყებამდე და მისი დამარცხებისა თუ
გამარჯვების მერეა საჭირო“...

აი, როგორი იდეებით კვებავს მბორგალსა და ლექციის მოსურვი-
ლეთ ჩანძოლანი, ხოლო როგორც კი მეხუთე-მეექვსე ბანაკის საცეცხ-
ლე ზონასთან ტყვიამფქვრელებისგან რამდენიმე პატიმარი მოიცელება,
საყოველთაო გაფიცვაც აგორდება.

დააკვირდით, ეს პასაჟი რამდენადმე ენათესავება თუთაშხიას ციხის
სცენებს, ოღონდ განსხვავდება მოტივაცია. საღვთო რაინდის რომანში
ბუნტი მამათმავლების საკნებში ურჩების შეგზავნის საშიშროებიდა-
ნაა ამოწვევრილი. შემუშავდება დოკუმენტი, რომლის სამგვერდიანი
პრეამბულა მოთხოვნათა თორმეტივე პუნქტით მოიცავს ორთაჭალის
ციხის რეალობებს.

„ციხის კანცელარიაში, საავადმყოფოში თუ საწყობში მომუშავე
პატიმრებიდან დაწყებული — მრეცხავებით, დამლაგებლებითა და ასე-
ნიზატორებით გათავებული პრივილიგიურებულ ფენას ეკუთვნოდა,
რომელიც ციხის ადმინისტრაციის სულიერი თუ ფიზიკური ნასუფ-
რალით იკვებებოდა, მის ბრძანებებს, წესებს თუ უკანონო ღონისძიე-
ბებს მზადყოფნით ასრულებდა“.

გორა მბორგალიც მეკუჭნავეა, ამ კატეგორიის ტუსადი, და ოდეს
მის პერსონას არ კვებავს რაიმე ამაღლებული მიზანი, მხოლოდ რელს-
ზე დასაჯდომად გადაუსერავს ათასობით კილომეტრი, იქმნება გადაუ-
ლახავი წინააღმდეგობა: როგორ შეიძლება ნასედკას ხალათში შეძკრე,
თუკი არ გამოძრავებს ზედადამიანური მისიის აღსრულება? თუმცა მო-
ვეშვით და კვლავ გულაგისა და ციხის ამბოხებათა იდენტურობის სა-
კითხს დაუბრუნდეთ.

„თუთაშხიას“ მეტეხის ციხეში მეამბოხეთა მიზანს შეადგენს: „ჩვიდ-
მეტი ოქტომბრის მანიფესტით აღთქმული დაპირებების დაუყოვნებლივ
აღსრულება... და კიდევ თერთმეტი კერძო პუნქტი, (ერთით ნაკლები
„მბორგალის“ კომიტეტის სხდომის დოკუმენტისგან, გ.ო.) რაც ციხეებ-

ში რეჟიმის გაადამიანურებას, ინვალიდების, ავადმყოფების, მცირესასაგე-ლიანი პატიმრებისა და ქალების დაუყოვნებლივ განთავისუფლებას და სხვა ამგვარ პირობებს შეიცავდა“.

ახლა „გორას“ სიტუაციას შევხედოთ:

„სამგვერდიან პრეამბულას მოსდევდა მოთხოვნათა თორმეტი პუნ-ქტი: 1. სანომრო სისტემის გაუქმება. იგულისხმებოდა ნომრები, ჩვენი გვარ-სახელის მაგივრობას რომ ასრულებდა და გვეყვარა მკერდზე, მარცხენა მკლავზე, მარჯვენა ბარძაყზე და ქულზე. 2. ბარაკების გაღება, ანუ იმ წესის გაუქმება, რომლის თანახმად, საღამოს შევიდიდან დილის ექვს საათამდე ჩაკეტილში ვისხედით. 3. გისოსების მოხსნა საცხოვრებე-ლი სადგომებიდან. 4. მიწერ-მოწერის თავისუფლება. ოფიციალურად წელიწადში ორი წერილის მიწერის უფლება გვქონდა. პრაქტიკულად არც ეს ხდებოდა. 5. პატიმართა მასის ცნობა მხარედ. ამით გვინდოდა მიგვეღწია ისეთი ვითარებისათვის, როცა ყველა საჭირობორტო სა-კითხი ადმინისტრაციასთან მოლაპარაკებით, ურთიერთშეთანხმებით გადაწყდებოდა. 6. რეასათიანი სამუშაო დღე. ათსათიანზე ნაკლები დღიდან გულაგის დაარსებისა, არც ერთ ბანაკში არ ყოფილა. 7. ყვე-ლა უცხოელის გაყვანა პატიმრობის ვადის თავიანთ სამშობლოში მო-სახდელად, თუ მათი კანონი ამას საჭიროდ ჩათვლის. 8. მცირეწლოვანი პატიმრების გაყვანა კალკე ბანაკში, სანამ მათი მომავალი გადაწყდე-ბოდეს. 9. ინვალიდების გაყვანა და დაუყოვნებლივ გათავისუფლება. 10. წვრილშვილი ქალების დაუყოვნებლივ გათავისუფლება, რისთვისაც ან უნდა ჰქონოდათ მისჯილი პატიმრობა, გარდა წინასწარგანზრახული მკვლელობისა და ამასთან გათანაბრებული დანაშაულის. 11. ოსო-ს ლიკვილიცია — ასე ერქვა ორგანოს, რომელსაც მინიჭებული ჰქონდა უფლება, უშიშრობის სამინისტროს წარდგინების საფუძველზე, დაუს-წრებლად გამოეტანა განაჩენი სამი წლიდან დახვრეტის ჩათვლით. 12. უკლებლივ ყველა პოლიტიკური საქმის ხელახლა გამოძიება. იგულისხ-მებოდა არა მარტო იმჟამინდელი პატიმრების საქმეები, არამედ უში-შროების ორგანოების მიერ ოდესმე გამოძიებული ყველა საქმე“.

ეს პუნქტები რამდენადმე მოიცავს მეტეხის ციხის პოლიტმოთხოვ-ნებს, იმის გათვალისწინებით, რომ ციხე-კოლონიები, გულაგისაგან განსხვავებული რეჟიმის სატუსაღოა და მოუხედავად ყოველივესი, ორივეგან გათვალისწინებულია საკუთარი რეალობა, ეპოქა, დრო, ვი-თარება, და იმისდა მიხედვით გაშლილა მოთხოვნათა შინაარსიც.

მოგვიანებით სტუკაჩის აგორებულ ამბოხებაზე ჩანძოლანი იტყვის: „სვიატოპოლკი პირველი გამოძიების დროს არის გადაბირებული და საიდუმლო ნიღბით განთავისუფლებული“.

საკუთარი მოთხოვნების საფუძველზე უცხოობისა და ავადმყოფო-

ბის საბაბით დაშორდებიან გორა და ჩანძოლანი, მაგრამ „მბორგალით“ მოშველებული მასალა „თუთაშხიას“ ციხის პასაჟების გამაგრებას ესაფუძვლება. ყოველივე გვაფიქრებს, რომ მწერალი „თუთაშხიას“ ლექსიკით აშენებს „მბორგალს“ რაღაც ეჭვების გასათანტავად და ეს ზედმიწევნითი მტკიცებანი უფრო ამძაფრებს სიტუაციას სტილური განსხვავებულობის გამო.

„თუთაშხია“ მიუხედავად თვალშისაცემი ვერბალურ-სტილური ცდომილებებისა, ასწილად რაფინირებულია „მბორგალზე“.

პირველის კუთრი წონა აბანოზის, ძელქვას შესადაარებელი თუა, მეორე თხმელას სიყიფეს ვერ გაცდება, თანაც მანში მოჭრილისას.

„თუთაშხიას“ დამსახურება ისიც არის, რომ ყველაფერს ახლა როდი ამბობს ჰორაციუსის სწავლებისამებრ, ზოგი რამ შემდგომისათვის გადანახულა.

მაგალითისათვის, ერსა და რასაზე განსჯა, გადაებმება ნოეს ბოთლზე მსჯელობას. ეს მართებული პოზიციაა ანუ წონასწორობის დაცვის იშვიათი უნარი. აქვე ბელეტრისტული აქსიომაა, გვერდში ნახსენები სამახსოვრო სიტყვა, არათუ მის მეზობლობაში, საერთოდ მოიხსენიო ნაწარომების სივრცეში, თუკი რაიმე სტილური აუცილებლობა არ გვაიძულებს.

„მრავალგზისი“ მწერლის საყვარელი სიტყვაა ორივე რომანში და თანაც ხშირადხმარებული. იგივე ითქმის „გონსასეიროზე“. მსგავსი სტილისტიკა მოსათმენია ჩვენი აღიარებული დაუდევრობის გათვალისწინებით, მაგრამ მაშინ რა საჭიროა სინონიმების არსენალი? შემოვიფარგლები წინათქმით, სადაც მწერალი უკვე თავს ვერ იმართლებს პერსონაჟების კოლორიტისათვის სტილურ თავისებურებებით. ამ ორგვერდიან პროლოგში ათზე მეტი წინადადებაა „იყო“ ზმნით გადმოცემული. თითქოს ეს ფორმა ერთადერთი გახლდეს ქართულ მორფოლოგიაში.

„ჩემს ხელთ არსებული ნაწარმოების მხოლოდ ერთი მეხუთედი თუ ერთი მეექვსედი იყო“.

როდესაც გვერდები „იყოებითა“ აჭრელებული და სტილის მოთხოვნითაც არ შეიგრძნობა ტექსტის გაკეთილშობილების აუცილებლობა, თავს ზემოთ ძალა არ რჩება, მაგრამ ერთსაც დავსძენთ: დასახელებული წინადადება ხომ შეიძლებოდა სხვაგვარადაც მოგვეწოდებინა?

„ხელთ ნაწარმოების მხოლოდ ერთი მეხუთედი თუ ერთი მეექვსედი მქონდა“;

„მარტოხელა კაცი იყო“ — მარტოხელა კაცი გახლდათ. „ეს მაღალი კაცი მაღალი, ძალიან გამხდარი, ფერმკრთალი და სახედანოჭებული მოხუცი იყო“. მწერლობაში არსებობს ხერხი დაშტამპული „იყოების“ თავიდან ასაცილებლად, როცა კავშირით გადაებმება მომდევნო წინადადებას... „ფერმკრთალსა და სახედანაოჭებულ მოხუცს, მიუხედავად წლის დროისა და ამინდისა, შავი კასტორის პალტო ეცვა“.

ქართული ზმნები აურწყავი ოკეანეა, და თითო-ორი პრეზენსით, დამეთანხმებით, ვერსაით გავიფონებთ.

იგივე ვითარებაა „მბორგალში“ ანიდან ჰომედვე:

„ძალყინებით სავსე იყო ოთახი“, საჭიროების გამო წინადადების მორჯულება შეიძლებოდა, თუნდაც ამგვარად: ოთახი ძალყინებს აევსო...

„ტომარა ღვედებით იყო დაბმული“, ეს წინადადებაც შებოჭილობის შთაბეჭდილებას სტოვებს „ტომარა ღვედებით დაებათ“.

„ყინული მდინარისა იყო“, „წლეულს გაზაფხული ადრეული იყო“, „დურალუმინის მილებისა იყო“, „იმავე გაქცევის დღეებში იყო“ და ა.შ.

მოსაწესრიგებელია „თუთაშხიაშიც“ და განსაკუთრებით „მბორგალში“ სინტაქსური პოზიცია.

„კაბინეტი შიგნიდან ჰქონდა ჩაკეტილი“; „სიგელიც ორიოდ ჰქონდა მიღებული“, ამ კატეგორიის ცდომილებათა მორჯულებაც შესაძლებელია ხელის ერთი მოსმით: კაბინეტი შიგნიდან ჩაკეტა; სიგელიც ორიოდ მიეღო.

„მბორგალის“ „ნ გვერდზე ხომ ნამყო დროის კორიანტელია მთლად და დამატებით იმდენ რედაქტორულ ჩარევას მოითხოვს, ვფიქრობ, რამდენიმე რევაზ თვარაძე აუვიდეს თორმეტ კვირას.

ეს ყოველივე გადაჭრით გვაფიქრებინებს: „თუთაშხიათი“ მიღწეული სტილური რაფინირებულობა, დახვეწილობა და ფრაზის მოქნილობა, გაუფასურებულია „გორა მბორგალით“, ამაზე იტყვიან: კამეჩმა თავისი ნახნავი თვითონ დატყებნაო.

ესეც ამძაფრებს განცდას, რომ „თუთაშხიას“ ჟანრის თვალსაზრისით მართებულად დარქმევია რომანი, ხოლო „მბორგალი“ ტიპიური მემუარებია.

მე ვუსურვებდი კიდევ მეორე სიცოცხლეს ღვაწლმოსილ მწერალს, ლებანიძისებურად თუ ვიტყვით: „ლენცოფა აგიცელია, მორჩი კეთილი გიცვნია, რა წიგნი დაგიწერია, რა სიკვდილები გიგრძნია!“—თქო, და იქვე ჩემი დღეებიც მოგმატებოდეთ—მეთქი, ანუ სვანეთში რომ იტყვიან: მიშ გუ ლადედ სი, მახვშო, ოლონდ ეს ნაწარმოები ბოლომდე გასრულდეს, სტილური თუ სხვა რამ ზადისაგან.

წინ კიდევ დაგვრჩა „მბორგალის“ დასკვნითი ნაწილის ანალიზი, რომელიც ბატონი ჭაბუა ამირეჯიბის მსოფლმხედველობას ახალი რაკურსით წარმოაჩენს და კვლავაც ბატონი რევაზ თვარაძის შესავალი წერილის შესატყვისად გამართლებას მოუძებნის ფინალის „სუერტე მუერტეს“ — მოკვდინების მსვლელობის ფილოსოფიას. (644 გვერდზე მთელი აბზაცი ორგზის მეორდება, არა სტილური მოთხოვნით, არამედ დაუდევრობით, როგორც რუსები იტყვიან; „ხალატნოსტ“ — „ბოლოტქმა“, „ტომი!..“), მაგრამ დიახაც ეს ეპილოგი უკიდურესობამდე გახსნის „თუთაშხისა“ და „მბორგალის“ შემწყნარებლობას ცხოვრებასთან, სტიქიასთან, გნებავთ კორიდასთან, რომელიც საწუთროს სრული მოდელია, სიმბოლო.

ღონ ხოსე არტიგას სიტყვებით კი:

„ჩვენ ესპანელები ვართ, მოგეხსენებათ, კორიდა ჩვენი ყოველდღიური ცხოვრების ნაწილია. რა არ დაწერილა, მაგრამ ჩვენ, ამ სუფრასთან მსხდომთ, თქვენეული განმარტების მაგვარი არსად შემხვედრიაო“, გაენდობა მწერალს, ხოლო მოგვიანებით ვინმე უნივერსიტეტის ისტორიის მასწავლებელი, ორმოცს მიტანებული ქალი მამაკაცის სახელით — ტომი და „კგბ“ ამოტიფრული უმველებელი წიგნით, ამგვარ გაცხადებას მოისმენს მწერალი-მბორგალისაგან:

„ესპანეთში რეკონკისტა — დამპყრობლის მიერ მიტაცებული სამფლობელოების ბრძოლებით დაბრუნება — მერვე საუკუნეში დაიწყო. კორიდამ აქ თავისი პირველყოფილი სახით ბალკანეთიდან მეთერთმეტე საუკუნეში შემოაღწია, ხოლო ბალკანეთში უხსოვარ დროს — კოლხეთიდან. შესაძლოა ესპანეთში ეს სანახაობა სულაც ბასკებმა შემოიტანეს. გამუდმებით მეომარ ხალხს მტერთან ბრძოლისა და გამარჯვების ამსახველი რაიმე თამაშის შექმნა რომ მოსწყურებოდა განა საკვირველია? ერების უმრავლესობას აქვს ამ ფუნქციის მატარებელი გასართობები, სანახაობები თუ მისტერიები. ცნობილია კორიდას თავდაპირველად სხვა ხასიათი ჰქონდა. დროთა ვითარებაში ესპანელებმა იგი თავის მოთხოვნილებებს მოარგეს და საუკუნეების მანძილზე ბრძოლისა და გამარჯვების, დამპყრობლის განადგურების პროპაგანდისათვის იყენებდნენ“.

„სოლ“ — მზის გული შემოსასვლელში ნაჭირავებ ბალიშებზე მოკალათდებიან.

„მაშ ეს კაცობრიობაა“, კითხულობს ტომი. ამის შემდგომ ზედმიწევნითაა აღწერილი კორიდას მსვლელობა, იგივე მოკვდინების პროცესი — სუერტე დე მუერტე: ორკესტი, აღლუმის წინამძღოლი სამი მატადორი, შემდეგ წმინდა გიორგის მიმგავსებული პიკადორი,

რომელსაც სამი ბანდერიოლერო მოსდევს. აქვე არის სამი კაპედორი — ხარის გამლიზიანებლები, მერმე პუნტილიერო, ქუადრილა დე არსტრე — მოკლული ხარის ასპარეზიდან ცხენებით გამთრევი, და რაც მთავარია, აფასიონადოები — თავგადადებული გულშემატკივრები, იგივე კაცობრიობა სრული.

„ — კაცობრიობის ისტორიაც ასეა, გორ? — ეკითხება თაკარა მზით გაბეზრებული ტომი მბორგალს, — შენ მართალი ხარ: შემოჭრა, მოგერიება, გაქცევა, გამოდევნება, დამარცხება, გამარჯვება, კიდევ რა? ეს ომია. ომი — რალაცის ბოლო და ახლის დასაწყისი. ომი, ანუ უხეში ძალის ზეიმი და ისევე სიკვდილის დასაწყისი...“

— ღმერთო ჩემო, რა საშინელებაა!.. სუერტე დე მუერტე — მოკვდინების მსვლელობა... — აღმოხდება ამერიკელ ისტორიკოსს. — ხალხში გამუდმებით არის დაუკონკრეტებელი პროტესტის ქვეცნობიერი გრძნობა და ამის ზედმეტი სისხლივით დრო და დრო გამოშვება სჭირდება...“

— ამაოება ამაოებათა! — დაასკვნის მბორგალი და რატომღაც ამაღლებული, მაჟორული ფერებით იხატება დევნილი ტოროს აღსრულების სცენა, ლამის ნატურალიზმით აისახება მატადორის ოსტატობანი ნესტოებდაბერილი, ნაწამები, სისხლდანთხეული ხარისა.

არაფრით განსხვავდება ეს ამაზრზენობა გლადიატორების ორთაბრძოლებისაგან. ჯიპადგარი — მებრძოლი შავი ხარი განადერის მათიანეში შევა, მაგრამ თუთაშხიების კუნაპეტი პირუტყვი, ცისფერთავლება და კვერცხის ფორმის თეთრი კიოფით მარჯვენა ფერდზე, გაფანტულა, განბნეულა ახალციხის მხარეს, მალაკანების თუ სხვათა სასუფეველად.

ვერ გამოიზრდება მათი ჯილაგისაგან ჯიპადგირთა ღირსეული ჩამომავალი, არ დასჭირდება მატადორს მათი ყანწიანი თავების დესფილირება, რადგანაც ერთხელ დაფერფლილს ვედარაფრით აანთებ;

ამიტომაც სრულიად ზედმეტი მგონია ნაწარმოების გმირი-შემოქმედის რიტორიკული შეკითხვა:

„ვინა ხარ შენ, გორა მბორგალო, ხარი თუ ესპადა?“

სრულიად უადგილოა მბორგალის მიერ ეს გამოცანები, ვინაიდან რანაირად შეიძლება შთამომავლობის გადასარჩენად მემბონეობდენ და ამავდროულად გულნამცევობით ამზობდენ საკუთარ თავს?

„მბორგალით“ „თუთაშხიასთან“ შებურუსებულ უამრავ კითხვას გაეცემა პასუხი. ავტორი თავგადაკლული ამტკიცებს, ფრჩხილებს ხსნის, გამოგვიანსკარავენს პირველი რომანის გაბუნდოვანებულ პასაჟებს. აქვე

კორიდად, ციხედ, თორიას კასრად, სუერტე დე მუერტედ წარმოსახავს მთელს ცივილიზაციას ნებისმიერი მშვენიერი ფასეულობითა თუ მონაგარით, აურაცხელი სამსჯვალით რომ ებრძვის ყოველგვარ ამადლებულს, უბიწოდშობილი ქრისტესგან მოყოლებული ბნელშიდამწყდევული ხარით დამთავრებულს.

და ხარი, ვინაიდან პირველადი ცივილიზაციის სიმბოლოა; და რადგანაც იდენტურია ძროხისა და ქალის ფეხმძიმობის ვადა, (ადამიანებს ხარის რქიანებად გამოსახავენ შუმერში), ჩანს, ესპანური კორიდაც დასაბამისეულ მესისხლეობას გადმოსცემს, რომლის წინააღმდეგ იმთავითვე აღსდგება ბიბლია ათი მცნების მეექვსე პოსტულატი: არა კაც ჰკლა! და მაინც — სანახაობად, გასართობად ქცეული, არა გრძნობათა მეუფე, არამედ — ჯირკვლებით მგალობელი კაცობრიობის ველურობის რულიმენტი.

მწერალს კი ევალეზობდა და ამადლდა კიდევ ყოველივე ანტიჰუმანურზე; დროშასავით ააფრიალა მაცხოვრის სამარადისო სიტყვებს: გიჟარდეს მტერი შენო, რომელი შეგნება გაამარჯვებინებს მხეცსა და ურჩხულზე მიწიერ თუთაშხას საკუთარი ხორცის გაღებით თანამოაზრეთა მხარდამხარ, და რომელი კოლექტიური მემსხვევრპლეობამ გასაოცრად გარდაუსახავს დინგს სახედ დრაკონს, ბრჭყალს — ფრჩხილად, უძღები მადას — თანალმობად.

ეს ყველაფერი მოხვეჭილია „თუთაშხიას“ მეშვეობით, ხოლო „მბორგალი“ მისი ერთგვარი კომენტირებაა, სქოლიო, მეტის სიცხადისათვის, იგივე მასა-ენერგია, კოსმოსში ხომალდის გაღწევა საჭიროებს დანადგარებისა და საწვავის სახით; მაგრამ გვეჩვენება — ყველაფერზე გაზომილად გვისაუბრია.

* * *

წელიწადზე მეტია წინდებული წერილი გამისრულებია, თუმცა მის გამოქვეყნებას საშველი ვერაფრით დაადგება ვრცეულობის გამო თუ სულაც უფლის განგებით.

ჯერ არის და გაზეთ „არგოს“ კორესპონდენტი ქალიშვილი ბატონ ჭაბუა ამირეჯიბის შემოქმედებაზე სიტყვის დაძვრას მომანდობს. ცხადია, სიხარულით დავთანხმდები და ყოველშემთხვევისთვის დასახელებული მასალის ქსეროასლსაც წამოვიძლოლიებ.

დავსხდებით ზემელზე ყოფილ საბაგროებთან, მაგრამ როცა შევატყობ გაზეთიკს, რომ სასიქადულო მწერლის ბელეტრისტულ მემკვიდრეობასთან საკმაოდ მწყრალადაა, დიქტოფონს გამოვართვევინებ:

— ჯობია ამით იხელმძღვანელოთ -მეთქი, დავაკვლიანებ და გავც-
ლები.

ბუნებრივია, ვერ ვიხილავ იმ მასალას „აღორძინების“ პერიოდიკაში.
„ცისკარსაც“ ებევრება მისი მოცულობა, თუმცა თითქოს სარედაქ-
ციო კოლეგიის წევრი მეთქმის.

„სუფევის“ გამოცემაც დამიგვიანდება და შემრჩება ასე თვიდან თვემ-
დე.

მაჩაბლის 13-ში „განახლებული ივერიის“ რედაქციაში ავაკითხავ გრი-
გალებთან ნარკინალ ბერმუხას. ხელის ზურგზე (ნები ხელის სიბრტყეა
საბას მიხედვით) ვეამბორები ჩვეულებისამებრ და იქ გავნდობი, რომ
დაახლოებით ოთხი სასტამბო ფორმის გამოკვლევა მიმიძღვნია მისი შე-
მოქმედებისათვის.

— მართლაც ამხელააო, — გაიოცებს ბატონი ჭაბუა.

ეგ არის და ეგ.

შემდგომ აკნიდანვე დაბეღებული უამრავი წანწალი მომინელებს
ოჯახთან ერთად:

თავდასხმა.

ტრავმა — ფიზიკური, სულიერი.

ვიზები. სანკტ-პეტერბურგი. მოსკოვი.

კლინიკები. ხელის გაწვდენანი. უშურველი თანადგომა.

კვლავ თბილისში ვარ.

მიგვიანდება ბელეტრისტული ინტერვიუ ბატონ გიორგი გაჩეილა-
ძესთან.

„ათი ზელირსეული ქართველი“, ამგვარია ჩემი პროგრამა.

სატროტუარო საუბარში ბატონი გოგის სიმპათიები რატომღაც
„ბორიყისკენ“ იხრება პირველადობის პრიზმით.

ჩემთვის გაურკვეველი ესთეტიკური კრიტერიუმებით წარმართუ-
ლა ბატონ ოთარ ჩხეიძის ლიტერატურული მემკვიდრეობის ფორსირე-
ბული წარმოჩენა.

ამაგის დაფასებას რა სჯობია, ადამიანურ მოფერებას, მაგრამ ზო-
მიერებასაც ხომ უნდა ჰქონდეს საზღვარი?!

მეოცე საუკუნის ქართული სიტყვაკაზმული მწერლობის კორიფე-
ბის ხუთეულში, საცოდაობაა, დანაშაული თუ არა, ჭაბუა ამირეჯიბი
გამოვტოვოთ, გამოგვრჩეს!

ქართული ესთეტიკური აზროვნების ავტომეტრი როსტომ ჩხეიძის
ნუსხა კი ამგვარია:

1. ვასილ ბარნოვი, „მიმქრალი შარავანდედი“;
2. მიხეილ ჯავახიშვილი, „ჯაყოს ხიზნები“;
3. კონსტანტინე გამსახურდია, „მთვარის მოტაცება“;

4. ლევან გოთუა, „გმირთა ვარამი“;
5. ოთარ ჩხეიძე, „ბორიაყი“.

და წარმოიღვინეთ, ცამდე მართალია ჩვენი ავტომეტრი, ვინაიდან „დათა თუთაშხიას“ ზებგერითობა, წყალწყა ველარაფრით ემაშტაბება ზემორე ხუთეულის აეროდრომებს თუ ნავსადგურებს, სანამდის სათანადო სარბენი ბილიკები და პირსები არ მიეგებება მის ზოგადკაცობრიულ მუხტ-ენერგიას; ვიდრე სადაგი დისტანციიდან არ გაცნობიერდება მისი კოსმოგონიური პარამეტრები, მოუწევს ასე, ზეფირებსა თუ ტალღათა გრაგნილებში, გარიყული ხეტიალი ახლომხედველი და მეორღობე შთამომავლობის პატრონს.

„თუთაშხიასთან“ „მთვარის მოტაცების“ დატოლებადა თუ ესინდისიერება ჩვენს პირუთენელ გემოვნებას, და ისიც — მოკრძალებული თანამეინახეობით: ოდეს ზიარ უღელში შებმული ეს ორი ლაბა ჩვენი სიტყვიერებისა, მეურმეს მიერაა გაწონასწორებული ტოლის დადებით, ანუ დამოკლებულია ღერძი „თუთაშხიას“ მხარეს, რათა საკაცობრიო ტვირთის ზიდვისას „მთვარის მოტაცებას“ რამდენადმე გაუიოლდეს.

სხვები დახარებას ვერმოსწრებული მოზვრებია, სასკორავშივე ჩამქრალი. იგივე სენითაა შეპყრობილი მახლობელი ლიტერატურული მონაგარი: „თუთარჩელა“, „სამოსელი პირველი“, „ხმა მღალადებლისა“ თუ „აველუმი“.

ზემორე შევთანხმებულვართ, რომ სტილისტური ცდომილებანი ნებისმიერი შემოქმედებითი პალიტრა-ტემპერამენტის ავტორის თხზულებაში დაახლოებით თანაბარია, ვერბალური საშენის მასალის უმართებულო გამოყენების თვალსაწიერით.

რაც შეეხება ზოგადკაცობრიულ ფასეულობებს, თუთაშხიამ დაიპყრო ფეხდაუკარებელი ყველა მწვერვალი და მისი გამორჩეული მართოსულობაც სულხან-საბას ცნობილი „სიტყვისკონისეული“ განმარტებიდან მოდის — „მწუხარებაი სხვისა კეთილსა ზედა“.

არ ჩამომერთმევა გადამეტებულ შეფასებად თუკი განვაცხადებ: „დათა თუთაშხია“ ის ნაწარმოებია, რომელიც ტოლძალოვნად იტევადებს ქართული ბელეტრისტიკის სიფხიანეს ფაბულა-სიუჟეტის მოულოდნელი აფექტების თვალსაზრისით და „ვეფხისტყაოსნისა“ და ვაჟას „სტუმარმასპინძლის“, „ალუდა ქეთელაურის“, „გველისმჭამელის“ ერთსხეულად გააზრების შემდგომ, მესამე ნაწარმოებად გვევლინება სამამულო მწერლობაში. იმდენად ეროვნულია იგი, იმდენად მოხარშულია ქართლოსიანთა სულიერების ცოდვა-მადლის ქვაბში, რომ სამისდღემშიოდ იმკვიდ-

რებს თავს მკითხველის ცნობიერებაში ჩინგიზ ათმათოვის „მანქურთის“ ეპიზოდის წარუშლელივით რომანიდან „ი დოლშე ვეკა დილილას დენ“.

ათიანში არტყამს მესიტყვეთა მამფალი ჰომეროსი „ილიადა-ოლისეათი“.

დანტეც ათიანში ახვედრებს „ღვთაებრივი კომედით“;

ათიანები გაუმსჭვალავს მიგელ დე საავადრას „ღონ კიხოტით“;

ბლღირს ადენს ათიანებს გოეთე „ფაუსტიტ“.

ჭაბუა ამირეჯიბიც მათი ჯილაგის ჩუბინია თავისი საღმრთო რაინდით, იგივე მამაკაცური საწყისის ეტალონი გმირით, რომელსაც მეგრულ ლექსში ამნაირად ეძღვრება: „თუთა—მუმა ჩქიმი“ — „მთვარე—მამა ჩემი“.

ქუდბედი იბლიანობის საიდუმლო კი ურთულესი უბრალოებაა და არა — სიმარტივე — იგი რომელიმე კონკრეტული თაობის საღმრთო-ლად როლი შექმნილა, არამედ — მთელი ოქტავით, დოდან დომდე იპყრობს ყრმობიდან დაწყებულ მიმხცოვნობით დამთავრებულ ჩვენს ასაკობრივ გრადაციებს.

საამისოდ შერჩეულია ბასრზე უბასრესი სიუჟეტური წახნაგები, რომელიც უღმობლად გადაფარავს ჩვენს ლიტერატურულ გემოვნებებს, ერთხელ და სამუდამოდ დააჩნდება ჩვენს დანაგვიანებულ თუ დაუშწერელ სულთა დაფებს.

ეს ბედისწერაცაა ერთდროულად და უფლისეული ჯილდოც, იმ ქვიშის მარცვალის დარად, რომელიც ოკეანეთა აბორგებისას, მილიონიდან ერთადერთი მოემწყვდევს ხოლმე გახსნილ ნიჟარაში იშვიათი პერანგანობის წყალობით და მერმე ბნელეთის შემანგრეველ მარგალიტად გადაიქცევა მიუკერძოებელი დროის უდასასრულო ტრიალში.

კახმული სიტყვის ამბროზია

ნონა ბერაიხეს ოპერაცია სამხედრო ჰოსპიტალში ჩინებულად ჩაივლის. თოფრიაშვილის ჯგუფი ორიოდ საათში დამში მოიყვანს საქმეს. ვახტანგის დაის წიაღს მოაშორებენ კომეტასავით შემოჭრილ უცხო სხეულს და გაფაციცებით ჩაუუსაფრდებით ონკოლოგიურ დასკვნებს.

ნონა პირწავარდნილი მამიდაა, მეორე ნატა კანსტანტინოვა, მასავით ყირმიზი, თავთუხისფერი თმით, ჰაეროვანი. თრთოლვით დამუხტული და ექსცენტრიულობით გამორჩეული თანაც.

გასხვისებული ძმის გამოჩენაზე ნიკაპი აუკანკალდება.

უთქვამს, უმისობა მსპობდაო. თხილნარში გავრბოდი ტირილით გუ-

ლის მოსაჯავრებლად, ან საკუჭნაოში ჩავიკეტებოდი და იქ გამოვიგლოვებდი წართმეულსო.

ნონა ლექსებსაც წერს ხოლმე. ამას წინათ „ცისკარი“ გვერდებს დაუთმობს, მაგრამ მეიმედება, ხვალ-ზეგ სულ სხვა მდულარებით აელვარდება მისი პოეზია.

გამოჩნდება ვახტანგი და ფერი გვიხუნდება ყველას. უნებლიე ცრემლი ლოყას გაუხზავს.

წელიწადზე მეტია ოპერაციას ეჩიჩინებიან, მაგრამ სანამ ვახტანგი არ აუხირდება, თავს იკატუნებს, ფეხს ითრევს.

სამეგრელოში დღემდე ცოცხლობს ამგვარი ფრაზა: **ჯიმაშ გურ-შენ და სოდგა ჩილაშურს გიოჭკაუათანსუნ, თექ დოლო შქვით წანას ვეფალუნსია – ძმის გამო და სადაც ცრემლს დააპკურებს, იქ ბალახი (მდელო) შვიდ წელიწადს ვერ ამოვათ –** საამისო არაფერი გვჭირს ღვთის შეწევნით, უბრალოდ ფრთიან გამონათქვამად ვიმოწმებთ.

დაისვამს წინ ბერაიხე დაი მიშველია ძმას და თვალთვალით დნება.

ჰოსპიტალში მომსვლელების არმიია. ახლობლები ახერხებენ შენობაში შემოღწევას და პალატაში ფეხის მონაცვლეობა ჭირს. ათი ამდენი გულშემატკივარი დაბლა ბაბანებს, კორპუსის ალაყათის კარებთან.

პალატაში ყვავილების მდინარეა ლებანიძისებურად. მაღალ ღეროიანი ვარდების ტრფიალია ნონა და სამლიტრიანი ქილები კედლის გასწვრივ ჩამწკრივებულან, მაგიდაზე, ფანჯრის რაფაზე...

ვახტანგი ნებისმიერ წვრილმანს იჭვნეულობს. ბოლო დღეს კინაღამ ოპერაციას ჩაშლის, აქაოდა, ჯერ დიაგნოზი დაგვეზუსტებინაო, მაგრამ როცა აუხსნიან: დათესვა ოპერაციამდე შეუძლებელიაო, თვალდახუჭული თავის ქიციინით დაყბულდება.

დასრულდება ოპერაცია და კვლავ ქირურგს ჩაულრმავდება ძირის-ძირამდე, შემდგომ ანესთეზიოლოგსა და მკურნალ ექიმს მიუჩრჩდება. ყველასათვის მიგებულია სათანადო პატივი. ახლა გულისყური ლისის ტბის ონკოლოგიურისკენაა.

ამასობაში ნონაც დაახელს დიდრონ, შრატისფერ თვალებს.

ვახტანგიო, დაიკვნესეს მობნედილი და უნებლიეთ პანტომიმის თეატრის იშვიათი სპექტაკლის მოყურადე შევიქნები. აქ სიტყვას წონადობა დაუკარგავს, ძირითადი ფუნქცია მიმიკას, ექსტიკულაციას უტივრთავს და დაძარღვულ ტორებში — მაგნოლიის ყვავილებივით გაფითრებული თითების ორგეებს.

ფურტის თამაშით შევიქცევთ რიგ-რიგობით ბერაიხეს.

მოაკაც სერაპიონ კვარაცხელიას ავტობუსი მეტროპოლიტენის სადგურ „ვარკეთილის“ მისადგომებთან უთვისტომოდ მიუტოვებია, თუმცა ვინ არის გამშვები?! ჩემი პროფესიის კაცს არ მიძნელებდა აქ მელანქოლიის სადაურობის დადგენა — ნონათი ხარობს ვახტანგი და მიშველიათი მზეობს ბერაიხე. დისწული ცირაც ამისთვის წაუმოსკოვებია ჩემს ძმობილს თვეების წინათ ორდინატურაში დასახელოვნებლად. ვახტანგში ნონა აერთიანებს ჭეშმარიტი დედისა და გამზრდელის ხატებს; ნონაშია აკუმულირებული გამჩენელ-დამპურებელი ხორცი, ძვლითა და სულით.

ფუძის ანგელოზის აურათი დამუხტვის ბოლო აკორდებია.

ოცდათერთმეტი მარტის დილასისხამიდან ქალაქში დავბორივალვით.

შექმნილია სამი ბაგაჟის სამყოფი წიგნები — აკა მორჩილადის თხზულებები, ყურბან საიდის „ალი და ნინო“, ჰომეროსის „ილიადა“ და „ოდისეა“, ვაჟას რჩეული, „ვეფხისტყაოსანი“ და გალაკტიონი, სერვანტესის ბაჩანა ბრეგაძისეული თარგმანი, ირაკლი აბაშიძის რედაქტორობით გამოცემული ქართული ენციკლოპედიის სრული კომპლექტი... სხვანი და სხვანი, მაგრამ ბატონ ჭაბუა ამირეჯიბის უშვიდტომეულად ამ სავსებას რალაც მნიშვნელოვანი აკლია და ჩვენც საღვთო რაინდის ავტორისაკენ დაველირებით.

მეცხრე სართულზე მობინადრე მხცოვან მწერალს ახლახან მიულულავს თვალი, მაგრამ ქალბატონ თამარის უნისონით შემოპატიჟება, მსწრაფლ წამოაფუცხუნებს.

ხმელ კოპიტად ხმობილი შემოქმედი ძველებურად თავის სტიქიაში — პასიანსითაც ერთობა და გვისმენს ამავდროულად. ყელთან ძახველივით უელავს ღია ჭრილობა. მეორე ოპერაცია შედეგიანი გამომდგარა და ამიერიდან უპრობლემოდ ეწაფება სითხეს, ლუკმასაც ინებებს მეუღლის კოვზიანი ხელით მიგებებულს.

ზეციური ნათელი დასციავებს თავზე ბატონ ჭაბუას.

გაიცვლება წინადადებები.

თავდაპირველად ბერმუხა მწერალი წაიძუნწებს ცოტას, მხოლოდ „გორა მბორგალის“ ბოლო გამოცემით დაგვასაჩუქრებს დაუპატიჟებელ სტუმრებს, მაგრამ თანდათან ურთიერთობის ძაფები ილამბება და თანადროულს, ღიახაც, ამ შტრიხების ზედმიწევნით დაფიქსირებას მივიჩნევ.

— დღევანდელი რუსეთის დედაქალაქი კარდინალურად განსხვავდე-

ბა ათი წლის წინანდლისაგან, — განგვანათლებს ვახტანგი კარენი მოსკოველის დარად, — ახლანდელი რუსი აბსოლუტურად შეცვლილი პიროვნებაა. იაფფასიანი კავკასიური წარმოდგენები მასზე ჩაესვენა ერთხელ და სამუდამოდ — თითქოს საქმეები სამვარსკვლავიანი კონიაკით იხარხებოდეს. ქალაქში წარმოუდგენელი მშენებლობები გაჩაღებულა. იმდენი სარეკლამო აქსესუარია, ერთმა გერმანელმა ბიზნესმენმა შეიცხადა: **მართო ამაზე გახარჯული ელექტროენერგია გაანათებდა მთელს ბერლინს**. მართლაც და განუზომელია რუსი კაცის ლტოლვა უპრობლემო ცხოვრებისაკენ. იქ ხუთკაციანი ზომიერი ვახშამი მინიმუმ 500 დოლარი ფასობს. სიტყვამ მოიტანა და ზემოთხელებულ კომერსანტს სადილი გაეუშალე მეგობრების წრეში. შესვა ორიოდ სარჩა და გაიკრიფვა ენად, მოჰყვა ჰიტლერის განდიდებას.

რუსები გაბუხსულან. „მანი კამპფი“ იმათ არ წაუკითხავთ, მაგრამ ორმოციანი წლების სუსხი ჯერაც ზარავთ. მეტის მოთმენა არ შეიძლება და ეგრევე ვაჯახებ:

კი, მაგრამ სტალინი-მეთქი. შესაძლოა მაგარი ვინმე იყო შენი შიკლ გრიუბერი, ფიურერის ნამდვილი გვარი ნეხვის ხოჭოდ ითარგმნება ჩვენებურად.

ბატონი ჭაბუა გადაფიჩინდება, ჰომერული სიცილი უხმოა, ტუჩების მოძრაობითა აღიქმება. წამით შეეშვება პასიანს. თვინიერი მეულლე წყალს აყლუპებს მილაკიანი ფინჯანიდან.

— „ფუნაგორია“, — წერს ბატონი ჭაბუა მომცრო დაფაზე ფლომასტრით, რომელზეც ჩაწნული ასოები ხარვეზის ჩამოწევისთანავე წაიშლება და ხელებს ისევ ბანქოს საკრალურობით დაასაქმებს.

— ჰოდა, მივახლი ამას დაურიდებლად. თანაც ნიშნისმოგებით დავსძენ: სხვანაირად რომ ყოფილიყო, გენერალი სიმუსი შენს ადოლფს ბუნკერში როგორ შეკვებავდა-მეთქი. ნაციონალ-დემოკრატიების ლიდერს ტვენს უმღვრევდნენ გურჯიეები და რობაქიძენი, როცა არიული რასის უპირატესობებს დაულაგებდნენ წინ და „კლიუნულ“ შენმა გიტლერმა: გაუგონარ ანტისემიტიზმში ჩაეფლო. ჰოდა, ბუნებრივია, იწვნია კიდევ თავისი-მეთქი.

წარმოგიდგენიათ იმ საუბრის შემდეგ დამიძმობილდა ჩვენი ბიზნესმენი ჰანსი. მე ებრაელების აპოლოგეტი სულაც არა ვარ, მაგრამ ვინც კი ამ ხალხის წინააღმდეგ გალაშქრულა, მხრებზე თავი არავის შერჩა: კისერი მოიტეხა ეგვიპტემ მოსე წინასწარმეტყველის დროს.

კისერი მოიტეხა რომმა და საბჭოეთმა. ჰოდა, ამათთან შედარებით რა ბედენაა?! დღეს პოლიტიკას, რომელსაც თავისი მოღვაწეობის ენდ-შპილში, ებრაული ფაქტორი არ გაუთვალისწინებია, სრული ფიასკო ელის მოღვაწეობის მიტელ-შპილში, რადგანაც იშვიათია ერი, რომელსაც ესოდენი შინაგანი მდგრადობის ატომებული გააჩნდეს. უმთავრესი ფაქტორი კი აქ ერთიანი ღმერთის მორჩილებაა ეს, ალემბიცემობის ენითუთქმელი სილაღე, თუ ოპტიმალური მიმართულებების პოვნის უნარი ბიზნესის არენაზე.

პარტნიორობისას ნებისმიერი ეროვნების წარმომადგენელთან ებრაელი მოგების პრიმატსაა ჩასაფრებული, მაგრამ საკუთარ ჯიშ-ჯილაგთან 30 პროცენტისანი შეღავათი ფრთებს შეასხამს ხოლმე. ათწლეულების შემდეგ გაიშიფრება „ადიდისისა“ და „პუმას“ მესვეურების ღვიძლი ძმობის ამბავი. თავიდან კონკურენტები რომ ეგონათ, სინამდვილეში ერთ ოაზისში აგროვებდნენ თურმე დოვლათს, რომლის არტერიული დინება ისრაელის აღორძინებას ხმარდებოდა არსებითად.

კომერციის სპეციფიკიდან გამომდინარე მე ბევრი მოგზაურობა მიწევს, ბატონო ჭაბუა, განსაკუთრებით ევროპულ ქვეყნებში: იტალია, ესპანეთი, გერმანია, დანია, შვეცია...

მწერალი ისევ შეიშმუშნება. დაიჭერს ამ მომენტს ვახტანგი და მეტი გულდინჯობით გააგრძელებს:

— ევროპის ქვეყნებში, ბატონო, ჭაბუა, ჩემი ძმობილი ოტობაიის დასავლეთ პროვინციას რომ ეძახის, ნებისმიერი სახელმწიფოს სმოკინგი დღეს ებრაელი თერძის მიერაა შეკერილი. ამის ამოსაცნობად დიდი მოდელიორის უნარები სულაც არ არის საჭირო, არც „ბურღას“ ყურნალებში ბუღრაობა და აღარც გერმან ბაზელის სტუდიაში რონინი. ებრაული სული იმიტომაცაა დიადი, რომ ნებისმიერ ქვეყანაში ამ ერს დიასპორის სახით სასიცოცხლო ინფორმაციის მომნიჭებელი ანტენები ჩაუმონტაჟებია მსოფლიო პროცესების სრულყოფილი სურათის მისაღებად. ჰოდა, ამისთანა ვითარებაში, შიკლ გრიუბერის „მესერშიდტები“ და დახაუ რისი მაქნისია, როცა ქვეყნიერებას მართავს ებრაული ფარული ხელისუფლება, უჩინარი ხელი, ვიზუალურად. ახლა დგება საკითხი ასე: ჩავყვით თუ ჩავათრევიანოთ თავი ამ ძალას? მე, მაგალითად, ჩაყოლას ვამჯობინებდი, ვინაიდან ხომ გვისწავლია ბიბლიიდან, ნასვამ და ტიტლიკანა ნოეს როგორ მოახურავენ ქსოვილის ნაჭერს, სემი და მისი უფროსი ძმა იაფეტი, ანუ ჩვენი თავდაპირველი წინაპარი. ჩვენ ეს ორი

ხალხი ქამიანელებისაგან განსხვავებით, ერთი მიმართულებით მივდილი-
ლი ოდითგანვე და ორიენტაციის შეცვლა რაღა დროსია?!

ჩემი გოგო ვიკა, სიძე და სამი შვილიშვილი დანიაში იმყოფებიან დიპ-
ლომატიური მისიით. იქიდან ხელისგულივით მოჩანს მთელი მსოფლიო,
ვეება რუსეთიც და პაუწკინტელა საქართველოც. გადაავლებ პლანე-
ტას თვალს ამ გადასახედიდან და მიხვდები, რომ კომუნიზმის საფუძე-
ლები თურმე ებრაელებისათვის შეუქმნიათ მარქსსა და ენგელსს.

მოვჭირვართ სარკისებურ ტრასაზე. საჭეს სიძე უზის, პაპუაშვილია
გვარად, კახური წარმოშობისაა, მაგრამ კოლხური მოკრძალებაც შე-
უთვისებია სოხუმში ცხოვრების დროს. გადაავდებს ვილაც „მერსედეს-
სის“ ფანჯრიდან სიგარეტის ნამწვავს და ჩემი ასულიც დაბარებულვით
მობილურს მოიმარჯვებს. საჭირო ნომერს კრეფს გამალებით. სხაპას-
ხუბით ელაპარაკება დანიურად. პოლიგლოტი ასული მარგუნა ბედმა.
მგონია ათზე მეტი ენა იცის. შვილიშვილებიც ამ ყაიდის გამომსვლია,
თავიდან გაუჭირდათ თითქოს დანიური სწავლა, მაგრამ უკვე ადგილობ-
რივ ბავშვებს რეპეტიტორობენ.

რას შვრები-მეთქი, ვეკითხები.

პოლიციაში დავრეკე და იმ „მერსედესის“ სერია გადავეციო.

თქვენისთანა ბიოგრაფიის კაცისთვის ამნაირი საქციელი მიუღებე-
ლია. ამისთანებს ციხეებსა და ზონებში ნასედეკებს ეძახიან, ჩამშვებებს,
მაგრამ დანიური სინამდვილიდან გამომდინარე, აუგ ნამოქმედარს არა-
ვინ გაპატიებს. ძმაც რომ იყო, გაგამხელენ. არავინ მოგიტევენს სახელ-
მწიფო გადასახადის გადამალვას. ყველაფერი გამჭვირვალეა და წამი-
თაც არ იგრძნობა ჩვენებური ოცდაათიანი წლების დასმენების სუსხი.
იქ ცილისწამებებს ფეხს არავინ აუბამს, ვინაიდან ტყუილის მთქმელს
სხვანაირად მოეკითხება. აი, სიმართლისათვის თავგამოდება, სამართ-
ლიანობისათვის უკომპრომისობა ნებისმიერი დანიელის მოქალაქეობ-
რივი მოვალეობაა. მე აქ საგანგაშოს ვერაფერს ვხედავ. განა ნაკლებ
უგვანობას მოვიმოქმედებთ ჩვენ, საყვარელ მამულში, როცა ზურგს
უკან ვჭორავთ და ვანადგურებთ მოყვასს?! განა უფლის თვალში ნაკ-
ლები სიბილწით წარვსდგებით დასახელებულ უზნეობის მალულად
ჩამდენნი?! დანიაში ეს ბუნებრივი მოთხოვნილებაა და კონფრონტა-
ციასაც ნაკლებად იწვევს.

ორიოდე საათში გადმოურეკავენ პოლიციიდან ჩემს ვიკას. გაირკვე-
ვა, რომ „მერსედესის“ მძღოლი ვილაც საბჭოელი ყოფილა, უფრო კონ-
კრეტულად კი საქართველოს მოქალაქე.

დანიურ სოფლებში ფერმერული მეურნეობაა ძირითადად.

რძეს ვყიდულობდი ერთი ცოლ-ქმრისაგან. ორმოცდაათამდე შავ-ჭრელ ძროხას წველიდნენ. რძით სავსე ბიღონებს პირდაპირ ქუჩაში დგამდნენ. ჩამოვიღის მანქანა და მიიქვს. არავინ მოიფიქრებს რძისთვის წყლის დამატებას, პირიქით, ცხიმიანობის პროცენტულობა პატრონისგანვე განისაზღვრება. ეს ჩვენ ვიცით, ოცმოცური ხრიკები, რომელიც აქაურ ქვეყნებში თავს გვჭრის უკვე სავალალოდ. იმათი ფერმა მერძეული მიმართულებისა გახლდათ. როცა ჯოგში ფური დაიბადება, მიუჩენენ სასურველ ადგილს, მაგრამ ხარი თუ გამოერია, პრობლემაც იმატებს, რადგანაც ფერმერებს თავად უწევს ჯარიმის გადახდა სახელმწიფოსათვის. და ერთხელ გულწრფელად რომ მოვიხიბლები ხბოს კუნტრუშით, დამითმიაო, მეტყვის ოჯახის უფროსი, ოც დოლარად მოგცემო. ნამდვილად მოგებულში რჩებოდა ფერმერი, რადგანაც სახელმწიფოსთვის 50 დოლარი უნდა გადაეხადა თურმე. განვუცხადე ეს ყველაფერი ვიკას და პრინც ჰამლეტს, ალბათ, ნაკლები ვაიუშველებელი დატყდომია თავს, ვინემ — მე.

შენ სამწვადედ გაიმეტებ იმას, და მერე ბავშვებთან მე როგორ ვიცხოვრო. მოკლედ გამოჯორავენ გვარიანად. ბატონო, ჭაბუა, გური ოტობაის სოფლის დასავლეთ პროვინციიდან ამნაირი გამჭვირვალობით მოჩანს მთელი მსოფლიო. დღეს ეროვნულ უპირატესობებს ებღაუჭება ნებისმიერი სახელმწიფო: არიქა, მე ვარ უფრო ძველი ერი, კაცობრიობის დასაბამი ჩვენგან იწყებაო. რელიგიური განსხვავებულობის ანაფორებს მოისხამენ ინფორმაციული ვაკუუმის გარანტად, როცა ევროპა კოსმოსური სივრცისავით ღიაა ყველასათვის.

მიხილავს ვიკასთან მე თუთაშხიას დანიური გამოცემა.

ბატონი ჭაბუა ისევ დაეხსნება პასეანსს. წიგნების კარადისაკენ მიისწრაფვის. ზედიზედ გამოაქვს ჩინებულად გაფორმებული წიგნები. მკლავზე უწყვია ისინი. წინ დაგვილაგებს დანიურ, შვედურ, ფინურ, ფრანგულ, გერმანულ გამოცემებს. მართალია, მთლად „ნეოსტუდიის“ შვიდტომეულს ტოლს ვერ დაუდებენ, მაგრამ ჯერ-ჯერობით არც მის გამომჩენს ვხედავ ვინმეს.

— თქვენს უნახავად მოსკოვში ჩასვლა გულში ხინჯად ჩამრჩებოდა, ბატონო, ჭაბუა. ალბათ, შენიშნავდით, აქ „დათა თუთახშიას“ ყველგან „კანონგარეშე“ აწერია. ევროპელებს უყვართ სათაურში შინაარსის კონცენტრაცია, რადგანაც ისინი სათაურს კომპასის მნიშვნელობას ანიჭებენ. მე პარფიუმერიის ბიზნესში ვტრიალებ და სიტყვაკაზმული მწერ-

ლობის სურნელსაც ჯეროვნად აღვიქვამ. შევხედოთ, როგორი განსხვავებაა სამშობლოსადმი დამოკიდებულება ებრაელ და ქართველ ერებს შორის. ჩვენ მივსტირით წართმეულ ტერიტორიებს. თავს ვიკლავთ წასაგლეჯად ცერზე შემართულისათვის, როცა ებრაელი 26 საუკუნის შემდეგ გამუდმებით იბრძვის ხრიოკი მიწისათვის, ამასთან თეორიულად დედამიწიდან განიხილავს მამულის ცნებას, საზღვრებს. ამას კოსმოპოლიტიზმსაც ვეძახით ჩვენ, პატრიოტები, ირონიით, მაგრამ უფრო სერიოზულად ჩავხედოთ საკითხის არსს, და მივხვდებით, რომ განსხვავებაა არა მხოლოდ მასშტაბებში, მიდგომაშიც. ებრაელებს ისრაელის გარდა არამატერიალური უამრავი სამშობლო გააჩნიათ: ფასეულობებში განსხვავებული, როგორიცაა: მსოფლიო კაპიტალი. 600 მილიარდდღრდან 500-ზე მეტი ებრაელია; მასონური ლოჟების ერთობლიობა, იგივე უჩინარი ხელი; გაერო, ეუთო, შვედეთის აკადემია. თავიდან ცდომილებები იმათაც მოსდიოდათ, როცა მეორეხარისხოვან ლეგერლებს საფოდ წარმოაჩენდნენ, მაგრამ ნობელის პრემიით დადაფნულთა ლაშქარში 90 პროცენტი ებრაელია თუ მეტი არა. ნაწარმოების სიდიადე ხშირ შემთხვევაში ეწირებოდა პოლიტიკურ კონიუქტურას. სოლჟენიცინის „არქიპელაგის გულაგი“ ტოლსტოის „ყირიმულ მოთხრობებს“ კოჭებამდეც ვერ შესწვდება მხატვრულობის თვალსაზრისით, რომ არაფერი ვთქვათ „ომსა და მშვიდობაზე“, თუმცა, უფრო გასათვალისწინებელი რეალობა ის არის, რომ ებრაელებმაც ისწავლეს მოჩვენებითი დათმობები და ლიტერატურულ პრემიებს ხან ფოლკნერს გადაუგდებენ სახრავ ძვლად და ხანაც — მარკესს. უმთავრესი ძალისხმევა მათ საბუნებისმეტყველო დარგებისკენ მიმართეს და ყოველი ასი ნობელიანტიდან დღეს ქიმიის, ფიზიკის, ბიოლოგიის, ასტრონომიის დარგში 99 ებრაელია, ანუ ნობელიანტობის ნიშნით ჩამოყალიბებულა ებრაელების ტექნოკრატიული სახელმწიფო. ჭრილში თუ განვიხილავთ ქართულ, გნებავთ სომხურ ეთნოსს, აბსოლუტურად ხელმოცარულებად გამოვიყურებით. ვინაიდან დასწრებულა გონიერების შესახელმწიფოს ფორმირება და უკვე იმ საზღვრების გადალახვა თითქმის შეუძლებელია.

თუთაშხია საღვთო რაინდია, მთვარის ღვთაების მხედარი, რომელიც მართლმადიდებლური მორალით ამარცხებს საკუთარ წიადშივე აღმოცენებულ ბოროტებას, ამ შემთხვევაში უნასივით დაგორგლილ ზარანდიას, მაგრამ გავითვალისწინოთ სხვა რეალობაც, კონკრეტულად კი ის, თუ ვინ შექმნა ორივე, რომელმა სინამდვილემ. ცხადია, უნგრეთის არეა-

ლიდან წამოსულმა მეფის რუსეთის მოხელე გრაფი სეგედმა, რომელიც ვერავინ დამარწმუნებს ებრაელი არ იყო. მორღობაი ხილული ურიაა, თავისი ანგარიშისი ფსიქოლოგიით, ბატონო ჭაბუა, და ამდენად ყველასათვის ხელმისაწვდომი, მაგრამ გრაფი სეგედი მთელი ნაწარმოების ხერხემალია, ვინაც ცხადლივ შექმნა ეს სპექტაკლი, ეს დრამა — თუთაშხია-ზარანდიას სამყაროსიეული კონფლიქტის სახით. ამიტომაც მიმაჩნდა და მიმაჩნია, თქვენი ნაწარმოები გაცდენილია ეროვნული პარტიკულარიზმის ჩარჩოებს. ის განფენილია გალაქტიკური მსოფლგანცდით და უწინარესად ამის გამო იმსახურებს უპირველეს ლიტერატურულ ჭილდოს მსოფლიოში. თუმცა, აქაც არის ერთი გადაულახავი ბარიერი, კერძოდ — კომერციის ენაზე — პროპაგანდაში დაბანდებული კაპიტალი, რომელიც რომანში კოდირებულ ფარულ დინებებს სააშკარაოზე გამოიტანდა და ყოველდღიურ სასაუბრო თემად აქცევდა წიგნიერ მსოფლიოში. ამ გრანდიოზული სამუშაოების შესრულებას არაებრაელი მწერლისათვის დიდძალი სახსრები სჭირდება. ნობელიანტობისთვის განკუთვნილი 200 ათასი დოლარი, აი, აქ, ყულაბაშიც რომ გვედოს ახლა, გასაშვები თანხის მხოლოდ ათი პროცენტი.

სხვანაირად აუხსნელია ჩემთვის ტოლსტოის ორგზის გაწბილება შვედეთის აკადემიისაგან, რომელიც თავიდან ინტონაციებში წამოუყირმიზებლად ესესხებოდა სტენდალის „მადამ ბოვარს“. ჩვენთვის უმთავ-



რესია ყოველთვის გვახსოვდეს ეროვნული ფასეულობების კოსმოპოლიტიკურ ოკეანეში ჩამდინარების ტექნოლოგია. სხვანაირი ბედისწერა მსოფლიოს არ უწერია. ამ პრიზმით ჯერ-ჯერობით მხოლოდ ებრაელი ერი იყურება, ანუ მარტივად რომ ვთქვათ, მან გააფართოვა სამშობლოს პარტიკულარული საზღვრები და იდილიურ ორდობეს კოსმოსური გაქანება მიანიჭა. მე ჩემს ძმობილს, რომლის ტალანტში ეჭვი არ მეპარება, დროულად უნდა გამოვუფეროთხო თავიდან ოტობაიური ეგოცენტრიზმი, დამაბრმავებელი პატროფილია და მის სათქმელს სადინარი ზოგადკაცობრიულისკენ უნდა მივანიჭო. სხვანაირი „ურაჟი“ ნებისმიერ მწერალთან წყლის ამო ნაყვია. ზოგადადამიანურით აირწყვება „ილიადა“, რომელსაც მარქსი ეტალონის, ნიმუში მნიშვნელობას ანიჭებს. ზოგადკაცობრიულით გვხიზლავს ალიგიერი და გოეთე. ლამანჩიდან ზოგადსამყაროსეულით გვაღვრევენებს სიმწრის ცრემლს სერვანტესი. საყოველთაო ფასეულობებით გვატყვევებს „ვეფხისტყაოსანი“, ვაჟა. თქვენთანაც მსგავსი სიტუაციაა, ბატონო ჭაბუა, მაგრამ სავალალოდ მე ვერ ვხედავ კრიტიკული აზროვნების პროდუქციას, ამ მიმართულებით. აი, სად არის ჩვენი აქილევსის ქუსლები. დღეს რეკლამა კარგი გაგებით განუსაზღვრელი მნიშვნელობისაა საბაზრო ურთიერთობის პირობებში. გავიხსენოთ მოლა ნასრედინის მაგალითი, ფაფას არიგებენო, რომ წაქეილიკება ვილაც აბეზარს და როცა იქითკენ მოძრაობები გახშირდება, თვითონაც წამოავლებს ხელს კოვზსა და ჯამს. დღეს მასას შვიდასგვერდიანი რომანის კითხვას ორწუთიანი საეთერო კლიპიურჩენია ინტერესის გასაღვიძებლად, სადაც დაწნეხილდაა გადმოცემული ნაწარმოების უმთავრესი ღირსებები. ჰოდა, გადაწყვიტე ჩემს ძმობილს გამოვაბერტყინო თავიდან ოტობაიური ოფოფები, რადგანაც ჯერ კიდევ შესწევს უნარი შექმნას რაიმე ფასეული, ოღონდაც თქვენი გენიალური უბრალოების დაუფლებით. ამიტომაც ნებას თუ დამრთავთ, ბატონო ჭაბუა, იქნებ გეკურთხებინათ იგი თავზე ხელის დადებით. დღეს 31 მარტია, ორშაბათი, საღვთო რაინდის ასპარეზის ბორჯალი, მთვარის ღვთაების დღე — თუთაშხა.

ქალბატონ თამარს დამუხტული ფოტოაპარატი მოუმარჯვებია, მე ბედოვლათს მუხლი ჩამიხრია დიდი ხელოვანის სავარძელთან, ბანქოსაგან გამონთავისუფლებელ მარჯვენას დამასვენებს ნაგოლგოთარ თხემზე და ცრიატებს ობიექტივის სანთელი. ჭაბუკური სიჩაუქით წარიმართება მერმე ბატონი ჭაბუა და ახლა ჩემთვის ცასავით ნათელია, რომ ხვალ დილით ვახტანგს უშვიდტომეულოდ არ მოუწევს მოსკოვში გაფრენა.

ვგონებ სექტემბრის დამდეგსაა.

მწერალთა სახლის წინ მანქანაში ჩაჯდომისას გამოსამშვიდობებლად გამოწოდებულ მარჯვენაზე ვემთხვევი ბატონ ჭაბუა ამირეჯის.

გაიკვირვებენ ზურგს უკან სამოწყალო სტიპენდიის მომლოდინე კოლეგები, მაგრამ რა უწყიან ვიეთთა ქარავნის მსვლელობის მისტერიისა?! ამას აქეთ ჩემს ლაბორატორიულ ქვაბში ვიხარშები ვარკეთილსა თუ ძმები კაკაბაძეების სამგზის გადანათლულ ქუჩაზე.

კოსტავას 14-ში შევიტყობ ბატონი ჭაბუხას ოთხმოცი წლისთავის შესახებ.

ორ დეკემბერსაა დანიშნული საღამო ფილარმონიის დიდსაკონცერტო დარბაზში.

ერთხელაც ჩავაკორექტირებ წერილს და „საქართველოს რესპუბლიკის“ პასუხისმგებელ მდივანს გადავცემ გამოსაქვეყნებლად, თუმცა ბოლომდე ვერ მივედევნები ბოჰემურ დიდღელვაში მოყოლილი და კვლავაც შემთხვევად მისი დაბეჭდვა.

მამაპაპური შობა ჩავლილია.

ოცდახუთი დეკემბრის ღამით ალილობაზე მეც მივლია მშობლიურ ოტობანიაში სახეგამურულს.

ახლა ამეებისთვის ვის სცალია? თითქოს გადამვიწყნია სიმღერა.

ტელეფონით ვეხმიანები ოთხმოცი წლის იუბილარს.

სრული ოცდაათი წლითაა უფროსი, წარმართებში მიჩუმათებული ქრისტეს ასაკით.

სიხარულით მიმიპატივებენ, ოღონდ წინასწარ დარეკვას მთხოვენ.

თურმე საავადმყოფოშია წასასვლელი ბატონი ჭაბუა.

მეასედ ვკითხულობ მრავლადნაჩორკნ წერილს. თავში რუსთაველის სტრიქონი მიტრიალებს სულ: ზოგჯერ თქმა სჯობს არათქმასა, ზოგჯერ თქმითაც დაშავდები.

ვანალიზებ საჩუქრად გამზადებულ რომანზე წარწერილ ფრაზას:

„ნობელის პრემიის ლაურეატობის ერთადერთ კანდიდატს XX საუკუნის ქართული ბელეტრისტიკიდან“.

წრფელზე წრფელია და უცდომელი თვენახევრის წინანდელი ჩემი დამოკიდებულება მსცოვანი იუბილარი მწერლის შემოქმედებისადმი.

ეს მათამამებს, ეს ამლესავს ამირეჯიბებთან სავიზიტოდ.

ცრის.

აქა-იქ თოვლის ფთილასაც გამოურევს ცარგვალი.

ქვეითად ავუყვები ჭავჭავაძის პროსპექტს.

ზურგსუკანაა ყმაწვილკაცობის უმაგალითო ტაძარი — უნივერსიტეტი.

პირჯვარს გადავიწერ სტუდენტალაქის ტერიტორიაზე ამოზიდულ მონასტერთან.

გავიკითხ-გამოვიკითხავ და დავაზუსტებ თამარაშვილის ქუჩის ანიაგანს.

მსუბუქი ნისლი ფარავს ხევში ჩაბუდებულ მერვე კორპუსს.

მეგვებთან ბიჭები: ქუცუნა—ქურციკი და შალვა.

თავაზიანად მეპატიჟება შინ ქალბატონი თამარ.

ბატონი ჭაბუას ეს-ეს არის მოსკოვური ტელევიზიის ხალხი გაუსტუმრებია და წამით მითვლემილა, მაგრამ მინც ფეხზე დამიხვდება.

სიკეთის განსახიერებაა ჯავახიშვილების ასული.

ჭაბუას ერთ-ერთი ცოლი ჩემი თანაკურსელი გახლდათ, მაგრამ სამოც-იანი წლებიდან მწერლის ოდისევსური ხეტიალის ჟამი განქარდება და მის ჭარმაგულ ენერგიას უსათნოესი თამარის ღვთისმოსავი კდემამოსილება იურვებს. მოგვიანებით, შვიდტომეულის გადათვალეერებისას საოჯახო ალბომის ფოტოებიდან დავადასტურებ ყოველივეს:

სადღაც ზღვისპირა ქალაქის კიბეებზე დგანან ახალშეუღლებულნი. შემოსილობა ხალვათია, ხავერდოვანი ზაფხულისა. კაცს უწინაფრო თეთრი ქუდი ახურავს. ქალიშვილი გაუხსნელი მარათი ხელში მისჩერებია ფოტოაპარატის ობიექტივიდან ლურჯი ფრინველის გამოფრენას. ფეხები ქოშებში წაუდგამს. ორი თითი ჩანს წაჭრილი ჭვინტიდან. ცერს უსწრებს მეორე და ფრანგების დაკვირვება გამიელვებს თავში: უპრობლემო ცხოვრება თუ გსურს, ისეთი ქალი შეირთე, რომლის ფეხის ცერი მომდევნო თითზე მოკლეა. ამისთანა აღნაგობას ბერძნულ ტერფსაც ეძახიან სკულპტორები და გაწონასწორებული ბუნების უტყუარი განსახიერებაა მარბენალი მწერლის დედოფალი-ღუზა.

სუფრაზე ხელად გაჩნდება კერძები, ტკბილეული, ხილი, ღვინო.

ფეხზეწამომდგარი დავლოცავ ოჯახს. ეს პოზა შურობუშმუ სამურზაყანოდან მემზითვება.არ დავაწვეები ჩამწერის ღილაკს.

ამირეჯიბებიდან ეგზალტირებულად გამოსულს ნასაუბრების ნატამალი არ მახსოვს რომან-ტრიადა „სიცოცხემისცილებს“ მეორე წიგნს ათვალეერებს ბატონი ჭაბუა.

— აქ გამოეციო, — უკვირს.

ზომა-წონას უსინჯავს. უთვალეერებს შეკერილობას, ყუის სიგლუვე-სიმრგვლოვანეს.

— ჩინებულიაო, — მიჭებს თხზულების პოლიგრაფიულ დონეს.

შესანახად კი არ გადასცემს გულთამხილავ მეუღლეს, ლოგინისკენ მოისვრის მსუბუქად, მოვიცილი შენთვისაცო, ამისი ქვეტექსტით. ახალი ბანქო უთრთის ხელში. მთლად ამისი ჯადოქარი ვარ, მაგრამ ამირეჯიბებთან კრუპიებით ხომ არ მოვიწონებ თავს?!

დარწმუნებული ვარ, მეტი გულგახსნილობის დრო-ჟამიც მოვა სამწერლობო დიალოგის მხარდამხარ.

კურაშაიტების ძესავით აი, რა მსიზმრებია მე უფლის მეექვსე გამოცხადებისას:

ტალახიან, სლიპინა გზაზე მიმავალს ქოქოლით მომყრიან სახედარ-ღვეული თანამედროვე კოლეგები, ფხოჭნიან ლიამწოვს, ვერ აგუნდავებენ ფაფაღქცეულ მიწას და იმ ამაზრზენობიდან გვარიანად დაწინაურებულს, ოდეს შესამწიკვლად მომახლიან, პირქარი უკანვე მიუბრუნებთ შხეფად დარდუბალა-შმორს. მაგრამ წინ, გვარიანა შორს, გვერდიგვერდ მოხმაურობს თეთრი და შავი არაგვი. იქით შემადლებული ბექობია. ვხედავ საგარქელში მოკალათებულ დიდოსტატ კონსტრანტინეს მიმინოსებურ იერს. უფრო შორს კიდევ სხვებს — მაცხოვრის კვართში გაბუნდოვანებულებს. სოფლის კინოთეატრში რომ დაგვმართნია ხოლმე, ფოკუსი მოშლილა, თიკანაძის ფოტოსავითაა — „ტკბილი ნესვი“ და ძარღვებაწეწილი მაყურებელი: რეზკოსტ! რეზკოსტო, იძახის ფილტვების გაგლეჯვამდე. აი, იმგვარად და იმნაირად.

მხოლოდ ერთადერთია ჩემი ქომაგი და ისიც — ჭაბუა ამირეჯიბი. გადმოუწვდია მარჯვენა თეთრ არაგვზე, გადმომცდარა შავს და სადაც აღბურ ბალახებში მთვლემარე ლოდების ლაშქარია, მოუგებებია საამბორებლად. თითქოს მცდის, თითქოს განმჩხრეკს ახლოით. მაგრამ ეს ქმედება მე ხომ რამდენიმეგზის აღმისრულებია უკვე რეალურ დროში, სრულიად ძალდაუტანებლად და გულწრფელად, ზურგსუკან აჩურჩულებული კოლეგების თანდასწრებით? ჰოდა, რომ დავეწაფები დაშაშრული ბაგეებით საღმრთო რაინდის მეხოტბის ტალიან ხელის ზურგს, გასაოცარი სიმსუბუქე დირიჟაბლსავით მიტაცებს. ველარაფრით ვარკვევ, გამოწოდებული მკლავის ძალისხმევით გავადწევ გაღმა თუ კიდევ სხვა რამ ჯადოქრობით. აქ მეღვიძება. აქ ვიფშენეტ თვალებს და ეგრევე სამუშაო მაგიდასთან მომლოდინე საშა ეგუტიას „ერიკას“ ვეძგერები სულში გაცრიატებული ხილვის დასატყვევებლად.

სადღეგრძელო ჯერ არ ჩამიმთავრებია.

ბატონი ჭაბუა ფიცხელი მოძრაობებით შლის პასეანსს. მეც ამნაირად ვერთობი ხოლმე. ბონაპარტეს საყვარელი მჩხიბაობით შევიქცევ თავს. და მაშინ შეგირდის თვინიერებით გავუშხელ ოსტატს მარცხენა მხარზე ამბორისა და ხელზე კოცნის საკრავლობას:

— ხელზე მანდილოსანს ემთხვევიან ხოლმე კაცები და კიდეც — მოძღვარს სულისას-მეთქი, განვმარტავ ქართველ ბელეტრისტათვის უჩვეულო თავაზიანობას ჩემსას. — მარცხენა მხარზე ამბორი კი შენს მარჯვნივ დაბუდე-ბული უფლისეული ძალის გადმოსვლაა სასურველი პიროვნების დაუცველ ველში-მეთქი.

ნეტარებს მახვში მასპინძელი, სიგიჟემდე მიხარია და ლამის ვიბღავ-ლო აცამზევებულმა: უეჭველად ჩამოიტანთ საქართველოში ნობელის პრემიას, ბატონო ჭაბუა-მეთქი. მთავარია მეორე სუნთქვა, სულში მი-მოფანტული მუგუზლების თავმოყრა, სასიცოცხლო ენერგიების ამოქ-მედება. მე ვიზამ ამას ტიბეტური საიდუმლოებებში მეტნაკლებად გა-წაფული-მეთქი.

ვერ ვიხსენებ ახლა, ფიქრის ჩარჩოში მომწყვედი ეს მედიტაცია ხმამალა თუ გაცხადებულა, თუმცა ჩინელ მოჭადრაკესთან ჩიბურდანიძის დამარცხების გამო აქვითინებას რომ ვახსენებ, ყველაფერი გარკვე-ულია, ყველაფერს მისჩენია თავისი ადგილი და დრო.

— შვიდტომეული! — ბრძანებს ბატონი ჭაბუა.

მსმენია ამის თაობაზე. ჩემს სიყრმის მეგობარის პაატა ნაცვლიშვილის დიზაინითაა უცხოეთში გამოცემული.

შემოიტანენ ყუთს. გახსნიან. პასეანსით გართულს მიაწოდებენ აფ-რიკული ლომის შეფერილობის პირველ ტომს და ავტოკალმის გაჯიუ-ტებით გალარავს ბატონი ჭაბუა ხუთიოდე სტრიქონს. არ ვსულსწრა-ფობ წარწერის წაკითხვას. ოჯახში მიბრუნებულს შვილები დამასწრე-ბენ იშვიათი ნადავლის დათვალიერებას. არ ვუშლი მათაც ჩინებული გამოცემით ტკბობას. სრულიად განმარტოებული, მამლების მესამე გა-დაყვილების შემდეგ, ფორზაცის მოპირდაპირე ტიტულზე ამისთანა კა-ლიგრაფიას დავაფიქსირებ:

„ბატონ გური ოტობაიას, — წარწერის წინ ლოგინზე დასვენებულ რომანს გადახედავს სათვალის ლინზიდან მახვში მასპინძელი, — უმშვე-ნიერეს მწერალსა და პირუთვნელ მამულიშვილს, უღრმესი პატივისცე-მით, სიყვარულითა და მოკრძალებით, თქვენი ჭაბუა ამირეჯიბი, თბილი-სი, დეკემბერი, — 2001“.

წავიკითხავ და გულზე მომეშვება.

ერთხელ და სამუდამოდ გამოტანილია განაჩენი ჩემი ბელეტრისტუ-ლი მოღვაწეობისათვის: “პირუთვნელი მამულიშვილი“;

აწი, არც დატოვებული წერილის ავკარგიანობა მიკანკალებს გულს.

მე ხომ ვერსიის დონეზე გავანდობ ოჯახს ჩემს გულისწადილს, რაზე-დაც ბატონი ჭაბუა შემეკამათება:

— როგორ გეკადრება, მწერალი იმისთვისაა მწერალი, რომ საკუთარი აზრი გულლიად მიიტანოს მკითხველებთან.

ვემოკრძალები.

— ასინათესი არ იყოს, ორი ხომ უკეთ შენიშნავს ჩავარდნებს, საჩოთიროს თუ უხერხულს-მეთქი.

გარინდებით მისმენს პასეანსის ტალანებში მოზორიალე.

ხორხის ოპერაციას მიხსენებს. საზღვარგარეთული დასტაქარობა ვერ გამომდგარა მაინცდამაინც შედეგიანი. ნერვი დაუზიანებიათ და სარკველი არ ეხსნება. უჭირს სითხის მიღება. დიაგნოსტიკის ცენტრში დაიარება ეს დღეები, ფრიღონ თოდუასთან. მორიგი ოპერაციისათვის ემზადება. ოდინდელი ომახიანი ხმის დაბრუნებისათვის სანტიაგოსავით ეჯიუტება ბედისწერას. დარწმუნებული ვარ ყველაფერი ჩინებულად ჩაივლის, ვინაიდან მას ნავში ჰყავს უკვე დამხმარე შეგირდი. ესეც რომ არა, ლეგენდებს ხომ უნდა მიემატოს მორიგი საგა, მითი?! თანაც ხმა ბატონ ჭაბუას უცილობლად სჭირდება, ვინაიდან სტოკჰოლმის კათედრაზე ამდღეებისას დიახაც თვითონ უნდა წარმოთქვას იქ საშვილიშვილო სიტყვა. კავკასიური ტემბრი აუცილებელია შუაგულ ევროპაში, რათა ქართული ბელეტრისტიკის სილიადემ მთელს დედამიწას გადაუფრგვინოს ჩრდილოეთიდან სამხრეთისაკენ და აღმოსავლეთიდან დასავლეთით.

ასე ჩაუფიქრებია ბედისმწერალს და იჭვნეულობა რა ბედენაა?!

არ შევაწყენ თავს ამირეჯიბთა ჯალაბს.

მისახსოვრებენ გაზეთებს, „ამონარიდებს თხზულებებიდან“ სიმფონიური ლექსიკონის თვისებით შეკონილს.

იშვიათი ნადავლი არავისთვის მეთმობა.

— ბარტერული გაცვლაა, — ხუმრობს ქალბატონი თამარ.

— ნამდვილი „ტრაფეით“ მე მივდივარ-მეთქი და ასე დავეშვები ჟინჟ-ლლიან ხეობაში.

ვაკის პარკამდე გამიყვანს ბატონი ჭაბუას მძლოლი. იქ ჩამოვხტები. აღარც ტაქსის მოლოდინი გამიხანგძლივდება.

ქეშმარიტად, მართლაც ზღაპრული გამოცემაა „შიდტომეული“.

მე ყოველთვის მაცვებდა პერანგის ძმობილი პატარა ნაცვლიშვილის გემოვნება.

ბოლო დროს სხვა მრავალთან ერთად, იგი საგამომცემლო საქმიანობითაც ისახელებს თავს.

თვალწინ მიდგას ახლა თემურ ჭკუასელის ორწიგნეული: „წინ, წინ-

ნაპრებისკენ“! და „კვამლის სინდრომი“.

სადარბაზო სარკეს მისჩერებია სმოკინგიანი ავტორი — ჩვენი ჭოტიკა და იქიდან შავჩოხოსანი ორეული ირეკლება. იგივე სცენაა გათამაშებული მომდევნო წიგნში, ოღონდ ახლა ევროპულად შემოსილი ჩოხოსანი ილანდება სარკის წიაღიდან.

შვიდტომეული კლასიკური თავდაჭერილობისა და ავანგარდისტული სითამამის ერთგვარი სიმბიოზია.

ფორზაცი თხზულებათა ხელნაწერების შინაურულ გარჯილობას დაუმშვენებია.

განსხვავებული მხოლოდ პირველი ტომია: შედარებით მოცლილი კაცის მიერ შესრულებული კალიგრაფია, მწყობრი, ლითონივით სხმული. შემდგომ და შემდგომ, თითქოს ალაღს დაუქროლიაო, აირევა, აქაოსდება სული.

მოძრაობა, დინამიზმი შესჩენია სიტყვებს, სტრიქონებს.

წაფრენილი ასოები.

გადაადგილებანი.

შავი ტუშის უღმობელი ნაკვალევი.

ეს ყველაფერი ადამიანის ხასიათის საცნაურად შემოუთავაზებია პარმალდანვე დიზაინერს და აფერუმ მას!

თვალშისაცემია შვიდტომეულის ოქროცურვილი ყდა სახედლარული პორტრეტის პროფილით. წინხედი კატორღათა საქმეებს შერჩენია წარწერით: მარბენალი გაქცევის მიდრეკილებით.

კონტრტიტულზე თავმოყრილია შვიდტომეულის მთელი შინაარსი, რომელიც ერთგვარი გზიმსკვლევის მოვალეობასაც ასრულებს. მსხვილი შრიფტით გამოკვეთილა ჩამონათვალში ერთიდან შვიდამდე ტომის კოორდინატები.

ილუსტრაციები ლევან ცუცქერიძისა „თეთრი გიორგის“ გრიფიდან გადმოსულა.

გამომცემელი „ნეოსტუდიაა“.

სპონსორი —, მაგთი **GSM**“.

შემდგენლები თანამეცხედრე და ასული გახლავან.

რედაქტორობის უმძიმესი ტვირთი, ბატონ ვაჟა გიგაშვილს უკისრია.

ოქროცურვილია წიგნის არშია. ვერაფრით ვიხსენებ, რას ეძახიან პოლიგრაფიები გილიოტინით ჩამოჭრილი ფურცლების კიდეს?

სანიშნო ზონარიც ბაჯალლოსფერს დაიკრავს.

ტექსტის მოწოდების სტილი ენციკლოპედიური ხასიათისაა, განსა-

კუთრებით — სქოლიოთა მიმართებაში: ნებისმიერი უცხო სიტყვა, ტრადიციულისაგან გამორჩევით ველზე განიმარტება.

შირფტი მსუყვა, ვგონებკომპიუტერის 11 პუნქტი.

ტომის მიმანიშნებელ ციფრს ფარავს სათანადო თხზულების გვერდი.

ახლა გული მიფრთონავს: იქნებ სხვა ჩარევებითაც გამოირჩევა შვიდტომეული და ღია კარებს ტყუილად ვამტვრევ-მეთქი.

გადმოვიღებ აღრე განხილულ ნაწარმოებებს და შვიდტომეულთან ერთად ფურცელ-ფურცელ მივედევნები.

ზედმიწევნით გაკორექტურებულა.

„დ. თ.“, 59 „სიამედა“ — „შვიდტომეული“, II, 129, „სიამედა“;

„დ. თ.“, 105, „ღმერთმა“, — „შვიდტომეული“, II, 201, „ღმერთმა“;

„დ. თ.“, 188, „გამაჯობათ“ — „შვიდტომეული“, II, 330, „გამაჯობათ“;

„გ. მ.“, 22, „ეთანადებოდა“ — „შვიდტომეული“, IV, 499, „ეთანადებოდა“;

„გ. მ.“, 110, „მიატყუებივართო“ — „შვიდტომეული“, IV, 126, „მოუტყუებივართო“;

„გ. მ.“, 217, „მწითური“ — „შვიდტომეული“, IV, 227, „მწითური“.

დაფიქსირებული რამდენიმე მაგალითით ცხადლივ დავადასტურებ, რომ „შვიდტომეული“ ხელახლა აწყობილა, მერამდენედ გაუვლია კორექტურის მომქანცველი სამუშაოები, მაგრამ ტექსტების გულდასმითი შეჯერება მარწმუნებს: წიგნების ქსოვილს ეს არ შეხებია: სტილისტურ ცდომილებათა ოცეული კვლავაც ძალაშია. მეტიც — ახალი ავტორები მორიგ შეცდომებს დაიმგზავრებენ. უკეთ, თითოეული ტომის წინასიტყვაობის შემოქმედი — ლოცმანი, ახალ ხარვეზებს გვთავაზობს:

ბ-ნ ავ. ბაქრაძე: „ის ღირებულებები, ის მსოფლშეგრძნება“, II, 9.

„ღირებულებათა სკალაზე“, II, 10;

„არანაირ ვითარებაში არ“, „ფაქტიურად“, II, 1-ნ ჟ. სირაძე: „აღარაფერი აღარ შეიძლება“:

„აღარავითარი წილი აღარ უძევს სიკეთეში“;

„აღარავითარი შანსი აღარ ჰქონდა“, IV, 24.

„არაფრისდიდებით დახმარების ხელს არ გაგიწვდიდნენ“;

„დამნაშავედ ვთვლი“ და ა.შ.

სიტყვა „ხელდასხმა“ აქ ოთხგზის ცდომილი ფორმითაა მოშველიებული — „ხელდასმული“, IV, 15, 6-3.

ჩვენი შენიშვნებიდან გასწორებულს რასაც ვიხილავ „შვიდტომეულიში“, ორჯერ გამეორებული ბოლოთქმაა, „ტომის“ მონაკვეთი.

აქვე სამართლიანად უნდა აღინიშნოს, რომ წინასიტყვაობათა ახალი ავტორები მოვლენათა არსში წვდომის გასაოცარ უნარს ავლენენ და განზოგადოების იშვიათი თვისებით გამოირჩევიან:

საინტერესოდ ანალიზებს ბატონი აკაკი ბაქრაძე ძუბა ძაძუას შუ-რისძიების მოტივებს, რომლისკენაც თავაწეულად და უყოყმანოდ მი-ისწრაფის თუთაშხია, რათა მოსახდენი აღსრულდეს, სამართალმა პუ-რი ჭამოს.

ამოცნობილია ადამიანთა უფლება - უუფლებობის ოთხგანზომი-ლებიანობა: სამი აკრძალვის ნუსხა შემინულია და ერთი — ნებადარ-თულობისა — მინაწართმეული, ბუზების საასპარეზო არენად ქცევის კვალობაზე.

ცხოველ ყურადღებას იმსახურებს ქ-ნ ჟაკლინ სირაძის დაკვირვება-ნი „გორა მბორგალის“ ექვსპლანიანობის, ექვსმონოლოგიანობის თაო-ბაზე.

ახლა დავუბრუნდეთ ისევ ბატონ ჭაბუას ხელგაკრულ წარწერას ჩემს მისამართით: „პირუთვნელ მამულიშვილს“.

როგორ მოვიქცე, დავიდუმო ბაგე?

არამც და არამც, შეგირდო, ჩემო!

არ გვეყანან ჩვენ პროფესიონალი რედაქტორები!

დღეს სანთლითაც ვერ მოძებნი ცხონებული დიმიტრი გულისაშვი-ლისნაირ ერუდიტს, რომელსაც თავის დროზე გოგლას „ნატვრის ხე“ ურანდავს, მიუხედავად ავტორის ჟუჯღუნ-ბუხუნისა.

რედაქტორი იგივე სარკეა მწერლისთვის.

იგი დიახაც ვალდებულია სწორ-მრუდის შალაშინით გაწვართოს მწერლის ეს თუ ის მოუხეშავი სტრიქონი, წინადადება, ფრაზა, ფრაგ-მენტი, გნებავთ პასაჟი თუ თავებიც კი. მაგრამ სხვას რომ შეუსწორო, ჯერ შენ უნდა იცოდე, ჯერ თავად უნდა იყო განსწავლული და ამავდრო-ულად — ჭიპმოჭრილი სტილისტიკაში:

უცხოელი მკითხველისათვის ბატონ ჭაბუა ამირეჯიბის შემოქმედე-ბაში სახამუშო არაფერია.

რუსისთვის, გერმანელისთვის თუ ინგლისელისათვის, ბუნებრივად ითარგმნება: ორმაგი უარყოფა, „ვთვლი“, „ფაქტიურად“, „ერთავე“, „ღი-რებულება“, „ქაოტური“, „ყოველ მიზეზ გარეშე“ და სხვა, მაგრამ რას ვეუბნებით ჩვენს მომავალს, XXI საუკუნის საქართველოს მოზარდ თა-ობას და კიდევ — პოეტების მამფალ რუსთაველს, რომელმაც რვა საუ-კუნის წინ თავანკარა ქართული გვიანდერძა მეტყველებისა და ქცევის ბა-

რომეტრად, ნიმუშად?! რომელიც ორიოდ საუკუნეში თვალშისაცემად აგვიმღვრევია რუსიციზმებით?!

ღარწმუნებული ვარ, ბატონი ჭაბუა ამირეჯიბი, როგორც იშვიათი გულისხმიერების დენდი და სიტყვის დიდოსტატი, კანდიერებაში არ ჩამომართმევს ესოდენ თავგადაკლულობას და მთელი არსებით მჯერა, რომ შვედეთიდან ნანინატრი ჯილდოთი დაბრუნებული, ერთადერთ გური ოტობანიას მიანდობს თავისი თვითნაბადი შემოქმედების მართლზომიერი რედაქტირების მისიას.

ვიმეორებ, ყოველივე უფლისეული კარნახითაა - მეთქი.

აქვე, ისიც შეიმედება წინამორბედი მწერლის ხატების წინაშე მოწიწებით თავდადრეკილს, რომ გაივლის თხუთმეტი, ოცდაათი წელიწადი და მერმე თავად გური ოტობანია გამოიწვედის მარჯვენას თეთრი და შავი არ აგვის ქარაფებიდან, ჭერაც უჩინარი, თუმცა საზოგადოებისათვის ნაკლებად ცნობილი ვინმე მესხი მელექსე-მერომანეს საამბორებლად თუ სულაც ჟამშიუკარებელ ზესთასოფელში გადასანაპირებლად.

* * *

მთამსვლელებმა იცმან ზედმეტი წონის ფასი, ეგრევე მოიშორებენ ხოლმე. ამიტომაცაა მათი ბარგი და აღკაზმულობა აფთიაქარის სასწორით აწონილი. პაროვიზორის პროფესიის ხსენებამ მომაგონა მამაჩემი მიხეილის სიტყვები: ზოგი ექიმი იმისთანა რეცეპტს გამოწერს, ხოლმე, შვილო, რომ იმის მიხედვით რომ დავამზადო წამალი, ნახევარი სამურზაყანო დაიხოცებაო. აფთიაქარის პინასთან და სინჯარასთან მეტ არტახებს შეიძენს სასწორის უღელი და პეინა. მწერლობაში კი სრული განუკითხაობაა. არაფრად დაგიდევენ ფრაზის წონასწორობას. მღერიან ისე, როგორც ემღერებათ და არა როგორც საჭიროა, აუცილებელი. გავისხენოთ ღვთაებრივი ჰორაციუსი: ახლა უნდა ითქვას ის, რაც უნდა ითქვას ახლა, დანარჩენი უნდა შევინახოთ მომავალი ნაწარმოებისათვისო.

შენიშვნები

სონეტი ჰინანჰველას

ჰინანჰველა მაშინ იღუპება, როცა ფრთა გამოუვა,
როცა მიწას დასტოვებს და ცაში ეძებს სამოსახლოს,
როცა ბრმად მიელტვის ვარსკვლავების ხახას,
თუმცა ფრთების გარეშე უკვდავებას ვერავინ ეღიროება.

ჰინანჰველა დაღუპულია სამშობლოში თუ არ სუფევს,
გარდასული დღის შეძლება არ განუახლებს წინანდელს,
იმას ფრთები განაშორებს მტერსა და მოკეთეს,
მაგრამ ნათლეს ვერ დააგზნებს ფრთებით თუ არ ინარჩუნებს.

ვერსაიდან დაკარგავ გულში რაც არ არსებულა,
ტყვია დაახალეს თვინიერს, როცა ერთხელ გაცოვდა,
ზოგჯერ ჯვარზე დაჭედება უსასრულო ლოცვის დღეა.

ეგებ სულაც გამაცხოვრდი ფრთები რომ აღმოგიცნდა?!
მფრინავო, ჰინანჰველავ, სიკვდილი რაოდენ მაღლია,
ყოფნის უფლება რომ იყოს, ჰეყვანა რამსიფართეა.

Thesis — ჰეგელის ფილოსოფიაში (ტრიადა) თეზა მოვლენის საწყისი მდგომარეობაა, რომელსაც მოსდევს მისი საწინააღმდეგო ვითარება — ანტითეზა და შემდგომ მესამე ეტაპის დროს ხდება მათი სინთეზი, საუკეთესო ნიშან-თვისებათა შეერთება.

რინა — ყოფნა, არსებობა, ეგზისტენცია (მეგრ.)

ორანი — რიდი, შიში მოკრძალება (მეგრ.)

მენცარი — მეცნიერი, გულთმისანი (მეგრ.)

ჯიმაგე — ძმაო, შემოგველე, ძმაო, გენაცვალე (მეგრ.)

აჰურამაზდა — მოროასტრომომის ერთ-ერთი ღვთაება, რომელიც განასახიერებს ნათელს, სიკეთეს.

სპორადული — არა მუდმივი, არა საყოველთაო (ბერძ.)

Homo sapiens — მოაზროვნე ადამიანი (ლათ)

Cott sei bei uns — ღმერთო, იყავი ჩვენთან! (გერმ)

Verschonen Sie mich mit ihren Bemerkungen — მიხსენით. თქვენი შენიშვნებისაგან! (გერმ)

Self- made man — თავისი თავის შემქმნელი ადამიანი (ინგლ)

Fater alles ungluklich — ყველა დაბრკოლების მამა, ე.ი. ეშმაკი (გერმ)

რაბი – რაბი მოძღვარია ქართულად (ებრ-ერმეუ)
ღურუ – სიკვდილი (მეგრ)

Nolli me tangere – ხელი არ მახლო (ლათ)

Vivere, melitare est – ცხოვრება ბრძოლაა (ლათ)

ხრონცი – დაბერებული, დაჩაჩანაკებული (იმერ)

აპრიმანი – ზოროასტრიზმის ერთ-ერთი ღვთაება, აპურამამ-
დას საპირისპირო ძალას განასახიერებს, როგორცაა: ბნელი, ბო-
როტი.

აპეირონი – განუსაზღვრელი, უსაზღვრო, მარადმოდრავი (ბერძ)

ანაქსიმანდრე – ბერძენი ფილოსოფოსი, მაგერიალისტი, სტი-
ქიური დიალექტიკოსი, თაღესის მოწაფე. მან შემოიტანა ყოველი-
ვე არსებულის, პირველი საწყისის – არხეს ცნება და ასეთ პირველ
საწყისად აპეირონს თვლიდა.

ანაქსიმენე მილეთელი – ბერძენი ფილოსოფოსი (588-525)
მისი მოძღვრების თანახმად ყოველივე არსებული წარმოშობა პირ-
ველი მაგერიის –ჰაერისგან და უკანვე უბრუნდება მას.

ჰომომერიები – მსგავსნაწილებიანები (ბერძ)

პირონი – ბერძენი ფილოსოფოსი (365-265) ანტიკური სკეპტი-
ციზმის ფუძემდებელი.

ჰერაკლიტე – ბერძენი ფილოსოფოსი (544-443) მაგერიალის-
ტი, დიალექტიკოსი. მის მიხედვით „ეს კოსმოსი ერთი და იგივეა
ყოარ ადამიანს, არამედ იგი იყო, არის და იქნება, მარად ცოცხალი
ცეცხლი, რომელიც ხან ქრება, ხან ინთება“.

დემოკრიტე – ბერძენი ფილოსოფოსი (460-370) მაგერიალის-
ტი, ბერძენთა შორის პირველი ენციკლოპედიური გონებისა კ.მარქსის
მიხედვით. აგომისგური მოძღვრების ფუძემდებელი.

კატალექსისი –ცნება.

ძენონი – ბერძენი ფილოსოფოსი. (336-264)

აბსოლუტური გონი – მსოფლიო სული, ყველაფრის საწყისი
იდეალისგურ ფილოსოფიაში.

ბერგსონი ანრი – ფრანგი ფილოსოფოსი – იდეალისტი (1859-
1941) ინტუიციზმის წარმომადგენელი.

კირკეგორი სიორენ – დანიელი რელიგიური ფილოსოფოსი
(1813-1855) ეგზისტენციალიზმის წარმომადგენელი.

შპენგლერი ოსვალდ – გერმანელი ფილოსოფოს-იდეალისტი
(1880-1936) სიცოცხლის ფილოსოფიის-ეგზისტენციალიზმის წარმო-
მადგენელი.

ჰაიდეგერი მარტინ – გერმანელი ფილოსოფოსი (1889-1976)
ეგზისტენციალიზმის ერთ-ერთი ფუძემდებელი და მთავარი წარმო-
მადგენელი.

Femininum – მღერობითი სქესის წარმომადგენელი (ლათ.)

Menage a trois – ქალის ერთდროული ცხოვრება ორ მამაკაცთან. ბსამის მეოჯახეობა (ფრანგ.)

სამკალი ფრიად არს... – „ოთხთავი“.

Trifolium melitotus – ლოგოსი (ლათ.)

ღაიმონი – დემონი (ბერძ.)

ღა რომელმან.. – „ოთხთავი“.

„მცირედ მორწმუნეთ“ – „ოთხთავი“.

ბუბალუსი – კამეზი (ლათ.)

უზაქვერსემია – შავქვესკნელი, მოუსაველეთი (მეგრ.)

კორდატა – გუნგი, ეთერზეთოვანი ხე-მცენარე.

Status belli – ომის მდგომარეობა (ლათ.)

ჯორჯ გელორდ სიმპსონი (1902-1984) იგი იკვლევდა ევოლუციის ტემპებს და ფორმებს.

ერნსტ მაირი (1904) ცნობილია მისი წიგნი „სისტემატიკა და სახეობათა წარმოშობა“.

ჰეკლი ქულიან (1881-1984) სინთეზური ევოლუციის თეორიის წარმომადგენელი.

Pater, de te fabula narratur – მამა, რაზე ითქმის არაკი (ლათ.)

Dei gratia, silentium, Bututi – ღვთის გულისთვის, იყუზე, ბუტუტი (ლათ.)

Alea iacta est – წილი ნაყარია (ლათ.)

Caesar citra Robiconem, sed non supra grammaticos – კეისარი რუბიკონს გაღმა, მაგრამ არა გრამატიკოსებზე მაღლა (ლათ.)

Culpa levis – პატარა ცოდვა (ლათ.)

ქიმმეხვარით, ქიმმეხვარითია – მომეხმარეთ, მომეხმარეთო (მეგრ.)

სფინქსი – ძველ ეგვიპტეში უზარმაზარი ქვის ფიგურა – ადამიანის თავის მქონე მწოლარე ლომი, ფარაონების ძლიერების სიმბოლო (ბერძ.)

იეროგლიფი – ქვაზე ამოკვეთილი წმინდა ნიშნები (ბერძ.)

Arare litus – ზღვის ნაპირის ხენა, უნაყოფო შრომა (ლათ.)

Lues – ათაშანგი, სიფილისი (ლათ.)

Formica rufa – გყის წითური ჰინაზველა (ლათ.)

Ab equis ad asinos – ცხენთაგან ვირებზე, ჩამოქვეითება (ლათ.)

Scropularia nodosa – შავწამალა (ლათ.)

Datura stramonium – ლემა (ლათ.)

Clachoma hederracea – ოშოშა (ლათ.)

hyoscyamus nigeri – ლენცოფა (ლათ.)

მაკიაველი ნიკოლო – იტალიელი პოლიტიკური მოღვაწე და მწერალი – (1467-1527), რომლის კრელოა – მიზანი ამართლებს საშუალებას.

სცილა– ექვსთავიანი მყეფარე ურჩხული ძაღლის ტანით, რომელიც ბინადრობდა ზღვისპირა კლდეში ქარიბდას პირისპირ, კრიგაიდის ასული (ბერძ)

ქარიბდა– მესინის სრუტის მორევის ურჩხული (ბერძ)

status quo– არსებული მდგომარეობა (ლათ)

ლუკა – „ოთხთავის“, იგივე „სახარებას“ ერთ-ერთი ავტორთაგანი.

ვაცაიჭარე – საბრალო, საწყალობელი, საცოდავი (მეგრ)

Aut Caesar, aut nihil – ან კეისარი, ან არაფერი (ლათ.)

ვაშინერს – არ სასხენებელ არს, არეგების, აკრძალულია, გაბუ აქვს დაღებული (მეგრ)

ანოფელესი – მალარიის გამავრცელებელი კოლო (ბერძ)

„**Pavta pei**“ – ყველაფერი მოედინება, ე.ი. ცვალებადია (ბერძ)

Qvo vadis – ვიდრე ხვალ (ლათ)

Pele-mele – დომხალი (ფრანგ)

მენდელი იან, ძმა გრეგორი – ჩეხი მეცნიერი, გენეტიკის საფუძვლების პირველად მომჩენი. დაიბადა სოფელ ჰაიცენდორფში (1822-1884)

სეტონი უოლტერ – კოლუმბიის უნივერსიტეტის (აშშ) ასპირანტი, რომელმაც 1903 წ. უჯრედში არსებული წყვილადი სტრუქტურები – ქრომოსომები, გენს მიაშვავსა.

თომას ჰანგ მორგანი – კოლუმბიის უნივერსიტეტის (აშშ) პროფესორი, ზოოლოგი და ემბრიოლოგი.

ვილერი, ლეკასი, შლაიპი, რუმსკი – მურმოლოგები, ჭიანჭველათმცოდნეები.

ერლისი – საღვარსანისა და ნეოსაღვარსანის შემქმნელი. ეს პრეპარატი ათამანგის ერთ-ერთ სამკურნალო საშუალებად ითვლებოდა ანტიბიოტიკების აღმოჩენამდე.

ჩირე, ჩალამი – საფლობი, ჭაობი (მეგრ)

დიხაგუმბა – ძველკოლხური სამარხები, ამომადლებული სამაროვანები, ყორღანები.

ღორონთი სქან ოროში გოლვაფრო – ღმერთო, მენს ნათელს (ჩრდილს) შემოვეეღე (მეგრ)

ანაქორეგი – განდევილი, მეუღაბნოე (ბერძ)

არამხუტუ – დევგმირი კოლხურ მითოლოგიაში, ამირანის, აბრსკილისა და პრომეთეს პროტოტიპი.

ვერბალური – სიგყვიერი (ლათ)

კლოდ მანე – ფრანგი ფერმწერი.

აბორჯებული – ორიენტაციადაკარგული, დროის შეგრძნება წართმეული (მეგ)

სამურზაყანო – მურზაყან შარვაშიძის სამთავრო, დღევანდელი გალის რაიონი.

ლირწკინი – ჭრიალი (მეგრ)
 ალაგე – ღობეზე გადასასულელი ადგილი (იმერ. გურ, მეგრ)
 მახალა – რძიგანა (მეგრ)
 ონგყოლაშე – საფლობი (მეგრ)
 ფაფალა – ხაბო, მდინარის ფრიალო ნაპირი (მეგრ)
 ფარკალი – ფამფალით სიარული (მეგრ)
 ჯიმალი – ბიძა, ბიძია (მეგრ)
 ჩქიმი წყვირთალი ბოში – ჩემი აშოლგული ვაჟი (მეგრ.)

Dilerium tremens – თეთრი ციებ-ციხელება (ლათ.)

Pro et contra – მომხრე და წინააღმდეგი (ლათ)

Felis domenticus – შინაური კატა (ლათ)

Tertius gaudens – მესამე მოხარულია (ლათ)

Ajo – ვადასგურებ (ლათ)

Norse te ipsum – შეიცან თავი შენი (ლათ)

ენგროპია – კლასიკური ფიზიკის ერთ-ერთი ძირითადი მცნება.
 მეცნიერებაში შემოიგანა რ. კლაუმუსმა. მიკროსკოპიული თვალ-
 საზრისით გამოხატავს ენერჯის გარდაქმნის უნარს.

არომორფიზმი – ორგანიზმის მორფო-ფიზიოლოგიური პროგ-
 რესი, ა. სევერცევის მიხედვით.

Talus Achillis – აქილევსის ქუსლი (ლათ)

ბალმაკის ანგიკვარი – „შაგრენის გყავის“ პერსონაჟი.

ტოგა – ძველი რომის მოქალაქეთა განსაცმელი, გრძელი თეთ-
 რი წამოსასხამი.

სიკვდილითა სიკვდილისა დამორგუნველი – იგულისხმე-
 ბა იესო ქრისტე.

ანდროლოგია – მედიცინის დარგი, რომელიც სწავლობს მა-
 მაკაცის უნაყოფობას და მისი მკურნალობის მეთოდებს (ბერძე)

Odine, odinia – სამშობიარო ჭინთვა (ლათ)

Agnus dei – ღვთის კრავი (ლათ)

ფენოგიპი – ორგანიზმში გარეგნულად გამოვლენილი ნიშან-
 თვისებათა ერთობლიობა (ბერძ)

გენოგიპი – ორგანიზმში ფარულად არსებულ ნიშან-თვისებათა
 ერთობლიობა (ბერძ)

დედალოსი – მითური მოქანდაკე და ხუროთმოძღვარი.

ვავა, ბაბაია – ვაი, მამიკო (მეგრ.)

ბრმანი აღიხილენენ... – „ოთხთავი“

დომინანტური – გარეგნულად გამოვლენილი ნიშან-თვისება,
 რომელიც თრგუნავს რეცესიულს (ლათ)

რეცესიული – დაქვემდებარებული, ფარული (ლათ)

Hic hereat aqua – აქ გუბდება წყალი (ლათ)

meta – შემდგომი, შემდგომად (ლათ.)

არა არს... – „ოთხთავი“.

რასგინიაკი – ონორე დე ბალზაკის „ადამიანური კომედიე-ბის“ ერთ-ერთი პერსონაჟი, გაქნილობის გაიძვერობის სინონიმი.

ბიგი – ინფორმაციის რაოდენობის ორობითი საზომი ერთეული (ინგლ).

ვერავის ხელ-ეწიფების... – „ოთხთავი“.

არა პურითა... – „ოთხთავი“.

Cantus cygneus – გედის სიმღერა (ლათ)

ფიქრთა ქარიშხლით გაბრუებული – ადგილი თ.დოსტოევის რომანიდან „დანაშაული და სასჯელი“.

Aut Caesar, aut nihil! vivere, militare est! – ან კეისარი, ან არაფერი; ცხოვრება ბრძოლაა (ლათ).

ზურა – ლაჩარი, მშიშარაა მეგრულად, ხოლო ზურალ სვანურში ქალს ნიშნავს.

ღვეტერია – ყელმშვენიერი (მეგრ)

თამაკონი – სოფელი მარტვილის რაიონში.

მაფშალია – იგივე თათრული ბულბული და ბერძნული იალონია მეგრულში, მესვიასაც ეძახიან.

რინტუ მთა – თხა, ახტაჯანა შვილიშვილი (მეგრ)

ოკვანწაია – საქანელა (მეგრ)

ბოგიშბოგი – შორეულზე შორეული ნათესავი (მეგრ)

ორკოლი – დოქი, ხელადა.

ხეხევერია – ფუშულა, ფაფუკი, თან თბილიც (მეგრ).

ჯანჯუხა – სიმინდის ფქვილისა და იზაბელას წვენის თათარში ამოვლებული ძაფზე აცმული თხილის ჩურჩხელა (მეგრ)

რეაბილიტაცია – უსაფუძვლოდ შელახული ღირსების აღდგენა, უსამართლოდ დასჯილთა გამართლება (ლათ)

ილაბაჩანი ფართო-ფართო – ილაყბონ, იყბეღონ, ილაღაღონ ფართე-ფართე (მეგრ)

ამბრაზურა – ნახვრეტი თავდაცვით ნაგებობაში ქვემეხის, ნაღმსატყორცნის ან ტყვიამფრქვევის სასროლად (ფრანგ)

ინგლისური სნეულება – რაქიტი.

მუშენი ძღაბი? – რათა გოგო? (მეგრ)

ვახანებული – არდასაცილებელი (მეგრ)

იელოვა, იაჰვე – იუდეიზმის უზენაესი ღვთაება (ძვ.ებრ)

იფიქანდური – სხვანაირი, რაღაც თავისებური.

მეიოზი – შემცირება, დაკლება, ცხოველური და მცენარეული უჯრედის დაყოფის ერთ-ერთი ფორმა, რომლის დროს ხდება ქრომოსომების რისცხვის განახევრება (ბერძ)

Bubalus arnee – ინდური კამეჩი (ლათ)

Bubalus mindorensis – მინდორენსისეული კამეჩი (ლათ)

Anoa – ანოა.

sincerus cafrer – კაფრული, აფრიკული კამეჩი (ლათ.)

აღენინი, გუანინი, ციგოზინი, თიმიანი – ამოგის შემცველი ორგანული ნაერთები.

უაა – ურაცილინ-აღენინი – აღენინი.

უაგ – ურაცილინ-აღენინი-გუანინი.

უგა – ურაცილინ-გუანინი-აღენინი.

ღმბ – ღებოქსირნუკლეინის მუაგა.

ტრიპლეტი – გენის სტრუქტურული კომპონენტი, რომელიც გარკვეული თანამიმდევრობითა განლაგებული – სამი ამოტოვანი ფუბით.

ნუკლეიტიდი – რთული ორგანული ნაერთები, რომლებიც წარმოადგენენ, დრნ, ღმბ-ს სტრუქტურულ ერთეულებს.

ქაჩალ გორა – გოლგოთა, სადაც ქრისტე ჯვარს აცევს.

„მარწყვის მდელი“ – ფილმი ბერგმანისა.

რასკოლნიკოვი როდიონ – თ. ღოსტოვესკის რომანის „ღა-ნაშაულის და სასჯელის“ გმირი.

ოთხხელიანები – ე.ი. მაიმუნები.

გამოვიღეს ეშმაკნი... – „ოთხთავი“.

ელოი, ლამა საბათქანი – ღმერთო ჩემო, ღმერთო ჩემო, რისთვის მიმაგოვე (ებრაულ.)

უთური – უზრღელი (მეგრ.)

ალიგერაცია – პოეტური ხერხი, ლექსის ტაეპში ერთი და იმავე თანხმოვნის რამღენჯერმე გამეორება (ლათ.)

ქვექვერია – ტანდაბალი და გაფუყული (მეგრ.)

სანტა კლაუსი – წმინდა კლაუსი, თოვლის ბაბუა (ლათ.)

ნაირობი – კენიის ღეღაქალაქი.

კენია – სახელმწიფო აფრიკაში, თეთრ მთას ნიშნავს.

ნიშანი – მიცვალებულის ტანსაცმელი (მეგრ.)

გობსეკი – ონორე ღე ბალბაკის „ადამიანური კომედიების“ კოლორიტული პერსონაჟი, სიძუნწის განსახიერება.

რკინის ფარღა – საბჭოთა კავშირის სინონიმი, უხეში ძალის სიმბოლო.

ისკარიოტელი – იუღა.

სამკალი ფრიაღ არს... – „ოთხთავი“.

სტრესი – ღაძაბვა, ძლიერი გამღიზიანებლის მოქმედების შეღევად ორგანიზმისწონასწორობის ღარღევა (ინგლ.)

O, sancta simplicitas – ო, წმინდა გულუბრყვილობავ (ლათ.)

სოხანე – იაგაკად ღატკეპნილი მიწა (რაჭ; იმერ.)

ჰუმუსი – ხელსაყრელი პირობები, ნემომპალა (ლათ.)

Hoemorrhagia arterialis – არტერიული სისხლღენა (ლათ.)

ელეკინი ძღაბი... – ჩაიწერე, გოგო, ცოცა. შემოუშვი სკუმარი, თორემ ამაღამ გასაპატიოსნებელი გაგისდებით და ისტუნეთ მერე (მეგრ.)

ქართი – ასე ეძახიან მეგრელები თბილისს.

Finis – დასასრული (ლათ.)

მორდია – ნათლია (მეგრ.)

ბეჭვილი ბოში – ბელდამწვარი ბიჭი. (მეგრ.)

პელეგი – უშველებელი, ვეება მრავალრიცხოვანი, სავსე. (მეგრ.)

ოსრიალაია – ხეშეშა, სრიალა თმა (მეგრ.)

ვაგიფორქო მა.. –არ გიყვარვარ მე, არ მოგწონვარ მე, მაინც თაგზე შემოგველე, შენი ჭირი მე (მეგრ.)

ცხვაბარი – მუხლჩაუხრელი ჯაფა, გარჯა (მეგრ.)

მარა სქემ-სქემამი.. – მაგრამ ლამაზ-ლამაზი სიგყვებით თავ-ბრუს დაახვევდი, ალბათ, ბავშვს. ჩაიბერდებოდი, აბა, და რა გეშველებოდათ (მეგრ.)

ქღირტალი მოჭყუდე – უმწიფარი პატარძალი (მეგრ.)

გინასხიპური მუ რდე – გადასახსტომი რა იყო (მეგრ.)

რინაშ დროს – რინა, ნგინაშ დროს – ნგინა –ყოფნის დროს –ყოფნა, გაქცევის დროს – გაქცევა (მეგრ.)

ტუტული – ბიჭუკელა, ბავშვისთვის საალერსო, მაგრამ მოზრდილისათვის დამამცირებელი მიმართვა(მეგრ.)

ოდაბადელი პრინცი – იგულისხმება ჭიჭე კვეკვე, ჰამლეტს ამსგავსებენ ირონიულად.

ოსერშე – ვახშამი (მეგრ)

სტეპენდია-პენსია... –სტეპენდია-პენსია ერთ კვირას გადამარჩენს, შემინახავს. (მეგრ.)

მიტოზი – უჯრედების არაპირდაპირი დაყოფა – მცენარეთა და ცხოველთა უჯრედის გამრავლების ერთ-ერთი საშუალება, რომლის დროსაც ხდება ქრომოსომების გარდაქმნა (ბერძ.)

სანთობიო – პატარა ოთახი ახლად დაქორწინებულთათვის.

ლობერი კაკლარით... – ღობე – ეკლით, მეგრელი – მეგრელი (მეგრ.)

eczema iatrogenis – ეგზემა იატროგენური, ექიმისმხრივი, მკურნალობა რომ სჭირდება (ლათ.)

მისტიკური – შებუნებრივი ძალების რწმენა (ბერძ.)

პოროსკოპი – ვარსკვლავთა განლაგების ცხრილი, რომელსაც ადგენდნენ შუა საუკუნეებში ასტროლოგები ამა თუ იმ პიროვნების ბედის საწინასწარმეგყველოდ.(ბერძ.)

ფემინიზაცია – მამაკაცში ქალის მეორეული ნიშნების მოჭარბება, ზედმეტი განაზება მამაკაცისა (ლათ.)

გელეპაგია – შორი მანძილიდან სხვისი აზრი გაგება უსიგყვოდ (ბერძ.)

ბერმუდის სამკუთხედი – ადგილი აგლანტიკის ოკეანში, რომელსაც მიეწერება მრავალი უცნაურობა, გემების, თვითმფრინავების დაღუპვა და მისთანები.

მეტაფიზიკური – ფიზიკის შემდეგ, იდეალისტური ფილოსოფიური მოძღვრება, რომელიც განიხილავს ცდის მიღმიურ მოვლენებს, როგორცაა: ღმერთი, სული და მისი.

კინგტურ-მანგური – ჩხირკედელაობა (მეგრ.)

ოხოკოხი – ვაკეკაცი, ოხოპინგრე (მეგრ.)

ტყაშმაფა – ტყის მეფე, ალი (მეგრ.)

ფსიქსთენია – ნერვიული დაავადება, რომლისთვისაც დამახასიათებელი უკიდურესი გაუბედაობა, ეჭვნეულობა, აკვიატებული აზრები (ბერძ.)

ბანახია ბუსკა – თვინიერი ბუსკა (მეგრ.)

ჩერჩელა ჩელა – ზომინა ჩელა (მეგრ.)

კველა – ორფეხა სკამი, ჯორკო (მეგრ.)

წკონდა – წმინდა (მეგრ.)

არიან საჭურისნი... – „ოთხთავი“.

ღღაკალია – ჯღა (მეგრ.)

ჯიჯი – ბიბიკო (მეგრ.)

ჩქიმი თოლი გვირაღეფი – ჩემო დიდრონთვალებიანო (მეგრ.)

საფიგმი – დედათმავლობა, ქალთა ურთიერთ სქესობრივი სწრაფვა.

პერვერსია – გაუკულმართება, გარყვნა (ლათ.)

პარაფილია – სქესობრივ კმაყოფილებას იწვევს მოქმედება, რომელსაც სულაც არ გააჩნია საამისო ნიშან-თვისება (ლათ.)

პედერასტია – მამათმავლობა, სქესობრივი გაუკულმართება მამაკაცებს ან მამაკაცსა და ბავშვს შორის (ბერძ.)

პომოსექსუალიზმი – არაბუნებრივი ლტოლვა თავისივე სქესის პირისადმი (ბერძ.)

პელოფილი – სქესობრივი ლტოლვა ბავშვებისადმი (ბერძ.)

კოროფილია – სიყვარული მოუმწიფებელი გოგონებისადმი (ბერძ.)

გრაოფილია – სიყვარული მოხუცი ქალებისადმი (ბერძ.)

საიღმში – სხვისი წვალებით, გაჯვით სიამოვნების მიღება, ფრანგი მწერლის მარკიზ დე სადის მიხედვით.

მამოხიზმი – ავსტრიელი მწერლის ზახე-მამოხის მიხედვით. მამოხიზმის დროს სიამოვნებას განიცდის წამებული.

პიგმალიონიზმი – პიგმალიონი კვიპრის მეფე, რომელიც მოქანდაკე იყო. სპილოს ძვლისაგან გააკეთა უღამაზესი ქალის ქან-

ლაკება, რომელიც თვითონვე შეუყვარდა. სიყვარული სკუოპკურის ნიმუშებისადმი.

ნარცისიზმი – ნარცისი ლამაზი ჭაბუკმ ბერძნულ მითოლოგიაში, რომელმაც უარყო ექოს სიყვარული, რის გამოც ყვავილად გადააქციეს. ჩაპყურებდა წყალში თავის გამოსახულებას ნარცისი და ტკბებოდა. საკუთარი თავის სიყვარული.

ბოლოფილი – სექსუალური კავშირის დაჭერა ცხოველებთან (ბერძ.)

ნეკროფილია – სექსუალური ლტოლვა გვამებისადმი (ბერძ.)

libido sexualis – სექსუალური ლტოლვა (ლათ.)

გრანსევეტიციზმი – საწინააღმდეგო სქესის განსაცემელი იწვევს პიროვნებაში ორგანზს.

ერექცია – მამაკაცის სასქესო ასოს გაბერვა და გამაგრება სქესობრივი აგზნების დროს (ბერძ.)

სკოპოფილია – კმაყოფილების მიღება სხვათა სქესობრივი აქტის თვალთვალთ.

ექსპიზიციონიზმი – საწინააღმდეგო სქესში უშვერი სიგყვებით სირცხვილის გრძნობის გამოწვევა.

კინდე – პასიური პარტნიორი (ლათ.)

გრიბადია – ხახუნით სექსუალური აქტის მიღწევა (ლათ.)

defluvium – სექსუალური აქტის დასასრული (ლათ.)

ორგაზმი – სექსუალური აქტის კულმინაციური ფაზა (ბერძ.)

კოიტუსი – სქესობრივი აქტი

სისა გურა მურსია... – სისა გურა მოდისო, ბონდო ბიჭს სძინავსო, ბონდო ბიჭი დედას ჩაეხუტება მკერდშიო (მეგრ.)

ოხუტოლე – ჩახუტებია (მეგრ.)

მაშინ ჰრქუა... – „სახარება“.

აპრიორი – ცდისაგან დამოუკიდებელი (ლათ.)

ბაჭამ ქორთუ – ტკიპიანი ქართველი (მეგრ.)

ნოწკერია – სიგრძივ დაპობილი შეშა (მეგრ.)

ტყორტყოში – მღვრიე ნაკადი (მეგრ.)

ქორეთო, შური ქოიდგუნანო? – ხართ, სული გიდგათ (მეგრ.)

მონტეგი – უ. შექსპირის „რომეო და ჯულიეტას“ გმირის, რომეოს გვარი.

კაპულეტი – ჯულიეტას გვარი.

ორჯოყონი – ოყლაყი (მეგრ.)

მაცირა – ქალიშვილობას რომ ჩემულობს, ისეთი (მეგრ.)

სი ჯუა, ჯუა – შე ტუკნა, ტუკნა! (მეგრ.)

ალფონსინა – ალფონსი კაცი, რომელიც საყვარლის ხარჯზე ცხოვრობს, ამჯერად იგივე მარგარიტა გოტიე, ალ. დიუმა შვილის გახმაურებული რომანის მიხედვით.

ჯადუნია – ყველას გვირთის მზიდველი ჯაგლაგი, ღაჯგვალუ-
ლი, წუთისოფლისგან დაბეჩავებული (მეგრ.)

ენდოგენური – შინაგანი –ორგანიზმისეული მიზმებით განპი-
რობებული დაავადება (ბერძ.)

ეგზოგენური – ავადმყოფობა გარეშე მიზმებით განპირობე-
ბული (ბერძ.)

სომატური – სხეულთან დაკავშირებული დაავადება (ბერძ.)

ფსიქოზი – ადამიანის ფსიქიკის არანორმალურობა (ბერძ.)

ხუცუსი – იაკობ ხუცესი, შუშანიკის წამების ავტორი.

აუტონიტოქსიკაცია – თვითმოწამვლა (ლათ.)

აუტიზმი – აზრის კონცეფრაცია საკუთარ თავზე. იგი მოწყვე-
ტილია გარე საყაროს, ცხოვრობს არარეალურ, წარმოსახულ სა-
ყაროში (ბერძ.)

ამბიველანტობა – ერთა და იმავე დროს გარკვეულ პირთა
და საგანთა მიმართ ორი ურთიერთსაწინააღმდეგო განცდა. დამა-
ხასიათებელია შიმოფრენისთვის (ლათ.)

ოიდიპოსი – ბერძენი გრაგიკოსის სოფოკლეს „ოიდიპოს მე-
ფეს“ გმირი, რომელიც ამარცხებს სფინქსს, ამოიცნობს რა მის მიერ
დასმულ შეკითხვას, უნებლიეთ კლავს მამას, შეირთავს საკუთარ
დედას. ოიდიპოსის კომპლექსი იგივეა, რაც სისხლის აღრევა.

ეპილეპსია – ბნედა, ავი მნე, თავის გვინის ქრონიკული პოლი-
ეტიოლოგიური დაავადება (ბერძ.)

პარანოია – სიგიჟე, ფსიქიკური დაავადება, ახასიათებს აფექ-
ტური ბოღვა, დევნის, განდიდების მანია (ბერძ.)

კატატონური – ერთგვარი ნერვიულ ფსიქიკური აშლილობა.

დეგრადაცია – გადაგვარება, ორგანიზმის ფსიქიკური დაქვეი-
თება (ლათ.)

აპერცეფცია – აღქმის დამოკიდებულება ადამიანის გამოცდი-
ლებამზე, ცოდნის მარაგზე (ლათ.)

იპოქონდრია – ავადმყოფური შიში საკუთარი ჯანმრთელო-
ბის დაეჭვების გამო. ადამიანი მიიწერს დაავადებას, რომელიც არა
აქვს (ბერძ.)

მოკი – ორგანიზმის ფუნქციების საერთო მძიმე მოშლილობა,
რასაც იწვევს ძლიერი ფიზიკური დაზიანება ან ფსიქიკური შერყევა
(ინგლ.)

ცურუ – უმწიფვარი, თავკერძა, ნორჩი ასაკის გამო შეუსმენა-
რი (მეგრ.)

ჩემერცხი, ჩემერცხი – დამეხსენ, დამეხსენ (მეგრ.)

ოსანა – უფალო გვიშველე (არმეულ-ებრაული)

Nathes-klunes – ღუნღულოებ-საჯლომი (ლათ.)

ფგგქ – ოქრო (ლათ.)

Argentum – ვერცხლი (ლათ.)

აკაი – იაპონურიფორმა

ლამინარია – წაბლისფერი წყალმცენარე, ზღვის კომბოსტოს ერთგვარი სახეობა (ბერძ.)

აქტინია – მარჯნის პოლიპი ერთგვარი (ბერძ.)

Buthus Eusorpius –ჭრელი მორიელი (ლათ.)

სარდაკია – ბალახი (მეგრ.)

მაფაგია – ბალახი (მეგრ.)

ყვარია – ყვავი (მეგრ.)

ჯაშქვიდეუ – ხემხრჩობელი, ღვედეკეცი (მეგრ.)

Ex arena funiculium nectis – ქვიშისგან თოკს გრეხს. (ლათ.)

დოლიქოკეფალია – გრძელთავიანი ადამიანი (ბერძ.)

რემუსი – ჰემაგლუტინოგენი, რომელიც პირველად აღმოაჩინეს მაკაკა რემუსის სისხლში. ადამიანის სისხლი, რომელიც 87-85 პროცენტ რემუს ფაქტორს შეიცავს დადებით რემუსიანია.

პიგმენტაცია – ცოცხალი ორგანიზმის ქსოვილების შეღებვა პიგმენტით, საღებავი ნივთიერებით. (ლათ.)

ულოგრიხია – ხუჭუჭთმიანობა.

P – მშობლები, **F** – შვილები, შემდგომი თაობა იან მენდელის მიხედვით.

ჯენკინსი ფლემინგ – ინჟინერი, მან კომენტარი გაუკეთა დარვინის პანაგენეზის თეორიას.

ზიგოტა – ორი სასქესო უჯრედის შეერთებით მიღებული ახალი უჯრედი. შეწყვილებული.

ნოვოკაინურ-ანტიბიოტიკური ბლოკადა – ერთ-ერთი მეთოდი პროსტატიტის მკურნალობის დროს.

ბივაგა – დედოფალა, თოჯინა ჭინჭებისაგან გამონასკვეული.(აფხ.)

არა არს წინასწარმეტყუელი... – „ოთხთავი“.

როდია – როდიონ რასკოლნიკოვი.

დიო სო რექ! – ჯერ სადა ხარ (მეგრ.)

Kathapsis – განწმენდა (ბერძ.)

ოლივიე ჰასი – ჯულიეგას როლის შემსრულებელი მსახიობი ქალი.

ბეფირელი ფრანკო – ცნობილი იტალიელი კინორეჟისორი, „რომეო და ჯულიეტას“ ეკრანიზაციის(1968) ავტორი.

უაიგინგი – რომეოს როლის შემსრულებელი კინომსახიობი.

სამების მეორე იპოსტასი – ე.ი. ქრისტე. პირველია მამა ღმერთი, მეორე – ძე და მესამე – სულიწმინდა.

ნემეის ლომი – რომელიც მოკლა ჰერაკლემ.

ავგეას თავლა – ავგია ელადის მითური მეფეა, როლის თავლა 30 წელიწადი არ იწმინდებოდა, გაასუფთავა ჰერაკლემ ერთ ღღეში.

ფედრა – თევების მეუღლე, რომელსაც შეუყვარდა გერი.
 იოკასტე – ოიდიპოსის დედა და მეუღლე.
 ანაბიოზი – ორგანიზმის ისეთი მდგომარეობა, როდესაც სასიცოცხლო პროცესები დროებით შეწყვეტილია (ბერძ.)
 თუთა ახალი... – მივარევე ახალი, შენ გამახარე (მეგრ.)
 სი გვენგერე, სი – შე სულელი, შენა (მეგრ.)
 სი მართალი ჩაღაია – შე მართლაც სულელი (მეგრ.)
 სი გვინგალ დო ფოჩოია – შე გამოგვინებულო და ჩურჩუტო (მეგრ.)

Lux veritatis – ჭეშმარიტების სხივი (ლათ.)

Jus priame noctis – პირველი ღამის უფლება (ლათ.)

Fama – დარხეული ხმა(ლათ.)

Mater dolorosa – მგლოვიარე დედა, ღვთის მშობელი (ლათ.)

ტიმონი – ბერძენი ფილოსოფოსი.

In statu finiendi – დასრულების ვითარებაში (ლათ.)

Marasmus senilis – სიბერისეული მიხრწნილობა (ლათ.)

Is cadet ante senem quisait ante diem – ის კვდება სიბერემდე, ვინც თავისი ასაკისთვის შეუფერებლად გონიერია (ლათ.)

Ecce homo – აი, კაცი! ქრისტეზე ითქმის (ლათ.)

Omnia vincit amor – სიყვარული ყოველივეს ძლევს (ლათ.)

ალტრუიზმი – მზადყოფნა სხვას შესწიროს თავისი პირადი ინტერესები (ლათ.)

Linea descendes – დაღმავალი ხაზი ნათესაობისა (ლათ.)

ხო-ხო მუს იხირთონუდ გვიტი? – ხოხო რას ჯავრობდა-მფოთავდა გვიტი? (მეგრ.)

გინოფორილი – გადახურული, გადანახური (მეგრ.)

კუტუ შოლირი მაფუ – კუტუ სველი მაქვს (მეგრ.)

NB – ნოგა ბენე, დაიხსომე (ლათ.)

ნეგარ იყვენენ... – „ოთხთავი“

დუდი მარსიოლუაფუ... – თავბრუ მესხმის, თვალთ მიბნელებდა (მეგრ.)

სოსანე – მიწაგვეპნილი იაგაკი (რაჭ.)

წურფა – სიწიფეში გემაგალი (მეგრ.)

პაგენი – ბაგონო (მეგრ.)

сплашной орман – მტკნარი წყლის სიცრუე (რუს.)

ენდიგუნია – ქვეყნიერება.

რქუას მას ერთმან... („ოთხთავი“)

გორდიას კვანძი – იგყვიან გადაუჭრელ საქმეზე. ვინც ამ კვანძს გახსნიდა, თქმულისამებრ, მსოფლიოს. დაიპყრობდა, არადა, ნასკვის გამხსნელს მთელ ცხოვრება ძაფების ხლართში უნდა ევალადა. ალექსანდრე მაკედონელმა ხმლით აკუწა კვანძი იგი და თავდავიწყებით გადაეშვა მსოფლიო ბაგონობისათვის მომართულ ომში.

სარჩემი

რინა პირველი ბუტუტი 142857	005
რინა მეორე მაფა ჰალიძონია 285714	064
რინა მესამე კონია ჰალიძონია 428571	097
რინა მეოთხე კვეკვე ანთარია 571428	187
რინა მესხეთე კეპე ანთარია 714285	216
რინა მეექვსე მილანდარ მუშუქია 857142	270
რინა მეშვიდე დურუ ჰალიძონია	334

- 377 სიცოცხლემისჯილეპი
- 380 Обреченные на бессмертие
- 382 რინამისჯილი
- 392 მეტამორფოზანი
- 397 სიცოცხლემისჯილები“
(სინოფსისი)
- 405 პაექრობა „ცნობიერების ნაკადთან“
- 408 დაუსტამბავი წიგნის წინასიტყვაობა,
ნეტარი დიმიტრიგულისაშვილი და სხვ.
- 430 „ჩორნაია პანტერადან“ როკი ოდიშელი-
ამდე
- 439 „როკი“ანუ გზა სამშობლოსაკენ
- 445 დაკარგული გმირის ძიებაში
- 454 საგა როკი ოდიშელიაზე... უფრო მეტი
საგის შემქმნელზე და სხვათა შესახებ
- 460 ყუფუნეს „საგა როკი ოდიშელიაზე“ II
– მეგას (OMEGA – O-დიდი) სმოგში
- 481 სტილი ქმნის ადამიანს
- 537 შენიშვნები
- 552 სარჩევი

GURI OTOVAIA

ГУРИ ОТОБАИА

**FIXED TO
THE LIFE**
Flying ants
tesis

**ОБРЕЧЕННЫЙ
ЖИТЬ**
Крылатый муравей
тезис

გური ოტობაია

სიცოცხლისჯილბი

რომანი-ტრიადა

ფრთოსანი ჰინაჰგველა

THESIS

რედაქტორი

ნანა ხუფენია

წიგნი აიწყო და დაკაბადონდა შპს „აისში“,
პოლიგრაფიული უზრუნველყოფა —
ციფრული ბეჭდვის სტამბა „ბენე“.
ტორაჟი 300 ეგზემპლარი.
ფასი — 30 ლარი

თბილისი
2005

